



John (Oakley) Lettsom. M.D.F.R.S.
London.

Dum Spiras Spes.

N^o 2986.



Lc 3

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

MISCELLANEA CURIOSA
MEDICO-PHYSICA

A C A D E M I Æ

NATURÆ CURIOSORUM
SIVE

EPHEMERIDUM MEDICO-
PHYSICARUM

GERMANICARUM
ANNUS QUARTUS
ET QUINTUS

MDC LXXIII. & MDC LXXIV.

continens

Celeberrimorum Virorum tum Medi-
corum tum aliorum Eruditorum

In

Germania & extra Eam

OBSERVATIONES
MEDICAS PHYSICAS CHYMICAS

Accessit

A P P E N D I X ,

In qua

Nonnulla lectu haut indigna aut ingrata occurrent,

FRANCOFURTI & LIPSIAE

Sumptibus JOHANNIS FRIDERICI GLEDITSCHII Bibliopola Lipsiensis,
ANNO M DC LXXXVIII.

MEMORANDUM
FOR THE RECORD

DATE: [illegible]
TO: [illegible]
FROM: [illegible]

SUBJECT: [illegible]
[illegible text block]

[illegible text block]

[illegible text block]

POTENTISSIMO

AC

INVICTISSIMO

ROMANORUM

IMPERATORI

LEOPOLDO I.

PERPETUO AUGUSTO,

GERMANIÆ,

HUNGARIÆ,

BOHEMIÆ,

DALMATIÆ,

CROATIÆ,

SLAVONIÆ &c.

REGI.

)o(2

ARCHI-

ARCHIDUCI AUSTRIÆ,
BURGUNDIÆ,
BRABANTIÆ,
STIRIÆ,
CARINTHIÆ,
CARNIOLÆ
&
LUTZENBURGI,
WURTEMBERGÆ
ac
SILESIÆ
DUCI,
COMITI TIROLIS
&c. &c.

AUGU-



UGUSTISSIMA MAJESTATIS
TUÆ, INDULGENTISSIME CÆ-
SAR, Clementia, qua subjectis-
simam *Natura-Curiosorum A-*
cademiam non desinis respice-
re, immo benignissime fove-
re, eam fecunditatem *Societa-*
ti isti largita est, ut messes suas
annuas iterum humillime offerat atque consecret:
Tuo prorsum, DOMINE, allectamento & *istius* de-
votissima pientissimaque gratitudine, infrunitâ ne-
quaquam temeritate. Nam Opusculum, quod de-
dicatur, infra THRONOS tantopere VENERANDOS ni-
mium quantum abjectum est, nec ad SCEPTI as-
surgere MAJESTATEM potest, nisi HOC spontanea &
propitia Inclinatione *illud* erigat sublevetqve. Si
itaque mare amnes ex se ortos in suum redeunt
sinum pronè excipit; næ MAJESTAS TUA id, quod
pietas TUÆ TUTELÆ TUÆque MUNIFICENTIÆ de-
bet ac reddit, Clementissimo suscipiet Vultu. Ut
Augustissimo Majestatis Tuæ in Imperio dicta
Academia nata est, ut sub eodem protegi gestiit,
quin & impetravit deinceps, ut CÆSAR PATRONUM
IPSE SE haberi ferret, & Diplomatis, pro Academia
ac Legum Confirmatione, Splendidissimâ Pro-
mulgatione summopere Indulgentem SEMET præ-
staret; nec non denique Collectores Ephemer-
idum Academicarum Vratislavienses *Henricum Voll-*
gnadium & *Johannem Janisium*, aurearum IMAGINUN

è suis Torquibus pendentium nuperrimè . ex
CÆSAREA sanè MUNIFICENTIA, donari juberet.

Tanta Summæ CLEMENTIÆ Argumenta, cum
Academiæ Naturæ-Curiosorum & universim eoma-
tent splendore, qui Genere etiam Illustres Perso-
nas in eandē adducere valuit, & insuper singillatim
illi addictos Cultores opimo laboris præmio exor-
nent: Subjectissimi *Naturæ-Curiosi* omnes & quam
maximè *Collectores Ephemeridum* in Gloriosissimas
laudes & præsentis & futuro Nepotum, quoad ul-
lum erit, seculo devotissimè commendandas, se-
met effundent.

Atque hoc est, quod juxta Victoriosissima INVI-
CTISSIMI LEOPOLDI Trophæa perpetuum illi
Gratitudinis monumentum constituunt, BENEFA-
CTORI OPT:MAX. æterna debita profitentes.

Interea SUMMUS ILLE REGUM REX, qui IMPERA-
TOREM TE, DOMINE, jus sit esse, jubeat, ut AUGUSTIS-
SIMAM DOMUM AUSTRIACAM, MASculi SUCCESSO-
RES nunquam deficient! Idem, Potentissima Fe-
licissimaque Tua Arma ita secundet, ut IMPERIO
ROMANO-GERMANICO pax exoptatissima mox re-
deat! Sic AUGUSTISSIMI LEOPOLDI sub tutissi-
mâ umbrâ beatissimo gaudebunt otio, *Nunquam*
Otiosi,

SACR. CÆS. MAJESTATIS

subjectissimi

Academici Naturæ-Curiosi.



Ad Bibliopegam.

IN compingendo Anno IV. & V. Ephemeridum Physico Medicarum Curiosarum observetur:

1. Ut Folium, cui Tabulæ ad Observationem 27. & 94. pertinentes impressæ sunt, circumspectè dividantur, ac utriusque partis marginibus fimbriæ chartaceæ agglutinentur: &

2. Simili modo aliæ quædam Tabulæ adaptentur, ut debitam cum reliquis chartis formam adæquent.

3. Tabulas ad Observ. 166. omnino tres esse, scire juvet; licet quatuor in textu allegentur. Primam etenim datâ operâ omittere usum est, cum ipsa ex libris Anatomicis facile peti queat.

An den Buchbinder.

Die Bindung des Anni IV. & V. Ephemeridum Physico-Medicar. Curiosarum ist zu bemerken:

1. Daß der Bogen/ darauß die Kupfer-Figur ad Observ. 27. und 94. abgedruckt/sauber entzwen geschnitten/ und ieder Theil mit einer Leiste/ dem Format des Buches gemäß/ erlängert werde; und

2. Dergleichen Weise ecklichen anderen Kupfer-Blättern auszuhelffen.

3. Daß bey denen Figuren ad Observ. 166. nichts ermangelt/unangesehen derer im Textu viere beniehmnet sind. Die Erste ist mit Fleiß ausgelassen/ als welche anders gnugsam in Anatomicis Tabellis vorgestellt.



OBSERVATIO I.
D. Caroli Raygeri
De

Defectu Arteriarum Spermaticarum.



Um non ita pridem aliud quærens Excell. D.D. *Melch. Sebizzi* Præceptoris mei æternùm devenerandi *Speculum Medicinale Practicum* evolverem, & forte fortuna in *Part. IV. Sect. IX. c. 10.* invenirem, poni ab ipso inter alias læsæ Generationis causas defectum quoque naturalem Vasorum Spermaticorum, his verbis: *Abfuisse enim illa (Vasa sc. Spermatica) vel omnia, vel quædam solummodo, dissectio corporum planum facit*: Et nos in quodam cadavere Spermaticas abfuisse arterias observavimus, venas autem seminales adfuisse quidem, sed admodum tenues atque exiles, &c. In memoriam venit, notabilem hunc defectum & à me notatum *Argentinae* in solenni Anatomia Juvenis cujusdam suspendio necati. Ubi cum Anatomicus noster D.D. *Joh. Albert. Sebizius*, itidem Præceptor & Hospes meus perpetuò suspiciendus, in sequentis diei demonstrationem publicam vasa præparare vellet generationi inservientia, utrinque venas quidem Spermaticas legitimè oriundas, sed Arterias deprehendit nullas. Studiosè perscrutatus omnia, sed ne vestigium quidem illarum vel ex Aorta loco consueto egressus, vel legitimi cum venis progressus, aut in constitutionem corporis pyramidalis concursus invenit ullum. Non potuimus rei tam necessariæ absentiam satis mirari, oculis diffidentes propriis. Posse autem abesse, cum aliis imprimis testatur *C. Barthol. in Instit. Anat. l. 1. c. 21.* repetitque filius ejusd. *Clariss. Thomas in Anat. reformat. itid. l. 1. c. 21.* ut & *Riolanus Anthropol. l. 2. c. 25.* Quod tamen contra omnes negat accuratissimus Anatomicus *D. Regn. de Graef. in tract. de Vir. Organ. gener. inseru p. 40.* ex eâ ratione, quod si vas deferens a dsit, necessariò quoque vas adferens adesse debeat. Cui non immeritò adjungi potest alia quæstio: Unde nempè in horum vasorum defectu materiam nutritionis & Seminis accipiant Testiculi? Hos enim in nostro

A

subje-

subjecto non destitutos fuisse suo pabulo, illorum magnitudo & reliqua satis bona constitutio probavit: Nec semine caruisse ex eo constat, quod stimulis hic valdè tentatus libidinis, nam ob furtum commissum cum scorto deprehensus fuit, & alii alibi maritatum fuisse affirmarunt. At sine semine vix vel exiguus erit sensus libidinis, quod probant pueri, qui ob ætatem illud nondum habent, & Eunuchi, ob ablata vasa idem generare non valentes; Unde ancilla apud *Terent. in Eunuch.* Amatores mulierum esse audieram eos maximos, sed nihil potesse. Venas arteriarum loco suppeditasse sanguinem pro nutritione & generatione feminis frigidi quamvis & infæcundi, vitali Spiritu à corde per arterias communicando destituti, respondebunt ii, qui contra circulationem pugnant, quo collimare etiam videtur *Riolanus l. 5.* At præter assertam & invincibilem sanguinis Circulationis certitudinem obstat venarum structura Spermaticarum valvulis conspicuis prædita, quas eleganter exhibet *R. de Graef. in prælaudato tractatu suo.* Si ad succum nutritium per nervos influentem cum *Charletonio Oeconom. Anim. Exerc. X. Warthon. de Gland. c. 29. & D. Rogersio in Diatr. Introsoph. de Spermatosi l. 1. c. 13.* vellemus confugere, promississima & nutritionis & feminis adesset materia. Nec illa nobis ad Spermatosin deficeret, si cum *Bilsio* Lympham acciperemus per ductus Lymphaticos ad testes delatam. Sed hæc suo loco relinquenda. Mihi valdè probabile videtur, Naturam cum in hoc & aliis vasa fabricârît revehentia, aliunde & fortè non incommodè ex Arteriâ Hypogastricâ, cujus ramis aliàs ista regio irrigatur, vasis succurrisse deferentibus, ut habeant testiculi, ex quo & nutriantur & semen conficiant. Has dum ad finem deduxi lineas, percommodè in manus mihi venit Annus III. Ephemeridum Vestrarum, ubi maximâ cum lætitiâ hæc, quæ animo mecum conceperam, reverâ se habuisse & inventa fuisse in quodam subjecto humano deprehendi *Observ. 113.*

OBSERVATIO II.

D. Caroli Raygeri.

de

Lapide Serpentis Pileati.

NOn dubito, quin ingeniosiss. *Fr. Redi* hæc de materiâ utramque paginam absolverit in suis *Experimentis circa diversa Naturalia, & speciatim ex India allata, per literas ad R. P. Athanas. Kircherum S. 7.* exhibitis, quæ propediem videre exopto. Interea sequens habete Experimentum, quod

quod hoc Lapide binis vicibus mecum tentavit *D. D. Joach. Georg. Elsner*, Amicus meus integerrimus, nunc Urbis vestræ Medicus, quamprimum ipsi ejusdem, nescio unde, copia facta. Examinavimus primò lapidem, qui in omnibus externis conveniebat cum descriptione *Kircheri*, quam habet in *Magnetico suo Naturæ Regno sect. II. c. 5.* &, ut certiores essemus, detulimus ipsum ad prælaudatum Patrem, quem statim ac vidit, pro vero agnovit. Descendimus ergo in Officinam Pharmaceuticam, quæ in Collegio Romano habetur instructissima, & obtentis à Pharmacopœo viperis, unam ex illis elegimus grandiusculam, illamque naribus ligati cujusdam canis admovimus, quas ita mordendo vulneravit, ut sanguis inde largiter fuerit secutus. Lapis applicatus vulnere statim adhæsit per duas vel tres horas, tandem ex impetuosa canis agitatione decidit, nec ampliùs adhæsit, in lac projectus illud nec in substantiâ, nec qualitate mutavit. Solutus canis aufugit, benè valuit, & vivens adhuc Romæ à nobis relictus est, primis tamen diebus, ut audiivi, sanguinem minxit, an ab hoc vulnere, vel aliâ de causâ nescio. Lætus de felici successu Experimenti gratulari Amico cœpi de invento thesauro & obtento Lapide quavis gemmâ pretiosiore. Sed dum omnia diligentius annotarem, scribenti supervenit Magister meus Linguae Italicae, mihi quæ aliam historiam de morfu viperæ in cane suo recensuit: Exspatiatum nempe se aliquando in campum, secum ducendo parvum canem venaticum, qui hinc inde odorando vagatus imprudens in viperam incidit, à qua demorsus vehementer exclamavit, accurrisse ipsum subitò, & deprehensum vulnus in crure, facta ligatura superius, cultro dilataste, sanguinemque fortiter expressisse, sic quidem non extemplo canem mortuum, sed biennium, malè tamen valentem, supervixisse. Movit mihi hæc relatio scrupulum, an, quod canis ille noster servatus, lapidi, vel potius ligaturæ oris, ne canis sc. morderet, factæ, qua fortassis impeditum venenum, quo minus sanguini communicatum, sed potius cum illo, qui ex vulnere stillavit, iterum effluerit, tribuendum. Quare Paduæ denuò juncti reiteravimus experimentum. Exacerbata viperam ventri admovimus cujusdam canis, quæ statim ipsum infra Diaphragma momordit, nullo effluente sanguine, sed guttâ remanente limpidissimâ luteâ, quæ statim intravit cutim. Admotus lapis loco demorso, qui lividus factus adhæsit, & tribus quatuorve horis elapsus decidit. Solutus canis vinculis benè valere vilus, nihil tamen eâ vespere cibi sumsit, multum contra bibit, & tertiâ die, ut audiivi, nam mihi Venetias concedendum erat, mortuus. Alium canem eadem momordit vipera, quæ priorem, nulla tamen post repetitos morsus apparuit gutta liquoris illius lutei. Hinc statim canis surgere, discurrere, edere, bibere cœpit, & post duos dies aufugit. Cœpi dubitare de virtute Lapidis; cæteroquin in tribus confirmatus fui: (1) Si in talibus morfi-

morsibus statim fiat ligatura & incisio, sanguisque liberè fluat, posse servari vulneratos. (2.) Non dentes viperæ, ut multi credunt, esse venenatos, sed salivam, cum absque hujus effusione illius morsus sint innocui. (3.) Non quovis tempore viperam nocere morsu, sicut non semper scorpionem ictu, prout observavit ab initio laudatus *Fr. Redi in suis Observ. de Vip.*

(Videri hanc in rem etiam potest *Paul. Renealmus*, qui *Observ. 155. p. 118.* canes, scribit, à vipera demorsos non interire, sed post 24. horas tumefactas eorum partes ad naturalem constitutionem reverti, venenum in illis sensim extingui, appetitumque cibi & potus reviviscere, quod contingat ob *ἰδιόσυγκρασίαν* corporis &c.)

OBSERVATIO III.

D. Caroli Raygeri

De

Paracentesi in Ascitico, & de Fœmina Anasarca laboranti aperta.

IN Ascitico quodam ultra decem menses, institutam vidi Paracentesin Lutetii Parisiorum in Nosodochio B. Hostel Dieu vocato, ab illius Chirurgo jurato Mr. Petit sequenti modo & successu. Factâ in umbilicum incisione, & immisso canali ferreo binis transversis digitis longo, aquam extraxit primâ vice ad libram unam, canaliculum immisso Epistomio ritè clausit. Ita primò diebis, altero ter aqua in convenienti copia detracta. Nocte quæ tertium præcessit diem, de ingentibus intestinorum doloribus conquestus, & inquietus dormiens, recluso Epistomio sibi ipsi aquam educere cœpit, quod cum ritè loco suo reponere nequiret, fluxit aqua ad auroram usque & adventum Chirurgi: Unde pessimè se habuit, & unius vel alterius horæ interjectâ morâ vitam cum morte commutavit, juxta *Hipp. s. 6. Aph. 27.* Cadaver ejus apertum talia exhibuit. Abdomen ante sectionem ita erat tumidum ac distentum, ac si ne gutta humoris emissâ fuisset, quo incisione rectâ aperto serosus humor subflavi coloris in magna quantitate effluxit. Hac educta & sectione ulterius continuata, inter Peritonæum & Musculos abdominis aqua apparebat nulla, Peritonæum autem infra umbilicum conspiciebatur valde inflammatum ac rubescens, supra verò & circa situm hepatis quasi gangrænosum mucosâ quadam viscidaque materia alba circumcirca obductum, cui insuper sanguis nigricans in grumos concretus adhæsit. Intestina inflammatione ingenti & quasi Erysipelate erant correpta, (unde fortè isti cruciatus, de quibus conquerebatur,)

simi-

similemque materiam mucosam adjunctam habebant. Hepar genuino præditum colore ac duritie, nec nisi circa vesicam felleam albicantius conspiciebatur. Lien à statu naturali non recesserat, nisi quod vicinam habuerat vesicam aquâ plenam, quamvis tum ruptam. Pulmones boni erant & naturales. Vesica urinaria admodum parva, contracta, omnique urinâ destituta. Eodem die, quo hujus Ascitici extispicium institutum, per commodè etiam mortua fœmina Anasarca laborans, in cujus cadavere aperto sequentia notanda erant. Ex abdomine aqua effluxit ejusdem coloris, ut in viro, sed in minori copia, odoris quoque admodum foetidi. Peritonæum, omentum & intestina parvis scrofulis durioribus inquinata, valdeque inflammata, muco quoque plane ut in superiori undique obsita. Hepar per totam substantiam scrofulis scatuit diversæ magnitudinis, quarum majores imperialem excedebant, hæ per incisionem extractæ & apertæ materiam continebant albicantem & quasi tophaceam. Lien parvus & subrotundus, colore tamen naturali. Pulmones lividi, lobusque dexter inflammatus, ex quo inciso sanguis stillabat nigricans. Similem plane historiam referunt *Acta Med. Hassn. à Cl. Th. Barthol. edita Obs. 8.* Cæterum licet Paracentesis omnes ferè Medici commendent, mihi tamen salvo aliorum judicio videtur vel inutilis vel non necessaria. Inutilis, si interna adsit prava viscerum constitutio, si jam Hydrops nimium invaluit, si in fine admittatur, ut plerumque fieri solet, debili jam existente ægroto, tum non raro vita cum aqua effluit. Non necessaria, si interna ritè se habeant, & natura per se satis valida, aut medicamentis adjuta, saburram aquosam per loca convenientia expellere possit. Vid. in meam sententiam *River, P. M. Lib. II. c. 6. Fr. Joël, lib. V. Pract. S. I. de Hydr.*

OBSERVATIO IV.

D. Caroli Raygeri

De

Parotidibus.

Verissimum esse, quod asserto *P. Alpin. l. 7. M. M. præfag. ult. (citante M. Aurel. Sever. de recond. Absc. nat. l. 1. c. 29. ex quo etiam Riverius fortassis suum sumsit Theorema Instit. Med. lib. II. S. II. c. 3.)* Abscessus post aures perpetuò sunt suspecti, nam ferè superveniunt fractis viribus & videntur novas morborum attexere causas: vel ex sequentibus patebit Historiis. Illustriss. Comes ab Hardegat, magnæ spei Juvenis intra 17. & 18. ni fallor, annum, morbillis corripitur Argentine, à quibus curâ Medicorum extra periculum

constituitur, & liberatur die duodecimo vel decimo quarto. Postquam jam melius valere visus in hypocausto deambulare & literas domum de restituta sanitate exarare, coepit, subito in novam incidit febriculam cum virium omnium languore ac prostratione, erumpentibus inopinatò pone aures parotidibus, & licet omnia, quæ conducere videbantur, adhibita, nihilominus ille tertio vel quarto die in flore ætatis, ingenti suorum cum luctu, obiit. Fortè hæc Andegavi narravi Medico Urbis Nosodochio præfecto, cum ille manu me duceret ad lectum ægroti cujusdam, ecce, inquiens, hic periculosissima febris continua laboravit, sed jam apparentibus motu naturæ critico istis tumoribus, rectius se habet, & spero evasurum. Interrogatus ægrotus affirmabat, quæ Medicus dicebat, nihilque jam sibi molestius esse siti & virium languore. Hæc mihi displicuere, in memoriam revocando illud *Hippocr. in Coacis*: Qui morbi in malis signis levantur, & qui in bonis non remittunt, difficiles, ut & 2. *Aph.* 27. Non si quid in morbo præter rationem fiat levius, fidendum &c. quippe Crisis, quæ fit ad partem principem (utpote caput) perpetuò suspecta. Reversi altero die inquisivimus in istum ægrotum, sed ille circa mediam noctem mortuus cum admiratione Medici, qui fidem Observationi meæ tum demum dedit. Hic Posonii Anno 1671. in lepida puella undecim, credo, annorum mihi consanguinea, similes funestas notavi Parotides. Laboravit illa præteriti anni autumno morbillis, sed inde legitimè tractata penitus convaluit. Circa initium autem præfati Anni sine dolore apparuere tumores in collo, concomitante lentâ & levissimâ febriculâ, semper de nocte recurrente. Crevêre indies tumores, & aucta febris degeneravit in Hecticam, insequente Marasmo, quo totum corpus miserum in modum contabuit, ut cutis ossibus hæserit, donec mense Augusto vitam cum morte ingenti matris viduæ cum luctu commutavit. Hi tumores nullis remediis ad suppurationem deduci poterant, semper duri ad tactum manentes.

Quartum adjungo sed felicioris eventus Exemplum in Illustriss. cujusdam Comitissæ, qui primò nominatum consanguinitatis gradu attingebat, filiolo, Ottone Henrico. Convalescens hic Posonii An. 1670. ex morbillis sensit tubercula circa aures, cum febris quidem intermittente, singulis tamen diebus circa vesperam redeunte, afflictissimis parentibus priorem flebilem casum non ignorantibus. Ego verò nihil territus repetendo Alexiteria & Diaphoretica, (residuam enim à morbillis judicavi malignitatem eo expulsam,) & sub finem purgando ipsum feliciter per D. G. restitui. Est autem hoc morbi genus nostratibus in primis in juventute valde commune, & quandoque cum tali invadit signorum vehementia, ut meritò aliquem tempore in primis contagii & rei ignarum terreant, aut aliquid mali suspicari faciant. Remittit tamen ut plurimum

mum intra 24. horas morbi vis, & tubercula sensim sine suppuratione evanescent, ad quæ ne redeant, præservationis ergo communiter Cucurbitulas cum Scarificatione adhibent. De Parotidibus in maligna febre earundemque cura vid. *River. intr. de Febr. cap. de febr. pest. sub finem.*

OBSERVATIO V.

D. Caroli Raygeri.

De

Aurium Vermibus.

Non in intestinis tantum, sed in omnibus prope corporis humani cavitatibus vermes generari observant Observationum Scriptores. Fœmina quædam hîc Posonii in suburbio habitans per longum temporis spatium capitis auriumque divexata doloribus, tandem Chirurgum accessit, petens auxilium, credere enim sibi aliquando sub dio dormienti aliquod animal in aurem dextram irrepsisse. Applicuit iste subridens Cataplasma, & quæ nescio alia. Sed ecce cum quadam die de ingentibus lancinantibus doloribus conquereretur, aurem inspexit, vermesque deprehendit, quorum in mea & D. D. Zolicoferi, nunc Archiatr. Bregens. præsentia complures extraxit albos, cum capitulis nigricantibus illis similes, qui in pyris vel avellanis nasci & inveniri solent: Inclusi tres chartæ bibulæ domum eos portaturus, & ad Microscopium examinaturus, sed cum illos eximere vellem in arrosa vel attrita charta, quamvis nihil præterea in illo sacco habuerim, nullum invenio nisi unicum extra eum in sacco, quo reliqui aufugerint, nescio. Videbantur autem vermes non irrepsisse, sed geniti fuisse ex ulcere, id quod fieri posse ex Observationibus constat. Mulier adhibitis fomentis ex herbis vermes necantibus, & ulcus aurium (nam pus quoque & sanguis ex illis fluxerat) consolidantibus, convaluit. Similes plane vermes annotavit *Henr. à Moinichen Obs. 16. à Th. Barth. Cultro Anat. Lyseri annexa.*

OBSERVATIO VI.

D. Caroli Raygeri.

De

Repentina Morte cum totius Corporis Inflatione.

TExtoris, nostris in ædibus hîc habitantis, filia 15. annorum de compressione cordis ventrisque dolore diu conquesta, pedes intumescere cœpit. Dedi

Dedi pulverem consuetum purgantem, quo satis purgata, sequentibus diebus decoctum prunorum cum fol. Sena, Rhab. & Crem. [¶] Pri aliàs sibi familiare sum-
sit. Inde melius habere sibi visa ad consueta rediit munia. Verùm 25 Martii
1670, parùm quasi in facie & reliquo corpore inflata videbatur, nihil tamen
hæc curans puella sua peragit, domo exit quasi optimè sana. Circa vesperam
inopinatò convulsionibus tentatur Epilepticis, iisque adhibitis licet adhiben-
dis, circa mediam noctem, postquam per duas horas continuò clamasset, &
interrogata ad nihil respondisset, extincta. Intumuit ita post mortem corpus,
ut vultus vix dignosci, venter verò medius rumpi crederetur. Dubium unde
ista totius corporis intumescencia & subitanea insequens mors? An à vermino-
sa materia ita ebulliente? Laborasse enim antea ex vermibus constitit. At
procul dubio illius materiæ vis fracta per crebras & reiteratas purgationes fui-
set. An ab accepto veneno aut re venenata unà cum rebus comestibilibus,
quas sine ordine, sine ratione ingessit varias, assumpta? Hoc valde verisimile
circumstantibus visum, & tale quid in simili subitanea morte filix Carthianæ
etiam suspicatus Sennert. Cent. I. Ep. 26. An à sanguine menstruo inordinata
Diata peculiariter corrupto & in motu impedito? Hoc mihi probabile, cum
puella in illo tempore constituta, ubi aliàs menses erumpere soleant. Quas au-
tem & quantas turbas hic sanguis sive per menstrua, sive per lochia expurgari
suetus, si substiterit, ciere possit, pleni sunt Medicorum libri, plena Asclepia-
dæa vetustas. Addam de meo historiam confirmationis ergò ob similem even-
tum huic, quam proposui, non dissimilem. Accersitus eo ipso ad molitoris
cujusdam uxorem, jam sexto mense gravidam, illam cubantem in lecto, diffi-
culter ac nonnisi cum anhelitu respirantem inveni, pulsu nihil mutato. Inter-
rogata de dispnoea & cordis anxietate querebatur, ventremque se jam à septem
diebus non deposuisse, proinde continua torqueri assidendi necessitate, nihil
præter phlegma exeunte. Ego juxta Hipp. 5. 7. Aph, 27. infallibile abortus
signum inde depromens, jussi applicari per obstetricem Enema εὐπρόεισον, &
præscriptis aliis affectum concernentibus, foetum autem imprimis roboranti-
bus, discessi. Altero die summo manè reversus eam in longè periculosiori sta-
tu inveni. Tam horribili afflicta erat misera dispnoeâ, ut nec stare, nec jacere
in lecto potuerit, sed humi sedere coacta tuerit: nisi sanguinem ex Mediana,
sed cum nec repetiti clysteres quidquam juvarent, infans mortuus, illaque in
procinctu abortiendi erat juxta effatum obstetricis, atque adeò undique de-
speratâ re, dedi Aqua nostr. Laxat. Off. ʒiiss. Paulò post abortit puellum mor-
tuum bene conformatum. Post puerperium bis vel ter laxata alvus excrevit
nigra, dura, adusta: Exinde melius sese habuit, respiratio rediit facilis, fluxere
convenienter purgamenta in tertium usque diem, ubi derepente sine evidenti
causa

causa circa meridiem minui, circa vesperam subsistere coepere lochia : Svasi statim V. S. in talo, quam circumstantes me invito in crastinum differre maluerunt. Exhibui tamen interna fluxum promoventia non neglectis externis. Vix discessi, ecce venter mirum in modum intumuit, illa insigniter incepit delirare, hinc inde se volutare, evomere phlegma quoddam nigrum, ac si atramentum immistum esset. Duabus horis elapsis iterum vocor, sed in statu eam inveni desperato, animam jamjam agebat, pulsus deficiebat, ventris intumescencia ita crescebat, ut ad collum usque ascendere videretur, ita quidquid hic præstitum, circa undecimam noctis exspiravit. Hujus tam tristis & subitaneæ mortis causam non possum nisi in Lochia peculiariter corrupta & detenta conjicere.

OBSERVATIO VII.

D. Caroli Raygeri

De

Pleuritide post Morbillos sine V. S. curata.

Venæ sectionem in Pleuritide tantum non omnes Medici tam veteres, quam recentiores commendant : illam contra *Helmontius* non modò dissuadet, verum etiam tanquam nocivam improbat *tract. de Febr. c. 4.* & faventem quodammodò habet *Hippocratem*, qui sive ab initio sive postea lateris dolorem calefactoriis tentare suadet dissolvere *lib. de Vict. Rat. in Acut. t. II. § 12.* expressè habet : *Solvit autem hujusmodi mollitorium fomentum etiam dolores ad claviculam pertingentes. Sectio autem venæ similiter non solvit.* Quod quidem alii de Pleuritide spuriam à flatibus, non de vera & exquisita dictum volunt. Refert *Henric. à Moinichen in Obs. II. cultro Lyseri anatom. à Barth. annexa*, *Josephum Aromatarium* omissa V. S. & purgatione solum C. C. in aqua rutæ capraræ exhibuisse, atque ita Nobilem Pleuriticum feliciter curasse, quod jam sæpius & prosperè ab ipso tentatur. Meminit etiam cujusdam Viri Clarissimi Romæ, qui spiritu quodam thoracem & pectus inungit, sicque sine V. S. vel purgatione Pleuriticos restituit, maxime morbi in principio. His addere lubet sequentem observationem. Octo annorum puella, consanguineæ mæx filia, postquam sana & benè valens cubitum ivisset, noctu inquietius dormivit, sensit adjacens mater calorem quendam præternaturalem, & in expergesactæ vultu manè maculas quasdam notavit rubras. Vocatus statim pro morbillis epidemialiter tum

grassantibus habui, præscripsi pulverem expellentem ter in die exhibendum. Altero die reversus nec majores, nec minores, nec plures inveni maculas, pulsus erat mutatus ab hesterno, non tamen omnem abesse calorem arguebat. Jussi insisti expellentibus. Tertio die circa vesperam iterum ipsam visitans, maculas, ut jam per triduum in sola facie, in toto corpore reperi nullas. Læta insuper ægrota se nihil præter tormina ventris quædam sentire aiebat, nam per tres dies erat constipata. Ordinavi Clysterem, jam de morbo, qui non more consueto augebatur, sed potius imminutus, dubitabundus: ex quo tres largas habuit evacuationes, & ecce derepentè calor auctus, delirium introduxit insomne, manè appellatus totum corpusculum cum admiratione morbillis impletum vidi. Credidi, abundantibus in corpore excrementis, naturam quasi oppressam non potuisse ad illorum expulsionem concurrere. Id quod etiam hac æstate observavi in quodam alio, cujus jam in octavum diem ægrotantis calore non excessivo detenti, post laxativum totum corpus copiosissimis fœdatum unâ nocte est petechiis, exemplo tamen non semper imitando. Sed ad nostram: Consolatus matrem bono animo esse jussi, præscriptis præscribendis. Septimo post primam invasionem die disparuere maculæ nunquam satis rubicundæ, sed semper pallidiores, calor autem febrilis non modò non imminutus, sed potius auctus, tussis urgebat, vehemens dolor circa cor, imprimis in sinistro latere novum malum prædicebat, quare si quid maligni adhuc superesset, ut extruderetur, potiunculam præscripsi sudoriferam ex *Aq. Scorzon. Diascord. Fracast. & Mixt. simpl.* qua largiter sudavit, neque tamen calor aut dolor lateris (quem illa cordis dolorem ex inscitia nominavit, & nobis quoque primâ fronte imposuit:) aut tussis vehementia cessavit. Continuavi Diaphoreticis, & loco dolenti imponi curavi Cataplasma conveniens, sicque die duodecimo inopinato ruptum Apostema, & sanguinem exspuit primò instar loturæ carniū, mox subsecutum aliud sputum album crassum striatum. Exhibui Antipleuritica, imprimis autem Oleum Lini, (quod tantoperè commendat *Gesnerus*, & cujus usum approbatum habeo:) cum *speciebus diaireos*, quibus auxiliante DEO felicissimè restituta. Mansit per aliquod tempus calor quasi hecticæ initium, quem usu lactis caprilli penitus extinxi.



OBSERVATIO VIII.

D. Caroli Raygeri

de

*Pleuritico curato, cui ex assumpto incautè Vomitorio
varia Symptomata.*

UTi omnia medicamenta, si rectè & commodè exhibeantur, auxiliatrices sunt DEI manus, sin malè & sinistrè, deleteria fiunt ac venena : Ita imprimis ex illis vomitoria, utut conferant commodè data, nocent sine ratione propinata. Vinitor quidam hîc in suburbio habitans ex arbore lapsus in sinistrum latus incidit, aperta vena & sumto unguento rubro potabili, nihil amplius sensit incommodi. Elapsis tribus septimanis novos in illo latere & quidem punctorios percepit dolores cum febris continua, sputo sanguineo &c. Tractavi ut Pleuriticum, & per D. G. optimè restitui, dato ipsi sub finem decocto pectorali laxativo ad aliquot dies, quo licet benè purgatus, sibi tamen non satis videbatur, urfit adhuc aliam purgationem, quam promisi post reditum meum, (stabam enim in procinctu peregrè abeundi:) relinqueret interea Naturæ negotium, non esse periculum in mora. Cujus tamen impatiens hic patiens, benè cæteroquin se habens, ex sola pertinaci imaginatione sibi adhuc semel esse purgandum, nec diutius differendum, intravit Officinam Pharmacævicam, & à Pharmacopœo Medicamentum petiit fortiter purgans & vomitorium. Datus ipsi ab inconsiderato juvene tum temporis præsentis pulvis, quo nec per superiora nec per inferiora purgatus. Miratus Pharmacopœus altero die talia narranti aliam dosin duplo majorem priore dedit. Sed & hæc nihil præter duas dejectiones effecit. Tandem tertîa vice ex nescio quo Medicamento, (nunquam enim hoc unà cum prioribus duobus à Pharmacopœo rescire potui,) bis vomuit, & aliquoties alvum deposuit. Nec mora statim post operationem in languorem incidit totius corporis, sensit dolores infimi ventris, imprimis lumborum & inguinum, nec moveri, nec incedere potuit, sed semper in uno latere jacere coactus, pede sinistro planè immobili & sine sensu, ac urinâ non nisi cum difficultate fluente. Dedi, omnium, quæ in absentia mea gesta, inscius, in consilium tamen iterum vocatus, nec causam horum Symptomatum mirando vel indagando assequens, purgationem ordinariam ex salibus cum Magisterio Jalapæ, ex qua plus quàm quindecies purgatus, sumsit postea decoctum Foresti Anti-Nephriticum cum Tinct. \square ri ad exturban-

dum sabulum vel calculum, à quo stuporem pedis, lumborum dolorem, & urinæ difficultatem oriri conjiciebam, omnia tamen frustra. Tandem subito urina reddita clarior, liberè fluxit, dolores reliquere lumbos & ingvina, horribiliter contrà invasere utraque crura, inprimis totum pedem sinistrum, hinc in dextro aperta vena, adhibita aqua Arthritica cum spiritu juniperi lubrificato, & essentia Castorei, ut & pulvere Jumali ex herba Sabinæ, Camphora, Agallocho, Myrrha, &c. dolorum quidem remisit vehementia, sed tamen diu lecto detentus pedi sinistro insistere nequivit. Ita mirè divexatus convaluit postmodum, confessus prius suam culpam, me interrogando, an fortè ex tam fortibus & repetitis medicamentis hæc omnia? Obstupui talia audiendo, & miratus tantum, quod ex istis vomitoriis ter repetitis non inciderit in Hæmoptysin.

OBSERVATIO IX.

D. Caroli Raygeri

De

Paralysi universali post Variolas.

DUodecimannorum puella, civis hujus loci honesti filia, post variolas ex animi mœrore & subita quadam consternatione An. 1672, mens. Jul. in novam incidit febrim acutam, qua licet curatâ, remansit tamen sine omni motu membrorum, ut nec pedes, nec manus suo officio fungi valuerint, ita, quod vel maxime notandum, resolutis colli & dorsi vertebis, ut nec sedere, nec erectâ cervice bibere potuerit, sed opus habuerit semper manu sustineri alterius. Sic per 24. septimanas jacuit misera sibi relicta, quia jam de ejus restitutione desperabant parentes. Hoc anno circa initium veris denuò febris corripitur malignâ cum petechiis, tùm in manus devenit meas, quam etiam, DEO sit laus, feliciter restitui, finitoque hoc morbo Paralysi quoque mederi cœpi, & intra tres septimanas, factis inunctionibus, & apposis Emplastris ad nucham membrorumque articulationes, eò deduxi, ut erecta sedere, manusque movere potuerit. Ex thermis autem Mandersdorffensibus planè convaluit, jamque adhuc erecta & sine labore incedit.

Notandum in hac petechiis, laborante die undecimo in sinistro latere infra costas vesiculam erupisse, medii imperialis magnitudine non aliter, ac si vesicatorium ea in parte appositum fuisset. Territa mater pro carbunculo habuit, ego verò pro pustula ex seroso & acri humore (qui tales quandoque etiam minores instar variolarum cum petechiis hoc anno sæpius observavi,) aperui, imposito

posito folio brassicæ cum butyro recenti, tanquam pustulam ex vesicatorio tractavi, qui percurata, & morbus solutus. Cæterum à quam causa ista Paralysis & resolutio membrorum orta, meritò dubitatur, an à malignitate quadam variolarum residua per Diaphoretica non satis discussa, sed nova ebullitione in genus nervosum diffusa? An verò à terrore & magna consternatione? quæ quantum valeat, non multis attinet aliunde probare. Retulit mihi hujus ægrotae noverca, aviam suam ex nuncio, quod duo in insidiis laterent, quo maritum per plateam euntem interficerent, ita consternatam fuisse, ut subitò paralytica facta ad mortem usque permanerit.

OBSERVATIO X.

D. Caroli Raygeri

De

*Cardialgia miris stipata Symptomâtibus,
tandem lethali.*

Vir Senatorii quondam apud nos Ordinis, temperamento sanguineus, corpore præditus obefiori, doloribus quidem obnoxius Nephriticis, cæterum sanus & benè valens, A. ætatis suæ 34. ex mœrore animi ob calamitosissima hæc tempora, sensim, sine febris tamen manifesta, contabescere cœpit, de nulla re conquestus aliâ, quàm de præcordiorum compressione & Anorexia, credidit tamen hæc omnia à calculo quodam oriri, & à neglecto usu thermarum, singulis annis aliàs consueto. Sed circa festa Natalitia rem serio agi, & dolores quasi morsus ex sinistro latere versus cor ascendentes sensit, qui etiam de die in diem exacerbati, singulis tamen trinis diebus tantum vehementius infestarunt. Horum prodromus semper erat nasi extremitatis refrigeratio sensibilis. Tandem singulis diebus circa vesperam recrudit hic morbus, verè *καρδιαγῆς*, ita enormis, ut clamare vehementissimè coactus fuerit, interea manus & pes dextri lateris continuò tremebat, sinistrum verò latus, ubi tamen dolores erant, quievit. Sic quandoque per totam noctem miserè divexatus, circa auroram recedentibus cruciatibus sensit levamen. Alvum perpetuò adstrictam clysteria aut propinata laxativa solvebant quidem, sed statim commovebant etiam dolores. Excrementa sive per purgationes sive naturaliter reddita, quod sub finem morbi, (cum ex metu cruciatuum nec clysterem, nec laxativum sumere vellet,) sed non nisi de tertio in tertium diem factum, semper erant solida & benè concocta, ac si optimè sani essent hominis. Pulsus nunquam mutatus, nisi sensim debilior factus. Deglutitio insuper

mirum in modum erat læsa ; nam solida deglutiebat facillimè, liquida verò neutiquam, ita ut sitim intensam, absque tamen calore febrili, nunquam potuerit potu restinguere, sed aquam cochleatim tantum, ut & alia medicamenta liquida sorbere debuerit, statim superveniente enormi quadam salivatione, quæ descensum liquidorum impedivit, quamvis & fluxus hujus pituitæ lentæ ac viscidæ semper & per totum morbum usque ad finem vitæ duraverit, ut quandoque singulis diebus aliquot vascula hac materiâ impleverit. Tandem ex vehementia morbi ita contabescens, ut cutis ossibus hæreret, circa initium Maji hujus anni placidè exspiravit. Dolor adeò pertinax nullis cedebat remediis, nisi exhibitis granis duobus Laudani nostri de tribus dicti, cum Magisterio Perlarum vel Oculorum Cancris in Aq. fl. Arant. tùm enim ad miraculum usque quasi in momento omnis evanuit cruciatus, & noctem insequentem cum somno placidissimo transegit patiens. Cætera omnia quæcunque adhibita vel nihil profuere, vel dolores exacerbarunt.

OBSERVATIO XI.

D. Caroli Raygeri

De

Asthmatica aperta.

HOc anno circa finem Januarii, mortua Matrona quædam nobilissima, generosi Domini Sigray relicta vidua, per triennium Asthmate periodico detenta. Hanc humi sedentem, erectâ cervice respirantem, pedes & ventrem tumidam biduo ante mortem cum ordinario aliàs Medico D. D. Schilpachero Amico meo plurimum honorando visitavi. Cum adstantes vomitorium urgerent, nos verò summam virium prostrationem, & extrema instare adverteremus, timendo ne in ipsa operatione medicamento ægra deficeret, illudque ac si eo strangulata fuisset nobiscum diffamaretur, postulatum cautè declinavimus, alia præscribendo. Avidus filius sciendi, unde hæc dispnoea aperiendam concessit. Dissecto itaque thorace, ubi omnes aliàs Medici veram sedem figunt Asthmatis, in Pulmonibus nihil neque viscosi, neque serosi, neque impacti quidquam in illorum bronchiis observavimus, sed benè constitutos ac laudabiles invenimus, præterquam quod exiguis fibrillis hinc inde in primis in dextro latere pleuræ adnexi hæserint. In hoc tamen non acquievimus, cum vitium illud à prima conformatione videretur, ipsa verò à triennio demùm Asthmatica. Continuavimus itaque sectionem ventremque,

qui,

qui, ac si Hydropica fuisset, distentus erat, aperuimus, sed remotis integumentis, ne gutta effluxit aquæ, intestina verò omnia inprimis jejuna, mirè inflata, distenta & tota vacua conspecta, lien bonus ut & hepar laudabile, vesicula fellea magna, aperta nihil continuit bilis, sed lapidem inclusum habuit magnum inæqualem pondere quatuor Drachm. off. Hinc conclusimus, Asthma fuisse flatuosum, & flatulentiam auxisse alvi constipationem propè continuam, ortam procul dubio à defectu bilis, nam per aliquod tempus nunquam nisi clysteriis aut aquis laxativis sollicitata alvus suum fecit officium, ad omnia autem purgantia melius se habuit. Vidimus etiam, frustra quod à nobis exhibitum fuisset vomitorium, siquidem materia non impacta fuit pulmonibus, flatus verò per superiora vel pauci vel prorsus nulli evacuantur.

OBSERVATIO XII.

D. Caroli Raygeri

De

*Abscessu Abdominis ingenti & raræ Magnitudinis
feliciter curato.*

NUnquam desperandum in morbis, & utcunque difficiles & incurabiles appareant, nullo modo tamen ægrotum relinquendum Prognosticis, præter Hippocr. de Artic. v. 68. etiam sequens nos docet historia rara & admiranda affectus duodecennalis juvenis cujusdam à tot Medicis, à tot Chirurgis tractati, à tot iterùm derelicti, mortique certissimè adjudicati; hac verò præteritâ æstate præter omnem spem & expectationem, divinâ favente gratiâ, restituti ac curati. Johannes is erat N. Mercaturæ deditus, Viennæ in ædibus Affinis mei, qui 14. ætatis anno in vomitus incidit biliosos per duos continuos annos durantes, ita ut singulis septimanis ad minimum semel vel bis prægressis ingentibus capitis doloribus morsibusque ventriculi, vomere coactus fuerit, quod ut faciliùs perageret, prout putavit, quandoque toto die, nam manè surgens ex regurgitatione bilis vomitum sibi quasi semper prædixerat, ab omni cibo & potu abstinuit. Dum hæc fiunt, in dextro hypochondrio tumorem quendam oriri sensit, nucis primò avellanæ magnitudine, mox ita incrementem, ut non modò totum dextrum latus ab inguine usque ad costas, verùm etiam regionem ventriculi occupaverit, & usque ad sinistrum hypochondrium sese extenderit, accessere ingentes lumborum dolores, qui vix sedendi facultatem permisere. Vocati in consilium Clarissimi Medici, qui pro
scirrho

scirrho hepatis habentes hanc duritiem variis remediis externis internisque tollere tentarunt, sed frustra omnia, incrementum indies & augmentum fumente tumore, qui tamen post duorum annorum omnimodam à medicamentis abstinentioniam sponte in itinere quodam Styriam versus suscepto evanuit, venterque cum lateribus planè ad justam & pristinam redactus magnitudinem. Insecuta duorum annorum perfecta & optima sanitas, his elapsis venter iterum intumuit, nostro hoc negligente, donec An. 1669. iterum planè ut antea in dextro hypochondrio novum orientem deprehendit tumorem, celerrimè utrumque occupantem latus & indurantem. Hic ille denuò Medicorum imploravit auxilium, meo aliorumque suasu ad Acidulas profectus Jarmersdorffenses, quas & bibit, & coctas, ut ibi moris, balnei loco adhibuit, sed his nihil proficientibus iterum domum concessit. Hic longum esset enarrare, quot Medicis, Medicaltris, Agyrtis usus fuerit hic juvenis vivendi & auxilii cupidus; Sufficit dixisse eum circa finem anni præteriti 1672. planè ad extrema redactum fuisse, ventrem ita crevisse, ut in ambitu duas ulnas Viennenses comprehenderit, & suprâ scirrhosam duritiem abdominis, lumborumque cruciatus, dolorem etiam ad testiculum dextrumque pedem pertigisse, quo hic tribus digitis brevior factus altero. In hyeme hujus anni circa umbilicum parva apparuere foraminula, ac si natura ipsa ibi molita fuisset materię intus contentę exturbationem, sed, à nescio quo imprudenter iterum consolidata. Ita derelictus prognosticis usque in Majum jacuit, ubi ipsius misertus Chirurgus quidam Viennensis, *Daniel Schrader*, Bremâ oriundus, qui præmissis præmittendis corrosivo obliquè ad digiti longitudinem aperuit latus, extraxitque singulis diebus unam cum dimidia mensuram (plus minus) puris albi, subviridis, primò crassi, mox liquidioris, valdè foetidi, idque viginti diebus continuavit, quo tempore cfluxere 44. mensurę, exeunte per partes etiam membrana, qua propriâ continebatur hic abscessus. Ita auxilio inprimis divini Numinis, curâ dein & industriâ præfati Chirurgi juvenis hic mortis ereptus, in integrum restitutus jam sanus vivit valetque. Credibile autem, vas aliquod ex fortissimis vomitionibus, quas hic jejuno exercuit corpore, ruptum, & extravasatum sanguinem causam primam dedisse abscessus. Deinde pus inter Peritonæum & musculos abdominis in propria latuisse membrana, neque ad illud corrosivum penetrasse, aliàs etiam excidissent intestina. Tertiò notandum, hinc naturam æquè ac in abscessu, de quo anno superiori mentionem feci, per umbilicum exitum materię tentasse, nisi imprudenter in opere fuisset impedita.

(In litteris Anno 1672. ad Collectores Ephemerid. *Uratislav.* missis.)

OBSERVATIO XIII.

D. Salomonis Braunii

De

Menorchite satis fecundo.

Villicus quidam Monorchis in agro Rhætensi (im Rieß) dum Nerolin-
gæ adhuc Practicum agerem, me accessit de stranguria conquerens, &
inter alia interrogans, num unicus ille testiculus forsan in causa esset hu-
jus affectûs? rursusque instanti mihi & sciscitanti, num aliàs huic malo ob-
noxius fuisset? aut in maritali officio procreationeque liberorum impedin-
tum aliquod passus esset? respondit, nullam planè se unquam antehac mole-
stiam inde percepisse, multorumque liberorum utriusque sexûs jam patrem
esse; Dimisi sic eum præscriptis remediis convenientibus, quibus mox sanitati
priori fuit restitutus, proque his gratias habuit.

OBSERVATIO XIV.

D. Salomonis Braunii

De

Iride Lunari.

ANnò præteritò LXXI. mense Octobrî, cum summo mane ante exor-
tum Solis die 4. vel 5. post plenilunium, equestri itinere ad cœnobium
quoddam & visitandos ægrotos ibidem contenderem, ecce à sinistris
orientem versus sese in nubibus nebulosis Iris quædam obtulit, omnibus nu-
meris, exceptis coloribus flavô & rubeo, absolutissima; Arcus enim erat
satis magnus instar Iridis Solaris perfectô semicirculô spectabilis, cujus cor-
nua duo utrinque terræ insistebant, coloresque præ se ferebat album & cœ-
ruleum, qui absentibus aliis duobus jam dictis, eò clariùs & distinctiùs sese præ-
sentabant; Luna verò à dextris ad octuagesimum circiter gradum versus occi-
dentem adhuc elevata stabat clarô cœlô, ita ut ego medius inter illam & Iridem
sive arcum incederem. Halonem non fuisse inde constat, quod à regione Lunæ
staret hic arcus semicirculi formâ, cum halo Lunam ipsam planô semper circulô
cingat; neque Soli originem suam debuisse, latente istô multis gradibus sub
horizonte nostro. Ego Iridem lunarem censui appellandam,
salvo secûs sentientium judiciô.

OBSERVATIO XV.

D. Salomonis Braunii

De

Cerevisia è Mamma excreta.

IN honesta quadam Matrona puerpera ex vulnere circa papillam sinistrae mammae, pro educenda materia ibidem ex suppuratione collecta, inflicto, quadam die, ubi deligandum erat vulnus, remotò cum turundula emplastrò, vidi effluere ipsam cerevisiam, paulò ante assumtam, in ipsa ferè substantia, qualitate & quantitate, manifestissimò sese odore ac parùm mutato in pallidum colore prodeuntem.

OBSERVATIO XVI.

D. Salomonis Braunii

De

Uvulae Usu.

HOminem quoque novi, qui amissam ex morbo uvulam, quamvis nulla vicinarum partium fuerit læsa, nunquam tamen deinde potuit voces articulatas proferre, præsertim ubi ex literis, quæ in gutture formari solent, & gutturales vocantur, vox quædam constabat. Unde evidentissima ratio, uvulam ad formationem & modulationem vocis non parùm conferre.

[*Ex litteris Biberaco Suvinfurtum, ad Magnif. Dn. D. Fehr. missis.*]
Vid. infr. Obs. 66.

OBSERVATIO XVII.

D. Valentini Andreae Moellenbrocci

De

Morte ex Potu Spiritus Vini.

Vino ejusque spiritui vim narcoticam inesse, Medici moderni ferè omnes consentiunt, unde multi copiosius ac incautè ea haurientes, omni sensu motuque ablato, subito pereunt. *Zacut. Lusit. lib. 1. de Med. Princip.*

cip. hist. 6. p. 10. refert de Aulico quodam, qui cum in villam voluptatis causâ concederet, in cellam vinariam fortè ingressus, ita ab odore vini perculsus est, ut in terram sideratus, ac si fulmine ictus esset, cadens, intra tres horas exanimis, apoplexiâque correptus & stertens vitam cum morte commutavit. Quosdam etiam vino velejus spiritu inebriatos, in curru vellecto mortuos inventos esse, hodie multis notum est. Exempla etiam videri possunt apud *Forestum lib. 9. Observ. 27. p. m. 282. Zacutum lib. 5. Prax. admir. 126. &c. Dn. Th. Bartholin. Centur. 3. hist. 56. p. 109.* recenset quosdam ex nimia ingurgitatione vini adusti extinctos esse, ubi & *Cent. 1. hist. 70. p. 120.* simul meminit quorundam, quibus flamma ex ore exilierit. Simile ante 18. annos accidit Patricio cuidam Erffurtenfi, quem noctu vocatus inveni mortuum, flammâ spiritus vini, quem in nimia copia assumerat, ex ore ejus exeunte. *Sennert. l. 1. Med. Pract. part. 2. cap. 33. p. 660.* refert, de infante quodam, qui, cum in conclavi à parentibus domo egressis, ne extra domum vagaretur, conclusus, magnam partem spiritus vini exhausisset, à parentibus domum reversis, humiprostratus, vitrum, in quo spiritus vini fuit, in brachiis tenens, semimortuus inventus, paulò post expiravit. Idem contigisset anno O. R. 1642. Erffurti officarii cujusdam Suecici filio 7. annorum, nisi statim convenientia remedia ipsi exhibita fuissent. Ubi nonnulli commendant lac, præprimis verò caprinum, alii muriam brassicæ capitatae, jam citatus *Bartholinus Cent. 3. hist. 56. p. 109.* scribit. *Dn. Simon. Pauli*, teste *Dn. Rolfincio lib. 4. Consult. 13. p. 525.* juvenem, cui flamma ipsa post usum vini adusti nimium ex ore prodibat, solo C. C. philosophicè præparato, cum admiratione se restituisse asserit.

OBSERVATIO XVIII.

D. Valentini Andreae Moellenbrocci

De

Repentina Morte à Veneno latente.

NNn ita pridem hîc aurifabri cujusdam discipulus 16. annorum, ad alterum aurifabrum missus, in hujus januæ limine subitò prolapsus, vitâ excessit. Hujus subitanæ mortis causam nonnulli apoplexiam, qua homines interdum ceu fulmine icti subitò concidunt, fuisse existimarunt. Verùm cum apoplexia secundum *Hippocr. aphor. 31. sect. 3.* morbus senum sit, & juxta ejusd. *aphor. 57. sect. 6.* Apoplectici fiant à quadragesimo anno ad sexagesimum, atque propterea ætas hæc rarò ei obnoxia sit, eam potiùs veneno in

corpore latitanti, subitoque cor occupanti, imposui, idque huic haud difficulter contingere potuit, quod fumum argenti vivi, quo aurifabri ad inauranda pocula utuntur, sine dubio incautè & copiosè hauserit. Venenum autem in corpore nostro generari, ibidemque latens repentè vires suas exerere, ac principem aliquam partem invadens, improvisò hominem jugulare posse, autores multi asserunt. V. *Zacut. Lusit. lib. 1. de Med. Princip. histor. 52. p. m. 89. lib. 2. histor. 20. p. 214. & lib. 3. Prax. admir. Observ. 132. p. 137.* idque exempla non pauca docent, instar omnium sit, quod *Stephan. Roderic. Castrens. tr. Quæ ex quibus lib. 2. cap. 7. p. 86.* refert de juvene subito mortuo, cui statim post obitum, extrà in regione cordis sideratio seu livor ingentis latitudinis apparuit, intus nihil mali fuit repertum. Scorbuticos etiam, humore scorbutico ebulliente, ac principem aliquam partem malignitate suâ inficientè, syncope ac subitanè morte periisse, ex tractatus mei de *Arthrit. vag. Scorb. nuperrimè editi dedicatione, & cap. 3. §. 16. p. 35.* patet.

OBSERVATIO XIX.

D. Valentini Audreæ Moellenbrocci

De

Inopina Morte.

MATRONA quædam 63. annorum aliquandiu de imbecillitate ventriculi & dispnoëa conquesta, ob lassitudinem nimiam lecto se committens, nullà præsentè febre, nullo dolore, nulloque alio periculoso Symptomate, nec omiſſis optimis convenientibus remediis, intra paucos dies præter omnium spem, sensibus adhuc integris quietè obdormivit. Causam hujus inopinæ mortis itidem veneno latenti ascribendam esse vero consentaneum est. Multi enim moriuntur, non ex vi morbi, sed, ut in proximâ Observatione dictum, ob humorem aliquem venenosum partes principes invadentem, unde notante *Celfo lib. 2. cap. 6.* interdum aliquis moritur, de quo Medicus securus primò fuit, cujus tamen conscientia salva manet, si nihil, quod in artis potestate est, omiserit. Hic quoque non parum fecisse videtur annus, quem agebat hæc mulier, sexagesimus tertius, ob numeri septenarii & nonarii multiplicatam ac sibi invicem connexam summam, quam continet, climactericus magnus dictus, quem rarissimè absque insigni corporis mutatione & vitæ periculo absolvi, experientia docet. V. *Gellius lib. 15. cap. 7. p. 544. & Levin. Lemn. lib. 2. de Occult. natur. miracul. cap. 32. p. m. 216.* Periculosi autem æstimantur anni climacterici, non ratione numeri, utpote cujus nulla est efficacia, sed quia
hisce

hisce annorum articulis temperamenta & ætates mutantur, quibus mutatis magna vitiosorum humorum copia colligitur, quorum motu & agitatione multi generari possunt morbi, quos *Hippocr. sect. 3. aphor. 24. 25. 26. 27. 28. 29. 30. 31.* recenset: vel, quia secundum Astrologos, singulis septenis annis Planetarum ordo ad Saturnum hominibus infensissimum eorumque interfectorem revertitur, & Saturnus ad quadratum loci naturæ signi, unde egressus est, contrarium pervenit.

OBSERVATIO XX.

D. Valentini Andreæ Moellenbrocci

De

Gonorrhœæ Causa & Curatione.

Gonorrhœæ causam semen esse, ac propterea eam ἀπὸ τῆς γονῆς sive τῆς γένεως & πόλεως derivari, omnes ferè consentiunt. Mihi autem veritati magis consentaneum videtur, initio quidem aliquid seminis vel ob ejus aut partium spermaticarum vitium, vel facultatis retentricis imbecillitatem excerni, successu verò temporis humores vitiosos à naturâ per factam hanc viam expelli. Impossibile enim esse per talem fluxum semen semper evacuari, evincit 1. *Materiae quantitas*, nam id, quod excernitur, interdum aliquot libras excedere, experientia docet, at tantum seminis profluere posse, nemo sanæ mentis statuet. 2. *Materiae qualitas*, odorem enim & colorem seminis non semper refert, sed odorem de se spirat gravem, colorem ostendit varium, interdum nigricantem. 3. *Fluxus* ad aliquot etiam annos *duratio*. Novi ante 25. annos Lipsiæ aliquem per sexennium eum perpeßum, ibidem, Erffurti, ac hic, DEI gratiâ, curavi aliquos suprabiennum hoc afflictos malo; imò pro certo mihi relatum est, virum quendam Patavii supra 30. annos hoc laborasse affectu. Seminis autem profluvium sine virium prostratione ac vitalis roboris extinctione tam diu durare posse, incredibile est, cum ex sententiâ *Avicennæ* plurimorumq; Medicorum, uncia una seminis emissa plus debilitet, quam sanguinis uncia quadraginta. 4. *Urine signa*. Nam materia, quæ excernitur, matulæ urinariæ fundum petit, semen autem urinæ supernatat. Nonnunquam etiam pus emitti observatum est, quod procul dubio ab ulcere ex affluxu vitiosorum humorum orto provenit. Nam *Virsingius* tria cadavera Gonorrhœâ extinctorum secuit, in quorum prostaticis vestigia ulcerum & cicatrices manifestas animadvertit. Sic dicta autem Gonorrhœa, si diu duraverit, curatu admodum difficilis est. Ego eam sequentibus felicissimè, DEO auxiliante, curavi. Ad evacuationem materiæ peccantis, exhibui pulverem meum purgantem, de quo in tr. meo

de Arthr. vag. Scorb. vel has pilulas: R. Therebinth. Cypr. ʒj. Scammon. rosat. Resin. Jalapp. an. gr. V. M. F. l. a. Pilule num. XLX. Ad fluxum inhibendum: R. Croc. ʒ. astringent. ʒj. ʒj. Off. Sepia, Succin. Corall. V. Ebor. s. Δ. an. ʒij. M. F. Pulvis. Dosis potest esse ʒj. ad ʒʒ. Summo etiam cum fructu usus sum Tincturâ Δ ʒ-li ad 20. usque 30. guttas in convenienti vehiculo. Certissimum remedium sunt Pilule Riverii, quæ me nunquam fefellerunt, eæque, uti videre licet Cent. 2. Observat. 74. p. 150, tales sunt. R. Gumm. arabic. tragacanth. Carab. mumia, boli armen. an. ʒj. pulveriscentur, & cum sir. d. ros. siccis, F. Massa Pilularum, de qua capiat æger ʒj. singulis diebus, manè duabus horis ante pastum.

(In litteris ad Collectores Ephemerid. Vratislaviæ An. 1672. scriptis.)

OBSERVATIO XXI.

D. Johannis Schmidt

De

Terrore gravidæ Fœtui exitioso.

UXor Angli cujusdam, Johan. Fischer, septimo in gravidationis mense circa remculinariam occupata, bombardam explodi cum fragore insigni audit, perterrita exinde globum clunes ferire existimans, manum derepentè, averfura quasi globum, circa intestinum rectum protrudit. Nihil mali ex eo tempore sentiens, justo mense puerulum parit, foramen circa anum rotundum habens, quod circa intestinum rectum ad digiti longitudinem intra corpus, ut stylo immisso judicare licebat, extendebatur. Cum nullam initio exinde infans pateretur molestiam, opem parentes non petebant, post trium autem mensium decursum, saniosa per foramen effluebat materia, eaque & copiosa satis, & acris, quam fletus & inquietudo continua monstrabat, erodens tandem sanies illa intestinum ipsum, quæ per anum naturæ ordine exire consuevit materia, per foramen hocce fistulam referentem reddebatur, ita ut σκύβαλα per utrumque foramen sese monstrarent, sicque miserè vitam trahens sex mensibus supervixit, donec tandem accedente inflammatione obiret.



OBSERVATIO XII.

D. Johannis Schmidt

De

Excreſcentia carnea in Fœtu, ex Terrore Matris contracta.

UXor ſpectabilis apud nos mercatoris *Danielis Stuve*, ab octo menſibus gravida, plorantem cùm è ſella tolleret puerulum, animadvertit circa anum protuberantiam ad ovi gallinacci magnitudinem, perterrita mater ad rei novæ ſpectaculum, an periculum? me illicò vocari jubet, prout interea tenens infantem ſuper genua, accedo, & procidentiam inteſtini recti eſſe, affectum plurimis familiarem puerulis, etiam aſſevero, qui fotibus & ordinariis remediis internis integrè tolli poteſt; prout etiam brevi inteſtinum reponébatur. Juſto partus tempore puerulum enititur omnia ſanum, niſi quod in lumborum vertebris ad capitis penè magnitudinem ſacculum haberet, cruore refertum, excreſcentiam nimirum carneam cute obductam, in cujus apice ad imperialis magnitudinem livor apparebat, putredinis quaſi alicujus incipientis initium, quo in loco rupta cutis ſponte ſua cruorem reddebat ad integram penè libram. Vocatus ego, ab ulteriore putredine, in ſummè aliàs debili infante, præſervare volui cavitatem. Excreſcentia illa, quam ſacculum non immeritò nominare poſſum, cum ad lumborum & ſpinæ dorſi explicaretur vertebras, minutiffimus animadvertébatur meatulus, in abdomen uſque ſeſe extendens, oculorum aciem effugiens, cognoſcebatur tamen exinde, quod etiam ſi à cruore totaliter liberatus eſſet ſaccus, poſt unius tamen horæ decurſum, alium iterum continebat ichorem. Prædicebam instantem mortem, imò vovebam, quæ deperditis per ſpinæ vertebras ſpiritibus, poſt paucarum horarum decurſum inſequuta eſt.

OBSERVATIO XXIII.

D. Johannis Schmidt

De

Præmatura Menſium Eruptione.

Purgationem ſequioris ſexus menſtruam pro diſpoſitione corporis, venarum, & cauſarum Medicis dictarum externarum, non in certam incidere ætatem notum eſt, rariffima tamen ſunt exempla ante pubertatem eadem appa-

apparuisse, quorum aliud *Bartholinus Cent. 3. Obs. II.* aliud *Pulpius l. 3. Obs. 36.* recenset, rarissimum de oſtidua puella menstruata *Bourgois l. Obstetr. Obs. 17.* refert. Nota mihi historia puellæ cujusdam, filiæ mercatoris apud nos non postremi, quæ circa nonum ætatis annum menses patiebatur, nunc ordinariè, nunc extraordinariè, nullam observantes periodum, copiosè profluentes, queis lege naturæ cessantibus, fluor quoque albus sese monstrabat, qui venustam aliàs satis puellam, non decolorem tantùm, sed emaciatam planè reddidit. In ea autem non rarò copia apparebant menses, ut in contumacissimam uteri hæmorrhagiam, vix ullis expugnabilem remediis, desinerent.

OBSERVATIO XXIV.

D. Johannis Schmidt

De

Officulis à Phthifico Tussi excretis.

Nobilis quidam Germanus annorum circiter 26. cui nomen *N. Bolschau*, phthificus ex nimio vini generosioris, ut ipse conquerebatur, potu, tussi vehementissimâ multum diuque torquebatur, rejectâ primùm pituitosâ, mox purulentâ materiâ, cui squamosa ossa plurimâ, friabilia, ad solidi Gedanensis magnitudinem juncta erant, quæ cum à Dn. Patiente mihi monstrarentur, cingula asperæ arteriæ cartilaginea, quæ in pulmones hinc inde divaricantur, per erosionem à purulenta materia, à substantia pulmonum separata, esse existimabam, sed cum accuratiùs inspicerem, & exsiccata materiam penitiùs examinarem, inveniebam, nihil cum cartilaginibus istis commune habere, sed ipsissima ossa referre. Dubitabam initio, an per errorem deglutita per asperam arteriam sese in pulmones insinuaverint, ut conjugi Medici apud nos Primarii, Domini Collegæ conjunctissimi, accidit, cui nucleus pomi, casu in arteriam asperam irrupit, secutâ statim continuâ tussi, postea phthisi, denique morte. Sed hîc ossa in ea erant magnitudine & copia, ut sine suffocationis periculo nullatenus deglutiri potuerint.

OBSERVATIO XXV.

D. Johannis Schmidt

De

Largo & perpetuo Glandularum sub Axillis Madore.

Glandulas, corporis dici emundatoria, communis Medicorum fert sententia, lymphatica quippe vasa illic superfluum in corpore lympham copiosè

copiosè deponunt. Ut verò intra corpus plurimæ reperiuntur glandulæ, ita extra in partibus exterioribus conspicuæ maximæ apparent post *aures*, in *inguine*, & sub *axillis*; ut de *salivalibus* nihil moneam, quæ copiosissimum non rarò reddunt liquorem, ita ut in plurimis os saliva semper repletum sit, unde sputatores perpetui vocari consueverunt. De glandulis sub axillis raram hisce diebus videre observationem mihi contigit. Vir quidam apud nos Nobilissimus, 28. circiter annorum, temperamento, ut communi vocabulo appellari solet, sanguineo, habitu prorsus Athletico, de madore sub axilla dextra continuo molestissimo conqueritur, quem nescio quot duplicatis linteis, ne thoracem penetrèt, frustra tamen impedire tentat; mador hicce non foetidus est, ut hircum, prout fieri solet, redoleat, isque non nisi in uno latere, & quod majoris est indaginis, frigore copiâ majori apparet quàm calore. Si nudum aëri exponat brachium, stillant ad oculum glandulæ lympham, ut guttæ apertissimè excipi possint, nullum inde patitur incommodum, nisi quod sub axilla molestum semper sentiat madorem, qui hyeme ob frigoris vehementiam non leve creat tædium.

OBSERVATIO XXVI.

D. Johannis Schmidt

De

Urina Actu frigida.

PRimarius apud nos Mercator *Michael Zinck*, annos natus 68. à multis annis asthmaticus, ante septimanas plus minus septem in molestissimam incidit *δυσουρία*, tam miserè miserum torquentem, ut insomnes ducere noctes tam propter doloris vehementiam, quàm continuum urinandi stimulum juberetur, dolores in perinæo circa vesicæ orificium & penis glandem percipiens acutissimos, urina autem effluens actu frigida, in transitu ob excoriationem, quantum ex signis colligebam, urens atrocissimè, in Paroxysmo excernebatur, sedimentum urina deponebat rarò sabulosum, rariùs cruentum, ut plurimum farinaceum, urinæ cum percipit calorem, de nullo conqueritur ardore, sed frigiditate redeunte recrudescere ardorem cum lacrumis anhelosè conqueritur. Explodit hucusque morbi vehementia medicamentorum vires, quam tamen obtenturi simus Catastrophen, tempus docebit; quamvis aliqua meliorationis affulgeat spes.

D

OBSER.

OBSERVATIO XXVII.
D. Johannis Schmidt

De

Monstro Fœminini Sexus.

Mittebatur paucos ante dies, ipso ita volente, jubente, Generoso & Magnifico Domino Gabrieli Krumhausen, Præ-COS. meritissimo, Patrono meo magno, ex Pen-insula, cujus Præfectus est, Heel dicta, monstrum sexus sequioris, quod dignum judicavi, ut pictoris manu delineatum curiosissimis vestris & doctissimis subjiciam oculis. Historia ita se habet. Juvenula quædam, postquam in civitate nostra aliquot ante septimanas fuerat, & fortè muliercularum nostrarum capitis culturam, quantum conjicio, intentius conspexerat, octavo in gravidationis mense, puellam enititur, sed mortuam, in qua capitis forma exterior mirabilis apparebat. Ossa capitis non cohærebant, sed separata in extremitatibus imò undique cuti inhærebant:

Vid. Fig. I. Ossa frontis A. non futura, quæ nulla aderat, sed fissura B. ab invicem separata ad radicem usque nasi, cute tamen superinductâ conspiciantur, in superiori parte C. ubi coronalis ordinariè conspicitur futura, orbiculatâ figurâ ab invicem separabantur. Ossa bregmatis D. multò ad proportionem reliquorum ossium majora, galeam referebant, cucullam Monachorum repræsentantem, quæ largissimâ cute obductâ distabant; vergebat cutis illa ab osse frontis introrsum a. a. ad duorum transversorum digitorum profunditatem; eminebant verò duo illa bregmatis ossa supra ossa frontis introrsus; cute abeunte, ad crassioris pollicis altitudinem; conjungebantur quidem circa E. Ossa, ita tamen, ut hinc inde moveri possent; cohærebat cutis, ossa penitus ab invicem libera erant, ita, ut cum cute ad cervicem deponi, & ad frontem iterum extendi ad modum galeæ possent. Prominebat cutis retrorsum circa occiput, & sacculum quasi aliquem F. formabat, qui sanguine repletus fuerat, superius verò G. ad dimidii imperialis magnitudinem putredinis monstrabat incipientis notam.

Vid. Fig. II. Ossa temporum & os sincipitis conspiciebatur, cum ossa bregmatis cum sacculo antrorsum reponerentur, H. ordinario sese habebat modo. Magnitudo ossis frontis secundum omnem dimensionem in litera

Vid. Fig. III. & IV. I. delineata est; Bregmatis verò litera K. expressit magnitudinem, quæ qualem inter sese fecerint proportionem faciliè videre est. Facies satis aliàs proportionata conspiciebatur, nisi quod mentum obtusum quasi

Fig. IV.



Fig. III.

Fig. II.




Fig. I.



quasi, adeoque debito minus apparuerit. Dissectâ cute, (cui bregmatis ossa adhærebant, aliam nullam agnoscentes subsistentiam vel cohæsionem,) interiora capitis examinare animus erat, sed cerebro caput penitus vacuum erat, aderat quidem dura mater, sed lacera, sinum tertium cerebri, seu falciformem processum, cruore penitus vacuum exhibens, adnectebatur insuper per fibras quasdam circa radicem oculorum, futuris verò cranii nullatenus jungebatur, imò nec ullo modo cranium tangebatur. Cerebelli aliqua apparebat nota, sed vix aliqua. Meminit Cl. *Wepferus* in præfatione tractatus de *Apoplexia* puellæ sine cerebro natæ, † sed meminit, non describit. Mirum qua ratione vitam in utero traxerit foetus in adeò prava conformatione; traxisse autem & motus, quem mater in gravidationis tempore senserat, indigitat, & quod corpusculum nullâ sui parte ullam putredinis exhibuerit notam, sacculum illum capitis, cujus jamjam mentio facta est, si excipias.

(In litteris ad Collectores *Ephemerid.* Anno 1672. per scriptis.)

† Historiam puellæ sine cerebro natæ cum annexa Dissertatione eruditissima Excell. Dn. D. *Wepferi*, B. L. Anno III. harum *Ephemerid.* pag. 205. insertam reperiet.

OBSERVATIO XXVIII.

D. Joh. Michaelis Fehr

De

Pinguedine Abdominis mirabili.

Petrus Scharff piscinarum fossor in Unterlauter / post exantlatos cruciatuum labores varios diem obit fatalem. Defuncti corpus Calendis Martii Anno 1659. curâ Dn. D. *Gravii*, jam Poliatri & Practici Romhildensis, aperitur. Ad sectionem invitatus ego abdomen in insignem magnitudinem elevatum vidi; Hydropem primo aspectu mentiri videbatur, sed durities insolita, ante & post fata ultima, opinionem delere jussit. Exsucca omnia totius præter abdomen membra succum ad id deposuisse videbantur omnem; tantus obfederat partes illas & faciem, quam Hippocraticam jure dixisses, marcor & atrophia; umbilicus ad duorum transversorum digitorum latitudinem elevatus, thaleri circumferentiam habebat, cuticulâ, quam exsudans semper in vivente pars serosior depascere visa est, destitutus. Sectâ abdominis cute pinguedo sub ea occurrit, quatuor in umbilicali regione transversorum digitorum latitudinem æquans: trium illa fuit, qua lien obvolvebatur, inæqualiter tamen, ut media portio digito uno transverso fuerit minor. Renes, ut solent, copiosæ

pinguedini pariter erant immerfi, sed quod aspectum merebatur, omnia intestina particulis pinguibus hinc inde multis pisorum ac lentium magnitudinem jam majorem, jam minorem referentibus conspersa videbantur. In dextro cordis ventriculo particula adiposa magnitudinem articuli unius digiti exprimens reperiiebatur; qualem *Bauhinus* etiam sæpè inibi se observasse lib. 2. *anatom. cap. 20.* scribit. Diaphragma solito durius fuit & crassius; pulmo in latere pleuræ, hepar nothis costis & intestina ossibus ilium erant affixa. Hinc pulmo libertate in exspirando destitutus spirandi quadam difficultate fuerat pressus: flatus verò in intestinis debitum excurrendi spatium non invenientes, sonum modò tonitruui, modò ranarum coaxantium clamori similem per integrum lustrum ediderant, ut non modò fossor ipse, sed & adstantes latitantium intus ranarum suspicionem conceperint, cujus solius gratiâ magnus sectione cadaveris occupatos incolarum circumstetit numerus. Inquirenti mihi in diætâ, quâ defunctus olim fuerat usus, lac potissimum maritum comedisse & bibisse; vinum & cerevisiam non curasse, respondit vidua: Lactis solius esu & usu se refocillari dixerat. Luxuriantis & errantis hoc est naturæ exemplum, quæ pinguiorem alimenti partem soli abdomini concedidit; reliquis verò partibus denegavit. Neque largioris lactis usui id erit simpliciter attribuendum, cum nutritiam in lacte vim inclutus Medicorum Senatus, nostro præsertim tempore, commendet, & non tantum singulares homines, sed & multos populorum γαλακτοφóρες fuisse in eleganti tractatu de Butyro *Martin. Schöckius* ostendat. Sed in nostro subjecto natura partium externarum, & sic sui quasi oblita, in toto abdomine nutritiam lactis virtutem sibi appropriavit.

(In litteris ad Collectores Vratislav. missis Anno 1672. mense Decemb.)

OBSERVATIO XXIX.

D. Antonii de Pozzis

Quod Homo diu vivere possit cum magnis Morbis.

Celsissimus quidem Princeps staturæ brevis, melancholicus, pauciloquus, sedentariam agens vitam, & deformem dorso ad instar litteræ M. ferens: gibbum; duobus annis ante mortem cœpit ab ore insigniter foetere, cum excoriatione gingivarum, & dentium notabili mobilitate. Octo diebus ante mortem correptus febriculâ lentâ, cum virium resolutione, ob defectum probi sanguinis, & spirituum carentiam in Domino obdormivit. Ut debitus cadaveri balsamationis redderetur honor, apertum est abdomen, ubi primò sese omentum foetidissimum atque putridum obtulit; deinde mesenterium nigris varicibus undique circumseptum, cum pancreate induratis multis magnisque glan-

glandulis impervio. Hepar exstitit parvum, nigrum atque scirrhosum: Ren verò infra hepar latens major capite puelli duorum annorum, ponderans libras duas cum semisse, in cujus centro calculus $\text{℥} \text{iii} \text{ss}$. repertus, cujus acumen afficiens parietes ipsius renis, gangrænam induxit. Infra hunc renem circa musculum Psoas aderat abscessus longus atque profundus, flavo ac fœtido pure plenus, absque ullo femoris torpore atque dormitatione, contra *Fernelium*. Venter mediocris, atro humore plenus; Lien longus, durior solito; Ren verò altior & naturali major, continens ad minimum centum parvos lapillos, apparuere. Hinc deventum est ad medium ventrem, in quo visæ sunt duæ hydatides ab humero usque ad septum transversum inter pulmones & pleuram aquâ, veluti glaciata, repleta, cum pulmonum, tam secundum substantiam, quam secundum vasa, insigni corruptelâ, ita ut melancholia hypochondriaca, scorbutus, tabes, spirituum resolutio, viscerumque corruptio, causæ fuerint istius interitus. Sed quod mirum est, toto tempore vitæ nunquam est conquestus de doloribus nephriticis, calculis, urinis fabulosis, aut difficulter vel minutè fluentibus, multò minùs ad renis dextri ingens augmentum femur dextrum torporem est perpeßum.

OBSERVATIO XXX.

D. Antonii de Pozzis

De

*Erratis Naturæ in una parte, & Supplemento
ejusdem in alia.*

SÆpè natura in formandâ unâ corporis parte deficit, luxuriando in alterâ: ita accidit cuidam Illustrissimæ Baronissæ, hydrope tympanitide succumbenti: ambo enim pulmonis lobi, scilicet superior, atque inferior sinistri lateris defuerunt, non ex ulcere consumpti, quia cicatrices adfuissent: Sed quia natura defecit in eorum productione, aliò distribuendo materiam. Hic Anatomicus campum habet quærendi, quomodo circulatio sanguinis in hoc corpore fieri potuerit, deficiente arteriâ venosa in sinistrum pulmonis lobum excurrente, cum non facile admittat septum cordis pervium à *Galeno* sancitum. Sed quod maxime consideratione dignum est, nunquam spirandi difficultate fuit detenta, cum pulmones obstructi eam impediunt, deficientes penitus auferant. Venter magnus adfuit, cui à liene *vas breve* amplum sine valvulis communicabatur, per quod potus frigidus quamprimum lienem subivit. Lien erat ponderis $\text{℔} \text{vj} \text{ss}$, novem contextus densis

membranis, inter quas aquæ limpidissimæ portio asservabatur: basis verò ejusdem fuit caro rubicundissimi coloris, solidæque substantiæ ad lbj. Locum præ pondere mutavit, hypogastrium occupans spacio 24. annorum, nihilo tamen minùs tres proles utero gessit, inter quas filius superest, qui operante celeberrimo Chirurgo Wencelio adstitit, & rei admirandæ fidem facit luculentissimam. Intestina tantùm tria apparuerunt, jejunum, colon amplum solitoque crassius, & rectum: horum longitudo non quatuordecim ulnarum Patavinarum, secundum *Spigelium*, sed tantùm trium viscebatur. Natura ergò cum defecit in producendis medio pulmone, parvo hepate, & brevibus intestinis, supplevit defectum in liene. Hæc Domina multi fuit & crassi cibi, non bis, sed sæpiùs in die comedendo, quasi lupino fuisset donata intestino.

OBSERVATIO XXXI.

D. Antonii de Pozzis

De

Dolore Ventriculi à Causa inaudita.

Illustrissimus Colonellus annorum 54. temperamenti sanguinei, vir aliàs probus & erga pauperes liberalis, hydrope ascite detentus, cum gravissimo oris ventriculi dolore paulò ab assumpto cibo & spirandi difficultate; post curam quatuordecim mensium, morbo victus, naturæ debitum persolvit. Latuere in abdomine XVI. mensuræ citrinæ aquæ, in thorace quatuor. Causa fuit hepar durum atque scirrhum: doloris verò ventriculi à cibo per annum perdurantis origo fuit acumen cordis, quod à cibo sumpto comprimebat os ventriculi, unaque impedito diaphragmatis motu difficultas anhelitus ingruerat: Cor namque bovino majus fuit, totam thoracis capacitatem replens, atque extenuatos flaccidosque compressione reddens pulmones. Num cor à nativitate magnum nactus fuerit, an verò in morbo excreverit, dignam otiosis relinquo speculationem: siquidem ante morbum nec dolore, nec difficultate anhelitus, nec deliquiis fuit laceffitus. In sinistro cordis ventriculo inventi sunt duo polypi, duri, carnosique lati, ad quorum motum versus arteriam magnam sequebatur pulsûs interceptio, graviaque cordis symptomata.



OBSER-

OBSERVATIO XXXII.

D. Antonii de Pozzis

De

Calculis occultis in Renibus.

INtimus Sac. Cæs. Majestatis Consiliarius à parente Podagrigo ortus, circa annum 35. doloribus arthriticis infestari cœpit, à quibus ut liberaretur, emplastris quibusdam, à Chirurgo oblatis, est abusus: sed incidit in scyllam volens vitare charybdim: nam post unum vel alterum annum correptus ardenti febre cum erysipellate pulmonum, suffocatus interiit. Cum autem mors semper ferè imputaretur Medicis, quasi terminum accidentalem potis essent devincere, ideò hanc ut calumniam fugerent, ad corporis dissectionem confugiunt, in quâ pulmo post remotum sternum niger adeoque tumidus sese obtulit, ut naturali suo reddi non potuerit hospitio. Hepar magnum, plurimo nigroque sanguine conspersum, cum cysti felleâ omni bile destituta examinanda se obtulerunt. Cum autem sufficiens motus causa in pulmone inventa fuisset, dubii fuimus, an aliæ investigandæ forent particulæ: ultrò ergò progressi, in utroque rene duo magni calculi inventi fuerunt, ponderis ʒvj. nullo signo præcedente, sive arenulas, sive pedum torporem, sive lumborum gravitatem, sive urinæ indigentiam consideres. Nam copiosiores justo fundebatur urinas, sed aquæ simillimas; sitimque adeo intolerabilem patiebatur, ut nullo potu ea sedari potuerit.

OBSERVATIO XXXIII.

D. Antonii de Pozzis

De

Suturæ Dissectione ab Ebrietate præservante.

ANno circiter 1648. exauthorato Græcii Cæsareo milite, quidam magnæ familiæ Colonellus non solum militandi arte eximius, sed potandi exercitio celeberrimus, postquam Lutenbergici vini sese ingurgitasset copiâ, calidissimis ejusdem fumis ad caput impetum facientibus, divulsâ magno cum cruciatu durâ meninge, nunquam quievit, nisi cum cranii contiguæ extremitates circa futuram coronalem ad pollicis latitudinem dehiscerent, atque à se invicem separarentur. Verùm omne malum propter aliquod bonum, impofterum poterat

poterat bibere sine mentis perturbatione plures mensuras, multosque inebriare, antequam à potu sentiret minimam læsionem. A vaporibus hypochondriacis & hysteriis divelli futuras non solum constat ex historia ejusdam monialis ad me missa, verum etiam ex relatione *Arnaldi Boot. cap. 4.* confirmatum legimus.

OBSERVATIO XXXIV.

D. Antonii de Pozzis

De

Rara Epilepsiæ Causa.

Capitaneus obsidioni civitatis intentus, aphonus ex equo repente cecidit, an ex vehementi transeuntis propè caput tormentarii globi boatu, (ut referebat,) an ex timore, non interpono meum judicium, tandem ad se rediens, semper de dolore obtuso capitis, & aurium tinnitu conquerebatur. Post sextum annum Herculeo morbo præventus, irritis omnibus auxiliis, exuvias victori dedit. Aperto capite dura meninx à futura coronali usque ad frontem gangrænâ fuit detenta, & in medio cerebro per falcatam dissecto latuit sat magnum os ad instar lapidis stellati acutum, quod suo acumine membranæ inflammationi atque corruptioni dedit occasionem, nullo animadverso signo quondam disrupti cranii, aut cicatricis relicte. An à nativitate cum crescente cranio creverit, an post casum tantum suæ generationis contraxerit principia, pro nunc aliis disputandum relinquo.

OBSERVATIO XXXV.

D. Antonii de Pozzis

De

Epilepsia ab Incurvatione Diplois internæ.

Viri ejusdam magni nominis filiulus septimestris, dum nutrici de nocte ad lactandum traderetur, somno, si non vino, obruta, (nam solebat per vetulam furtim vinum emendicare matulâ deportatum;) postquam de nuò puellum in cunas reponeret, cecidit supra earum quandam prominentiam, unde ille post quatuordecim dies correptus epilepsiâ, ad plures abiit. Ut ignota & à perversis mulieribus suppressa innotesceret causa, dissectum fuit caput, in quo paulò supra tempus sinistrum inferior cranii lamina seu tabula in notabilem tumorem elevata versus cerebrum, superiori omninò illæsâ, viscebatur: unde

unde factâ eo loci membranarum compressione, humorum affluxu, ac cerebri notabili corruptelâ, epilepticus exspiravit. Vide *Rinaldum Cortesium secundum Spererium &c.* similem casum adferentem.

OBSERVATIO XXXVI.

D. Antonii de Pozzis

De

Aqua in Cerebro inventa.

Cerebrum facultatum animalium principum sedem esse, jam dudum contra Aristotelem *Galenus* disputavit, ipsasque functiones eò præstantiores reddere, quò purius, temperatius, ac magis pervium exstiterit? quamquam autopsia contrarium demonstret: nam filiola cujusdam Comitissæ annorum quatuor, habitus corporis gracilis, biliosi temperamenti, correptâ febre ardente, sine notabili operationum principum læsione, crescente morbo, decimâ quartâ die succubuit. In posterioribus cerebri ventriculis inventa fuit libra aquæ, ipsâ puteali magis perspicuæ, sine operationum principum læsione, nisi quod aliquando de pungitivo capitis dolore exclamaret: Forsan id eò, quia paucae urinæ prodibant, & ad calefactum caput fecerunt metastasin.

OBSERVATIO XXXVII.

D. Antonii de Pozzis

De

Delirio à Vermibus.

Rusticus quidam à somno sub arbore expergefactus, per medium annum maniacus est redditus, sed acceptâ Tabaci uncia, & concitato vehementissimo sternutamento, prodiit eruca nigra, longa atque pilosa, & confestim penitus sanitati est restitutus.

OBSERVATIO XXXVIII.

D. Antonii de Pozzis

De

Vermibus Ventriculorum erodentibus.

Aliud est vulnera ventriculi esse insanabilia, aliud verò esse lethalia; nam vixit mulier hortulana Græcij duodecim annis, quæ singulis septimanis

E

ad

ad minimum bis ad vendenda olera comparebat, deformis facie, strumosa, instar urcei oblonga, huic vermes fundum ventriculi perforârunt circa latus sinistrum cum musculis abdominis, quos præsente *Excellentissimo Dn. VVarnhauser*, adhuc felicissimè Græcii in primo loco quadraginta septem annis praxin agente, & me, extraxit. Ulcus apertum circulo, durisque labiis duodecim annis usque ad tumulum tulit. Sed mirum est in hac rustica muliere, dum fabas edebat, aut cibum difficilis concoctionis sumebat, per ulcus exhibant omnia; dum cibus facilis concoctionis à suo domino illi plurimùm compatiēte offerebatur, optimè nutriebatur. O utinam melancholicis hypochondriacis sine labe vitæ ex capite & hypochondriis scrupulorum falsorumque imaginationum vermes tam facilè exirent, quàm beati forent Medici, quàm sani Hypochondriaci!

OBSERVATIO XXXIX.

D. Antonii de Pozzis

Vulnera profunda Colli non esse lethalia.

NOlui cineribus oblivionis recondere admirandum vulnus inflictum cui-dam Capitano *Excellentissimi Domini Comitis Butiani* eo tempore à Turcis inflictum, quò *Auroram*, ejus conjugem, mulierum pulcherrimam, duplici tertianâ detentam curarem: Hic enim cum sociis contra Turcas ad confinia excurrens, æquâ lance certavit, occidendo multos, & pro occiso habitus inter mortuorum cadavera quasi sepultus; accepit enim vulnus in sinistro colli latere adeò profundum, ut musculi masseteres, splenii, venæ jugulares, arteriæ carotides, nervique recurrentes fuerint excisi, quod ex ejusdem profunditate ad duos digitos, saliente sanguine arterioso & venoso licuit intelligere. Sed paulò post audito victoriæ signo, ex cadaverum acervo surgit, à sociis vulnus strictè obducitur, domum equitat, nec sensum perdit, nec aphonus redditur, nec viribus destituitur, sed eâ nocte uxori ter debitum matrimoniale reddidit sine discrimine. Curatus est, & successu temporis non solum plures Turcas occidit, sed etiam *Laxenburgi* cum suo *Excellentiss. Comite* comparuit. Evasis, an quia vulnera in Ungarico climate faciliùs curantur per extraordinarias (ut audivi) curationes, aut quia paucis utuntur medicamentis, facilè restituuntur: crediderim potius Magati methodo per primam scilicet intentionem sanitati pristinæ restitui.

OBSER-

OBSERVATIO XL.

D. Antonii de Pozzis

De

Rara Cordis Palpitatione.

Vir annorum 27. gracilis corporis habitus, temperamenti calidi & sicci, Postæ præfectum agens in Ernhausen, quatuor annis laboravit cordis continuâ palpitatione, cujus remedium unica fuit sanguinis missio. Verum symptomate recrudescente tandem syncope correptus interiit, corde palpitante non in loco proprio, sed circa diaphragma lateris sinistri valdè demisso. Aperto cadavere cor maximum apparuit, solum unam continens cavitatem, seu ventriculum, in quo 3xvj. sanguinis nigerrimi adnumeratæ sunt. Cordis corpus erat totum emaciatum, arteriæ præ pondere elongatæ & conniventes, ita ut sanguis spirituosus motu cordis non potuerit amplius expelli ad arterias. Loco dextri ventriculi vena cava ascendens, in ingentem elevata tumorem. Dicite jam, siambo ventriculi cordis necessarii sunt, an in uno præparentur, & in alio perficiantur spiritus?

OBSERVATIO XLI.

D. Antonii de Pozzis

De

Hydrope admirando.

Vestalis virgo annorum 33 plethorica, postquam eidem cessarent menstrua, coepit sentire dolorem in inguine dextro, à quo tandem abdomen in ingentem tumorem elevatum spretis omnibus methodicis remediis succubuit: aperto cadavere inter musculos abdominis & inter peritonæum, inventæ sunt sanguinis nigerrimi libræ octoginta, inter peritonæum verò & intestina quadraginta aquæ limpidissimæ. Tuba uteri in latere sinistro elevata in ingentem tumorem continebat lb. iß. viscerum cujusdam humoris, cum seminis albicantis magna quantitate. Testis illius lateris erat parvus, alterius lateris major. Diaphragma adeò compressum ab aqua & sanguine, ut vix non ad jugulum pertingeret. Pulmones nigricantes & compressi.

(*Ex communicatione Excell. Dn. Autoris, Dn. D. Jung facta, & ab hoc mense Decembr. An. 1672. Collectoribus Ephemeridum impertita.*)

OBSERVATIO XLII.

D. Simonis Schultzii

De

Amuleto Epilepsiæ.

R E censentur plurima Amuleta à diversis Autoribus adversus morbum comitalem sive epilepsiam, quæ an omnia promissis respondeant, experientia consulenda est. Mihi nuper à fide dignis commendata est in epilepsiâ infantum radix *Ostrutii*, *Imperatoria* seu *Magistrantia*, Germ. *Meisterwurk* dicta, recens dissecta & pollicibus tam manuum, quam pedum alligata. Hujus rei veritatem indagare mihi non ita pridem occasio se obrulit in puellâ trium septimanarum à paroxysmo miserè divexata, cui post alia ista radix prædicto modo adhibita est felici cum successu; qui an radici soli, an etiam aliis antea præmissis remediis adscribenda sit, nescio, cum ipsi primùm exhibuerim aliquot grana *Cinnabaris nativ. præp. pulveri epileptico immixta*: quod remedium, *cinnabarim scilicet nativam mineralem veram celeberrimus ille trium Imperatorum Medicus Crato* in epilepsiâ magni fecit, ut testatur *Samuel Schönbornius* in *Manuali Medic. Pract. p. m. 6.* quanquã alii cinnabarim *Antimonii* exhibeant; *Sennertus* tamen nativam huic rectius præfert: utpote cujus admirandas vires in epilepsiâ tam adultiorum, quam juniorum me sapissimè expertum esse verè testari possum. Congessit alias Catalogum medicamentorum simplicium & facile parabilium adversus epilepsiam *Henricus à Bra*, *Medicus Zutphanensis*, qui ibidem p. 59. radicem *Imperatoria* pulverisatam & ex vino potam comitialibus auxilio esse ex *Mathiolo* refert.

OBSERVATIO XLIII.

D. Simonis Schultzii

De

Epilepsiâ & ipsius Terrore.

S cribit *Christophorus à Vega lib. 3. de Arte Medicâ cap. 12.* se vidisse quendam, cum attentè inspi xisset eum, qui in comitalem morbum incideret, subito eo malo correptum cecidisse. Talem ego quoque recordor, fuisse juvenulam quandam primâ vice gravidam, quæ præ foribus ædium propriarum stans, mendicumque epilepsiâ laborantem prætereuntem, & paroxysmo epileptico obrutum.

tum videns, mox eodem affectu prehensa, misere obiit. Novi etiam Excellentissimum quendam Medicum, Serenissimi cujusdam Regis Archiatrum adhuc viventem, qui neminem epilepsiæ obnoxium in ipso paroxysmo aspicere, multò minùs rogatus, tali ægro opem medicam ferre potest: adeò ipsi morbus hic terribilis est.

OBSERVATIO XLIV.

D. Simonis Schultzi

De

Hæmorrhoidum Menstruo & ordinario fluxu in viro.

Cum nuper *Ephemerides Medico-Physicas Germanicas Anni secundi* percurrerem, & sub titulo *Observationis 192. Hæmorrhoides in viro singulis mensibus stillantes* Dn. D. Chrensfried Hagendörns, Practici Görlicensis, perlegerem, revocavi mihi in memoriam similem casum in *Viro Clarissimo Haynone Rigio Hamburgense, tum Phil. Magistro, postea Med. Doctore & Practico Rostochiensis Experientissimo, Amico & Consalino meo Lugduni Batavorum dilectissimo, jam ἐν ἀγῳ, cui ab anno ætatis decimo octavo Hæmorrhoides ordinariè singulis mensibus per aliquot dies fluere solebant, non sine magno valetudinis commodo: siquidem cum interdum fluxus illè vel defuisset, vel non sufficienter processisset, se malè valere conquestus est. Fuit aliàs vir iste coloris fusci, & capillitii nigri, ingeniosus & judicii acerrimi. Similes casus consignaverunt Amatus Lusitanus Gent. 5. Cur. 3. Vesalius de Corp. Hum. Fabr. Lib. 5. c. 15. Ant. Zimara Comment. ad cap. 10. Lib. Somn. Arist. atque Oethens Lib. Observ. propr.*

OBSERVATIO XLV.

D. Simonis Schultzi

De

Hæmorrhagia Menstrua Critica.

Vocabulum Hæmorrhagiæ apud Hippocratem sæpè quodvis sanguinis profluvium copiosum indicat: interdum autem non addito partis nomine exprimit eam sanguinis eruptionem, quæ per nares fit, ut testatur Galenus 1. Epidem. Comment. 1. Aph. 9. item 6. Epid. Comment. 3. Aphor. 25. quo sensu etiam hic usurpatur, & significat fluxum illum criticum, per quem natura è venis & arteriis cerebri in ejus præsertim basi existentibus,

sibi noxia & molesta certo tempore expellit. *Clarissimus Rolfincius in Epitome Method. cognosc. & curand. particul. Corp. Affect. lib. 1. part. 2. cap. 4.* hæmorrhagiæ narium arterias magis in culpâ esse, quam venas autumat, ibidemque sinum tertium crassæ meningis per longitudinem falcis ad os cribrosum excurrentis in hæmorrhagiis aperiri, easque contumacissimas excitare statuit: quarum causa est sanguis calidus, acris, copiosus, serosus ad motum aptus. Talem ego hæmorrhagiam in juventute ac anno decimo nono ætatis per longum tempus in me ipso expertus sum, ubi singulis ferè mensibus è nare dextrâ sanguis copiosus mihi cum euphoriâ effluere solebat. Hujus fluxus continuationem, at non menstruam, sed rariorem, adhuc hodie patior, & quidem cum valetudinis commodo, quam semper capitis gravitas, dolor, & faciei in inflammatio præcedit, quæ incommoda fluxus ille statim solvit: Si verò sanguis sponte suâ haud fluxerit, soleo sæpè cum pennâ anserinâ venulas in nare dextrâ irritare, postquam irritationem sanguis cum alleviatione effluit. Sic mentionem facit *Oethius Lib. Observ. propr.* juvenis cujusdam Canonici Eichstadiani cui diætâ largiori utenti, & à venæ sectionibus abhorrenti, hæmorrhagia narium tam familiaris fuit, ut singulis septimanis recurreret, ac jam quasi ordinaria ac naturæ consueta esse videretur, & quidem citra valetudinis vel vitæ dispendium. Historiam juvenis, cui *Galenus* sanguinem criticè è nare dextrâ profluxurum è nonnullis præcedentibus signis prædixerat, videat Lector benevolus *apud eundem libr. de Pracognit. ad Posthumum c. 13.*

OBSERVATIO XLVI.

D. Simonis Schultzii

De

Marasmo.

CLarissimus quidam vir annos 44. natus, constitutionis siccæ, naturæque cholericus, cum Anno 1665. mense Januariô per aliquot septimanas calorem præternaturalem percepisset, animadvertit tandem spatiô paucorum dierum consumptionem musculosi habitûs, seu marasimum totius corporis, qui cum indies majus incrementum sumeret, consilium à me petiit. Ego pulsum ipsius explorans, deprehendi parvum, crebrum & celerem, urina verò nihil à naturali mutata esse videbatur: ex quâ in Hecticâ *Galenus* nullum certum signum desumi posse docuit. Calor in principio ad tactum nullus ferè deprehendebatur, sed diutiùs manu admota, acer & mordax evasit. Sitis etiam nulla aut pauca: pulsatio ateriarum circa tempora (quæ collapsa erant) celerrima.

Ordi-

Ordinavi ei itaque sequentia medicamenta alterantia tam interna, quam externa. Primo quotidie manè sequentem potionem ebibebat. *R. Aqu. Violar. endiv. nymph. ana ℥vj. sir. de cucurbita, de endiv. f. ana ℥℥m. f. Haustus. S. Träncklein auff i. mahl.* Secundò horà quartâ pomeridiana ei balneum aquæ dulcis fluviatilis tepidæ imperavi; ventriculi interim regione crustâ panis vinò Hispanicò & pulvere cinamomi conspersâ, & pannò lineò coopertâ: post balneum autem spinam dorsi, scapulas, atque regionem circa renes hòc linimentò non liquefactò inungere iussi. *R. mucilag. sem. cydon. psyllii cum aqv. lactuc. extr. ana ℥vj. lap. Prunell. ℥ij. cera alb. parum. f. l. art. linimentum molle. S. Rücken-Sälblein.* Tertiò post inunctionem de istâ emulsione ℥iiij, assumebat. *R. Amygd. dulc. excort. non ranc. ℥ij. sem. 4. frig. maj. excort. non ranc. ana ℥ij. papav. alb. ℥℥. cum s. qv. decocti tenuis ptisanæ hordeaceæ. f. l. art. Emulsio ad ℥xvj. quæ dulcoretur sir. de cucurb. ℥iiij. m.* Hisce ita spatio duarum septimanarum continuè usurpatis, flacciditas musculosi habitus ad oculum remittebat, & carnosâ membrorum substantia solidior esse cœpit: nihilominus tamen per unam adhuc & alteram septimanam in usu balnei tepidi, inunctionis & emulsione continuavit. Sed quia ventriculi ipsius constitutio valdè debilis erat, ejus corroborationis gratiâ sequentes rotulæ in Pharmacopoli paratæ sunt. *R. spec. diarrhod. Abb. ℥iiij. sacchar. canar. alb. in s. qv. aqv. cinamomi. cord. dissol. ℥iiij. F. l. art. Rotula. S. Magen-Süchlein ix. oder 13. auff i. mal zugebrauchen.* Convaluit itaque vir ille Clarissimus in totum, & hucusque, dum ista scribo, Anno 1672. pancreaticè vivit, nihilque de ca'ore hæctico amplius sentit. Ubi notandum, balneum aquæ dulcis tepidæ extenuatis & consumptis admodum conducere, quod ego in pluribus extra præsentem casum observavi. Confirmat id *Galenus lib. 10. meth. med. cap. 12.* ubi satis exactè & curiose hæcticâ febre laborantes lavare docet, ad quem curiosum lectorem remitto. De veteri balneorum fabricâ & usu multa huc facientia eleganter congeffit *Joh. Langius Epist. Medic Lib. 1. epist. 50.*

OBSERVATIO XLVII.

D. Simonis Schultzii

De

Partium Genitalium Pruritu in Puella.

Partium genitalium seu vulvæ pruritus rarum esse symptoma, & quod tantum fœminas, præcipueque annosas efficit, plerique inter Practicos statuunt, de quo *Mercatus* cum furore uterino & nymphæ magnitudine pro-

promiscuè agit ; sed rectiùs *Actius* & *Moschio* , atque inter Neotericos *Sennertus* , *Franc. Joel.* & *Rod. à Castro* distinctis capitibus de iisdem tractarunt , ut apud singulos suis locis videre est. Nos ejusmodi affectum in puella octenni elegantis formæ & præclarorum parentum filiola observavimus , qui ferè per annum duravit , & præsertim circa vesperam & noctu exacerbabatur. Sustulimus eundem , benedicente Deo , evacuationibus levibus aliquoties institutis , balneo aquæ dulcis , unguento rosaceo renibus & dorso illito , atque lotione partis affectæ cum aquis refrigerantibus & humectantibus : à quo jam fermè ultra biennium libera est. Tradit *Rod. à Fonseca* ejusdem affectus prolixam curationem *Tom. 2. Consult. Medic. Consult. 68.* in muliere 38. annorum : & *Ambr. Paræus Oper. lib. 23. cap. 64.* mulierem , quæ vehementi partium genitalium pruritu & uredine laborabat , unguento *Ægyptiaco* curavit.

OBSERVATIO XLVIII.

D. Simonis Schultzii

De

Febre singultuosa.

Febre singultuosâ continuâ ante plures annos robustum virum , ferè septuagenarium , *Johannem Krieger* / rusticum in *Gurschke* , pago *Thorunensi* , den *Schlesischen Hanß* (quoniam è *Silesia* oriundus erat) appellatum , affectum recorder : cui levis purgatio bis instituta , & postea tam *Elix. Propr. Parac.* cum *Essentia absinthii* , quàm inunctiones externæ circa ventriculi regionem cum oleo *absinthii* & *mastichino* multum profuerunt , tandem & vinum *absinthites* , qui postea per aliquot annos vixit , & peste interiit. Vide similes casus apud *Hier. Cardanum* in libello *de Curat. & Prædiction. admirand. n. 21.* & *Lal. à Fonte Consil. 58. fol. 170.* Item apud *Greg. Horstium Observ. Medic. Sing. lib. 4. prior. lib. 1. Observ. 22. p. m. 40.* Præter hos inveniet benevolus lector apud *Joh. Petr. Lotichium* singularem casum *lib. 1. Observ. Med. cap. 7. Observ. 1. de febre Lypiria lethali maligna cum singultu.*

(Ex litteris mense Dec. Anni 1672. Thorunio *Uratlaviam* ad Collectorem *Ephemerid. scriptis.*)

OBSERVATIO XLIX.

Dn. Andreæ Cnoëffellii

De

Icteria curata.

Mulier viginti quatuor annorum gravem sentiebat obstructionem mensium, qui menses tamen fluxu albo solvebantur, sed inordinato, tandem ictero flavo tota tingebatur. Multis & pro promovendo menstruo, ordinatis, & quæ aliàs commendabantur, utebatur medicaminibus, nec icterus voluit cedere, nec menstrua sequi. Tandem sequenti emulsione & applicatâ exterius tincâ, vulgò Schleye / D. S. L. restituta est.

R. Aq. centaur. cichor. fragor. sambuc. āā ℥vj, sem. melon. cucurb. ā ℥ij. papav. alb. ℥i℔. nucleor. Persic. ℥j. F. l. a. Emulsio. Adde sirup. fragor. ℥j. spirit. cinam. ℥℔. M. hac emulsione sæpius propinatâ, & ad sex dies continuatâ, iterùm restituta est colori pristino naturali.

Hoc quidem absque verborum gloria possum affirmare, quod multos icteritiâ flavâ affectos hocce medicamine, Deo adjuvante, restituerim, sed cum hoc discrimine, quod simul circa secundum diem, certas pilulas ad mundificandum sanguinem, & bilis correctionem accommodatas, propinari patienti procuraverim.

OBSERVATIO L.

Dn. Andreæ Cnoëffellii

De

Grillo in aure.

Rusticus penes fornacem jacens, in scamno, non advertit in somno ingredientem grillum in aurem, quem tamen expergefactus ex clamore, ut dicebat, terribili statim percipiebat. Homo hic ferè ad insaniam redactus est, nec ullo modo potuit eum vel interimere, vel extrahere: Venit tandem ad me, suadeo, ut infundat *oleum scorpionis*. Paret: sed sine fructu. Itaque jussi, ut afferat grillum vivum ex campo; allatum injicio oleo olivarum, moritur in eo grillus. Hujus olei cum duodecim ferè guttas in aurem immisisssem, paulò post grillus in aure mori cœpit, inter moriendum tamen, retrogradum quasi motum repentis insecti sentit æger, frustatim deinde cum multo pure grillum auris evomuit cum restitutione ægri.

OBSERVATIO LI.
Dn. Andreæ Cnoëffeli

De

Remedio sympathetico antiscorbutico.

Specialis & singularis meus amicus non solum pruritus externum cutis, sed & multas maculas in cute sentiebat, simul etiam ex hinc inde subortis doloribus vagis malum, scorbuticum subesse ratus, petiit remedium externum, quoniam abhorrebat ab internis. Insistens vestigiis *Lupii* & aliorum de sympathia scriptorum, suasi, ut cani lincturam pedum & cutis permitteret. Paruit. Octo septimanis elapsis de die in diem sentit levamen. Canis autem totus fit scabiosus. Quod quia plures nostræ civitatis jucundo hoc spectaculo se delectantes adhuc sciunt, ulteriori probatione non indiget. Canis deinde, sæpius internè applicato *Q. dulci*, & externè benè lotus, sanus evasit.

Æquè tale exemplum cum cane in doloribus podagricis expertus sum, quod etiam certissimè possum affirmare, quod eo tempore, quo patiens conqueri solet de dolore pedum, canis simul dolorem sentit, & tubercula creta podagrica oppleta cum calore præternaturali. Iste canis jam in domo mea sustentatur.

OBSERVATIO LII.
Dn. Andreæ Cnoëffeli

De

Gallo Indico Hydropico.

Inter jucunda amicorum spectacula & hoc obveniebat. Spectabilis ac celebris Dn. N. N. Consul civitatis Mariæburgensis, gallum Indicum servabat, fortè pro tractandis amicis. Ministræ ejus multum quidem cibi offerebant, parum autem potus, ita ut vix tertio die semel bibendum tradiderint. Quid fit? Nimiâ siti pressus, semper vasculum aquæ appositum, continuando, unâ vice, ebibit. Interim gallus totus fit macilentus & vix ossibus hæret. Circa collum verò & regionem ventriculi tumebat, tumor etiam pedes occupabat. Sæpius ob jucundum spectaculum compressus magnam aquæ foetentis copiam ejiciebat, novâ appositâ, statim bibebat, & se opplebat. Tandem præter cutem & ossa tribus diebus valdè tristis, & continuo sedens nihil nisi mortem reliquit.

OBSER-

OBSERVATIO LIII.

Dn. Andreæ Cnoëffellii

De

Urina pilosa seu filosa.

ANno 1668. in insula majori Mariæburgensi equiso quidam, nomine Schaplau, primò dolores sinistri lateris sentiens, urinam crassam albam in fundo multo sabulo & arenâ rubeâ scatentem, per quatuor septimanas absque tamen molestia emittebat, quæ aliquando ita incrassata excernebatur, ut eam manibus instar filamentorum extrahi opus esset. In urinali tanquam massa coagulabatur, nec poterat effundi, nisi aquâ affusâ. Comitabantur hoc symptoma noctes infomnes, ita etiam ut ad usum opii correcti ad grana duodecim propinati ne quidem indicium ad somnum appareret. Sequebatur lenta macies pedum & manuum & faciei, sed post 3. septimanas, cum tumor pedum sequeretur, patiens hic, *spiritu vitrioli, sale terra nutrito & coagulato*, per dies quatuordecim continuato, & intra has dies, duplici vice extracto *Rhabarbari* purgatus, sanatus est. D. S. L.

OBSERVATIO LIV.

Dn. Andreæ Cnoëffellii

De

Malo Citrio prægnante triplicato.

TAcuissem certissimè, quoniam jam video tot Excellentissimorum Medicorum Observationes & novæ Academiæ Curiosorum Collectaneæ abundare tantarum Observationum copiâ: Propterea paucis tantum adjiciam, me anno 1671. observasse jucundam prægnaturam mali citrii, quod in medium dissectum non solum simile planè pomum citrium omni cute & colore citrino perfectum, sed intrinsecè semine plenum: à parte superiori adhuc novum germen, quasi tertium pomum conficiendo, exhibebat. Multi hoc ad stuporem usque in his locis apprehenderunt. Fidissimi testes hujus triplicati imprægnati pomi sunt spectabiles ac famati Dn. David Gadenrecht / Proconsul civitatis Mariæburgensis, Dn. Casparus Pyrus, p. t. Judex & Pharmacopœus, à quo primo mihi erat donatum.

(Confer Obs. 241. Ann. III. p. 433.)

OBSERVATIO LV.

Dn. Andreae Cnoëffellii

De

Rosa triplicata.

FÆcunda anni tempestas 1672. die 20. Augusti, luxuriantem nobis Rosam Provincialem, ut vocant, triplicatam, cujus iconem depictam hic transmitto, exhibuit, in horto Nobilis ac Spectabilis (Vid. Fig. I.) Dn. Erasmi à Sünden / Proconsulis Civitatis, & Vice-Advocati Castri Mariæburgensis.

Sic & Typham duplicatam tertio die post, ager Koslicensis exhibebat.

Buglossum sylvestre vix majori altitudine excrefcens vidit nostra ætas, cujus vivum exemplar transmittam. Tantum potuit fluida tempestas hujus anni.

(Postquam modo laudatus Dn. Cnoëffellius, Fautor noster, multò honorificum de nobis meritis cultum, Rosam suam triplicatam exhibuisset, eodem quasi tempore Nobiliss. Dn. Bernhardi de Bernitz, S. R. Maj. Polonia Personæ Medicus longe beneque meritissimus, Patronus noster perpetua observantia colendus, aliam Rosam, pro Multiflorâ habitam, iconem transmisit, quam ut isti Cnoëffelliana Rosa, depictam Fig. II. adjungeremus, opera non ingratum prorsus pretium fore putavimus.

OBSERVATIO LVI.

Dn. Andreae Cnoëffellii

De

Dorsi ineffabili pruritu ex obstructione menstrui.

FOEmina quædam annorum triginta sex patiebatur mensium obstructionem, compressionem thoracis, gravitatem anhelitus & inappetentiam cibi, cum eruptione macularum, quas vulgò vocant Leberflecken. Post sex ferè septimanas, ut referebat, insignis & horrendus sequebatur dorsi circa scapulas, & ad costas usque spurias se extendens pruritus. Omnia vestimenta debebant dilacerari & crudelitas unguium magnâ atrocitate in propriam carnem sævie-





Hic Flos Rosarum Pragæ ad Vistulam in horto P. Prum Bernardinorum
 repertus die 10. Augusti que Flos Domus Regiæ decidit et pro bono
 Angurio S. R. M^{te}. ab ijs dem Patribus præsentatus est. In cuius locum sex
 aliæ gemmæ Verticem Versus prodeuntes alios Rosarum flores ejus
 dem pulchritudinis propediem certato pollicentur. Anno Dñj 1647.

ſæviebat, nec poterat ſatiari ſanguine, donec largiter fluctabat, quod unicum erat dimidiæ horæ levamen. Obduratus ſanguis novæ pruriginis prodromus exiſtebat. Non enim tam citò ſanguis erat incruſtatus, cum jam manus ad priſtinam ſævitiam ſe armarent, miſero neque ſatis lacrymis deplorando ſpectaculo.

Applicatis medicamentis primò internis reſolventibus, evacuatione factâ generali, ſequenti phlebotomiâ in pedibus, nihil levaminis ſenſit patiens. Deinde externis: *Unguentum* enim *nutritum* abſque fructu tribus diebus applicabatur; *Nitrum fixum* in aëre ſolutum, pro ſalis volatilis corroſivi præcipitatione paucula quantitate *aquæ ſpermatis ranarum* commixtum, noluit obſecundare voto medentis.

Tandem cum ꝑ diaphoretici gr. XV. & bezoard. mineral. gr. viij. cum vino internè, ſæpius aſſumptis ad diaphoreſin redacta, & aqua Mercurialiæ exterius ſæpius illita eſſet, ceſſit pruritus, cutisque, quæ deinde *Emplaſtro de Minio* conſolidabatur, renaſcebatur, & ægra D. A. evaſit ſana.

Aqua Mercurialis taliter præparatur.

℞. ꝑ *Anti* ʒj. affunde aquæ lbj. Coque per horæ quadrantem, ut ebulliat. Servetur pro uſu. Præſentiſſimum aliàs remedium ad guttam Roſaceam Paracelli.

Quod autem hoc loco admiratione dignum, erat *urinæ tremula vel ſaltans*. Nam urina recens è corpore excreta ſtatim ebullire, & per ſex ferè horas ſemper moveri conſpiciebatur cum gravi fœtore; ſucceſſu temporis etiam per integrum diem talis motus continuabat, inexiſtentis contrarii ſalis ſufficiens index. Quæ tamen omnia ulterius penſitanda, doctiſſimorum & experientiſſimorum Virorum iudicio relinquenda dūco.

OBSERVATIO LVII.

Dn. Andreæ Cnoëffellii

De

Utero Cartilagineo.

ANno 1662. vidua annorum 44. nomine die *Mehlsführerin* / gravi dolore dorsi & ingenti ſiti vexata, urinæ ſuppreſſione præcedente, fit hydropica. Natura ſpretis omnibus medicamentis debitum ſuum perſolvens, viduam hanc cultro decernit Anatomico. Adſtante Dn. *Heckero* Medico civitatis Mariæburgenſis, factâ per Chirurgum, Dn. *Lorenz. Arnolt* ſectiōe, ingens copia aquæ effunditur, & lien quaſi convolutus calculis plenus conſpicitur, perventum eſt ad renes, in quorum dextro, & quidem circa in fundibulum,

invenimus quadrangularem lapidem, qui totam cavitationem pelvis implebat. Processimus ad uterum, qui cum magnâ admiratione primò totus lapidosus à nobis putabatur, quantitate quidem parvus, sed nimis durus. Tandem vi dissectus, totus uterus cum orificio interiori erat cartilagineus, reliquâ cavitate internâ ad amplitudinem nucis juglandis, & ureteres aliquo modo extensis catebant arenâ copiosâ, aliâ tamen in naturali constitutione observabantur.

OBSERVATIO LVIII.

Dn. Andreæ Cnoëffellii

De

*Febri Petechiali comitata Hydrope, Ictero flavo &
tandem nigro, curata.*

CIvis Mariæburgensis, tunc temporis juvenis viginti annorum, p. t. Scabinus, nomine Wilhelmus Braun, febri petechiali correptus, tantum non tertio die vitâ defungebatur, ingentissimâque siti premebatur. Omnibus & internis diaphoreticis & externis remediis applicatis, ita etiam ut prognosis salutis aliquo modo appareret; ex frequenti sine scitu Medici adhibito potu, ingentem oschei tumorem deinde & pedum contrahebat. Mentitus tumor quoniam durus, ac si hernia carnosâ fuisset, facile deinde subsequente pedum tumore detegebatur. Applicabantur remedia hydragoga, *succini sal volatile*: inter alia autem *cinnabaris* ℥ii. tribus vicibus sublimata, cujus ℥j. lagenæ vini injecta juncto sale superius memorato succini volatili gr. XXIV. (tribus epotis lagenis taliter confecti vini,) sexto die totam ferè aquam intercutaneam per urinæ vias educebat, nam adduos vel tres stoffos, quorum singuli continent quatuor libras, urinæ ejusdem singulo die excernebat. Vix aquâ eâ & tumore exoneratus, totus evadebat ictericus, & color aureus totum corpus tingebat. Quot molestias causaverit hic morbus, & quæ symptomata secuta fuerint, vix dictu possibile. Nausea, vomitus, totius corporis de novo debilitas, omnium virium prostratio, diarrhœa in scenam prodibant. Susceptâ curâ ictericorum superius descriptâ, tandemque evanescente colore citrino, nigrescebat sicut Æthiops. Applicatis verò medicamentis sudoriferis volatilibus cordialibus, præprimis verò *tincturâ nuxi corallatâ*, & indefessâ operâ tandem per DEI benedictionem restitutus Dominus patiens ad hunc usque diem & sanè & absque recidivâ vivit.

OBSERVATIO LIX.

Dn. Andreæ Cnoëffeli

De

Aquila alba in Polonia.

Nuper cum essem Varſaviæ, inter alia, quæ apud *Excellentiff. ac Doctiff.* Dn. D. Martinum Bernhardi de Berniz, S. R. M. Archiatrum, videre licuit, erat aquila alba in Poloniâ capta, cui nigredinis, præter extremam superficiem pennarum magnarum in alis, ne micula quidem inerat. Expansæ alæ tres ulnas superabant. Avis erat prægrandis diu à S. R. M. JOANNE CASIMIRO sustentata, tandem præmemorato Doctori donata. Mortem quidem avis subiit, sed tamen verificavit, quod antea strenuè negatum est, *Poloniam etiam aquilas albas inhabitare.*

OBSERVATIO LX.

Dn. Andreæ Cnoëffeli

De

Gangrænæ in genis infantum curatione.

Sæpiſſimè evenire solet, ut infantes laborantes ex variolis, præprimis si facies copiosè ab iis inficiatur, in ore & quidem circa finem mandibularum pustulas quasdam contrahant, quæ deinde, si earum ratio non habetur, ulcus corrosivum faciunt, & genam perforant, hoc ulcus, si non statim in initio medicamentis gangrænæ medentibus præſervetur, tandem totam genam usque ad radicem nasi inferiorem absomit, comitante lentâ, sed certissimâ morte pedissequâ. Multa hujus casus possem adferre exempla, sed nolo esse prolixus, quoniam non casum, sed curam substituere proposui. Itaque multis vel à Chirurgis, vel etiam aliis Practicis applicatis, quæ aliàs non infimam merentur laudem, remediis, cum alii saccharum hi vino incoctum sine fructu loco applicarent affecto, alii balsamis lenientibus vel unguentis stypticis adhibitis incassum & frustra laborarint, cum successu & fructu spiritus Θ vel Δ li melle rosaceo, ad sufficientem aciditatem permistus, loco ulceroso illinitus, semper respondit voto medentis, etsi dimidiam genam ulcus absumpserit.

Præsens remedium contra variolas faciei, ne tam fortiter vel confluant, vel faciem dehoneſtent.

In initio prorumpentium variolarum ſtatim debet facies illiniri *Spiritu vini myrrhisato* ad duos dies repetitis vicibus. Præterlapſis diebus *ſaccharum Hi aquarofarum mixtum* lintheaminibus intinctis faciei ſæpiùs iterando applicetur, quod ſi patientes lintheamina renuant, poteſt tota facies levi pennâ, hac mixtura ſaturatâ, illiniri. Sæpiùs cum maximo emolumento applicatum eſt, & obſervavi, quod etſi variolæ copioſæ fuerint, tamen relictas poſt has cicatriculas vix apparuiſſe, & non incongruam faciei formam effiguraſſe.

OBSERVATIO LXI.

Dn. Andreæ Cnoëffeli

De

*Infante monſtroſo cutem Porcello aſſato ſimilem
& duram ex parte gerente.*

ANno 1661. die 13. Septembr. ex Autoritate Spectabilis Conſulatus Mariæburgenſis, in pago noſtro Hoppenbruch / in præſentia Nobilium, Spectabilium ac famatorum Dominorum, Johannis Muſchels p.t. Præſidis, Dn. Davidis Benigſen J. U. D. Dn. Martini Viſſen Proconſulum, Pl. Reverendi ac Doctiſſ. Dn. M. Adam Heinrich Rhoden / Paſtoris Mariæburg. Vigilantiſſimi, ego Phyſicus tunc temporis Ordinarius, inſpectionem aggreſſus, inveni, quæ ſequuntur ; Infans erat unius & dimidiæ ſpithamæ longitudine, caput juſtâ dimidierate majus, cum crinium, ſicut Polonis eſt familiare, aliquali protuberantiâ ; Aures carebant lobis ; Oculi nulli apparebant, ſed loco oculorum duo rubicunda tubercula, naſi ſerè nullum veſtigium, ſed foraminum ejusdem differentia, ſiniſtrum concretum, dextrum apertum conſpiciebantur.

Cutis per totum corpus & caput aſſato porcello ſimilis, lutei coloris & dura, ita ut pulſata ſonum ederet ; fiſſuras habebat quindecim, per quas caro cruda transparebat.

Manus unius & dimidii digiti longitudinem æquabant : Concreti verò digiti, quorum pollex æquè longus ac reliqui ſimilitudinem pedis talpæ præſentabant, in extima manuum parte duo tubercula magnitudine nucis avellanæ.

Ex forma conſpiciebatur fuiſſe marem, & virile membrum paulo ſupra locum naturale poſitum. Scrotum ſolito majus, ſed abſque teſticulis, in loco autem membri virilis quædam apparebat fiſſura, ac ſi fœmella eſſet, ſed non erat.

Tem-

Tempore abductionis mingebat, sed urina, quam emittebat, erat crassus & albus liquor.

Posteriora etiam non in loco naturali, sed paulò altius spinæ dorsi insinuatæ, graviter fœtebant, sicut etiam mucor pudendis adhærens, quia album & viridescens pus referebat. Moriebatur tertio die sequente.

OBSERVATIO LXI.

Dn. Andreæ Cnoëffellii

De

Læso in brachio à duplici Vipera morfu, curato.

ANno 1664. die 23. Junii, cùm Dominum Parentem p. m. visitandi causa Landtsbergam ad fluvium Wartham, patrios lares repeterem: advenit Generosi Dn. Metternicht / Equitum Magistri servus, conquestus de sinistro brachio læso à viperis, & hanc læsionem ita factam referebat. Circa vipretum quærens avellanas, ex foramine una è viperis ejus brachio se circumvolvens sinistro, statim morsum perficit & resilit. Occupato illo, pro more, ut statim aliquid terræ recentis pro deligatione vulneris acquireret, ecce! alia vipera exsilit, circumvolvitur se itidem brachio & venam medianam mordet. Terra adaptata nihil solatii fert ægro, brachium tumere, rubere & inflammari incipit cum gravi dolore. Confugit ad balneatorem, qui rescindendi brachii suus forerat, sed renuit patiens; accurrit ad Dn. Parentem, t. t. Serenissimi Electoris Brandenburgici Medicum, & acceptis octo ex *spiritu terra coagulato* pilulis largo sudore ferè exanimatus, detumescens brachium postridiè exhibet, cute per totum brachium decedente, & sic Dei Gratiâ restitutus, domum petiit. Vivus & præsens testis præmemoratus Magister Equitum Metternicht.

Hoc tamen etiam in omnibus ita non procedere, expertus sum. Nam erat ibi fœmina æquè à vipera læsa: Hæc qua femur morsa, prout ibi moris est, statim foveam effodi, & lactis tantam copiam, quam debebat, infundere curavit foveæ, cum non poterat solatium obtinere, perterrita, jubet se statim ad parentem advehi. Assumit pilulas prænominatas, sed absque fructu, nam vix tertia hora præterierat, qua mors præveniens hocce medicamentum eludebat.

Apud Suburbanos nostros hic mos inolevit, ut statim post morsum viperæ foveam fodant, tantum lactis vaccini infundant, quo possit membrum læsum immitti, & sæpissimè ita curatos se esse firmiter affirmant.

OBSERVATIO LXIII.

Dn. Andreæ Cnoëffellii

De

Pleuritide vagante.

CHirurgus quidam, nomine Matthæus Liebe / circa mammillam dextram cum difficultate respirandi & calore præternaturali graves punctiones sentiens, iussit me ad se vocari. Accessi, vidi morbum hunc esse pleuriticum, sed quoniam erat debilitate summâ confectus, non poteram sanguinis missionem accelerare. Sed diaphoretica erant præscribenda e.g. *℞. sanguinis hircin. ℥j. ℥ii diaphoret. gr.xij. Flor. ʒ. gr.viij. i.* Misturam hanc cum aceto calefacto assumpsit & ad sudorem se composuit. Quoniam verò punctiones nimis erant graves, cogebar externè etiam auxilium quærere. Præscripsi sequentia: *℞. bol. armen. ppt. ʒj. sandal. rub. ℥i℥. camphor. ℥j. M.F. l.a. pulvis;* quem cum aceto coctum iussi, quantum fieri poterat calidè dolenti loco applicare. Non quadrans horæ præterierat, quum patiens exclamaret, sentire se graves eas punctiones in suprema parte axillæ sinistræ, cum difficultate anhelandi, in parte autem antea dolente, nempe mammilla dextra, eas evanuisse. Jubeo statim linteamina loco dolenti applicata removeri, novo tepè factò aceto cum pulvere, intingi, & axillæ dolenti imponi, sed non diu applicata jacebant, cum iterum patiens exclamaret, se circa mammillam easdem punctiones sentire. Prosequor hostem, & relictis in loco prioribus linteaminibus, nova, de novo imbuta, & calida mammillæ dolenti applico. Sed ecce! anhelitus fiebat gravior, videbatur suffocari patiens; & postquam sentiret, quod quasi aqua frigida per totum corpus aspergeretur, in sinistra planta pedis de atrocissimis conquestus est punctonibus, cum difficultate respirandi. Nec ego cessabam hostem profligare, & de loco in locum pellere, iteratis istis calefactis linteaminibus, continuatisque per duos dies sudoriferis. Tandem mitigatæ punctiones, post se relinquebant lividas & rubras maculas, quæ se contrahebant, & post duas septimanas & tres dies ægro nuntius sanitatis exisiebant.



OBSERVATIO LXIV.

Dn. Andreae Cnoëffellii

De

Singulari suppressione Urinae.

Non parùm memoverunt, quæ *Excell. Mebins in Epit. Med. cap. 12. p. m. 62. 63.* de sanguinis depuratione meminit, per quosdam ductus è cisternis chyloferis à Pecqueto inventis, advehi quandam chyli partem sive ex potu superfluum, & inde urinam fieri, utpote quæ ansam inquirendi in causam lapidum in involucro renum inventorum non levem præbent, & quod eâ de causâ etiam renum obstructio ab extra, vias ad pelvim ducentes comprimat, ut exinde mors provenire queat, quale jam mihi exemplum, filiola annorum octo, viri insulani prope villam Tygenhoff habitantis, in animum revocat.

Ea per benè longum tempus, variè stranguria vexata, tandem totalem urinæ patiebatur obstructionem: parens sexto die accedit ad me, iter cum eo facio ad locum patientis, agonisantem eam invenio, & morti vicinam, sicut etiam sequente nocte vitam cum morte commutabat.

Precibus exoratus parens admisit eam secari. Prioribus membris perlustratis nihil nocivi apparebat, sed dexter ren, remoto adipe à parte media, ubi pelvis incipit, penitus incrustatus, & quasi lapideus conspiciebatur, tactu durus & materia calculosa circumcirca ita coaluerat, ac si gypsea materia fuisset illitus, via autem ad pelvim emulgens supernè sic compressa, ut ne guttula feri per eandem potuisset transudare. Sinister ren quidem à tali labe immunis, sed ureter totus erat obstructus, & materiâ arenosâ rubicundâ fatis distentus.

Non potui tunc temporis investigare causam tantæ concretionis, & inventorum apud alios autores in exteriori renum parte lapillorum, quorum tamen ratio, si serum, ut cum venia prudentiorum loquar, per alias vias quàm notas & consuetas adduceretur, facili negotio pateret. Sed hæc re-

linquo acutioribus Anatomicis, nam meum negotium modò non est,

sagaciori Anatomia litare, à qua me sæpè curia, sæpius

etiam itinera varia revocant.

OBSERVATIO LXV.

Dn. Andreae Cnoëffeli

De

Lapide uteri in Puella quinquenni.

Spectabilis Dni Kreken, Mercatoris & Oenopolæ Warfaviensis, filiola annorum quinque, urinæ partim suppressione labefactata, partim omnimodâ vesicæ compressione, tandem cum gravi dolore & sui & parentum moritur. Factâ post mortem per Lithotomum sectione, in vesicâ præter spatium nihil inveniunt, sed ipsam uteri cavitatem distentam, & in ea lapidem album oblongum, aliquo modo spongiosum, sed tamen gravem, formam ovi columbini paulisper excedentem, conspiciunt, qui vesiculam compressit, ut nulla urina permeare potuerit. Dilectus parens hocce infelicis filiolæ monumentum mihi quidem videndum exhibuit, donare verò renuit, quin perpetuis potius temporibus in dilectæ filiolæ recordationem suo scrinio includere decrevit, in quo etiam adhuc usque diu asservatur.

(Ex communicatione Autoris Collectorib. Ephemeridum mense Decemb. Anno 1672. factâ)

OBSERVATIO LXVI.

D. Nicolai Guilielmi Beckers

De

Uvulæ ablatione.

Perillustri Eques Romanus, temperamenti sanguineo-melancholici, pluribus annis defluxionibus statis temporibus super fauces ruentibus in Italiâ laborare solitus, Principum dum negotia Cæsareâ in Aulâ pertractaturus, Viennæ moraretur, acri ac ferina circa solstitium hyemale anno præterito super fauces & circumscitas partes destillatione corripitur, quæ tantæ erat acrimoniæ, ut (quanquam medicamentis tam totum, quam partes affectas respicientibus, ex pharmacîa & chirurgiâ desumptis abundè ægro prospectum fuerit:) uvulam cum tonsillâ dextrâ corroserit, ac ex integro sustulerit. Quo facto Perillustri Eques, non loquelæ, neque respirationis difficultatem, ut varii opinabantur; verum cum uvula sit asperarum ac levium arteriarum tanquam operculum, aliam, præter levem vocis raucedinem, nullam sensit molestiam.

(Simi-

(Similimum exemplum apud nos h. l. videre est in fœminâ primariâ, quæ ob defluxiones salinas corrosivas ante aliquot annos plectro hoc vocis orbata effari quidem omnes literas, & loqui, sed tantum raucâ & submissâ voce non clarâ, potest. *G. V. V. Vedelius.*)

OBSERVATIO LXVII.

D. Nicolai Guilielmi Beckers

De

Funesta Oesophagi obturatione.

Mercator Hippolitanus, consistentis ætatis, sesquianno de deglutitionis difficultate, mucronatâ sub cartilagine, dolore gravativo indies auge-
sciente, languore ac totius corporis contabescentiâ, nullo in faucibus
tumore vel dolore apparente, conquestus, atque ad fata vitanda, quàm plurimis
tàm internis, quàm externis, à diversis Apollinis filiis, tractu temporis sibi præ-
scriptis ac incassum adhibitis remediis; corpore ob deglutitionis impossibilita-
tem, languine ac spiritibus destituto, marasmode violentâ exspirare cogitur. Ca-
davere dissecto, tribus ab ore ventriculi digitis, Oesophagus à cartilagine annu-
lifor mi exiguo foramine prædita, ab ipso Oesophago enata, obturatus reper-
tus fuit.

OBSERVATIO LXVIII.

D. Nicolai Guilielmi Beckers

De

Dolore ilei ac corporis membranosi per alvum excretionem.

Molestissima vidua, annorum quadraginta, de ulceroso ilei dextri, tem-
pore dejectionis alvi præsertim, sæviante dolore conquerebatur, quem
alii nephriticum, colicum alii, mulierculæ verò hystericum existimave-
rant, variaque ad id facientia præscripserant remedia. Accersitus ego svasi
blandiori decocto abstergente, balneis ac enematribus emollientibus & dolo-
rem lenientibus præcæteris insistendum esse. His per octiduum sedulò con-
tinuatis, corpus membranofum digiti majoris longitudinem & latitudinem ad-
æquans, patulum & erosum ab unâ, ab alterâ verò parte clausum, triplici tunica,
tenui, carnosâ, ac rugosâ constans, genuinum quâsi intestinum cœcum re-
ferens, exiguo cum cruore, cujus ante vestigium nullum, per alvum dejecit.

G 3

Postea.

Postea, quod notandum, inappetentiâ ac alvi constipatione nullâ arte solubili correpta est; Verùm nonâ & sequentibus diebus alvo sine dolore sponte solutâ appetitus rediit; & patiens pristinâ valetudini restituta. Si verum intestinum cœcum, quod ex doloris specie, loci situ, ac partis excretæ conformatione quasi affirmare liceret; admiranda sanè natura; quæ defectum ejusdem, ileon & colon per intentionem secundariam ac quietem, sine quâ fieri non poterat, reu- niendo supplevit, ac à fatis se vindicavit.

(Ex communicatione Excell. Dn. Autoris, accurante Dn. D. Jung/Collecto- rib. transmissa, mense Jan. Anni 1673.)

OBSERVATIO LXIX.

D. Simonis Schultzii

De

Hæmorrhoidum fluxu à prima juventute ad decrepi- tam usque ætatem durante.

COnnotavi in præcedentibus Observationem de fluxu hæmorrhoidum in viro quodam Clarissimo à juventute usque ad virilem ætatem durante: Sed jam propositum nostrum est, eundem fluxum in duobus decrepitis, uno sene & altero silicernio, hoc focero, isto genero, demonstrare. Habitat scilicet in horto meo extra civitatem senex quidam octogenario major, sed robustus & salacissimus, ex corbium sirpandorum opificio victum quærens, qui à primâ statim juventute ad prædictam ætatem fluxum hæmorrhoidum patitur, & quidem quovis mense cum maximis dorsi doloribus & ventris torminibus ordinariè & uberrimè redeuntem. Apud ipsum socer ejus commoratur mendicando vitam sustentans, nonagenario major, cui idem ab ipsâ quoque juven- tute hucusque menstruatim contingit. Mirum certè, cum mulieribus ordi- nariâ naturæ lege fluxus menstruus tantum ad quadragesimum quintum annum ad summum prorogetur, (quanquam novæ mulieres quinquagesimo, imò & quinquagesimo primo ætatis anno eundem fluxum patientes:) quomodo in hisce viris hæmorrhoides tam diu aperiuntur; ego credo fluxum istum longæ- vitatis vitæ utriusque causam esse, naturâ scilicet se a superfluo & impuro sanguine non sine fructu liberante.

OBSERVATIO LXX.
D. Simonis Schultzii

De
Febri octava die recurrente.

Alterius febrium natura, ipsa paroxysmorum varietate mirabilis, plurima hucusque exercuit ingenia, quæ tamen latentem ejus indolem plenè de- tegere nondum potuerunt. In earundem quoque numerum præsens paroxysmorum distantia notabilis meritò recensenda videtur. Spectabilis quidam Scabinus veteris civitatis A. B. quinquagenario major, adhæceticam valdè proclivis, die quadam Saturni Anni 1672. ad finem tendentis, post cœnam sumptam cubitum iturus, percepit in lecto rigorem febrilem cum maximis dor- si doloribus, subsequente mox calore totius corporis urente, siti ingenti, anxietate cordis, & continuo urinæ in magnâ quantitate effluentis stimulo: quæ omnia circa matutinum tempus post copiosum sudorem solvebantur, sed appetitus, qui eâ die prostratus fuit, sequentibus rediit, hinc etiam munia domestica liberè expediit, verùm ob intensum aëris externi frigus ædibus exire haut potuit. Liber hinc erat per totos septem dies à paroxysmo, neque circa sex res non natura- les aliquam animadvertit mutationem, præterquam quod urina non parum tincta fuerat. Sed elapsis septem diebus, die Saturni, eâdem horâ paroxys- mus cum iisdem symptomatibus reversus est, eodemque modo, quo primus, solutus. Fuit iterùm per septem dies à febre liber: at tertius paroxysmus solito tempore, die scilicet & horâ ordinariâ rediit, sic consequenter semper quartus & quintus, circumstantiis omnibus in & extra paroxysmum in eodem statu per- manentibus. Sextus autem paroxysmus die quintâ tres horas anticipans ve- nit, qui etiam ultimus fuit; & sic naturâ ipsâ medicatrice vir ille feliciter à febre prædictâ liberatus est; Nullo interea medicamento usus, præterquam ad sudo- rem promovendum *pulveris pretiosi sive cordialis simpl. & Marchion. epilept. ana ʒj* pro dosi, bis aut ter cum cerevisiâ calidâ. Verum natura ipsa partim per sudorem, partim per copiosam mictionum febrem istam solvit. De simi- libus raris & insolitis febrium typis, scilicet quintanis, sextanis, septimanis, octanis, nonanis &c. vide Hippocratem libr. 1. sect. 3. textu 2. de morb. vulg. item sect. 3. text. 7. ibid. & text. 9. ac 17. ibid. Galenum in comment. ad eosd. text. Schenckium l. 6. observ. de febr. Amat. Lusitan. centur. 5. cur. 67. & cent. 7. cur. 75. Zacutum Lusit. de P. P. Med. hist. 37. lib. 4. fol. 732. eund. de decimanâ de P. P. Med. hist. lib. 1. observ. 24. fol. 57. Tulpium observ. l. 3. c. 52. Causas fe- brium

brium istarum longioris intercapedinis indagare difficile esse videtur : Sed quid vetat secundum vulgatam humorum doctrinam statuere, esse species simplicium typorum interpolatâ unâ accessione aut pluribus ; ut sit quintana tertianæ species, in qua tertius dies sine accessione est, â pauca flava bile in naturam atræ bilis conversa, ob paucitatem materiæ interpolatæ. Septimana quartanæ species interpolatâ accessione diei quarti ab humore melancholico non multum irritante ob pituitæ mixtionem. Nonana tertiana quædam ter intercepta ab humore melancholico cum mixtione pituitæ in parte biliosa, quæ ob frigiditatem minus stimulat, servatque typum tertianæ ob locum. Omnes autem diebus imparibus procedunt, in quibus major est vis ad commotionem, ideò non interpolant duas accessiones, sed aut unam aut tres. Et sic de reliquis typis statuendum ; liberum tamen cuique judicium in tam abstrusa doctrina libenter concedimus, præsertim Neotericis, quorum sententias hic recensere, non est nostri propositi. *Plateri mentem de quintana & sextana febre lege Prax. Med. tom. 2. c. 1. de febr. generibus.*

OBSERVATIO LXXI.

D. Simonis Schultzi

De

Intestinis in Anate monstrosis.

CUM Anno 1672. ad finem currente, die scil. 15. Decembr. coquæ meæ anatē domesticam exenteraret, monstravit mihi intestina illius jam exempta tota monstrosa, crassitie insigni tumida, ova piscium luciorum externâ superficie penitus repræsentantia, sed tamen eis duriora, & undique æqualia: eadem verò cultro dissecta, internam constitutionem & cavitatem pro excrementis colligendis naturalem habebant, sed epar magnitudinem debitam excedebat. Caro anatis assata ita dura erat, ut dentibus ægrè comminui potuerit: nihilominus pinguedine decenti oblinita fuit.

OBSERVATIO LXXII.

D. Simonis Schultzi

De

Hernia intestinali columbina.

VIR experientiâ & curandi dexteritate Excellentissime, Domine, Fautor & Amice è primis. Mitto tibi columbam herniâ, ut mihi quidem videtur

tur

tur, naturali deformem. Neque enim, quemadmodum in homine, ita in avibus ejusmodi causæ præsto sunt, quæ rupto peritonæo intestina de sede debita provocarent. Ne vulnerationem præcessisse credam, membranæ nullibi ruptæ æqualis continuatio facit. Si reliquos mali hujus fontes in columba sollicito studio inquirerem, næ otio, quod mihi, ut nosti, perquam rarum est, abuterer. Monstrum igitur vides, cujus tenellum abdomen in supervacuum saccum supremo pollicis crassioris articulo parem se diffundit. Fortè in intestinis anomalia aliqua deprehendetur: Verùm me negotia extispicinam instituere non sinunt. Vale vir Excellentissime, & pro affectu solito hæcce literas interpretare. Exc. T. ad quævis officia paratissimus

S. Schelguigius.

Misit mihi columbam istam herniosam deplumatam *Clarissimus M. Samuel Schelguigius*, *Gymnasii Con-Rector*, Anno 1672. 17. Decembr. in qua herniam intestinalem talem, qualis à viro doctissimo graphicè depicta est, deprehendi: ego verò corpusculum columbinum à podice circa principium herniæ ulterius cultro discindens, & intestina cum ventriculo & epate eximens, observavi longitudinem intestini extra conspicui & à me digito extensi fuisse ad duorum digitorum meorum transversorum longitudinem, quæ portio extra propendens quatuor tantum digitos meos transversos à ventriculo columbæ mira proportionem distabat, sed in reliqua intestinorum serie nihil præter naturam apparebat, quemadmodum etiam in reliquis visceribus. Caro musculosa boni fuit habitus, & non exiguâ pinguedine referta: quam columbinæ herniæ descriptionem ipsissimis viri Præclarissimi, & rerum naturalium curiosi verbis producere volui.

OBSERVATIO LXXIII.

D. Simonis Schultzii

De

Sanguinis sputo tertiâ vice apparente, percurato.

Cum doctissimus juvenis G. S. C. SS. Theolog. & Philosoph. Cultor indefessus, aliquot supra viginti annos natus, primum in Academia Groningensi post vehementem corporis commotionem sanguinis sputum pateretur, eoque sedato, itineri se accingens, recidivam expertus esset, iterumque naturæ robore ab eo liberaretur; tandem cum jam Thorunii in paternis ædibus subsisteret, & feriâ tertiâ Nativitatis Christi sermonem prolixio-

rem è cathedra in templo Divi Georgii publicè haberet, paulò post, die scilicet primâ Januarii anni 1672. summo manè tertiâ vice affectu isto oppressus est, ejetis tùm cum tussi sanguinis spumosi libris ferè quatuor: Ego horâ octavâ matutinâ vocatus, offendi ipsum satis debilitatum: nihilominus, quoniam sanguinis sputum nondum cessaret, jussi mox, accersito chirurgo è mediana dextri brachii revulsionis gratiâ aliquot uncias sanguinis partitis vicibus optimo cum successu detrahare; quod remedium etiam olim Excellentissimo p. m. Dn. Johanni Beckhero Phil. & Med. Doctori, Physico Thorunenfi Ordinario, & Gymnasii Professori, cum similem affectum pateretur, multum profuisse recordor. Ne autem terribilis & periculi plenus hic affectus reverteretur, præscripsi eidem ad vasa pulmonum lacerata consolidanda & roboranda tam curationis quàm præservationis gratiâ, sequentia remedia Primò quidem istud conditum. *R. conserv. rosar. antiqu. ℥ij. flor. nymph. violar. papav. errat. consolid. maj. ā. ℥℥. fl. cichor. veronic. salvia, enula, ā. ℥iij. spec. diatrag. frig. diamarg. fr. ā. ℥ij. corall. rubr. præp. fl. Iris alb. āā ℥℥. cum S. qu. sir. de symphyt. Fern. F. l. art.* Conditum molle, de quo ad nucis juglandis quantitatem sæpiùs sumebat. Secundò hunc sirupum. *R. sir. de symphyto Fern. succ. plantag. ros. sicc. ā. ℥iij. M. D. ad vitrum,* de quo singulis matutinis bina cochlearia cum haustu cerevisiæ calidæ usurpabat. Tertiò talem emulsionem. *R. amygd. dulc. excort. ℥x. sem. 4. frig. maj. excort. ā. ℥ij. papav. alb. ℥iij. cum aqu. plantag. nymph. portulac. rosar. ā. ℥iij. F. l. art.* Emulsio, cui adde *sir. de portulaca papav. f. āā. ℥i℥. M.* Tandem hocce epithema collo & epati applicandum. *R. aqu. plantag. portulac. rosar. ā. ℥iij. acet. rosar. ℥ij. pulv. rosar. myrtill. boli Armen. ā. ℥ij. M. D.* Quibus ad præscriptum usurpatis, per Altissimi gratiam pristinæ sanitati restitutus, in hanc usque diem, elapso jam annuo curriculo, benè valet: ut tamen à nimio & violento motu, calidis cibis & sermone longo atque sonoro sibi ad tempus caveret, seriò injunxi.

OBSERVATIO LXXIV.

D. Simonis Schultzii

De

Ischuria triduana curata.

Spectabilis A. K. Scabinus Suburbanus sexagenarius, calculo renali admodum obnoxius, Anno 1672. die 8. Novembr. de urinæ suppressione conquestus est, & quamvis eadem & sequenti die balneo aquæ dulcis & aliis blandioribus remediis usus esset, nullum tamen levamen exinde percepit, donec

tertia

tertiâ die meo consilio, post adhibitionem sequentium medicamentorum à molesto hoc malo, benedicente divino Numine, feliciter liberatus est. Præmisso acri & stimulantē enemate die 10. Novembris istum pulverem horâ quartâ pomeridianâ assumsit; *R. spec. lithontrib. Fern. g. xxiiij. cryst. Tri Ḑß. salis stipit. fabar. ononid. succini ā. gr. iij. spir. ☉ is. g. ij. M. F. pulvis*: cui pro vehiculo fuit sequens haustus. *R. aqu. petrosel. malvæ āā. ʒiβ. sir. de alth. Fern. ʒj. M.* Dein inunctio facta est dorsi & laterum sequenti linimento. *R. ungu. Agrippæ, Arregon. āā. ʒij. ol. scorpion. ʒij. dest. anethi, juniperi, rutæ āā. g. iiij. M.* Et sic per Dei gratiam circa sextam vespertinam liber urinæ effluxus subsequutus est: exeuntibus mox proximis diebus per intervalla quinque lapillis durissimis diversæ magnitudinis, quorum minimus pisi minoris magnitudinem æquabat. Ne itaque in ureteribus nova obstructio fieret, istas pilulas in tali casu proficuas ipsi alternis diebus cum decocto radic. petrosel. usurpandas ordinavi. *R. terebinth. cypr. cum aqu. parietar. lotæ & ad albed. coct. ʒij. spec. lithontrib. Fern. rhei pulv. ā. ʒj. ☉ is succini Ḑj. ol. dest. anisi, fœnic. junip. āā. g. V. F. l. art. pilulæ num. CXX. pro una dosi XV. pulvere liquirit. conspersæ.* Post quarum usum plurimum sabuli & tandem minores lapilli cum urina exhibant, illeque hucusque benè valet.

OBSERVATIO LXXV.

D. Simonis Schultzii

De

Menstruis per aliena loca fluentibus.

QUAMVIS diversi autores menstrua per aliena loca fluentia passim consignarint, quorum observationes collegerunt *Marcellus Donatus lib. 4. Med. Hist. mirab. c. 19. Schenckius lib. 4. observ. de monstr. p. m. 680. & sequ. Amatus Lusit. cent. 2. cur. 17. Ant. Benivenius c. 41. Fabric. Hild. cent. 3. observ. 12. Greg. Horstius Part. 2. observ. 33. Balth. Timæus observ. Med. l. 4. cas. 12.* attamen præsens quoque casus connotatione dignus esse videtur. Virgo quædam octodecim annos nata, in sinistro genu duplex apostema ex utraque parte unum à prima juventute à natura effectum gestans, anno ætatis decimo nono menstrui fluxus suppressione laborare cœpit: sed mox præfinito menstruorum tempore, per apostematis interioris foramen sanguinem in sufficiente copia effluentem percipit, dein & vomitum sanguineum, quem fluxum jam singulis mensibus per loca ista insolita redeuntem totius anni spatio experitur. Hisce ante aliquot septimanas tumor pedum accessit, quem subsequuta est inflatio hypochondriorum & diarrhœa dies noctesque durans, concomitante

totius corporis atrophîa: nihilominus tamen fluxio sanguinea per loca dicta menstruatim continuat, cui interdum circa genu aliquid puris immiscetur. Verum insignis langvor & virium omnium prostratio miseræ quotidie mortem minitantur.

OBSERVATIO LXXVI.

D. Simonis Schultzii

De

Diarrhœa ab esu carniûm.

Generosus juvenis Johannes Franciscus Zelski, Nobilis Polonus, in S. R. M. castris hucusque militans, in novissimo contra Turcam bello ex victu pravo incidit in imbecillitatem quandam ventriculi & *βγαδυνεψία*: hinc quotidianam ventris & hypochondriorum inflationem percepit. Sed cum post assumptum unum atque alterum medicamentum purgans per aliquot septimanas se jam melius valere existimaret, ex insperato alio malo correptus est, scilicet diarrhœa, sive fluxu chyloso ex mala chyli distributione orto: qui (quod notandum) post cujuslibet generis carniûm tam quadrupedum quam volatiliûm, etiam teneriorum & facilis concoctionis, esum semper magis exacerbabatur; ab usu autem piscium etiam duriorum, tam recentiorum quam salitorum & fumo induratorum ac omnium ciborum tempore jejunii vesci solitorum, compescebatur, quod generosus patiens jam per aliquot septimanas verissimè observavit. Verum adhibito ipsi à me consilio medico, nempe ventriculo binis vicibus leviter expurgato, dein medicamentis idoneis & moderatis visceribus concoctionis corroboratis ab insolito isto symptomate (quale me nunquam in Medicis libris legisse fateor,) DEO benedicente, in totum liberatus est.

(In litteris mense Januario anni 1673. ad Ephemeridum Collectores, Vratislaviam)

OBSERVATIO LXXVII.

D. Johannis Friderici Allmacheri

De

Luxatione vertebrarum dorsi introrsum facta.

ET si, secundum Observatores, luxatio vertebrarum dorsi, quæ extrorsum accidit, sæpius curata sit; ea tamen, quæ introrsum facta est, pro lethali

lethali & incurabili, ab iisdem semper est habita: Quâ de causâ cum mihi in praxi contigisset, ægrum ejusmodi feliciter restituere, desperatum certè ac deploratum; Sequenti observatione, rogatus, curationem proponere, & (si accepti quid præstitisse sensero,) in posterum verò me plura additurum, hic promittere volui. Accersebat me ad se anno millesimo sexcentesimo sexagesimo primo, Calend. Martii *Johannes Spengler*, è pago *Ramstatt*, propè *Darmstadium*, qui, cum speltam lucri faciendi ergò coëmisset, fuisset que in viâ redeundi domum, ac in currum supra saccos speltâ refertos, ad requiem se composuisset, infortunato lapsu decidit. Verlata autem super ipsum rota, vertebrae dorsi tres intra corpus intrusit, renes, aliasque istius circumferentiæ partes, miserè conquassavit læsitque. Accedens itaque vidi, nec urinam, nec alvum secedere, hinc medicamentis adjutus æger, eandem effluere non sensit. Impotens enim erat insuper, vel leviter saltem movere pedes ob nervorum læsionem, uti etiam abdomen cum pedibus videbatur emortuum. Quò itaque luxationi aliisque incommodis succurrerem, varia in auxilium adhibui medicamenta, inter alia fomentum sequens & linimentum. *R. flor. chamom. sambuc. rosar. herb. verbasco. alth. malv. aa M. ij. sem. lin. ℥ iij. concis. contus. accocta in lact. vaccin. s. q. facculisque duobus insut. alternatim imposui* Linimentum verò ter in die inungere jussi. *R. ol. chamom. lumbr. aa ℥ j. salv. ℥ β. axung. cunic. ℥ i β. homin. ℥ ij. M. F. Lin.* Sic & clyster sequens diversis vicibus est adhibitus. *R. herb. malv. bis malv. violar. becon. chamom. melilot. flav. centann. min. aa m. j. sem. anis. caro. aa ℥ ij. incid. g. m. contund. coq. in ∇ x. s. q. col. & incolatur. dissolv. elect. hier. pier. galen. ℥ i β. diaphœn. bened. laxat. ℥ β. ol. chamom. ℥ j. vit. ov. num. j. sal commun. ℥ ij.* Exhibui insuper spirit. volatilem ex ☿ & * cum ∇ â fragar. petrosel. usque dum æger urinam (inscius tamen) reddidisset. Neglectâ interim vertebrarum repositione, nulla expectanda erat salus aut curatio: Quamobrem eundem septimo die revisi, & præstantius adhibere auxilium animo conclusi, jamdum autem profitebantur adstantes, se haud credidisse, ægrum præteritâ nocte supervicturum, quod & ob innumera symptomata quis vix aliter hariolari poterat. Mox itaque modum proposui inauditum, ægrum restituendi, & suffragati sunt illicò amici. Stragulum itaque integumentum arcuè convolvi, & ægrum magno cum labore imposui, ita, ut vertebrae introrsum flexæ convoluto stragulo incumberent. Hinc mantilia duo, quorum alterum sub axillis, supra femora alterum alligabatur, viris duobus fortibus tradidi, inq; terram procumbere, (pedibus parieti affixis quo fortius tenere queant,) jussi. Postmodum machinâ tractoriâ ex *Vitruvii lib. 10. c. 4.* parietē terebravi, famulū meū sensim volutare, viros autem fortiter tenere feci, manibus meis dorso ritè impositis, applicatisque,

usque dum vertebræ extensæ fragorem ederent, quo percepto ac audito, funi-
culi mantiliaque sensim sunt remissa, impositumque emplastrum contra fractu-
ras omni laudem majus. R. resin. ℥vj. cera ℥iv. terebinth. ℥x. gumm. tragac. arab.
āā ℥℥. pulv. consol. maj. ℥i℥. barb. capr. ℥iij. putam. cancr. ℥ij. aristol. ℥℥. la-
ter. boli armen. ā. ℥j. terr. sigill. lap. hematit. āā ℥℥. mum. ℥ij. oss. human. ust.
℥i℥. pulv. omnia. F. s. a. empl. Repositione peractâ, confortantia adhibui &
per duarum horarum spatium cum ipso sum commoratus, uno autem qua-
drante vix elapso, pedes levissimè movere cœpit. Ab hoc autem tempore urina
insecuta & emissa est cruenta, materiaque purulenta, propter quod indicans, se-
quentem exhibui potionem vulnerariam. R. fol. consol. maj. artem. agrim.
āā. M. ij. geran. Rupert. M. iij. veron. M. vj. mum. ℥℥. liquirit. ℥℥. coq. in vin. &
▽ āā ℥℥. col. dos. ℥iij. His ita unâ cum confortantibus aliis continuatis, æger
est restitutus, perceptis interim aliquibus renum incommoditatibus, quæ & re-
mediis pertinentibus propulsæ sunt, ita, ut hodienum adhuc, & hic Francofurti,
& aliis in locis, negotia sua sedulus tractet & incolumis.

OBSERVATIO LXXVIII.

D. Johannis Friderici Allmacheri

De

Tumore genu, ex lapsu, pro luxatione male curato.

Chirurgus Bensheimensis, *Adamus Daigel*, Darmstadii me conveniens,
impensè rogat, quo ipsi sim consilio in filio *Johannis Glingelbach*, ejusdem
loci vindemiatoris. Puer hic undecim annorum, graviter in tertam de-
lapsus, ita ut confestim tumor insignis esset obortus, consternati inde parentes,
chirurgi opem implorant; metuens autem iste luxationem, quam tamen ob tu-
moris magnitudinem haud cognoscebat, genu egregiè ac fortiter extendit, ner-
vosasque partes ita læsit, contorsit ac irritavit, ut mox ab istâ extensione dolor
exortus sit magnus, unde humorum è toto corpore in partes læsas affluxus, qui
nec cohibitus, sed de die in diem adauctus, dolores simul audauxit, hinc materia
acris & corrosiva facta, nullis autem chirurgorum (quorum jam erant duo)
præfidiis vel ablata, vel emendata. Hinc cuniculos egit, totumque non solum
genu, sed integrum ad calcem pedem, occupavit perforavitque. Advocatus
autem tunc primum ego, statim animadverti, non carnosam tantum substan-
tiam, sed ipsam tibiam materiâ istâ infectam corruptamve esse. Quare hoc
dedi & parentibus & chirurgis consilium: Quod videlicet cutis à genu ad cal-
cem sit incidenda, quò materia peccans tibiæque infesta evacuetur, bonumque
à malo

à malo separetur. Hoc meum consilium cum utrisque horridum ac crudele visum sit, neglectum est, egoque sic sum dimissus. Præterlapso autem trium hebdomadarum spatio, redux parens de intolerabilibus filii doloribus conqueritur, lachrymisque consilium reposcit, quod cum aliud conducibilius non viderem, dictum dico. Annuens itaque parens, totum mihi negotium demandavit. In mensâ itaque deposito puero, chirurgis parenteque detento, operationem sum aggressus, à genu ad extremum pedem feci incisionem, cutim detinui elevatorio. Animadvertens autem tibiam ferè totam corrofam forcipe diffregi supernè ac infernè, ossicula etiam confracta curiosè removi, vulnusque integrum lavamento sequenti elui. *R. aloës ʒj. myrrh. rub. ʒij. mastich. oliban. ā ʒiʒ. herb. equiset. pyrol. āā M. j. concil. contus. coq. in vin. albo.* Postmodum adhibui emplastrum supra laudatum, eoque solo absque omni balsamo, aut emplastro alio, curationem absolvi. Quamvis autem per anni spatium puer robur sufficiens ad eundum non habuisset, tempore tamen & unius anni morâ, insignis adeò à naturâ generatus est callus, ut jam vix desideretur emendatio aliqujus vitii sui ingressus, vivatque jam ex omni parte sanus. Tibiam exemplam mecum inter curiositates alias paucas reservo, desiderantique conspiciendam præbeo.

OBSERVATIO LXXIX.

D. Johannis Friderici Allmacheri

De

Enterocèle desperata, curata.

Andreas Rück/ Gottlaviensis, anno 1661. d. 8. Aug. herniâ intestinali diu laborans, agros sulcandi ergò campum adit, sulcando autem, nimiumque se movendo, intestina in scrotum prolapsa sentit; domum itaque delatus, varia adhibuit remedia domestica. Parùm autem istis proficientibus, quin potius symptomatis aliis pluribus irruentibus, in pejus ruit. Obortus enim deplorandus ille affectus miserere mei, singultus insuper vehementissimus, à vicinis ultra sextam etiam domum auditus. Summo itaque in periculo constitutus æger meum implorat auxilium. Intuito autem misero ægri statu, ipsemet expavi, tum, quod remediis convenientibus non satis essem instructus, tum quod scirem faustraneos esse tali in casu sæpè conatus. Quò autem adstantium, ægri imprimis, votis satisfacerem, de iis, quæ in pago ad manus erant, medicamentis, fui sollicitus, ex horto itaque prope ædes ipsemet collegi seq. *herbas pro clystere fomentoque v. g. herb. malv. alth. viol. alfin. chamom. āā M. ij.*

M. ij. è coct. in lb. iij. lact. vacc. & dissol. butyr. rec. ℥iij. mell. ℥ij. diversis vici-
 bus injectus est clyster &c. Species autem sacculis duobus inditas, fomen-
 tationis ergò alternatim calidè imposui, totumque abdomen fovi. Coxi & in-
 super potionem sequentem, quam frequenter assumsit. R. herb. equis. M. j. rad.
 liquirit. sem. anis. carn. aa. ℥℥. Quamvis autem hæc omnia ritè facta sint, de
 mortis tamen necessitate nemo non cogitabat. Convocatis itaque amicis, Pa-
 rochoque Dn. Scheffero, voluntatem suam intimavit ultimam, viaticoque sa-
 cro accepto, & mihi & adstantibus cæteris porrectâ manu, valedixit. Conti-
 nuantibus autem nobis medicamentorum applicationem, fomenta im-
 primis diligenter adhibendo, insigni crepitu ac strepitu intestina in abdomen
 sunt regressa. Hinc fecum per superiora ejectio, singultusque inhibitus. Æ-
 ger autem paulò post optimè exoptateque restitutus est. Vivunt autem hujus
 rei in Gottlau / hodiènùm adhuc, & æger, aliique adstantium testes veridici
 plures.

(Dn. D. Allmacherus ex M. S. Parentis, Dn. Joannis Friderici Allmache-
 ri, Chirurgi Francofurtensis percelebris, curante Dn. D. Reiselio, Vratis-
 laviam transmisit mense Mart. An. 1673.)

OBSERVATIO LXXX.

D. Johannis Paterfon Hain

De

Vermibus è stomacho rejectis.

VIdua conquesta est de summo dolore stomachi, menstrua erant retenta,
 appetitus dejectus, aliquid, vermis majoris instar, sæpè ad fauces ascen-
 dere dicebat, statim tamen ad stomachum redire, magnum esse. *Excell.*
D. D. Schœnlin exhibuit illi *Mercurium dulcem*, aliquoties, sed de eodem ver-
 me conquerebatur. Exhibita est postea infusio *vitri antimonii*, sed nihil præ-
 ter phlegmata & bilem ejecit. Verme illo, ut dicebat, ascendente quidem ad
 fauces; sed qui egeri non poterat: Bibit aquam Thermalem, sulphur valdè redo-
 lentem; at nihil opis sensit, nisi quod vermis ille non tanto operè moveretur. Ex-
 hibitus *Merc. vitæ* ad gr. iij. movit iterùm phlegmata, & quatuor globos inspif-
 satos, in quibus discissis aliqua materia nigra apparuit, ejecit, unâ cum vermi-
 bus duobus, quos mitto, reliqui per inferiora exivêre. Menstrua interim ap-
 parvêre, ipsaque credit, vermem magnum adhuc latere in stomacho, Vermes
 vivos adhuc meo rogatu delineavit pictor. In charta A. depicti super ventrem
 jacent: In charta B. super dorso, ut pedes illorum dignoscere liceret: ipsi vermi-
 culi

culi non benè dignoscuntur valdè arefacti, etiam per microscopium, quia, ut auguror, alimentum, quo prægnautes erant, illis extinctis transfudavit, & quasi candisatum est, imò translucet, ac si saccharo conditi essent. Si ulterius de majori rejecto quid rescivero, significabo.

Ad OBSERV. LXXX.

D. Johann Paterfon Hain.



(In litteris mense Julio anni 1673. ad Collectores Ephemerid. Vratislaviam scriptis.)

OBSERVATIO LXXXI.

D. Melchioris Fribe

De

Epilepsia mira, melancholico-hypochondriaca verè ecstatica.

DN. D. Balthasar Timaeus à Guldenslee l. i. Epistolar. Epistola 9. p. m. à 20. usq₃ ad 26. Epilepsiam miram enumerat speciem Nobilissimi pueri à Crocaw; cujus motus præter & fermè supernaturales exinde dicuntur, quia puer ille adstantium manus clam subterfugit, parietibus se adaptavit, & mirâ celeritate eos ascendit. Quam historiam loco allegato fusius videre est. Miram, raram, & fide dignam chartæ concedo epilepsiam puellæ cujusdam annum duodecimum jam agentis, cognomine Rautenbergeriæ. Hæc quoad externam faciem nigricans, torveque vicens, profunda, fani adhuc dum corporis esset, & integrâ frueretur valetudine, semper meditabatur, ideò, & meritò quidem, pro melancholica habebatur. Die 24. Maji anni hujus currentis, morbus quidam illam invasit, in quo membra extrema, manus & pedes, erant rigida, anxietasque maxima circa præcordia & cordis palpitatio eam defatigabat: ita ut præ dolore clamare, ejulare, preces ad DEUM fundere cogeretur, morique cuperet. Morbum pro melancholia hypochondriaca ex uteri consensu

I habet

habebamus. Motus interni ab extra explorari poterant, pulsus erat durus & celer paululum, sed sine manifesto febris indicio. Sensus interni omnes, caput, oculique naturaliter erant constituti. Adhibitis decentibus medicamentis cordialibus, epilepticis, uterinis, vicimus, DEO benedicente, die tertio morbum gravissimum, surgebat postea, & ad munia consueta, ac si nunquam ægrotasset, se accommodabat. Securi erant domestici, morbum nunquam rediturum sibi persuadentes. Ast die decimâ Junii, horâ sextâ pomeridianâ immani corripitur epilepsiâ cum subsequente delirio. Nocturno dormit, sed anxie. Die sequenti aliam morbus induens larvam, epileptica antequam fieret, quod vigesies vel sæpius de die factum, semper prius digito protenso, torvo cum vultu ad angulum, ac si inibi horrendi quid videret, monstrabat, & quidem cum furore & exandescencia reclinans se ad latus dextrum, è vestigio insultus epilepticus se manifestabat, pollices in manus fortiter comprimendo, oculos hinc & hinc, quamvis clausos, movendo, ex ore spumam emittendo, omnesque sensus amittendo. Explicatis pollicibus paululum quiescebat oculis penè clausis, postea prius brachium dextrum extollens digito desuper, mox ita & cum sinistro nutabat. Ambobus brachiis dicto modo elevatis manus comprimebat, ac si exciperet aliquem, pectorique admovebat, paulò post oculos aperiebat, & manus complicatas sublatasque, fortiter pectori applicabat, omnia tamen sine auditu, loquela & ratione, dein oculos apertos cum manibus complicatis ad cælum dirigendo, labia movebat, & momento temporis præterlapso, sensus redibant omnes. Secundo morbi die fando proferebat, se videre Jesum, sanctos Angelos, patrem, matrem, agnatos & cognatos in cœlo triumphare & tripudiare, quare & ipsi esset tripudiandum. Sequentibus autem diebus amissâ, vel potius interdum omissâ loquelâ, cum adstantes visiones superiùs recitatas ipsi in mentem revocarent, capitis nutu veras esse affirmabat, & exinde tale eam gaudium percipere præ se ferebat, ut manibus & brachiis extensis, iterum retractis, & cordi applicatis, capitis nutu, totius corporis elevatione, incurvatione, vibratione, & pedum motu fortissimo, non aliter ac si jacendo saltaret, hilari terque tripudiaret, ac gaudium cœleste cum blando aliquo risu adstantibus, preces ad ipsius voluntatem fundentibus, annunciaret. Secundo morbi die articulata voce pronunciaverat, Dominum Jesum non manè, sed vesperi venturum, & in cælum eam recepturum, & hæc impressio unica erat causa, cur ad quintum usque omnia medicamenta, cibumque & potum respueret mortis cupida, quod & nos ægram in summo vitæ periculo versantem, concessimus, crisin expectaturi. Noctem determinatam non moriendo, sed placidè dormiendo absolvit. Manè aliquoties redibant insultus epileptici cum suprâ scripto tripudio, igitur mortis cupidam morte consolandam ratus, utrum vivere, an mori vellet, interroga-

rogabam? Respondebat voce vix perceptibili, lingua balbutiente, sed ore ridente & corde gaudente: Mori cupio, ut mox cum Jesu meo in cœlo esse possim. En! morimur, aiebam, sanguinem mittendo, ut autem eò citiùs moriaris, & Jesum tuum videas, venæ sectio erit adhibenda. Quanto hoc nuntium perceperit gaudio, vix dici potest. Horâ post decimam mediâ, absoluto priùs tripudio consueto, venam schiaticam minorem in sinistro pede (saphæna & reliquæ erant imperferutabiles,) secuiimus ad uncias duas. Deligato vulnere incidit in animi deliquium adeò forte, ut me excepto, omnes mortuam prænuntiarent; brevi restituta, paulò melius mox habere cœpit, sine ulteriori epilepsiæ recidiva & tripudii gaudio. Interim vires erant prostratæ, uti & appetitus, lipothymia interdum cor petebant, sed nihil factorum meminerat, nec mori amplius desiderabat. Die morbi septimo conquerebatur de collo, venæ enim jugulares tumentes cernebamur cum aliqua doloris perceptione; circa meridiem lautè prandebat, placidè dormiebat die nocteque. Die decimo, ne malum recrudesceret, sedes utrum exstirpari funditus posset, tentavi ab initio blandissimo laxativo: R. *crystall.* ꝑri gr. xij. ꝑri *Œlati* gr. iij. *resin. galap.* gr. iiij. *diagryd.* *Œrat.* gr. ij. M. F. pulvis laxativus. Pars humorum peccantium decem dejectionibus imminuebatur, & sic purgatio cum *εὐφροειᾷ* absolvebatur. *De reliquis impofterum.*

Scholion.

Cur epilepsiam ecstaticam dixerim, ex sequentibus judicandum. *Ἐκστασις* vocabulum variè accipitur: vulgò est privatio omnium functionum animæ sentientis, moventis & intelligentis, unde verè ecstatici quasi mortui jacent, & postquam evigilant, mira, quæ audiverint viderintque profundo in somno enarrant. *Sennert. l. I. Part. 2. c. 30. p. m. 584.* Tali autem modo nostra epileptica non nuncupatur ecstatica: non enim aberant, sed supra modum, cessante epileptico insultu, aderant functiones, uti ex casu recensito patet. Divino nostro *Hippocrati* *Ἐκστασις* est vehemens mentis amotio & delirium, ab *ἐκστῆναι*, de mentis potestate exire, aut vehementer mente emoveri ac delirare. Cessante epilepsiâ in profundo somno vidimus sepultam ægotantem, quiescentibus omnibus sensuum functionibus; quo absoluto, somnians brachia & manus extollit, variasque gesticulationes, delirium præfagientes, ostendit, tandem ecstasis in delirium abit, in quo totius corporis motus vehemens & merè præternaturalis, vibratio nimirum, jactatio, contorsio & tripudiatio omnium membrorum, capitis, corporis, manuum & pedum mirum horrendumque in modum aspectui datur, quæ nihil aliud sunt, quàm ecstatica mentis amotio. Redeunt deinceps functiones tum animales, tum naturales, tripudiatio, visque imaginatrix,

natrix, dum Jesum, sanctos Angelos, cognatos & agnatos, etiam in vitâ nunquam visos, in cœlo saltare, variaque gaudiorum cœlestium genera celebrare ait, ex quibus tantum percipit gaudium, ut ad saltum se mox accingat. Quæ omnia ex errore Phantasiæ contingunt, speciem tamen delirii præfagiunt, maximè quia post morbum debellatum nihil horum meminerat, nec noverat. Læsam in totâ actione facultatem imaginatricem & ratiocinatricem deprehendi: non probè imaginabatur, parumque aptè ratiocinabatur, quæ *παραφροσύνη* seu desipientia dubio procul cum cæteris erroribus secundum *Galen*i & *Hippocratis* mentem ad ecstasin, prout Medicus illam considerat, est referenda, omniaque, unico verbo, sub titulo melancholiæ hypochondriacæ, quoad fontem & causam morbi, comprehenduntur. Exinde apparet, quanta vis sit humorum melancholicorum, fuliginumque tritorum & malignorum, ut non solum cerebrum & spiritus confundere, verum etiam totum genus nervosum turbare, motus convulsivos ecstáticos, gravemque ac miram epilepsiam inducere queant. Mirum fortè videbitur, solâ venæsectione in pede totum morbum, quantus etiam fuerit, cui Achilles, vix & Hercules cum Hannibale sustinendo & vincendo suffecissent, incantamenti instar fuisse ablatum. Larga DEI clementia factum fecit. Rationes medicas si desideras, en adsunt, nimirum revulsio & derivatio. Evacuationi, quæ parca erat, parum adscribendum. De prioribus egregiè scribit acutissimus Medicus *Dn. D. Casparus Caldera de Heredia*, Medicus Hispansium celeberrimus, *capite de melancholiâ hypochondriacâ p. m. 298. & 299. §. 2. F.* Considera, à quo loco sit sanguinis missio exercenda, locus enim à parte affectâ indicatur; nam si loca infra hepar aut renes patiuntur, situs ratio docet, ex talo esse sanguinis missionem exercendam, licet nulla hæmorrhoidum adsit suppressio, neque mensium, ex *Hippocratis* & *Galen*i consilio: tunc enim fit securior à capite, corde, ventriculo & hepate revulsio, & à parte obstructâ derivatio; & æqualiter corpus universum per has tali venas vacuatur, ac per superiores, cum ferè æquè distent ab hepate, ut à fonte &c. In *supracitato tribunali Medico*, observatione de sævâ epilepsiâ in prægnante *p. m. 331.* magni æstimat venæsectionem tali & malleoli, ad *Galen*i & *Hippocratis* mentem, *6. epit. sect. 2. 16.* cujus beneficio maximam morbi partem retudit. *Idem. p. 225. col. 2.* de febre epilepticâ, venæsectionem in talo mox ab initio curationis aggrediendam suadet his verbis: Sed ob accidentis (epilepsiæ) immanitatem sanguinem mitti iussimus in talo. *p. 226. ait.* Hanc, ut diximus, febrem (epilepticam) ex talo sanguinis missionem repetita curavimus, &c. Varia eaque egregia curationum exempla per tali venæsectionem absolutarum possent produci: sed filum abrumpo. Prima morbi invasio d. 24. Maji ex præcedenti nocturno timore suborta, tam altas egit radices, ut postea sanguine aliàs impuro & turbato sæva exorire-

exoriretur epilepsia ecstatica, quæ non per venarum superiorum, sed inferiorum apertionem erat curanda, uti hoc *Galenii textus de venesectione adversus Erasistratum c. 5.* perspicue docet; sed si in his sanguinem ex brachio mittis lethalem errorem facies, tunc enim motum naturæ impedies, sese ad uterum conversæ, & contra naturam retrahes. Magna erat in utrâque accessione suspicio, quod uterus in consensum traheretur, propterea venam potius in pede, quàm in brachio svasi: ne si in brachio aut sub linguâ aperiretur, plenariam patientis extinctionem accelerarem, uti non ita pridem in febre acuta, petechiali ex suppressione mensium, Medicus quidam in epileptica nostræ ædibus instituta venesectione sub linguâ, hæmorrhagiam subsecutam sistere nesciens, magno cum parentis luctu, præmaturâ decumbentis morte, indelebilique Medici contentu expertus est.

(In literis mense Julio Anni 1673. ad Collectores Ephemerid. scriptis.)

OBSERVATIO LXXXII.

D. Johannis Ludovici Hannemanni

De

Aphthis.

IN puerulis aphthis laborantibus nihil est, quod tam præsentaneam afferat operam, quàm *oleum raparum*, si in eo tantum dissolvatur sacchari, quantum potest, illudque ori illitum lambant: quod in meo filiolo Petro Johanne vix octo dies nato expertus, cui aphthis laboranti dedi oleum hoc raparum saccharatum, & paucorum dierum spatio curatus est.

Rustici infans cum non posset fugere, itidem aphthis obseffo palatò, morbo jam per 10. dies vigente, eodem modo à dicto medicamento sensit levamen præsentaneum.

OBSERVATIO LXXXIII.

D. Johannis Ludovici Hannemanni

De

Dura alvo in Infantibus.

AD movendam alvum in infantibus nihil tutius & convenientius est eodem *oleo raparum saccharato*, ex frequentiori nostrâ experientia, quàm felicissi-

felicissimo cum successu id semper propinavimus. Si in hoc oleo ebullierit ☿ vivus, præsentissimum evadit remedium contra lumbricos.

(In litteris ad Dn. D. Wedelium.)

OBSERVATIO LXXXIV.

D. Georgii Wolfgangi Wedelii

De

Trutta Saxatili.

Mirus est lusus naturæ in lapidibus, non in gemmis solùm, sed & in vulgaribus. Achates Pyrrhi Regis celebratur à *Solino c. II. p. 53.* in quo novem Musæ cum insignibus suis singulæ, & Apollo tenens citharam videbantur, non impressis figuris, sed ingenitis. India eundem dedit, reddentem nunc nemorum, nunc animalium facies, teste eodem. *Μίμει τὴν τέχνην ἢ φύσις, ὥς ἴδια ποιεῖ.* *Natura artem imitatur, aliqua verò peculiaria efficit:* quin polydædala est artifex, ubique mirabilis, ubique suspicienda, in magnis & vilibus. Pisces fossiles in campis juxta Pyrenæos montes reperiri refert *Athenæus l. 8. ex Polyb. l. 34.* Superbit iisdem Saxonia Islebii frequenter occurrentibus talibus auratis piscibus, qui proprium sibi deponunt caput. Sistimus jam truttam saxatilem longè curiosissimam, quam vidimus Brehmæ apud Illustrum & Magnificum Virum Dn. D. Meierum, J.C. Reipublicæ Consulem, & Præsidem longè eminentissimum, Patronum nostrum gratiosum. Concessit is nobis pro singulari & non satis deprædicandâ suâ humanitate ex fertissimo suo Rarithecio iconem, cum versibus longè elegantissimis; ipsum verò saxum, ceu monumentum hujus piscis ære perrennius, inter rariora naturæ, quæ illuc largè confluxerunt, asservatur.




IN TRUTTAM SAXATILEM
CARMEN

D. Bernhardi Molleri

Monasteriensis, Anno 1570.

*Lapis in quo Figura Trutta expressa, excisus è Lapidicinâ Baamberg
Diæces. Monasteriensis.*



Reperiunt magnâ lapidis compage foramen,
In mediâ saxi parte foramen erat.
Introitus nusquam fuerat, non exitus usquam
Aeris : ast vacuum cernere rima dabat.
Nec rimam natura dabat, sed verbera ferri :
Artificis ferrum sponte foramen init.
Insolitum cuneis aperit lapidida foramen :
Dividuis planè cœpit hiare lapis.
Forma statim piscis saxo spectatur inesse :
Sed non piscis erat corpore, forma fuit.

Inte-

Integra squamarum series fulcatur in ipsa
 Cote : patent fauces , sicut utrinque solent.
 Crassum nempe caput : lato stat tergore cauda,
 Tergo prima sedet , pectore prima subest.
 Omnia commonstrant capitosi corpora piscis
 Integra : neglectum dixeris esse nihil.
 Tale viri monstrum simul ac videre frequentes,
 Crediderim multos subdubitasse metu.
 Altera servatur capitosi portio piscis:
 Altera fabrorum verbere trita perit.
 Mira Dei virtus : mirè natura relucet :
 Omnia miremur : noscere pauca licet.
 Doctus , qui valuit rerum cognoscere causas:
 Quæ capiunt pauci , multa videmus agi.
 Piscis adhuc monstri formam Baumberga dedisse
 Gaudet : adhuc gaudet munere læta suo.

(In litteris ad Collectores Ephemeridum mense Julio An. 1673.
 scriptis.)

OBSERVATIO LXXXV.

D. Georgii Segeri
 De

Araneo innoxie deglutito.

Virgini nostrati, 18. annos circiter natæ, parentumque merces ante triennium in taberna venum exponenti, offertur manè propellendo rigidiori aëre cerevisia calida, cui panis erat intritus. Ista cum videret accedentes emtores, festinando aliquot deglutivit cochlearia, residuumque seposuit. Abeuntibus postmodum emtoribus, ubi liberum nata erat tempus, recepit scutulam, comestura, quod antè reliquerat. Sed ecce dum fortè fortuna oculos infert in vasculum, deprehendit supernatantes duos aranei pedes. Perterrefacta exinde domum se confert, & parentibus, quæ contigere, exponit. Isti postquam etiam ex ancilla resciverunt, cerevisiam illam, præcedenti jam vespërâ è dolio promptam, per totam noctem in aperto asservatam fuisse craterem, relationi filix facillè assentiuntur, meque quantocyùs in consilium vocant. Sed ecce, ante meum accessum Virgo vomitu rejicit aranei corpus & pedes aliquot, unde jussu meo sumtâ theriacâ sudavit, atque sic convaluit.

OBSER-

OBSERVATIO LXXXVI.

D. Georgii Segeri

De

Acu deglutita.

QUOD acus deglutitæ interdum sine, interdum verò cum insigni molestia in corpore retineantur, olim quoque jam annotarunt autores. Quibus similia & ego jam proferam exempla. Cum Anno 1651. mense Majo Gedano Regiomontum me conferrem, socium itineris habui studiosum quendam Regiomontanum, qui aliquoties in itinere subitâ & gravi corripiebatur. leipothymia, cui nonnunquam etiam motus jungebantur convulsivi. Causa hõrum malorum erat acus, ante annum & quod excesserat cum binis aliis in sanitatem nobilis cujusdam virgunculæ deglutita. Quo imprudenti facto præter multa horrenda mox subsequencia symptomata, ipsam quoque sibi accelerasset mortem, nisi clementia Divina assistentium Medicorum curæ ita benedixisset, ut tandem binas expulerint acus, relictâ tertiâ, quæ subinde instar monitoris solertem aliàs & ingeniosum commonescerent juvenem, ne posthac auro pretiosiores sanitatem adeò temerè tam aperto committeret periculo. Ea an postmodum egressa quoque sit, me quidem latet, quippe qui exinde hoc solùm de eo rescivi, quod laureâ Doctorali in utroque jure summâ cum laude acquisita, Facultatis suæ Professor in Academia patria exstiterit, & non ita pridem vitâ functus sit. Cæterùm longè benigniorem fortunam anno præterito 1672. expertus est frater Albertus, è familia Reformatorum regulæ S. Francisci in cœnobio vicino Podgoriensi trans Istulam tùm existens. Is enim cum die 14. Aprilis, quæ tùm viridium erat, in immutando altaris ornatu occupatus esset, duas acus majores, quas ore tùm continebat, nolens deglutivit, & mox dolores quosdam in ventriculo sensit. Perterritus exinde à meridie me in platea accessit, consiliumque petiit: Suasi ut crematurâ hordei prunisque laxantibus, ut & cibis viscidis ac pinguibus, si severitas regulæ suæ id permitteret, utatur, propriasque feces probè semper examinet, atque simul medicamentum laxans me præscripturum promisi, modò ad meas se conferret ædes. Sed aliis negotiis impeditus, eâ die me non accessit. Posterâ die 13. Apr. per alium fratrem nunciari mihi jussit, se in fecibus unam observasse acum, & inde tantos in ventriculo non sentire dolores. Usus igitur medicamenti in aliud tempus distulit. Die 18. April. post evacuationem corporis dolores ventriculi omnino remiserunt, nec ab eo tempore quicquam mali ampliùs sensit, egestâ sine dubio

dubio etiam alterâ acu. Tandem die 20. Maji ipse me accessit, benè se jam valere retulit, pro dato consilio gratias egit, atque ut sibi electuarium aliquod laxans pro duabus vicibus præscriberem, rogavit, & obtinuit.

OBSERVATIO LXXXVII.

D. Georgii Segeri

De

Scirrho Pancreatis & glandularum Mesenterii lethali.

Postquam præterito anno 1672. exercitus Turcico-Scythicus in Podoliam eique vicinam Russiam ac Poloniam minorem truculentam fecit impressionem, & cuncta depopulationibus, rapinis ac cædibus, pro more suo replevit, plurimi fuerunt regionum illarum incolæ, qui fugâ sibi suisque tempestivè consuluerunt. Repertus est inter hos etiam primarius quidam mercator Lublinensis, qui, ut postmodum summâ urgente necessitate eò commodius fugam capessere posset, uxorem cum filiola, tertium ætatis annum agente, aliisque sequioris sexus propinquis, declivi flumine ad nos maturè dimisit. Hæ verò in itinere eandem semper non servarunt diætam, & ex illis imprimis filiola, quippe quæ placentis, libis, teganitis, aliisque hujusmodi in butyro frixis cibis, quibus nimium delectabatur, ultrà modū sæpiùs se ingurgitavit. Exinde non diu post illarum ad nos adventum cum malè se habere inciperet ista, mater ex consilio muliercularum multa quidem adhibuit, sed omnia frustrâ. Tandem ingravescente penitùs malo, me quoque die 21. Januar. anni hujus 1673. in consilium vocavit. Offendi puellam satis debilem, & à calore p. n. extenuatam planè, cibum quoque nullum appetentem, crebrò vomentem, & diarrhœa gravi laborantem. Morosa insuper erat, atque à medicamentis ita abhorrebat, ut quæ & qua ratione ei sint danda, tædiosa curæ haut postrema fuerit pars. Licet verò sub curæ initium calor planè remiserit, vomitus quoque & dejectiones non adeò crebrò infestarent agram: quia tamen extenuatio corporis & appetitus viriumque prostratio sensim indies augebantur, solam mortem horum malorum unicum futurum remedium facile licuit colligere. Cæterùm, dum ego hujus aliorumque sanitati sum intentus, febris catharralis cum pleuritide spuria ex improviso graviter me corripuit, & vix non opprimunt. Rogatur igitur *Excellentissimus Dn. D. Venceslaus Dorosch* à matre puellæ, ut meas suppleat vires, filiolarumque ad pristinam reducat sanitatem. Qui licet non tantùm solus fidelem ac circumspèctum se præstiterit Medicum, sed & post meam convalescentiam

unà mecum, quæ ad perniciem depellendam facere possunt, non intermiserit: non tamen impedire potuimus, quo minùs die prima Martii placidè obdormiverit ægra. Post mortem nobis præsentibus Dn. Bartholomæus Taubenheim, Divorum Pol. ac Suec. Regum Uladislai & Joh. Calimiri Chirurgus hætenus primarius, referavit abdomen. Sed ecce, in isto viscera omnia, ipsumque hepær, quod aliàs in justo majorem excreverat magnitudinem, apparebant sana. Solum pancreas induratum erat omni ex parte, & planè scirrhosum. Glandulæ quin etiam mesenterii hinc inde visæ scirrhosæ, atqua in eam auctæ erant molem, ut magnitudinem nûcis juglandis longè superarent.

OBSERVATIO LXXXVIII.

D. Georgii Segeri

De

Epidermide totius corporis per partes deposita.

QUandoquidem epidermis post febres ardentes, variolas, rossalía & rubeolas sæpè à quibusdam partibus abscedere solet, hinc exempla illa ut plurimum negliguntur à Medicis. Ast universales totius corporis decorticationes (ut sic dicam) quia non ita sunt vulgares, annotantur meritò ab autoribus. Sic legimus in historiis navigationum Batavorum in Septentrionem, quæ *Linscotano* Anno 1599 edito sunt annexæ, & *Bernardo Paludano* tribuuntur, quod Batavi Anno 1596. in nova Zembla constituti, jecur ursi albi coctum comederint, ast valetudinis maximo discrimine, laborantibus nimirum cunctis, & decutito in universum corpore, ut verba autoris in recensione tertiæ historiæ sonant. Sic militi post haustam potionem, cui integræ colocynthidis medulla incocta erat, totius corporis epidermidem abscessisse, annotavit *Sal-muth. cent. 3. obs. 2.* Sic in muliere Hebræa cuticulam universi corporis per ferrosi humoris ebullitionem, intermediâ aquâ citrinâ mordicante à cute separatam vidit *Hæferus*, ut ipse refert in *Herc. Med. lib. 7. cap. ult.* His ego sequens addo exemplum; Candidus ac ingenuus senex, Dn. Laurentius Bogt/ exquisitam aliàs in victu diætâ servans, elapso anno 1672. quierat 77. suæ ætatis, sub finem Octobris pustulis quibusdam infestari cœpit, unde & chirurgum Antonium ad se vocavit. Die 2. Novembr. vocatus & ego, vidi per totum corpus dispersas pustulas satis magnas, pellucidas & prurientes, quæ aut discissæ aut ruptæ liquorem fundebant albicantem, limpidum & lentum, relictis ulcusculis superficialiis. Sudorem omni studio declinabat æger, licet illo præsentè copiosius erumperent pustulæ, nimium enim pruritum ferre non potuit. Soli igitur

naturæ commissa expulsio, & corroborantia atque alterantia propinata sunt ægro, chirurgus officium suum etiam non negligente. Æger autem spatio duorum mensium totius corporis cuticulam per partes deposuit, & sic convaluit.

(In litteris ad Collectores Ephemeridum Vratislavia mense Julio anni 1673. missis.)

OBSERVATIO LXXXIX.


D. Caroli Raygeri

De

Vermibus cum nive cadentibus.

Vermes in nive vetustiori generari atque ibidem inveniri, res nova non est, sed jam Aristotelis tempore cognita. Ita enim ille l. 5. de Hist. Anim. c. 19. Quin etiam in iis, quæ putredinem nullam posse excipere existimantur, nasci animalia novimus; ut vermes in nive vetustiori, qui hirti sunt pilis & rubidi, quoniam & ipsa nix vetustate rubescit; sed in nive mediæ terræ candidi & grandiores inveniuntur. Torpent omnes ac difficulter moventur. Vid. quæ habet Ulyss. Aldrov. lib. 6. de Insectis, c. 9. & instar omnium quæ decus illud Medicinæ Boreale, Thomas Barthol. in de nivis usu medicò, c. 9. annotavit. At novum, insolitum quin immò inauditum, quod non ità pridem Neosohli, (Neusohl) in partibus Hungariæ montanis, ubi non procul cuprum effoditur præstantissimum, accidit. Ibi enim anni 1672. die 20. Novembr. quæ erat Dominica, à pago, quem das Máyerdörffel appellant, in civitatem usque; iterum ex alterâ parte ante argenti-portam (das Silber-Thor) in prato quodam latò & spatio, unâ cum nive cecidére ultra decem genera diversorum vermium, qui cætervatim super nivem repentes & ultra quatrimum viventes à multis civitate egressis, visi atque collecti fuére. Plurimi erant nigri cum pedibus & crenis luteis, erucis similes, alii subrubentes, alii instar aranearum pedati, alii scarabeos parvos, aut muscas referentes. Nullus autem horum intra mœnia cecidit, omnes extra portam & quidem in dictis tantum locis inventi. Primum horum à genero ibi locorum habitante sibi transmissum unâ cum relatione ostendit mihi Dn. Otto Zeucher/civis hujus urbis honoratus; post Viennâ missi lcones, sed rudi calamo depicti; tandem per personam quandam Illustrissimam & mihi quorundam, quatuor inquam generum, facta copia, quos siccatos, quò melius conspici queant, protinus in aquam conjeci, unde tumefactos & ad pristinam redeuntes dimensionem, eâ planè figurâ & magnitudine delineari curavi prout erant.

Repræ-



Repræsentat igitur *Figur. I.* vermem omnium, quos vidi aut habeo, maximum & pronè repentem & inversum, seu supinum, totum nigrum, pedibusque donatum subtilibus luteis. *Figur. II.* Minorem, priori non absimilem: *Fig. III.* Minimum totum nigrum sine pedibus; *Fig. IV.* Scarabæum parvum, sed colore subcinericio, referentem. Iam verò si tanta clarissimorum & doctissimorum virorum ingenia torset generatio & productio vermium ordinaria ex nive vetustiori, prout apud prædictos authores videre licet, quid fiet de ista extraordinariâ & insolitâ vermium nunquam ante hac visorum generatione, figurâ, modò apparendi & similibus? Quis verò locus designandus nativitatis? an terra? at illa gelu adstricta: An media aëris regio, & nubes? aut cur non ubique cum nive cecidere, quandoquidem tam in civitate quàm extra eam nixit? Unde attractum seminium hoc inusitatae & nunquam ante conspicuæ formæ vermium? Unde tandem tanta vivacitas brumali imprimis tempore, ubi omnia aliàs hujus generis insecta torpent & mortua jacent?

Certè hic τὸν θεὸν jubet ἐπεχειν.



OBSERVATIO XC.
D. Caroli Raygeri

De
Fungis Monstrosæ ac insolitæ Formæ.



Insolitum hoc fungi genus ipse ego meis manibus è terrâ erui in pago, ad S. Johannem, dicto, quinque miliaribus Posoniô Moraviam versus distante. Cum enim ibi essem, exhibitus est mihi talis non usitatæ formæ fungus, nunquam eô locorum (credo ego etiam nuspiam) visus, petiique statim monstrarent mihi locum. Egressus vidi circa sepimenta in loco quodam trium aut quatuor passuum longô, aliàs nullibi in toto districtu, inter virgulta ex antiquo quasi finetô propullulare ultra centenos tales fungos majores, minores, eleganter certè & affabrè cum capitello suo factos, nihil in se monstrosi habentes aliud, nisi quod à communi fungorum forma recedant, & nescio quam insolitam figuram monstrent. Si exolescunt in pulverem abeunt; id quod & mihi factum, qui decerpturus quendam insigniorem cum capitello lato & pulchrè fastigiato, in idem impegi fregique, & statim ex rupto nihil nisi pulvis exivit. Videtur aliquô modô assimilari posse fungo Anthropomorpha, quem exhibet in Ephemerid. Curiosarum, anno II. Observatio LV, hac saltem differentiâ, quod

quòd ille altior ex pluribus junctis quasi compositus, diversis tamen capitibus modò plenis, modò rotundis, modò fastigiatis constet; Hi autem nostri minores semper singuli, rarò bini, omnes eadem formâ & figurâ crescant atque inveniuntur tempore insolitò, quod magis hoc annò apud nos vernum, quàm hibernum videtur.

(In litteris mense Jan. ann. 1673. ad Coll. Ephem. quidem transmissa, sed errore aut casu extra suum ordinem delapsa.)

OBSERVATIO XCI.
Dn. Andreæ Cnœffellii
De
Mercurio fixo Helmontii.

IN tractatu de Febris cap. 17. §. 9. Mercurium diaphoreticum fixum præparari cum elemento ignis, de vitriolo Veneris extracti, docet Helmontius. Veneris vitriolum quomodò arte parandum informat in Parad. 3. §. 12. p. m. 422. in fol.

Quid sit ignis Veneris multi jam disceptant. Et quid velit eo Helmontius intelligi, non concordant scriptores, præcipuè cum Helmontii requisita ad modò dictum ignem Veneris, quod sit *oleum viride & dulce à corpore Mercuriali sui cupri planè separatum*, multis ansam veræ præparationis è manibus eripuerint.

Cupro inesse istum ignem Veneris c. 8. de Lithiasi §. 8. p. m. 46. affirmat. Cuprum autem metallum completum non facilè destructibile, aut retrocedens in sua principia vocat §. 17. etiam vitriolum è Venere factum ignavius esse vulgari §. 16. docet. §. 12. & 18. commendat loco vitrioli è cupro facti verum vitriolum, quod venam cupri lamberit & eam eroserit, illudque cujus vena liberior ab alienâ malignitate viciniorque fuerit enti Veneris, inculpatius vitriolum esse dicit. §. 14. etiam non tam Lazureum colorem esse respiciendum, quam salis puritatem & viriditatem. Itaque ad ignem Veneris conficiendum non opus esse vel vitriolo ex cupro facto §. 17. vel ex floribus æris, sed VIRIDI PURI SALIS VITRIOLO.

Possent quidem fieri objectio, quod Helmontius de Lithiasi c. 8. §. 5. dicat: non posse haberi ignem Veneris, nisi cum plenariâ cupri destructione, corporisque Mercurialis ipsius Veneris volatilisatione, illudque volatile in album metallum ignotum posse parari, & ita necessariò cuprum ad eandem materiam requirî debere. Sed, uti modestè opinor, eum in hoc paragrafo cupri venam ero-

sam

sam intellexisse, & nihil obstare, quò minus ea verba, quæ §. 21. ejusdem capitis, nempe *fecem colchotaris è destillatione residuam totam adhuc esse cupream*, legantur, possint cum superiori textu §. 5. combinari, præprimis, quando §. 11 c. 8. de *Lithiasi* in quæstione, an ignis Veneris sit spiritus vitrioli rectificatus, respondeat, indefinite affirmans, se destillationem per neminem traditam velle propalare; Colchotarque ex destillatione residuum, esse cupreum, edoctus è Paracelsi *Tom. 1. operum in fol. p. m. 1050. Lit. C. de vitriolo* in verbis: Proba est, sed ad medicinam inutilis, solum ad Alchimiam, *quod Colchotar per se in igne fusum Venerem fundat*. De quibus tamen omnibus Lectori Benevolo liberum relinquo judicium.

Distinguendum autem juxta mentem *Helmontii* inter sulphur Veneris, quod ad vitam longam conferre dicitur in *lib. Butler. p. m. 363. & in tractat. imperfect. p. m. 352.* in forma olei rubicundi cum suo corrosivo destillatum per alembicum descendit, & ignis Veneris à *Paracelso* vocatur, & inter illud, quod in *tractatu Butler* cum sale armoniaco sublimatum ad compositionem Driff, autor requirit. Illud quidem ad Mercurii fixationem omninò concurrere statuendum esset, quoniam vis ejus aliquo modo præcipitationem Mercurii promovet, quodque ab *Helmontio c. 6. de Lithias.* externum sulphur Veneris dicitur. Hoc verò tantùm ad corpus humanum directum esse videri potest. Dulcedinem hujus olei quod attinet, potiùs ad effectum, quàm ad essentiam respexisse *Helmontium*, humaniter autumo, sicut etiam videre placuit, §. 19. c. 8 de *Lith.* affirmare, odorem spiritus vitrioli flavescentis, mellis grati odorem referre, cum tamen experientia odorem sulphureum, & ita contrarium sufficienter demonstret.

Maximè iterùm veniunt attendenda verba autoris, qui anteriorem chymicorum destillandi modum rejicit, & novum inusitatum opponit, per quem oleum istud vitrioli dulce possit obtineri. Fateor quidem, quod oleum vitrioli, ex hac præscripta *Helmontii* destillatione, non ita sit corrosivum, & quidem aliqua ex parte nigricans, sed quod dulce sit instar mellis, hæc observare mihi non licuit.

Nec obstat, quod ignis Veneris non sit spiritus vitrioli utcunque exquisitè rectificatus. Locutus enim est, tanquam *Paracelsi* discipulus. Et quoniam *Paracelso* oleum nunquam spiritus fuit dictum, sed oleum pro cujuslibet rei sulphure semper ab eo habitum est, sulphur autem, ex *Paracelsi* sententia, denotet ignem vel ignis elementum *Tom. 1. in fol. de sulphure p. 1046.* ita etiam *Helmontius*, si placidè debeam respondere, usus est hoc vocabulo, ut tum temporis disputanti Medicorum calamo occurreret, & probaret, quod affirmat in *tract. argen. Paracels. p. m. 479. column. 2.* se ex scriptis *Paracelsi* multum profecisse;

Eundem

Eundemque, sui ævi chymicum non esse contemnendum, præprimis cum artis præcepta ab aliis etiam tradantur obscura *in verb. p. 481. Quid enim secus &c.*

Viride & dulce esse istud oleum debere *Helmontius* affirmat. *Paracelsus* quidem *Tom. 1. oper. c. 8. p. m. 1055. Lit. A.* talis olei mentionem facit, sed hoc tantum ad usum internum, ut dictum, & medicamentosum esse, cujus præparationem ita describit: *Oleum dulce gradetur in se ipso, ita ut separetur oleum à terreitate & fecibus per Balneum Mariae & terreitas per ignem, spiritus autem olei separatim colligitur, qui debet per se circulari, addetur deinde spiritus vini.* Quod verò debeat ad præcipationem vel coagulationem concurrere Mercurii, negat *Paracelsus* in verbis, *oleum viride ad Alchimiam impertinens est l. c. Delitescit quidem, ait ulterius Paracelsus lib. 2. de vita long. p. m. 345. sub Colchotare oleum rubeum & viride, sed oleum rubeum tantum ad Alchimiam, viride vero ad morbos.*

Nec fuit unquam animus *Paracelso*, sulphur aliquod Veneris, vel ex cupro, vel floribus æris, vel ipso vitriolo ad præcipationem Mercurii in forma olei viridis dulcis requirere, nec ullum titulum ex eo demonstrabit, quisquis erit. Nec videtur ea dulcedo in lingua apprehensiva inesse sulphuri Veneris, sed effectiva, (si aliqua esset) sive per accidens, quia iste Mercurius sive potius sulphur Mercurii, sicut placet *Helmontio* loqui *in tract. Progymnasma meteor. p. m. 42. §. 16.* Cum igne Veneris factus & cum sale Taberzet, quo de infra loquor, paratus, non est dulcis, sed tantum insipidus & solutus à corrosivis salibus per istud sal Taberi. Omnia verò, quæ dixi, majorem elucidationem in *Paracelso* lib. de chirurg. magn. Argentorati Anno 1605. impresso, obtinebunt, p. m. 314. in lib. *Spittal-Buch* & p. 307. sub tit. *dulcia medicamenta.* Item *Paracels. oper. in fol. Tom. 1. de morte rerum natural. l. 5. p. m. 893. lit. B. C.*

Processum quod spectat, ipse *Helmontius* est valdè obscurus. Quo tamen & aliis ansam inquirendi relinqueret, ad ipsum fontem, *Paracelsi* nempe libros, quod in iis processus esse descriptus, quem tamen vellet manifestius paulò declarare lectorem ablegavit. Manifestus quidem esse videtur in conjunctione elementi ignis de Vitriolo Veneris cum aqua regia, sed valdè obscurus est, in explicatione salis Taberi, quod, præter mentem *Paracelsi*, spiritum vini explicat: Cui tamen experientia & *Paracelsus* ipse contradicunt; licet enim centenis vicibus spiritus vini cum isto pulvere corrosivo cohobaretur, manet tamen valdè corrosivus.

Quid verò per sal Taberi intelligatur, illudque non esse spiritum vini, patet ex allegatis *Paracelsi* locis. Nam in lib. de Natur. Rerum Tract. 5. p. m. 893. primò docet *Paracelsus*, præcipitatum cum aqua regia fieri, quem jubet spiritu

L

vini

vini cohobare & edulcorare, paulò post secretum promittit Paracelsus & quidem in verbis: Magnum arcanum de præcipitato intelligendum venit, quod si post calcinationem & colorationem cum aqua sal Taberi edulcoretur &c. Et præfert hanc superiori præparationi cum spiritu vini factæ. Obstant deinde omnes præparationes, quas benevolus lector in præfata *chirurgia magna* videre & legere potest. p. 115. 195. 169. 307. In quibus locis non fit spiritus vini mentio, cum tamen æquè verba ea, quæ *Tom. I. p. 893. lit. C.* in citatis locis verbotenus inveniuntur. In *chirurgia magna* p. 314. Paracelsus hanc litem dirimere videtur, dum per sal Taberi, aquam ovorum ibi descriptam se intelligere indigitat, dum & spiritus vini & aquæ ovorum mentionem facit, quando docet Mercurii fixi diaphoretici ad ulcera laryngis & vesicæ præparationem.

Idem facit *Helmont. in Tractat. de Febr. p. m. 102. cap. 14. §. 10.* ubi in confectione purgantis Diuceltateffon post abstractionem liquoris Alkahest, non ad spiritum vini, sed ad aquam ovorum confugit, apprimè sciens, quod aqua ovorum sit unica ista aqua, per quam omnes spiritus corrosivi possint temperari & successivè à solutis corporibus abstrahi.

Obscuritatem processus non levem porrigit etiam commixtionem elementi ignis de vitriolo Veneris extracti cum aqua regia. Ubi notandum, Helmontium statuere, quod post quintam cohobationem pulvis fiat valdè corrosivus. Elementum ignis de vitriolo Veneris debet esse dulce instar mellis, (nisi forte odorem mellis, de quo in destillatione spiritus vitrioli l. c. mentionem facit, intelligere velit,) non deberet ergò corrosionem Mercurii promovere, sed mitigare. Corrosionem enim fieri ab aqua regia, probat omnis præcipitatus simplici tantùm aquâ forti elaboratus, fieri autem ex additione ignis Veneris valdè corrosivum Mercurium, verba sunt auctoris loco citato.

Nec leve dubium relinquitur lectori: num non simul ignis Veneris ab aqua regia mutetur ipse, ut vires alteri conferre nequeat. Hoc quidem scio, si sulphur Veneris, de quo in præparatione Driff mentionem facit auctor, cum aqua forti misceatur, illud statim speciem longè aliam priore & quidem in album corpus reduci posse, cum amissione virium priorum. Vix itaque credibile est, talem ignem Veneris dulcem si cum chrysulca commisceatur, posse suas vires servare & alteri communicare, cum sub forti hac aqua agente succumbere omnino probaverim. Quod si verò Helmontius artis pyrotechnicæ satis gnarus, quia eum nunquam ejus fuisse intentionis credo, ut igni Veneris actuale illam dulcedinem vellet adscribere, saltem tunc temporis confundere suos malevolos voluit, ei condonandum existimo; Sin secus, pro defensione hujus Mercurialis præparationis, quod tamen pace aliorum Chymicorum peritorum dixerim, rationem invenire vel substituere equidem vix possem, præprimis cum hoc concurrat,

cūrrat, quod etiam pulvis Joannis de Vigo summè sit corrosivus & jam præcipitatus, & non opus esset addere novam aquam regiam, sed sulphur Veneris, si pro fixatione Mercurii & pro ejusdem dulcoratione adderetur, sufficeret. Helmontius autem ipse fatetur, quod post quintam cohobationem cum igne Veneris pulvis valdè sit corrosivus. Contrarium etiam statuisse videtur Helmontius in *Tractat. de Herb. verb. & lapid. p. m. 353. in fol.* quando dicit, quod argentum vivum absq; ulla sui aut de suo participatione, imò & citra ullam de se commisturam radicalem commutet, quicquid spiritus sulphurei attigerit. Quæ verba cum actioni ignis Veneris opponantur, quod nempe ignis Veneris sulphur Mercurii extra vertat, placido relinquo lectoris judicio.

Ex quibus omnibus, & quæ supra jam dixi, patebit, non spiritum vitrioli utcunque exquisitè rectificatum, sed oleum vitrioli, quod ex forti destillatione de colchotare prodit, esse debere verum ignem Veneris Helmontii. Volente etiam hoc Paracello, qui *lib. de sulphure tom. 1. pag. 1046. lit. B.* expressè docet, quod sulphur volatile sit elementum ignis, oleum autem est sulphur volatile, volente Helmontio, *l. c. p. m. in fol. 352. E.* Hoc adhuc magis apparet ex *tractatu in herb. verb. & lapid. column. 2. p. m. 353.* Sic nempe Mercurius diaphoreticus ultimum suæ entelechiæ scopum acquireret per ruborem sulphuris ascendentis, cui Δ Ψ ii unione indissolubili necitur, cujus modum destillandi & processum, ut dixi, ipse Helmontius *de Lithiasi c. 8. §. 19. & 20.* exhibet.

MODUS PROCESSUS.

Esset itaque modus processus Helmontiani Mercurii diaphoretici sequens. *R. Ψ ii depurati* (nam non opus est pulvere Joannis de Vigo) \mathfrak{z} vii. ∇ & *ol. Oli* *aa. \mathfrak{z} viij.* destilla, prout moris, ex retorta vitrea, repete, addendo novum oleum vitrioli & aquam fortem ad quintam usque cohobationem, sub finem augendo ignem. Hoc absoluto edulcora pulverem (si placet) aquâ communi ad tempus, si non placet. *R. aqua ovorum \mathfrak{z} viij.* abstrahere, reitera nova affusa aqua ovorum, donec corrosionem abstuleris omnem. Hoc peracto, cohoba decies cum spiritu vini optimè dephlegmato. Exsicceatur & igniatur in crucibulo, prout moris, manebit pulvis fixus, aliquomodo adstringentis saporis. Dosis à gran. ij. ad iij.

Hæc sunt, quæ mihi constant, de decantata hac præparatione Helmontiana. Est opus immensi laboris & periculi. An autem desiderio medentis satisfaciet, prout liber Helmontianus promittit, quilibet experiatur. Constitit mihi istud experimentum per vices reiteratum centum ultra imperiales.

Cautela tamen hîc maximè observanda.

(1.) Ne omnis corrosio, vel salia ex spiritibus corrosivis concomitantia

Mercurium, ab eo abstrahantur, nihil enim deinde Mercurius operabitur, sed facile per sublimationem in eundem Mercurium, qui fuit ante destillationem, mutabitur. Hæc voluit Helmontius indicare c. 8. de Lith. §. 10. in verbis: *Atlatis adjunctis mineralibus nunc specie olei ☉ vel ☿ per retortam pulsus, semper manet idem Mercurius, qui ante, reditque in pristinum corpus.*

(2) Si omninò fixus esset Mercurius, ut flante folle (quod tamen mihi non patet) in album metallum reduci posset, non esset medicamen, quia fermentum stomachi æque eludet, sicut aurum & argentum foliata, (quanguam Helmontius contrarium statuat, in tract. in herb. verb. & lapid. p. 358. paulo ante finem his verbis: *quique tametsi aspernetur omnem digestionum laborem &c.*) & exinde nullius omninò usus in medicinâ, nisi iterum in medicamentum reduceretur, teste etiam Helmontio, esset expectandus. Verba ejus sunt lib. de Lithias. c. 3. §. 17. p. m. 20. *quoties à Mercuriis sales distinxi, admiratus sum eorum ignaviam; & in tract. tria. princip. §. 59. p. m. 255. in verbis: quanquam pars Mercurialis &c.*

Contra verò si esset reductus, æquè nihil operaretur, quoniam Mercurius in se est immutabilis. Tract. de trib. princip. §. 13. p. m. 254. in verbis: Mercurius est indivisibilis. Quò tamen etiam lectori benevolo ex tot libris revolutis Helmontii, aliqua utilitas respondeat, paucis explicabo verum Paracelsi & Helmontii Mercurium diaphoreticum, quem ambo laudant. Helmontius etiam eundem præferre videtur eo, de quo egit in tractatu de febribus & lithiasi. Locus iste, in quo Helmontius de eo agit, est Tractatus, Ignotus Hydrops §. 47. & 48. Verba sunt sequentia: *Paracelsus suum precipitolum, sive Mercurium è sua minera mortuum eductum, præ reliquis approbat remediis. Fateor, quod Mercurius ille votis meis semper obsecundaverit. Difficilis autem est ejus acquisitio. Et paulò inferius: Oportet autem Mercurium mori absque ullo salium externorum sodalitis aut spirituum alienorum consortio. Gratulor illi, quem ignis docuit me intelligere. Sufficiens informationis causa adeat benevolus lector ipsam fontem, nempe Paracelsum, in chirurg. magn. lib. 2. de lue Vener. & correct. impost. c. 5. p. 165. in quo loco totum processum perspicuè & luculenter inveniet, verba ejus sunt: & Mineram ☿, prout in primâ coagulatione nondum indurata aut corporea facta invenitur ☿xx. (norunt eam metallurgi) pulverisâ, coque per horam aqua pluviâ, ut sordes deparentur, quæ fundum vasis petent. Corpus autem purum reserva, pone in cucurbita & destilla, prodibit liquor purus & albus, separa prout moris phlegma, manebit oleum in fundo album pondere Mercuriali, Dos. gr. 12. cum oleo spicæ-nardi. Fortè & hæc materia tibi majora suggeret.*

Quod si modus hic etiam non arrideat, & benevolo lectori placeat ☿ium parare diaphoreticum ex metallo & crudo Mercurio, inveniet etiam genuinum præ-

præparationis modum satis laudandum apud Paracelsum, cui omnes virtutes apud Helmontium in libr. Febr. suo Mercurio ibidem attributas verè tribuit. Locus iste in Chirurg. magn. Paracels. l. 19. de ulceribus & cicatricib. è lue Venereap. m. 307. sub titulo *Esse medicamenta*. Cautelam ibi Paracelsus, magno & singulari judicio permotus, apponit in verbis: *In argento vivo etiam dulcis est Balsamus, ejus præparatio est, ut neque calcinatio (scilicet per aquas fortes) neque sublimatio (scilicet per salia) ejus fiat, sed debet per aquam ovorum, è calce sua destillatam, fieri coagulatio in rubicundum pulverem. Dulcis est hic Mercurius & sanat ulcera & vesica & colli & laryngis.* Alias cautelas adjungit Paracelsus, nullum Mercurium cum aquis fortibus paratum posse esse verum medicamentum, quoniam corrosivi spiritus ex aquis fortibus fortiter ei adhærent.

Præparationem hanc sæpius commendavit & reiteravit Paracelsus variis in locis. Im Spittal-Buch p. m. 314. Item de correct. impost. l. 2. c. 12. p. m. 169. Item de curatione luis venereæ p. m. 522.

AQUA OVORUM.

Paratur autem aqua ovorum sequenti modo: *R. spiritus phlegmatici aluminis, spiritus phlegmatici ℞i āā ℥ss.* (NB. non debent esse fortiores spiritus, sed priores, quicum phlegmate egrediuntur:) *Aceti destillati ℥ss. albumin. ovorum duriter coctorum ℥iiij.* (putamina potes addere;) affunde pedetentim spiritus & acetum, nam fermentant valdè, destilla usque dum videris oleum prodire, tum abstine à destillatione, calcina, quod in cucurbitâ reliquum est, reafunde aquam de albumine destillatam, reitera destillationem, & sic habes aquam ovorum.

Hæc itaque sunt, benevole lector, quæ ex lectione & praxi observavi. Expresse autem protestor, me ea, non animo contradicendi, aut cum aliquo disputandi apposuisse, sed aliis ansam dedisse in arcanum Mercurii diaphoretici ulterius inquirendi, & sic tandem ad scopum in quantum fieri possit tanti medicamenti, deveniendi. Ex Helmontii libris nemo inveniet istud arcanum, & praxis, ibi confusè scripta, operanti multos labores, sed sine laboris pretio, causabit, quod experientur illi, qui secundum ejus simplicem ductum, laborabunt. Meam autem, ut dixi, tantummodò sententiam & quantum ex lectione Paracelsi, Helmontii, & propria experientia mihi patuit, cujuslibet intentione & observatione per omnia salva, huc apposui. Cum nemine etiam super hac re litem movebo, sed potius opto, ut viri docti manum huic operi admoveant, sua experimenta jungant, quo fructus, quo honor DEI & proximi salus, eò excellentior progerminet.

(Ad Collectores Ephem. ann. 1673. mense Dec.)

OBSERVATIO XCII.
Dn. Andreæ Cnoëfelii
De
Drif Helmontii.

Butleri lapidem multos in admirationem rapuisse medicos constat exindè, quod mirabiles effectus ad stuporem usque, quos Dn. Helmont, tanquam oculatus testis, enumerare voluit, exhibuerit. Dolendum est, hujus viri excellentissimum inventum nulli communicatum & terræ mandatum esse & oblivioni. Interim piè defunctus Helmontius aliud substituere in ejus locum visus est medicamen, quod suâ vernaculâ Drif vocare ei libuit, cujus requisita cum in libro Butler ipse explicet, materiam verò & modum præparationis aliis suis tractatibus obscurè saltem indicet, quæ mihi de Drif illo Helmontiano patent, salvo tamen meliori judicio, modèstè explicabo.

In tractatu de lithiasi in fol. p. m. 46. c. 8. §. 21. dicit: Fecem colchotarîs ex destillatione residuam viridescere & cupream esse, quod quidem etiam experientia probat, dum totum colchotar longo tempore in novum vitriolum iterum destillabile per se in aëre positum reducit. In tractatu Duum-viratus p. m. 211. §. 9. è colchotare præparationem sulphuris vitrioli communem rejicit & aliam substituit. In tractatu Butler in fine repetit, se nempe docuisse in vitriolo, ut in Venere depravata læpiusque destillata adhuc superesse ipsam Venerem actua-lem, quæ depravata Venus est, quam in colchotare residere infra de lithiasi meminit.

Itaque materiam hujus Drif suppono colchotar vitrioli, quod ex destillatione spiritus vitrioli residuum in retortâ remanet. Hoc itaque optimè calcinatum hujus Drif præparationi inserviet.

Modum processus ipse Helmontius explicat: debet nempe resuscitari, resurgere & sublimari cum sibi additis aliis. Debet autem fieri sublimatio cum ente peregrino fermentali archæoque amico. Hoc ens est sal ammoniacum. Indigitare hoc videtur Helmontius in tract. Duum-viratus supra citato §. 9. in verbis: quod præstat vulgaris sal ammoniacus.

Fit itaque Drif tali modo: De I. R. colcoth. ℥ij. sal ammon. ℥ij. sublima s. a. Aqua ex destillatione procedens ad alios usus potest asservari, Flores tantum ad hoc opus requiruntur; si sublimatio peracta, reitera hanc, flores nempe sublimatos cum capite mortuo noviter commiscendo; fac hoc tertia vice & habebis flores aurei coloris, veram Helmontii Venerem peregrino fermento comitatam.

Recipe

Recipe hinc salis marini fusi q. v. & commisce cum subtripla parte hujus entis Veneris, fiet autem hoc commodius, si duo tigilla ad ignem apponantur, ut cande fiat. Postea alterum recipe, & ens Veneris injice in tigillum istud cande factum, affunde statim fusum sal maris & bene cooperi tigillum cum luto, permitte stare, donec refrixerint, & procede ulterius, prout in Helmontii Butlero videre licebit.

Hoc Drif non quidem attingit vires Butleriani lapidis, sed usus ejus tamen non est contemnendus, in doloribus stomachi, in nausæa & sequentibus vomitibus. Sic etiam refert piè defunctus Patruus meus, D. A. Cnœffelius S. R. M. Polon. & Svec. Archiater, in suis Observationibus, se ipsum liberatum esse ab imminente hydropè unius tantum grani usu diebus intermittentibus. Possunt, qui feliciori & copiosiori praxi utuntur, etiam hujus medicamenti vires ulterius explorare.

OBSERVATIO XCIII.

L. Sigismundi Grassii

De

De generatione rosarum.

Plantas multas degenerare, seu mutari in alias, easque viliores species, asseveratur à Botanicis, quorum tamen assertioni non semper respondet experientia. Ego recordor, mihi aliquando caulem floridum, (caul fior, Blumenfohl) per hiemen in cellâ repositum, & vere, conveniente tempore, tellurirursus immatriculatum, produxisse semen maturum, è quo plantulas quidem enutrivì, quæ tamen transpositæ produxere brassicam non caulifloram, quod etiam monuit *Lauremb. Horticult. c. 13.* sed tantum capitatam, eamque crispam instar sabaudæ, gustusque tenerrimi.

Haftenus diversis annis è locis diversis mihi communicati sunt rosarum, quas vocant *Batavicas* seu *centifolias*, frutices. Ex his sperabam flores centifolios, sed eventus è quibusdam, in singulis transplantationibus, exhibuit speciem Rosarum viliozem dilutè rubescentium flore semipleno, nostrates à medio conservante vocant *sacharinas*, *Zucker-Rosen*: ad ò ut per multos annos in hac hæserim hæresi, me dono hoc, licet ab hortulanis pecuniâ redimendo, fuisse deceptum. Frutices quatuor per quadriennium excrevere luxuriosissime, quia in agro ruderato, rosis, juxta *Bauhin. Hist. Pl. l. 14. p. 32.* convenientissimo, sed sine flore. Horticulturæ periti locum accusarunt nimis umbrosum. Hoc Julio quinto ramus unus exhibuit rosas binas, easque non centifolias, sed speciei

ciei vulgatæ viliores, sacharinas. Hæ mihi confirmare videbantur hortulano-
rum fraudes.

Paucis abhinc diebus errorem hunc suspectæ fraudis excutere videbatur
rosarium meum. Fruticem alui per decennium, in hortulo ædibus meis vicino,
qui quotannis produxit centifolias elegantissimas, etiam hoc ipso anno. Ex
hoc frutice trunci unius ramulus alter produxit & centifolias & tandem ali-
quantò seriùs simul aliam vulgò sacharinam dictam, colore & multitudine fo-
liorum etiamque odore à centifoliis penitus dissentientem. Color non erat
ita roseus, ut in centifoliis, sed multò dilutior, qualis ferè florum Persicorum.
Foliorum numerus ferè quadruplo minor, ut antheræ globus nequaquam oc-
cultaretur, odor multum ignavior.

Quanam hujus depravationis causa? Num *mora tam diuturna in eodem
loco*? Transplantationem enim rosarum ad conciliandam præstantiam ex
Theophrasto laudat *Baehinus H. Pl. l. 14. p. 35.* An *fruticis senectus*? Vita
enim rosæ non uisæ, nec recisæ quinquennium: & flores rosæ senescentis de-
teriores. *Baehin. l. d.* An *temporis rosiferi conditio*? Serotina quippe fuit,
quam degenerasse dixi, flores autem omnes, quò seriores, eò ignobiliores, cùm
ob radios solares plantæ minus convenientes, tùm ob exhaustas illius à partu
prægresso vires. Testes sunt tùm rosæ, tùm violæ autumnales, quæ vernam
odoris præstantiam non assequuntur, rariùs etiam elegantiam. Violas flore
pleno Martias habeo consitas in loco umbroso. Luxuriant ferè per totam
æstatem flosculorum rudimentis, sed ad gratiam vernalem non adolescunt,
adeò in contemptum florum serotinorum illud lusisse videtur *Horatius*;

*Mitte sectari, rosa quo locorum
sera moretur.*

An tandem *neglecta sarritio & runcatio*? Graminosum enim & herbosum
agrum oderunt centifoliæ, vigorem ita nativum exuentes: Soli autem soli-
tudine delectantur. Hasce causas, si concurrant ad degenerationem indu-
cendam, esse puto sat prægnantes. Ego saltem ex hoc rosæ vitio suspicor,
totum fruticem in transplantatione, solo & Sole non conveniente, posse
degenerare, quod mihi contigisse dolui, & ex centifoliis
fieri paucifolias & sacharinas.

Hierbey ist zu sehen wie die Natur
auch in der CENTIFOLIEN Rosen
gespielet und dieselbe geartet?

Observiret in Herren Christoff Richters
Hausgarten zu Altenburg in Meißen
in Monat Julio.

ato. 1657.



Fig. II.



Fig. I.



OBSERVATIO XCIV.

L. Sigismundi Grassii

De

Rosa prolifera

&

Lilio albo bulbifero.

DUm rosis immoror, rosarum gratia monet non prodere duntaxat de-
generationis vitium, sed & earum luxuriam, hanc tamen sine vitio, ideo-
que & sine convitio.

Rosarum purpurearum species est, quas horticultores vocant *Gallicas*,
Franköfische Rosen. Acanthon *rubellam plenam* videtur appellasse, *Bauhi-
nus l. c. p. 29. & 35.* Fruticis ramulos armant spinulæ rarissimæ, ut partim sint
glabri, partim potiùs hispidi, quàm aculeati. Ex his una vel altera mihi nata est
prolifera, ita ut ex medio antheræ croceo propullulaverit cauliculus viridis cum
calyce roseo barbato: aliquando etiam cauliculus tantùm foliosus sine calyce,
seu furculus ad longitudinem digiti foliolis exiguis viridibus satis densè stipa-
tus. Prolificationis hujus forinam exhibet *Tabula figura II.* & innuere vide-
tur celeberrimus *Elsholtius horticulura sua l. 4. c. 8. n. 28.* in descriptione rose
rubra seu punicea: An dieser Urth Rosensträuchen erzeugen sich öftters/ als an
andern Blumen Zweiglein/ welches ist ein Spiel oder Irrthum der Natur/ da
eine Rose nicht an ihrem Stiel hanget/ sondern umb ein Zweiglein gewachsen
ist. Calyx ille roseam quidem ex alabastris ostendit purpuram, sed propter ro-
sæ matris ætatem brevem, & ferè ephemeram foliola prolis non satis explican-
tem, (quod monstrat *Tabula figura I.*) cum matre simul marcescere consue-
vit. Ob floris tamen rudimentum maximè conspicuum proliferam jure di-
cendam esse censeo.

Veruntamen non hæc tantùm Rosa superbit hoc luxu, quamvis forsan fre-
quentiùs. In *sacharina pauciflora* simillimam prolificationis fœcunditatem An-
no 1672. monstravit ex hortulo suo fautor & amicus quidam, ut eruditione om-
nivariâ æstimabilis, ita rerum hortensium cultor curiosissimus. Eandem in *centi-
folia Batavica* prolificationem exhibuit annus hujus seculi septuagesimus ter-
tius; Calycem nimirum, qualem descripsi, roseum è centro centifolice natum in
Roseto Petrisylvano vidit, & testis oculatus recensuit illustrissimæ aulæ Gelhor-
mianæ Præfectus, Illustr. Baro de Logaw. Propaginem autem foliosam digiti

M

longum

longam ex eadem enatam ipse reperi in horto amici suburbano. Calycem tandem huiusmodi roseum floris nondum explicati, ex *alba rosa* luxuriantem in hortulo suo se decerpisse gloriatur chirurgorum nostratum quidam primarius.

In locis nimium apricis & cœlo sicco prolificatio ejusmodi non est speranda. Luxuriam in multis plantis pariunt solum lætum, locus aliquantum umbratus, & tempus pluviosum. Hæ conditiones produxerunt mihi ante paucos annos *caulem lilii albi bulbiferum*. Floribus enim relictis herbæ densè succrescentes in loco aliàs medium diem umbroso, caulibus residuis defenderunt radios solares. Tandem ex iis caulibus, sed unicis tantum, in singulis foliorum alis ostendit bulbos, quorum nonnulli pisi majusculi quantitatem æquabant, quidam excedebant. Terræ commissi produxerunt liliorum foliola eodem modo, quo solent bulborum segmenta: hinc tandem è bulbulis ad justam magnitudinem adolescentibus sine dubio spes florum. Liliū cruentum bulbiferum vulgaræ est notitiæ: Albiautem & odoratissimi illius bulbiferi mentionem unquam factam esse non recordor.

(Elegantissimo, experientissimi Dn. Grassii, in *Ephemerides* translato roseto, ut illam quoque florentissimam iconem rosæ, quæ viginti quasi abhinc annis, Altenburgi in horto Richteriano provenit, inseramus, operæ pretium videtur, quippe quæ triplici flore perfectæ (licet non ejusdem magnitudinis ac plenitudinis) rarissimo sanè amœnitatis exemplo, spectabilis fuit. Ipsam cum paucis diebus interituram sciret Dn. Richter! ne gratia memoria cum floris folio cadiva foret, sculptoris artificio eam in ære conservari curavit. Iconis verò prototypum Dn. D. Wedelio, Prof. Jenensi, Fautori & Collegæ honoranter amando, acceptum referunt Collectores *Ephemeridum*.)

OBSERVATIO XCV.

L. Sigismundi Grassii

De

Ceraso pleniflora prolifera.

A Nni seculi huius septuagesimi tertii, Majo ferè finiente, cum cerasus pleniflora jam deflorere inciperet, flores quosdam vegetiores conquirebam decerpandos, & amico rosæ albæ loco monstrandos. Inveni multos, qui è medio novos flosculos è suis alabastris viridibus lætè prognatos, & matrefoliosâ mulò eminentiores, modò unum, modò plures, denso foliorum stipatu unum quasi florem mentientes exhibebant, cum tamen è pluribus alabastrorum viridium

viridium coronis, intuenti penitiùs, totidem flosculorum ostenderent progeniem. Cerasus hæc, eo quod omnis fecunditas absumatur in flores, aut nullos producit fructus, aut certè rarissimos, ut oculos ita saturet magis, quàm palatum. Aliæ autem plenifloræ, in quibus luxuriàm hanc prolificantem nondum observavi, fructibus abundant satis frequentibus, è quibus non rarò gemelli uni insident pediculo. Ejusmodi luxum monstraret natura forsan in floribus pluribus, si oculis examinarentur curiosioribus.

Cerasus interim hanc meretur pagellam, quod sub hac flosculorum congerie memorabili nullibi descripta inveniatur.

OBSERVATIO XCVI.

L. Sigismundi Grassii

De

Frigida vomitus & diarrhææ medela.

IN multis morbis à bile oriundis convenire frigidam tam antiquorum, quàm recentiorum scripta testantur.

Illustrissimus quidam Baro, natione Gallus, supremus vigiliarum Cæsarearum præfectus, aliquando in conventu illustri discessum suum irrigavit plusquam liberaliter nimbo Bacchi ex Canariis oriundi. Comites ejus aulici, quos idem honor comitatus erat, domum redeuntes vomitionibus tentabantur. Ridebatur hoc symptoma tanquam ex crapula natum. Die abhinc tertio illustrissimus ipse malo vexabatur consimili, sed multò acerbius & contumaciùs, cum & ætas grandior & ventriculus signavior non tam facilè tantum demulcere possent errorem.

Vocor ego placaturus stomachum irritatum. Conor hoc efficere variis confortantibus internis, & adstringentibus externis. Omnia incassum: quicquid assumebat seu potulenti seu esculenti, ex fermentatione tantas excitabat inflationes & anxietates, usque dum evomitio reduceret inducias & brevem quietem.

Tentabam phlogosin ex vini flamma contractam extinguere julebis vitriolatis & emulsionibus, sed frustrà. Turbationes & assumptorum exturbationes instabant pertinaciter. Conjiciebam tandem, vitriolata potius exaltare vitiosum ventriculi fermentum, nec emulsionem etiam satis excessum illius infringere posse, eò quod non tam copiosè vel suadeantur à Medicis, vel ab ægis assumantur sine fastidio.

Proponebam idèd haustum frigidæ, fermentum non augentis, sed diluendo debilitantis, liberalissimum. Arridebat Illustrissimus consilio, licet vili, tamen grato. Evacuabat vitrum unciarum XII. capax: Hospitem amicissimum avidè excepit ventriculus & pacatè sustinuit, citra solitam hætenus fermentationem.

Miratus hanc pacem Illustrissimus, potu frigidæ continuato totum hunc archei furentis impetum citò, tutò, jucundè compescuit.

Contraxit hoc mense Julio anni 1672. Vir Nobilissimus ex vino sibi ingrato, in conventu funebri liberalius hausto simile malum, sed atrocius. Bilis sincora excernebatur *ἀνω γὰρ καί τω*, summa nausea ab omnibus esculentis instabat adèd, ut & mentio saltem panis seu carnis everteret ventriculum.

Vocabat tandem, cum singulari desiderio julebi alicujus refrigerantis & sitim sedantis. Præsens aquam fontanam cum syrupo rubi idæi vitriolato correctam propinabam. Potus erat gratissimus, sed tamen fermentationes ventriculum & intestina distensione ventosâ vexantes non placabantur. Parabatur emulsio ex amygdalis dulcibus cum decocto CC. rasuræ & rad. scorzonæræ. Placebat & hæc palato. Fermentationes tamen distensione dolorificâ molestæ, & hinc vomitiones & dejectiones biliosæ nequaquam sopiebantur, etiamsi pro ventriculo roborando adhiberetur scutum stomachale. Quin anxietas inclinante die tantoperè urfit, ut appellandum esset ad laudatissimum laudanum, cujus grana duo in pilulis deglutita noctem donabant placatissimam. Redeunte diluculo vomitus meræ bilis sequebatur, cum *ἐν φλογίᾳ* tamen.

Hauriebatur hinc tantillum consummati è caponè, ut sitim intolerabilem liceret potu solari; offerebatur paulò post haustus unus & alter emulsionis. Post horam ferè rediit anxietas cum dispnoëâ suffocationem minantè, qualis nunquam atrocior. Metuebat nobilissimus æger tumorem ventriculi inflammatorium. Opposui, dolorem hunc non esse perennem, sed periodicum, ideoque causam hujusmodi fixam & stabilem nequaquam esse formidandam. Esse potiùs tumorem ventriculi flatulentum, qui summâ distensione comprimeret diaphragma liberum respirationis instrumentum. Urgente symptomate applicati sunt ad discutiendos flatus sacculi ex flor. chamæmeli vino decocti cum querclarum decremento.

Interim aquæ simplicis haustum optavit Dn. æger, facilè consensissimè, æstimans ætatis florem & affectum biliosum. Sed cum adstantes hoc quid insolitum & ventriculo insyeto funestum reformidare soleant, utrique parti satisfaturus, aquam quidem naturalem svasi, sed medicatam, acidulas nimirum Egras importari Vratislaviam, unde certo pretio possint redimi lagenæ. Arrisit hoc consilium nobilissimo, præsertim cum antehac biberit acidulas. Mittebatur ex templo tabellarius, sed ob distantiam loci tertio demum die reversurus.

Interim

Interim ut moræ hujus tædium solarer, Acidulas laudavi Silesiacas, quæ è fonte duobus milliaribus hinc distante vel eodem die possint transportari. Accersuntur. Priusquam autem apportaretur hoc palati desiderium, revertamur ad Dn. ægri grabatum. Ille, symptomate matutino sopito, per diem aliquantò pacatiùs vixit post dejectiones nonnullas biliosas & flatulentas, quibus doloris distensivi & suffocativi querela minuebatur, sine vomitu hætenus consveto, non vero sine nausæa. Sed sub vesperam, multò tardius, quam pridie fermentationes abdominis iterum adoriebantur, quæ ob metum inquietissimæ noctis extorquebant dosin pilularum è laudano hesternam, victimam nimirum, quâ tam feliciter heri placata erat archei furia. Appellentibus hinc acidulis vicinis, appetitui mox satisfecit haustus summè proficiuus. Illucescente die quærebat maturè, num post sumptum jusculum concederentur acidulæ? Annuebam. Visitanti mihi laudabatur nox quietissima, acidularum gustus tam palato, quam ventriculo gratissimus, & initium reconvalescentiæ lætissimum. Perstitit spes hæc adeò, ut à meridie daret domuitionis licentiam. Octiduo transacto significatur mihi valetudinis reparatio, nisi quod restaret humorum qualiscunque effervescentia & sitis. Urgebam responsoriis acidularum continuationem, & ne formidetur à remedio aqueo noxa, transcribebam ad nobilissimum eumque literatum, historiam ex *Amato Lusitano Cent. 2. curat. 46.* quâ refert, juvenem biliosum, cum biliosis dejectionibus vigente æstate dysenteria affligi cœpisset, cumque medicorum consilio destitueretur, copiosiore aquâ frigidâ usum, atque sanitati restitutum esse.

Hac methodo, sed ausu, si nos judicemus, periculosiore in febribus biliosis, diarrhœis, dysenteriis, alpium Helveticarum incolæ scribuntur bibere glaciem, Gletscher vocant idiomate vernaculo, quam perennando crySTALLINAM induisse duritiem in solo natali nunquam solubilem, narrat *Erasmus Francisci Geschicht-Kunst-und Sitten-Spiegel l. 1. c. 28.* O dura messorum ilia! ventriculi nostrates non tolerarent hujusmodi delicias.

Hæc turbas vinum copiosius haustum excitabat aquarum inundatione sedatas: *δὲς καὶ τῆς τὰ καλὰ.* Etiam ex pharmaco violentiore eandem & periculosiorem vidi tragœdiam. Evocabar ad Baronem illum illustrissimum, quem scripsi superius aquæ potu restitutum, affectui consulturus alii. Sub auroram fabri ferrarii filius advolabat consilium implorans extremis intestinorum doloribus, dejectionibus & vomitionibus, quibus parens excrucietur. Pollicebar, ut arcis vicino, meam præsentiam, inquisiturus causam, quæ reticebatur. Vir erat 40. circiter annorum, vix mente constans balbutiendo confitebatur errorē, se pridie à circumforaneo coëmissee radices hellebori albi. *Wendewurzel* vocabat, è quorum degustatione tam atrociter excrucietur: æstuationem in primis accusabat interiora excoriantem & potius omnimodam denegationem. Hanc,

cum flammæ debeat aqua, improbare non potui, & inquisivi, num ferum lectis sit in promptu. Hoc negato, aquam simplicem in urceo satis capaci offerre jussi, cum jussu, ut biberet, quantum possit. Consilium hoc gratissimum simul & urceum ambabus amplectebatur manibus, & repletionem ventriculi tam liberali appetitum & sitim & æstum placabat è vestigio, ut quasi revivisceret, & nullum præter hoc desideraret auxilium.

OBSERVATIO XCVII.

L. Sigismundi Grassii

De

Acidulis SVvidnicensibus.

S*Vvidnicenses* appellare placuit, quod in hoc districtu scaturiant. Nomen etiam merentur ab oppido vicino *VValdenburgensium*, vel etiam à pago viciniore *Altwasser / Veteraquensium*. Mirabar Nobilis in Observatione prægressa Generosissimi ventriculum adeò placatum esse harum acidularum potu. Igitur harum viribus & sapore invitatus constituebam propediem ipsum invisere fontem. Proinde mense Augusto anni 1672. cum Dn. Jenisio urbis Syndico, & tùm Scabinorum Præside, Dn. D. Hubrigio, & officinæ nostratis Provisore locum lustravi. Invenimus fontem vix. X. pedibus à molendino pagi distantem, & lignosâ arboris excavatæ circumferentiâ inclusum. A meridie habebat colliculum graminosum & sparsim carbone fossili nigricantem: à septentrione rivum vix ulnis duabus à scaturigine præterlabentem. Aquæ color erat lactescens, sapor gratissimus. Hanc exhauriri jussimus cum sedimenti impuritatibus utque ad fundum arenosum, ut aquæ recenter scaturientis color & sapor exploraretur. E radice colliculi duplex videbatur effluxus, spiritumâ ab invicem distans, & unus à latere rivuli, hinc suspicio, scaturigines è colle medicamentosas, à posteriore debilitari. Aquam intra ligneum alveum affluxu satis largo citò succrescentem iterùm gustavimus. Gustus erat jam multò medicamentosior & penetrantior, color verò magis lactescens, qui tamen intra horæ spatium ad pelluciditatem qualemcunque revertebatur. Acidulæ Egranæ haustu primo è lagenis crystallinæ, statauntur albescere, ob evaporationem spirituum debilitatæ. Nonnè hic judicandum, nostras ex scaturigine rivi vicini infirmatas hunc colorem induere? Interiundum hydrothecæ nostræ replerentur, ad computationem satis liberalem nos invicem invitavimus, sed nulli nostrum ventriculo Neptunus hic licet hospes insuetus intulit quicquam molestiæ.

Reduces

Reduces salutavimus ἐν παρῳδῳ fontis vicinum Dn. Casp. Thymium, artis chymicæ & rerum naturalium peritissimum, ut ejus judicium audiremus. Laudavit acidulas hasce super omnes, quas habet Silesia, se itaque ipsum, licet senio gravem, quotannis illarum usu frui: participes esse sulphris & carbone gravem, quotannis illarum usu frui: participes esse sulphuris & carbone fossili, prætereà Martiales & vitriolatas, odoratiores, sapidiores adeoque efficaciores per lunæ incrementum, quàm decrementum, cœloque sereno quàm nubiloso & pluvioso. Commendavit tandem ita, ut accusaret illos temeritatis & superstitionis, qui tantis impensis accersant Egranas, quæ tamen ob viæ distantiam evaporatione virtutis spirituosæ diuturnâ non possint non infirmari. Judicium hoc ego nec improbo, nec laudo. Acidulis autem Egranis in loco natali positis has nostras præferre non ausim.

Ne tamen de acidulis his nihil dicam, consului rationem & experientiam.

Experientiam hæcenus multis experimentis illustrare nondum licuit: multis inquam, ne pauciora sint periculo, juxta §. Hippocr. pauca tamen hæcenus fuere tuta & proficua.

Ratio postulat contentorum explorare naturam. Quod spirituosum est hic, idque sine dubio morbis tartareis fixis convenientissimum, difficilius nobis indulgebit ars chymica, quàm natura. Contenta fixiora monstrat evaporatio. Hæc usque ad cuticulam institutâ colligebatur terra ochrea lac ☿ quodammodo æmulans in linguâ solubilis, calefaciens, non nihil in fine dulcescens, reliquum aquæ filtrum transiens evaporavit usque ad siccitatem, unde sedimentum gustu & colore exactissimè nitrosum.

Sulphur ex carbone fossili vicino non negabitur, nec nitrum, quod gustus tam egregiè commendat.

Vitrioli suspensionem præbuit mihi siphon dolioli, quo aqua transportabatur, ex alni ligno tornatus, qui nigredinem ex aquæ contactu contraxerat. Vitrioli præsentiam in Egranis gallâ probat Cl. Dn. D. August. de Bois Physicus Egranus. Cum experimentum mihi placeret, tentavi & hic gallæ non contusæ, sed tantum incisæ, uncia, commiscui aquæ nostræ uncias tres. Dictum factum, color aquæ limpidus versus est in obscurum violaceum, miratus hoc sum tantò magis, quod aquam hanc per septimanas decem (licet incorruptam) in vase vitreo detinuerim.

Acidulas hasce, si Deo placuerit, in posterum commendatum ibimus experimentis, hæc interim referre placuit, ut aquam hanc mineralem nec Medici formident vicini, nec ægri, sed potius effectum ejus saluberrimum in morbis explorent.

(In litteris mense Decemb. anno 1673, ad Collect. Ephemerid.

OBSER-

OBSERVATIO XCVIII.

D. Johannis Ferdinandi Hertod

De

Colli Aneurismate.

Illustrissima quædam Domina temperamenti sanguinei, ubi per integram hyemem anni præteriti gravissimis paroxysmis asthmaticis cum tussi continua affligeretur, remediis incidentibus, attenuantibus, expectorantibus à me ordinatis melius habuit; Subsequente verò æstate, dum de capitis gravitate conquereretur, & comedendo ordinariè obdormierit, leviq; deambulatione difficillimè sine tussi respiraret, atque in facie primò cœruleo, postea verò nigricante colore imbueretur, meum denuò implorat auxilium. Ego symptomata hæc unà cum suis causis intimiùs penetrando, inveni ex utraque colli parte arteriarum carotidum aneurisma nucis juglandis magnitudine, adeoque prædicta gravissima symptomata inde causari audacter pronunciaui; dum enim ex tussi prægressa interna arteriarum tunica rupta est, fieri haut aliter potuit, quàm ut sanguis à cordis impetuoso motu sursum ad cerebrum & faciem delatus, alteram arteriarum tunicam dilataret, quæ dilatata cum plus veherent de sanguine, quàm venæ recipere & revehere valerent, quid mirum si sanguis in cerebro quodammodò stagnans gravitatem capitis, per compressionem & quasi suffocationem spirituum somnolentiam, in facie nigricantem colorem, & ob circulationem impeditam difficilem respirationem procreârit. Factâ itaque nullâ vel exiguâ spe restitutionis, curationem exorsus sum à venæ sectione tam in brachiis, quàm pedibus, evacuationis & revulsionis gratiâ, à qua cum per paucum tempus melius quidem habuisset, recurrentibus tamen paulò post iisdem symptomatibus, cum *Paulo Barbette* laminas plumbeas super aneurismata portandas suasi, ut si non verum, saltem palliativum experiretur remedium: Nullum enim colli aneurisma curatum se vidisse confirmat præcitatus *Barbette*.

OBSERVATIO XCIX.

D. Johannis Ferdinandi Hertod

De

Îctero singulari.

Celsissima Princeps 53. circiter annorum, symptomatibus scorbuticis frequentius correpta, dum curæ majali sese submitteret, & à me ordinata medi-

medicamenta continuè conducebant, ad aliquod tempus valuit pancreaticè. Sed ubi domo absens aliquo modo inordinatiùs viveret, rediens sensit inexplicabiles dolores ventriculi, tales quidem, ut præ nimis angustis sese morituram diceret, superveniente frigore intensissimo, subsequente paucò calore per modicum tempus durante, totum tamen corpus occupante, & singulis diebus ad noctem repetente. His adungebatur icterus gravissimus cum dolore dextri hypochondrii, sine tamen ulla inflatione aut alio tumore, comitante urina ruberrima, & excrementis argillaceis. Dum prædicta symptomata intimiùs considerassem, à succo pancreatico acidiorè hosce dolores oriri dicebam, dum scilicet vapores austeri ad superius orificium assurgentes id ipsum rodunt & molestiâ afficiunt. Hinc itidem succus austerior stagnatione factus dum per venas lacteas, ductumque thoracicum cor penetrat, cum sanguine ad totum corpus delatus intensum frigus excitat: quia verò in intestinis bile acrior non conjungitur, sed inter circulandum sanguinis tantum calorem producit: Itaque principalis & primaria causa prædictorum symptomatum esse videtur denegata ipsius bilis, à qua pituita intestinalis aliàs abstergitur, & succus pancreaticus eliminatur. Quia verò bilis denegatur propter obstructions, medicamenta ordinata, quæ easdem referant, sed frustraneo cum effectu, adeò, ut grandinem vesicæ felleæ adesse nullus dubitarem.

Itaque vomitu præmisso ubi pulvisculum *A.* cum jusculo *B.* Celsissima sumeret, eundemque sæpiùs repeteret, ultra centum grandines flavas instar nucis avellanæ per secessum excrevit, & desuper optimè habuit.

Jam quæritur, ubi iidem grandines latuerint? Ego credo minores in vesica fellea, majores verò in intestinis pituitâ viscidâ instar involucri obductos fuisse.

Pulvis A.

℞. ☉ *prunella*, *crystall. præp.* *lapid. lapid. ceraunii præp. judaici* āā. ℥ss. *magister. dentis castoris* gr. vj. *asell. præp.* gr. iiij. *spir. ☉ coagulat.* gr. iiij f. pulvis.

Jusculum B.

℞. *rad. urtica*, *petrosel. asparag. chelidon. silicis* āā. ℥ij. *fol. heder. terr. ab. sinth. pont. carduib. flor. centaur. min. genista* āā. p. j. *sem. aquileg. alkekeng. saxifrag.* āā. ℥ij. *lign. nephrit. ℥ij. agaric. troch. ℥vj. turpeth. opt. ℥ij. rhabarb. ℥ij. epithym. ℥ij. ☉ Pri* ℥j. *M. incis. & contus. in 2. chartas æquali dosi distinctas.* s. species zu den Suppen.

(Ad Collectores Eph. ann. 73. mens. Decembr.)

OBSERVATIO C.

D. Georgii Franci

De

Sudore unius tantum lateris.

Pudentissimus J. J. Erhard XIII. vir Argentoratensis per omnem vitam tantum sudabat in dextris corporis partibus : Egoque vidi in fronte & alibi dextrum latus sudore madere, sinistrum nunquam. Obibat pie paucos ante annos sexagenarius hydrope.

OBSERVATIO CI.

D. Georgii Franci

De

Steatoma in Pyloro.

Ursam, quam Argentoratenses Pharmacopæi propter adipem coëmebant, duabusque sphaerulis sclopetorum trajiciebant A. C. M. DC. LXVII. 7. Aug. styl. vet. in horto Bresleriano dissecai, in cujus pyloro steatoma pugni magnitudine deprehendebam, quod omnem ferè exitum alimentis denegabat, siquidem ventriculus assumptis erat turgidissimus, nec inter 28. horas quidquam assumerat. Vestigia lactearum apparebant tenuia, intestina erant 20. ulnarum, longitudo verò ipsius animantis 3. cordis septum foraminulentum, sed non perforatum. Causam istius tumoris rejecit venditor circumforaneus in currum onustum, quem ex improvviso rotæ succumbens urfa sustulit, à quo se malè habuerat sanguinem vomendo.

OBSERVATIO CII.

D. Georgii Franci

De

Herniæ transplantatione.

Die Viridium depromatur è nido ovum gallinaceum adhuc calidum, apriatur & sorbeatur ab hernioso ita crudum, evacuataque testâ, urinâ herniosi repleatur, suspendaturque in camino; videbis eodem herniam desumere modò, quo urina exsiccabitur in camino; ceu multoties expertus est mecum Cl. D. Sam. Geidelin, Medicus felicissimus Argentoratensis, amicus intimus

OBSERVATIO CIII.

D. Georgii Franci

De

Mira distemia.

Virgo quædam Selestadiensis jam à XVI. annis ferè abhorret adeò à vino, ut nec in medicamentis quidquam de tartaro possit assumere, nequè sal, nec crystallos, nec cremorem, nec spiritum, nec tincturam, sique porrigatur vel in sciâ, sudore angustis ac lipothymis corripitur. Olim tamen bibe-
bat vinum.

OBSERVATIO CIV.

D. Georgii Franci

De

Somnio morbi nuncio.

Uxor charissima jam à tribus annis dolore vexatur hypochondriaco cum suctis symptomatibus; quæ noctu ferè eam affligunt. Antea verò per somnum quasi sentit venturum malum: quare somnia habet ut plurimum hujus vel alterius morbi obrepentis, interdum periculi in aquis, nonnunquam aliarum rerum tristium. Experge facta statim, vel paulò post sentit incumbere dolores istos. Quoties ergò noctu contingit, (contingit verò maximè,) toties per somnium nunciatur. Alia somnia veridica possunt videri apud *Henr. ab Heer Obs. 2. & Gassend. in vit. Peiresc. l. 2. p. m. 75.*

OBSERVATIO CV.

D. Georgii Franci

De

Ambustionis remedio.

Apud fabros ferrarios ex manubrio isto ligneo in malleo (*Hammer-stiel*) si ferro candenti adhibeatur, scaturiet oleum, quo loca ambusta felicissimè inunguntur, ceu nupervidi in Nobiliss. à Greisla Juniore, cujus facies valdè pulvere pyrio comburebatur, qui tamen intra paucos reconvaluit dies. Aliique plures certam hujus mihi experientiam faciunt.

(*Ad Dn. D. Februum Heidelberg à Svinfurtum mense Januar. An. 1675.*)

OBSERVATO CVI.

D. Georgii Sebastiani Jungii

D.

Succo cicutæ innoxie hausto.

Cicutæ lethale inesse venenum, tandemque vi suâ refrigeratoria enecare, tradit Dioscor. l. 4. de mat. med. 74. & quidem horrendis præviis symptomatibus, quæ idem recenset lib. 6. c. 11. his verbis: *Cicuta pota vertiginem excitat, oculis caliginem affundit ita ut nec minimum cernatur: singultus ciet, mentem turbat, extremi artus gelantur: denique convulsi, suppressio arteriæ spiritus, strangulantur.* Confirmat hæc Dioscoridis verba ipsa rerum optima magistra experientia, totque gravissimorum virorum indubitata testimonia, ex innumeris sequentia nunc sufficiant. *Simon Pauli* in sua de febribus malignis *παρενθεσι*, tristem refert catastrophem de tribus personis, Capitaneò nimirum quodam, ejusdem conjuge, & aliâ quadam fœminâ crambem, cui cicutæ folia admixta fuerant, & vix non unâ mortem sociam ex eadem ollâ comedentibus; cujus esu Capitaneus mox perit luridâ ac horrendâ facie in terram prostratus: ambæ verò fœminæ jam jam moribundæ adeò languebant, ut palpebras non attollere, membra non flectere, linguâ tremulâ vix fari possent, cum pulsu adeò languido, parvo & tardo, ut trium pulsum quies inter unum & alterum ictum intercederet, ita ut jam jam spiritum efflâssent, nisi lacrà alexipharmacorum anchorâ suffultæ fuissent. Sic quoque Franciscus Trapollinus, (*Fonstonô in Thaum. c. 16.* teste) cicutam petroselini locò in jussulo ab ancilla appositâ sumens amens obiit. Pari- ter *Amatus Lusitanus centur. 5. curat. med. 98.* mercatoris cujusdam filium undecim annorum extra urbem cicutæ summitates jejuno stomacho comedentem, & ad torridum solem illicò dormientem, post expergefactionem verò nec videntem, nec mente constantem brevi mortuum fuisse recenset. Ità quoque ipso cicutæ succo summum Philosophum Socratem ab Atheniensibus interemptum, *Plato* scribit. Immò narrat *Kircherus mund. subterr. lib. 9. sect. 2. c. 2. §. 126.* audivisse se à nautis & piscatoribus, nonnullos fuisse, qui aridis cicutæ stolonibus pisces infixos cum torruissent, quotquot ex iis postea comedissent, variis symptomatum tormentis tandem extinctos fuisse. Licet verò cicuta assumpta, aut ob exiguam ejus quantitatem (nam exiguum quiddam cicutæ sumtum mortem homini nequaquam inferre ipse asserit *Galenus l. 3. de simpl. med. facul. c. 18.* immò modicâ cicutæ sorbitione *Ægyptiorum sacerdotes*, referente *S. Hieronymo in Epistollâ*, se impunè castrabant;) aut cum aliis vires ejusdem obtudentibus mixturem: aut ob subito antidotorum imploratam operam non omnibus exitia-

lis ex-

lis extiterit, sævissimis tamen ac periculosissimis incautos miseros excruciare solet symptomatibus. Ità legimus in *Matthiol. comment. in librum Dioscor.* suprà citatum, cicutæ radices à rustico in vinca pastinacæ locò effossas, domum delatas, coctasque ab eodem & uxore in cœnâ comestas, tanta excitasse symptomata, ut mediâ nocte ambo expergefatti, omni penitus amissâ ratione, huc atque illuc per domum in tenebris vagarentur, amentia & furore ducti, nec non caput, faciem & oculos in parietes percuterent, ut manè accurrentibus vicinis, partim percussionibus tumidi, partim effusò sub cute sanguine liventes horrendam ac monstrosam ostenderent faciem, quos tamen (ut & monachum Franciscanum, qui pluribus mensibus modò amentia modò furore agebatur, quod cicutæ folia petroselini hortensis loco piscium quorundam iusculis imposita comedisset,) restituit *Matthiolus*. Sic quoque cenopolam Colbergensem in prandio carnes bubulas radicibus cicutæ locò petroselini per ignorantiam conditas, comedentem tertiò tandem mense à supervenientibus symptomatibus integrè liberavit *Timæus l. 7. cas. med. 4.* Cicutæ pastinacæ locò sumtæ exemplum videatur in *Trago l. 1. c. 159. Hist. Stirp.* Item in *Ephemerid. Curiosarum anno 3tio observ. 345.* ac *Schenckii obs. med. l. 7. obs. 133.* Admiratione dignum est, quod affirmat laudatus *Kircherus lib. 6. sect. citat. c. 4.* se in duobus suæ Societatis patribus spectasse. Hi incuriâ cociradices cicutæ pro petroselini radicibus coctas ex laboribus reduces, fame stimulante, magnâ aviditate comederant; quæ vix stomacho redditæ, cum ecce fumis jam ascendentibus, mente obnubilati, omnibus sese vestibus spoliatos in vicinum vivarium præcipitârunt, à quo erepti antidotisque restaurati, à morte quidem redempti, sed deinceps præoccupatis venenò nervis miseram vitam ad triennium semiparalytici egerunt; rogati postmodum, quid sibi in sua infania imaginati essent, responderunt, in anseres sese transformatos fuisse, putasse, atque eam ob causam intra aquas se more anserum nataturos præcipitasse. Herbæ quoque huic potissimum adscribendæ videntur cholera ac diarrhœa hîc Viennæ ab esu acetariorum & herbarum recentium, & recens prodeuntium faragine (vulgò *Kräutel-Salat* /) conflatorum sat frequentes, dum nimirum incauti collectores, rudes nimirum ac cœcæ anus eandem chærefolii locò, cui in juventute suâ foliorum ratione valdè similis, cæteris admiscet, non sine maximo sumentium damnò, vitæque periculò, cujus forsàn non paucæ allegari possent historiae. Unde verò cicutâ deleteriam suam nanciscatur vim, ex ejusdem natalibus facilè liquet: nam experientiâ constat, in iis locis, fossisque, in quæ morticina & variorum animalium cadavera conjiciuntur, ut plurimum cicutam, hyoscyamum, & omnis generis venenosas herbas nasci, quæ ut ex venenatæ qualitatis putredine arsenicali, mercurialique imbutâ nascuntur; ità quoque consimilis qualitatis herbas producant. Nos (salvò aliorum judicio) activitatem illius

à sulphure aliquo sylvestri ac narcoticô, quô copiosè cicutam abundare, non modò gravissimus illius foetor, verum etiam tristitia inde oriunda symptomata abundè loquuntur, dependere censemus: à sulphure enim narcotico ob sanguinis, succique nervosi fixationem & coagulationem pulsû tarditas, raritas, debilitas, facies livida, strangulationes & suffocationes, amentia, aliaque suprâ ex *Dioscoride* recensita symptomata, maximè verò somnolentia, sopor, ac torpor, ita ut non tantum stupidi sed planè mortui videantur, ortum ducunt: obsessis nimirum ac oppletis nimium à narcoticis hujusmodi particulis cerebri porulis ac meatibus, ejusdemque succò nimium condensatô, & quasi congelatô. Ridiculum hujus rei exemplum recenset *Matthiolus* de asinis ex esu cicutæ in ejusmodi soporem incidentibus, quos cum rustici hujus rei ignari mortuos crederent, pellemque ad usum detraherent, accidit mirum, quòd in medio ferè operis asini expergefacti sint, non sine magno excooriantium terrore, atque ingenti spectantium risu. *Comm. ad cap. 47. lib. 4. Dioscoridis.* Histamen omnibus non obstantibus intimè nobis notus est vir quidam urbis nostræ apprime literatus, qui ad extingvendum calidioris hepatis (ut vulgò vocant) seu potius sanguinis fervorem, ac inde enatam faciei rubedinem extirpandam, per octiduum omni mane succi cicutæ ℥iij. circiter cum saccharo delibavit, nullò aliò symptomate, nisi virium notabili debilitate, nec tamen faciei pallore, adeò desiderato, subsequente. Mirandum sanè, immò obstupescendum est, nulla alia ex repetita hac succi cicutæ sumtione emeruisse incommoda, cum tot infauustos aliorum superiùs enarraverimus eventus: multò minùs ratio hujus divinari posse videtur. Multum quidem loco natali tribuendum esse novimus: maximam enim vim illi cicutæ inesse refert *Plinius*, quæ nascitur in terra Parthorum, mox Laconicæ, Creticæ, Asiaticæ: in Græcia verò Megaricæ, deinde Atticæ. Sic quoque tradit *Petrus Joann. Faber in Panch. l. i. c. 43.* Cicutam & napellum, quæ versus meridiem in montibus scilicet pyrenæis venenata sunt, si transplantentur versus loca septentrionalia & valdè humida, omnem malignitatem deponere, immò comestibilia fieri, quod de napello in Britannia & in hortis civium Rheodensium cultose observasse testatur *Excell. Martinus Bernhardt de Berniz. Miscell. Acad. Nat. Curios. ann. 2. obs. 42.* ubi quoque citat historiam napelli in Poloniâ innoxie comesti. Attamen cicutam in Italia, Germania, Dania, aliisque in locis gravissima introduxisse mala ex historiis antè allatis constat. Verisimile itaque videtur, potissimam hujus causum in fermenti stomachici, ipsiusque sanguinis diathesin ac dispositionem variam referendam esse, cujus quoque beneficiò puella illa Indica *Joann. Langii l. i. Epist. 69.* & anus Atheniensis *Galen l. 3. de simpl. med. fac. c. 18.* à momento cicutæ sæpiùs assumpto paulatim assuevere, ut integros ejusdem manipulos devorarent; sic quoque

Profecit potô Mithridates sæpè venenô,
Toxica ne possent sævanocere sibi.

OBSERVATIO CVII.

D. Georgii Sebastiani Jungii

De

Lapide corvino.

Varios non modò in hominibus, verùm etiam animalibus brutis, diversisque eorundem partibus inventos fuisse lapides, innumera gravissimorum Authorum testantur Observationes, quarum Catalogum recenset



EIGENTLICHELENGE

BREITTE

DICKE

Curiosissimus p. m. *Sachsus Gammarologia sua lib. 1. c. 14.* Videri quoque potest Musæi metallici *Ulyss. Aldrovand. l. 4. c. 58.* Item & *Ephemer. Curios. Germ.* rariores tamen in avibus inveniuntur. Sunt quidem aliqui, qui cum *Sexto* ætitem in ventre aquilæ inveniri dicunt, alii verò ex cerebro vel capite ejusdem illum eximi ajunt; sed primos nimium errare, secundos summoperè fallere, ac falli tradit *Joh. Laurent. Bauschius*, primus p. m. Curiosorum Collegii fundator ac Præses dignissimus de *Ætite c. 1. f. 14.* ultimumque hunc errorem inde natum autumat, quòd *Kiranides l. 4. n. 1. p. 141.* quem etiam allegat *Gesnerus hist. anim. l. 4.* è capite aquilæ piscis lapidem eximi scribat, quod tamen itidem fabulosum esse asserit *Jonstonus hist. natur. de piscibus l. 1. tit. 1. c. 3. artic. 3. puncto 3.*

Referunt alii esse quandam speciem mergi Indici, in cujus ventriculo lapis permagno æstimatus ab Indis reperitur, ideoque hunc tanquam geminam suis idolis offerunt. *Vid. Musæum metall. Aldrovand. f. 788.* Nos hic lapidem sistimus in ventriculo Corvi ab Illustrissimo Barone Francisco Ignatio de Kirchperg &c. propriis manibus sclopetò trajecti & exenterati repertum, quem huc
usque

usque Bibliothecæ nostræ asservandum credidit Illustrissimus Dn. Baro. Figura lapidis hujus ovalis est ; magnitudo, quam schema monstrat : color ferrugineus : pondus $\frac{3}{8}$ Dij. sapor nullus : durities silicis ; & lapidi lydio affrictus mineram quandam quasi Martialem prodit. An lapis hic in Corvi ventriculo generatus fuerit, affirmare ob prægnantes rationes non audemus : Credibile potius est, eundem fuisse à Corvo deglutitum ; quem forsan ex minera quadam acceperat, unde dein temporis diuturnitate ab acido ventriculi fermento, ac bile succove pancreatico in ventriculum forte ad morticinorum fermentationem regurgitantibus, ita lævigatus, politus, hocve colore imprægnatus fuerat. Plebeji aliàs lapides in corvorum ventriculis repertos ad epilepsiam prodesse suspensos credunt. Describitur lapis Corvinus à *Ludovico Dulci*, ac in capite Corvi piscis cum socio reperiri colore albo, obscuro ; formâ ovali, ab una parte concavâ, ab altera convexâ, in cuius medio tuberculum sit, ac è pisce excavari crescente Luna, Majo mense, dum adhuc palpitat. Dolores intestinorum depellere, si carnem attingat, traditur. Corvinum lapidem alium describit idem *Ludovicus* colore flavo, sed qui non nisi hac industriâ haberi possit. Primâ Aprilis Corvi ova coquantur ad duritiem, refrigerata nido imponantur, ita Corvus ovorum jacturam percipiens hunc lapidem quærit, quo invento, nidoque imposito ova in pristinum statum restituuntur, prolesque inde suscitantur. Verum lapis citò auferendus est, ut gestatus divitias augeat, honores conciliet, ac futurorum eventum prædicere faciet. Sed vana hæc sunt, ac pura putaque mendacia teste *Anselmo Boetio de Boodt. de gemmar. & lapid. histor.* Est quoque lapis in India Cacaoteti seu corvinus dictus ex *Historia Brasiliana*, qui calefactus tonitru edit, referente *Borello obs. 38. cent. 2.*

(*Ad Collect. Ephem. An. 1674. mense Januar.*)

OBSERVATIO CVIII.

Dn. Andreæ Cnoëffelii

De

Alkahest Helmontii & Paracelsi.

LECTOR Benevole, offero tibi nomen *Alkahest* sive velis Helmontii sive Paracelsi, per me liberum esto. Dico nomen : siquidem ex denominatione cognovi quid sit Helmontii, & ex eo quid Paracelsus velit esse Alkahest. Num verò liquor *Alkahest Helmontii* sit liquor Alkahest, quem describit Paracelsus *lib. de virib. membr. T. I. c. 6. in fol. p. m. 320. (edit. Germ.)* Et num ignis gehenna Paracelsi sit Alkahest Helmontii, tu ipse B. L. ex allatis judica, siquidem

dem Davum, non Oedipum agam. Quid autem sibi velit Paracelsus vocabulo Alkahest, neminem vidi, qui potuit ex ejus libris genuinam enodare significationem. Siquidem quantum ego memini nullo alio in loco legi, nisi hoc in præallegato *de virib. membr.* Spiritum autem aliquem esse debere patet ex verbis: *Sed & liquor Alkahest magnæ virtutis est, confortandi hepar & conservandi ab hydropo; ejus processus est, ut post coagulationem resolvas & coagules in formam transmutatam; sicut processus de coagulando & resolvendo docet. Tunc enim, si superat suum simile, medicina fit hepatis.* Hucusque Paracelsus. Helmontius describit liquorem Alkahest ita: *quod sit liquor immortalis, immutabilis, aqua solvens & sal circulatus, qui reducit omne corpus tangibile in liquorem sui concreti.* Tract. Arcan. Parac. p. m. 481. in fol. Ultimaria autem verba, *qui reducit &c.* non invenio in Paracelsi lib. *de virib. memb.* quod ea suo liquori ibidem adscribat.

Verba hæc & descriptio Helmontiani Alkahest, obscuriora fiunt ex *Tr. complex. figm* §. 6. p. m. 65. in fol. in verbis: *quedam corpora in tria dividi recusant, in salem adjuncto liquore Alkahest Paracelsi tandem fatiscunt.* Et in *Tr. Arb. Vit.* p. m. 485. *cum parvi ponderis liquoris Alkahest, videbis Cetim in succum lacteum migrasse.* *Tr. terra.* §. 15. 16. p. m. 35. *Arena sive terra originalis ab igne artificiali (qui est liquor Alkahest, ut infra probabitur) fit sal.* *Tr. d. Lithias.* l. 7. §. 23. p. m. 44. &. *Ludi pulverati* lib. j. *actantundem liquoris Alkahest, destilla hunc inde, & primâ vice totus Ludus mutatus erit in salem.* *Tr. ign. Act. Reg.* §. 11. p. m. 204. *A solo autem compari subter jugum trahitur atq; permutatur.* Arc. Parac. p. 481. dicit: *Liquorem Alkahest coagulare Mercurium in fixum pulverem.* Modò dicta cùm descriptioni priori videantur contradicere, dubius hære vel prudentissimus possit, quid sibi excellentissimus Helmontius cum suo Alkahest toties decantato voluerit, quod rem tam secretam adhuc obscuriùs tractaverit. Num autem aliquam informationem ex libris ejus obtinere poterimus, patebit ex sequentibus:

In tract. form. ort. §. 8. 9. p. m. 92. Helmontius liquorem Alkahest vocat ignem Gehennæ Paracelsi, in verbis: *Quippe per ignem Gehennæ, qui est liquor Alkahest Paracelsi, sciri potest, quantam alterutrius luminaris partem vegetabile possideat.*

In *Tr. terr.* §. 15. p. m. 35. *Cum igitur arena, sive terra originalis, tam artquam naturæ resistat, nec queat ullis adminiculis (unico duntaxat Gehennæ artificialis igne excepto) natura vel artis recedere à primæva sui constantia &c.*

Tr. pot. medic. §. 44. p. m. 296. *Liquor Alkahest mundat naturam virtute sui ignis. Item. Mercurius præter igneam Gehennæ vim clarificat organa &c.*

Lib. d. febr. c. 16. §. 25. p. m. 105. *Igitur si ad istud ignis arcanum non per-tingatis &c.*

Ut itaque pateat, quid sit ignis Gehennæ, remitto lectorem ad ipsum fon-tem, & quidem Paracellum tom. 1. Archid. lib. 7. de Specificis, sub titulo Spe-cificum Corrosivum p. m. 817. in fol. quo loco Specificum suum Corrosivum, ignem Gehennæ nominat, in verbis: *Etsi majori autoritate ignis nominari queat, quam medicamentum; nam corrodit catenas &c. & paulò inferiùs: R. predicti ignis Gehenna &c.* Helmontium autem per suum Alkahest Specificum hoc Corrosivum indigitare voluisse patebit ex verbis.

Helmontii.

1. *Tr. Act. Regim. p. m. 204. §. 11.* Liquor Alkahest omnia totius universi corpora tangibilia perfectè reducit in vitam eorundem primam.

Et complex. & mist. elem. figm. p. n. 67. §. 27. Novi aquam, cujus medio omnia vegetabilia in succum destillabi-lem sine ulla sui fecum in fundo resi-dentia commutantur.

2. *Tr. d. Lith. c. 4. §. 6. & 7.* In aliis verò liquorum activitatibus corpus nunquam radicaliter se potest commif-cere liquori solventi, ideoque corrodi-tur quidem, at non solvitur intimè.

3. *Tr. d. Lithias. c. 9. §. 27. p. m. 57.* Nemo autem medentum curavit un-quam lepram, qui non fuerit potitus liquore Alkahest.

Et Pot. Medic. §. 43. p. m. 296. Li-quor Alkahest mundat naturam virtu-te sui ignis.

4. *Pot. Med. §. 24. p. m. 292.* Sum-mus autem talis um est, qui ultimam pu-ritatis metam in natura attigit.

Paracelsi.

1. *Loco citato:* Corrosivum Specifi-cum metalla in nihilum reducit, ita qui-dem ut non ulterius in eis corpus pri-stinum reperiatur, sicut lignum igne consumitur.

Et paulò inferiùs: Nulla invenitur materia resoluta in Specifico Corrosi-vo, quæ in pristinum pondus & for-mam metallicam reduci queat.

2. *Loc. cit.* Quanquam in aquis for-tibus taler etiam fiant corrosiones, at-tamen manent metalla in pondere & essentia indestructibili; & possunt re-ducì in pristinum corpus.

3. *Loc. cit.* Varia ulcera in corpore humano cum hoc corrosivo possunt sanari, fistula, scrophulæ, cancer.

Et paulò inferiùs. sicut etiam in le-lepra morphea, serpigine & lentigine procedit.

4. Paracelsi videatur processus com-positionis Corrosivi Specifici, qui se-quetur paulò inferiùs.

Ex quibus adductis & comparatis, patet *Ignem Gehenna esse Specificum Corrosivum Paracelsi.* Si itaque ignis Gehennæ Paracelsi, sit liquor Alkahest Hel-montii,

montii, prout ipse loco superius allegato innuit, habebis B. L. variis intricatum meandris liquorem Alkahest Helmontii indagandi patentem semitam. Specificum autem hoc Paracelsi Corrosivum non esse liquorem Alkahest, cuius meminit Paracelsus l. 2. d. virib. membr. c. 6. p. m. 320. in fol. ex hoc patere, salvò meliori doctiorum judiciò, modèste opinor; quia Paracelsus Corrosivo suo Specifico internè nunquam usus est, neque ipse Helmontius in omnibus suis tractatibus unicà vice mentionem facit usus interni, nisi quod externè commendat in lepra: item quod Ludi oleo conficiendo & solutionibus faciendis. Multò potius patet ex Paracelsi loco citato p. 817. quòd tantum propter externam applicationem inter medicamenta relatum sit; In verbis: *Hac de causa inter medicamenta referimus, quòd multa ulcera externa cum eo sanari possint.*

Itaque necessariò distinguendum inter Alkahest Raymundi Lullii, ab Helmontio allegati, & inter Alkahest medicinale Paracelsi, & inter Corrosivum Specificum Paracelsi & Alkahest Helmontii.

Jam tantum liquorem Alkahest, qui est Ignis Gehennæ artificialis Paracelsi, ut loquar cum Helmontio, describam, de reliquis, paucissimis discursivè quid ego sentiam, agam.

IGNIS GEHENNÆ

Descriptio & compositionis modus.

Est autem ejus compositio ex ipso Paracelsi fonte desumpta talis, quæ sequitur: *Recipe aqua fortis à capite mortuo rectificata lb j. Mercurii sublimati, salis ammoniaci a. 3 ij. misce ut inter se consumantur. Postea recipe aquam Mercurialem ad pondus omnium & reserva pro usu. Huic corrosivo neque Adamas resistere potest. Hucusque Paracelsus. Qualis autem & ex qua materia aqua Mercurialis componatur, quam hîc loci citat, non leve lectori posset exurgere dubium. Ut itaque etiam hæc Mercurialis aqua fiat manifesta, & autoritas qua liquorem Alkahest, salium summum Helmontius deprædicat, adeat Lector Theophrasti Paracelsi appendicem chirurgiæ magnæ in editione Argentoratensi in folio Anno 1605. typis & sumtibus Lazari Zetzneri p. m. p. 15. sub titulo, Aqua Mercurii maximum arcanum. Ejus descriptio est talis: Verba quæ sequuntur sunt Paracelsi propria: *Recipe Mercurii à sale Tartari toties (sublimati) donec non ascendit, quod fit septimâ vice, & pariter arsenicum sublimatum, & pariter sal ammoniacum sublimatum, a. lb. j. imbibantur cum oleo salis alcali Tartari sapius, post dissolve supra marmor in aquam: hæc est aqua Mercurialis.**

Qui plura vult, adeat autorem ipsum & perlegat ejus verba, & videbit verba ibi sequentia concordare cum antea citatis & allegatis. Hic habes Ignem Gehennæ artificialem!

Num vero decantatissimus hic liquor Alkahest præstet, quæ Helmontius ei attribuit, Lectori probanda relinquo. Ego nunquam feci experimentum neque potui mihi in animum inducere, Paracelsum, ut suprâ dixi, Igne hoc voluisse aut proposuisse hepar restaurare aut curare. Interim tamen cuique liberum relinquo iudicium, neque hac de re ullam litem movebo. Ego paucis probabo Paracelsum lib. de virib. membr. per ibi laudatum Alkahest intellexisse Specificum Purgativum, quod lib. 7. Archid. p. 815, 816. describit, & ex salibus suâ originem trahit. Verba Paracelsi in lib. d. virib. membr. sunt sequentia: *Liquor Alkahest magnam hepatis confortandi vim, adeoque ab hydropisi & ejus omnibus generibus, ab hepatis vitiis obortis præservandi vim habet; & si hepar ruptum & dissolutum esset locò tamen totius hepatis est;* lib. 7. Archidox. de Specifico Purgativo, postquam recommendavit tartarum & vitriolum, & ex iis medicamenta docuerat, addit: *Fundabimus nos super iis, quæ non particulariter unum aliquid, sed generaliter omnia mala consumant, sive sit materia peccans, sive putredo &c.* Et paulò inferius; *sed ista duo principaliter in his omnibus putrefactionibus & superfluis fecibus corporis undecunque consumunt & purgant, sicut aqua abluit pannum, & sicut sapo omnes linos clarificat, de non-curante impedimento cujuscunque nature, vel unde proveniat, sed singulariter accipit in simile.* Huc usque verba ipsius Paracelsi. Pluribus detegit Paracelsus animum suum l. d. viribus membr. 2. c. 8. quod *Satratar* (per metathesin literarum Tartarus) præscripto modo præparatus totum splenem absumat (suò sensu ista debent intelligi,) nec aliquid relinquat splenis; quod etiam consumat id, quod splen debeant digerere. Quo inclinare videtur Helmontius lib. d. Febr. c. 16. §. 25. p. m. 105. quando svadet, si ad istud ignis arcanum pertingi non possit, *ut discant salem Tartari volatilem reddere.* Et in Passiv. Schol. Decept. c. 1. §. 89. mirum, quantum sal tartari, vel unicum, volatile factum, non præstiterit, &c. Librò verò d. Lith. c. 8. §. 21. p. 48. asserit Helmontius, quod spiritus vitrioli secundum suam descriptionem paratus & rectificatus pergat in quartam digestionem.

Quomodo verò tartarus & vitriolum præparari debeant, ut Alkahest hepatis fiant, locò citatò invenies.

De *Lulliano Alkahest* meum non est tractare, cum sciam plurimos chimiatros ejus esse opinionis, Lullium uti verum lapidis Philosophici possessorem coagulum Mercurii perfecisse *auro suo Mercuriali*, quod non solum Mercurium coagulavit, sed etiam in aurum simul transmutavit, quales historias etiam Helmontius ipse enarrat tract. natura contr. nescia. §. 40. p. m. 108. in demonstr. Thef. §. 58. p. m. 409. Tract. d. vita æternâ p. m. 452. Tract. Arb. Vit. p. m. 483.

Neque adducar, ut credam aurum cum isto Alkahest Helmontii radicaliter posse solvi, & naturaliter, prout chimici libri svadent, cum eodem iterum conjungi, sicut alias facili negotio talis naturalis solutio procedit, si aurum in spiritu mineræ argenteæ rubæ pellucidæ amicabiliter solvitur & deinde coagulatur, cujus rubra in fundo materia cum spiritu vini extracta, omnium membrorum præstat confortativum & restaurativum medicamentum: Sic etiam aurum in spiritu mineræ argenteæ immaturæ, vulgò ungediegen Glasz Eiß / ita resolvitur, ut cum eo intimè jucundissimo spectaculo uniatur; quod etiam in cupro, si naturalis ejus spiritus non sufficit, cum spiritu lapidis calaminaris ex parte procedit. Hæ autem solutiones omnes etsi sint naturales, tamen sunt particulæres. Num vero Helmontii Alkahest universaliter idem præstabit, tu Benevole Lector, ipse da operam inquirendi, & fac experimentum.

Et sic paucis, debitâ cum observantia superiorum & doctissimorum virorum, volui, quantum potui, exponere liquorem Alkahest Helmontii, utrum & in quantum est Ignis Gehennæ Paracelsi. Præsentibus autem expressè me declaro, quod nunquam fuerim ejus intentionis in hoc secreto arrogare mihi quandam scientiam, sed ut potius tyronibus medicinæ aliquam præbeam occasionem curiosius in Paracelsi & Helmontii opera inquirendi, majoraque arcana inde enucleandi, quoque magis in hac arte me & semet ulterius informent, sicque tandem, si unus alteri suppetias feret, aliquis hujus medicinæ expectatus successus sequatur.

OBSERVATIO CIX.

Dn. Andreæ Cnoëffellii

De

Aroph Paracelsi.

HUjus Aroph meminit Paracels. lib. 2. d. virib. membr. c. 10. in verbis: *Materia peccans renum aufertur per Aroph. quod per distillationem ex pane in liquorem reducitur.* Helmont. tract. supplementorum Paradoxo numero critico §. 53. p. m. 429. Hoc Aroph valdè commendat in verbis: *Porro ad pacem illam optatam in renibus capeffendam feliciter hætenus usi & potiti sumus medicamento, Aroph à Paracelsi lib. d. virib. membr. descripto.* In hoc autem loco noluit se explicare, quid sub Aroph intelligi velit. Libro verò d. Lith. c. 7. §. 14. Helmontius Aroph declarat, quasi esset Aroma, & quidem renum, in verbis: *Quoad ablationem, inclinationis ergo, in primis medicamentum Aroph Paracelsi, quod sonat Aroma Philosophorum, (propter auream tincturam) præparatum sub fimo, cum mixtura panis secalini, ac postmodum Sp. Vin. extractum,* O. 3. curat

curat inclinationem veterem ad calculum. Materiam, ex qua præparetur Aroph, Paracellus locò citatò panem: Helmontius, panem fecalinum cum S.V. extractum designant. Præparationem Helmontius di&ô in loco, uti chimicus chymico exhibet, Paracels. verò obscurior: Videtur tamen se explicare l. 4. Archidox. de Quinta Ess. p. m. 802. l. A. sub titul. Quinta Essentia comestibilium. Et l. 6. d. Magister. p. m. 812. L. A. B. C. 813. L. A. Processus autem ex ambobus locis collectus erit talis, qui sequitur: *R. Panis fecalini optimi (vel si mavis tritici optimi) q. s. affunde S.V. ad eminentiam trium digitorum, stet in digestionem per aliquot dies, usque benè saturetur Spiritus Vini, & colore aureo & flavo tingatur, effunde, & affunde novum S.V. procede usque ad omnimodam tincturæ extractionem, postea omne quod extractum, infunde in phialam, & appposito Alembico detrahe superfluitatem S.V. remanebit in fundo liquor crassiusculus, Quinta Essentia, coloris aurei & boni odoris, verum Aroph:* Hujus ℥j. in vehiculo appropriato exhibetur mane.

Notandum verò, quod Helmontius tempus propinationis medicamenti hujus, non sine gravi ratione commendat Tract. d. Lithias. c. 7. §. 29. in verbis: *Remedia autem adversus Dualech potentur jejunò stomachò, absque hesternâ cœnâ:* quod etiam ego adhortandum esse duxi. Possum enim sanctè affirmare, quoties strictè monito huic non paruit patiens, toties frustra propinatum hoc medicamentum fuisse deprehendi. Debet autem huic præscriptæ curæ & diætæ ad minimum duabus septimanis morem gerere, nisi specurationis velit patiens frustrari.

OBSERVATIO CX.

Dn. Andreæ Cnoëffellii

De

Seminis dauci usu in lithiasi.

Aroph adjungendum censeo semen Dauci ex commendatione Helmontii, quia præservatorium à Lithiasi laudatur. Meminit hujus seminis Helmontius Tract. d. Lithias. c. 1. §. 19. p. 14. in verbis: *Quatenus odor seminis Dauci odorem saxatilem domat, & comprimit. c. 7. §. 4. Consiliarius cum per quindenas miserè soleret decumbere usus deinceps cerevisiâ, cui Dauci semen incoctum est, liber à Lithiasi vixit modo per aliquot annos c. 8. d. Lith. §. 23. p. m. 48. Daucus præservat quidem sub continuâ ac strictâ obligatione, prout Aroph confortat renes: quale autem semen Dauci requiratur, ipse Helmontius l. c. explicat sequentibus. Cæterum, jam antè tradidi modum præservandi à Lithiasi*
per

per Aroph, itemque per cerevisiam cum semine Dauci vel flava pastinaca sylvestris, coctam. Ut itaque unum alteri subveniat, potest Practicus ipse perlegere loca citata & pro requisitione morbi facultate patientis, & circumstantia temporis, quomodo ægro subveniendum sit, cum iudicio disponere.

OBSERVATIO CXI.

Dn. Andreæ Cnoëffellii

De

Oleo Ludi Helmontii & Paracelsi.

Benevole Lector, dum olei Ludi præparationem describere satagò ea, quæ ex Helmontii & Paracelsi libris patent, proferam. Hæc enim solâ intentione hoc scribendi munus in me suscepi, ut tandem cooperantibus aliis, quæ ad hunc usque diem confusa, partim verò obscura & abscondita latent pretiosa secretioraque luci exponantur, medicamenta. Inter quæ etiam oleum Ludi meritò connumerandum esse censent Medici insigniores. Quid autem sit Ludus, & quid sub nomine Ludi ab Helmontio & Paracelsi intelligatur, non æquè patet. Helmontius l. d. Lith. c. 3. §. 28. p. m. 21. Ludum ita describit: Neque Ludus Paracelsi parat lixivium, sed salex acido amarum, quapropter suum Ludum fel terra vocat; est enim lapis siliceus, tenerior tamen, & qui ferè totus per diuturnum bidui ignem avolat. c. 6. §. 22. p. 41. Porro ad veram generati Duelech resolutionem liquationemque primatum obtinet Ludus Paracelsi sic dictus, non quod silex sit & puericum illo ludant, sed quia Ludus semper tali tesseræ, aut cubi formâ eruitur, cujus præparationis hæc est descriptio apud authorem Paracelsum: Ludus optimè contusus, calcinatus & usque in olei formam bullitus, quod unicò ferè verbò vocat fel terra & Altholizoi correctum: Confer. Parac. lib. d. morbis Preis Germ. c. 20. p. 314. & Tract. 2. de morbis ex Tr. c. 1. p. m. 485. Et paulò inferiùs: §. 22. Ludus est lapis pallefcens, subindè cruenta perspicua per commissuras obductus, magnâ sui parte in libano figulino & olatilis. Locum generationis indicat Helmontius l. c. §. 22. in verbis: Reperi autem illum ad ripam Scaldis propè Antverpiam, ubi lateres coquuntur. Hæc est sententia Helmontii.

Paracelsus, quid per Ludum intelligat, mentem non satis suis in libris expressit.

Quidam volunt ac si per Ludum intellexisset calculum humanum. Hoc verò in suis libris nonnumquam mihi invenire licuit. Tract. 2. Germ. p. m. 484. de Pro, Ludi efficius mentionem facit in verbis: Ludus omnes lapides pellit & tartaro

taro. Sed neque se declarat, neque manifestè patet ex lib. d. morb. tartareis, c. 20. p. 314. Ludum esse fel terræ certum quidem est, Paracelsum nunquam scivisse lapidem Antwerpianum; sed si conjectandi locus daretur, posset demonstrari Paracelsum, si lapidem vesicæ noluisse per Ludum intelligere, se Saxifragium eo titulo donasse. Probatur hoc lib. 1. de Præparat. de Saxifragio p. m. in fol. 867. in verbis: *Saxifragus est propriè, die bleichen Crystallen / heisset lapis citrinolus oder Citrin.* Citrinus lapis est medius inter crySTALLUM & berillum flavum. Fiat liquor in modum Alkali, quod repetit lib. 2. d. Pro Latinè conscripto Tractat. 3. c. 5. p. m. 443. de lapidis vesicæ curatione sub tit. saxifragium in cura lapilli ex gemma resoluta, in verbis: *R. citrini, (citrinus lapis medius est inter crySTALLUM & berillum flavum.)* Item tractat. d. morb. Pri Germ. c. 21. commendat liquorem duræ glaciei i. e. crySTALLI, sicut seipsum explicat in Chirurgia magna, fragment. d. morb. Gall. Apoltem. p. m. 658.

Quicquid sit, per me stet, quem velit quisquam: *Hoc expresse affirmo, me è silice nigro, quo ad excutiendum utimur ignem, aquè obtinuisse oleum, quod nunquam medentis intentionem fefellit.* Itaque ponamus pro subiecto, vel lapidem Ludi Antwerpianum, vel crySTALLUM, vel silicem nigrum, alias Pyritem, aut tandem lapidem lyncis; cujus magna copia in littore fluvii Nogathi, penes Mariæburgum colligi potest. Præparatio hujus Ludi iterum multas parit difficultates. Prius hic bonâ cum venia Lectoris, mentem Helmontii, deinde quid ego super ista præparatione sentiam, exponam. Helmontius c. 7. d. Lith. §. 22. duplicem præparationem exhibuit; Unam cum sale circulato, alteram cum liquore Alkahest: quanquam primis temporibus non aliam fovi sententiam, quàm quod Helmontius l. c. unius faciat mentionem præparationis, attamen subsequente tempore sententiæ, quam nunc explico, subscripsi.

Certum est, Paracelsum per sal circulatum, spiritum salis suo modo præparatum intellexisse: vid. l. 6. Archidox. de Magist. p. 929. in verbis: *R. circulati injice auri vel metalli laminati, quid vis, partem &c. & quæ ibi sequuntur, habebis aurum potabile.* Seipsum explicat Paracels. tom. 1. de sale. c. 4. p. m. 1037. quomodo auri oleum & tinctura fieri debeat, in verbis: *Similiter de aqua salis (intelligendum) quæ ex sale calcinato destillatur in spiritum, qui spiritus est, qui solvit aurum in oleum.* Et in chirurg. magna lib. 2. tract. 3. p. 1. c. 2. de tinctura salis p. m. 102. in verbis: *Corpus auri è metallica forma reducendum per aquam salis, cujus præparationem & quomodo sal circulari & destillari debeat, ibi ostendit: Circulari autem idem esse ac destillari in spiritum,* patet ex lib. Archidox. 8. cap. 3. de Elixir salis p. m. 821. Tom. 1. in verbis: *adde vini circulati, 2. i. e. spiritus vini destillari. 2.* patet ex ipso Helmontio de laude spi-

ritus salis, quod expressè ei vim diureticam adscribat in locis c. 3. de Lithiasi, §. 31. p. m. 22. est spiritus Solis acidissimus nec sibi par habet medium extinguendi ardoribus urine, c. 5. de Lith. §. 18. p. m. 32. Spiritus Solis marini nedum diaphoreticus est, simulq; stranguriam lenit, quibus calculus in vesica volvitur; verum in super calculos renum minuit, si ultimo igne destillatur reverberii c. 7. §. 28. Hoc didici, quod spiritus salis Hispalensis extremo reverberii igne, una cum terra figuli destillatus, mane singulò bibitus cum vino albo pridie è vase deprompto, nedum semum tollat mortales strangurias, totusq; diureticus aliquot sanaverit; verum in super quibus decidens, iusto major calculus è rene, per aliquot menses in vesica moratus erat, tandem minutus mejendoq; excretus fuit. Declarat se Helmontius, qualis requiratur spiritus salis c. 7. d. Lith. §. 17. p. m. 40. in verbis: *quanquam in succo citri, multoq; magis in spiritu salis marini solamina sint calculosis, hæc tamen non obveniunt nisi valedictò prius acore.* Pro spiritus salis præparatione etiam non quodlibet sal, sed sal ex muria suilla c. 3. de Lith. §. 23. commendat.

Ex allatis ita concludo; si spiritus salis, ritè præparatus, calculum in vesica minuit, quod omninò possit concurrere ad præparationem Ludi, utpote per quem acor spiritus salis corrigitur; Helmontiumque in defectu Alkahest, sili- cem vel Ludum docuisse parare cum spiritu salis marini, & præparationem quam ponit §. 12. c. 7. esse eam, quam hîc pono primam cum spiritu salis, alteram §. 23. cum liquore Alkahest. Prima elaboratio procedit prout promittit, quoniam absque ambagibus eam descripsit, itaque Benev. Lect. non immorabor.

Paracels. Tr. 2. de Pro Germ. p. 485. ita describit processum: *Recipiatur Ludus, teratur probe, calcinetur & per resolutionem in oleum coquatur.* Conveniunt verba Helmontii & Paracelsi hîc loci, & vocatur hoc remedium à Paracelso remedium potentivum. Si itaque Ludi oleum, sit oleum fellis terræ, cujus meminjt Paracelsus lib. d. morb. ¶. c. 20. & c. p. m. 314 in fol. Tom. 1. non pariet aliquam difficultatem vocabulum appositum *Althalizai*. Subesse enim puto sphalma typographicum; existimo enim, quod poni debuit Alcoolifatum i. e. subtilifatum; Alcool significat Paracelso subtilissimum cujuscunq; rei, in scholiis de ¶. lib. 2. Tom. 3. §. 5. p. m. 178. lit. A. in verbis: *Oportet tartarum solvi in liquorem vel pulverem Alcool, i. e. subtilissimum.* Sic Alcool vini significat vinum ardens, lib. chirurg. mag. de ulcer. c. 59. p. m. 618. lit. A. Sic Alcool vini exsiccati significat, wenn superfluitas vini darvon kömmt/und ist vinum ardens, der trucken außbrennt/ohn allen Schmutz/lâsst keine feces im Geschirz. Propria verba Parac. l. 9. Paragraphorum §. 4. p. m. 470. in C. Potest etiam sententia Helmontii stare, & significare altho ôli gesotten. Esset verò descriptio talis processûs, quæ sequitur: Ludus, vel silex, vel lapis liquoris teratur in pulverem, deinde sub cote

(hoc maximè requiritur, ut fiat subtilissimus pulvis) subtilietur, affunde spiritus salis ad usque siccitatem, quod remanet in fundo, reponitur in cella, in humido loco, & sponte suâ intra aliquot septimanas decurret, & fiet oleum per deliquium. Hoc Oleum claudatur Hermeticè sigillo in ovo longi colli & in igne arenæ secundi gradûs bulliat continuò, donec totus Ludus repræsenter axungiam liquatam. Dosis ejus est à gr. x. usque ad ℥j. Ad evitandam obscuritatem studiò non utor vocabulo Calcinationis, quod in usum trahere voluit Helmontius, Paracelsi suffultus autoritate, qui l. 5. d. Nat. & quidem d. Morte rer. natural. p. 85. sub calcinationis vocabulo varios laborandi modos, ad quem locum Lectorem remitto, exposuit.

Alter modus cum liquore Alkahest, ut à me nunquam elaboratus est, ita poterit à diligenti experiri artifice, prout descriptus est ab Helmontio, c. 7. §. 23. mihi sufficit prior elaboratio.

In gratiam autem miserè decumbentium alium adhuc modum Oleum Ludi conficiendi candidè commendabo, qui tamen non est propriæ meæ inventionis, attamen jucundissimæ, sed laboriosissimæ præparationis. *Processus est talis.* R. Pyritis bonam quantitatem, eam primùm forti igne calcina & candentem injice in aquam frigidam, ut fiat friabilis, postea tere quàm subtilissimè, in hoc enim totus cardo Olei conficiendi versatur. Obtenit itaque talis subtilissimus pulvis; recipe nitri probè depurati, fluat benè, & injice tribus partibus \ominus tri unam partem pulveris talis lapidis pyritis, fluant igne folium fortissimi, usque stylo ferreo adhæreat materia ductilis vitrea: materiam adhuc in crucibulo ferventem cum stylo ferreo exime, & statim, antequam frige fiat, contunde probè, ut fiat, quantum possibile, pulvis subtilissimus. Hunc pulverem in cucurbitam vitream injice, & statim affunde spiritum vini, obtura vitrum vesicâ, & conquassa fortissimo motu per semihoram, subsidebit in fundo materia oleosa, mihi oleum silicum dictum, quod per linteum subtile purificari poterit intra duas septimanas, si libet, totum in lapidem concreescens, jucundo spectaculo.

Spiritus verò vini levi accedente trium dierum digestionem, colore cingitur, & exhibet tincturam Aromaticam excellentissimi odoris, magnarum virium, saporis urinosi: Cujus ℥ss. per vices in vino vel cerevisia tepida propinata, infantibus est panacea, de qua tinctura, si vacabit, plura.

OBSERVATIO CXII.

Dn. Andreæ Cnoëffellii

De

Spiritu Samech.

IN sæpiùs citato Tract. 2. d. ¶ r. p. 484. Paracellus etiam mentionem facit *Samech*, quod pellat calculum renum. Quid verò *Samech* sit, explicat Paracellus, in fragment. med. c. de febr. hepatis p. m. 165. lit. C. in verbis: *R. Samechi i. e. Tartari. Pro fugienda ulteriori digressione & defatigatione commendo hic loci tartari vitriolati ʒß. pro dosi, vel ex eo destillati spiritus ʒj. qui magnarum virium est, reiteratis viribus assumtus, nunquam medentem spe suâ frustrabitur. Coronidem imponet spiritus salis ¶ ri volatilis, vel spiritus salis ammoniaci urinosus, qui in defectu spiritus salis tartari ejus vices supplere potest, à ʒß. ad ʒj. urgente necessitate in cerevisia tepida propinatus.*

OBSERVATIO CXIII.

Dn. Andreæ Cnoëffellii

De

Balsamo Samech.

STUDIÔ oleo Ludi adjunximus *Balsamum Samech*, utpote quod chirurgis, præprimis qui circa lapidis vesicæ excisionem occupantur, non leve in sanando vulnere præstabit remedium. Hoc Paracels. d. tart. Germ. tom. 1. p. m. in fol. 314. designat in verbis: *Nunc autem alii malis ulcerationibus infecti &c. Hos curabis oleo antimonii & oppodeldoch, item balsamo tartari acaciati.* Certum est, multos supina chirurgorum ignorantia & lanienæ, destitutorum genuinis externorum remediorum arcanis, debitum talis chirurgi ignorantis persolvere, præprimis circumforaneorum, de quibus loco citato Paracellus maximè conqueritur. Quò itaque aut putredini obviam iri aut ceteriori coalitioni vulneris subveniri possit, cum Paracelso & Helmontio, ego oculatus testis, hoc Balsamum maximè commendo, certum enim est, post 24. horas multa recentia vulnera hujus beneficio coaluisse. Quod etiam in inveteratis ulceribus apprimè conducere, authores sunt, Helmontius, & Paracellus. Ejus præparationem Paracellus lib. 9. Archidox. d. Extern. p. m. 822. 823. sub tit. --- Remedium in ulcus, more solito obscurat; descriptio est talis. *R. Samech ad al-*

bedinem calcinati, affunde circulatum minus, destilla ut caput mortuum maneat siccum, ita quidem ut vitrum candescat, affunde novum, perge usque circulatum minus dulce maneat, sicut affusum est, resolve id per se, & quod resolutum est, est remedium in ulcus, quod Balsamum vocari potest. Quod per Samech Tartarum intelligat Paracelsus, sæpius deduxi. Per circulatum verò minus, intelligere spiritum vini simplicem, innuit ipse lib. 8. Paragraphorum de Asthmate, p.m. 468. lit. B. Præparationem repetens. Quod autem Balsamum acacia- rum nominet, fit propter adstringentem, quem in resolutione nanciscitur, saporem. Helmontius etiam hujus Balsami recordatur Tract. Blas Humanum §. 40. 41. & Tract. scabies & ulcera Scholarum §. 36. Ejusque præparationem ibidem docet, quo Lectorem remitto, hoc adjungens, quod propter adstringentem vim, patienti talis inunctio primâ fronte valdè sit molesta, & dolores citò tamen evanescentes pariat; proinde delicatulis vix debeat adhiberi, nisi sit probè temperatum, quod fit spiritus vini simplicis adfusionem, & si parum myrrhæ addatur, ab omni putredine conservat ulcus. Fuit 1646 quidam circumforaneus, qui publicè cultris brachia, & gladiò latus perfodiebat, alterò die in forū procedens vulnere coalitò & sanatò. Hic Balsamum hoc miscuit sevo hircino & proaxungia murmentorū vendidit. Uni autem ex chirurgis Budissinensium, à quo & ego obtinui, locò magni secreti communicavit.

OBSERVATIO CXIV.

D. Simonis Schultzii

De

Abscessu renâlicum incendio viscerum, funesta Symptomata & mortem inferente.

Serenissimus & Potentissimus quidam Princeps annos 53. natus, naturâ plethoricus & corpulentus, cum quodam tempore æstuante sole inter venatorum turmas summò mane campos ingressus esset, non prius venari desistit, quam sol ad occasum inclinans eundem abstinere cogeret. Ibi vehemens ac violenta corporis, suò pondere gravis, & nedum optimè post tot morbos compositi, agitatio, occasionem & causam fatalis morbi certò provocabat; ibatur enim venaticò curru per invia tantò animi æstu, ut cum auriga non satis audacter pro reverentiâ Majestatis, Regem sulcis, saxis, stirpibusque supervcheret, Rex ipse, excussò è curru homine habenas raperet, & animo alacriter indulgens, cursumque nullâ lege temperans, nec curru parceret, nec ipse sibi. Alterâ post mediam noctem horâ tristem effectum exercere cœpit violenta voluptas, ac primū quidem nephriticis correptus cruciatibus præter morè doluit. Repetitur eâ diebis

terve

tervè balneum neque calculum neque dolorem locò movit. Altera tamen dies benignior visa est: jamque cum venatoribus nova expeditio designabatur, quamvis interim sitis faucium permolesta, & quædam inappetentiæ fastidia non desisterent. Quartâ morbi die vehementius exarsit renum, vicinorumque viscerum dolor, quem excepit ingens ventriculi & præcordiorum atque totius corporis concussio, cum vehementissimo ad vomitum conatu, & omnium, ut videbatur, vitalium immiti conflictatione. Apparebat ex illâ naturæ violentiâ, omnes quicunque in tanta corporis mole delitescerant humores ad tumultum excitos turbare & omnia miscere, præcipuamque rebellionis sedem jam tunc in stomacho refigere. Febris certè manifestis sese prodidit argumentis, dolore capitis, æstu, siti, tædiis & aliis ejus generis. Quare quæcunque contra nephriticos dolores sunt adhibita remedia, ita temperabantur, ut simul calorem expugnarent. Quintâ morbi die, cum malum cresceret, apertâ venâ emissus est copiosè sanguis usque adeò floridus, ut nunquam hætenus ab annis plurimis observare licuerit meliorem; nam etsi primò vasculò non nihil putridioris admixtum innataret, tribus tamen aliis adeò purus exceptus fuit, ut vel inde perquam facilè fuerit Medicis concludere, febrim illam non ipsâ in sanguinis massâ exarsisse intra venas, sed extra vasa ab æstuante alicubi pravò quopiam aut etiam maligno humore, & præcipuè ab illa intra ventriculum stabulante flammâ concepisse. Firmabatur hæc opinio ab incrementis deteriorum symptomatum: nam quamvis sanguinis illa missio in corpore plethorico opportuna fuerit & laudabilis, post illam tamen non imminuta sunt mala, sed advecta aliunde, inter quæ primas sibi vindicare visus est gravis & in omni febre periculosus singultus. Hic cum in horas cresceret, nihil, quod ad eundem compescendum conducibile videbatur, intermissum est: continuo enim biduò aptissima & præstantissima medicamenta propinata sunt, nihilominus febris restincta non est. Singultus autem vehementia adaugebatur in momenta. Hinc demum Medici cum ex aliis signis, tum præsertim ex illis atrocibus singultuum incrementis præsentissimum & planè extremum periculum ad esse præsagiebant, credebantque fieri vix posse, ut Rex, quantum quoque viribus polleat, diem unam aut alteram inter singultûs illos supervivat. Quare in eam partem omnes converterunt curas, ut stomachum ab illa labe seu æstuante bile, fundo ventriculi innatante, partimque ejus lateribus impactâ liberum facerent: evidenter enim inde apparuit, ab illâ sola assurgere halitum venenatum, qui superius orificium ventriculi suffumigans, acrimoniâ suâ singultus illos exciret, totumque corpus concuteret. Quia verò præviis purgatiunculis nihil fuit effectum, conclusum est communi consiliò vomitorium porrigendum esse: adhibitus in eam rem *crocus metallorum*, sed beneficiò naturæ factum, ut medicamentum aliam aperiret viam; omnis enim ille pravæ bilis apparatus, qui sanè magnus fuit, non

vomitum sed faciliore per alvum dejectione copiose ad admirationem usque & quandam formidinem deturbatus est, nec sine manifestò emolumento; mox enim post unam aut alteram horam omnis illa singultuum tempestas ad malaciam composita est, & tandem desiit, cunctosque in spem erexit integræ ac perfectæ sanitatis. Sed quamvis tanta adustæ bilis copia intra paucas horas educata sit, & major deinceps continuatis purgationibus copiosius educeretur, cessantibus tamen singultibus adhuc ardor febrilis ab incendio stomachi prorumpens, cor ipsum vehementer affligere, & patientem ad extremas adigere angustias non desiit. Demùm integro post sacram synaxin triduo alternis eventibus cum morbo & doloribus luctabatur: victor interdum & quasi periculum prætergressus, morbo superior, interdum usque ad desperationem adstantium morbo succumbens, postquam ex diuturniore luctâ insignis tum corporis tum animi mutatio vix aliquid boni promitteret: alternabat tamen spes & metus, donec ex multa conflictatione vires collapsæ penitusque resolutæ nihil medicis in naturæ vel artis subsidiis bonæ spei reliquerent. Tandem peractâ extremâ unctione circa horam undecimam nocturnam manifesta deficientis vitæ signa se prodiderunt, ita ut ante secundam post mediam noctem istis verbis prolatis: Domine JESU! in manus tuas commendo spiritum meum! expiravit suavissimè, omnibus, qui aderant, quietem illam tam corporis quam animi admirantibus, palamque profitentibus, vix unquam suaviores hominis expirationem & veluti indormitionem se vidisse. Post meridiem sectione corporis factâ, videre licuit manifestam morbi mortisque causam, partim in rene sinistro, qui quantus fuit, fœdè computruerat, nihilque aliud fuit, quam merissimus mucus & putrilago, partim in ventriculo, cujus fundo & inferiori orificio innatabat pars non minima bilis adustæ: cætera quoque viscera haud leviter inflammata conspiciantur. Cujus morbi historiam tibi, Benevole lector, ita candide exhibeo, ceu eandem oculatus & verissimus quidam testis propriâ manu conscripsit, eamque mihi fideliter communicavit.

Sed D. Andreas Cnœffelius, Archiater olim Regius p. m. in *exercit. epid. febr. contra D. Augustinum Corrade, exercit. IV.* tragici hujus casus causam in crocum metallorum, quem unus medicus insciis reliquis, à balneatore quodam mutuatum, temerè ad tredecim grana in substantia propinavit, loco citato, planè rejicit. De abscess. ren. vid. in *Ballonii consil. med. l. I. consil.*

41. & in *anni Miscell. Med. Phys. Curios. Germ.*

Observ. 64.

OBSERVATIO CXV.

D. Simonis Schultzii

De

*Vulnere pectoris & pulmonum fere quinquennali,
minime tamen lethali.*

Scilicet

Continuatio Observationis CLXXXIX. anni III. Ephem.

Curios. Germanic.

Bonus ille Decurio Melchior Schwarß à milite gregario Jacobo Pohl clandestinè in pectore vulneratus, cujus in *Obs. 189. ann. tertii miscell. med. Phys. Curios. Germ.* mentio facta est, ab anni 1672. mense Majo, (quo tempore observationem istam conscripseram) usque ad anni 1673. vernal tempus satis commodâ valetudine usus est, muniaque sua tam publicè quàm privatim absque impedimento obire potuit, iterumque filiolarum sanarum & conjugum suscepit: vulnere interim pectoris aperto manente, per quod natura fauciatorum pulmonum saniem apprimè expurgabat; sed cum prædicto anno septuagesimò tertiò circa festum Pentecostes suburbium Thoruniense extremum, die Moesera dictum, à Polonis militibus contra jura Civitatis petulanter infestaretur, illeque cum urbanis militibus istud strenuè defenderet, atque hostes exinde expelleret, lethale capitis, præter alia scapulæ & brachiorum gravia vulnera, inde sustulit, & licet ab Antonio Statssender/ chirurgo, circa deligationem vulnerum summa diligentia adhibita fuerit, nihilominus tamen naturâ succumbente miser ille, non ad unum infortunium natus, circa principium autumnii anni 1673. occubuit, vulnusculû illò pectoris ad finem vitæ usque plus coctum ejiciente: cujus ego tragici casus ultimam periodum, promissis stans, hac vice Curioso Lectori lubenter communicare volui. Apparet ex ista relatione, mortis illius causam non fuisse vulnus pectoris cum læsione pulmonum satis periculosum, sed recens capiti inflatum lethale vulnus.

OBSERVATIO CXVI.

D. Simonis Schultzii

De

Fonticulis naturalibus in brachio & pede.

Nobilissimus Andreas à Brand / Eques Borussia, per longum tempus pustulis capitis, partis sinistræ, cum ingenti dolore, molestissimis laborabat,

bat, humore autem peccante à capite ad brachium sinistrum derivato, ibidem natura tria ulcera efformabat, per quæ humor ille longo satis temporis spatio quasi per fonticulos quotidie copiosè effluebat, dolore capitis statim cessante, pustulisque evanescentibus. Tum ille suasu cujusdam Empirici Dantiscani aliquoties utebatur vino adusto laxativo, ros Solis ab ipso dicto, ad eum finem, ut humorum superfluum à brachio derivaret, seu ut ille opinabatur, planè expurgaret: post cujus usum quidem ulcuscula illa brachii exsiccata & persanata sunt, sed tot numero in pede sinistro rursus exoriebantur, per quæ materia peccans quatuor annorum curriculo, immò usque ad mortem effluebat. Hæc mihi verà fide retulit filia ipsius, Nobilissima matrona Anna Brandia, Generosi Dn. Johannis Biedtzicki, Nobilis Poloni conjux, Thorunii hydrope ascite lentâ morte Anno 1673. 26. Augusti extincta.

OBSERVATIO CXVII.

D. Simonis Schultzii

De

Fonticulo abdominis naturali.

Optimè D. D. Cælo Grammius in *Observ. 237. de fontic. natur. in abdomine & thorace, anni II. Miscell. Med. Phys. Curios. Germ* scribit: naturam optimam medendi magistram esse, & sæpè intentò quasi digitò artificibus monstrare vias, per quas commodissimè velit ac possit ab humoribus superfluis, acribus & falsis liberari: præter cætera evincunt ulcuscula illa, quæ ipsa natura nonnunquam in extrema corporis parte excavat, quæ proinde fonticuli naturales appellantur, & contradistinguuntur artificialibus, quos naturæ ductum imitati artifices ope cauteriorum vel actualium vel potentialium efformare solent. Hucusque ille. Jam citatæ Observationi similem hic subjungo. Habitat nobiscum honesta matrona, Magnifici cujusdam Burggraffii Regii & Proconsulis Thoruniensis superstes vidua, sexagesimum annum supergressa, quæ jam ab aliquot annis ad hydropem proclivis, tumore abdominis levi afficiebatur, à quo eandem benigna natura, ulcusculo in abdomine sub epigastrio à parte dextra umbilici exorto, planè liberavit, extillante per illud quotidie paulatim materiâ serosâ, jam ultra annum curriculum, quod illa aliquoties frustrâ consolidare satagebat, sed nunc eidem assueta, id ipsum absque molestia sustinet. De fonticulorum artificialium utilitate tam in genere quàm in specie evolvat B. L. *Observationem meam 156. anni III. Ephemer. Curios. Germ. tum ejusdem anni Observ. 214. Dn. D. Ehrenfridi Hagendornii de fonticulorum artificialium utilitate in ulceribus chronicis.*

OBSER-

OBSERVATIO CXVIII.

D. Simonis Schultzii

De

Colica vino Hungarico sublata.

Nobilis quædam vidua juvencula, Anno 1673. mense Septembri ex debilitate ventriculi & vitio diætæ gravissimos dolores colicos patiebatur, qui cum neque enematis tam anodynis quam purgantibus, neque medicamentis narcoticis tum internis tum externis tolli & sedari possent, potum tandem vini Ungarici generosi sublatis fuit. Quid mirum? Vinum generosum ventriculi calorem debilem refocillando ejusdem robur auxit, & vi narcoticâ dolorem & inflationem intestinorum sedavit. Evolve *Ant. Gazium in corona florida cap. 249. de Nat. Vini Vet. & Arnold. Villanovanum in Tract. de vinis p. m. operum ejus 584.* Particulariter autem vinum colicam expellere testatur ex aliis *Petr. Andr. Canonherius de admirand. vini virtut. c. 3. §. 32. p. 151. & Phil. Jacob. Sachs à Leuvenheimb de vite vinif. sect. 6. membr. 2. c. 6. p. 309.* Verum cum nobilis ista vidua non solum in diætâ quotidie nimium delinquat, sed etiam affectibus maximè indulgeat, omniaque remedia planè respuat, sæpissimè dolores revertuntur, verendumque est, ne tandem, quod DEUS avertat, in paralyfin omnium membrorum incidat: cujus prodromi jam satis manifestè in manibus apparent.

OBSERVATIO CXIX.

D. Simonis Schultzii

De

Curatione ventriculi post haustam aquam fortem si ve regiam.

Johannes Kluge / civis Thorunensis & opifex stannarius cum aliquando nocturno tempore benè potus domum venisset, atque cubiculum intrasset, ex laguncula vitrea haustum aquæ vitæ sumere volens, in tenebris arripuit lagunculam aliam isti similem, aquâ Regiâ si ve forti, plenam, ex eaque bibens, statim faucium atque stomachi insignem ardorem cum erosione sensit: Cui excellentissimus p. m. Dn. D. Meisnerus, antecessor & collega noster colendissimus, in consilium vocatus, sequentia præscripsit. *R. Aqu. malva ℥iij. Symp. cord. D. Meisn. ℥j. mucilag. sem. psyllii, cydon. aquâ rosar. extr. aa. ℥ss. lap. Q crystal.*

*crystall. præp. ℥ij. M. F. Potio. Dein, R. mucilag. sem. cydon. ℥iij. pulv. sem. malv. portulac. melon. āā Dis. boli armen. Orient. præp. ℥ij. mell. rosar. ℥vj. m. pro lambitivo. Quibus usurpatis, per Altissimi gratiam evasit, & plures annos supervixit, non ita pridem phthisi extinctus. Similiter Forestus puerum post haustam aquam fortem, cui præ ardore gula præcludebatur, suffocationisque periculum imminebat, mucilagine sem. cydon. restituit, ut videre est apud eundem *observ. medic. lib. 15. observ. 30. Quomodo Baldu. Ronsseus in tali casu nautam restituerit, vid. ejusdem epist. 9. Sed quàm miserandis, dirisque cruciatibus puella quædam post assumptam aquam fortem extincta sit, describit Bruno Seidelius pag. 13. de morb. incurabilibus. Confer. Henr. ab Hæer observ. 16 p. 201. seqq.**

OBSERVATIO CXX.

D. Simonis Schultzii

De

Uso argenti vivi in vermibus.

Est mihi catellus melitæus filiolæ meæ ab amico quodam dono datus, idiomate Polonico Spanek dictus, amabilis, variisque ludicris artibus mirè instructus, qui per aliquot septimanas malè habens, lumbricum latum duodecim ferme ulnarum longitudinis, sed partitis vicibus excrevit: huic ego Mercurii vivi ad drachmam unam deglutiendam dedi, à cujus usu post bihorium humoris visceri, instar gelatinæ magnam copiam ex intestinis eiecit, & ab illo tempore hucusque ultra octo septimanas nihil tale amplius patitur, nullaque vermium signa apparent, sed ille vegetus artificia sua ad nutum dominæ cum risu & delectatione adstantium exhibet. Quod nos in cane experimentum fecimus, id *Ant. Musa Brassavolus in exam. metall. p. 422. in infantibus vi vermium semimortuis cum restitutione sanitatis se feliciter observasse scribit. Idem ex eo testatur Matthiolus comment. in lib. 5. Dioscor. de medic. materia cap. 70. & lib. 6. cap. 28. additque ibidem, Goritienses obstetrices, ubi gravidæ diu in partu laboraverint, eisdem statim argentum vivum scrupuli pondere, nullis incommodis potandum exhibere. Adjungat hisce I. B. Miscellan. Curios. Med. Phys. Germ. I. anni, Observ. 148. ejusque scholion, & anni II. Observ. 24. adnexum scholion.*



1. *Phragmites communis* Pers.

AD OBS. CXXIII



TRIFOLIUM PALUSTRE, ANTIARTHRITICUM

OBSERVATIO CXXI.

D. Simonis Schultzii

De

Singularibus morientium maculis.

Occubuit nuper inter nostrates Johannes Deutschmann / civis optimus & vir probus, affinis & compater meus, annos tres supra sexaginta natus, marasmô consumtus, cui nonô ante mortem die maculæ purpureo-lividæ per totum corpus plurimæ erumpebant, & manûs dextræ carpus cum metacarpiò ad cubitum usque livido & ad nigredinem vergente colore totus tinctus apparebat: quæ omnia ad finem vitæ perdurabant, neque post mortem disparebant; qualia signa mihi, quantum memini, nunquam aut rarissimè in morbis chronicis ante mortem, nisi in scorbuto, aut febribus malignis pestilentialibusque: post mortem autem sæpissimè observare licuit. Sed Dn. D. Johann. Blümig / gener meus, quinto die ante mortem in carpo sinistræ manûs maculam livido purpuream rotundam cum radiis quibusdam in matre sua charissima se animadvertisse mihi narravit, quæ autem alterâ à morte die planè evanuit. Tales Joh. Tilemannus in *Explanat. Aphor. Hippocr. p. m. 137.* maculas agonizantium appellat, indicesque mortis instantis vocat. Verùm ejusmodi macularum doctrina in libris medicis parùm adhuc exulta est.

OBSERVATIO CXXII.

D. Simonis Schultzii

De

Gangræna intestini recti.

ANno 1673. die Augusti 10. vocatus sum unâ cum Antonio Statlender, Chirurgo, ad Magnificum Dn. Burggravium Regium & Proconsulem I. N. annos natum 65. qui de dolore ani seu intestini recti, maximè circa dejectionem fecum alvinarum jam à sesquiseptimana continuante conquerebatur: hic autem quotidie intensior factus eum prædictâ die lecto affixum domi detinuit. Eadem die & 11. Augusti horâ quartâ vespertinâ febriculam percepit: urina erat admodum tincta & nonnihil confusa, pulsus celerrimus, calor ad tantum intensissimus, sitis maximâ, hinc dolor partis affectæ, qui noctes diesque durans, omnem cibi appetitum prostravit & somnum cum magna inquietudine ademitt.

ademit. Chirurgus affectum locum cum inspexisset, invenit inflammationem insignem cum tumore ab interiore intestini recti parte circa orificium vesicæ ad exteriora vergentem, sed cum speculum ob dolores Magnus admittere nollet, iste omnia manibus tractare necessum habuit. Cum verò ante tres septimanas Magnus Proconsul purgatione solitâ, hucusque ob publica negotia dilatâ, usus esset, & ante duodecim dies venæ sectionem satis largam instituisset, viriumque languor insignis adesset, julepis tantum & aliis alterantibus atque corroborantibus, tam internis, quàm externis pro virili optimè ei succurrimus: sed inflammatio indies majus incrementum sumsit, viribus interim corporis summè deficientibus. Die 14. Augusti, post applicationem enematis (cujus emolumentum jam semel expertus est, ejusque repetitionem ideò petiit,) gangræna ex interiore intestini recti parte versus scrotum, (quam ominabamur) in conspectum veniebat. Ista, licet linimento magistrali Hildani & spiritu vini camphoratô ei satis prospiciebatur, in horas crescente & scrotum occupante, naturâque succumbente die 15. Augusti horâ mediâ sextâ vespertinâ Magnus Dn. Burggravius placidè in Christo expiravit. Notandum hic, quòd jam à tribus circiter annis Magnus Proconsul à dolore atrocissimô in sinistram partem faciei circa maxillam & oculum maximè infestabatur, qui quidem assumtis quolibet vere & autumno medicamentis purgantibus solitis aliquantisper remittebat, sed iterum mox revertebatur: quâ de causâ ipsi svasi, ut fonticulum in brachio ejusdem lateris admitteret, sed frustra. Præterea sæpissimè eidem molestus fuit totius corporis, præsertim autem superiorum partium, pruritus cum pustulis quibusdam, cujus gratiâ frequentes scarificationes, & quolibet vere semel venæ sectionem adhibebat: quæ autem symptomata, post inflammationem in intestino exortam, penitus evanescebant; scilicet metastasi acrium humorum à capite ad inferiora & imprimis intestinum rectum factâ. De quibus vide sis *Stephanum Rodericum Castrensem* in libello. *Quæ ex quibus, dictis, cum primis libri 2, cap. 2. 3. &c. pulerè & doctè differentem.*

OBSERVATIO CXXIII.

D. Simonis Schultzi

De

Trifolio antiarthritico.

NUlla vox pluribus plantis communior, quàm Trifolii, quâ non modo herbarum varia genera, sed etiam arborum & fruticum complectimur; quod cuncta ea Trifolia sint, quæ semper, terna folia tantum proferunt in unius

unius pediculi extremitate ; duo à latere sibi invicem opposita, atque tertium in extremo, quemadmodum in vulgari herbâ, quæ Trifolium appellatur, conspicimus : ita rectè monet doctissimus *Spigellius in Isagog. in rem herbar. lib. 1. cap. 17.* Trifolium, de quo jam nobis sermo, est Palustre, sive Aquaticum, & nascitur in locis uliginosis, cujus folia visciditate quâdam prædita sunt, editque flores ex cæruleo albicantes mensibus Majo & Junio, in summo caule in brevem veluti spicam coagmentatos : colligunturque folia apud nostrates statim à festo S. Johannis Baptistæ, ac videtur esse *Jacobi Theodori Tabernæm. Trifolium fibrinum III. Herbarii lib. 2. cap. 23. & Dodonæi trifolium palustre in hist. stirp. pempt. 4. lib. 4. cap. 25. p. 580.* nisi quod nostrum serrata folia habeat.

De Trifoliorum speciebus vid. comment. *Matthioli in Dioscorid. lib. 3. cap. 7. p. m. 555.* Qui autem omnes Trifoliorum species accuratè dignoscere cupit, evolvat *Pinacem Theatri Botanici Cass. Bauhini lib. 8. sect. 6. p. 527.* Nos hic iconem circa Thorunium nascentis ad vivum expressam adjungimus. Occasionem autem de hâc herbâ scribendi nobis hâc vice suppeditant vires ipsius insignes, quas in morbo articulari debellando exerit, apud nullum quidem inter Botánicos scriptores hæctenus lectas, sed in nonnullis ægris reipsâ feliciter expertas. Primus, qui ejus usum à mulierculâ quadam rustica edoctus in morbo articulari per aliquot annos salutiferum deprehendit, est Simon Eckert / civis, mercator & oenopola Thorunensis opulentus, vir probus, conjugisque meæ cognatus : decoquit ille herbæ folia in cerevisiâ, & sic bis aut ter de die, dolores sentiens, quamvis ingrâtissimi odoris & saporis sit, bibit, semperque doloris allevationem percipit ; verum ob vini crebriorem usum (ut ipse fatetur) dolores sæpius revertuntur. Ab hoc istud remedium mutuati, Matthias Krieger / sexagenariô major, civis & Proconsularis minister, atque Petrus Graudentz supra quadraginta annos natus, civicæ contributionis exactor : nec non robustus quidam vir nomine Balthasar, aquis & vinis destillandis operam navans, à doloribus podagrâicis per plures annos miserè divexati, jam verò per DEI omnipotentis gratiam singuli ope illius herbæ, ab illis liberi, obambulant, muniaque sua sine impedimento obeunt.

Præter istos novi matrônâ quandam, quæ folia ista in aqua decocta & calide parti affectæ applicata in arthritide vagâ, admodum deprædicat. Quod autem hæctenus illius herbæ efficaciam plures inter nostrates non experti sint, in causa procul dubiô erit, sapor & odor ejus ingrâtissimus ; acerbo-amarus, vi haud exigua resolvendi & discutiendi potens : sed qui præparatione usitatâ in spiritum, extractum liquidum sal & syrupum in pharmacopoliis in posterum, DEO volente, gravior reddi poterit. Apparet hinc plurimas adhuc dum vires in rebus naturalibus absconditas latere.

OBSERVATIO CXXIV.

D. Simonis Schultzii

De

*Radicibus hyoscyami per errorem coctis, infelicitèr comestis,
truculentaque symptomata producentibus.*

CUM Dominus Basilius Czölnerus, p. m. Philos. Magister, & Medicinæ Baccalarius Clariss. Gymnasii nostri ultra novem lustra Philos. Profess. Conrektor, & tandem Director longè meritissimus, Præceptorque meus æternum devenerandus, in ædibus suis, multos commensales studiorum causâ ibidem commorantes aleret, accidit anno 1636. præterpropter, ut coqua domestica radices hyoscyami & pastinacæ sativæ per ignorantiam in horto obradicum similitudinem unâ erutas, sibi que allatas, cum carnibus bubulis elixaret; de quibus, quotquot comederunt, (fuerunt autem quatuor juvenes studiosi & ipsa coqua:) mox omnes magnam mentis perturbationem & emotionem passi sunt, & quasi furore perciti, primum jurgiis, dein verberibus se exceperunt manifestis, & nisi vi abacti forent, forsan ad internecionem perventum fuisset; Postmodum miras in singulis observare licuit, secundum cujuslibet naturæ instinctum, gesticulationes: unus instar histrionis semicaligatus, vocatus tamen, Dn. Hospitem accessit: alteri omnia, quæ tantum in conspectum veniebant, ut Midæ, aurea esse videbantur, etiam cibi mensæ appositi: tertius homines porcos esse statuebat, quos pridie in horto conspexerat, quasi à Circe in eos cummutati essent, propterea ædibus expellendos jubebat: quartus instar alterius Martis tetricus & quasi furibundus cum depravatâ bombardâ, quos adoriebatur, trucidare intendebat, eâque vi ablata, iisdem oculos eruere volebat; coqua autem eorsim in lecto detinebatur, & sopore obrutâ, quid cum ipsa & aliis agebatur, ignorabat, ac nisi eadem obsonium degustâisset, suspicionem propinati veneni incurrisset. Sed adhibitis ab excellentissimo p. m. Dn. D. Georgiô Mochinigerô, Antecessore & Collegâ nostro ætatem honorandô, idoneis remediis, pristinæ sanitati restituti sunt. De hyoscyami generibus ita scribit *Dodoneus histor. stirp. pempt. 3. libr. 4. cap. 21.* Hyoscyami tres veteribus sunt; niger, luteus & albus: posterior ætas Peruvianum quartum adinvenit. *Dioscorides de mater. med. lib. 4. cap. 64. & libr. 6. cap. 15.* testatur, hyoscyamum potum & in cibo sumtum ebrietati similem amentiam facere. *Plinius lib. 35. natur. hist. cap. 4.* etiam foliis mentem corrumpi ait, si plura quàm quatuor bibantur: mitior au-

tem habetur candidus, quem Medici, secundum Dioscoridem recepere, deinde luteus, niger, ut deterrimus improbatur. *Galenus de simplicium medic. facult. lib. 8. edit. Venet. p. 63.* nigrum etiam insaniam ac soporem afferre affirmat: Hincque flavum sive luteum propinquam obtinere facultatem: fugiendum utrumque ut inutilem & venenosum, candidum ad sanationes maximè idoneum esse. Adde citatis doctissimos commentarios *Matthioli in Dioscor. de mat. med. lib. 4. cap. 64. & lib. 6. cap. 15.* prædicta clarius explicantes. Cujus autem generis noster fuerit, impossibile est indagare: Sed curiosus Lector credat velim certissima esse, quæ scribimus; vivunt enim adhuc historiæ hujus testes fide digni, & coqua ipsa, quæ postea prædictorum sodalium uni nupsit, ac jam in viduitatis statu vicinam nobis ædem inhabitat.

OBSERVATIO CXXV.

D. Simonis Schulzii

De

Lapillis per alvum excretis.

Refert excellentissimus Dn. D. Laurentius Wolffstriegel / *anni II. Miscell. Med. Phy. Curios. Germ. observ. 89.* mulierem quandam annos 40. natam post frequentes summosque dolores coliconephriticos post injectum enema tandem simul ac semel lapillos numero 37. octogonos, quorum quilibet grana sex ponderabat, per sedem cum strepitu excrevisse. Talem etiam nos hac vice nobilem & juvenulam Consulis cujusdam optimè meriti relictam viduam, præclarorumque parentum filiam, sed valetudinariam, annos 29. natam curioso Lectori repræsentamus, quæ post atrocissimos infimi ventris dolores per intestina excrevit lapidem, ovi columbini majoris magnitudine, verum angulari formâ, unum, dein partitis vicibus ultra viginti minores, triangulares, rhomboides & pentagonos, cunctos cineritii coloris tartaro similes, qui post excretionem parum friabiles erant, tempore autem duritiem acquisivere. Hos mihi ad videndum & palpandum libenter exhibuit, Experientiss. Wenceslaus Durosch, Philos. & Med. D. & Practicus, amicus meus per amandus, cognatus illius, anno præsentis 1674. 16. Januarii. Quales nos cum excrementis, sed sine dolore, diversisque temporibus ejectos fuisse plurimos calculos in duabus personis (quæ hucusque vivunt & talia patiuntur) animadvertimus: inveniet L. B. *observatione 126. anni II. Miscell. Curios. Germ. ad quam eundem remitto.*

(Huic apprime similis Observatio videatur ap. Thom. Bartholin. Vol. 1. Act. Hafn. Ob. 100.)

OBSER--

OBSERVATIO CXXVI.

D. Simonis Schultzii

De

Urina, post emissionem, lapidescente.

EAdem nobilis vidua, de qua præcedente observatione mentio facta est, emit aliquoties urinam, in cujus fundo post duarum horarum spatium lapides friabiles postea duriores facti concreverunt, quos mihi itidem præfatus Medicus benevolè monstravit, & ego nullibi hucusque observatos & connotatos me legisse recordor: quàm quod nuper in filiolo quadrienni Consulis cujusdam Thorunensis post emissam urinam turbidam in fundo similiter lapides duros coagulatos vidi, qui à parentibus reservantur. Sed fontem quendam in Britannia in Foresta de Knarresborn esse scribit *Guil. Gilbertus Philos. nova de mundo sublunari lib. 5. cap. 1. & 22.* cujus aqua, ligna, frondes, carnes in lapides mutantur, postquam aliquod tempus in eo refederint. *Idem ibid. lib. 5. cap. 1.* recenset ex Boethio, eundem in Hibernia vidisse lacum, circa quem nec herbâ, nec arbor ulla nascitur, amplissimo circumquaque spatio; in quem si lignum infigas, anni circiter unius curriculo, id quod in terra fixum erat, in lapidem convertetur: quod deinceps aquâ operietur, in ferrum, reliquum aquâ extans ligni formam naturamque servabit; ita lapis, ferrum & lignum eodem in stipite commixta, inauditâ novitate conspiciantur.

OBSERVATIO CXXVII.

D. Simonis Schultzii

De

Symptomate quotannis certo mense & die recurrente.

Nobilissima quædam p. m. virgo, cum ei ante aliquot (dum viveret) annos cum ferculo venenum propinaretur, illaque partim naturæ robore per spontaneas easque plurimas dejectiones ἀνω γὰρ καὶ τω factas; partim etiam ope præstantissimorum alexipharmacorum, adjuvante divinâ gratiâ, ab ejus nociva vi liberaretur; accidit, ut quotannis ipsâ assumti intoxicati cibi die, nempe sextâ Maji, per plures annos usque ad ultimum vitæ terminum memorabile symptoma semper recurreret, scilicet anxietas cordis cum lipothymia

gra-

gravissima, quæ tamen, accepto aliquo cordiali pharmaco, largissimo sudore solvebatur.

OBSERVATIO CXXVIII.

D. Simonis Schultzi

De

Usu formicarum insigni in paralyfi.

QUantum balneum ex decoctione formicarum in paralyfi proffit, expertus sum nuper in honesta matrona Hedwigi Klipelia, annos 47. nata, ingeniosi Casp. Schefferi/civis & automatarii Thorunensis conjuge, quæ prima die Maji, anni 1673. paralyfi dextrilateris tactâ, nec manûs nec pedis officio fungi potuit, atque balbutiente linguâ verba ægrè proferebat: ubi primum adhibitis idoneis medicamentis ei pedetentim loquela restituebatur, præsertim post istius mixturæ usum: R. *Mithridat. dam.* ℥iij. *extracti castor.* ℥j. *aqu. apoplect.* ℥ij. *ol. dest. lil. convall. rorismar. aa.* g. v. *sir. de stœchade f.* ℥j. M. qua frequenter lingua & fauces inungebantur. Sed sensus motusque brachii & pedis tardius rediere, quamvis variæ inunctiones tam spinæ dorsi ad principia nervorum, quàm artuum cum frictionibus sæpius institutæ fuerint; donec tandem fomentationes quotidianæ ex formicis & earum myrmeciô cum aqua fontana decoctis, benedicente DEO, præsentaneam opem, & firmum constansque partibus affectis robur attulerunt.

(*Ad Collector. Ephemerid. An. 1674. mense Jan.*)

OBSERVATIO CXXIX.

D. Jacobi Breynii

De

Quercu nivea, ubi aliarum etiam quarundam plantarum foliis versicoloribus, fit mentio.

ARborum Germanicarum rarissima, junior quædam pedalis magnitudinis arbuscula fuit, foliis sex vel septem quercui vulgari similibus, sed omninò niveis, aspectu jucundissimis, mirificissimisque ornata, ante annos sex in Cassubiæ montibus enata, indeque effossa, horto meo illata. In quo solertiam tamen omnem, adhibitamque elusit curam, & elapsô brevitemporis spatio, non sine dolore meo maximo interiit. Tantùm breviter. Ubi notandum, rarò admodum plantas foliis ex toto albis, ut in hac quercu inveniri; sed sæpius quibusdam albis, aut viridibus, quibus albus aut flavus, aut uterq; simul,

R

aut

aut etiam cum aliis mixtus sit color. Quemadmodum ex compluribus ab aliis jam ante commemoratis, ut menthastrô niveo, alaterno variegato, salviâ margareâ &c. Et ex nonnullis etiam novis, ut ex tithymalo, cyparissiade, borragine, elaphobosco, leucojo arborecente folio incano, quas albis & viridibus inspersas: Et ex marrubio nigro, euphrasiâ alterâ Dodonæi, plantagine latifolia, bardanâ, quas aureis & viridibus variegatas foliis animadverti, colligere licet. Causam diversi hujusmodi in foliis coloris Botanicus celeberrimus Dn. D. Morison, in præludio suo Botanico calci tribuit, radici suppositæ, vel pari mixturæ calcis cum terra ruderosa, à qua attractio per radicem succo, folia veluti morbum contrahant, qui pangendo in perennibus duret, satiatione evanescat. Ad me quod attinet, huic inventioni non repugno. Verum quod etiam ex semine sine additamento calcis versicoloribus foliis quædam educuntur plantæ, experientia novi. In primis in Datura Furcarum, quæ casu in horto meo viridibus, flavis & albicantibus variegatis foliis apparuit: ex cujus semine non iterum plantæ tantum cum ejusmodi foliis discoloribus; sed cum quibusdam fructibus etiam viridi flavoque colore striatis, provenerunt: Neque quercum nostram ex calce, sed ex glande, ex qua enata virtute quidem producendi aliquid præditâ; sed verâ productrice viriditate destitutâ, candorem suum traxisse autumno, qua deficiente, viredo absolvi haud potuit. Et plantæ hanc ob causam versicoloribus aut niveis foliis præditæ, ex semine iterum produci discoloribus possunt. Quanquam ex eodem etiam semine, si vigorem naturalem plenè iterum recipiat, (quod facile fieri potest,) planè viridibus nasci possint.

OBSERVATIO CXXX.

D. Jacobi Breynii

De

De arbore canella Zeilanica,

& de

Arbore camphorifera Japonica.

ARbor Canella præstantissimo cortice aromatico in toto ferè terrarum orbe celeberrima, non solum in variis Indiæ locis, verum etiam in Sina; optima autem omnium, in Insula, ut perhibent, Zeilan, gignitur. Et licet nonnullorum sententiâ, Canella & Cassia lignea officinarum cum foliis Malabathri nuperorum, hujus Canellæ arboris esse credantur; tamen quamlibet harum trium peculiarem agnoscere arborem, quamvis omnes sint arbores canelliferæ, sed diversi generis, alio tempore (cum de Cinamomo antiquo-

rum

rum agere constituimus) dilucidè nos ostensuros speramus. Hac vice notissimam tantùm videbimus, cujus interior cortex pro Cinamomo nobis adfertur & in officinis usurpatur. Hæc arbor mediocris & cum tempore satis magna lignò albò, inodorò, molli, salicis non ab simili; variis concinno ordine ramis diffusa: Quorum minores plerumque iterum aliis binis sibi alternatim oppositis ramis prominent; pariterque foliis, tenues, ut oleum ferè Canellæ acri & suavi sapore oleaginosos pediculos habentibus; tribus nervis insignitis, tamalapatræ similibus; at, si quis attendat, substantiâ plerumque solidiore, crassiore; sæpius formalatiore minusque acuminata, & in primis semper notabilioribus elatioribusque fibris inter intransversas currentes venulas signatis, saporem caryophyllorum aromaticorum præ se ferentibus, ornat. Racemosos, odoriferos, eosque albos fert flores: qui calicibus præditos, ad flavum tendentes tandemque obscuriores simiis & avibus expetitos glandium magnitudine fructus proferunt. Ex quibus fructibus Zeilanenses salutare oleum sebaceum conficiunt, multis rebus inserviens. Quemadmodum etiam varias, salubres jucundasque ex hac arbore igne eliciunt aquas, ut ex crassioribus corticibus artificiosa scrinia, (quæ sæpius oleo Canellæ majoris odoris gratiâ inunguntur,) præparare nōrunt. Arboris Canellæ radices non solum camphoræ similem liquorem; sed camphoram etiam ipsam proferre, non mihi tantùm à Dn. -- Consiliario Indiæ annis abhinc duodecim, & Anno 1669. ab *Illustrissimo Domino Hieronymo à Beverningk*, cui idem à Domino Padburg, Doctore in Zeilan confirmatum; sed hoc ipso quoque anno à chirurgo quodam in Zeilan mihi detectum. Idem etiam asserit Dn. *Philippus Baldaus* in *descriptione Insule Zeilan* p. 196. Ego autem quamvis camphoram ex arbore Canella pro-manare confirmatum habeam, eâ sententiâ fui, ex aliis eandem quoque arboribus provenire, partim quoniam Japan, ubi eadem ferè cœli, quæ in Germania, temperies maximam copiam camphoræ emittit, partim quoniam lignum camphoræ oculis obversabatur. Inde ad varios Clarissimos curiosæque eruditionis viros literas exarare ausus sum.

Donectandem excellentissimus Dn. *Arnoldus Sye*, *Professor Medic. & Botanices Leidenensis*, vir sanè non minus summæ in studio Botanico experientiæ, quam scrutationis in rebus naturalibus abditissimis diligentissimæ; desiderio meo in multis satisfecit, dum sequentia mecum humanissimè in literis doctissimis die 26. Martii anno 1673, communicavit.


De Camphora mihi relatæ sunt ab amplissimo Dn. *de Buchillon*, qui nomine Societatis per plurimos annos præfecturam in Japonia gessit. Testatur, nempe arbores, quæ camphoram præbent, proceras esse, nostrarum tiliarum

„ instar & non absimili folio , & quamvis etiam alibi in Japonia nascantur , co-
 „ piosissimas tamen inveniri in provinciâ Zathuma dicta. Arbore autem cæsa
 „ radices effodi , minutim concidi & in lebetem æneum conjici tum aquam eâ
 „ quantitate superaffundi, ut radices modicè obtegat: Lebeti autem imponi pi-
 „ leum vel operculum stramineum , in acutum fastigiatum , moxque ignem ad-
 „ moveri modicum, cujus ope partes radicis volatiles separantur, adscendunt, &
 „ dictô pileô crySTALLORUM instar adhærescunt, qui vicissim aufertur, mundatur,
 „ rursusque superimponitur ; tantamque dictarum arborum esse copiam , ut
 „ omnem superet expectationem. Accuratus autem hæc & singulatim mihi
 „ se narraturum amplissimus Vir promisit, cum plurimis aliis huic scopo infer-
 „ ventibus , ut & historiam Camphoræ de Borneo , quæ totô cœlo ab hac
 „ differt.

Atque hæc , ex quibus patet, Camphoram non solum ex arbore Canella;
 sed ex aliis etiam oriri, hac vice dicta sufficiant. Plura alio in loco, & tandem
 pleniora, cum eorum participes facti erimus, quæ nobis *Dn. Doct. Guilhelmus*
ten Rhyne, vir summô ingeniô, industria ac studiô, qui in Japoniam Medicus
 magni Imperatoris vocatus abiit, pollicitus est. Hic in gratiam Curiosorum
 Botanicorum addimus, folium illud primùm omnium à Carolo Clusio, &
 deinde à Lobelio, Camerario in Matthiolum, Tabernæmontano, Packinso-
 nio, aliisque pro folio cinnamomi exhibitum, non Canellæ arboris; sed Cenan-
 nam de Quahuna Hoac Recchi esse. Contrà à Matthiolo Canellæ folium, pro
 caryophylli aromatici exprimitur: cujus imitatores Camerarius, Casparus
 Bauhinus in Matthiol. & Tabernæmontanus (qui in iconibus suis folia illa Ca-
 nellæ, ramis caryophylli aromatici adpinxerunt) fuerunt. Erroris hujus cau-
 sam primò saporem, illius autem nomen barbaricum *Cenanam*, ad cinnamo-
 mum inclinans, fuisse existimo. Fuerunt etiam viri docti, qui arborem Ca-
 nellæ in Europam allatam, in laurum mutari, existimaverunt. Quod, ut fieri
 nequit, experientia aliter comprobavit: cum ante annos aliquot *Illustrissimo*
Domino Dn. Hieronymo à Beverningk ex Zeilan complures arboresci-
 stis terra repletis inditæ, transmissæ sint, quæ in incomparabili ejus horto in
 Lockhorst in Batavia viguerunt, nec ibi vel hilum mutatæ. De quibus folia non
 tantum quædam, quæ æque ac pediculos ejusdem saporis & formæ cum Zeila-
 nicis comperi, *Illustrissimo Viro* mihi submittere placuit: verum planè etiam
 viva adhuc arbuscula ex singulari benevolentia benignissimè me donare con-
 stituerat. Quod tamen hiemis anno 1669. vehementia, quæ
 omnes summi Mæcenatis arbores intere-
 mit, impeditum.

THE UNIVERSITY OF CHICAGO
LIBRARY


THE UNIVERSITY OF CHICAGO
LIBRARY







CORTEX INDICUS
AROMATICUS CANEL
LÆ FACIE .

AD OBS. CXXXI



FOLIA ARBORIS GUYA NAICÆ, COLOREM PURPUREUM FUNDENTIA

AD OBS. CXXXII



OBSERVATIO CXXXI.

Dn. Jacobi Breynii

De

Cortice aromatico Indiæ orientalis Canellæ facie.

Cortices etiam complures, non Canellæ, sed aliarum arborum foetus dari, Canellæ æmulos, cassia caryophyllata Pisonis, Hinhinna Jonquetti sive ganada perida, & macer monardi, quas cum Canella Malabarica, cum variis Cassiæ speciebus, aliisque corticibus aromaticis asservo, testantur. Quorum postremorum unus mihi gratissimus rarissimusque Indiæ Orientalis, Canellæ similis, nec ita tubulosus, sed planus. De quo nonnullas palmam longas, duos digitos latas, & culmum stramineum crassas; extrinsecus purpureas, inferius ferrugineas; intrinsecus cinereas, & si inter frangendum lacerentur, micantes ex lurido ad glaucum abeuntes partes ostendere possumus. Hi ex mace & nuce moschata mixtum odorem aromaticum spirant, & æque gratum saporem probant, cui simul acrimonia quædam caryophyllis aromaticis non abluens, insit. Mederi eundem cephalicis, stomachicis, uterinis morbis, & frigidis ventosisque affectionibus, quantum ex sapore judicandum censeo. Certius quiddam ex ipsis particulis, quas cum Cassia caryophyllata Pisonis & quibusdam rebus exoticis aliis transmitto, colligere licebit.

OBSERVATIO CXXXII.

Dn. Jacobi Breynii

De

Foliis arboris Guyanaicæ colorem purpureum fundentibus.

Horum non exiguam copiam operæ Petri Breynii, fratris mei charissimi, ex Guyanâ, unde propter colorem purpureum, quem benè præparata fundunt, transmissa accepimus. Myrti lauræ foliis non malè comparari possunt, quanquam acutiora & colore ex purpureo obscurè rubentia, & propter margines in superiore latere altius prominentes obliquâ ac minus formosa. Superiore parte glabra ac splendida; alterâ verò, ubi costæ, venæ ac fibræ magis conspicua, rugosa ac minus micantia. Dentibus concisa colorem purpureum, & saporem ligni Brasiliæ præ se ferunt. An frondes cujusdam

R 3

arboris

arboris, quæ benè præparatæ, colorem obscurè rubentem fundant. *Johannis de Laet. in descriptione Guyanae & Pisonis in mantissâ aromaticâ cap. 2. pag. 171. apud quos præter dicta plura non leguntur.*

OBSERVATIO CXXXIII.

Dn. Jacobi Breynii

De

Mogori frutice.

FRutex Mogori Indorum, de quo nuper quidem Bontius, & de floribus ejus jam dudum Gartias ab Horto aliquæ scripsere, sed tantâ & brevitate & obscuritate, ut nec formam ejus, nec genus cognoscere liceat: est frutex quinque cubitorum altitudine, ramosus, foliis binis (partim rotundioribus & obtusioribus, partim longioribus & magis acuminatis,) ex adverso situ Jasmini Arabici Clusii majoribus, substantiâ tenuioribus, fibris densioribus ac subtilioribus discurrentibus præditus; Floribus item plurimis in ramulorum cymis perelegantibus candidis, admodum suaviter olentibus, violarum, Jasmini & malorum aurantium flores longè superantibus, tubulosis in decem folia divisis, duplici serie dispositis, onustus; è calicibus in tenuissimas filo similes laciniâs diductis, quasi barbatis, exeuntibus. Hi flosculi magnitudine paululum excedunt Jasmini Arabici memorati, cum quibus planè conveniunt, cui hic frutex, nisi unus idemque & ratione tantum loci variat, affinis.

Flores mulieribus Indiæ, quæ Fulle de Mogori vocant, seque iisdem exornant, propter odoris suavitatem in magno sunt pretio. Aqua etiam ex iisdem destillatur maximè cordialis, cujus usus in medicina celebris, ut apud *Bontium in Histor. Natural. & Medic. Indiæ Orientalis lib. 6. c. 65. pag. 140.* legere est. Inde plura referre supervacuum existimaui. In icone flores filo trajectos, ut in India in foro venales exponuntur, adjeci.

OBSERVATIO CXXXIV.

Dn. Jacobi Breynii

De


Bulbo liliaceo Vomitorio capitis bonæ spei.

Hic annos abhinc circiter V. aut VI. Illustrissimo ac Generosissimo Dn. Domino Hieronymo à Beverningk, nunc Legato Plenipotentiaris
foede-

АДОБ
СXXXIII.



Meqori Indorum.



fœderatarum Belgii Provinciarum Colonia ad compositionem pacis universalem, ex Africâ novarum usque feraciterum, ubi in Promontorio Bonæ Spei, florum plurimorum abundantissimo, nascitur, in Bataviam transmissus. Cujus memorati Mæcenatis summi gratiâ, & immerita in promovendis studiis nostris benevolentia, hujus bulbi cum multis aliis novis atque ignotis rebus Botanicis participes facti sumus.

Comperi autem eundem Liliî Byzantini miniati bulbo similem, excepto quod major, & ex majoribus, validioribus, crassioribus, purpureis squamis compactus, in quibus, soli obversis, innumera obscure pupurea punctula dense inspersa, & lineolæ quædam per longitudinem excurrentes videntur. Sapore ab initio hærebat aquoso & viscoso, mox verò acerrimo, ac Arii simili, sed minus ita linguam cultelli instar trans adigente. E bulbi medio folia multa liliacea, sed angustiora emergebant. De quibus pariter ac floribus, nec non caule, prout in horto Beverningiano apparere, plura in centuria nostra primâ.

Naturam calidam & siccam, atque vim abstergendi, attenuandi, incidendi, aperiendi & provocandi habere (nisi quid virosi illi insit) existimo. Tres aut quatuor hujus bulbi squamas cum non nihilo carnis incisæ famelico cani devorandas objeci, qui elapsis quibusdam post sumtum hoc ferculum horis, multam tenuem crassamque pituitam evomit. Tandem & materiam pituitosam per alvum rejecit, quanquam non sine magno languore. In majorem rei certitudinem alio libenter experimento hoc cognovissem; sed ob bulborum defectum, & hominum quorundam studia fastidientium perversum judicium, intermisi.

OBSERVATIO CXXXV.

Dn. Jacobi Breynii

De

Chrysocome si-ve stoechade ignescente.

PLanta Botanicis curiosis maximè expetita. Nascitur in Cassubiæ sterilibus, arenosis, aridis apricisque locis, inter stoechadem citrinam Germanicam latiore folio Joh. Bauhini, cui in omnibus similis, præter squamulas florum, quæ admodum eleganter ex aureo in modum prunæ rutilant, & aspectu pulcherrimæ jucundissimè splendent. Natura viresque vulgari conveniunt, cujus à nonnullis flores felici successu adversus morbum regium usurpantur.

OBSER-

OBSERVATIO CXXXVI.

Dn. Jacobi Breynii

De

Convolvulo Heptaphylo Indico villoso.

Convolvulum hîc sanè novum, petrarum, pulcherrimumque Insulæ Zeilan indigenam, damus, non secus ac congenere ejus topiariorum operum usibus ad pergulas obumbrandas inservientem, propter rotunda ac cava flagella, res quas arripere possunt circumplectentia; quibus folia longis pediculis adhærent, profundè in lacinias septem speciolas, inferiùs angustas, ad medietatem sensim latiores, & postmodum rotundiores, tandem in acuminata desinentes, distributa. Flores concavi & monophylli, aliorum convolvulorum more perhibentur. Planta tota villosa, parte inprimis foliorum prona & in samentorum summitatibus.

OBSERVATIO CXXXVII.

Dn. Jacobi Breynii

De

Planta scandente hederaceis foliis Zeilanica.

HÆc in Zeilan Insula sentibus & fruticibus se circumvolvens planta, flori passionis hederæ folio, seu clematici passifloræ flore luteo, Muntingi (quàm folia, capreolos & caules) perquam respondet: quanquam viticulis capreolisque multò tenuioribus, atque foliis minus durioribus, quæ etiam acutiora & quodammodò denticulata apparent. Flores (quos in icone seorsim pingendos curavimus, sicut eos accepimus,) oblongos, tubulosos, angustos, in quinque foliola exeuntes, Quamoclit florum æmulos, sed niveos, & ob lacinias tenues in fibras plurimas, subtiliores, crispas divisas, quasi radiatos, aspectu dignissimos, ferre ajunt.

OBSERVATIO CXXXVIII.

Dn. Jacobi Breynii

De

Apocyno Indico minori nammulariæ foliis.

Simile est Apocyno primo latifolio, Clusii; & sicut minus, ita in omnibus subtiliùs deprehenditur. Caules profert tenues, teretes, concavos, lactescentes;


volvulus heptaphyllus Indicus.

*Planta scandens bederaceis foliis
Zeilanica.*



Obs. CXXVI

Ad. Obs. CXXV II





Buglossum Echioides Indicum.

Apocynum Indicum minus
Nummulariae foliis



AD OB. CXXXIX.



AD OBS. CXXXVIII.

scence; per quos ad genicula nascuntur folia gemina contrario situ opposita, nummularia paria, magis acuminata, quorum unum majus alterumque minus, semuncialibus & longioribus pedicellis nixa. Flosculi perpussilli, muscosi, in caulium & ramulorum apicibus, ac inter foliorum alas alterno ordine, in umbellis parvis, cauliculis tenuissimis, fescuncialibus, insidentibus dispositi. Ex Insula Zeilan, ubi oritur, accepimus.

OBSERVATIO CXXXIX.

Dn. Jacobi Breynii

De

*Buglosso Echioide Indico, convolvuli cœrulei
minoris folio.*

E Radice caules prodeunt pedales & majores, rotundi, angulosi, virides, leniter hirsuti; quos folia bina, petiolis ferè carentia, semper sibi mutuò opposita cingunt, Convolvuli cœrulei peregrini Caspari Bauhini foliis forma, magnitudine & hirsutie respondentia: ex quorum alis utrinque ramulus fescuncialis, pertenuis, emergit; floribus ternis, senis vel pluribus, Buglosi & Echii faciem mediam obtinentibus, cœruleo purpureis; ex calicibus hirsutis, quinquepartitis, emicantibus; secundum longitudinem serie quadam digestis, onustus. Et hoc ex Zeilan Insula habemus.

(*Ad Collectores Ephemerid. Vratisl. An. 1674. mense Jan.*)

OBSERVATIO CXL.

D. Justi Cortnummii

De

Doloribus hypochondriacis menstruis.

Vir duodequingenta annos natus, rerum medicarum scientissimus, mœrore ob unici filioli præmaturum obitum confectus, & nuncio de vicinæ domus incendio accepto, consternatus, horret aliquantulum, calore 24. horarum satis molesto sequente. Ab eo tempore singulis mensibus certo die infestatur acerrimis, anxiosis & cruciantibus dextri hypochondrii doloribus, qui primùm ventriculum, deinde cor ipsum occupant, mirum in modum comprimunt & angustant, atque interdum dextrum pectus usque in caput perreptant. Mox in primo dolorum insultu adsunt nauseabunda salivatio vix

S

ante

ante paroxysmi vigorem cessans : quam sequitur continua ad secessum, in quo tamen vix aliquid notatu dignum excernitur, dein ad vomendum stimulatio, nullo tamen vomitu, nisi in summo paroxysmi furore, subsequente : oscitationes & scandiculationes frequentes : irrequietus & gravior in latus sinistrum præ dextro decubitus. Enematis & aliis carminativis medicinis frustra adhibitis, solâ mannâ in aqua flor. chamæmel. composita, exhibitâ, in principio implacabiles isti dolores potuerunt coërceri, quæ tamen in morbi progressu statim vomitu rejiciebatur. Tum syrupus de papavere simplex profuit. Tandem Apozema aliquod egregiè purgans biennium post primam invasionem usurpatum, paroxysmum præcavere visum est, non neglecto per intervalla haustu ex essentia flor. hyperic. & Elix. Propr. cum vino absinthiaco.

Missis aliis hoc unum Excell. Dnn. Curiosus perpendendum exhibeo, *cur menstruam hi dolores observaverint periodum*, h. e. eodem ferè die singulis mensibus redierint, ut inde non immeritò *menstrui hypochondriaci dolores* possint vocari, cum tamen paroxysmi dies neque fuerit viri natalis, neque filioli emortualis. Memini incomparabilem Ballonium quater in anno in magnis quatuor anni mutationibus febriculâ tanquam diariâ prehensum, cum totius corporis gravitate & inappetentia maxîma, i. Consil. 48. in Islandia quovis anno vigesimo variolas recurrere. excell. noster Bartholinus narrat cent. 3. epist. med. 90. Quis verò simile quid unquam accepit de malo hypochondriaco? unde ego manum de tabula, ne quis mihi illud Hippocratis *μὲν δὲν ἐκκῆν, μὲν δὲν ὑπερογᾶν*, oggerat.

(In litteris ad Dn. D. Majorem, Kilianum 5. Cal. Febr. An. 1674.)

OBSERVATIO CXLI.

D. Justi Cortnummii

De

Paraplegia brachii à tumore.

Puella elegantissimo 10. Decemb. An. 1672. honestissimis parentibus recens nato dextrum brachium ἀπὸ τῆς ἀκροῦς in extremos usque digitos dependebat paraplecticum. Sive enim id totum, sive digitorum unum aut alterum elevares, mox in pristinum labebatur statum.

Mater puerpera multis lacrumis meam petiit opem. Jubeo obstetricem fascias & involucra puelli solvere; explorando alia omnia optimè conformata invenio, præterquam in anteriore humeri osse prope cubiti flexuram, ubi frequenti contrestatione tumorem ad pollicis longitudinem crassitiemque durum & reni-

& renitentem ipsi ossi incumbere. Ratione subducta colligo, vasa spiritus in musculos deferentia à tumore isto comprimi. Parentibus ergo bono animo esse jussis, curo emolliens emplastrum apponi & biduum relinqui, quibus elapsis iterum tango tumorem & aliqualem sentiens mollitiem, pollice eum fortiter comprimo & hinc inde moveo, si forte vasa complicata possem sejungere. Res ex voto successit, & imposito vicissim eodem emplastro tumor intra paucos dies prorsus evanuit. Brachio vero cervicibusque aquâ paraplecticâ optimâ & oleis convenientissimis inunctis, rediêre indies tam digitis quàm toto brachio sensus & motus, quo puellus jam, æquè ut sinistro utitur, ex naturæ instituto convenientissimè.

Docebit observatio hæc novellos Doctores praxin auspicaturos, periculo non vacare, non intellectâ morbi essentiâ, remedia decernere; si enim *ῥαγιστὸς* ab initio statim militasses, ut non nemo hodiè docere videtur, è sequaci & morigero tumore, in ista ætatula, levi negotio rebellem scirrhum fecisses, atque curabilem paraplegiam in incurabilem convertisses.

OBSERVATIO CXLII.

D. Georgii Segeri

De

*Hepate insolitæ magnitudinis, & variis aliis in anatome
infantis observatis.*

ANnò 1672. mens. Octob. nata G. W. civi ac mercatori Thoruniensi è primariis haud postremo, filiola egregia, optimæque, ut videbatur, constitutionis, quam etiam per medium annum integram servaverat. Ast hoc elapsò, varia infantem affligere cœperant accidentia, quæ tamen, quia levia, superabantur. Usque dum sub medium Julium anni præteriti 1663. ingravescentibus malis in subsidium me vocavit parens. Apparebat tumor totius abdominis durus, qui in hypogastrio tantus erat, tamque dolorificus ac plumbeus, ut ibidem magnum latitare ulcus nemo ambigere potuerit, & quia puella omnem medicamentorum usum cum summo averfabatur horrore, pro deplorata habebatur ab omnibus.

Pugnatum interim est inunctionibus atque cataplasmatibus, emollientibus digerentibusque, quibus id tandem, DEO benedicente, obtentum, ut sub Augusti incrementum, magnâ puris copiâ per aliquot dies cum lotio ejecta, melius se habere cœperit puella, & abdomen detumuerit. Unde omni adhibito astu id tandem obtinuimus, ut syr. de tribus infus. cochleare unum absumserit illa.

Cæterum vix elapsis aliquot septimanis rediêre pristina infirmitates, quæ tamen, ubi maculæ quædam ad instar scorbuticorum, in pedibus imprimis & collo, eruperunt, denuò remiserunt, ita ut rursum restituta crederetur puella. Idem post tres septimanas iterum accidit.

Et licet postmodum quædam medicamenta assumerit, accedente tamen diarrhœâ, viribusque prostratis die 18. Decembr. naturæ debitum solvit, erumpentibus denuò in pedibus dictis maculis. Post mortem, aperto à chirurgo Petro Puls, me præsentem, corpusculo, omentum cum mesenterii magnâ parte putredine consumptum apparebat. Hepar verò insolitæ magnitudinis pallidique coloris totam ferè cavitatem abdominis repleverat. Quod excisum, pondere suo sesquilibram civilem ferè æquabat. Vesicula fellis satis magnâ bile subpallidâ scatebat. Lien nigricans, quadratus & scirrhusus, vix triuncialis erat magnitudinis. Ventriculus cum vesica urinaria, nihil peculiare fovebant. Pancreas putridum erat; Intestina flatibus distenta videbantur. Ren uterque eam magnitudinem, quæ in adultis occurrit, obtinebat. Horum dexter satis naturaliter erat constitutus, sinister verò discissus copiosam fundebat saniem, in quam tota renis substantia ita mutata erat, ut diffluente pure sola vasorum concurrentium interstitia, quæ apud loculamentis haud absurdè comparat Highmorus, remanserint. Pulmones flaccidi & subnigricantes, inque plurimos lobos divisi, cor justò exiguum & pallidum stipabant. Plura scrutari non licuit. Hoc quoque addo: Infantem hunc per totum vitæ suæ curriculum nunquam sudasse, etiam assumptò sudoriferò.

OBSERVATIO CXLIII.

D. Georgii Segeri

De

Esu rerum absurdarum.

Picæ in gravidis plurima exempla annotarunt authores, ita ut nisi cibi, quem eligunt, insolita absurditas raritatem iis conciliet, vix jam rarioribus observationibus mereantur annumerari. Unde nec ego Wenceslai Petri, civis Thoruniensis & fabri ararii uxorem, quæ anno 1663. gravida me præsentem arenam glareosam humidioris orbi impositam, & è cella ab ancilla sibi allatam, copiosè sine noxa devoravit, filiolumque sanum die 21. Septembr. peperit, mentionem injiciam. Quia tamen infrequentior solet esse pica illa, quæ infestat virgines, imprimis illas, quæ adhuc minus sunt nubiles, in theatrum jam produco virginem, generis & virtutum laude Thorunii maximè conspicuam. Ea

octavo

octavo ætatis anno vix superato, esu calcis cum limo & arenâ mistæ, quâ parietes ferruminare & crustare solent, ita delectari cœpit, ut sæpè & citra voluntatem suam è pariete illam abraferit atque deglutiverit. Tandem tamen evanuit inordinatus iste appetitus, post se relinquens pallidum faciei colorem, similium nimirum eduliorum effectum solitum. Cœterum dum hoc scribo, incidit mihi in memoriam Pragensis ille $\pi\alpha\mu\phi\alpha\gamma$ & seu omnivorus, cujus meminit piè defunctus *Sachsus* noster, in fine scholii ad observ. 83. anni 1. *Ephem. Germ. Curios.* pag. 202. hunc communi nomine Pellivorum den *Pelkfreßer* vocârunt incolæ. Is anno 1659. die 26. Junii ante meridiem me cum aliis præsentè & procurante, pretio unius aurei nummi conductus, porcellum vivum satis grandem, pro quo binos solveramus imperiales, una cum cute setigera frustillatim devoravit, non nisi sale pro condimento utens, & interdum cerevisiæ haustum superbibens. Interrogatus à me, an reverà gratum aliquem perciperet saporem, gratiorem sibi hunc esse cibum crudum affirmavit, quàm si coctam voraret carnem. Omnibus autem prætulit linguam, quam etiam è faucibus porcelli vi extractam, dentibusque mordicus ablata avidissimè deglutivit. Idem & lyttam, vermiculum illum in lingua canum, ut *Plinius lib. 29. cap. 5.* loquitur, existentem, quem tum juniore cani meo eximere curavi, non quidem ut se à rabie immunem redderet mandò; quas vires vermi illi adscribit *Plinius*, sed ut pretium qualecunque reportaret, crudum devoravit.

OBSERVATIO CXLIV.

D. Georgii Segeri

De

Robore corporis insolito.

P Rodigiosi roboris exemplum Manocius ille Heros Simson præbet, de quo *Sacræ Paginæ*. Præter quem tamen & alios quoque admirandas obtinuisse corporis vires, ex authoribus fit manifestum. Sic Turnum extollit *Virg. Æneid. lib. XII. v. 899.* Baronem quendam Silesiacum *Sachsus noster in Ephem. Cur. Germ. anno I. obs. 98. p. 228.* Alia autem exempla collegerunt *Plinius histor. nat. lib. 7. c. 29.* Et *Jonstonus Thaumalogr. nat. class. 10. c. 8.* His addo Christophorum Bavarix Ducem, Alberti Tertii, cognomento Pii, in repetito matrimonio ex Elisabetha Würtembergica An. Christi 1449. susceptum filium, qui anno 1493. in reditu ex Palæstinâ mortuus est Rhodi. Is saxum prægrande, libras 340. pendens, anno ante obitum tertio, ætatis 41. è humo sustulit, atque longè à se projecit. In cujus facti fidem saxum illud, catena ferrea ad interiorem

Augusti illius palatii, quod Monachii est, ingressum, affixum jacet, adscriptis in
 Pariete sequentibus rythmis Germanicis, quos anno 1659. & legi & descripsi:

Als nach Christi Geburt gzehlet war/
 Tausend vierhundert neunzig Jahr/
 Hat Hertzog Christoph hochgebohren/
 Ein Held von Bayern außerkohren/
 Den Stein gehebt von freyer Erd/
 Und weit geworffen ungeferd/
 Der wiegt dreyhundert vierzig Pfund/
 Des giebt der Stein und Schriftt Urkund.

Hi Latine ita fortè radderetur:

Annos bis septem centenos, lustra novemque
 Virginis à partu numerant bis, Bavarus hic Dux
 Christophorus postquam nervoso robore saxum,
 Tricenas denasque quater dans pondere libras,
 Sustulit, inque patens spatium projecit abinde;
 Quod lapis, & muro quæ sunt inscripta docebunt.

OBSERVATIO CXLV.

D. Georgii Segeri

De

Piscium auditu.

Palam esse, quod pisces audiant, olim jam monuit *Aristoteles in Histor. de Animal. lib. 4. c. 8.* cujus rationes septenariò numerò inclusit genuinus ejus Interpres *Jul. Caesar Scaliger in Comment. ad hunc locum pag. 479. & 480.* Illis adstipulatur & *Nierembergius in hist. nat. lib. 3. c. 9. p. 36. b.* qui majoris illustrationis gratiâ hæc inter alia profert verba: Tintinnabuli sono in multis stagnis ad cibum vocati pisces accurrunt. Quæ vera esse ego olim ipse met observavi. Cum enim anno 1659. unà cum amicis quibusdam amplum & amœnum Illustrissimi atque Reverendissimi Archiepiscopi Salisburgensis hortum, extra Salisburgam situm, contemplaremur, ad piscinam quandam, lapidibus variis in fundo stratam, deduxit nos hortulanus: Ealimpidissima aqua stagnans piscibus quidem expers apparebat, ubi verò proximum tintinnabulum pulsavit ille, ex omnibus angulis & piscinæ lateribus concurrerunt truttæ in
 magna

magna copia, quibus cibum suppeditavit, quô absumto ad latibula redierunt istæ. Hortulanus autem non aliô, quam hoc modô se eas ad cibum capiendum convocare solere affirmavit. Nos verò cum post semihoram obambulando, ad hanc piscinam denuò reverteremur, pulsato tintinnabulo truttas copiosè ad locum consuetum iterum accurrentes jucundô observavimus spectaculô.

Cæterum, licet satis manifestum jam sit audire pisces, quô tamen organo auditum perficiant, nondum liquet. Expendant curiosi sequentia ingeniosissimi *P. Athan. Kircheri* verba, quæ leguntur in *Musurg. univ. lib. I. c. 2. p. 13.* suntque hujus tenoris: Pisces (quibus pulmo, quô alia animantia spiritum atque aërem ducunt redduntque, deest: quâ parte audiant, à nemine adhuc penitus exploratum est. Utrum enim foramina ante oculos posita ad audiendum aut ad odorandum data sint, etiamnum ambigitur: Horum tamen quibusdam aures omnino deesse certum est. Nam qui oculis, iidem auribus carent, ut mytuli, ostreæ, omniaque dura testa intacta; quæ etsi se contrahant, cum ferreis hamis appetuntur, agitatione tamen aquæ potius sentire, quam auditione audire videntur. In respirantibus verò piscibus ac pulmonem habentibus, ut in balenis, delphinis, vitulis marinis, aures haud latitant, quamvis in iis meatus exterior investigatu sit difficilis. Pisces enim intra aquam, tanquam intra medium crassius specierum soni retardativum, uti obtuse audiunt, ita tam exquisitum quoque organum auditûs non habent, ut reliqua animantia terrestria, quæ in medio aëre degunt. *Hæc Kircherus.*

OBSERVATIO CXLVI.
D. Georgii Segeri

De

Asthmate & raucedine in dentiente.

Nobilis & spectabilis viri Thoruniensis Dn. S. S. filiulus bimulus, hoc 1674. anno, & illo, qui istum præcessit, quoties cunque dentes, sive illi primores fuerint, sive canini, sive molores, emisit, toties asthmate cum raucedine ita subitò simul vehementerq; corripiebatur, ut in præsentissimo mortis periculo constitutum cum judicaremus omnes, & diligenti studiô circumspectaque curâ angustum spiritum ad plenum usque egressum dentis demulcere aliquoties coacti fuerimus,

OBSER-

OBSERVATIO CXLVII.

D. Georgii Segeri

De

Gangræna ex terrore materno embryoni impressa.

Quanta quamque diversa mala embryonibus suis imprimant matres errantes, plurima docent exempla, ab authoribus consignata. Ego illis bina jam addam, Thorunii à me observata, quæ rarioribus annuero, quia artus infantum, uterò adhuc inclusorum, ex terrore, quo matres affligentur, gangrænam contrahere, rarissimè contingit. Cum Anno 1667. die 18. Julii Regii Commissarii, ita volente Serenissimo, templum S. Jacobi, quod in novo oppido est, monialibus traderent, uxor gravida cujusdam viri literati, ibi habitantis, durante occupatione, insigni anxietate & terrore angebatur. Hæc quinto post die enixa est filiolum, cujus dextri pedis digitos omnes ipsamque pedis plantam, & sinistri digitos binos gangræna ita corripuerat, ut vix aliquam scarificationem sentiret. Nostrâ tamen & Chirurghi Antonii sedulitate, benedicente DEO, plenam recuperavit sanitatem, amisso tantum primo dextri pollicis articulo. Sic cum anno præcedenti 1673. die 4. Novembr. à meridie domus quædam in novo oppido flammam concepisset, & hæc antequam restingeretur, superiores illius contignationes confestim absumisset, Johan. Tirselt, fabri bombardarum uxor gravida scintillas cum fumo ascendentes pavente animo oculisque suspensis observans, die 14. Decembr. puellam peperit, cujus utrumque crus gangræna occupaverat. Quarto post nativitatem die ego vocatus citò gravi hoc malo ut instanti Chirurgus vocetur monui. Accersitus Bartholomæus Toubenheim, senex longâ experienciâ clarus, atque hactenus Serenissimorum gloriosissimæ memoriæ Regum, Vladislai IV. & Joh. Casimiri Chirurgus fidissimus, qui debitâ diligentiam tenerrimæ agræ prospexit. Sed tamen frustrâ. Licet enim signa separationis, sanæ carnis à corrupta apparere inceperint, deficientibus tamen viribus, octava ætatis die, quæ erat 21. Decembr. expiravit.

(In litteris ad Collectores Ephemeridum, mense Februar. Anno 1674.)

OBSERVATIO CXLVIII.

Sive

C A S U S
HYDROPI ASCITIS

Cum

HYDROMPHALO,

enodatus

à

JOHANNE SCULTETO, NORIBERGENSE,
PHIL. ET MED. DOCTORE,

cui inserta est

Disceptatio sanè ardua & intricata

de

GENUINA HYDROPI ASCITIS SEDE,

hactenus à plurimis negligenter habitâ,

ut &

de

PARACENTESEΩΣ VERA AC PERFECTA ADMI-
nistratioe contra vulgi opinionem, gravissimè circa hanc
operationem chirurgicam impingentem.

STAT GLORIA JUNCTIS

MORUM ET VIRTUTUM

FACIS AD INSTAR DUPLICATUS SPLENDOR

INDE REFULGET

URIT ET HOSTES.

Quis itaq, tam inhumanus, modo dixissem alienus est,

VIRI S. R. J. JOVIS Patrocinio hactenus freti O. M!

qui vitio vertat,

quòd

CASUM HYDROPI ASCITIS,

*Annopost redemptum mundum millesimò, sexcen-
tesimò sexagesimò tertio,*

in publico confesso
Incluti Collegii Medici Noribergensis
enodatum & recitatum,

Eundem

Et VOBIS, fulgentissima Machaonis Sidera !
denuò evolvam ?

Esto igitur :

Juncti sint labores nostri !

SIC

MORUM ET VIRTUTUM
GLORIA SURGET
LIMINE TALI.

P R Æ F A T I O

ad

Inclutum Collegium Dn. Dn. Medicorum
Noribergensium.

VEreor, VIRI Nobili Asclepiadeâ Sapientiâ Eminentissimi, Celeberrimi, Collegiali Societate mihi conjunctissimi, Amicissimi ! Vereor, inquam, ne vox illa, dum de jam agitata, atque binis, immò ternis vicibus quàm doctissimè excogitata, pertractatave materia iterum ad Vos sermonem facio, graviter in hæc mea redundet :

Occidit miseros crambe repetita Magistros.

Quid tandem restabit, quæso, ulteriùs tam docto Confessui Vestro in hoc argumento proponere, quod nauseam, stomachumve movere non valeat ? Equidem vix certus sum, pergamne in proposito casu, num planè sileam ? Venerabilis verò expectatio Vestra VIRI *χαλίστατοι*, jam aliundè procrastinando lacerata, facit, ut audacior factus, inundationis Microcosmicæ casum tertium vobis proponam.

Quod, dum præstare conor, Vos Medicæi Fani Procere Nobilissimos, Dnn. Auditores, longo rerum usu & sagacissima Experientia Clarissimos, ut me de difficilioribus in hac materia differentem, immò balbutientem potius Benevolentia Vestra sublevetis, eâ, qua par est, animi demissione oro & obsecro. Quod reliquum supererit temporis, doctissimis Vestris calculis comprobare,
vel

vel similibus historiis, ut volunt leges nostræ, recitatione longè suavissima mea demulcere ne dedignemini, quò viliora hæc, Vestro collustrata favore majori jubare fulgeant.

C A S U S.

VOcatus ego in suburbium nostrum, portæ B. Virginis vicinum, ad fœminam ægrotam, ut ei in casu difficiliore opem ferrem medicam, statim per discursum, non per histrionicas ambages, ut solent quidam, qui nescio quæ gesticulationibus ludicris, verborumque deliriis, ægrum, aliàs lethaliter sæpè decumbentem, excruciant, morbumque in fulsis suis garrulitatibus exacerbant, ab Hippocratis & Galeni, Principum Medicorum, doctrinâ non discedens, eam circa multa interrogo.

Nostris enim decem summa ac præcipua iisdem esse capita, in quibus ex modo citatorum Medicorum, *Hippocratis, lib. de internis affectionibus, & Galeni 4. sanit. tuend. cap. 4.* interrogandi sunt ægri: *Primò*, quæ patiat, sive quis morbus, qui eum affligat: *Secundò*, quot sint dies decubitûs, aut morbi, à quo laborare cœperit: *Tertiò*, ex qua causa morbum contraxerit: *Quartò*, quem victum observârit: *Quintò*, an venter succedat, nec ne: *Sextò*, ex quo humore morbus producat: *Septimò*, an morbus sit in principio, num in augmento. in statune, an verò in declinatione: *Octavò*, an soleat sponte sua pravum generare succum: *Nonò*, an aliqua defuerit evacuatio naturalis: & tandem *decimò*, quomodo se habeat ad exercitium? Quæ omnia quidem ex sequentibus manifestiora fient. Historiam casus enodandi propono talem:

Fœmina licet plebeja, & vulgaris vitæ, honesta tamen, temperamenti sanguineo quondam melancholici, anno ætatis sexagesimo sexto sentire cœpit circa ventriculum gravitatem quandam, quæ ipsum abdomen totum occupare, idemque extendere videbatur, quin immò umbilicum eo usque inflatum, ad pugni magnitudinem protuberantem, cum dolore & motu hypochondriorum, fluctuatione ac pondere aquæ pressum sentiebat; sitis erat minimè tolerabilis, aliquando ad plurimos dies febre carebat, aliquando vel leviter saltem ab ea tentabatur; pedes in principio, uti referebat, parùm elati, post incrementum summere in immensum: urina erat pauca, ruffa, interdum citrina, & quasi aquâ diluta, pulsus parvus, durusve. Vires sumebat morbus per integros, ut post obitum narravit maritus, decem menses, priusquam eidem salutari consilio obviare appeteret: neque id quidem primò statim consecuta fuit; siquidem Hecubæ cuidam malè feriatæ, dem *Weber-Chlein* / ita namque vocabatur, unde morbi sui magni exposcit medelam ineptam, curam τῆ ὑδρωμφάλης commisit, quæ pro ingenio suo, viribusque, quibus stolidi illa falsè sibi persuasa in medica arte

pollebat, eminentiæ umbilici ceratum apposuit satis tenax, robustumve, valdeque attrahens, quod adhæsu suo dolorem inferebat non mediocrem; unde enatam tenuem transparentemque pelliculam protuberantiæ, postera die Hecuba revertens cum remove vellet ceratum, rupit ad latera umbilici; inde aquæ copia sat magna ubertim effluxit, absque tamen ægræ singulari virium detrimētō. Viso hoc, Hecuba confestim ceratum hesternum denō applicuit, loco jam disrupto, ægramque vanâ spe reditûs post prandium lactavit, immō fraudulenta plane deseruit: unde in binos alios ejusdem fidei homines medicastro incidit, qui ægram vaniloquâ garrulitate plûs enervarant, quam saluari consilio eidem profuerant; quorum imposturæ pertâsa, meam tandem imploravit opem, quam pro virili quidem sponendi, eamque eo usque præstiti, donec eductâ pro viribus aquâ, & consolidatâ labe, pedem domo efferre, & publicum, licet ægrè satis, frequentare potuisset. Sed vitæ, victusque errores hanc nondum, vel vix restitutam denuò eò deduxêre, ut recidivam pateretur; & post aliquot à primâ dimissione septimanas, alterâ vice decumberet; siquidem plus genio palatove studeuit, quam sanitati. Effractis hinc per *παλιδρώμην* secundâ vice aquarum cataractis, iisque pro facultate iterum depletis, dum de corroboratione viscerum agerem, & pro exhauriendâ sentinâ excubarem, ipsaque meliùs se quodammodo haberet, sostrô liberali præter spem me donavit; medicamenta verò modò præscripta ulteriùs assumere negavit. Verum vix octo decim abiêre dies, à secunda dimissione, ubi & tertio à marito vocatus sub initium decimi quinti mensis, à quo facta fuit *ὑδρώμφαλ*, comparui, ubi decumbentem nostram delassatam, omnibusque viribus enermem deprehendi, facie Hippocraticâ, oculis torvis truculentisve, ore distorto, pulsu nutante, mox planè dehiscente. Inquisivi in causas tam præcipitis dejectionis virium omnigenæ, deque decubitûs hujus lethalis ratione; responsum accepi, id omne ex irâ concepisse: fati proximam esse, marito, adstantibusve cum innuerem, ægrota ad sermones mecum mutandos impos, manu renuit auxilia ad unum omnia, atque per quadri-duum agonizans, tandem septimâ, à præconceptâ irâ, die vitam cum morte commutavit. Si longior fortè fui in enumerandâ historiâ, ne vos malè habeat, Sacratissima Machaonis Lumina, quaeso, siquidem perspicuitatis gratiâ id feci. Esto itaque cum jam Humanitas Vestra hoc bihorium casui meo, certè rudi Minervâ soluto, nec ad mentem plurium gustumve elaborato, tribuerit; sistam me ut medicum generosum, & arte Hippocraticâ dignum, qui non per experimenta vagatur, ut illi, qui nil nisi veram medendi methodum vociferantur, empiricam tamen suam in curandis ægrotis subtexunt. Quare alienus ab his juxta principia illa veræ rationis, Hippocraticamque veritatem aggredior pro præsentibus naturales; non naturales & præter naturam considerando; quæ ratio tum in-

delibe-

deliberando, tum cum ægrotis versando, Hippocrati æquè ac Galeno in usu fuit, ipsæque decantatissimæ scholæ medicæ per universam Italiam hodiernum retinent. Rerum non-naturalium ordinem primò observantes, dum tria prima quæ sita medica ab ægroto attendimus, offert se divinus senex Aphoristicò suò dicteriò 22. *sect. 3. autumnò æstivi etiam morbi multi fiunt, & febres quartana & erratica, lienes, aqua inter cutem, tabes, urina, stillicidia, lienteria, &c.* nec injustè, quia hujus morbi initium conjecit ipsa ægrotata in præcedentis anni mensem Septembrem, ubi dolore obstructione ve lienis intensissimè laboraverat: Ob corporis tamen vires adhuc plusculum constantes, licet annosa fuerat, morbosum hunc statum eò usque perferre potuit: alias sub dio & in aquas & circa aquas vitam quærens, unde corpus præhumidum satis obtinuit. Res naturales quod attinet sanguineo-melancholicam dixi, immò ad posterius temperamentum sub senectâ potius vergens, à mutato habitu & temperie, ob adversa maxime à familiaribus suis perpeffa, quæ secum agitando reticuit: Ætas quin etiam erat LXVI. annorum, huic temperamento aliàs proclivis, magisve conveniens, cœli solisque injuriarum per se impatiens, quas tamen nocte dieque ad vitæ necessariam sustentationem, victumve quærendum, ultra vires ferre haut gravetulit. Parum igitur abest, immò vel nihil, si ex erratis in rebus naturalibus, sive ratione victus, morbosa facta fuerit, qui cardo est tertii, sive rerum præter naturam; ex quo, ut constat, facta fuit Ascitica, quæ est species hydropis, & quidem hydropis καὶ ἐξοχὴν dicta, ipsò Hippocrate & Jacchino idem perhibentibus: famosior siquidem hydropis species est, emensurando scilicet tantino minis pondus. Hæc sane evenire nostræ ut potuit, ita debuit, rebus non-naturalibus, naturalibusve in unum spirantibus, scilicet in hunc affectum præter naturam; qui ἀπὸ τῆ ἀσχεῖ ab utre, ex Gal. Comm. in 4. Aph. 11. nomen sortitus est; quod instar utris aquâ pleni tactu percipiatur, & reclinacione factâ in latera, veluti fluctus aquæ intra peritonæum & intestina fieri sentiatur. Definitur fortè, quod sit tumor præter naturam à collectione aquosi, serosi & falsi humoris, cum vitio partium sanguinem depurantium, eundemque perfecte elaborantium; puta cordis, hepatis, lienis, pancreatis, mesenterii, vel renum subinde exortus, atque in cavitatem abdominis tam per venarum & arteriarum ductûs manifestos, ipsaque vasa lymphatica, quàm vapores plane cœcos & inaspectabiles, intra peritonæum, omentum, tunicas, intestina, cum scroti & crurum quandoque distensione, effusus.

Descriptionem excipit loci affecti consideratio; sed cum de eo ipso satè ambiguae circumferantur Doctorum sententiæ, pace Vestrâ fusiora paulò proponam quædam, quæ circa epar refrigeratum ex Galenicorum sententiâ acriter defenduntur, quæ contrariam potius rationem svadent. Scio equidem ex gratioso

nostro ordine plures fore, qui acriori judicio hepatis sangvificationem illam plenariam improbantes, cordi cum doctissimis viris, Anatomicis solertissimis, divino illi promo ac condo eam tribuere satagunt. Nam si ex communi medicorum sententia liceret de loco affecto hydropis fari, certè plausores obtinerem plurimos, præcipuè verò eos, quibus secretior anatomes cultus, ipsiusque veritatis investigatio abominabilis hæctenus visus, atque contemptui habitus: Verum,

Stat contrà, ratio & supremam gannit in aurem

è diverticulo in viam redeundum esse, iisque ad stipulandum, quibus sanctior ac reverentior cultus talis habetur, ipsiusque veritatis certissimus index *αυτοψία* arridet, sentientes, in omni hydrope læsam esse sangvificationem, fractâ tamen hæc, non statim lædi hepar, ratio svadet: hinc qui contrariantur nobis, nullatenus extricare se possunt, quando sectis hydropicorum cadaveribus hepar sæpe salvum deprehendunt, dein ceu *θαύμα θαυμάτων* observationibus suis addunt, Sybillinisque foliis dignum censent, quisquiliarum suarum veneratores; exceptis paucissimis, quos æquus amavit Jupiter, quibusve

de meliore luto finxit præcordia Tiran:

qui oculata experientia firmatoque hinc probè judicio edocti, hepati colatorium potius officium, quam absolutam *αἱμάτωσιν* adjudicant: cum sæpè sæpius hepate & liene salvò, vel unò horum tantum affectò hydropis periculum timendum sit. Causa hæc fuit, quod, præter Avicennam & Galenum, Viri non spernendi in aliam de loco affecto in hydrope abire sententiam coacti fuerint, aut de eò saltem cespitandò sentire; quod si ipsi etiam de sangvificio hepatis negatò certi fuissent, sanè accuratiori judicio sedem hydropis definiissent, & fortè talí modo in dubium vocassent: Si istud organum, cui vera & exquisita vis sangvificationis accensetur, & feri hydropici originationis præternaturalis debetur, meritò pro sede hydropis habendum, sequitur, non hepatis solum, quod hæctenus, tanquam pro aris militantes, nonnulli adstruxere, mordicus, sed his, in quibus depuratio & ipsius sangvinis vera absoluta que elaboratio, debetur: Sed verum prius; Ergò & posterius. Majoris sive Antecedentis ratio est non tam Galeni & Avicennæ, quam vulgatissimæ scholæ medicæ omninò, immò & antiquissimæ: quæque nec hæc vice non nisi à contentioso in litem vocari possunt, nec submoveri. Consequentis sive Minoris probatio fortè talis erit: Cui deest causa efficiens proxima ac præcipua, deest quoque effectus istius causæ; Atqui hepatis deest causa efficiens proxima ac præcipua perfectioris & absolutissimæ elaborationis sanguinis, (contra mentem & assertum priscorum medicorum, qui ad propugnandum dogma suum etiam convitiis idem evincere non erubescunt.) Ergò deest etiam illi effectus istius causæ. Et cui deest effectus sang-

vifica-

vificationis, quomodo de eo potest negatio, sive privatio & error hujus effectus dici: Jam verò causa efficiens hydropem proxima & præcipua est sangvificationis veræ & perfectæ negatio, sive, ut rectius dicam, læsio. Verum cum de hoc parenchymate, quod verè ac perfectè sanguinem elaboret, nullatenus dicitur; siquidem nomine tantum chylus per lacteas hepaticas in portam & cavā jecoris delatus, ab excremento bilioso depuratus ibidē, in sanguinem quidē transit; ineptus tamen adhuc est corpori nostro alendo: siquidem tum demum per furculos quosdam venæ cavæ in cavam abit, & una cum sanguine profluente ad cordis dextrum ventriculum, sive ad ἀρχὴν τῆς δεξιᾶς καὶ τῆς ζωῆς deducitur. Hinc denique in arteriam pulmonis, quæ cum venâ ejusdem per anastomoses unita, in illam refrigeratum & temperatum sanguinem deponit. Tandem in sinistrum cordis ventriculum mittitur, ibique ultimam perfectionem suam consequitur laudabilem, dehinc in arteriam magnam imprimitur, in cujus orificio ad ostium ventriculi, tres adstantes valvulæ tricuspides, omnem sanguinem retrogradientem impediunt. Hinc, tanquam ex architriclinio, omnis alimenti dispensatio atque erogatio, ad universi corporis nostri partes singulas meat; hinc per arterias nectar illud vitale totum hoc nostrum vivificat. Ignoscite, quæso, VIRI nobili experientiâ excellentissimi, quod anatomico discursui ulterius vela dare animus sit, siquidem res non carebit fructu. Chyli pars subtilior in intestinis à crassiori & excrementitiâ separata, ope lactearum à modo dictis intestinis ad pancreas transitum maturat, ubi, dum residet, deperditionis nullum est periculum, nisi excrementi, quod ibidem deponi debet, atque per ductum Virsungianum in duodenum rejici: hinc longius à pancreate ad hepar insumit translationis tempus, nec tantò vasorum numerò eget, ac obtinuit transitus ille ab intestinis in pancreas modò dictum, in quo viscosum excrementum per modò laudatum ductum abit; aquosum verò recipiunt glandulæ vicinæ, & ad renes immediate mox ureteres ad vesicam urinariam emittendum deferunt. Humores autem excrementitii, quos pancreas à liene cum sanguine revertentes recipit, per rami splenici furculos, pancreati oblatos hinc deponi, parique facilitate arteriosi sanguinis excrementa, priusquam ramus splenicus ad lienem progrediatur, per furculos arteriæ celiacæ excerni possunt. Immò per hunc totam penè melancholiæ sentinam (præterquam quod ab emulgentibus arteriis intercipiatur,) accumulata evacuari posse, *Highmorus* credidit. Affectus enim utrisque sunt communes, scirrhi & obstructions hunc & illud affligunt. Immò liene affecto, vix aut nunquam immune evasit pancreas. Si itaque aliquò modò contingat, ut ductus hic obstruatur, ut humores in pancreate affatim accumulentur, abscessus, scirrhi vel hydropes inde oriri possunt, reliquis visceribus omnibus salvis & integris. Vides jam, quis etiamnum in nostrâ lo-

cus affectus statuendus? Sed pergendum. Arteriæ spleneticæ, quæ multæ sunt, nec solum ad sanguinem ducendum ad ejus nutritionem, sed & ad excrementi evacuationem inserviunt, à coeliaca ortæ, sanguinis partem melancholicam, postquam ultimam in corde concoctionem sustinuit, ad lienem deferunt, ac inde in substantiam ejus infundunt, sicut emulgentes serosam in renes ducunt, quam lien fermentat ac separat, sanguinem verò separatum quantum ad sui nutritionem inservit, apponit, & quod relinquitur sanguinis purioris, & ab excremento melancholico defœcati, per substantiam ejus percolatur, & cum ramo splenico communicatur, à quo in portam & jecur, atque inde per venarum anastomoses in cavam, inde ad cor iterum deducitur, ut calorem & spiritus de novo acquirat, atque purus ab omni excremento, inde in aortam pro partium nutritione omnimoda propellatur. Tenuior pars sanguinis serum dicitur, cujus excessum præter naturam hîc accusamus; idem naturaliter se habens, ut ad renes binos, (quorum actio est seri attractio, ejusdemque debita separatio atque excretio,) perveniat, cum sanguine per cordis sinum dextrum & sinistrum in aorta duci necesse est, inde per emulgentes arterias à renibus virtute specifica attrahitur, ad quos, ubi per arterias illorum minutissimas pervenit, in singulas substantiæ partes diffunditur, cum aliqua sanguinis parte, & per eorum parenchyma, (ubi odorem urinæ fermentalem concepit,) servato sanguine pro ipsorum nutritione in cavitatem quandam, (quam pelvim Anatomici peritiores vocant,) cui inseritur ureter, qui illud statim ad vesicam defert, demandatur, Sanguis verò, qui extra venas effluxerit cum sero, si benè se habeant renes, retinetur; sin minus, si parenchyma illorum sit laxum, & debilis eorum facultas, cum sero ejicitur, & urinæ fiunt cruentæ. Sanguis verò, qui cum sero per arterias in renes introducitur, cum in illorum nutritione totus absumi nequeat, venis, quibus per anastomoses junguntur arteriæ, amandatur atque hinc in venas emulgentes, & exinde in cavam. Excrementum autem, quod à digestionem hac per circulationem debitam, frequentem cohobationem, accuratam rectificationem ac absolutam subtilisationem separatur, est materia alba, vel rubra, flavavet nigra, vel cujuscunque coloris in urinis contenta, à Practicis experientissimis hypostaseos & enæorematis nomine ornatum: quod *Helmontio Tract. de Lithiasi c. 4. §. 21. f. m. 37. col. 1. edit. Amstelodamensis anni cId Idc XLVIII.* stercoris liquidi particula censetur. Veniam date, quæso, qui longior in hoc de loco affecto & sero plurimum de favore Vestro mihi sumsi: Dixi in præcedentibus renum esse serum attrahere, meque ductuum hepaticorum, sive aquosorum oblitum esse, quorum originem hepatis accensent Viri in anatomia nostrò seculo versatissimi, Bartholinus, Bilsius, Rudbequius, Schenkus, Rolfincius, Riolanus, Glissonius, alique, quibus novi hujus oceani undam limpidissimam
favor

favor numinis rimari atque penitiùs introspicere concessit ; quorum ortus ab hepate vel vesica fellea verisimilis est , ceu cùjus porum sequi in propatulo est, sanguinis transfiltrandi gratiâ in hepate facti, ut scilicet in eo ceu venosissimo nostri corporis parenchymate adveniëns sanguis ab onerosiore suo dilutulo quodammodò levetur. Hujus itaque lymphæ excessum præter naturam hydropis essentiam constituere quis negabit ? Patet hinc, nisi fex, sive amurca illa sanguinis à balsamo illo divino, & nectare vitali legitimè separetur, partes abinde suam recipientes nutrimentum faciliè unâ cum propriis actionibus lædi, atque discrasiam nonnunquam satis deplorandam iis introduci, testatur experientia. Talis est cachexia totius corporis, partiumque spermaticarum omnium indispositio: cùm ipsis, tum sanguificationi, tum separationi, sive percolationi definitis visceribus, ubi ne ventriculus quidem ab omni culpa absolvi potest; cum ipse sæpiusculè externum errorem exhibitorum ægerrimè ferat. Sæpissimè enim accidit, ut partes quasdam cibus in se contineat, particulis corporis non solum non cognatas, sed & inimicas, adeò ut à natura nullo modo domari ac concoqui possint, sed quocunque vagantur, & plurimas licet concoctiones subeant, nequaquam tamen mutantur, sed naturam suam perpetuò integram conservant. Quibus substratis obvium jam erit, laudatos veteres haut minùs appositè læsam sanguificationem incusasse; licet τὸ ὅτι ob temporis infelicitatem ipsos latuerit, attamen τὸ διότι benè perspectum quod habuerint, copiosissima illorum comprobant volumina. Omnem itaque asciten ab impuro sanguine, excrementis serosioribus referto, vel à qualitate quadam peregrina corpori nostro inimica, aut partium viventium solutione continua profluxisse animadvertimus. Non enim nos movet, quod in ejusdem argumenti exemplo *Nic. Fontan. lib. 1. Respons. & Curat. Medicinal. f. m. 94.* dicit : Dari hydropem jecore salvo, nunquam vidi ; si forsan alii, rarum id dico: nisi locuti fuerint de hydrope particulari, soli hepatis locum affectum tribuendo, siquidem experiëntiâ edocti scimus, *Tulpium* observasse eundem à sola mesenterii exulceratione, alium ab ejusdem hydatibus innumeris; *Benivenium* à solo renum vitio; *Platerum* à renum exulceratione; *Benivenium* iterum à vesica percussa recitatum, reliquis visceribus omnibus sanis & salvis advertisse. Sic lienem vitiosum in hydrope vidit *Vesalius*, hepate planè salvo. Hinc *Dodonæus* se nullius corpus ascitici apertum vidisse affirmat, cujus lien non fuerit tumidus & magnus; hac de causa putat solum tumorem lienis ad ascitis generationem quandoq; sufficere. Idem ferè *Carolus Piso* attestatur: Quisquis, inquit, attenderit seriò hydropicorum disseccioni, fatebitur unâ mecum ultrò, tumorem aliquem visceris alterutrius ferè unicam esse frequentissimam ascitis parentē. Quibus dæmonium illud Hippocraticū *Duretus* assentitur; hydropē nullum sine consensu & conspi-

ratione lienis accidere, fuit enim illud Præceptoris, *omnem ascitem nasci præcedente*, ut ita dicam, *liene*.

Ipse ego Anno 1651. & 1652. in Antenoreo Lyceo antiquissimo cum agerem, hyemali tempore sectionibus anatomicis totum me mancipando, tria hydropicorum asciticorum cadavera secui ac inspexi, lienemque prætumidum huius mali causam deprehendi, quorum unus 15. libras civiles æquaverat. Ascitem interdum causam agnoscere obstructionem levium arteriarum *P. Salius Diverfus* dudum author fuit. Proinde videmus quocunque tandem modo ab aliis etiam partibus proveniat hydrops, semper tamen læsam sanguificationis actionem, vel qua incepit, vel qua perfectionem suam in corde, vel depurationem in colatorii visceribus, vel distributionem in arteriis fuerit affecutus, posse referri. Enimverò tota corporis humani œconomia, iunctâ ratione atque ipsâ experientiâ attestante, sanguinis divinò patibulo indiget, nulla equidem abjectissima pars in toto microcosmo alio humore, nisi sanguine, quatenus ultimam perfectionis manum adhibuerit natura, nutritur; quinimò nec ipsi cordi, ut suprâ dictum, sui alimentum aliunde mutuari integrum: nisi massâ sanguineâ perfectè jam elaboratâ, & spiritibus vitalibus maritatâ, illud per coronariam pro sui pabulo recipiat, & in omne ejus parenchyma distribuat.

Causas quod attinet, quamvis plures esse, ex *Gal. lib. 2. Nat. Fac. 8.* constet, in præsentī causam proximam esse duxi materiam quandam nutritioni ineptam, à debilitate viscerum sanguinem vel depurantium, vel perfectè elaborantium exortam, intra venas, arterias, vasaque ipsa lymphatica fluctuantem, & agitatam, tandemque nimiam sui mole intra peritonæum & intestina omissem, & in abdominis cavitatibus collectam, quæ in se considerata, naturâ suâ frigidâ caloris innati robur frangit, tepidumque quasi reddit primum, tandem diutius commorandò refrigerat, eundemque ultimò planè extinguit. Causam procatarteticam fuisse deprehendi infarctus hepatis & lienis, qui in iisdem colatorium sanguinis munus longo temporis tractu oppresserunt. Causa interna est ipsorum vasorum tum lymphaticorum, tum cæterorum apertio, (siquidem his loca sua natalitia hydropem ascitem variis de causis debere, ex *lib. 2. Nat. Fac. Galeni* clarum est,) immò ruptura, quam maturavit nimia aquæ copia, eadem distendens, quæque falsedine sua singulari dicta vasa, ut teneriora exedere potuit: hinc aquarum cataractâ effractâ fit ipsius aquæ in vicinas partes impetuosiuseffluviū. Nacta est autem hydropicorum aqua falsedinem suam partim à deputatoria facultate viscerum elanguida, partim ab attractrice renū facultate enervata; unde sal nostri corporis, ipsiusque urinæ ritè separari non potuit, multò minùs cum sero educi; sed sanguini permistum, intra jam nota vasa lymphatica, venas, arteriasve fluit, proprioque gravatum pondere ex illis excidit,

dit, atque in abdomine delitescens, calorem nostrum irritat, quo mediante demū ὄχημα τῆς τροφῆς putredinis fermentum subit, atque ob infectam sui qualitatem & quantitatem, pro ratione materiæ substratæ febrim lentam accendit ; quam ceu comes individuus sitis immodica à nostra singulis ferè momentis conquesta sequitur, de qua in signis. Causæ evidentes, sive externæ fuere errores in vita commissi varii, potus frigidus largior, cibi putredinem facilè subeuntes horarii, vita circa aquas, spernendo etiam in ipso senio quasvis cœli injurias, tanquam altrices hujus morbi sufficientes.

Missis nunc causis ad signorum devenire oportet enumerationem ; ubi præprimis sciendum est, tribus quidem hydropis speciebus hoc commune esse, ut iisdem insit quid aquosi humoris, juxta *Celsum lib. 3. cap. 21.* Est quoque commune omnibus hydropis speciebus, ac penè dixerim, fatale, ut sanguinis officina vitietur, ejusque instrumentum intercitat, *Galeno teste l. 2. Prognost. c. 1. l. 5. Loc. Aff. 7.* Læditur autem ab intemperie frigida ut plurimum ejus temperamentum, unde in laudabilem probumque sanguinem alimentum convertere non valens, in illas tres hydropis species transmutat. Sunt & præter hæc alia signa δηλωτικά, sive diagnostica communia : color scilicet totius corporis, maximè circa oculos lividus & plumbeus à materia peccante frigida ; inflatio oculorum, ut & pedum tantus tumor, ut vix movere eos, multò minùs è lecto efferre potuerit ; dolor hypochondriorum obscurus & gravativus, à viscerum nimirum infarctu : appetitus dejectus, ob defectum caloris naturalis, qui copiâ vitiosorum humorum obruitur, ut vires suas pro virili exerere nequeat ; Dejectiones paucæ & aridæ, urina modica, nec non subrubens, ab oppressis vel renum tubulis, vel ipsis ureteribus, ipsaq; vesicâ Et quia senibus magis familiaris est ascites *Aretæo teste, 2. Tard. Pass. c. 1.* Hinc & nostræ accidere eundem facilè potuisse ratio inde evincit ; specialiora desumpta ejus signa, sitis, verbi gratiâ intolerabilis & inexplibilis, unde ascitici vel medio in undis constituto Tantalo plus sitiunt ; quia corpus non humectatur alimentò idoneò, vel aliquid accedit bilis, putredinisve, à cujus fermento serositas illa acrimoniæ & falsedinem concipit. Unde hanc speciem Clamosam Hydropem vocare non erubuit *Aben Senne*, Arabum princeps Medicus, *Fen. 14. lib. 3. rr. 4. cap. 4.* cui, quò plus succurrere ægri animum inducant, eò plus sitiunt ; quod ipsum etiam *Fastorum conditori, Ovidio*, innotuit, qui *lib. 1.* insit :

*Sic quibus intumuit suffusa venter ab unda,
Quò plus sunt potæ, plus sitiuntur aquæ.*

Fovea quin etiam asciten indicat ad tactum in membris, digitò pressis, remanens ; tumor partium inferiorum, vel plurium, vel sanè omnium, ab irruentis

aquæ impetu. Tussis sicca, ab aquâ pulmonum bronchia impediēte, unde & spirandi difficultas, quæ ab eâdem usque & usque incrementum sumferat, suffocationisque suspicionem prælagiebat. Febris aderat languida; fieri enim nequibat juxta *Hippocratem, lib. de morbis*, ut febre magnâ & diuturnâ divexari potuisset in aqua, quæ febri contraria. Pulsus sentiebatur parvus, & ex *Galeni effato lib. 2. de caus. puls. c. 24.* subdurus & tensivus quodammodo. Venter tandem, cum recidivam passa esset nostra, percussus, utris instar aquâ pleni sonabat.

Et quanquam hydrops, ut ad prognosin transeam, nullô accidente morbo non ita lethalis, ac illa, quæ acuti ac longi cujusdam morbi progenies, juxta illud *Hippocratis Coac. Prænot. c. 29. §. 1. οἱ ὑδρωπες οἱ ἐν τῷ ὀξέει νοσημάτων πάντες κακοὶ*, qui nec morbum tollunt, nec dolorem.

Sic ille, qui viscerum obstructions scirrhusve insequitur, licet longiorem vitæ terminum promittat, ut nostræ quoque contigit; ex *Gal. lib. 2. de Arte Curativa ad Glauco. c. 5.* Inveterata verò obstructio in hac ægrotâ per annuas vices incrementum sumsit: hinc recrudescentis mali palindrome metuenda fuit: adeoque confirmatō jam undique morbo viscera renovare, cum, *Aretæo* suffragante, solius sit divini Plastis opus mirandum, nec humani Medici arte restitui possunt: *Persii* monitum appositè satis dictum, *Satyr. 3. v. 63. 64.*

Elleborum frustra, cum jam cutis agra tumebit,

Poscentes videas; venienti occurrere morbo;

si suum fecisset nostra, fortè cautiùs mercari, sanitatiq; in tempore consulere didicisset.

Urina verò ruffa quandoque, aquosa quoque nonnunquam, quia apparuit, mali augurii signum esse ratus sum, ab apertione fortè vasorum: suppressa sæpè sæpius eadem fuit, partim ob arenularum è renibus per ureteres prodeuntium descensum, partim læsi alterutrius ureterum argumentum nobis suppeditavit. Tussis sicca, quam pluribus annis sibi gravem sensit; pro lethali signo habitâ fuit, ab aquâ ad pulmones penetrante, quod instantis suffocationis suspicionem augere solet, adimentem *divi senis nostri. 6. Aph. 35. Τοῖσιν ὑδρωπικοῖς βῆξ ἐπιγεομένη, κακόν: Hydropicis, si tussis supervenerit, malum.* A multis verò annis quod gravem sibi eandem senferit, non soli hydropi asciti tribuendum, sed de stillationibus à capite ad pulmonem, pectusve manantibus.

Indicationes curativas ut absolvamus, maturabat quidem ipsa natura sui conservationem, effluviâ parando causæ morbificæ, rupturâ factâ circa umbilicum, cui post tertiam manum, diureticis, exsiccantibus, evacuantibusve præstò aderam, attendendo semper, ut obstructionem viscerum vel omninò eluerem, vel per vices minuerem, parenchymataque debilitata nimis roborarem, pro faci-

faciliori sanguinis transitu per vasa eorundem tutioremque depurationem. Hæc tribus sequentibus in methodo medendi usitatissimis instrumentis perficienda censui: Diæta nimirum, chirurgia, pharmacia. Primis quidem, ut solent nonnulli ægroti, diebus ad nutum & voluntatem meam quidem respondit, observandò nimirum diætam exquisitè satis, quam modicè calefacientem, ficcantem, extenuantem quodammodò, imperabam; unde apertò adhuc addominis cavo, per sesquimensëm & ultrà parcè admodùm bibebat, vinòque oligophorò diuretico Herbi polensi utebatur, quin immò à potulentis adeò abstinerat per aliquot dies, ut inde incredibilem utilitatem dehiscents ferossæ humiditatis perciperem; nec spes restitutionis felicissimæ, citrà prognosin deterioris fefellisset, si incepto voto nostro diutius inhæsisset, eidemque satisfecisset, cum ex *Nicolai Florentini Serm. 5. c. 25.* sententia, multi exquisita diætâ curati fuerint: verum nauticum panem renuit, licet is feminum diureticorum condimentò effectus esset, immò ipsum etiam in vino malvatico sumere negavit, quò tamen aliquos liberatos recitat *Albertus Bononiensis*. Prima itaque vice cum aqua quasi omnis exhausta videretur, vinum ordinavi, in quo ligni sancti & sassafras aut Chinæ partes infusæ erant, pro excitando calore nativo, corporeque exiccando. Ad motum, quia adhuc apertò cavò abdominis, cui turunda satis magna imposita hærebat, impotens erat; jussi ut ad virium tolerantiam obambulando corpus paulatim commoveret; quod quidem eò usque observavit, donec recidivam pateretur. Et hæc ex fonte diæteticò.

Chirurgia, ceterò alterò scopò curationem nostræ absolvente, quia ipsum abdomen sese exonerabat, primò opus non erat, siquidem neque V. S. omnibus sanioribus Medicis in hoc casu formidabilem studio proposui, nec vesicatoriis opus erat ab initiò. Et quamvis eadem, ut & scarificationes furarum, recurrente illuvie suaderem, maluit tamen potius, ita rebatur, integro, licet utique fluctuante corpore perire, quàm dissecta ac pertusa cute, vel parte quapiam superstes vivere. Hinc neque exitioso illo multisque funesto remedio, ultimo tamen hydropicorum asciticorum levamine, in hoc casu erat opus, vel idem tantis concelebrare encomiis, natura sibi ipsi ad latus umbilici viam parante: non, inquam, indigebat ad evacuandam aquæ copiam maximo illo ac generosiore præsidio, *Hippocrati* etiam noto, lib. *περὶ τῶν παθῶν*, & lib. *περὶ τῶν ἐν ὥσιν παθῶν*, *paracentesi* puta, circa cujus operationem, quæ in chirurgia vix dabitur laudabilior. Scio viros non-spernendos graviter impingere, syadendo ductu naturæ sequacem artificis manum ducendam esse; siquidem natura tot ac tot sibi parare potest vias etiam per externarum corporis humani partium extremitates, (ut in hoc morbo, fluxu menstruorū, aliisve historiarū testatum facient quāplurimæ,) quas, si imitando volueris pari modo inquirere semper, iisdemque

pertinax insistere, vituperio te dabis, ægrosque tuos in præsentaneam mortem præcipitabis. Non latebit Vos, quod in primo casu hydropico VIRI Nobilissimi pariter ac Excellentissimi Dn. D. Gregorii Hillingii, incluti nostri Collegii Decani, ut spectabilis, ita meritissimi, Fautoris ac Patroni mei inter paucissimos certissimi, ætatem colendi, discursûs locô hanc de paracentesi administrandâ operationem Vestro accuratissimo spicilegio subjicere voluerim; sed nescio quâ nausæâ desiderium meum antevertere quispiam allaboraverit: hinc prurienti quasi mihi ignoscite, si omissa ista nunc tanquam temporum occasio-numque captator audacior ad Vestra profundere conabor genua. Liceat itaque de hac, pro Humanitate Vestrâ in me, hoc tantillô temporis sequentia proferre!

Habent, VIRI *χαιέστατοι*, scholæ medicæ, in hydrope ascite commune asylum, cum morbi vehementia nullis præfidiis retundi, nullisque aliis machinis coërceri potest, paracentesi suam decantatam, quâ microcosmicam hanc inundationem, ejusque repentinum incrementum præpedire, aut tollere satagunt. Ad hanc peritiores & oculatiores intrepidè accedunt, præmuniuntque semet ipsos prognosticorum certitudine, tanquam cautelâ quâdam firmissimâ, adversus malè feriatorum infamiam, advertendo quatuor hæc singularia, summò-perè necessaria: *Primum* eorum respectu ipsius ægri, ætatem partim concernit juvenilem, quæ adhuc injurias perferre valet, præ consummatâ; partim vires explorat, num adeò consent: siquidem dejectis iisdem, temeritatis potius argumentum esset, magnum hoc aggredi remedium. Viribus itaque valentibus tentabimus, ut naturam ipsam coadjutricem nobis sentiamus; unde & viscerum vigor requiritur, cum ex *Hippocratis* nostri effato, hydropem non nisi *ἐν σπλάγχνοις* evadunt: Nisi enim viscera interna sana & illæsa fuerint, parum aut nihil ut plurimum incisionem hanc ægrotis profuisse usus & experientia edocuit; verba sunt acutissimi inter modernos Chirurgi *Vilh. Fabr. Hildani cent. 1. observ. 47.* Quare morbi principium seligendum, nec expectanda cachexia, aut tabes, & humor jam putrefactus ipsa viscera corruperit; adde & illud, si hydrops alium morbum exceperit, nil temerè tentandum, suffragante nobis *Fonscæ consult. volum. 1. p. m. 199.*

Secundum necessario observandum membrum biceps, locum & modum legitimū proponit: Locus, è quo nautea illa exhauriri debet, variè à variis authoribus controvertitur; approbamus musculos oblique descendentes perforandos, cavendo ab omni læsione lineam albam, & aponeuroses musculorum rectorum. Non enim nos movet, quod de extractione umbilici, ab usu cucurbitularum *Platerus*, & modò laudatus *Hildanus* asserunt, eâ ratione aperiendum esse umbilicum, ut fiat aquæ illius exoneratio, quæ tamen, nisi ipse umbilicus omninò

omnino in ligamentum abierit, & naturalem venæ & arteriæ conformationem retinuerit, solum hepar respiciet, quod verò pro omnis hydropis locò affectò in superius allatis habendum ratione & experientia negavimus. Adhæc sola hæc aquæ depletio hepar solum respiciet, non verò cætera parenchymata, aut aquam inter cutem sub umbilico detentam. Nec obstat vena umbilicalis aperta puellæ in patria hac nostra à *Volchero Coitero* observata: nec Tridentina illa fœmina, menstruum fluxum per umbilicum exonerans, tempore Concilii ibidem habiti. *Donat. l. 4. c. 26. hist. med. mirab.* Multò minùs illa triginta annorum, quæ per eandem viam menses deposuit, observatore *Fernelio l. 6. de morbb. & sympt. partium c. 13.* Nam si hoc, dantur etiam exempla menstruorum per alias longè diffitas vias rejectorum; sic & aquæ hydropicorum depletionem variam, etiam in remotissimis partium extremitatibus edocent volumina medica. Faciunt autem nobiscum, nostræque sententiæ favent *Ronsæus in epist. 2. ad Petrum Tyara. appendice fol. 8. Reiner. Solenand. sect. 5. conf. 15. Ambrosius Paræus l. 7. c. 12. f. 241. 242.* qui in parte minus carnea infra umbilicum tentandam judicat: *Holler. comm. ad lib. 6. aph. 27. Arnaldus Præcticus Breviarii lib. 2. c. 30. Capiuacc. l. 3. Prax. 19. f. 638. col. 2. B. C. l. 3. Prax. c. 18. f. 631. col. 2. B. Franciscus Bartoletus in Thesibus Anatomicis, contra Laurentium l. 6. 9.* Moti his autoritatibus, ut & *Pauli*, tres quatuorve digitos infra umbilicum tentandam esse alii statuunt, alii, qui cum *Celso lib. 7. c. 15.* jecur semper affectum in omni hydropis specie accusarunt, in opposito, alii in affecto latere, alii in eo, quò æger non cubare soleat, ne nimium effluat: alii promiscuè eam tractando, qui parum interesse censent, quoniam in loco molienda, musculos tamen oblique adscendentes omni studiò observant. Videtur tamen ex latere adposita tutius, quem locum *Hippocrates* οὐκ ἐν τῷ πᾶσι, eligit dicendo, eam παρὰ τὸν ὀμφαλὸν, ὅπου εἶναι, ἢ παρὰ τὴν λαγόναν commodissimum locum esse.

II. Alium locum dissuadet decubitus, qui aliàs supinè fieret, anhelosis jam antea hydropicis minimè tolerandus, ceu quibus decubitus ad latera magis ferendus, commodiorve, quia moles abdominis & consequenter ichorosa illa illuvies istorum se volvit, quorsum æger decubitum mutando inclinatur.

III. Decliviori huic perforationi & ductus naturæ favet, & autoritas tam aliorum virorum doctissimorum supra citatorum, quam nostrorum sapientissimorum Dñn. Præceptorum, præprimis verò pientissimi nostri defuncti *Næseri Disputat. de Hydrope Ascite, habita anno 1624. in Altorfino, Incluti Senatûs nostri, Athenæo. th. 58.* adhanc quia moles vergit, juxta *D. Senis* nostri effectum, *1. Aph. 21.* idè ducere oportet: (quò aphorismò male adversarii utuntur,) siquidem umbilicò non protuberante, prohibent rationes læsionem istius. Dubius adhuc *Dornavius* mentem suam sic explicat *Heptad. Miscellaneorum*

nearum 6. thesi 7. ubi in fine dicit : Uter tamen sectionis locus alteri præferendus, Medicum Chirurgum ipsius naturæ motus & aliæ circumstantiæ non obscure edocebunt.

IV. Umbilici perforationem ulterius disuadet dolorosior membrarum perforatio, quæ periculosior multò, ac partium carnosarum, ob communem quam cum nervis habent naturam, immò quia frigidiores sunt membranæ; ideoque quæ est

V. Ratio, non ita citò coalibiles; non enim adeò velociter coeunt ac vulnera carnea, in quibus calor fortior, magisque actualis: hac de causa & musculorum rectorum interstitia & ἀπονεφρώσεις incidenda damnamus. In istas: Musculorum rectorum incisionem aut perforationem periculosam esse ob vasa adscendentia, venam nimirum & arteriam epigastricam, aut etiam ἀναστόμωσιν harum cum vena & arteria mammaria descendente interna: officit quidem, si instrumento apud nos usitatissimo utrinque secante, lancetta dicto, ista perforatio fiat; non officit si Chirurgorum modernorum hamulo instituatur recurvo, quod minus periculi affert, ac acutissimum illud, maximeque in hoc casu periculosum instrumentum, quo etiam Episcopus ille Neapolitanus in hydrope scroti punctus, ex læso testiculo sinistro, superveniente gangræna, quintâ ab operatione luce, diem obiit: facta est operatio pridie D. Francisci A. R. S. 1649. Chirurgiam exercente Marco Aurelio Severino, Viro in omni Medicinæ parte emerito, præsentē Pro-Rege Neapolitano Celsissimo, Dn. Dn. Casparo de Bracamonte & Gusman, Comite de Pegnoranda, &c. Eminentissimo Domino Cardinali Philamarino, magna que tam Clericorum quam Profanorum Ordinum illustrium catervâ, (ubi primam hanc operationem chirurgicam cum Celsissimi Pro-Regis clementia singularis, tum favor Magni Severini mei, Neapoli visendam mihi benignè concessit:) unde dicti instrumenti usum meritò damnamus, econtra recurvum illud ante laudatum eligimus, cujus beneficio vasa, ut rotunda, & ad tactum lubrica aliquo modo deviant & cedunt, absque tamen insigni læsione, immò absque nulla.

Unde VI. perforatio illa facienda est eò usque, quò ad cavitatem abdominis penetret, quæ si in umbilico instituatur, non solùm ipse perforabitur, sed & ἀπονεφρώσεις musculorum lineam albam constituentium, & ibidem concurrentium, quorum tamen vulnus periti Chirurgi non sine gravi suspitione, ut formidabile meritò abominantur.

VII. Quod dicunt tam facili negotio hanc sectionem coire, quàm facile vena aut arteria secta coeant, falsissimum est; siquidem plurium hic partium concursus, vulnusque majus, quàm à secta vena: adhæctum aliorum, tum nostræ ægrotx exemplum luculento satis testimonio contrarium evincunt.

VIII. *Laurentii* fide qui hæc nituntur impugnare, iis respondeo, ipsum *Laurentium* falsum ubique laborare fide anatomicâ, neque pro digno ab ullo unquam cordato anatomico haberi: adeò laborat *Laurentii* sectionum, observationumque anatomicarum fides, ut nisi scripta extarent, *Laurentium* Anatomicum fuisse vix credamus. Unde nil nobis obest.

Umbilicum IX. non esse secandum, cutis tenerrimi sensus in eo lubtilitasque disuadet, quod in infantulis etiam videre licet; experientia quin etiam in contrariam nos abire sententiam jubet, quod vitâ ii ocys pereant, quibus vasa umbilicalia cum cute abscinduntur; cujus causam se expiscari posse ingenuè negat *Laurembergius* in *Proæstr. Anatom.* (vide casum appositè huc quadrantem apud *Hildanum* cent. 1. observ. 53. f. 65.) non animadvertendo, quod naturæ ductui insistendum, siquidem ea tantum locum obtinent in ἔξω μέρει & protuberante umbilico, aut cucurbitulâ magnâ, cum multa flamma eodem extracto. Hinc prudenti sanè consilio *Fontanus* lib. 3. med. pract. c. 21. f. m. 176. col. 2. circumspectè satis in hoc argumento tale suadet: Verum, inquit, licet integrum sit Medico utroque modo progredi; tamen paracentesis est præferenda umbilici sectioni, eò quod tutius commodiusve evacuatur aqua, locus namque est inferior multò umbilico; ita ut parùm aquæ remaneat in abdomine. Ex his perspectum est, diversam esse sectionem perforationemque umbilici ipsius à paracentesi in scholis medicis receptam, neque temerè earundem operationes esse confundendas, ut illi faciunt, qui pertinaciter nobis adversantur: & licet nobis contrarii videantur *Am. Lusitanus* Cur. 537. *Valleriola* lib. 4. obs. 3. *Schenkii* ipse: *Joach. Camerarius*, *Marcellus Donatus*, lib. 4. hist. medicâ mirabili c. 21. l. c. *Claudinus* cons. 124. f. 294. *Laz. Riverius*, alique, si limitetur eorundem hypothesis; nimirum, quando natura protuberantiam umbilici molita est, virium adest robur, æger juvenis, & morbus ipse per se, nec ex alio originem contraxit, facili negotiò umbilici sectionem iisdem ambabus largiemur manibus.

Sufficiant hæc de altero bimembri παρακέντησις requisito, locum modumve operationis exquisitum monstrante. Quibus III. accedat necesse est, ut aqua non confertim & ἀθρόως unove impetu emittatur, ne unâ cum morbo ægrum tollere videamur, siquidem subitanearum mutationum impetus perfrendi natura est impatiens. 2. *Aph.* 51. 6. *Aph.* 27. lib. de intern. affectionibus, cum pari modò ac insigni hæmorrhagiâ dissipentur spiritus. IV. & ultimum hujus ἐργασίας requisito est observatio feri; siquidem limpidum si fuerit, lahe carebit, nec ruptæ venæ arteriæve argumentum præbet; si verò foetidum subcruentumve, vasorum læsionem indicabit: si carniū loturam æmulabitur, omnem αἱματοποιητικὴν δύναμιν destructam esse certò hariolari licebit. Et tantum de paracentesi.

Pro consolidanda ruptura ad umbilicum usi sumus methodo, quam Patavini Lycæi venerandus Antistes *H. F. ab Aquapendente servavit lib. 2. de vasorum vulneribus cap. 10. fol. m. 90. 91.* ad quem vos remitto. Atque hæc ex altero fonte dicta sunt.

Pharmaciam tandem quod attinet, animus erat nobis, quamvis aqua adhuc ex plaga abdominis flueret, præparare humores aquosos corruptosve in venis latentes, ut ii unâ cum aqua abdominis corrupta faciliori educerentur via: in quem finem sequens ordinavi:

℞. *Sir. de polypod. c. scolopendr. ā. ʒvj. de cichor. c. rhab. ʒss. aq. absinth. agrimon. charefol. ā. ʒj. M.* quod primâ statim accessione horâ octavâ matutinâ exhaust. Dehinc altero die deveni ad pulverem Comit. à *Warvvick* ad ʒij. cum tartari vitriolati ʒss. in roob ebulino sumendum; quod feliciter successit. Tertia die denuò horâ matutinâ sextâ præparans ante præscriptum repetii: quartâ confectionem in rotulis talem exhibui:

℞. *Spec. diatrion. santal. ʒij. dialacc. diamargar. cal. ā. ʒss. spodii ppti ʒiij. sacchari in aq. charefol. sol. ʒiiij. conf. alcherm. c. ʒi. M. F. Rotul. S. Stârckschâuffelein.* Quibus alternis diebus utebatur felicissimè. Diebus verò intercalariis sequenti vino utebatur:

℞. *Rad. apii asparag. cappar. Brusç. ā. ʒʒ. raphan. petrosel. ā. ʒiij. irid. nostr. ʒj. elleb. pp. ʒiij. mechoac. gialapp. ā. ʒiij. fol. senæ elect. ʒij. gratiol. ʒiij. fol. sambuc. genist. cent. min. ā. ʒij. sem. charef. petrosel. ā. ʒiv. dauci ʒj. Zingib. alb. ʒij. macis. ʒss. galang. ʒij. cinamom. inter. ʒss.* Incisis incidendis, & contusis contundendis affunde vini albi ℥iv. de hoc infuso bibebat per novem dies continuos.

Hujus usu serofitas plurima ad mentem evacuata fuit, ut verò & vires constarent, sequenti prophylactico eandem munivi:

℞. *C. C. s. Δ ʒij. spodii ex ebor. ʒss. smaragd. pp. ʒj. corall. r. pp. ʒss. margar. or. pp. ʒss. M. F. pulvis S. Pulverlein je 2. oder 3. Messerspißen voll über die dritte Nacht zu nehmen.*

℞. *Vini granat. d. ʒx. jul. violar. ʒj. aq. genist. fœnic. scabios. halicacab. ā. ʒvj. spir. Elis ʒss. M. D. ad vitrum S. Wasser zum Pulver:* qua sitim nonnihil sublevatam, addito quandoque essentia charefolii minutulo.

Inter diuretica varia exhibendum suasi urinam pueri sani ab ʒij. ad ʒiij. cum melle conditam ac sale ononidis, raphani, genistæ, urticæque mistam; sensit dehinc ægrota post unum ulterumve usum nauseam; mutato verò consilio, sal urinæ microcosmi aut oleum succini cum vino diuretico bibendum exhibui, unde lotii reddendi felicitatem nacta est. Et nisi hæc profuissent, ad remedium illud extremum accelerassem, quod *D. Seni nostro* quoque in ulu fuit. 4. de

ratione

ratione victus, & lib. de intern. affect. ad pulverem scilicet cantharidum ablatis
alis & pedibus minuta dosi caute exhibendum. Hypochondria pedesque elat-
tos sequenti fotu & embrocatione exsiccari jussi :

℞. Ciner. fol. quer. sarmentor. vitis ā. ℥ij. summitat. absinth. fraxin. menth.
rut. origan ā. mj. flor. sambuc. genist. melilot. chamomill. ā. m℥. fem. carvi, ra-
phani, baccar. lauri a. ℥℥.

Fotum excipiebat emplastrum ex sequentibus pulveribus confectum, ster-
coris nimirum vaccini, caprilli, radicum iridis sylvestris, florentinæ, sulphu-
ris, aluminis rocchæ, salis, baccarum lauri: mista hæc pulverum congeries cum
aceto vini & fatus antecedentis brodio conficiebatur emplastrum, extensum-
que super tenuem alutam & locis squalido ichore tumentibus imponebatur.
Nisi hoc profecisset, invertissem alio modo: ℞. Stercor. vaccini, caprilli, ovini,
columbini, limacum cum testis combusti, quæ ad æqualem ponderis trutinam in
urina pueri macerasset, ac ad tolerantiam partium calidè abdomini, cæterisque
inferioribus applicavissem, siquidem præter emplastrum ad hydropem hoc in
aliis ascite laborantibus plurimis non sine fructu adhibitum multoties depre-
hendi. Verùm ab usu prioris detumescere pedes & hypochondria sensim & sen-
sim. Pro exhauriendis verò serositatibus diaphoreticorum usum suasi; in hunc
censum vocavi *antimonium diaphoreticum*, C. C. sine Δ , factum, decoctum
ligni sancti & sassafras, spiritum theriacalem, de tribus, sal sacerdotale, cardui be-
ned. fumarie, vincetoxici, geniste, urtica, raphani, sambuci, ebuli, alia non tam
sudorem quam urinam moventia: horum verò usum repetitum per vices tan-
dem renuit, & hepatis ac reliquorum viscerum robori prospicientes rotulas su-
perius descriptas sibi elegit, sese in pedes conjecit, urbem frequentavit, & me
dimisit. Indulgit autem genio plus æquo, largiorique potui, me omninò dis-
suadente; quin & fræna laxabat animi affectibus, spirituum animalium caloris-
que nostri destructoribus, non elota prorsus aut eversa inveterata obstructione,
multò minùs emendata omni viscerum ἀτονία, recidivam dehinc post aliquot
septimanas passa fuit, ex qua convalituram minimè, millies prædixi: maritus ta-
men instandò iterùm opem meam efflagitavit, & quid valeant vires, quid ferant
humeri, tentare jussit; hinc tale vinum medicatum præscripsi:

℞. Radic. quinq. aperient. ā. ℥j. iridis vulgaris s. sylvestr. ℥ij. ebuli cortic.
inter. rad. sambuci ā. ℥vj. solani glycypticri ℥iij. elleb. pp. ℥j. cort. radic. tamar. ℥℥.
comar. absinthii pontic. cardui bened. ā. p iij centaur. minor. p ij. limatura ♂.
ppi ℥℥.

Incisis, & contusis omnibus grosso modo vini albi optimi quantitatem suffi-
cientem affundere jussi, & post sumptum jusculum carminativum, cyathum unum

exhauriendum propinavi. Pro corroboratione viscerum naturalium cum rotularum usum jam renueret, tragæam sequentem tali præscripsi formulâ:

℞. *spec. dialacca* ℥j. *diatur. cum. troch. cappar.* ā℥℞. *de rhabarbaro.* ℥j. *conf. alchermes in forma sicca.* ℥iij. *sacch. rosar. tabul.* ℥i℞. *manus Christi perlat.* ℥ij. *elao sacch. cinamom.* ℥ij. *Misce.*

Inspergebat hanc tragæam bis cocto pani, & affudit vinum diureticum; quò remedio cum bis in die uteretur, usus vini medicati modò descripti effecit, ut denuò magnam aquæ colluviem egereret, nec tamen subsidere voluit pedum tumor ichorosus; Galeni hinc mandato parui, mutando remediorum formulas in affectibus chronicis, unde ternis aut quaternis diebus sumendum ordinavi, primò: *pulv. soldanell. marin. comp.* ℥ij. *syr.ii.* gr. iij. vel cum jure pulli, in quo diuretica incocta fuerint, vel cum roob sambucino aut ebulino. Alterum erat sequens:

℞. *sirup. emetic. Hartmanni* ℥vj. *extract. diacartham.* ℥℞. *aq. raphani.* ℥j. *Misce F. Haustus.* His per aliquot vices adhibitis, quamvis melius habere cœperat, spes tamen apud me nulla supererat, ad preces tamen suorum ad fotum & emplastra superius præscripta redii, & sequens umbilico admovendum tradidi:

℞. *ungvent. de cyclamin.* ℥℞. *pulpæ colocynthid.* ℥j. *ol. carminat. Mynsicht.* q. s. *Misce S. Salblein warm in und umb den Nabel zugebrauchen.*

His cum denuò sublevatam se quadantenus persentiret, me secundâ vice dimisit. Sed ex ultimis hujus casûs verbis percepistis, quem exitum nactus fuerit chronicus hic morbus, qui talis: Vix octodecim à secunda dimissione abiit dies, ubi & tertiò à marito vocatus, sub initiû decimi quinti mensis, à quo facta fuit ὁδὸμφαλ Ⓞ, comparui, decumbentem nostram delassatâ, omni virium robore exutam & inermem deprehendi, facie Hippocraticâ, oculis torvis, truculentis, ore distorto, pulsu nutante, mox planè dehiscente. Inquîsivi in causas tam præcipitis dejectionis virium omnigenæ, deque decubitus hujus lethalis ratione, responsum accepi, id omne ex ira gravissimâ denuò concepisse: fati proximam marito adstantibusve cum innuerem, ægrota ad sermones mecum mutandos impos, manu renuit auxilia ad unum omnia, atque per quatrimum agonizans, tandem septima à præconceptâ irâ, die, vitam cum morte commutavit.

Historia alia Hydropis Ascitis

*cum Hydromphalo in fœminâ citra omnem
medicamentorum usum restitutâ.*

UXor viri Reverendi pariter atque doctissimi Dn. Johannis Majeri, Pastoris pagi Norici Offenhufani, ascite tentabatur anno supra millesimum sexcentesimo,

tesimò, quadagesimò quintò, anno ætatis circiter quadagesimò octavò, cui ob aquæ copiam, tumentibus inferioribus omnibus, umbilicus ita protuberavit, ut cum per aliquot tempus ob molem pedem electo efferre minimè posset, hydromphalos illa suâ sponte diffilierit, unde aqueâ illâ illuvie exoneratâ ruptura sponte suâ coaluit, pristinamque sanitatem citra omnem machaoniam manum aut medicamentum recuperavit.

Historia sectæ Hydropicæ.

AR. S. clb. Ibc. LX. obiit Margaretha Johannis Andreæ Sauerzapffen/ civis Noribergensis uxor, annos nata 44. quæ ad nonum usque annum abdomine ultra modum & metam elatò, cæteris membris tabe quasi consumptis ægerrimè vixit, illò ipsò novenariò annorum decursu trium liberorum puerpera facta, cum decenti semper evacuatione, abdomen nullo modo detumuit, ipso parasceves festo ad sectionem vocatus, peripheriam partium inferiorum apprehendi, pedum geometricorum quinarium numerum superantem, fastigium umbilici, ad coxæ vertebrae mensurantes, ad vigesimum digitum (Geometra dicit 20. Zoll) elevatum vidi: viscera, hepar nempe ac lien integrè & naturaliter se habebant, ventriculus inanis nil quicquam rubiginis seu corruptionis sensit: extra peritonæum verò ichorosæ humiditatis mensuræ LIV. subsidebant: causam hujus mali in efferatum maritum mecum Georgius Reboldus, Chirurgus civicus, transtulit.


Alia.

FEriâ quartâ Paschatos ejusdem anni ad hydropicæ sectionem vocatus, Michaëlis sc. Kummeri, civis & pectenarii Noribergensis uxorem, apprehendi hujus abdomen ad XIII. pedum peripheriam extensum, longitudo decem pedes æquabat, profunditatem numerantes fenos cum dimidiò animadvertimus pedes, hepate flaccido, quinque librarum mensuram superante, liene parvo & optimè se habente, corde verò & pulmonibus omninò flaccidis; aderant alii, qui mali hujus scaturiginem in insontem obstetricem detorquere nitebantur, sed utero, cum vasis & ligamenti suis, naturaliter se habente, tantam suspicionem ab optimâ foeminâ declinavi, quantum potui.

Alia.

ANnam Barbaram Hornwascherin hydrope ascite laborantem anno ætatis septuagesimo secundo denatam, anno præcedente clb Ibc LXXIII. secui, quantitas ichorosæ & purulentæ humiditatis triginta
X 3
quin-

quinque mensuras attingebat, ventriculus, intestina omnia, lien, renes, vesica, uredine & situ corrupta, quin & cor & pulmones flaccidi deprehendebantur, aqueæ illuviei innatabat utriculus parvus, nigricans, liber ab omni vase, liber ab omni ligamento, figura ejus talis erat:



Terni isti appendices B. C. D. nullo exitu patebant, neque subniger utriculus iste meatum pervium exhibuit.

Hydrops Ascites cum trichiasi admiranda.

Primis praxeos annis ascite per plures annos laborantis fœminæ cadaver offerebatur scrutinio anatomico examinandum, displicuit malevolis plurimis honor iste, præprimis postquã trichiascos hujus typum publicum viderent, & torvo oculo inspicerent, & dum anatomica, quin & alia plura de pilorum historia interfererem utilia, laxa volubilis linguæ suæ repagula omninò quasi fregerunt: viderunt impietatem hanc saniores, rectiùs judicarunt prudentiores, & quod magis est, ad pulpita Machaonia in Academicis Palæstris sedentes, scriptis id ipsum laudarunt suis; nec defuit è Magnifico & Prudentissimo Jureconsultorum ordine Nobisissimus, Præstrenuus, Amplissimus & Consultissimus *Dn. Christophorus Ludovicus Dietherus*, Patritii Ordinis exemplarum, Juris Utriusque Doctor, & Patriæ Reipublicæ Advocatus, qui crinium malevolorum plicis implicato mihi solatii loco epistolam ex omni scibili in hac materia evolutam transmisit, mixto idiomate scriptam, quam cum responsoria meâ his subnectendam addidi.



EPISTOLA
Philologico-Historico-Juridica,
de
CAPILLIS ET BARBA,

Ex
Rarioribus, selectissimis, in omni scibili versatissimis Autoribus &
Manuscriptis congesta & perscripta

à
CHRISTOPHORO LUDOVICO DIETHERO,
U. J. D. & Advoc.

ad
JOHANNEM SCULTETUM,
Phil. & Med. D.

Nobilis, Clarissime & Experientissime Dn. D. Scultete, Amice Hono-
rande! Daß derselbe von mir begehrt / ich solte etwas von dieser materi der
Haar-Krankheit / per modum epistolæ annectiren / dieses wird weder
Ihne noch mir einig verständiger Mann übel deuten; hat doch Paulus Zacchias
quæstiones medico-legales herausgegeben; und solches um so viel desto weniger/
alldieweilein ein und das andere in unser jus recta einläuft / bin ich zwar erbietig / dem-
selben zu willfahren / und mit gar wenigem zu erweisen / wie weitläufftig solche Hande-
lung könnte ausgeführt werden / wenn es die Zeit und Gelegenheit lidte: Es soll
aber mit Haaren nichts herbey gezogen werden. Nicht will ich schreiben wie es zu-
gehe / daß / wenn einem ein Härlein in Wagen komme / nichts bessers darwider zu
brauchen sey / als Schlehen / wie der unlängsten im H. Ern entschlaffene Zeillerus
bemerket hat. Sonsten heist das bekandte Sprichwort: Schlehen-Stein macht
den Wagen rein. Hiervon mögen der Medicorum filii disputiren / so lang sie
immer wollen. Ich wil auch nichts auß der Theologia anführen / als von den
schönen Haarlocken des Absolons / damit er an der Eichen hangen blieben. Von
dem Haar jener Sünderin / welche mit ihren Thränen Christi Füße gewaschen /
und zum Abtrucken auß tieffster Demuth das Haar hergegeben. Gregorius M.
soll der erste gewesen seyn / welcher der Edlen Tugend Cron Mariæ Magdalenz
nachgeschrieben / sie sey die grosse Sünderin / und verruchte Unzüchtige / der Lucas
VII. gedacht wird; Inmassen ex D. Chemnitio harm. c. 51. p. 997. Herr D.
Dannhauer im Evangelischen Memorial in 5. Blat der dedication deutlich erin-
nert. Woher die Maria Magdalena ihren Namen habe / ist in Herrn Füreri Kesse-
Buch pag. 98. zu finden: Daselbst auch erzehlet wird / was Magdale vor ein an-
nehm.

nehmlicher Ort sey. Cur sectione capillorum in mulieres impudicas & adulteras animadvertatur, ist gar schön bey dem Cypræo de Sponsalibus pag. 143. Ratio poenæ genus adulterorum, Saubert. de Sacrific. pag. 232. Nur dieses einige will ich berühren / wie gar mit leichter Mühe ein Candidatus Juris, der gern ein rare materie tractiren wölle / die vielleicht noch nirgend ventilirt worden seyn mag / von den Haaren plenâ manu zu handeln allenthalben Anlaß hätte / wenn er nur eine disposition hierzu aufsetzte. Von der bey den Juristen üblichen Art zu reden / zu Haut und Haar / handelt ausführlich Wehner in seinen Observationibus lit H. & Z p. m. 208. & 550. Rudinger cent. 5. obs. 93. Hiervon hab ich in meinen Additionibus ad Besoldum part. 1. p. 617. auß dem Berlich. und Carpzov. zur Gnüge Bericht gethan. Zudem / was der Herr oben pag. 98. & 99. von Zauberer-verdächtigen Personen vorbringt / daß man denselben in peinlichen Fragen die Haar abnehme / eben das jenige führet Berlich. 4. Concl. 4. n. 167. und die daselbst allegirte mit mehrern auß. Sæpissimè usu experimur, quod magi vel venefici sortem silentii vel in crinibus, vel in cute absconditam habeant, cujus ea vis est, ut veneficæ omnis doloris expertes esse credantur, impassibiles fiant, nihilque fateri possint, immò sæpè in tormentis durissimis dormire deprehendantur. Prout etiam nonnulli hos versus:

Imparibus meritis tria pendent corpora ramis;
Disinas & Gestas in medio est divina potestas,
Disinas damnatur, Gestas ad astra levatur;

antequam ad torturam veniunt, pronunciare solent, quorum ea efficacia perhibetur, ut rei nullos omninò dolores sentire possint. Und n. 174. schreibt Berlich. Rectius faciunt alii, si veneficas sortem taciturnitatis in vestibus, vel crinibus, vel in cute habere suspicantur, ut vestes eis exuant, & pilos omnes ab imis plantis pedum ad verticem capitis usque deradi curent. Wolfgang Ambrosius Fabricius de signaturis plantarum, in Schemate priori, gedenkt eines Kirpis, welcher die capillos gar schön und deutlich repræsentiret. Ein über alle massen grosses Wunder ist es / was unser hochberühmter Dillherr in seinem Zeit und Weltlauff pag. 250. §. 3. seqq. von einem See-oder Meer-Mann bemercket / dieser gieng tieff im Wasser / wie in einer Stadt / auff der Gassen / und trug unter jedem Arm ein Bund Stroh. Seine Gestalt war gleich als eines andern Menschens / mit einem langen Haar biß auff die Achseln / des gleichen an dem ganzen Leib überzogen mit Haar / wie die Haut von Meer-Hunden ist. Alle Wort von dieser historia, so wolgedachter Auctor mit mehrern anführet / seynd werth / daß sie mit Fleiß erwogen werden. Das künstlich und Sinnreich außgebildete Kupffer ist am 252. Blat bemeldts D's mit höchster Verwunderung anzuschauen. Von dem Baden zu Alexandria schreibt Herr Fürer in Itinerario Regionum Orientalium

p. 13. quod ibi lavantes unguento utantur peculiari, ex auripigmento, calce viva & aqua mixto ad absumendos corporis pilos. Die Türcken leiden kein Haar an heimlichen Orten / sondern eken die Haar allenthalben am Leib glatt hinweg mit einer schwarzen Erden mit Kalch vermischet / und mit Wasser zu einem Brey gemacht / doch wächst das Haar bald wieder / innoffen umständig Salomon Schweigger in seiner Reiß-Beschreibung nach Constantinopel fol. 115. berichtet. Sie lassen ihr Haupt glatt abschneiden / biß an ein klein Schöpflein mitten auff dem Haupt / eines Fingers dick mit dem vorgeben / wann sie dem Feinde zu theil werden / und um das Haupt kommen / daß alsdann der Feind den Kopff bey diesem Schöpflein könne erwischen / damit er ihnen nicht in Brodt-Korb müsse greiffen. Idem fol. 116. Vor andern ist merckwürdig / was unser werther / hochberühmter Dillherr in seinem Zeit- und Weltlauff pag. 566. s. 20. auffgezeichnet / wie daß das Wetter einmahl lange Haar verbrennet an unbeschädigten Köpfen. Es erzehlet Michael Hemmersain in seiner Reiß-Beschreibung von Castell de Joriis de Nina, von Würmen / so daselbst / auß den Menschen kommen : so bald einer nun vorbey seegelt / wird ihn die Haut anfangen zu jucken / theils an Arm oder Füßen / theils wo das Fleisch dick ist : alsdann speyet er ein Bläßlein auß / mancher bey einer / der ander bey dreyer Erbes groß. An etlichen da sich der Wurm nicht selbst durchbeißt / muß es auffgeschnitten werden. Alsdann erzeigen sich zwey Härlein / welche weiß und am Kopff angewachsen / so deß Wurmes Bart genennet wird. Die außgespenete Blasen ist voll Wassers ; hernacher wird morgens und Abends bey solchen der Bart heraußgezogen / so es an einem fleischichten Ort ist / und nur eines Glieds lang herauß / begibt sichs oft / daß man ihn alsdann auff einmal gar herauß zeucht. Sie sind Elln / auch oft andert halb Ellen lang und Schneeweiß / auch gang kalt / wie wol er auß dem warmen Fleisch herauß kommet. Etliche sind so dünn / als ein Faden / etliche aber / wie ein starker Windsaden / die dicksten sind die giftigsten / teile mit mehrern an bemeldtem Ort zu lesen ist. Der unvergleichliche Conradus Rittershusius setzt in seinen Novellis p. 674. n. 3. quod blasphemix species sit, jurare per capillum & caput DEI. Nov. 77. & can. 10. si quis per capillum. causa 22. q. 1. Die Spanier schwören noch heutigen Tages bey ihrem Bart. Von Gratiano erzehlet laudatus Rittershusius, quod multa soleat ex jure civili mutare & compilare, in Nov. p. 524. n. 55. Capillorum & barbæ rasio cur Judæis interdicta, hat unser werther Dillherr in seinem I. Tom. Disput. Academ. am 134. und folgendem Blat stattlich außgeführt / und vieler Autorum loca zusammen getragen. De rasura barbæ, hat Herr D. Dorsch in vindiciis interventionis contra Cornæum p. 227. & seq. viel geschrieben / so wol zu lesen ist. Wer die Bärtlingi gewesen / hat Herr Professor Saubert. de sacrific. p. 167. tractirt. De barbæ prolixioribus hat er eben in diesem Tr. pag. 166. geschrieben. Herrn Hans

Stainingers des Raths- und Kirchenflegers in Augspurg / Vater auch Hans ge-
nannt / von Pranau bürtig / hat einē Bart vierdre halb Elln lang gehabt / welcher ihm
nach seinem Tode / als etwas singulars abgeschnitten / und als ein besonders Clino-
dium auffgehoben worden / wie ihm dann An. 1567. zu Pranau ein Epitaphium von
Stein / sambt seiner ganzen Statur mit dem langen Bart zu ehren auffgericht wor-
den. Hätte also dieser Stainingerus Barbatus, oder Longobardus mögen genehmet
werden / wie sonst Fridericus I. Barbarossa von seinem rothen Haar und Bart /
de quo Octavius de Strada de vitis Imperatorum, pag. 424. Ludwig / Herkog in
Bayern der Bartet; Eberhardus I. Herkog in Württemberg / Eberhardus Bar-
batus, wie auch Henricus, Herkog zu Breslau / Henricus Barbatus genennet wor-
den. Kayser Albrecht des III. Zopff soll noch zu Larenb. vorhanden seyn. An. 1657.
hat sich allhier zu Nürnberg Johann Ottele von Hobe auffgehalten / welcher seinem
vorgeben nach 115. Jahr alt gewesen / bey dessen Kupffer folgende Vers zu lesen seynd:

In diesem jetzt lauffendem Jahr
Zu Nürnberg gesehen war
Ein alter Mann aus dem Brabande/
Wolberedt / mancher Sprach zu hand/
Seines Alters 115. Jahr/
Verständig anzusehen war/
Zwo Elln / anderthalb Viertel ward
Sein Läng; fünff Viertel lang sein Bart.

Vide Ephemerides Nat. Cur. anni 3. Obs. 163. sub titulo longævitatis exempla,
Observatore Experientissimo Dn. D. Georgio Segero. Barbam promissio-
gerunt Equites Ordinis Teutonici: vide Dn. D. Limnæum, amicum honoran-
dum in J. P. lib. 6. c. 2. n. 58. De barbæ quinque partibus laudatus Saubert. de
Sacrific. c. 10. De expilatione barbæ p. 235. herumbscheeren / verschoren auß-
hen p. 235. de fortuna barbata p. 166. Weiber / so Bärt gehabt / Zeillerus Cent. 4.
quæst. 634. p. 171. Quænam sit barbæ in viris utilitas, fult Felix Platerus in qu.
med. quæst. 6. Es berichtet Michael Hemmersalm in seiner West-Indianischen
Reise von Amsterdamm nach St. Jorius de Mina, so ein Castell in Africa ist / daß die
Moren wenig Barts bekommen / werden auch wol 30. Jahr alt / ehe er sich erzeigt. Ihre
Haar schneiden sie einander oft ab / aber nicht mit Scheer- / Messern / davon sie nichts
wissen / weil sie kein Barbierer haben. Sie sind alle hart und schwarz / wie Borsten.
Philippus Bonus, Herkog in Burgund hat mit seinem Exempel die grossen Bärte
abgebracht / da man sonst zu derselben Zeit lange Haar und lange Bärte getragen.
Kayser Aelius Aurelius Commodus comam & barbam aduffit non fidens ton-
fori. Flava & crispa ipsi erat cæsaries, quæ, quando in sole ambulabat, velut in
igne quodam rutilabat, Octavius de Strada p. 75. Kayser Hadrianus flexo ad
pectinem

pectinem erat capillô, promissâ barbâ, ut vulnera, quæ in facie erant, tegeret. Primus enim Cæsarum Hadrianus, Dione teste, barbam nutrit. Octavius de Strada de vitis Imperatorum pag. 61. Rarâ barâ callidus, densâ barbâ stultus: Saubert. d. Tr. p. 167. **W**iewol Kaysers Hadrianus, dieweil bey den Jungen kein Autorität ist / keinen Tribunum, nisi plenâ barbâ, werden lassen / wie auß dem Spartiano Draco de Patric. p. 107. n. 13. in fin. vermeldet. Deme doch hätte können gesagt werden: Non esse ex barba virum, nec ex piloso mento mentem hominis judicandam, fore alioquin, ut, cum barbatiores hirci sint, prudentiores etiam hominibus censerentur, unde vulgata parœmia:

Si prolixa facit sapientem barba, quid obstat,
Barbatus possit, quin caper esse Plato?
Canescant alii mentô, nos mente, capillo,
Nos animô, facie, nos pectore; tempora quippe
Virtutem non prima negant, non ultima donant.

Wie der berühmte Conr. Rittersh. in Not. ad Günther. lib. 1. vers. 286. bemercket. Von Haarrupffen vide me ad Besoldum part. 1. pag. 729. Zu Inspruck ist ein gewachsener Trauben mit einem langen Bart $3\frac{1}{2}$. Schuhlang. Dn. Zeillerus in Itinerario Germaniæ p. 356. **Z**wiſchau hat von Kaysers Henrico III. diß privilegium bekommen / daß die Raths-Herrn und ehrliche Bürger daselbst möchten Knebel-Bart und Kolben / oder capillos ramos tragen. Zeiller d. Itinerar. p. 664. Die Portugalesischen von Adel haben ihren sonderlichen / mit ihren Bärten und Haaren / Gebrauch / die Sieden Tag über wol 10. mahl kämmen / drehen / ziehen / salben und schmücken / lassen Ihnen / wo Sie gehen / Rehrbesen / oder Bürsten / Kamm und Schwamm / Salben und Schmincke / nachtragen. Sethus Calvius meldet / daß die Pohlen dem Pabst versprochen / daß Sie das Haar nicht weiter / als biß zu den Ohren wolten wachsen lassen / und Jährlich von jedem Haupt ein Pfennig nach Rom schicken. Die Burgundier brauchten zu ihren Haaren Butter und Essig / ja Sie salbeten auch die Körper selbst mit Butter. Es kommen theils Menschen in Haaren auff diese Welt / wann der Mutter Leib sehr erhitzt / auch bey den Kindern selbst ein grosse Wärme ist. Die Blutreich seyn / haben falbe / die Melancholische schwarze / die Røzige Mausfalbe / Weißflechte / die Jäch-zornige oder Cholerische gemeiniglich røthlichte Haar. Neben der Stadt Calabria citeriorinnen 2. Fluß / deren einer gelbes / der ander schwarzes Haar macht. Imperator Nigerius fuit capillô ad gratiam in verticem reflexo. Heliogabalus mentum rasit. & philothrum adhibuit, ne pili & barba ei nasceretur. Horatius sagt an einem Ort: Sapientem pascere barbam. Und Martialis: Propendet mentô nec tibi barba minor. Zielen auff die / welche dem Socrati oder Demostheni nachahmen wollen / von welchen das Sprich-Wort bey dem Erasmo in Adag. Chil. 1.

Cent. 2. adag. 95. heist: Barbatenus sapienter. Condalus Mausoli præfectus à capillis, quibus Lycios delectari sciebat, pecuniam exigebat. De hoc tributo capillorum videndus Klockius de Ærario lib. 2. c. 145. n. 19. Von Haar abschneiden/ Haar flegen lassen/ langen Haaren/ Bart und Barbierern/ handelt gar schön/ außführlich / und herrlich Herr Speidelius in seinem Speculo Notabilium p. 111. 112. 553. biß auff pag. 558. In Ungarn gibts auch Derther/ so vom Bart den Namen haben; als / Bart-Feld/ Bartfan/ Bartpha. Longobardi pugnaturi cum Italis, cæsariem mulieribus suis circa mentum ligarunt, ut viri crederentur: Et quoniam in illo congressu longis barbis usi sunt, Longobardi, quasi Longobarbi, die lange Bärter/ hodie Lombarder fuere appellati: Germani enim erant, quibus & vocabulum Gott/ quò Deum vocamus, acceptum ferimus, Mercurium quippe colebant, quem Gotham dixere, Draco de Patric. pag. 147. circa finem, von den furkweiligen Meerfagen/ so man Bart-Männer heisset/ erzehlet viel seltsames mehr angezogener Author der Reise-Beschreibung des Castells de Mina. Aber was überschreit ich mit solcher Weitläufigkeit den modum Epistolæ? Diß hab ich deswegen gethan/ daß ich erweise/ restare adhuc, in quibus perficiendis ingenium quisque suum exercere, & τεμμάχον aliquod ad μέγала δειπνα studii hujus tam necessarij adjicere possit. Es möchte mancher sagen/ es wäre in Jure nichts von Haaren zu finden. Deme könnte zugesprochen werden/ wie einmahls Baldus, als Er vom Herzog zu Mayland gefragt wurde / an sciret Legem loquentem de vespis, quæ sunt in segete? geantwortet; qui studet, benè reperiet; qui verò non studet, non reperiet. Und hindert nichts / ob einer schon viel auß andern entlehnet und anziehet/ quia, etsi quis in suo libro omnia aliena dicta posuerit, de suo autem nihil adjecerit, tamen suus liber reputatur, per l. necessariam 2. in pr. ibi, non quia Papyrius ibi quicquam de suo adjecerit, ff. de O. l. Unser sinnreiche Betulius hat auch schöne Gedanken von Haaren/ wann er geschrieben:

Mein Leib ist wie ein Haar/ das leichtlich fällt und bricht/

Leicht reißt am Rocken ab mein dünner Lebens-Faden/

Wie Haare Jahre sind. HERR laß die Zeit der Gnaden

Mich treffen in der Zeit / daß ich verderbe nicht.

Der Gott/ ohne dessen Willen uns unsere Feinde nicht ein Härlein krümmen können/ gebe und verleihe/ daß wir alle unser/ unsers Standes und Berufs/ unsers Nächsten/ unser unsrigen/ wie sonst in andern also auch in tuendâ & conservanda valetudine, wol wahrnehmen / damit wir hler die Ehr der grauen Häupter/ und dort bey unserm Eißgrauen Gott / dessen Haupt und Haar/ wie weiße Wolle/ (Apoc. 1, 14.) als der Schnee / die Cron der Ehren erlangen mögen. Ita precor ita voveo, ita fiat!

Geben zu Hauß den

28. Januarii Anno

1662.

Deß Herren Williger

Christoph Ludwig Diether.

U. L. D. & Advoc.

Salu-

Salutem.

Titulus. Hochgeehrter Herr Doctor, neben seinen bedeuteten quæstionibus Legalibus Pauli Zachia haben wir bey noch unterschiedlichen auch das Tribunal Medicum, so erst vorm Jahr publiciret worden. Die variè deglutita, worunter auch die Haare zu zehlen / habe ich billiger Massen unberührt übergehen wollen / indeme Momus vorhin seine müßige Augen mehr auff meine actiones, als seine ungeitige judicia gerichtet. Deme ich es gerne zu Gut hätte halten wollen / wann er sich nicht rücklings eines solchen conaminis gebraucht hätte / davon Ihme mehr Spott durch sothanes traduciren / als Ehre bereit erwachsen wäre. Die Buß-Haare der nunmehr bekehrten und gerechtfertigten Mariæ Magdalena; weiln dero Sünden auff Zählen erliessende Neu mit dem unermesslichen weiten und breiten Deck-Mantel der Barmherzigkeit Gottes zugedecket / als zehlen wir selbiger Haare Gedächtniß zu allgemeiner Abhandlung derselben / und gehen solche mehr die Herren Theologos als I Ctos und Medicos an: noch viel weniger ihre Geburts- und Ankunfts-Stadt Magdala, welche im Stam Iaschar gelegen: wovon neben vor angezogenem Hoch-Edlen Herren Fürern, Henricus Büntingus und andere mehr zu sehen. Es ist zwar die Handlung von denen Haaren bey denen Medicis zimlich weilläufftig außgeführt worden. Weme aber ein noch mehrers hievon ex professō beliebt / wird noch wol in selbiger Materi etwas antreffen / nec nodum in scirpo quæret. Unsere consideration gehet mehr ad præternaturalia, à physica consideratione jam aliena.

Wolf. Ambr. Fabricii de signaturis Plantarum ad corpus humanum collatarum, indeme Er gedencet / daß selbiger auch die Haare erwehne / wie nemlich der Baum-Moß selbige repræsentire und deutlich vorbilde / ist zwar sehr wol gethan; dann auch solcher labor posthumus von seinem Herrn Vater / dem Edlen / Ehrenvesten und Hocherfahrenen Herren Johann Georgio Fabricio, Phil. & Med. Doctore, Facultatis suæ allhier Seniore dignissimo, S. R. I. Comite Palatino eminentissimo, hujus inclutæ Reipublicæ, ut & diversorum Imperii Principum Archiatro emeritō, Patrono ac Collegâ meo honoratissimo, auff das fleißigste expolirt / und druckfertig gemacht worden; Allein es düncket mich / der Herr wolle mich mit allem Fleiß aufffrischen / etwas de signaturis Plantarum auff die Bahn zu bringen / oder da ich selbiges nicht thäte / dem gemeinen Wort nach weisen / daß es mir Böhmisches Dörffer wären / wie er dergleichen noch wol einen und andern antreffen solte. Wahr ist es / daß selbiges Kupffer-Blat dem Kunst-stecher überauß wol gerathen / Ursach / weiln Er einen vortrefflichen Manuductorem gehabt / erst angezogenen Herren Fabricum Seniore; halte auch wol dafür / es werde sich Fabricius Junior dermal bedient gemacht haben deß sehr schönen Tractats Osvaldi Crollii, de verâ & vivâ Anatomia majoris & minoris mundi, massen tabula 2. thes. 28. pag. 8. gegen erst angezogenen Crollii Arbeit gehalten / mit dessen 20ten Blat nett überein

stimmet; Wäre auch selbe Materi bessers Aufführens wol werth. Dann daß die völlige Substanz an den Quitten ins gemein die Haare vorbilde, kan jeder verständiger leicht ermessen; Dann sowol der Apffelbusen an der noch frischen Blüthe und Bletterwollig bekleidet zu sehen: Daher besagte Wolle zum Venerischen Haaraufffallen gebillichet wird. Die Usneam Arabum & officinarum, oder Baum-Moos belangend/ so am meisten grün / je dunkler Farb / je gelb / je rothfärbig zu finden / ist eben der Baum-Moos/ so in des Herren gedachten Schemate vorgebildet worden/ und sich mit denen Haaren vergleicht/ oder dero Signatur abbildet, Deren einer dünner oder dicker/ länger oder kürzer zu finden; den nennen etliche *σπλάγχνον*, muscum arboreum, sive quernum, da er doch nicht auff Eich. Bäumen allein / sondern auch auff vielen andern Bäumen anzutreffen; als / Alber. Bäumen / Ulmen / Birken/ Aepfel/ Birn/ Fichten/ Föhren/ Tannen/ Cedern/ Lerchen/ und andern mehr/ ja auch an denen Felsen wächst/ massen Thalius dessen gedencet in Sylva Herciniâ Saxo-Thuringicâ pag. 77. 78. Der meldet dabey eines absonderlichen schönen Baum-Mooses / der meistens auff den Buchen zu suchen; Nur allein umb Stolberg und Zifeld wachse er fast wie die Corallina, jedoch schön fräulich / daher selbiger mit seiner Signatur die krausse Haar vorbildet. Den allerlängsten Baum-Moos/ so aschenfarbig ist/ meldet Car. Clusius, daß er auff einer Stein-Eichen im Wald unfern vom Closter Gramont wachse/ so mit denen falschen Haaren der heutigen Fränkischen Teutschen übereinkommt/ und dessen Signatur trägt: Oder aber denen langen Frauen Haaren. Dem kam nun billich zugesellet werden jener von sehr hohen Bäumen bis auff die Erden herab hangende blau-grünliche Baum-Moos in Indien/ mit welchem sich die Königinne der Insul Florida bedeckt/ so anderst nicht anzusehen / als ob er ein dergleichen durchsichtig Geweb wäre. Dahin ist auch dieser Indianische Baum-Moos zu zehlen/ mit welchem gedachter Insul Florida Inwohner anstatt eines Tapets über ihres Königes Thron gebrauchen: Besiehe hievon den andern Theil Americæ, oder von der neuen Welt/ und dessen 39te Figur. Wie sich Muscus ramosus floridus Tabernæmontani und Gerhardi, oder Muscus feeniculaceus Lugdunensium, (hätte schier auch das Fœniculum selbst daher gezogen) mit der Haare Signatur begehe oder vereinigen lasse / besiehe erst-gedachte Authores. Wo ist nun/ frage ich / die edle Usnea microcosmi hinzudeuten? Einem in plantarum cognitione velleviter versato dürfte es alsobald eingehen / daß Er solchen Muscum bey erstem Erblicken / auch ohne mein Erinnern / unter diese rechne. Herbam palustrem Crollii & Fabricii lasse ich an seinen Ort gestellet; Mir bleibt es Fœniculum aquaticum. Adiantum zehlen sie gleicher Gestalt unter der Haare Signatur, so sie auch capillum Veneris verum heißen / weiln von dessen Gebrauch die Haare fest und schön werden; Etliche nennen selbiges Adiantum foliis Coriandri, Terræ capillum, Coriandrum putei, Cinnamalem, Callitrichon; Zu Teutsch Abthou/ Maygling-Kraut/ Stein-Kauten. Hieher gehören auch Adiantum

tum foliis longioribus pulverulentis pediculô nigrô, sive Onopteris major Tabernæmontani, & Adiantum pulcherrimum Lugdunensi simile Thalii: Item Adiantum ἀφύλλον majus, medium; minus, oder dreyerley Jungfrau-Haar oder gulden Widerthon/ sive Polytrichon Apuleji; Item Adiantum foliis minutim in oblongum scissis, pediculô viridi C. Bauh. Item Adiantum fruticosum Brasilianum ejusdem, & Adiantum mas Tabernæm. sive Onopteris foemina Gerhardi. Wann nun diese Wiederthon alle der Haare Signatur tragen/wann selbige/ so zu reden/ in ihrem Wolstand und ohne Mangel; Warumb solte nicht Adiantum ἀγκόγιον, bifurcatum aut trifurcatum Beati Jungermanni, & Joh. Thalii die Signatur und Kenn-Zeichen der erkrankten Haare vorbilden/ wann selbige von denen so genannten Haar-Milben geplagt werden/ oder sich spalten. Trichomanes sive Polytrichum Officinarum, sive nigrum & mas Tab. & Saxifragia rubra Thalii.

Trichomanes mas majus Tabernæmontani: Trichomanes candidum Thal. sive minus & tenerius, plantula Trichomani nigro similis quidem, sed brevior candidiorve.

Trichomanes ramosum majus, sive foemina Tabernæm. Et Trichomanes ramosum minus, sive minor foemina Tabernæm. Haben gleiche Signatur mit denen Haaren/ massen auch der Name diesen Kräutern gegeben/ von denen Haaren entlehnet ist.

Polytrichon album Apuleji, sive rorella foliis oblongis, oder Sonnen-Tau mit länglichten Blättern/ und rorella foliô rotundô, sive Ros solis major, & rorida Lobelii, aut Sponsa Solis und falsi rora Thalii, grosser Sonnen-Tau/ dürften Namens-halber/ so ihnen Tragus und Lonicer geben/ wie auch der zaaserischen Wurzel und gefastten Blätter halben auch unter der Signatur der Haare statt finden.

Ist noch übrig Thapsia, von welcher der unter denen Arabern gelehrte Avicenna sagt/ daß sonst nicht wol ein Kraut zu finden/ welches die kahle Häupter mit Haaren eher bedecken mache/ als eben dieses; Dessen erstes Geschlecht mit grossen weiten und breiten Blättern Car. Clusius in seiner Reisenach Hispanien umb Valodolid angetroffen/ ist ihm an der Zahl das dritte/ lib. 6. Histor. cap. 5. fol. CXCII. Die andere Thapsia hat breite haarichte Blätter/ wird von Lobelio, Dodonæo und Tabernæmontano für ein Sefeli Peloponnesiacum gehalten/ daher zu besserer Erkännnuß es Sefeli Peloponnesiacum, mit Wütschierlings Blättern von dem rechten Sefeli Peloponnesiaco unterschieden wird. Blühet gemeiniglich im August-Monat/ wächst auff felsichten Orten/ oder auff Stein-Klippen/ in Hispanien und Portugall gar gemein.

Die dritte Thapsia mit Rosmarin-Blättern ist aussen schwärzlich/ innen aber voll Milch weissen Safftes/ sonst Teuro genant/ reucht am allerübelsten/ und ist

Clusio

Clusio die vierdte in der Ordnung. Thapsia Dioscoridis, wächst mit Blättern fast wie der Fenchel / mit einer langen schwammichten Wurzel / so aussen schwarz / inwendig weiß / ist Clusii andere / Gerhards und Tabernæmontani aber schmahlblätterichte Thapsia.

Der Fünfften Thapsiæ carotæ foliorum gedencken etliche Authores; Wird von Andr. Cæsalpino vor Mesuei weißes Turbith gehalten; Deme der gelehrte Gesner beyfällt / der es von einem Berg in Apuliâ, Gargano genannt / Turbith montis Gargani und Thapsiam veram tituliret: Diese brauchen etliche pro costo nit ohne hochschädlichem Betrug; Dann Thapsiæ radix seiner Natur und Eigenschafft nach weder mit dem Costo, noch auch mit dem Turbith zuvertauschen: Man findet aber solche Thapsia. Wurk gemeinlich über die Quer geschnitten / und Hand-völlig; ist aussen bräunlich / inwendig weiß / mit einer dicken Rinden umgeben / an seiner Substanz lufft / sehr scharffen Geschmacks / und verursachet / da sie genossen wird / viel unannehmliches Speicheln / und wann solche zerrieben wird / gewinnet es fast so übeln Geruch / wie altes stinckendes Schmeer: Kommet also mit dem Costo officinarum gar nicht über ein. Besiehe hievon B. Casp. Hofmanni lib. 2. Officinal. Medicam, c. 224. f. 5. & fol. 572. Unter die Signatur der Haare zehlet man auch die schmahlblätterichte Stab-Wurk / worunter auch der Barthagen: Wovon nehen noch andern zu lesen Joh. Bapt. Porta lib. 3. Phytognomon. c. 35. f. 129. So vergleicht sich auch Muscus marinus primus Dodonæi guten Theil mit dem Haar-Gewächs.

Die Mauer-Kauten hat auch die Signatur der Haare / so von Leonh. Fuchsio Empetron. von andern Paronychia, von etlichen Salvia vitæ genennet wird. Wie auch Schlehen-Moß / Flachs-Seiden / Baumwinde / Schlaf-Apfel / Hirsch-Wurk / Brombeer-Stauden / Beer-Wurk / Haar-Strang / Manns-Treu / und noch viel andre mehr. Von der Türckischen Art Haare / so auff dem Haupt / so am Leib abzunehmen / hab ich bereit bey der Amazonum, und Canibalum Meldung etwas weniges andeuten wollen / ist mir auch Illustris Fureri gleich so wol als Schveiggeri reverenda Authoritas gnugsam bekant: Es ist aber auch dem Herren jenes distichon in frischem Andencken / das also lautet:

Turpe pecus mutilum, turpis sine gramine campus,
Et sine fronde frutex, & sine crine caput.

Als lassen wir sothanen Barbarischen Völkern ihre Barbarische Weise. Und damit ich ja noch eines hinzu setze / so ist zu wissen / daß die Physiognomia von kurzen und langen / dicken und dünnen / kraussen und glatten Haaren ein Urtheil fälle von des Menschen Temperament, Natur und Sitten / wovon zu besehen Moldenar. Exercitat. Physiognom. p. 47. Wilh. Gratarol. c. 5. & 6. Joh. ab Indagine, Introductione Physiognom. c. 8. fol. 70. Joh. Bapt. Porta, und andere mehr. Die Gold-Schmiede hat die Erfahrung auch eine Kunst gelehret / dem Golde mit denen Haaren seine verlorne Farb wieder zugeben. So erweisen auch die Haare die in der

Schlaff-





Selago tertia, Thalij.

Schlaff Sucht / Ubertrog / und Mutter. Schwachheiten erkrankte Personen. Was Michael Hemmelfam und dessen Reise Beschreibung belangt / hat eben an denen Orten auch / so an sich selbst / so an andern seinen damahligen Reise Gefertener erfahren Leonhard Erang / mein nun seel. Avunculus, welcher sothane Reise in neunzehn Jahren zum zweyten mahl glücklich verrichtet. Es ist aber solch Warm-Gewächs nicht nur allein diesem sondern auch dem Namen nach Galeno bekannt gewesen lib. 6. Loc. Aff. cap. 3. Wie nicht weniger Aëtio, Aeginetæ, Abucasi, Agitarchidi, Alsaharavio, Amato Lusitano, Avenzoar, Avicenna, Rob. Constantino, Leonhardo Fuchsio, Goræo, Hay Abbati, Langio, Leonida, Manardo, Mercuriali, Plutacho, Jul. Polluci, Rhafi, Laur. Scholzio, Dan. Sernerto, M. A. Severino, Sorano, Spigelio, Th. à Veigâ, Wiero, und noch viel andern / so Willkürigkeit zu verfahren ich billich ungemeldet übergehe. GOTT gebe / daß nechst freundlichem Gruss: sein gethaner Wunsch an uns allerseits erfüllet werde! Vale!

(Ad Collectores Ephemerid. mense April. Anno 1674. Vratislaviam.)

OBSERVATIO CXLIX.

Dn. Jacobi Breynii

De

Selagine tertia thalii.

Hoc nomine quidem à Thalia in silva Herciniâ pag. 116. à Johanne Bauhino in Historia universali plantarum Toræ. III. Lib. XXXVII. pag. 759. nomine Musci terrestres recti, (ubi male cum Sabina silvestri Tragi, seu Selagine prima Thali, errore typographico, confunditur. Nam lineæ posteriores tredecim, quæ hujus Musci terrestres recti descriptionem sequuntur, post Musci terrestres ramosi pulcherrimi: & lineolæ sex sequentes, post hujus descriptionem ponenda: descripta, & à Cassp. Bauhino in Pinace pag. 360. Muscus erectus ramosus saturatè viridis nuncupata. De figura autem & viribus apud nullum hæcenus Botanicorum quicquam reperi. Itaque eandem cum brevissimâ descriptione offerendam statui. Amat montosas Cassubiæ silvas, ubi Lycopodium æmulatur: nec tamen humi serpit; sed rectâ altitudine dodrantali surgit. Ramos habet crassiores, qui in divisione bifurcatum ordinem plerumque observant, & velut erecti apparent digiti, longioribus Lycopodii ac latioribus, sursum tendentibus, viridibus foliolis densè stipatos. Quorum inter supremorum penè foliorum alas granula lutea, quædam exigua mense Majo protruduntur, quæ flores ac fructus, claviculæ locò, quibus caret. Vis ei ad foetus depellendos efficacissima, meretricibus, infanticidiû sæpius eadem com-

Z

mitten-

mittentibus, plus satis nota, inest. Hinc in Officinis nostris, quæ Maschlaber ei nomen tribuunt, ut alia noxia non promiscuè omnibus venditur. Rhizotomæ mulierculæ feбри & corrupto stomacho eandem opponunt, decoctamque cum cerevisiâ ac haustam multis fuisse salutiferam perhibent, & purgantem volunt. Vomitus ciet vehementissimus, corpus humoribus variis peccantibus exonerantem; sed maximè etiam alterantem. Tutius robustioribus, quàm teneriori texturæ hominibus præbetur. Vilioris conditionis homines in aqua coquunt, qua ad abigendos pediculos caput lavant; quod tamen turbare maximè dicitur.

OBSERVATIO CL.

Dn. Jacobi Breynii
De

Fungo coriaceo quercino Hæmatode.

Rarissimum hoc, præstantissimum & dignissimum admiratione Corium vegetabile Anno M. DC. LVIII. zur Busche zum Hogensteg/ duo milliaria Argentorato distantis, in medio quercus, medullæ velut subiculâ circumvolutum, à lignatoribus inventum est, & ab incautis in frustra dissectum, interque eosdem ob vim medicinalem divisum.

Tenerum erat, molle, flexile, planum, nonnihil rugosum; eâ longitudine & latitudine, ut Colobium (ein Kolder oder Colet) ex eodem commodè conficere licuisset: colore pallido ad flavum nonnihil tendente, itemque substantiâ, tractatione ac figura alutæ ex pelle caprina confectæ similis, quàm ovum ovo; nisi quod crassius, materiâ minùs compactâ, intùs prætereà passim duriuscula & rotunda tubercula, in manus magis, quàm oculos incurrentia, occultante. Initio gustatus vis statim quædam attractiva apparebat.

Nobilissimum præstantissimumque remedium hæmorrhagiæ narium inhibendæ, si cordi particula ejusdem imponatur, dicitur, quod cuidam cognatorum meorum ab iisdem lignatoribus (*qui tunc temporis, quo inveniebatur, præsentem non exiguo frusto donârunt, quod dimidiatum, ut hic depictum cernitur, non sine ingenti gaudio meo mihi obtulit:*) non modò constantissimè assertum, sed ab ipso etiam & aliis manifestò compertum est. Et qui aliter fieri posset, quàm ut hic embryo in utero arboris intimo generatus, cujus partes plurimas atque excrementa, sanguinis stitisse fluxum, jam olim celebratum, majorem adhuc virtutem à genetrice imbiberet.

Hinc persuasissimum mihi est, non sine insigni fructu, nimio mensum profluvio, in aliisque fluxibus sanguinis adhiberi.

Apud



Fungus Coriaceus Quercinus Hemolodes

AD OBS. CL



Fungus Sinensis Antidotalis
Lac Tigridis Dictus.

Fungus Barbatys Quercinus Teterima
Foetidus



AD OBS. CL, III.

AD OBS. CL, I.

Apud *Aldrovandum Dendrologia* lib. 2. pag. 404. affine huic corio, quod ex caudice pyri auctori memorato obtigit, nominæ *pyri cortex interior membranaceus*, tanquam admirabilissimum expressum descriptumque est. Quo in loco nihil quidem de virtutibus, sed philosophicè de origine ejusdem, quomodo in arbore pyri, lætamine caprinarum pellium impinguatâ, oriri potuerit, agitur. De quo Lector Curiosus plura percepturus citatum locum consulat.

Illud certò certius, nostrum nihil aliud, quàm fungosam materiam ex arborum morbis, ut alii fungi, inter alburnum (*Spond*) & medullam, aut etiam inter corticem interiorem & alburnum prognatum, quam necessario, premente perpetim ligno, planam & latam, cumque toto illo genituræ tempore ab aëre ita muniretur, teneram & mollem crescere oportuit.

Idem etiam corium in fagi stipitibus reperitur, ut in quodam ligni vulgaris, ex Norvegia allati, frusto observavi, inter cujus corticem interiorem & alburnum firmiter hærebat, fortasse nondum satis maturum cum arbor cæderetur.

OBSERVATIO CLI.

Dn. Jacobi Breynii

De

Fungo barbato quercino teterrimi odoris fætido.

Sicut naturæ mirè ludentis voluptas fuit orchidum flores variis exprimere animantium figuris; ita non minùs fungos etiam creare formis aspectu mirabilissimis placuit, ut inter alia ex fungo coralloide cancellato Clusii: fungo digitato & fungo maximo Ungarico Casp. Bauhini, Phallo Hadriani Junii, Aldrovandi fungo cochlearis facie, anguine, gallipede, arboreo tricorni &c. D. Bernhardi fungo monstroso in alveari invento, in *Ephemeridibus Curiosorum Germ. Anno II.* inprimis autem in fungo anthropomorpha D. Segeri, qui in iisdem Ephemeridibus deprehenditur, atque ex nostro fungo memorato coriaceo, nec non ex duobus sequentibus conjicere licet.

Primum eorum Anno M.DC.LXIII. mense Augusto, in silva non procul ab acidulis Schwalbacensibus, in quercu quadam observavimus. Ex cujus caudice magnitudine pugni minoris, niveus, carnosus, ovali penè figurâ, superiùs latior, inferiùs magis acuminatus, & undique radiis crassis unciali longitudine deorsum vergentibus, velut bilis, in modum barbæ inferioris cuspidatæ, excreverat. Odorem, dum avellere eum ab arbore annitebar baculo, adeò gravem, foetidum ac virosum exhalabat, ut eundem missum facere cogeret.

OBSERVATIO CLII.
D. Jacobi Breynii

De

Fungo cornu dorcadis facie.

Alter ille, qui Anno M. DC. LXI. Amstelodami ex arboris pyri aut pruni trunco originem habuit, duobus constabat ramis, formâ, magnitudine, crassitie, ramulisque adhærentibus, cum cornibus capræ mediocris penitus comparandus. Substantia erat lignea, levis ac fungosa, color candens.

OBSERVATIO CLIII.
D. Jacobi Breynii

De

Fungo Sinensi antidotali, lac Tigridis dicto.

Sina illum in locis arenosis, in primis in littore maris, gignit, ubi, Sinensium relatione, ex tigridum lacte elapso oritur. Tenuem, extubere rotundo candidoque, protrudit pediculum, in quo orbiculatus, infrâ plicatus, albusque pileolus eminet.

Antidotum ruber illud præsentissimum, plurimis resistens venenis, perhibetur, in morbis maximè expetitur.

(*Quinque istas Observationes Nobiliss. Dn. Breynius, Excell. Dn. D. Joh. Schmidio dicavit, à quo mense Majo Anno 1674. Vratislaviam sunt transmissæ.*)

OBSERVATIO CLIV.
D. Johannis Schmidii

De

Obli-vione lectionis ex apoplexia, salva scriptione.

Primarius apud nos civis, senex, 65. ætatis agens annum, Nicolaus Cambier, apoplexiâ corripitur vehementissimâ, cujus funestum exitum adstantes metuebant omnes, revulsoriis tamen ex arte adhibitis remediis generosioribus, venæ sectione nimirum, enematibus acrioribus sopitam facultatem stimu-

stimulantibus, ventosis cum incisione profunda scapulis & nuchæ appositis, non neglectis inunctionibus nuchæ, bregmatis & narium, propinatis subinde essentiis & spiritibus cephalicis, quantum per corporis indispositionem licebat, cōres deducebatur, ut sensim ad sese redire conspiceretur, factâ metastasi ad latus dextrum, quod in hemiplexiam desinebat, lingua difficulter facere officium incipiebat, loquebatur mussitando plurima, animi tamen sensa exponere aptus non erat patiens; substituebat enim vocabulum unum pro altero, ut hariolando tantum voluntatem ejus cognoscere adstantes opus haberent; mutabatur affectus hicce subinde in epilepsiam, cum convulsionibus vehementioribus, hæc in illam desinebat iterum, ita miserè miser torquebatur. Superatis tandem DEI beneficio hostibus hisce atrocissimis, non semel instantem mortem qui minati erant, ultimum debellandum linquebatur malum, quod characteres legere, multò minus combinare nullatenus posset, neque enim literam ullam cognoscebat, neque unam ab alterâ distinguebat, sed quod mirum est, si nomen ipsi aliquod vel dictio scribenda traderetur, promptè illud & orthographicè in quocunque ipsi antea notò idiomate scribere sciebat, scriptum autem propriâ licet manu legere, vel characteres distinguere & dignoscere non poterat; Si enim, quæ hæc vel illa esset litera, vel quâ ratione literæ combinatæ fuerint, ex eo quæreretur, casu tantum vel scribendi consuetudine, sine omni judicio scriptiōnem peractam fuisse apparebat, neque informatio ulla locum habebat: nullis enim præceptis, nullâ manu ductione literarum cognitio inculcari iterum poterat, secus quam in lapicida quōdam nostrate, Wilhelmo Richter / videre mihi contigit, qui post curatam apoplexiam legere quidem penitus non poterat, neque literas cognoscere, informationem autem ex literarum elementis Alphabeticis admittebat, cujus ope brevi temporis spatio literas iterum cognovit, combinavit, sicque ad perfectam lectionem pervenit.

SCHOLION.

MEmoriæ vitia varia ex variis orta causis externis internisque, ab authoribus descripta habemus, nota sunt, quæ de memoria læsa notavit Th. Jordanus de pest. phœnom. pag. 275. Salmuth Cent. 2. Obs. 41. Tulpius l. 4. Obs. cap. 14. Zuving. Th. Hum. fol. 36. Forestus lib. 10. Observ. 32. Capivaccius Conf. 7. pag. 948. Schenckius Observ. lib. 1. fol. 77. 78. Jul. Cæs. Bened. Conf. 39. p. 130. Erast. Annot. in Comm. Mont. p. 194. 195. In nostro casu hoc memorabile occurrit, quî factum fuerit, quod scribere potuerit, scriptum autem legere, vel literas propriâ etiam manu exaratas ne cognoscere quidem valuerit? an causa in eo sita fuit, quod ulu longiore literarum combinationem sciverit, ut in iis

evenit, qui clausis licet oculis scribere nōrunt; Operatur scilicet in scriptionis actu phantasia, licet in distinctione vel simplici etiam cognitione vacillet memoria.

OBSERVATIO CLV.

D. Johannis Schmidii

De

Dysuria cum penis retractione.

Civis apud nos inter primarios M. Z. molestissima & diutissima corripitur *δυσουρία*, quæ ad eum devenerat vehementiæ gradum ut intolerabilis in urinando dolores, & incessabilem mejendi conatum tam de die quam nocte pateretur, causa nec in sabulo, nec calculo, nec vesicæ inflammatione, nec mentulæ excoriatione, sed feri scorbutici acrimoniâ inveniebatur, quæ à falis acidi resoluti copiâ ortum trahebat, in transitu per vesicæ corpus & urethram cruciatus istos causabatur; tingebatur enim urina sæpius intensè, quæ lixiviosa apparebat, & cruorem etiam nonnunquam admistum habebat. Filamenta quoque & furfuracea, quæ à vesicæ corpore avulsa judicabam, sæpius sese monstrabant, quæ tanto cum dolore, tanto cum excernendi stimulo egrediebantur, ut vossella sibi partes peritonæi & mentulæ incidi conquereretur, & clamoris vehementia comprobaret. Ego tragicum exitum, vocatus, statim prædixi, cum in proVectioribus ætate malum hocce curationem non admittere, & practicum sit consensus, & ipse non semel expertus fuero, quod partim integris viribus ad partes hæc remotas per tot anfractus, per tot concoctiones pervenire medicamenta non possint; partim quod ætas gravior caloris pauperiem junctam habeat, unde debiles partes nervosæ facilius ab humorum acrimoniâ vellicantur, quam cum naturæ debilitas ferre non posset, exhaustæ enim continuâ hæc vellicatione & continuis doloribus spiritus, succumbere tandem ipsam oportebat. Strenuè quidem contra hostem remediis convenientibus actum est; contemperavi nimirum acrimoniam, renes & vesicam roboravi, exhaustos spiritus *εὐπρέπει* resarcire allaboravi, diuretica blanda cautè propinata sunt, fomenta, balnea, linimenta, injectiones per syringam ex lacte, ex mucilaginibus adhibitæ sunt, sed irritum omnia effectum, ita enim augebantur dolores, ut circa omnem penè noctem anodynis variis dolorum impatientiam mitigare ad minimum opus habuerim, unde quidem illi remittebant, sed per brevia intervalla recurrebant. Duranti sic pertinaciter ultra anni spatium affectui tandem novum & insolitum accedebat symptoma, mentula buippe tota de repente ad interiora, sine tamen dolore, retrahebatur, cujus intra corpus con-

vulsio

vulsio certè mirabilis fuit, nimirum nec quicquam de pene apparebat, ne vestigium quidem, secus quàm in *Observatione* 50. *Anno* 2. *Miscell. Curios.* notatam historiam vidi, ubi præputii aliqua adhuc particula extra abdomen pendulare relicta fuit; in hoc autem casu, non nisi fovea, in loco consueto monstrabatur; turgescibat scrotum, urina autem, quæ per penem, ut antea factum erat, excerni non poterat, ex foveâ continuò stillabat, unde scrotum miserè erodebatur, & tandem inflammabatur, sicque novi conciliabantur dolores, quorum vehementiam natura cum ferre amplius non posset, exhaustis tandem spiritibus æger animam efflavit.

OBSERVATIO CLVI.

D. Johannis Schmidii

De

Vermibus cum urina excretis.

Varia per urinam inverso naturæ ordine excerni à Practicis passim traditur. Cruenta, ex purulenta urina nemini non nota est; rarior pilorum est mictio, tamen exemplum in rustico Insulano vidi; sunt & similia notata ab Authoribus. Confer *Tulpium* l. 2. c. 52. *Joubertum de urinis* c. 20. *Hildan. Cent.* 5. *Obs.* 50. *Vierum* l. 3. de *Præstigiis Daemon.* c. 15. *Horst. Epist. Sectione* 5. totâ, & alios. Vermes autem vivos excerni adhuc rarius est, nec tamen & hic desunt Observationes. Vermis cruenti *Tulpius* l. 2. c. 49. meminit, & 20. vermium excretionem c. 50. l. 4. tradit; lumbrici mictionem *Rhodius Cent.* 3. *Obs.* 36. tradit. *Hollerius de Morb. Int.* l. 1. c. 54. p. 56. *Salmuth. Cent.* 1. *Obs.* 49. *Pareus* millepedem vermem per urinam excretum vidit l. 19. c. 3. *Rhodius Cent.* 3. *Obs.* 35. vermiculi excreti historiam habet; notum insuper *Bartholini Cent.* 1. *Hist. Annot.* 89. de verminosa urina exemplum. Similem & mihi non ita pridem videre casum contigit: Nimirum Per-Illustris & Reverendissimus quidam Canonicius Varmienis binos sine dolore per urinam excrevit vermes vivos, qui per microscopium observati, hirsutierant & octo pedibus præditi, vitamque ultra diem, ut ex motu & gressu cognoscebatur, protrahebant.

OBSERVATIO CLVII.

D. Johannis Schmidii

De

Alvi excrementis per genitalia jeclis.

MArtini Jenneri, mercatoris apud nos, filia sexennis manibus pudenda continuò fricabat, quæ ob rei turpitudinem à parentibus sæpius corripie-

incipiebatur, tandem ex fructuum horarum intempestivo usu in malignam incidit dysenteriam, qua de causa vocor in consilium, propino contra malignitatem & humorum acrimoniam pugnancia remedia, non neglectis subinde cordialibus & roborantibus, enema etiam ex abstergentibus & consolidantibus injici curo, quod dum applicatur, liquor enematis per pudenda rursus effluere conspicitur, territus ad insolitæ rei hujus visum parens, me advocat, & ut inquirerem & edicerem causam obnixè rogat; Accedens puellam tabulæ imponi jubeo, pudenda inspicio, & velamento aliquo carnosio illa subducta, sicque clausa esse animadverto, ita tamen ut supernè & infernè stilus exilis intromitti possit, ubi exilia foramina, per quæ urina impetuosè extrudebatur, conspiciebantur; cum autem liberum effluxum urina non haberet, moram circa velamentum trahere opus habebat; acrimonia autem seri retenta loca obscœna rodebat, & vellicabat, quæ causa erat frictionis pudendorum, erosum tandem per moram longam sine dubio ex illa acrimonia intestinum rectum est, unde per alvum excernenda, per genitalia communi factò meatu exire conspiciebantur. Licet autem natura viam apertionis & sectionis monstraret, noluit tamen propter instantia fata, ne accelerâsse me eadem jure culpari possem; nam summa virium debilitas, & extremorum refrigeratio, quam sudor colliquativus excipiebat, postero die infelicem ἀνάλυσιν terminabantur.

OBSERVATIO CLVIII.

D. Johannis Schmidii

De

Manibus sulphur olentibus.

O odorem suavem totum spirasse corpus, seu mirificam exspirasse fragrantiam, *Plutarchus* de Iside meminit; similiter de Alexandro Magno refert, quod ex cute exhalaverit odor gratissimus, quodque os ac totum corpus reddiderit fragrantiam. l. i. *Conv. Quest. 6. & in Alex.* De foetore Judæorum *Fr. Philelphus in Epist.* scribit, simulque grave olentia hujus causam invenire tentat. Nostrorum certè Hebræorum sanguinem à porri esu nimio, odorem hunc contrahere verisimile est. *Galenus l. 6. Epid. Com. 4. Aphor. 9.* refert, Medicum quendam Asianum hircum sub alis tam putidum aluisse, ut vir nullus elegantior accessum ejus ferre posset, nisi odoratis quibusdam inspersio-
bus virorem hunc prius mitigasset. Lemnias mulieres tantum foetorem contraxisse refert *Antigonus de Nat. Mir.* ut viricarum abstinerent congressu. Quæ de gravi odore *Martialis* habet, ex Epigrammatibus ejus nota sunt. Potest non immeritò prioribus exemplis, Observatio sequens annumerari. Juvenis quidam,
habitu

habitu aliàs satis vivido, annos natus circiter 28 apud Iorarium nostratem vivens, ante annum & quod excurrit, ex utraque manu ad brachium usque statis temporibus sulphureum exspirabat odorem, tam manifestum, ut hypocauftum totum odore inficeret, immò lectus non nisi sulphuris accensi spiraret odorem, molestiam hanc fœtoris insoliti herus cum ferre non posset, meam implorat opem, meumque iudicium, an nimirum odoris huius gravitate, sanis etiam cum eo simul viventibus cõmilitonibus, cum sulphureum continuo attrahant aërem, noxam aliquam imprimere valeat patiens hic, perquirat. Cardanus quidem in propria vita meminit, ex propriis brachiis sulphureum se observasse odorem, quod in *Scholio ad Obs. 191. Anni II. Miscell. Curios.* notavit acutissimus, ὁ οὖν ἐν ἀγίοις, *Sachsins*, ubi ex *Alex. Tassano* & *Rhodio* duo adhuc similia adducit exempla: Ex autoribus tamen istis colligere non est, odorem illum, seu potius fœtorem, in ea fuisse vehementia, ut in nostro subjecto, in quo adstantium infectionis metus fuit. Mirum tamen videri posset, quid factum, quod non totum corpus, & in nostro quoque subjecto fœtorem hucce reddiderit? An causa non tam in sanguinis massa quam parte, quæ odorẽ hunc spiravit, quærenda venit? In sanguinis enim massa si resideret, cur totum corpus, cui per circulationem sanguis communicatur, odorem hunc non præberet, causam non video. Obstructis itaque fortè à causis externis, partis laborantis poris, halitus per evaporationem exire consueti, retinentur; mora autem longiore magis adusti fœtorem hunc, præprimis, si calidus sit naturâ sanguis & siccus, sulphureum contrahunt. Ἰδιόσυρκασία partis, vel sanguinis commune illud, supinum tamen ignorantiae asylum, si accusari deberet, in ulteriorem perquirere rationem opus non esset.

OBSERVATIO CLIX.

D. Johannis Schmidii

De

Ischuria ex distensione emulgentium.

Spectabilis apud nos civis, Michael Podeweis, vir 67. annorum, vegeto tamen adhuc corpore, ἰσχυρία corripitur gravissimâ, ita ut nec guttulam excernere posset, neque tamen ad excretionem doloribus ullis sollicitaretur, perterritus, ea propter meum petit consilium. Invenio retentionem illam, examinatis circumstantiis omnibus, omnimodam, non à calculo, non tartareâ materiâ, nec grumo sanguinis, sed læsâ renum facultate, vel secundum *Galenum l. 3. de Sympt. Caus. c. 3.* perditâ renum actione, vel secundum *River. l. 1. Obs. 1.* ab obstructione venarum emulgentium, quam humorum multitudo parit ex *Galexo l. 10. Meth. c. 2.* cum nimirum vasa repleta nimis & distenta non sese possunt ad

expulsionem contrahere, prout in Vesica ab urina repleta, haud rarò evenire videmus, ortum trahere; Quare emollientibus enematis, balneis, internis specificis & salinis curam aggressus sum, à fortioribus tamen diureticis abstinēbam, ne, vel renes inflammarentur, vel ad partem affectam nimius feri impetus propulsus majores in emulgentibus conciliaret obstructions. Protrahebatur malum, sine ullis tamen symptomatibus, neque enim in pectine gravitatem, neque à restagnante feri copia ortam distensionem animadvertēbam. Temperabat sibi æger, suasu quidem meo, præter tamen expectationem à potu penè omni; metuebam enim semper, ne urinoso odore inquinatus sanguis ad cor delatus spiritus inficiat, & funestum conciliet exitum. Prognostico me salvabam, stantem enim sacrum inter saxumque videbam patientem, unde gravi non vacare periculo affectum hunc primis indigitavi diebus. Continuo interim, externa & interna, quæ ex arte partim, partim ex secretis mihi cognita erant, remedia, sed nec guttulam prolicere licebat. Æger me pusillanimum videns bonâ convalescentiæ spe, Medicum inverso planè ordine erigit: Noli, inquit, timere, subsequetur propediem auxiliante Deo optatus finis. Oxygalam avidissimè expetit, concedo; bibit duodecimo morbi die iteratis vicibus haustum bonum; decimo tertio circa noctem salis urinæ fixati ℥j. propino, quod semel atque iterum antea etiam propinaveram remedium. Decimo quarto impetuosè copiosissima ad libras aliquot redditur urina, limpida crudaque, quæ iteratis vicibus per totum diem matulâ excipiebatur, similem priori aquam nimirum referens, sequentibus autem diebus ad naturalem & quantitatem & qualitatem accedebat, roborantibus tandem, & ἐν πέντε diebus Dei benedicti ope ad pristinam rediit sanitatem.

Scholion.

VARIAS ἰσχυρίαις Observationes, raras etiā satis apud Practicos notatas habemus. *Dion. Cornarius Obs. 21. fol. 36.* ad decimum quartum diem urinam cessasse observavit; Undecimo die sanatæ ἰσχυρίαις exemplum *Tulpius tradit l. 4. Obs. c. 26.* Ischuriæ 8. & 16. dierum *Schenckius meminit f. 533. Confer Pisan. Obs. 127.* exemplum memorabile 10. dierum tradentem. *Forestus l. 25. Obs. 18. p. 527.* in rustico retentæ urinæ historiam exponit. Ubi hoc notandum animadverto, quod proprie sic Medicis dicta ἰσχυρία, vesicæ vitio ex calculo &c. facta, etiam si ad octo & plures extendatur dies, non adeò lethalis sit, modò ætas & vires ferendo morbo pares sint, quod in praxi observare sæpius mihi contigit, cum sublata causa effectus quoque tollatur. Impropiè autem dicta, nullis nimirum doloribus existentibus, & vacuâ ut plurimum vesicâ, ἰσχυρία, ubi vitio renum vel emulgentium urinæ defectus contingit, plus periculi inferri consuevit, ut rarissimè ad 8. vel 9. dies malum hocce protrahi possit; Et licet urina post mul-

multarum dierum decursum tandem subsequatur, non tamen evadunt ægri, quæ in sententia, præter alia exempla, non ita pridem me confirmavit Mennonista alicujus vidua; quæ vitio, ut ex signis colligere licebat, emulgentium, omnimodam urinæ patiebatur suppressionem, post variorum autem remediorum usum octavo morbi diē copiosam reddebat urinam, turbidam, jumentorum similem, & foetidam valdè, fractis tamen viribus, & infectâ sine dubio tota sanguinis massa, decima quarta die animam efflabat. Aliàs mortis hoc certissimæ prognosticum vix unquam me fefellit. Cujus periculi causam ingeniosam satis *Antonius Santorellus de sanit. natura l. 23. c. 15.* tradere nititur: Gravissima, inquit, est suppressio absque dolore; nam veluti parturientem parituram esse aliquando speramus; non speramus autem, si nullos patiatur dolores: Sic urinæ suppressio facta in renibus, si comitem habeat dolorem, spem concipimus, ablato impedimento viarum micturum esse ægrotantem, quod sperare non ita facilè possumus, cum sopita facultas & ferè emortua, non est modo aliquo de corporis salute sollicita; Minus gravis suppressio est, quæ sit plenâ vesicâ; non enim detinetur urina in viis, quare neque minatur sanguinis corruptelam & febrem exitiosam. Hæc ille.

OBSERVATIO CLX.

D. Johannis Schmidii

De

Purgatione ex imaginatione.

DE viribus imaginationis in hypochondriacis præsertim obvia sunt apud Autores plurima; nec ignota sunt, quæ de prægnantium impressione inter plures alios *Th. Fienus* eruditissimo in Tractatu suo consignavit. Nauseam medicamentorum impressionem facere posse satis gravem sæpiusculè expertus sum, inter alia exemplum sequens exponere non abs re fore judicavi.

Uxor famosi apud nos mercatoris J.D.P. quartana laborabat molestissima, corpus totum atrocissimè affligente: sentiebat dolorem osteocopon, lumborum & dorsi gravitatem, rigorem, inappetentiam, & alia quartanariis familiaria symptomata. Advocor, ut de remediis prospicerem; ea respuebat omnia, ita ut nec ad salia, nec essentias, nec tincturas, nec spiritus per guttas sumendos, vel do-
lo etiam, quod sæpius fieri oportere praxis docet, persuaderi posset. Tandem antiquartanarium meum exhibere dolo tento, ipsa cauta nimis & attenta elusit consilium meum: quæro, an conservam rosarum assumere possit, habere me nimis mirum & saporis grati & morbo, quocum conflictabatur, accommodatissimam, ex cujus usu febris sine dubio cessatura sit? annuit tandem persuasionibus, & an-

Vomitum, an dejectiones illa sit motura, & an certo certiùs febris etiam peritura sit, perquiri. Cessabit, inquam ego, DEI ope, infallibiliter (ita enim erigenda erat; nam alias remedium non admisisset) febris; operationem autem medicamenti talem experieris, quod si ventriculus pravis abundaverit humoribus, fortè vomitum, dejectiones autem modicas quidem, sed certas conciliabit. Mitto circa vesperam febrifugi dosin cum rosarum conserva permixtam, simulque ut manè vice unâ, nam boli habebat formam, deglutiret, significari curo; Ægra impressionem vomitûs dejectionumque habens, maximam autem in medicamentum & ejus operationem ponens spem, sollicita tamen, numne postero die sapor ingratus sit futurus, circa noctis horâ fabæ majoris quantitâtē degustat tantum; inde nauseabunda statim quater vel quinquies cum maximâ violentiâ vomit, simulque sexies vel septies alvum exonerat. Accedo manè & de operatione remedii quæro; malè, *inquit*, mecum actum fuisset, si ex consilio tuo conservam deglutivissem, gustabam enim hesternâ vesperâ medicamentum, & vix me vivam ampliùs reperisses: verebar, ut nosti, vomitus verebar dejectiones, periculum tamen facere volui, an, te sic volente, saporem remedii ingratum superare possim, & quod timui, experta sum; vomitus enormes, dejectiones copiosas: si totum assumissem remedium, qualiter cum, vita mea actum fuisset, ipse judica. Dignam, respondeo, temeritatis luisti pœnam, ex imaginatione enim & nausea solâ operationem talem subsecutam esse, certa sis, ut effectus etiam, febris nimirum sublatio, jam subsequatur, animitûs voce. De eâ, *inquit*, nullus dubito. Habebat tempore eodem ancillam quartana etiam laborantem. Ut videas, dico, non adeò periculosum me tibi exhibuisse remedium, & ex imaginatione solâ factam fuisse operationem, ancillæ, quæso, meò periculô, quod reliquum est totum devorandum exhibe; paret ac præbet ancillæ remedium, quæ sine nausea, sine vomitu quinquies blandè dejicit. In hera imago & impressio, quam de medicamento habuit; in ancilla medicamentum ipsum felicissimum sortiebatur exitum: utraque enim à molestissimâ aliàs liberabatur febre, sicque dosi unâ binæ curabantur febres.

OBSERVATIO CLXI.

D. Johannis Schmidii

De

Cancrî cura palliativa.

CAncrum mammillarum palliative ab exulceratione præservari posse ad plures annos, viginti etiam, non semel ipse expertus sum, modò non in manus

manus imperitarum muliercularum, agyrtarum, circumforaneorum, & id hominum impostorum genus aliud incidant, ubi spem amplam facientes, vel cataplasmatibus emollientibus putredinem conciliant, vel calidis & gummatosis emplastris inflammationem causantur, quæ in exulcerationem terminatur, unde cruciatus & dolores intolerabiles, non nisi morte debiles oriuntur. Sectionem, cum in principio fieri debeat, constantibus adhuc viribus, & ubi altè nondum radices egit, delicatulæ ut plurimum admittere renuunt. Laminam plumbeam vel emplastrum diapompholygos cum fructu adhiberi posse, non semel expertus sum.

Vidua quædam primaria A. P. triginta octo circiter annorum, tumorem mammillæ dextra per annum & ultra sentiens, mobilem tamen & dolorificum, cancerum minantem, meam implorat sollicita opem; præparo corpus internis evacuantibus, revellentibus, acrimoniam feri contemperantibus, topicorum usum circumspexitum suadeo, ne, quam metuit, subsequatur exulceratio. Laminam plumbeam ut affectæ parti imponat, & mammillæ, ne decedat empl. diapompholygos affigat suadeo: Fit hoc, duæ parantur laminæ, ut demptâ unâ altera imponi posset, utraque duorum mensium spatio eroditur & in medio in albicantem redigitur pulverem, prout calcinatio plumbi fieri consuevit. Apparet hinc, quanta feri atrabilarii sit acrimonia, ut in corrosivorum etiam degenerare naturam apta sit, quæ salia corrosiva plumbum calcinare possent nemini non notum est: hæc causa videtur esse, quod in exulcerato cancro adeo exquisiti solent esse dolores, qui opiatibus ut plurimum demulcendi sunt, quæ in doloribus ejusmodi ad scrupuli medii usum nihil profecisse haud semel expertus sum, partim quod salis acrimonia superet opiatorum vires, partim quod natura opiatibus tandem assueta, eorum operationem eludat, sicque tandem non tam medicamento, quàm aliimenti induant naturam, quod de napello & venenis etiam aliis plurimæ Auctorum docent historiæ.

OBSERVATIO CLXII.

D. Johannis Schmidii

De

Deglutitione diversimode læsa.

Senator quidam Mariæ Insulanus levem patiebatur apoplexiam, à qua re-
mediis appropriatis Altissimi beneficio curabatur, hoc tamen relictò
symptomate, quod anxie miserum torquebat, solida omnia, panem, carnes,
Aa 3

pisces,

pisces, masticabat, & linguâ in ore circumvolutabat, deglutire autem, immò nec potum multò diluta detrudere poterat, potulenta omnia liberrimè descendebant. Ex paralyfi musculorum, pharyngis contractioni inservientium, malum hocce oriri judicabam, quare universalibus præmissis, evacuantibus, revellentibus, solventibus, ad topica deveni externa, ex quibus levamen sentire aliquale incipiebat, sed cum propter domestica, diutius apud nos commorari non posset, medicamentis convenientibus ipsi prospexi, sicque cum spe integræ sanitatis eum dimisi. Similem casum hisce diebus in virgine aliquâ nostrate observavi, cachexiâ scorbuticâ, cephalalgia, & *anagaria*, per longum tempus molestissimè laborante, quæ solidos cibos non nisi cum potu summè dilutos per vim quasi in ventriculum detrudebat; hæc etiam sensim à rædioso hoc affectu per DEI gratiam liberata est. Notum est in hydrophobia potulenta deglutiri non posse; solida econtrâ faciliori cum molestiâ descendere, ubi in causa reddenda Practici sese macerant, existimantes, potulenta arctiùs à pharynge comprehendi debere, liquiditatem autem motum contractionis quasi effugere, sicque ad superiora regurgitare: solida è contrâ arctè comprehendi & sic sensim in ventriculum musculorum ope detrudi posse. In nostris casib. ratio est diversa, ubi potulenta ponderosâ liquiditate sine musculorum ope in ventriculum quasi defluunt, solida autem propter musculorum actionem læsam per œsophagi compressionem ad ventriculum deduci non possunt, cum ob siccitatem lateribus adhæreant solida, per musculorum autem actionem, quippe quæ læsa est, deprimi non possint. Notum quippe est ex Anatomicis, œsophagum seu gulæ sphincterem, ab utroq; scutiformis cartilaginis latere qui ortû trahit, & per gulæ partem posteriorem transversim expanditur, astrictò œsophagò cibum inhaerentem deorsum compellere: habet musculus hîcce tria musculorum paria alia, ad elevandum & dilatandum œsophagum comparata, sibi ministrantia, quorum actione læsâ, in subjectis nostris, deglutitio obiri non potuit, quamvis solius sphincteris læsionem symptomati huic sufficientem dedisse occasionem, existimem.

OBSERVATIO CLXIII.

D. Johannis Schmidii

De

Monstro vitulino.

IN prædio Magnifici & Nobilissimi Domini Johannis Kratzeri, Consulis, Scholarchæ & Camerarii meritissimi, Patroni mei summè venerandi, aliquot à civitate nostra distante miliaribus, præteritò quadragesimali tempore vacca-
quæ-

AD OBS. CLXIII.





quædam, juvencula, vitulum peperit masculum monstrosum, bicipitem seu potius bifrontem, cujus delineationem transmittō. Apparebant nimirum capita sibi juncta, non separata, tamen bina, cervici uni adnexa, quælibet capitis pars binos habebat oculos, quos movebat, proprios, linguam, dentes utrinque singulos, tota capitis compages linea quasi quâdam distincta apparebat, circa frontem, in utraque extremitate una tantum aderat auris, & penes illam nota, ex qua cornu erumpere debuisset, lac quod uni præbebatur ori, bibebat, motâ simul alterius oris linguâ; Potuisset, si curam adhibere animus fuisset, sustentari aliquantisper, supervixit tamen dies duos, & totidem noctes. Ego de interna, capitis præprimis, constitutione sollicitus, ejus, ministrante operâ Christiano Rabandel, Chirurgo nostrate in Anatomicis non imperitō, institui anatomen; demptâ cute cranium apertum est, ut, num interstitiō, quod exterius per lineam quasi quandam monstrabatur, capita distincta sint, appareret; sed unam tantum inveni cavitatem, justō tamen ampliorem, & cerebrum unum, molle quidem, suis tamen meningibus involutum. Organa sensum autem exteriorum cum duplicia fuerint, duplicia etiam nervorum iis inservientium conspiciebantur, paria, duplex processus mammillaris, amplius satis supra os ethmoides cum duplici nervi bivaricatione apparebat, duplex itidem nervorum opticorum in medio itinere sibi junctorum & ab invicem iterum separatorum, à spinalis medullæ initio, non longè unum ab altero distans apparebat par. Reliqua nervorum paria non duplicia quidem erant, sed furculos tantum nervus uterq; projiciebat ad organa, ita ut in dextro latere existentes nervi, bifurcati quasi in organa dextrilateris desinerent, sinistri autem lateris nervi in sinistrum latus utrinque furculum spargerent. Falciformis processus ad radicem naris dextræ bifurcabatur, exili tamen & obtusō ductu. Palatum erat unum, unde factum existimo, quod ori uni exhibitum lac, sensum cibi præbuerit linguæ oris alterius: Lingua utraque suos habebat musculos proprios, proprium etiam os hyoides, quæ tamen duo ossa in radice arctō sibi juncta apparebant; cibus, per conjunctionem palati, in unum deponebatur œsophagum. Una etiam tantum conspiciebatur larynx; In pectore præternaturale inveniebatur nihil. In abdomine ventriculus, intestina, hepar, renes; verbō, reliqua omnia naturali sese habebant modō, nisi quod lien vix Imperialis magnitudinem æquaret & rotunda quasi conspiceretur figura. Habet *Ulysses Aldrovandus l. de Monstr. historia* varias vitulorum bicipitum figuras & descriptiones, quarum una, quam pag. 421. delineari curavit, cum nostro monstro accuratam habet similitudinem. Video etiam in *Anno II. Miscell. Curios. Obs.* 94. ab Excellent. Dn. Segero, Collegâ nunc meō, & Amico colendissimo à D. Erndlio delineatum, vituli bicipitis monstrum communicatum esse; ubi plura etiam exempla alia in annotationi-

tionibus ad Observationem hanc ex collectaneis ingeniosissimi, dum viveret, *Sachsi*, adducta legere est. Præterea verò *Casp. Schützius* in *Chronicis Prussiacis* l. 12. p. m. 519. bicipitis vituli descriptionem tradit, quam cum nondum notatam viderim, hic quoque allegare volui.

(In litteris mense Majo Anno 1674. ad Coll. *Ephem. Uratislaviam Gedano* missis : quibus sequentes duas Observationes sibi à Nobiliss. Dn. D. *Timotheo Clarke*, Medico Londinensi, & Regiæ itidem Societatis clarissimo & acutissimo, dum viveret, Socio, ante aliquot annos communicatas, prælaudatus Dn. D. *Schmidius* addidit.)

OBSERVATIO CXLIV.

D. Timothei Clarkii

De

Lienis resectione in cane vivo.

ANn. 1663. mense Mart. assistente Magist. *Pearle*, Ducis *Eborac*, Chirurgo ordinario, è cane gregario, quoad corporis molem mediocri, non pingui, lienem exsecui, transversim facto vulnere circa lienis regionē, ex quo iratum animalculum. partem omenti, intestinorum & ipsum lienem extrusit, quem nulla facta ligatura, partim secando, partim digitis separando penitus avellimus, deinde partibus cæteris extrusis repositis, vulnus statim consuebamur, & hiriens animal servi curæ commisimus, qui brevi pòst futurâ priori ab irato animali rupta, vulnus iterum consuere coactus erat. Ab illo tempore tamen canis perfectè sanus evasit, magis quàm antea mansuetus, & ad actus venereos postea valdè proclivis.

Hoc modo vitam sanam & multò jucundiorē degit, & pinguior etiam evasit. Mense Aprili anni sequentis, canis, quo casu nescimus, præ foribus mortuus & rigidus, capite contuso inventus est.


Aperto cadavere partes carnosas rubicundiores, quàm in aliis animalibus observavimus, uti & pinguedo, ubicunque erat, albissima apparebat. Mesenterium in vasorum interstitiis, diaphaneitatem, illius instar, quæ in septo lucido reperitur, exhibebat ! vasorum tamen ramificationes, ubique pinguedine illa albissima coopertæ. Partes cæteræ omnes, pro naturæ modo apparebant; partes tamen omnes rubicundæ floridiores erant, quàm in aliis apparere solent animalibus, & partes albæ multò albidiores, quod quidem non injucundum præbebat spectaculum; sed ubi lien exsectus erat, pars omenti, & vasa splenetica, cicatrici interiori vulneris firmiter annecti videbantur.


OBSER-

AD OBS. CLXVI. TAB. II.




Fig. I.





AD OBS. CLXVI, TAB. IV.



OBSERVATIO CLXV.

D. Timothei Clarkii

De

Lienis resectione in homine vivo.

Lanius quidam rusticus in parte hujus Insulæ Occidentalis, in Comitatu Sommerfetenfi, in villa prope Crookhorne, Wayford dicta, Guilielmus Panier, nomine, ære alieno oppressus, ne injus raperetur, semet ut plurimum abscondere coactus erat, tandem dum privatim laniavit, lictores illum jam capturi erant, quos ut evitaret, vir desperabundus, cultrum laniarium in sinistram abdominis partem adegit, unde magno facto vulnere, pars omenti, intestinorum, & lien etiam statim erupere. Hinc lictores perterriti, virum, ut putabant, moribundum, statim dereliquere; Per trium dierum spatium vulnus sine futura manebat; tandem verò accersitus Chirurgus, retrusis intestinis, partem omenti, cum liene, cultro abscindebat, & confuto vulnere brevi convaluit lanus, & per totum annum sequentem sanus & hilaris vitam degebat, & deinde in novam Angliam profectus est, ubi non ita dudum sanus adhuc vivebat. Vir fide dignus & testis oculatus Doubeny Turbeville M. D. & inter nostrates oculorum medicus celebrissimus hanc observationem mecum communicavit.

OBSERVATIO CLXVI.

D. Hiarne

De

Anatome viri pro hydropico habiti.

Cum anno superiore sexcentesimo sexagesimo nono Rigæ Livonorum, ubi inter præsidarios milites Medici ac Chirurgiæ Inspectoris munere fungor, Chirurgorum aliquis me accessisset, atque ægroti cujusdam hydropelaborantis exposuisset historiam, non dubitavi, priusquam ipsum ægrum adirem, accuratè etiam curæ modum, quo tractasset hactenus afflictum, inquirere. Desideranti rem omnem aperuit mihi Chirurgus, se laboranti jam sæpius cathartica ex *gummigutta* Drach. s. ad Scrup. ij, sine successu propinasse, se applicuisse etiam cruribus jam tumefactis fonticulos. Extemplo ægrum adeo, qui staturâ brevis erat, & annos circiter quadraginta agebat. Ibi emaciatum quoad cætera miserè ac carnem vix ossibus hærentem, abdominis autè pondere immenso oneratum, ac tibiis pallidis impressi digiti vestigia servantibus (qualis fere in omnibus cachexiâ laborantibus) tumentem obstupui. Querebatur de spirandi

Bb

diffi-

difficultate, & cum aliquali cordis inquietudine virium jactura, cæterum appetitu se stimulari continuo, ferè canino; immò assumptorum copiam vix sufficere desiderio esurientis. Exortum sibi esse id malum ipse ægrotus autè biennium affirmabat, cum moles trufatiles seu manuaras ferè sine intermissione versare cogeretur. Cogitanti mihi hac de re nihil certius ancipiti consilio obvenit, neque enim hydropem credere poteram, quod & fame magis quàm siti urgeretur æger, & tumor in ventre non mollis sed quasi carnosus, & minimè, ut in ascitide accidit, cum murmure fluctuans esset, quodque præterea potus assumpti paucitas non responderet augmento quotidiano tumoris. Nihilominus tamen pedum ac ventris tumor cum spirandi difficultate è contrario hydropis suspicionem faciebat. Maximè autem me torquebat, quod ex tot assumtis nec excrementa multa, nutrimentum autem corporis & virium robur satis exiguum deprehenderet, omnibus, quæ spem meliorem facere solent, de die in diem in deterius ruentibus.

Tandem cum ad cognitionem hujus affectus accuratam penetrare non possem, in dubia re aliquid experiri decrevi, quàm certæ morti hominem sine solatio committere. Diureticis itaque ac subinde catharticis tentavi curam, sed naturam penitùs inexorabilem nec allicere benignis, nec cogere fortioribus potui. Demum post aliquot septimanas in altiori loco occupatus æger, fortè decidit, ac infelici mortis genere vitæque ac morbo colophonem imposuit. Cadaver statim sequenti die in multorum præsentia aperiri curavi. Aderant ibi Nobilissimus & Præclarissimus Dominus *D. Nicolaus Vitte von Lillienau*, Serenissimæ Regiæ Majestatis Sueciæ Medicus ordinarius, & urbis inclytæ Rigensis Physicus primarius, vir in omni solidarum scientiarum genere nulli inferior, praxeos felicitate nemini secundus, Præceptor meus ac Fautor ætatem honorandus, ut & Generosi plures officarii milites atque Chirurghi quatuor rei gerendæ arbitri, ad unum omnes expectatione suspensi. Hos autem testes citare ideo volui, ne inanis quis crepare me suspicetur. Postquam igitur aquam, ne cultro arctius inquirenti impedimento esset, depleri jussissem, vix unam aut alteram libram deprehendère. Miratus in tanta cavitate non plus aquæ contineri, ulterius abdomen aperui, ubi statim detractò peritonæo & omento quod tenue erat instar telæ aranei, ingentis corporis moles in superficie pinguedinem referens se exhibuit conspiciendam. Totum ferè mesenterii spatium occupaverat monstrosa hæc excrecentia, adeoque arctè intestinis à duodeno usque ad medietatem ilei annectebatur, ut quasi partes hæc coivissent duæ in unum citra ruptionem alterum ab altero avelli non potuit. Tres autem lobi seu tumores ex figura subrotunda & nonnihil depressa mole diversi se spectantibus exhibebant, qualis icone opposita à me ad vivum exsculpta apparet, qui ad statueram

teram examinati, pondus quinquaginta quinque librarum Suecicarum æquabant, imò etiam excedebant. Horum loborum majores duo dissecti, præter substantiam peculiarem (illi quæ circa sternum boum pinguium eâ parte est, qua inter crura incurvatur à plearibus ad pectus similem,) amplam cavitatem prodidère. Earum ferè quævis sex librarum fuit capax. Liquor seu potius materia, quam continebat, fluida ingrati erat coloris ex obscuro viridis flavescens, stercoris vaccini instar multa aqua diluti, sed foetoris notabilis penè expers. Tertiæ illius seu minoris lobi, (qui caput infantis annui magnitudine æquabat,) cavitas parva saburra fusci coloris erat impleta. Venæ plures cum arteriis latiores in superficie, sed valde pallidæ ac ferè inanes explicabantur, nonnullis lacteis etiam vestigia sua servantibus. Reliqua viscera incorrupta erant, præter pulmonis sinistrum lobum quodammodo lividum, ac pericardium omni destitutum lymphâ cordique pertinacissimè adhærens, nihil notabile exhibebant. Rarissimi hujus affectus causam occasionalem non ineptè ægrum dum spiraret adhuc, divinasse statim comprobabo: cum enim glandulas mesenterii hic obstructas atque corruptas fuisse post sectionem factam oculorum testimonium declararit, non adeo difficulter reliquam morbi rationem ex ipsius sententiâ deduci posse vero videtur simillimum. Atque sic molendinarum versandarum molestissimum negotium omnem dedisse ansam apparet. Calescens enim corpore motu continuo & violento, non potuit fieri, quin totius corporis pori, atq; inter eos illi, qui ex lacteis ad intestina tendunt, aperirentur. Jam verò ejusmodi hominum ad laborem & negotia natorum victus non modò ex vili pane & aqua, quibusdam leguminibus, pis, fabis, aut brassicâ, sine apparatu coctis, constare, verum etiam pro lucrando tempore, ut plurimum medios inter labores & assumi & vix digeri, regionis illius incolis notissimum est: ut labore & appetitu famelico; indeque fermento fortiori existente, & concoctio citius absolvitur, & avidæ hiantes lacteæ ante factam secretionem boni malique chyli, quam motus nimius illam in tenui intestino effervescentiam impedit, promptius imprægnantur, frigidaque hausta loco solatii miseris funestum malum in lacteis vasis vel etiam glandulis ipsis coagulationem producente, vel etiam chylo ipso cum fecibus adhuc mistis ad stagnationem in vasis angustis admodum apta existente, collecta illi chylicopia, partim qualitate sua, ut dixi, partim etiam quantitate cavitationem viarum, pororumque sc. in glandulis obstruxit, ruptisque jam vasis cavitates illas sibi formavit. Quibus repletis dictam in molem eas extendere apta fuit, imperfecto interim succo imperfectum glandulis nutrimentum ac incrementum monstruosum largiente. Quod illis non videtur absurdum, qui ex Hipp. *l. de gland.* norunt glandulas in intestinis pasci humiditate, quam ex intestinis hauriunt; quique porro vulnerum excrescentias, scirrhum atque puris

aliquando in tale aliquid abeuntis naturam per experientiam & studium explorare. Neque objici posse videtur, datam morbi causam seu glandularum obstructionem per biennium, ut hic acciderat superstiti ægroto, durare potuisse, cum glandulas non ad unum omnes ac eodem tempore, sed successivè fuisse obstructas credendum sit. Cujus rei argumentum etiam ipsa molis concretæ figura exhibet. Tres enim lobi tres glandulas atque hic unam post alteram fuisse adfectam, tam ex quantitate quam ex liquore contento differente, concludendum est. Quod autem liquor ille subflavus ac non adeo fœrens fuerit, id factum esse videtur ex bile, quam simul multa copiâ transiisse atque tum colorem addidisse, tum præservasse quodammodo à putredine, à veritate non est alienum. Interea lacteorum paucitas, quæ ad partem ilei inferioris & reliqua intestina vergebant aliquid chyli quantum fuerit, absorpsisse, atque in vitæ miserum subsidium ad cor derivasse probabile est. Pharmaca autem quod nihil evacuare poterant, viis interclusis conjicere in promptu erit. Auctum verò illum appetitum quod spectat, tum ex pancreatis ductibus procul dubio obstructis, tum etiam humorem illum in cavitatibus glandularum retento atque acelcente, & acidiores vapores transmittente ad ventriculum, non improbabili-ter deduci posse mihi videtur. Similem omnino voracitatem & insatiabilem aviditatem in suo etiam ægro, (cujus supra mentio facta) laudatus D. D. Clark notavit. Cæterum languor ille aliqualis virium atque inquietudo necessarii fuerit hujus obstructionis comites, cum nec haberet depauperatus sanguis, unde sibi ipsi ad continuandum ignem vitalem, multo minus partium reliquarum nutrimento prospiceret. Ultimo tumorem pedum atque emissam è cadavere sectionis principio aquam ex lymphaticis tum casu illo ex alto in ventre ruptis, tum ob molem excrecentiæ reditum lymphæ ab inferioribus partibus prohibente, indeque ruptionem ibidem producente traxisse originem persuasus sum. Atque hæc pro Ætiologia expositi affectus sufficiant, qui quanquam jam inveteratus absolutè fuerit incurabilis, non parum tamen spero Medico prudenti allaturum lucis, cujus beneficio possit & affectum hunc jam recens natum deprehendere, & quoad fieri poterit, in tempore ipsi mederi.

In multis, licet non in omnibus, similem casum nuper Argentorati observavit Cl. D. *Ludovicus Saltzman*, portentosa sc. magnitudinis tumorem in abdomine puellæ sex annorum, unde falsa hydropis species fuit oblata, cujus exactam delineationem mihi etiam communicavit. Sed cum ipse Eruditissimus Observator propediem in hanc rem doctum est editurus specimen, illud ego anticipare nolo, placuit tamen in gratiam curiosorum iconem hîc apponere.

FIGURARUM EXPLICATIO.

TAb. I. Mesenterium cum suis vasis exhibet. A. vena mesaraica & eas comitantes arterie cœliacæ. B. Vena lactea. C. Mesenterii portionem,

una etiam nervorum mesaraicorum per eam distributionem exhibet. D. Ventriculi fundus. E. Pylorus. F. Intestinum duodenum. G. Jejunum. H. Ileum. K. Omentipars. L. Glandula Mesenterii pars cum venis lacteis inter se implexis, & vasis lymphaticis.

Tab. II. Tumorem & lobos supra dictos in proprio suo situ ostendit.

A. Ventriculi fundus. B. Hepar. C. Colon. D. Tumoris praternaturalis lobus. E. Lobus secundus. F. Intestina tumori adherentia. G. Intestina reliqua ad latus dextrum reclusa.

Tab. III. Lobos separatim demonstrat.

Fig. 1. Lobus tres explicati. a. Lobus primus. b. Secundus. c. Tertius caput pueri anni æquans. d. Vasa pallida omnino & inania. e. Venarum lactearum vestigia. f. Intestini adherentis disrupti portio.

Fig. 2. Lobus major apertus, a. Substantia exterior albicans b. Interior subfusca. c. Cavitas humore subviridi plenus.

Fig. 3. Lobus minor dissectus fuscus & humore obscuro refertus.

Tab. IV. Observationem D. Saltzmanni repræsentat. A. Tumor carneus major, inferior abdomen attollens & extra pubis ossa propellens. B. Tumores duo paulo minores ex priore orti. C. Appendix. D. Intestini pars. E. Vesica ad latus compressa.

(Observationem hanc Nobiliss. atque Experientissimus Dn. D. Hiarne Disputationi suæ Inaugurali de obstructione Lactearum, Andegavi habitæ, inferuit; ipsa vero commendatione Præcell. Dn. D. Joëlis Langelotti in Ephemerides hæc meritò transcripta est.)

OBSERVATIO CLXVII.

D. Lucæ Schrœckii, F.

De

Hippolithorum historia.

Non usque adeò infrequentem esse Hippolithorum generationem, quilibet mecum fatebitur, si tot in Medicorum scriptis adnotatas de illis observationes saltem consideret.

Celebris in primis est Vratislaviensis ille, sive Hottomannianus, ex intestino recto equi excisus, postquam, dum vitâ adhuc fruebatur, plurimi alii, minores quamvis, excreti ab eodem fuerant, quos describunt Thom. Fordanus Tract. de pest. phœnom. ex recensione Medici Celeberrimi Joh. Cratonis, & Casp. Schuvenckfeldius in theriotroph. Siles. tit. Equus: nec non ex hæc Clar.

Casp. Bauhinus lib. de lap. Bez. cap. 14. uberiolemque relationem, addita simul ejusdem, minorisque unius delineatione, unà cum alterius equi, Generosi Dn. Wolfgang. Friber. L. B. de Hofman in Moravia, plusculis diebus fat magnos lapides excernentis, mentione, Curiosissimus D. D. *Philipp. Jacob. Sachsus lib. 1. Gammalog. cap. 14. §. II.* suppeditat. In ventriculo equi Neopolitani alium, dupondii pondere, repertum, præfatus Jordanus memorat, quem Rudolphus Hungariæ Rex, inter sua rariora reposuerit. *Felici Platero* calculus fuit, qui ex equi prodiit alvo, uti ipse *Prax. tom. 3. cap. 15. testatur.* Magnæ molis calculum, in equo molitoris repertum, ex relatione *Balthas. Conradini*, Medici Suatensis in Velle Oeni, describit *Tornesius in Joh. Georg. Schenkii lichogenesiâ*, quem etiam ex Jacobo Moockio prælaudatus Sachsus in medium adducit. Non minus insignes sunt illi duo Bambergenses, in cista Medica *Joh. Hornungi, Epist. 64. & seqq.* prolixè descripti. Calceolariano in Musæo repositum extollit *Andreas Chiocci in ejusdem Musei descriptione, sect. 3. p. 404.* Alterius ex equo, non procul Francofurto, exempti meminit *Joh. Schröderus Pharmacop. Med. Chim. lib. 5. cl. 1. c. 21.* De Veronensi equa citò alvi turbine calculorum quartarium reddente, agit *Clar. Joh. Rhodius centur. 2. obs. med. 74.* Quin & Excell. D. D. *Georg. Wolfgang. Wedelius* elegantis Hippolithi, in Gazophylacio Serenissimi Saxo-Gothani Principis repositi, historiam, unà cum icone ejus, *Anno Tertio Ephemeridum Medico-physic. German. Obs. 246.* insertam communicavit. Quos equus ille, quò de *J. C. Scaliger exercit. de subtilit. 125.* agit, tophos durissimos, levissimos, stercore facie, rotundos egeffit, huc nonnulli referunt. Quamvis *Olaus Wormius Musei lib. 1. Sect. 2. cap. 8.* cum istis pilosis, in ventriculo boum sæpiùs reperiundis, pilis convenire eos, arbitretur. Sed omnibus hisce palmam præripit Parisiensis ille, in Tomo quarto *Ephemerid. Erudit. Gall.* propositus.

Credibile sanè est, multos ab equis consimiles lapideos emitti foetus, qui tamen, tum absque difficultate in corpore quod prius delituerint, pariterque sine incommodo evacuentur, tum minores existant, aliamve ob causam haud observantur, sicque dein pereunt ac disperduntur; aut si fortè inveniantur, pro alio aliquo obvio silice aut lapide, præcipuè ubi rotunditate, elegantique nitore carent, habentur. Numerus prorò eorum augetur, si recensitis hisce addantur, qui variis in locis Curiosorum scrinia exornant, publicam fugientes notitiam, quales plurimos dari, nullum est dubium. Confirmat id vel Augusta nostra, aliquot ditata Hippolithis. Non repetam prolixius illos, de quibus, ob præclara in Rempubl. Patriam, immò Literariam merita laudatissimus noster D. *Raymundus Mindererus, Tract. de pestilent. cap. 15. pag. 225.* tractat, nec quos Avunculus meus honorandus, Dn. *Georg. Hieron. Velschius, dissert. 2. de agagropil.*

gropil. pag. 12. recenset. Sed aliquot saltem nondum descriptorum exempla consignabo.

Primum sibi locum vindicat, quem nuper apud celebrem hujus loci Mercatorem & Materialistam videre contigit, cui stupenda obtigit moles, quam vel ex eo divinare licet, dum integras quatuor libras medicas, dimidiamque insuper unciam pondere adæquat. Immò multò ponderosiores fuisse eundem, necesse est, cum non exigua ejus pars, laminæ imprimis exterioris satis crassæ, ablata conspiciatur. Figurâ cæterum ad rotunditatem, coloreque ad cinereum accedit, laminatim cohæret, compactus insuper, glaber & lævis existit. Plura de eò rescire non potui. Quare ad alios progredior, quorum nonnullos diversæ magnitudinis, equus ruffi coloris, qui pro Xenodochii nostri publici usu alebatur, Anno 1662, per alvum egressit, absque ullo prægresso vel comitante, (quantum quidem observare licuit) equi incommodo, diu postmodum eodem incolumi supervivente.

Horum calculorum unus, Dilectissimi Parentis mei dono, mihi obtigit, non quidem magnitudine conspicuus, structurâ tamen commendabilis, quâ videlicet cum illo, ab amicissimo mihi *D. D. Wedelio* delineato, exactè satis convenire videtur. Lævigatissima enim ejus est glabrities, ac si ab arte inducta esset, instar ceparum insuper tuniculatus, sive lamellis sibi superimpositis præditus, coloris ex pallore candicantis, eleganter compactus, non fabulosus, non tartareus, friabilisve, sed durus, rasilis tamen & pulverisabilis, figurâ nonnihil oblongus, sex tamen angulis, unò superiore, anteriore & posteriore, duobusque lateralibus sibi oppositis instructus, pondere saltem drachmas tres, & grana viginti quinque continet. DiffRACTUS à me, exiguum in centro silicem, cum laminarum pulchra structurâ, coloremque paululùm obscuriorem illo, qui in superficie conspicitur, non minùs tamen splendidum oculis exhibuit. Reliquos variè distractos & disperditos cum jam descripto convenisse, magnitudine tamen, & figurâ diversos extitisse, refertur.

Præter hunc, ex amici dono, alii sex parvuli tamen, in vicinîâ nostrâ, è demortuo equo exempti, mihi sunt Hippolithi, quorum major drachmam dimidiam cum tribus granis, secundus grana octodecim, tertius & quartus grana quinque, quintus tria, & sextus duo ponderant, qui omnes superficie pariter lævigatissimâ, internâ autem structurâ itidem tuniculatâ splendente, colore subfuscò, substantiâ compactâ, durâ, rasili, & facilè pulverisabili, se commendant.

Aliud exemplum annis abhinc undecim generosus spadiceò colore præditus cujusdam è primariis apud nos Mercatoris equi exhibuit, cum, absque ullius prægressæ vel subsecutæ infirmitatis signis, tres calculos per guttur inferius deposuisset. Subrotundi illi sunt, cinerei coloris, nitidi, politique, candidâ lincolâ,

neolâ, instar venæ, quam in Hottomanniano innuit *Sachsins*, sinuoso ductu, superficie eorum lambente, suisque prædita ramulis, ponderosi præterea & compacti, non minùs tamen rasiles; quorum major unciam unam, drachmas tres, ac viginti quinque grana, medius unciam unam cum undecim granulis, minor sex drachmas & grana septendecim ponderant.

Tandem civis cujusdam nostratis equus spadicei coloris, ante sex annos, insignes aliquot Hippolithos diversis vicibus per alvum, non sine dolore, quem scilicet fortis calcitratio, quæ exclusionem hanc comitabatur, indicabat, emisit, quorum tres figurâ rotundi æmulâ conspicuos, colore ferè cinereos, Pharmacopœus hujus urbis perindustrius atque peritus, curiositatis gratiâ, adservat, quos sæpiùs mihi perlustrandos, quin & periculum, pro sumendo inde de viribus experimento, concessit. Horum unus octo uncias, drachmam unam, scrupulos duos & grana quatuor, alter uncias itidem octo, scrupulosque duos cum dimidio, tertius novem uncias, atque sex drachmas ponderant. Ultimus hic studiò à possessore diffractus, parvulum intus silicem exhibuit, fundamentum præbentem subcreescentibus sibi lamellis, quæ eleganti ordine, in primis calculi, dispositæ conspiciuntur. Colorem intus ostendit nonnihil obscuriorem, ac in exteriori parte apparet; substantiæ est homogeneæ, nullis visui se offerentibus scybalis, aut heterogeneâ re aliâ; splendore insuper radians, odorem, dum particulæ ab eo decutiuntur, urinolum exhalans, stercoreacei tamen quid admixtum habentem, eoque ipso de suo natali loco testantem. Urinolum etiam spirabat, cum in pulverem tritus vivo carboni inspergeretur.

Præfatus autem equus, postquam novem mensium decursu, lapideos istos foetus diversis vicibus edidisset, concidit tandem, exenteratusque post mortem, ingentis molis lapidem, unâ cum minore alio, in intestinorum aliquo, ea parte, cui lapis inhærebat, nigrescente, mortis autorem exhibuit. Qui statim examinatus libram unam ponderis civilis, drachmas tres, scrupulum unum pendere observatus fuit; figurâ Gothano respondet, atque colore ad fuscum inclinât, colorem ita paulatim immutans, cum primo ad cinereum inclinâsse dicatur. Minor ejusdem coloris, unciam saltem dimidiam, duosque scrupulos ponderat, aliqua ex parte fractus, eâque laminatim se concrevisse, ostendit. Horum possessori alii insuper duo sunt Hippolithi, ex equo mortuo desumpti, grysei coloris, non nitidi splendentesque, immò impuriore, pabuli adsumti vestigia nonnullibi ostendunt, laminis tamen pariter constant; quorum major drachmas septem & duos scrupulos, minor drachmas tres pendere adæquat.

Hisce consideratis, non possum non *Plinio lib. 8. histor. natur. cap. 42.* equo ferè, qui homini, morbos esse, tradenti, quodammodò subscribere. Calculos namque in hominum ventriculo atque intestinis generari, nullum amplius est
dubium,

dubium, quos partim excretionem, partim ventris post mortem incisione, fuisse manifestatos, plurimæ Observationes fidem faciunt: Idem quoque contingere in equis, ex jam dictis elucescit. Neque enim ullum fore autumo, qui Hippolithos secundum naturam, prout quidem de lapide bezoardico adfirmare id nonnulli sustinent, produci adstruat; cum potius reverâ præter naturæ consuetum ordinem oriantur; unde etiam non in omnibus equis reperiuntur; & non tantum incommoda varia, verum ipsa insuper mors, equos talibus oneratos quandoque insequuntur. Nuper colloquebar (*sic Andr. Libavius apud Hornungum, Epist. 78. scribit:*) cum nobili R. qui diu in Italia, atque etiam Neapoli fuit, estque Eques admodum peritus. Is aliquot exempla magnis lapidibus occisorum equorum recitabat. Equus Tyrolensis superius memoratus, nec non Neapolitanus à *Jordano* adductus Hippolithos prægrandes sibi fatales experti fuerunt. Hottomannianus, disrupto intestinò rectò, cum transire non posset, mortem equo attulit. Sic rerum vertitur ordo: & si ob quandam nominum similitudinem joculariceat, dignas Hippolithis nunc equi dant pœnas, qui prius, spretò habenæ regimine, miserum Hippolithum, curru excussum, loris implicatum, multasque in partes discerptum, exhalare coegerunt animam. Sed cur non omnes equos Hippolithis prægnantes eadem fors manet? Idem sanè, quod in homine, accidere videtur. Mortem imprimis, gravioraque incommoda effugiunt, lapilli si minores sint, nec asperi, & partes, quas transire debent, si laxiores ac patentiores existant.

Generantur autem partim in equorum ventriculo, partim in intestinis. Istorum exemplum suggerunt illi à *Tornesio*, & *Jordano* propositi: hos negare pariter vix licet. *Libavius* in colo equorum gigni, non dubitat, ceu in *Epist. Ciste Hornungiana* 65. videre est. *Clar. Velschius* illos, quos memorat, in ventriculari intestino latuisse, narrat, quod colo ex una parte, ut cœcum ex altera, adnexum est. Etenim in equo intestinorum ordo, ut verbis utar *M. A. Severini part. 4. Zootom. Democr.* si infernè aggrediaris, hic est: primum intestinorum rectum, secundum cœcum, tertium colon, & post colon aliud ventriculi formam habens. Quale duplex intestinum cœcum in lupo etiam, aquilâ, cygno, grue, columba, inventum, Anatomicorum observationes affirmant. Videturque omnium convenientissimè intestinorum cœcorum cavitas pro Hippolithi productione commoda: quamvis faciliè credam, in ventriculo, aut aliis tenuioribus intestinis prima quandoque rudimenta eum suscipere, ac progressum dein, protrusum, aut prolapsum ad crassiora, novum ibi incrementum capere; cum in instanti eum minime concreescere, vel laminarum miranda structura evincat. Immò non has tantum partes, sed alias quoque calculorum in equis generationi inservise, *Joh. Langii* observatio comprobat, dum *lib. 2. Epist. Med. 57.* lapidem

Cc

nigrum

nigrum, pondere unius libræ, ex vesica, equo mortuo, exemptum vidisse se, lapides etiam in maxillis equorum concrevisse, ex Absyrtho non illaudato artis veterinariæ Medico, prodit. Parisiensis Hippolithus in membrana pinguedine repleta, duobus in locis spinæ dorfi proximè renes affixâ, fuit inventus.

Ipsam verò generationis modum assignare, perquam arduum est, ni planè impossibile; cum ad amissim ipsi quadret, quod de calculi in humano corpore ortu Medici, sagaciores quamvis & ingeniosissimi, fateri coacti fuerunt, videlicet rem esse obscuram, intricatam, nobisque nondum satis hucusque cognitam. Ut de calore aut frigore nihil dicam, cum nudas istas qualitates per se insufficientes admodum esse, plurimis jam demonstratum sit. Statuere autem saccum, humorem, auram, sal, vel spiritum aliquem λιθοποιητικόν, lapidificum, sive gorgoneum, rem non exhaust, dum, qualisnam ille sit, an purè acidus, alcalicus, austerus? & quomodo in animalis corpore ἐνέργειαν illam exserat? ignotum nihilominus remanet. *Helmontius* quamvis hoc per diversos illos ex urina separatos spiritus clariùs videretur explicare; cum tamen *uti cap. 3. de lithiasi §. 42.* videre est, coagulatore illum spiritum, utut laboraverit, in urina equina reperire non potuerit, ut neque spiritum fermenti vel aquæ vitæ; hoc ipso sanè Hippolithi generationem ex eo arduum foret deducere. Non postremum tamen hic locum obtinere spiritum salinum urinosum, ipsum Hippolithi examen comprobat, ditissimum illo hunc esse, evidenter demonstrans. Unde à volatilibus hujus alcali, acidique morbofi, arreptâ simul materiâ obviâ idoneâ, mucilagine &c. puta, concursu, *Clar. Tackenius* calculi generationem deducit *cap. 14. Hippocr. Chim.* Qua ratione vinum quoque suum contribuere valet symbolum, cujus scilicet partem volatiliorem, ut te tartaro, quem in sinu abscondit, nihil dicam, acidum occultum in se continentem, cum urinoso coagulari, est notissimum. Unde *Schnitzerus Epist. 64.* apud Hornungum, non adeò præter rem, de vini sitientissimo calculoso equo agens, scripsisse mihi videtur; forte quis hujus λιθογενείας causam οἶνοποισίαν putet? Neque obstat *Libavii* objectio, quod & in bobus calculos observaverit, à quibus tamen vinum non fuerat degustatum. Vinum enim solum & per se in causa utique non est, nec semper ad calculi generationem necessarium, aliis tamen cum causis concurrere potest. Simili modo lutum quoque, vel terra nitrosa parietum, flagella fruticum, & aquæ turbidæ, quibus delectari nonnullos equos, atque materiam lapidum inde congeri posse, idem *Libavius* scribit, se habet. Verum, ne justo prolixior sim, hæc mitto, pauca saltem de virtute alexipharmaca lapidis nostri additurus, quam nonnullos ei adjudicare velle, video. Sic *Jordanus*, cum fortasse Bezoar vicarium esse, scribit; *Crato* autem, nondum de viribus fecisse se periculum, refert.

Minde-

Mindererus noster, de equis Hippolithos in se continentibus agens, addit: qui post mortem dissecti, tanti (prout videri potuissent) pretii lapides Bezoar nobis reliquerunt. Usus Hippolithi, scribit *Libavius*, esse bezordicum, sunt qui statuunt. Itaque etiam longè præferunt globulis lapideis ex India occidentali, & his, qui ex orientalibus campis afferuntur: Et *Celeberr. Cass. Hofmannus Epist. 203. Cist. Hornung.* Non valdè, inquit, abhorreo ab eorum sententia, qui vires bezoardicas illis tribuunt. Unde etiam à *Schvvenckfeldio* equinum Bezoar (*Roß-Bezoar*) vocari fortè promeruit. Huic sententiæ favere videtur similitudo, quæ caprarum bezoardicarum & inter equorum calculos occurrit, si color utriusque conferatur, qui variare quidem solet, ita tamen, ut cinerei etiam, aut subcinerei, quales ut plurimum sunt occidentales, dentur. Hic ipse color in Hippolithis quoque majori ex parte conspiciendus est, modo dilutiore colore, obscuriore modò in iis adparente. Quamvis color quandoque ad fuscum tendens eos pariter exornet, qui in officinarum orientalibus bezoardicis lapidibus ut plurimum se sistit. Elegantissima præterea structura nitidarum, sibi que superimpositarum lamellarum, fundamenti loco corpus aliquod, supra quod scil. concrevissent, habentium, eadem est. De bezoardico quippe lapide omnes id adfirmant, adeò ut tunicis istis si destituatur, pro adulterino eum reputent; has autem tunicas modò paleam, modò aliud corpus, quæ inter maximè notata digna est sagitta ferrea (quò de lapide vid. *Observatio 115. Anni 1. Ephemerid. Curios. German.*) in centro ostendere, plusquam notum est. De Hippolithis statuere idem possumus; quod tùm ex Autorum superius citatorum, uti *D. D. Wedelii, Velschii, Schröderi, Jordani, & Tornesi* relatione elucescit, tùm autopsiâ mihi innotuit, dum omnes eos, quos frangere, aut aliquâ ex parte in superficie fractos videre licuit, egregio crustarum ordine præditos esse, observavi. Quatuor autem eorum, qui nimirum per mediam suam substantiam disrupti fuere, in centro silicem minusculum, durum, subcrescentibus laminis basin præbentem, exhibuerunt. Hunc verò silicem non tam in ipso equo, uti reliqua ei adnata Hippolithi substantia, generari, quam potius pabulo commixtum, vel alia occasione ab eo deglutiri, verisimile est: prout diversa sæpè corpora à jumentis hac ratione in ventriculum mitti, constat.

Accedit insuper odor Hippolithi urinosus, quem, ubi teritur, aut aliò modò tractatur, emittit, naresque eò eminenter ferit, ac si sal aliquod volatile urinosum, uti ammoniaci &c. objectum ipsi fuisset. In confesso autem est, urinosa illa in malignitate debellandâ magnam obtinere efficaciam.

Libavius, stercore equini succum contra epilepsiam, pestem, vermes &c. præberi, animadvertens, ad putrida venena Hippolithum quoque facere, probabiliter credit, sudoresque potenter movere, & crassos succos incidere posse, arbitratur.

Ut ludus humanus à recentioribus nonnullis ipsi lapidi bezoardico præferatur, ob insignes virtutes alexipharmacas, resolventes, diureticas, præcipitantes &c. ita nullum dubium esse, statuit *Exc. D. D. Wedelius*, ipsummet etiam Hippolithum viribus pollere iisdem; illudque è Magni *Thomæ Bartholini* centur. 4. Epistol. Med. 92. pag. 522. comprobatur, ubi Celeb. *Olaus Borrichius* observationem illustris *Boylæi* communicat, quâ calculum humanum tirinam & sudores promptè exigere, quin & in peste excellentioris esse usus, quàm decantatum illum bezoardicum lapidem dicitur. Id quod pariter *Jacob. Bontius* in lib. 1. de Medic. Indorum, sive Notis in *Garcia ab Orta* lib. 46. propugnat, compertum se habere, scribens, lapidem in vesicâ hominis repertum urinam ac sudores probè ciere, sequè tempore pestis, 1624. & 25. Hollandiam miserandum in modum devastantis, ob lapidis bezoardici penuriam, eum exhibuisse, atque melius ac excellentius sudorificum invenisse, testatur. Quemadmodum etiam calculum humanum omnibus aliis lapidibus, tam contra venena, quam alios morbos præferendum esse, ex *Hueblino Casp. Bauhinus* cap. 22. de lap. bez. recenset.

Tandem conjecturis hisce experimenta instituta pondus addunt, prout *B. Sachsus* de Hoffmanniano equino lapide refert, eum instar lapidis Bezoar sudorem movisse. Et *Schröderus* illius, quem describit vires easdem cum Bezoar occidentali experientiam docuisse innuit.

Quibus experimentis fidem ego minimè denegans, quid tamen observare mihi licuerit, quin addam, haud intermittere possum. Paucis enim abhinc septimanis particulam Hippolithi illius, quem uncias novem, & sex drachmas ponderasse, suprâ retuli, à possessore nactus, quid valeret, experiri lubuit. Tribus itaque columbis junioribus pulverisatæ nucis vomicæ, singulis scrupulorum unum (cum dimidium aliis nullum omninò ante aliquot annos intulisse damnum, scirem, dum unicornu cujusdam vires explorationi aliquorum nostratium Medicorum subiciebantur,) exhibui, cum micâ panis, aquâ madefacti, in globulos redactum, & paulò post duabus illarum Hippolithum pulverisatum, primæ quidem unicum scrupulum, alteri verò grana viginti quatuor, iidem cum pane in globularem formam efformata; tertiæ autem columbæ lapidis Bezoar dici occidentalis grana viginti quatuor eodem modò, Hippolithi locò, deglutienda dedi, effectu dimidiâ vix elapsâ horâ se manifestante. Etenim duæ priores, quibus sic dictus equinus Bezoar ingestus fuit, convulsæ finièrunt vitam, tertia autem, quæ lapidem Bezoar occidentalem acceperat, nullum passa incommodum, salva evasit. Quod equidem experimentum tanti non facio, ut illò solò fretus, alexipharmacam virtutem Hippolithis denegare præsumam; cum non ignorem, plura contra illud in medium proferri posse, uti, quod à similibus experimentis in bruto aliquo institutis, ad hominem non valeat argumentatio; facile,

facile, nobis non animadvertentibus, accidere quid possit, speratum quod removeretur effectum; non omne alexipharmacum omni veneno contrarietur: intercedere queat inter equinos calculos, virium ratione, differentia; & quæ plura alia objici queunt; adducere tamen illud volui, quò dubio isto ablato in rei veritatem, & ea, quæ de virtute ista habentur, crebris experimentis tantò accuratius inquiratur. Mihi fanè majorem sollicitudinem incussit, ne simili minus adhuc expertò remediò prius utar, quàm majori evidentia effectus ejus salutaris comprobetur. De corio enim humano hic luditur. Tentare autem ea in corpore humano, quæ non sunt experientia probata, periculo non vacat. Interea Hippolithum non omni contra aliquos humanum genus infestantes morbos carere virtute, vix ullus negabit. Scilicet, ut cum *Helmontio* è *cap. 4. de lithiasi* §. 15. loquar, *in belluis sui obnascuntur calculi, at non in pœnam, nec in mercedem dati, qui nobis in medicamina succrescunt.*

OBSERVATIO CLXVIII.

D. Lucæ Schroëckii,

De

Calculis renum & vesicæ in bobus.

E Quo ferè, qui homini, morbos esse, è *Plinio* in præcedentibus monui. Similia in *Aristotelis lib. 8. de Histor. animal. cap. 24.* occurrunt; postquam enim variis de morbis equum infestantibus egit, subjicit: *Denique homines usu periti, eodem ferè morbis equum infestari, quot hominem, referunt.* Hoc ad lithiasin quoque si extendere scivisset, aliis errandi ansam præscidisset. Namque, dum *Sect. 10. problematum, quæst. 42.* cur nullum animal, nisi homo, calculosum fieri possit? quæstionem instituit, verbis ejus nimium adhærentes, solum hominem calculis obnoxium esse, adstruere non fuerunt veriti. Quam tamen sententiam falsam esse, prægressa Hippolithorum historia abundè evincit, confirmatque animalia plura alia, in quibus generari calculos, nullum amplius est dubium. Placet hâc vice, renum vesicæque progeniem calculosam in bubulo genere observatam, cum in finem tangere, præsertim cum ut plurimum colore, splendoreque eximio se commendent. Talis mihi est in rene vaccæ inventus, triangularis, aliquot tamen eminentiis præditus, qui primò ad spectum metallicum quid, licet tale non sit, refert, colorem splendidum & quasi aureum ostendens, in primis ubi exteriorum lamellarum aliquot ablata fuerint; extenuissimis siquidem flavescentibus tunicis constat, quæ separatæ planè diaphanæ adparent. Non minus etiam Pataviri in vesicâ bubulâ minutos rotundosque calculos, quorum majores semen erucæ, minores minutos nicotianæ

femina magnitudine æquabant, inveni, qui simili fulvô splendenteque colore, ac pellucidis lamellis pollent. Quales in vesicis istis ab aliis quoque fuisse observatos, novi. Convenire hos existimo cum illis, quorum Celeberr. Wedelius, Sachsus & Borellus mentionem faciunt. Hic siquidem *Centur. Observ.* §. lapidem in meatu urinario bovis repertum describit, qui durus & quasi metallicus in tres veluti partes dividebatur, ac si globuli tres conjuncti profunde fuissent, talesque addit, ajunt rustici ejusdemque figuræ in bobus repertos fuisse. Sachsus verò *lib. 1. Gammarolog. cap. 14. §. 8.* arenam quasi metallicam & lapillos perfectè rotundos, globosos, splendentes, & colore auri mineram æmulantes, ab Exc. D.D. Spilenbergero, Physico Leutschoviensi in vesicâ bovis fuisse deprehensos, refert, quorum originem aquæ metallicæ, spiritu lapidifico prægnanti, ebibitæ, vel herbis minerali seminio gravidis deberi, suspicatur. Et D.D. Wedelius particulam calculi vaccini, instar auri foliorum fulgidi, possidet, uti *Anni III. Ephemer. curios. German. observatio 246.* testatur. Nec fortè multum diversi fuere, quos *Libavius*, uti *Epist. 65. Cista Hornung.* docet, è boum renibus exemptos vidit, colore argenteo atque fusco splendente; & quem satis magnum ac splendens è rene vaccino Staffelsteini apud Præfectum vidisse se *Epist. 78.* scribit. At neque homines à similibus immunes existere, obiter noto; quos splendidam istam miseriam infestare posse, ex *Gregorii Horstii Epist. Med. lib. 2. Sect. 5. pag. 455.* discitur. Quamvis autem ut plurimum ita fulgeant, alium tamen, ut eum solum producam, è rene bovis extractum habeo, qui aureo illô colore & fulgore non gaudet, figuram tamen singularem præ se ferens, dum ocream, parte superiore multum expansam, satis exactè repræsentat; cæterum cortice exteriori rufescit, cui substantia subcinerei coloris subjacet; medullâ intus ad fuscum accedente; quæ figura in memoriam revocat lapidem, quem *Ol. Wormius lib. 1. Sect. 2. cap. 13.* Musæi sui describit, pedem ocreatum exactè referentem. Consulatur etiam ejusdem præcedens caput undecimum, de lapillis è renibus bubulis exemptis, tesserarum instar variè coagmentatis, albicantibus, gypseis, & inæqualibus.

(In literis ad Collectores Ephemerid. mens. Maji, anno. 1674.)

OBSERVATIO CLXIX.

D. Henrici Vollgnad

De

Nephritide lethali.

ANni 1673. mense Decembri ferè extremo, Vir quidam Reverendissimus nephriticis doloribus interemptus, anno ætatis quasi quinquagesimo,

vita

vita hîc, Vratislaviæ, defungebatur, quantumvis *εὐσχερός* ac sanæ alias constitutionis, quod imprimis in exenteratione, cui Nobiliss. atque Excell. Dn. D. Godofredus Leopoldus Neumannus de Neumansvvaldau, S. Cæs. Maj. Consiliarius, & Excell. Dn. D. Godofredus Tilesius, Physicus Primarius, cumque ipsis egomet intereramus, comparuit.

Nam abdomen primò pinguedine duos digitos transversos, vel amplius, crassâ obductum erat, & deinde viscera naturalia omnia optimè constituta viscebantur, solos renes & vesiculam felleam, potius contentorum vitio quàm suo, morbosos dicere oportebat.


Vesicula enim fellica non solum lentissimam bilem, quæque satis largo spatio se distendere patiebatur, nec multam, sed & insuper lapillos in adjecto schemate sub l. A. & B. delineatos, puniceos, prominentiis quibusdam inæquales, rubrisque maculis, nec non luteis quibusdam parvis conspersos, continebat. Dicti lapilli aliis parvis, minorum pisorum magnitudine, & plurimis arenulis stipati erant.

Ren dexter calculum l. C. delineatum, luteum fovebat, cujus cuspis autem in Uterem se insinuaverat, reliquæ duæ parenchymati sic infixæ utrinque erant, ut transitum & exclusionem omninò prohiberent, calculus D. in rene sinistro latitabat, juxta cum plurimo sabulo: cujus pars initium ureteris penè obstruxerat.

Lapillus denique E. in vesicâ, jam deturbatus, inveniebatur.

Uteteres ampli admodum & solito carnosiores erant.

In causam hujus in corpore tam benè constituto *λιθογενείας* inquirentibus, imprimis vinum nimis tartareum, quo Reverendissimus familiariter, quam non excessivè, utebatur, inculpandum esse probabile visum est.



OBSER.

OBSERVATIO CLXX.

D. Henrici Vollgnad

De

Draconibus carpathicis & transylvanicis.

DRacones, h. e. bestias grandiores, dari in montibus Carpathicis, Dn. D. Paterfonius Hayn, Medicus Excellentissimus & Physicus Eperiensis Celeberrimus, vir plurimæ ac curiosæ peritiæ, Anno III. *Ephemeridum nostrarum Obs.* 139. & 194. edocuit. plura fortasse etiam de hisce animalibus & aliis in Hungaria, præprimis circa Carpathum notabilia prodidisset, nisi gravissimus morbus ipsum ultra biennium dolentissimè vexans, corporis animique vires atque facultates depasceret. In citatis Observationibus cum nonnulla ossa Draconum, atque inter ea etiam cranium junioris animalis delineatum dederimus, Ben. Lectorem nec cranii, grandioris bestię, picturâ, ceu perfectiore illâ, quamque juxta ipsum naturale exemplar factam, eidem laudatissimo Paterfonio acceptam ferimus, defraudandum censuimus: cumque ipsa tam evidens sit, ut explicatione non indigeat, verbis abstinemus.

De reliquis saltem figuris in eadem tabula exhibitis, paucis monuisse juvat, illam littera C. notatam, dentem caninum bestię in naturali sua magnitudine exprimere. Color, dentis 3iis. pendentis, ex luteo rubescit, seu subcroceus est; admodum tamen pallet in mucrone, qui solidissimus est instar dentis aprugni, at reliquum corpus jam in laminas fissile, instar unicornu fossilis. Scrobem ejus nonnulli in epilepsia magnificiunt, ægrisque exhibent.

Adjungere præterea placuit iconem unguium draconis, quorum in *Obs.* 139. *Anni III. Ephem. Curios.* mentio facta est, quique in Ph. Jac. Sachsiij à Lewenhaimb, b. m. Bibliotheca (ab Excell. D. Paterfonio, uti conjicio, donati,) asservantur; in eorum utriusque appositis schedulis, talis legitur inscriptio: I. *Medulla unguis Draconis majoris in montibus Carpathicis reperti; cujusvis aromatica ex odore cognoscitur, estque sudorifera ut unicornu, & linguæ adheret: Ea in hac Tabula signatur lit. A.*

A. medullæ pars est magis ossea & solidior, b. pars porosior ac verè medullaris; c. corona seu basis ossea, prætracta, cui procul dubio unguis adhæserat. II. *Unguis alius ibidem repertus junioris & minoris multò Draconis, qui non adeo potens, integer tamen in radice, totamq. figuram habet. Ille major confectior est, sed rarior & majoris virtutis. Signatur Tabula lit. B.*

Aa. basis solida & ossea ; bb. pars medullaris & porosior ; c. foramen cui vena nervusve insertus fuerat.

Utriusque unguis color flavus est , qualis scil. ossium vetustiorum esse solet.

NB. Neuter tamen unguis nunc aliquam fragrantiam edit, nec lingua amplius adhærescit.

Cæterum Dracones volantes in Transylvania reperiri , fidem fecit aliquoties Vir satis integer ac aliàs fide non indignus, amicus meus per dilectus, Georgius Vette, Pharmacopœus Cibinensis ; Et quidem in litteris 16. Maji anni 1673. tali sensu scribit :

Nuper grandem Draconem allatum Vallacha quidam in arbore excavata prope montana, combussit. Rusticus is dudum observaverat istius arboris cavitatem ab illo frequentari ; & quanquam varias ipsi insidias strueret, eum tamen capere vel interimere, quoniam propriæ vitæ discrimen metuebat, non ausus est. Tandem tale stratagemata excogitavit ; nimirum arborem illam (absente Dracone) plurimâ virgultorum aridorum struere cinxit, eamque, cum Draco ad domum suam iterum advolasset, subito accendit, sicque arborem & Draconem combussit. Itidem paucos ante annos in tractu, uno milliari à Cibinio distante, Draco unâ cum arbore excavata, quam inhabitare solēbat, quamque fulgur accenderat, combustus est, cujus caput in ædibus Judicis Regii in hac civitate asservatur, ibique videri potest.

Idem Dn. Vette in litteris 5. Jul. anni 1673. de alio Dracone hæc memorat : Ante sex circiter septimanas, duobus abhinc milliariibus, prope montana, arbor, in qua Draco habitabat, fulmine tacta est, quod hospitium & hospitem simul incendit atque combussit. Draconis istius os quoddam vidi, quod extrinsecus vitro propemodum simile videbatur, interius verò ab aliis ossibus non abludebat.

Præfatus Pharmacopœus rursus in litteris mense Novembri Anno 1674. scriptis refert, sibi esse dentem, pro Draconis venditum, qui lb 6. (libra verò 3 iis Medicis propemodum viginti constat) pendeat, non esse eum admodum longum, sed palmo latiore ; videri similiorem lapidi, quam ossi : Se illum accepisse à Meczisiensi seu Medwischienſi (quod oppidum quinque milliariibus Cibinio distat,) viro, integritatem facie præ se ferente & asserente, dentem eum, juxta cum plurimis ossibus aliis, Vallacham (qui Romuin i.e. Romanos se nominant,) in abstrusissimis montibus, non procul à porta ferrea reperisse.

Ejusdem planè formæ & magnitudinis dentem portæ Templi Lesh-Kirchenſis, catenæ ferreæ alligatum, videri, qui ipse quoque à quodam Vallacha in ferrorum montibus (vulgo Das Kerbergeburge vocant) annis abhinc quatuor repertus sit. *Hæc ille.*

Si, quæ aliàs de Draconibus alibi locorum vel visis vel inventis scripta sunt, quenquam scire juverit, conferre is poterit. Dn. D. Joh. Dan. Majoris, Prof. Kilonniensis, Fautoris & Collegæ mihi honoranter amicissimeque colendi, Dissertationis Tertiæ de Pinacothecis Rariorum Naturalium, seu *Vorstellung etlicher Kunst- und Naturalien-Kammern in Africa und an Gränzen Europæ*, cap. in primis IV. & V. ubi in prodita hætenus narrationes de istis Bestiis haud ineruditâ censurâ animadvertit.

OBSERVATIO CLXXI.

D. Henrici Vollgnad.

De

Aquis ardentibus.

Idem, quem in præcedenti Observatione nominavi, Amicus Cibirienſis in litteris 2. Jul. Anno 1673. ad me scriptis, hæc refert:

Quatuor à Cibirio milliariibus, in pede montis viniferi, fons scaturit, cujus capacitas in diametro ultra ulnam, profunditasque unam cum dimidia vix excedit.

Aqua scaturiens nigricat & turbida est, spithamæ altitudine ultra superficiem fontis exilit, tanquam in aheno ebulliret, frigidissima tamen semper existit, & quod miratu maximè dignum, nunquam exundat, sed semper intra suum continetur alvum.

Si ignem palmi intercapedine supra aquam admoveas, ipsa subito flammam concipit, & instar spiritus vini ardet, ignesque trium pedum in altitudinem dispergit, nec non ligna, aliasque res inflammabiles incendit.

Fons hic semel accensus, diutissimè ardet, nec extingui patitur flammæ, nisi injectâ terrâ illæ suffocentur.

Licet verò aquæ hæc ardeant, semper tamen frigidæ sunt, & sulphureum quid acidularum instar, sapiunt, flammæ verò odorem nullum de se spargunt.

Extra suum delatæ fontem, ignem nusquam concipiunt, imò verò alios quosvis ignes promptè extinguunt.

Accolæ illius loci referunt, fontem hunc jam à viginti circiter annis scaturisse, sed demum anno superiore 1672. ipsum exardescere, compertum existisse. Cum enim tunc vicinas rustici arundines exurerent, ab earum flammis fons hic improvisò accensus primùm est, pluresque septimanas diu noctuque cum multa admiratione, tantum non mille hominum, qui spectatum hanc rem venerant, arsit.

Ex eo quoties quis veritatem rei experiri cupit, ignem admoveat, necesse est, quod & ego hisce feci manibus, oculatusque consecuti effectus testis sum.

Ii, ex quibus causam hujus rei percontari tentavi, non idem ferunt judicium; alii enim halitus subterraneos & sulphureos, alii terræ pinguedinem vel Naphtham incusant. *Hæc tum ille.*

Ego in responsoriis meis deinceps autor fui, ut idem Dn. Vette porro inquireret in naturam istius fontis, utq; id tanto facilius effectum daret, nonnullas ipsi suppeditavi quæstiones, ad quas ipse 12. Januarii Anno 1672. respondit, sensu qui ex sequentibus patet.

Materia è fundo fontis extracta nullatenus inflammabilis est, nec terra circa fontem.

Intra fontem nec muscum nec aliam plantam reperii, sed in vicinia ad ulnæ distantiam, arundines & gramina abundanter proveniunt.

Vinea ex sabulosa terra congesta est, vinum verò ibi crescens, nec sapore, nec virtute ab alio vino differt.

Aquam eam homo brutumve, quod scitur, nunquam bibit, quia ob continuam ebullitionem atro limo turbatur, ut ipsemet, illam degustaturus, nauseam quandam perceperim.

Insecta ibi certa familiariter versari; non deprehendere potui; nec puto in his convalliis ulla degere, quoniam tota salsuginosa sunt, ita ut sal ipse efflorescat, & terræ albedinem inducat perpetuam, nisi quando pluit. Siccatâ verò terrâ, sal albus iterum apparet, & tam æstate, quàm hieme visitur.

In salis fodinis similem effectum (videl. ut illato in eas igne, vapores ibi exhalantes ignem concipiant) non observavi. Nam milliari saltem uno à Cibirio fodinæ (salis geminæ) sunt, cryptam prævastam & fornicatam ex mero sale referentes, iisdem pariter lacus adjacet amplissimus, aliquot orgyias profundus & salissimus, ita ut neminem submergi patiatur, licet sanitatis causâ admodum ab accolis frequentetur, imò seposita post balneum hoc indusia tantum salis imbibisse visuntur, ut exsiccata, propriâ rigiditate erecta sine alio adminiculo stare soleant. At nec hic lacus flammam concipit.

Vicinia fontis dumosa satis, ibidemque sylva uliginosa, ex adverso vineæ supra idictæ, sita est.

Quamprimùm licuerit mihi ad fontem hunc redire, non intermittam subministrata experimenta tentare, successumque deinceps perscribere.

Denique non reticendum, quod æstate præcedentis anni, à fonte supra dicto, passus aliquot, nova aquæ pariter inflammabilis scaturigo prorupit, quæ tamen in circumferentia angustior illi priori, vixque medium pedem profunda est.

SCHOLION.

HAlitus subterraneos in præcedentibus descripti incendii causas esse, haud obscuris argumentis ex allatâ relatione constare posse existimo, atque hinc etiam, quod aqua ista, propriè loquendo nec ardeat, nec eidem fontis nomen attribui debeat.

Crediderim nimirum equidem ex impetu halitum, ex illa terra prorumpentium, eam excavatam esse primò, moxque deinde eò ex vicinia uliginosa aquam confluisse, atque sic potius in parvum lacum, quam fontem concessisse. Quod verò in aliquam altitudinem profilit aqua, scaturiginem quidem mentitur, haut revera tamen est, quippe ab halitibus solum elevari efferrique eam, vero similis est; alias vel in rivulum desinere, aut à proprio vortice, qualis verò hic nullus deprehenditur, absorberi eam, necessum esse videtur.

Halitus isti, qualesnam sint, definitu fortasse non adeò planum est. Salvo expertiorum iudicio, eos ex sulphuris minera (qualis iis tractibus, ubi salis proventus est, familiariter se insinuat) provenire, facilè edixerim, cum sapor ejus acidulus & odor sulphureus (uti ex Relatione patet) id ferè suadeant.

Quod si naphthæ aut bituminis quid adesset, fortasse pinguedo nonnulla aquæ supernataret (quod in aliis fontibus observatum est, licet nondum, an isti admotâ flammâ ignem concipiant? *vid. Varen. in Geograph. General. l. 1. c. 17. prop. 9.*) odoreque graviore, in primis dum ardet, illa se proderet; tam è fundo fontis extracta, quàm propè fontem admotâ incenderetur flammâ, quod in fonte illo Lancestriæ Nobilissimus Thomas Scherley, Eques, se observasse & experimento, non sine ingenio, facto demonstrasse, relatione sua, in *Actis Philosoph. Regiæ Societatis Anglicanæ* n. 26. confirmat.

Neque verò proinde negatur, terram propè fontem, de quo sermo est, & salis quodam flore conspersam, ejusmodi halitûs, non æque atque fontem emittere; quod tamen ea non ardeat pariter atque aqua, probabilis causa est, quod è terra vapores illi magis dispersi ac rari procedant, è fonte verò uniti magis & densi; adeoque propterea flammæ capiendæ magis apti.

Hanc quoque causam esse, licet conjicere, cur fontes, unde sal excoquitur, & fodinæ, unde eruitur, ignem non concipiunt, licet foetorem sulphureum satis fortiter spirent; sic notum est, Hallæ Saxonum operarios, ut advenis profunditatem fontium monstrarent, in eos demittere fasciculos arduos seu stramineas faces, sine tamen ullo vaporum incendio.

Tale contra ea incendium circa salinas Cracovienfes observavit *Joh. Broschius*, dubius tamen hærens, utrum sulphuri, an verò Naphthæ causam adscribe-
ret. Verba ejus in *Præfatione ad Obs. d. nominatis salinis à se conscriptam*, libet adscribere: *Illud, inquit, admiratione dignissimum videtur, quod ad salis fo-*
dinas

No Obserr. C LXXII.



dinas ut plurimum sulphuri fontes propè reperiantur, ut Bochna & Vielicie in Suvoszovicze: quantula enim hæc est distantia? ac inter salis cavernas sæpè Naphtha ad ignem profiliens, multos amburit: & ante aliquot annos æstate ferventi meminit terram inter Cracoviam & Vieliciam arsisse multis diebus.

Hæc ideo huc adduxisse visum est, non ut cuiquam quicquam persuadere de fontis istius Transylvanici incendio contendam, sed ut ansam præbeam, in aliis etiam experiundi aquis, an simile quid contingat, & causæ evidentiores ac veriores talismodi incendiorum, à Viris curiosis indagentur, sicque certius innotescat, ubi Naphthæ aut bituminis, ubi sulphuris quid sub sit.

Cumque celebris sit fons iste, qui prope Culmam Borussiae effervere dicitur, licet semper frigidus sit, unde *insanus* dictus est, operæ pretium foret, experiri, num ad motâ flammâ halitus ibi prorumpentes, incendi se patiantur.

Contra experiendum, an fons ille prope Gratianopolim (cujus Augustinus in de Civit. Dei meminit, & post eum Hieronymus Montanus & Petrus Areædus, citante Strobelbergero in Descript. Gallia Politico-Medica sect. 4. p. m. 166.) injecta omnia consumens, cujus flammam nubiloso cælo clarè, sereno non nisi face adhibita videri ajunt, injectâ terrâ extinguere suos ignes sit passurus, quem admodum id in illo Transylvanico contingit. De his fortasse, aliisque notabilibus circa eum fontem, consulendus Dionys. Salvagnius Boëssius in descriptione septem Miraculorum in Delphinatu, ubi de eo pluribus egisse dubitare haut licet, etsi librum hunc evolvere hæcenus nunquam concessum fuerit.

OBSERVATIO CLXXII.

D. Henrici Vollgnad

De

Figuris in glacie repertis.

VARIAS sæpè figuras mirâ elegantia herbas aut eorum folia, frutices, arborumve ramos exprimentes, non solum in stagnantibus aquis, aut rivulorum fluminumque quandoque ripis, sed & fenestrarum vitris uvidis, à rigido hiemis frigore expressas reperiri, res quidem est, quam & pueri norunt, sed tamen quam fortassis viri sapientiores non immeritò speculari queant, quandoquidem non nudo naturæ lusu id accidere, videri potest, immò verò seriâ subesse causas, quas natura polydædala, in minutissimis & vilissimis admirari gestiens, abstrusiore in sinu gerit, acutiore ingenio rimandas atque eruendas. Mihi quidem, in præsentem in hancce abyssum me dimittendi animus non est, saltem exemplum, uti opinor, haut inelegans, liquoris certi vegetabilis,

qui frigore in glaciem coactus sui, figuram fruticis perquam belle repræsentavit, lubet proponere.

Accidit, ut anni 1673. initio mensis Januarii lagena vitrea, in quâ aquam vitis primo vere lacrumantis asservabam, in cubiculo reposita, ab intenso admodum tunc frigore congelasceret, sic ut ea omnis non tantum in glaciem versa esset, sed & vasculum diffregisset.

Ipsam contemplatus propius, adverto figuras pampinorum & uvarum præsentari tam appositè, ut artificio potius, quam spontaneâ liquoris congelascentiâ effictas esse dixeris ac asseveraveris.

Hocce Phænomenon cum aptius pictura quam verbis describi possit, tabulæ æneæ illud incisum proponere malui. Ne verò claros & amicos mihi viros, quibus hoc spectaculum eo tempore oblectamento fuit, non inetenus protestibus allegem, Lectoris B. facit candor, cui confido, ut meæ tantum tribuat fidei, quo minus quicquam hic fictum suspicetur.

Similes apparentias in aliis quoque liquoribus vegetabilium succulentis, aus succis eorum ipsis posse contingere; licet non semper similiter contingant, probabile videtur id experimento, quod eadem aqua vitis me docuit, confirmanti.

Nam cum mense Decembri anni 1672. eadem aqua in lagenulâ frigore concrevisset, nulla tamen figura, nedum lineola, pampinum uvamve exprimens comparuit; quemadmodum deinceps mense Januario, postquam glacies ista ab æris tepore resoluta fuisset, intensumque rursus frigus eam congelasset, factum vidi.

Pariter glacies ista, quam pictam nominare liceat, postquam remittente frigore, rursus resoluta esset, tertium redeunti frigori ad congelascendum exposita est, sed neque tunc figura aut effigies ulla comparuit.

Apparet hinc etiam, quanta æris, secundum diversos minutissimosque gradus qua calorem frigusve intensi aut remissi, vis & efficacia sit pro diversimodè efformandis particulis subiectorum tam dissolubilium quam coagulabilium, ut pariter manifestum exinde fiat, quam varias corpus humanum quoque mutationes ex solâ atque unica caloris frigorisque vicissitudine experiri oporteat; ut proinde dictæ qualitates non citra meritum activæ audiant.

Denique idem hîc propositum exemplum, infidum experimentorum successum comprobare posset, nisi illustris Boylei ingeniosissima industria illum pridem plurimis comprobatum ivisset testimoniis.

OBSERVATIO CLXXIII.

D. Friderici Lachmund

De

Ulcere intestini recti Brasilianis familiari.

ANno 1624. cum ego (Jacobus Lachmund) qui totius classis Batavicæ Chirurgus constitutus eram, cum illâ in regionem Americæ Meridionalis, Brasiliam, profectus essem, militibus nostris in illâ regione ulcus nascebatur in intestino recto, eo modo, quo in nostris oris homines in digitis paritio corripitur solent, quod ipsis maximos dolores afferebat, ita ut ferè insanirent propter urentem materiam, antequam maturesceret & a periretur. Brasiliani hunc affectum, seu morbum, quo sæpè infestantur, vocabant *Byetos*. Remedium autem hoc erat: sumebant citrium pomum, quod in sex vel octo partes longas diffecabant, ex his particulam quandam, instar suppositorii in intestinum inferebant, & hoc sæpè iterabant recentibus pomis citriis; hoc modo statim magni illi dolores sedabantur. Ego, cum Brasilianos hanc medicinam facere viderem, pari modo medicas manûs adhibui & dolori & morbo nostrorum militum, qui hoc pacto pariter convaluerunt.

(Ex MSS. Parentis pie defuncti, Dn. Jacobi Lachmund, Chirurgi Hildesheimensis celeberrimi, Dn. D. Fridericus Lachmund, filius hanc Brasiliani morbi historiam, cum sequentibus mox aliis quinque Observationibus, de promptis, & additis ipsiusmet quibusdam suis, curâ Dn. D. Joh. Dan. Majoris, Vratislaviam transferri voluit.)

OBSERVATIO CLXXIV.

D. Friderici Lachmund

De

*Vermibus admirandis pedum, lumborum ac scroti
in America.*

CUm postea venire in *Guineam*, videbam, quod incolæ ligni particulas quasdam pedibus appensas, quibus aliquid involutum erat, gestarent. Percontanti mihi, quid hoc sibi vellet, interpretes respondebat, vermes esse, quæ ejus loci incolarum in pedibus, lumbis, immò & in scroto nascerentur, hujus-

hujusmodi particulis ligni aiebat, extrahendi sunt hi vermes, qui sæpè tres, quatuor vel quinque ulnas longi sunt. Cum venissem in *Castellum Mourre*, ubi nostri milites in præsidiis erant collocati, ulteriùs perquirebam, quænam natura & conditio esset horum vermium, respondebant: Non parere magnos dolores, nisi cum jamjam perforare vellent cutem, tum enim frigus quoddam præcedere & rubescere partem infestatam, instar erysipelatis, & tum eos prodire: antea verò aliquantulum materiæ aquosæ effluere; Facto hoc, duo quædam cornua imminere, pili instar, tenuia, parvi digiti latitudinem æquantia longitudine: deinde caput extare, quod aliquo modo compressum esset, hoc sequi corpus, tam rotundum, tam tenue, ac chorda quarta in pandura, quam vocant *Discantus*, tum pedetentim & particulatim ex corpore humano extrahi, & illo ligno circumvolvi, & quidem longitudine tantum unius digiti, unâ vice, tunc enim subsistendum esse; & hoc quolibet die, tertantum debere fieri: inprimis autem hîc accuratâ opus esse cautione, ne in extrahendo nimîâ vehementiâ utaris, & vermem abruptas; tunc enim acrem quandam aquam seu humorem effluere, quod in ulceribus exquisitorum dolorum causa foret, & reliquias per ulcerationem expellendas esse, quod tantâ caloris vehementiâ fiat, ut opera danda esset opere maximo, quò pars à gangræna liberetur. Observavi deinceps, quod milites, qui in Batavorum servitiis erant, cum biennium vel triennium ibi exegissent, similimodo ab ejusmodi vermibus sint infestati & flagellati.

(*Confirmant hæc, quæ in eruditissimo tractatu de vena medinensi Præcell. Dn. D. Velschius inprimis p. 314. 315. & seqq. annotavit.*)

OBSERVATIO CLXXV.

D. Friderici Lachmund

De

Officulorum fragmentis per tussim excretis.

ANno 1632. cum civitas nostra Hildesheimensis à Duce Militiæ Godofredo Henrico, Comit. de Pappenheim, fortissimo, & magni nominis bellatore, occupata esset, & integrum biennium, & quod excurrit, obsideretur, miles quidam erat natione Scotus, cujus claviculæ dextri lateris, glande bombardæ disruptæ, ego chirurgicas manus quando adhibebam, in curatione ea nulla officula emergebant, sed vulnus ritè sanatum est, ita ut omnimodè convaluisse ipse videretur, & non minus atque alii excubias agere, cæteraque munia militaria promptè obire posset. Post semestrem tamen spatium anhelâ & gravi tussi quatiebatur, & sex officula per tussim ejiciebat. Horum duo priora



priora erant acutæ festuæ ossium, quæ illi ne minimum quidem creaverant dolorem.

OBSERVATIO CLXXVI.

D. Friderici Lachmund

De

*Particula clavi trabalis ab infante XXIV. hebdomadam
deglutita, quæ in faucibus in tertium usque
diem remansit.*

ANno Salutis nostræ 1644. accidit, ut infans 24. hebdomadas natus, cum aliis puellis ludens, repentinos dolores sentiret, non aliter, ac si suffocandus esset. Parentes quidem, quibus res angusta domi erat, licet causam ignorarent, & tamen suspicarentur, in collum sive fauces aliquid, quod infantem angeret, descendisse, dorsum infantis percusserunt, potumque illi propinâ-
tunt, sed nihil profecerunt. Sequenti die ad me infantem detulerunt, qui omnibus remediis, quæ ex usu esse putabam adhibendis, periculum feci, nihil tamen effeci, tandem fortius quoddam vomitorium adhibui, quod licet operaretur, tamen hæsit malum; Tertio demum die forcipem singularem curvum, non sine periculo in fauces eò usque immisi, ut materiam istam apprehendere possem. Quæ quidem etsi ægrè poterat suo loco moveri, paulatim tamen à me extracta est. Hæc materia erat quidam dimidio præfractus, isque vetus clavus trabalis, ejus magnitudinis, quam pictura exhibet. Infans verò dictus post illud tempus aliquot adhuc annos attigit.



OBSERVATIO CLXXVII.
D. Friderici Lachmund

De
Spina è musculo dextræ manus,
& de

Particula straminis ex oculi angulo extracti.

ANno 1656. ipsis Calendis Junii, cum rusticus quidam puer ad me duceretur, illi spinam ejus longitudinis, quam annexa figura monstrat, è musculo dextræ manus extraxi, quæ 12. integras hebdomadas absque ulla inflammatione (quod equidem mirum est) in illo latuerat.



ANno 1667. d. 15. Novembris extrahebam puero quindecim annos nato ex oculo particulam straminis hujus longitudinis, quam d. 26. Augusti ex improvise ipse intruserat. Particula itaque hæc tres totos menses (quod valde admirandum) in oculo illo latuerat.




(Hactenus Dn. Lachmund. Pater.)

OBSERVATIO CLXXVIII.
D. Friderici Lachmund


De
*Menstruali partium in puella quadam externarum, atpote
aurium, narium, digitorum &c. mortificatione.*

CUm Anno 1660. tertiâ vice Bataviam permigrarem, in civitate Delphensi Chirurgum in operationibus suis expertissimum & solertissimum, in tota
Hol-

AD OBSERV. CLXXIX.



AD OBSERV. CLXXX.



AD OBSERV. CLXXXI.



Hollandia & Zelandia celeberrimum, & ante aliquot annos mihi familiarissimum, inveni mortuum, quare à vidua petii, ut MSS. relicta aliquantulum perlustrandi mihi copiam faceret, quod quidem illa lubens concessit. Ille autem inter alia memoratu digna, observationem raram annotaverat sequentibus verbis, quam ex Belgica Lingua, in gratiam Benevoli Lectoris, transferendam putavi. Hæc autem ita se habet;

Anno M. DC. XXIV. d. 21. Martii st. n. Ego *Bernhardus Schrader*, unà cum fratre meo *Johanne Schrader*, & *Alexandro Lax*, Chirurgiæ studioſo, veni ad ostium aquæ in pagum, cui nomen est *Geest*, & quidem in diversorium, cujus hospiti nomen erat *Joh. Brandes*, hujus filia, quæ annum ætatis agebat 23. tali affectu miserè affligebatur. Singulis mensibus patiebatur dolorem insignem in digitis manuum & pedum, ut & extremitatibus aurium ac narium, cum tumore œdematoso, in facie, pedibus ac manibus; quem sequebatur paulò ante & post plenilunium partium istarum corruptio & mortificatio, sic ut earum extremitates albæ & siccæ factæ, absque sensu, dolore, humore & fœtore deciderent frustulatim, eo quod istarum partium supererat, naturalem formam & figuram retinente. Ego autem, cum diligentius apud parentes de hic accidentibus inquirerem, pater mihi monstrabat scatulam, in qua centum & plura frustula de mortuarum partium, quæ spatio trium annorum abscesserant, recondita erant.

OBSERVATIO CLXXIX.

D. Friderici Lachmund

De

Cygni lingua ossea.

ANno 1656. cùm hiems esset rigida & dura, magna copia cygnorum ex Septentrione in his oris appulit, ex quibus multi transfossi sunt. Ego curiositate ductus duos emi, & cultello anatomico subjeci, & omnia juxta anatomen *Cl. V. Thomæ Bartholini histor. anatom. 79. Cent. 2.* inveni, in super linguam osseam ibidem ex *Beslerio* allegatam, quoniam autem *Ephemerid. II.*

Anni skeleton cygni insertum, quod tamen etiam linguâ caret, ego, ne

Ephemeridibus aliquid desit, hîc cranii & linguæ ossæ

figuram ex Museo meo addo.

OBSERVATIO CLXXX.

D. Friderici Lachmund

De

Cornu in superiore parte pedis Fœminæ enato.

A Pudeum, quem suprâ nominavi Chirurgum, vidi cornu, substantiâ & durite caprino simile, cujus etiam fermē erat coloris, quod ante aliquot annos excreverat in superiore parte pedis fœminæ, in civitate Delphensi. Consuluit Dn. Bernhardum Schraderum, cujus consilium sectio fuit, quæ etiam feliciter, quanquàm radices ferè ad periostium egerat, fuit absoluta anno 1653. mense Augusto. Ego curiositatis ergò fœminam adii, quæ callum sectionis monstravit; Cornu autem depingendum curavi, cujus magnitudo & figura ex appposito schemate comparet. *Exempla hominum cornutorum vide sis plura apud Dn. Thom. Bartholinum in d. unicornu Observationibus Cap. I. & sequ. it. Hist. Anat. C. I. Obs. 178.*)

OBSERVATIO CLXXXI.

D. Friderici Lachmund

De

Cranio anseris monstroso.

INter anseres frequentius generari monstra, quam inter alias aves, ob stoliditatem & nimium humorem, testatur Caspar. Schvvenckfeld. in Theriotroph. Si-les. Confirmat hoc anser, capite monstroso, quem ego anno 1664. alui, rostrum ejus superius à sinistro latere versus dextrum erat recurvatum, ut non nisi magnâ difficultate alimentum ex terra assumere posset, adeoque post aliquot septimans mori avem oporteret. Cranium autem, tanquam rarum quid, inter cætera anatomica asservo. Cujus figura est, qualem addita pictura exprimit.

OBSERVATIO CLXXXII.

D. Friderici Lachmund


Vespertilionem habere caudam, sceleton ejus demonstrat.

CAudam habere vespertilionem, alii negant, ut cum Schvvenckfeldio *Zonstonius histor. nat. avium* ex Aristotele; alii affirmant, quemadmodum *Aldrovandus*, mediis enim atque infimis alarum membranis sub ventre involvitur, & ad extremam earundem exporrigitur apicem; accuratè autem in sceleto videri potest, unde illud, quod ante quinquennium composui, hîc putavi esse apponendum.


OBSER-

On the 1st of Decr 1791
The Honble the Lords of the
Council

Presented to the Council
The following Petition of the
Governor of the Colony of the
Bahamas



Ad obs. CLXXXIII



OBSERVATIO CLXXXIII.

D. Friderici Lachmund

Testudo ex suo scuto, ut vulgus putat, exire non potest.

Vulgus in eâ opinione est, testudines ex suo scuto posse exire, non aliter ac cochleæ ex domo sua, præsertim si candens carbo illis imponatur; hoc autem falsissimum esse, & nullo modo fieri posse, admiranda hujus animalis fabrica, & inprimis sceleton, eum in finem appositum, nobis ob oculos ponit; quod enim in cæteris animantibus costæ sunt, hoc in testudinibus scutum superius, cui etiam vertebræ spinales firmiter annexæ, & quod in illis sternum, hoc in his scutum inferius, planè autem contrariò modo se habent: in aliis enim animantibus costarum & sterni compages, in corpore latitat, in testudinibus verò corpus scuto includitur.

OBSERVATIO CLXXXIV.

D. Friderici Lachmund

De

*Avibus præter naturam candidis in Episcopatu Hildesheimensi
& vicinia, qualis est aureola, linaria, passer, hirundo
alauda, corvus.*

Quemadmodum notum est, in septentrionalibus regionibus reperiri corvos, vulpes, lepores & alia animalia naturâ candida; sic in Germaniâ aves præter solitum nivæ aliquando visæ & captæ sunt: uti hoc Schvvenckfeld. observavit. Et sicut Episcopatus Hildesheimensis cæteris regionibus palmam præripit in vario lapidum lusu, (uti hoc ex *Oryctographiâ meâ Hildesh.* satis constat, quorum lapidum etiam alii adhuc satis curiosi postea à me reperti, nec antehac ab alio autore delineati sunt, unde figuras anno sequenti Ephem. inserendas transmittam) ita etiam animalia minus vulgaria, præprijis aves albæ in eo sunt visæ & observatæ. Anno enim 1667. *Aureola* tota candida propè pagum Binder, in quo sedes est Nobilium de Stopler, est transfossa, quam ego adhuc inter rariora servo.

Anno eodem propè Brunsvigam *Linaria* canora, ex omni parte alba, capta est, quam civis quidam Brunsvicensis emit & caveæ inclusit, ubi more aliarum suaviter cecinit.

Anno 1668. mense Septembr. prope pagum Netlingen, ubi splendida arx est Dominorum de Wobernan, *passer* niveus, rostro & pedibus rubris, transfossus est.

Anno 1671. in civitate nostra Hildesh. ejusmodi passerres aliquot visi sunt in horto Dn. Georgii Lomexer, scholæ Andreanæ Rectoris optimè meriti.

Eodem anno prope Limbeccam *Hirundo* nivea capta & ad me missa est, quam in hunc usque diem exsiccatam habeo.

Anno etiam sequenti in nostro tractu, propè arcem Poppenburgum, *Hirundines* tales visæ sunt.

Anno 1669. *Alanda* candida non procul à civitate nostra aliquoties visa est.

Ante aliquot etiam annos *Corvus* totus albus propè Limbeccam transfossus, & ad illius civitatis Patricium, cognomine Raben, est allatus.

(Vid. d. *Corvis albis Ephem. harum Ann. III. Obs. 57. p. 94.*)

OBSERVATIO CLXXXV.

D. Friderici Lachmund

De

Mure niveo.

ANte aliquot annos in oppido Sarpeda, quod uno milliari à civitate nostra Hildesh. distat, murus aliquot nivei sunt reperti, ex quibus unus captus, qui septem vel octo annos caveâ inclusus, tandem à duobus vulgaribus muribus, qui vi se in caveam intruserant, moribus est interemptus. Notatu tamen dignum est, quod hoc animal, quod alias vitæ brevissimæ est, per tot annos fuerit conservatum. Murem illum exsiccatum apud me videre licet.

OBSERVATIO CLXXXVI.

D. Friderici Lachmund

De

Cantharidibus in magna copia prope Hildesheimium captis.

Cantharidum abundantia rara quidem in Germaniâ, interdum tamen apparent, quod vulgus singulo septennio fieri credit.

Anno

Anno 1667. mense Junio tanta copia in nostro tractu reperta fuit, ut salices totæ earum fuerint plenæ, quæ & facili negotio captæ & in civitatem allatæ, nec non in usum cum felici successu à Patre meo adhibitæ sunt.

OBSERVATIO CLXXXVII.

D. Fridrici Lachmund

De

Ovo, ab ansere à Februario usque in mensem Septembrem retento.

Ruricolæ àpud nos uno ore dicunt, quod si anser justo tempore ovum non possit edere, tunc aliter fieri non posse, quin ipsi moriendum sit. Hoc autem non semper verum esse, anser, qui anno 1669. mactatus mens. Octobr. aliter probat; in illo enim cum exenteraretur, ovum, quod ante aliquot menses debebat edi, adhuc fuit repertum, justâ quidem magnitudine, sed totum scabrum & duplici membranâ præditum. Quemadmodum enim membrana intrinsecus omnibus ovis communis cortici adhæret, ita etiam extrinsecus similem membranam habebat, quare conjicio, nisi anser ante tempus fuisset mactatus, hoc ovum duplici cortice tractu temporis circumdatum fuisse.

OBSERVATIO CLXXXVIII.

D. Friderici Lachmund

De

Muscarum grandium, quæ perlæ nominantur, infueta copia.

Quando insolita copia avium peregrinarum vel insectorum visitur & gregatim volitat, magna mala, aut morbos contagiosos, aut belli agmina subsequutura esse, nostri Majores observarunt. Anno præterlapso, nimirum 1673. d. 18. Maji st. Vet. qui erat eies festus Pentecostes, tanta copia Perlarum, quas apud nos Jungfern vocant, supra civitatem nostram Hildesheimensem visa est, ut ea res prodigiî instar esset. Nam aër ne momentum quidem his insectis erat vacuus, sed semper aliquot millia in eo conspici poteramus. Quædam volitabant in altum, quædam non procul à terrâ, ut pueri multas caperent. Omnes verò unâ eademque erant figurâ & colore, nempe ex nigro flavæ. In alis etiam habebant maculas negras, & volatum ex Meridie versas

versus Septentrionem rectâ constituebant. Si quædam ex ipsis capiebantur, erant emaciata, ac si iter longum emensæ fuissent. Harum consuetudo aliàs est, prope aquam volitare, unde si quid mali præfagiant, DEUS Ter Opt. Max. hoc à nobis ut avertat, ab eo etiam atque etiam petimus.

OBSERVATIO CLXXXIX.

D. Johannis Jænicii

De

Calculis circiter bis centum ex apostemate excretis.

IN omnibus corporis humani partibus etiam principalioribus, ut corde & cerebro, plurimos varii generis inveniri lapides, pleni sunt omnes Medicorum libri. Ita *Wolfgang. Hæferus* in *Hercule suo Medic. l. i. c. i. p. 28.* tres lapillos in ipso corde gloriosissimi Cæsaris Maximiliani II. inventos testatur, clarissimi *Schenckius* & *Bartholinus* in cerebro, alii in aliis partibus. Per abscessum autem abdominis tot excerni posse lapillos subiecto superstiti & curato rarius quoque videtur sequens exemplum: Mulier quædam plebeja hic *Uratislavix* in suburbio ante biennium de tumore admodum duro & profundo in dextro epigastrio conqueritur, poscit hujus ergò à me consilium, ex loco affecto tumorisque circumstantiis, non in musculosa abdominis carne, sed ipso epatis parenchymate malum hoc sedem fixisse suam conjicio, præmissis igitur prius universalibus & specificis internis, tandem quoque externè cataplasmata emollientia & discutientia applicanda suadeo, quibus adhibitis aliquantisper emolli observo, hinc emplastro diachylon c. gummi imposito, præterlapsis aliquot septimanis abscessus hic rumpitur, materiaque viscida & purulenta, ast non copiosa, excernitur.

Patiens majorem pauperiem fugiens, Chirurgique manum abhorrens, ipsa turundis injectis abscessum apertum servare proprioque marte curare præsumit, præterlapsis autem nonnullis diebus lapillos quosdam minores instar lentium, pisorum, fabarumque excerni videt, dolorem post se relinquentes haud levem, plures subsecuturos indicantem. Hoc percipiens ipse vulnus iterum inspicio, styloque percontando majores inibi latitare lapides observo, quibus angustia vulneris exitum denegabat, hinc forcipe arrepto vulnus paulisper dilatare aggredior, & sic tres iterum lapillos grandiores colore & forma externa sili-
cibus planè conformes, ponderis tamen levitate discrepantes, sine fœtore extraxi, totamque epigastrii dextri regionem innumeris hujusmodi lapillis scaterere conjeci, his perspectis manum meam ad carpum potius quàm ulcus
mittere

The first of the month of the year 1800
was a day of great importance to the
people of the United States. It was the
day when the new government of the
United States was first organized.

1800

Anno 1671 hat Herr Leonhart Nechtl Barbier und Wundtartz diesen
 Wurm von Margaretha Ximonin aus den Rechten beim unterhalb des
 Knies genommen zu Culmbach den 23 Junij Stuers Alters 18 Jahr.



mittere malebam, ipsique injungo, ut Chirurghi operam simul efflagitaret : huic consilio morem gerens lithotomi hic degentis curæ se subjecit, qui successivè per hoc ferè biennium ducentos circiter extraxit lapillos, suprâ præfatis majores, ad instar avellanæ majoris, nonnullos colore & internâ tunicarum texturâ ipsis lapidibus Bezoardicis haud absimiles, tandemque ante bimestre spatium ultimum magnitudine nucis juglandis pondere 3ij. cum aliis sex vel septem fociis minoribus extraxit, & sic per DEI gratiam vulnus planè consolidavit. Qualem spuria hæc progenies agnoverit matricem & seminium, latius inquiri posset. Victum hujus pauperculæ reputantes scimus illum ferè semper ex lacticiiniis, caseosis, aliisque crudis viscidisque constitisse alimentis, alvumque prætereà semper fuisse pigerrimam sæpeque sollicitandam recordamur, ut hinc non abs re argumentari liceat, ex vitio assumptorum bilem contraxisse lentorem, quò minùs in intestina debitè profluere, stimulumq; alvinis fecibus ad excretionem unicè necessarium distribuere valuerit, sed infimâ epatis parte moram trahendo, in setaceam prius, dein plane lapidosam versâ materiam, ductum biliarium obstruendo has turbas naturæ dederit, à quibus se liberatura non per intestina, (ut frequenti exemplo numerosos hac via excretos esse lapillos satis constat,) nec aliâ viâ commodius quàm per apostema providâ suâ sedulitate protrudere allaboravit, quod eruditius ulterius ventilandum relinquo.

OBSERVATIO CXC.

D. Matthiæ Nesteri

De

Verme & abscessu.

Scripsit ante annum, & quod excurrit, ad me Chirurgus noster Gulmba-
censis Dn. Leonhardus Hechtel, quod ancilla quædam rustica, tempera-
menti calidi, faciei rubræ, ad iram prona, per sesquiannum in crure dextro
infra genu tam atrocem & intolerabilem dolorem atque cruciatum, instar ada-
ctionis cultellorum, sit perpeffa, ut huic impares fore vires viderentur, hinc suf-
fulcris incedere diu coacta & clauda, viribusque sensim imminutis aucta fuit in-
flammatiô, auctus quoque dolor cum tumore tantum non ferente, ita ut dies
noctesque ejulare coacta esset. Abscessum illic latere prædictus Chirurgus con-
jecit, nec malè. Postquam enim cauterium potentiale applicuit, escharamque
aperuit, reperit in eo cum magna puris sanguinolenti copia vermem vivum,
oblongum, rubeum, qui dubio procul ex materia diutius ibi habitante & pu-
tredinem acquirente originem duxit. Momorderat per intervalla hic vermis, uti
retulit ancilla, tam acriter, quasi sanguinem sitiens, ut tunc temporis à lacrymis

sibi temperare haud potuerit. Nunc verò sublato omni dolore atque tumore post longum puris effluxum corroborata convaluit adhuc sana & incolumis consueta munia obiens.

(In litteris ad L. Christianum Fridericum Garmannum, Berutho, Chemnitium.)

OBSERVATIO CXCI.

D. Salomonis Reifelii

De

Statua humana circulatoria.

Sine dubio tandem *Circulationis sanguineae* in homine veritatem evincet & testabitur iis, qui hactenus negare obduruerunt, si in illa mechanicè ad humani corporis effigiem, ejusque vasorum atque viscerum formam & structuram & magnitudinem efficta per cavitates & tubulos tanquam per oesophagum dilapsam aquam vel liquorem alium ex stomacho brevissimè in cordis ventriculum dextrum, aut longiusculè & artificiosius per intestina, pancreas, venam portæ, hepar & venam cavam in eandem cameram, hinc in sinistrum per vasa pulmonaria mitti, ex corde deinde simul in caput biviò saltu pulsante veluti plexibus duobus, juxta pendulam pinealem glandulam projici, simul per arteriam magnam tam in artus superiores quam inferiores pelli videant, ut recurrat inde in cordis dextrum sinum per venam cavam valvulâ suâ instructam, quales in aliis quoque vasis inveniuntur; dum interim per emulgentes & renum colatoria in vesicam descendit, in ibique eoque cumulat, donec vesica distenta sponte sese ab onere liberet, quam simul arbitrario quasi motu vel provocare citius vel pro lubitu pressione vesicæ aut alio stimulo sistere queant. Non neglecto etiam pulmonum usu, quorum ope inspiratio & expiratio animadverti, pulsus verò etiam tardari vel accelerari, augeri vel minui posset. Additis tandem vel hæmorrhoidibus, vel ano, per quem sphinctere suo claudendum & aperiendum feces possint repurgari. In manibus & pedibus si è vena secta desideres effluentem seu exilientem sanguinem, facile imitari licebit. Eâ tamen lege hæc fient, ut vel continuè vel per breviora vel longiora intervalla repleatur, quò plus vel minus deperditum est aquæ fortius vel debilius per vesicam, quemadmodum sitis & fames quotidianò victu in prandio & coena restinguenda est.

Mirabuntur fortè, nec facile credent Machinam hanc medicam, seu Machaonium inventum, qui audient. Credent autem, quibus dulce fuerit Filium hunc Medicum meum hoc anno 74. conceptum & natum in Musæo meo spectare, veluti, quibus ante partum ejus, quibus promissi, credere non potuerunt,

donec

donec oculis ipsis adspicerent in eo ad chyli, sanguinis & feri leges fluere aquam. Cujus structuram ex Physicis & Hydrostaticis fundamentis ad imitationem mirandi artificii microcosmici factam curioso orbi demonstrabo & delineabo, quamprimum mihi constiterit, ex primogeniti hujus rudiùs primò tantum facti & brevi deproperati principiis veluti costis seu fratris seu patris Filiam posse elegantiolem & artificiosiolem ossibus seu sceletò suo suffultâ, & musculis exemplilibus, si non omnibus, saltem præcipuis, tectam, fortè etiam sonoram & flexilem construi, modo DEUS O. M. Naturæ parens vitam mihi & otium & vires concesserit, & ego artificiiis sequaces manus nactus fuerim.

(*In litteris ad Collectores, Honov. mense Mart. 1674. per scriptis.*)

OBSERVATIO CXCH.

D. Matthiæ Paisenii

In

Sectione cadaveris puerperæ

à Cl. Sylvio in Nosocomio Leidenſi An. 1664. Cal. Jan.
administrata,

A N N O T A T A.

Fœmina erat 15. ante obitum dies foetum enixa, cujus vir ante 6. ferè hebdomadas, morbo decumbens, inque Nosocomium delatus, ibidem mortuus. Objectum fortè fuit foeminæ à vicinis, quod malè viri sui curam habuerit, eamque calumniam tam ægrè tulit, ut totam sese mœrori dederit. Enixa deinde, nec sedato illo animi affectu, cum nullam corporis rationem haberet, nec cibos, aut medicamenta caperet, tandem mente destituta, intraque decimum quintum diem mortua est.

In ipsius dissecto cadavere hæc inprimis inveniebantur præ cæteris rara, & notatu digna:

Omentum non omnia intestina, quæ non nihil loco mota erant, tegebat, unde Cl. Sylvius colligebat, foeminam, dum in vivis fuit, sæpissimè torminibus ventris, colicisque doloribus laborasse.

Intestinum crassum non circumdabat totum abdomen cinguli instar, sed à ventriculi fundo infra umbilicum intorquebatur, indeque ad ventriculum redibat, factâ ferè semilunâ.

Cl. Sylvius addebat, se in variis variè hanc inflexionem & gyrationem observasse.

Idem intestinum, ut & tenue inæqualiter flatibus turgebat, ita ut inter partes valdè inflatas medium spatium interesset omnino vacuum, & contractum vix ad pollicis crassitiem.

Cl. Sylvius affirmabat, se in vivis animalium sectionibus, in primis cuniculorum idem observasse, & ita quidem, ut pars, quæ jam inflata erat, mox detumuerit, dum secaret, & contra. In hoc cadavere quoque dum intestina movebantur, æqualiter omnia distendebantur. Cl. Sylvius putabat, ob sensum doloris partes intestini constringi. Ejusdem intestini crassi flexus sigmoides, qui alias infra rectum est intestinum, & interiora respicit, contrario modo se habebat. Observabile etiam erat, quod de tenui intestino, ileo dicto, monstrabat D. Sylvius, nempe, oriri illud in dextro latere ad ileum os, & post aliquot flexuras retrò & deorsum tendere, deinde rursus sub umbilico per ipsum mesenterium, sinistrumque latus occupare, seque ad hypochondrium sinistrum, os ileon, & vicina reliqua loca extendere. Unde patet, docente eodem Sylvio, tormina, quæ hypochondriacis in hypochondriis accidunt, non alibi, quam in hoc intestino latere, in primis cum hoc antrorsum, ubi dolores maximè percipiuntur, vergat. Lien verò interiora magis petat, & vix etiam in cadaverum sectionibus, tales obstructions in vasis illis inveniantur, quæ tantos dolores producere possint.

Visa quoque fuit utriusque ductus, tam hilarii, quàm pancreatici in intestinum illud infertio, quorum pori in cadavere hoc juncti erant.

Hinc remotis pulmonibus & ventriculo, apparuit ductus thoracicus, sive chyliferus inter venam Azygon, quæ ad dextram erat, & magnam, quæ ad sinistram, situs, unà cum capacitate illa inferius sita, & nonnullis capsula dicta, quod chylum excipiat, aliàs nimis ductum illum obruturum.

Flexuræ ventriculi in parte dextrâ subiacebat pancreas.

Dexter pulmo omnino naturalis erat constitutionis; sinister costis adhærebat.

Sub utrâque mamma, quia lactis non habita fuerat ratio, apostema erat repletum pure, quod tamen in dextro latere copiosius profluebat.

Uterus quia omninò erat singularis, & nunquam ita à Cl. Sylvio observatus, ultimo loco accuratius secabatur, in eo hæc in primis notata: magnitudo ejus omninò erat insolita, superabatque fundilatio vel octo digitos transversos. Crassities erat ad minimum 4. digitorum, cum tamen mulier jam ante 15. dies peperisset.

Crassities ipsius substantiæ uteri erat ferè pollicis.

Causa hujus magnitudinis, ut post sectionem patebat, erant relictæ in utero placentæ frustula, uteri parietibus firmiter adhærentia, quæ putredo & inflammatio consecuta fuerat.

Cl.

Cl. Sylvius conjectabatur, mcerorem inter alia hujus retentionis & cohærentiæ causam fuisse, ut pote, qui omnia in corpore duriora & magis fixa reddat, cum contra lætitia eadem magis solvat.

In vasis, ut ex cavernis, sive tubulis uteri substantia viscida, & pituitosa hærebat ejusmodi, qualis, si in corde, & alibi hæreat, Polypus dici solet.

Apparebat insuper, in utero esse communicationem vasorum omnium in utroque latere.

Inflatâ enim uteri venâ, omnia vasa, ut & lateralia, & utrumque uteri ligamentum inflabantur. Vasa etiam minima turgabant.

Inflatâ etiam arteriâ, quæ ex iliaca oriebatur, ingressus inflati aëris observabatur ad totam substantiam uteri, & sinus anfractuosos, sed sensim, quod in vena citius apparebat.

Uteri substantia tota cavernosa est, experimento per tubulum sumto.

OBSERVATIO CXCI.

D. Matthiæ Païsenii

In

Seçtione cadaveris hæmoptoici

à Cl. Sylvio in Nosocomio Leideni An. 1664. 2. Decembr.
administratâ

A N N O T A T A.

Quo morbo obierit, & de quibus conquestus Jacobus de Valâ (Wael) fuerit, ex Observat. Præcticis meis Lugd. in Nosocomio notatis, præmittere visum est.

Nov. 11. d. ☿. ante sex circiter hebdomadas cœpit malè habere.

Tussi correptus est, & sanguinem spuit, maximè lecto decumbens.

Conqueritur de difficili respiratione.

Quando plus potat, magis etiam sanguinem spuit.

Urina cruda. Sedimentum pituitosum, incoctum. Heri sensit dolorem circa lumbos, qui adhuc adeò continuat, ut erigere corpus non possit. Cum primum inciperet malè habere, per totum diem à laboribus incaluerat, noctu verò domum rediens à frigore læsus fuerat, unde primum tussis, quam post duas hebdomadas sanguinis sputum consequutum est.

Jam tabescit & debilis fit.

Pro consolidatione vulneris, quæ promovenda citò, ne in ulcus evadat, utetur sequenti medicamento:

℞ aq. plantag. ℥ij.

fœnic. ℥j.

sanguinis dracon. ℥j.

laud. opiat. gr. ij. sir. myrt. ℥j

Assumet subinde cochlear.

Nov. 12. d. ♀.

Melius in omnibus habet. Dolores enim lumbares non sentit, & paucum quoque sanguinis deiecit.

Perget ulterius eo uti.

Nov. 13. d. ♀ Heri vespere edit lac dulce, unde noctu summis anxietatibus pressus fuit: secundâ nocturnâ sensit frigus, forsan paroxysmum febrilem habuit.

Tum vehementissimè (durante frigore) sitivit, cerevisiamque frigidam bibit, quam tamen præ nimia linguæ & faucium siccitate non gustare, neque sitim illâ extinguere potuit. A frigidò sumpto adhuc magis anxius factus, vehementemque palpitationem cordis passus est. Malum hoc unaque frigus ferè per 5. horas duravit.

NB. Durante frigore paroxysmi febrilis, potus frigidus longiorem morbum, & graviorem paroxysmum facit. Præstat ergò, si tum summa sitis urgeat, sitim fallere, & subinde cochlear liquoris alicujus, in quo parvâ quantitate lapis prunellæ solutus sit, capere, sed parce.

Si ægro tales iterum anxietates obveniant, utetur subinde sequenti medicamento:

℞. aq. petrosel. ℥j. fœnic. āā

theriacal. simpl. ℥ss.

lapid. prunell. ℥j. sirup. fœnic. ℥j.

Capiet subinde cochlear d. 14. ♀ sitis non tanta fuit, ob usum posterioris misturæ.

Pauciores sanguinem exspuit,

d. 17. ♂ melius habet.

Iteretur Mistur. 13. Nov. præscripta.

d. 18. ♂ non adfuimus in Nosocomio.

Nov. 19. ♀ Hodiè horâ tertiâ pomeridiana assidens foco luculento, habuit paroxysmum febrilem.

Somnolentes tum fuit, sensitque gravitatem per universum corpus, & frigus, simulque tremorem, nec frigus, nec dolorem speciatim sentit in lumbis, sed tantum in ventre circa umbilicum, partibus extremis inferioribus.

Duravit circiter per horam, nullusque calor subsequutus.

Mul-

Multum jam sitit.

Sumsit misturæ aliquid.

Non quiescit, semel dejecit.

d. 20. 24. iterum habuit paroxysmum post prandium.

Frigus iterum in abdomine & artubus, sed & in regione lumbari. Vehementius quoque fuit hesterno, perque duas horas duravit.

Insecutus calor per horam permanens.

Valdè sitivit, utque sitim levaret, comedit integrum malum citrium.

Nondum alvus hodie suo munere defuncta.

R. *Mass. pilul. Cochiar.* ʒss. *trochisc. Alhand.* gr. V.

resin. jalapp. gr. IV. *ol. caryoph.* gr. ij.

M. F. Pill. N. T. Assumet cras summo mane, iteretur simul mistur. 13. Nov. præscr. add.

land. op. gr. j.

d. 21. ♀ pessimè habet, doloresque habet in hypochondrio sinistro.

Non potest respirare, graviterque anhelat.

Nullum frigus sentit.

A pilulis, hodiè mane assumptis, à meridie tandem semel, sed parum dejecit.

R. *aq. hyssop. petrosel. fœnic.* āā ʒj. *Tinctur. cinam.* ʒss.

① gt. VIII.

sir. fœnic. ʒj. M.

Assumet subinde cochlear.

d. 24. Nov. ♂. valdè statim ab usu misturæ ab angustis & anhelationibus, à quibus videbatur suffocari, levatus est.

Continuabit usum ejusdem misturæ.

d. 25. ♂. conqueritur de tussi siccâ, quæ per biduum jam illum afflixit, unde non quiescit.

It. crura tument, & quasi distenduntur. Non dejicit.

Habet adhuc mistur.

Pro tussi R. *mass. pil. de cynogloss.* ʒj. F. Pill. N. VIII.

Sumet æger subinde unam.

D. 26. ♀ Ante octo annos erysipellate laboravit in utraque tibia, à quâ quidam nullam huc usque amplius molestiam sensit, rubor tamen permanfit. Occupaverat tubor ille pedem quoque, sed ille colorem & cutim mutavit.

Nunc iterum pes dolet, supraque & infra ruborem illum pedes valdè tument, & splendidi sunt.

Non dolores tantos in pectore expertus est minusque tussivit, commodius quoque quievit.

Con-

Continuabit in usu mistur. & pilularum de cynogloss.

Pro erysipelate R. aq. plantag. fumar. aa. ℥iv.

acet. sambuc. spir. vin. vulg. aa. ℥ij. M.

Lintea liquore illo tepido madefacta circumponet pedibus & loco affecto.

d. 27. ℥. hori vesperi lac dulce comedit, & hodie manè, à quo & noctu, & hodie pessimè habuit.

Non dejecit, unde abdomen valdè tenditur.

Rubor ille pedum sensim minuitur, & in livorem abit.

Perget uti medicamentis præscriptis.

d. 28. Novemb. ♀. iterum pessimè habet, difficulter respirat, & graviter anhelat, inprimis, si incurvet corpus, tum videntur ipsi partes interiores quasi frangi.

Ter dejecit crassa excrementa cum torminibus in parte superiore abdominis.

Sanguinem rursus excrevit, hodie octies, sed parum singulis vicibus.

Abdomen jam non distensum neque flatus emisit.

Conqueritur, se nihil jam commodi à mistura sentire.

Iteretur Mistur. 21. d. præscr. add. sangu.

Drac. ℥ss. Obiit.

In Cadavere ejus dissecto 2. d. Dec. ♂. liquor tenuis & serolus repebat in corporis habitu, sub cute inter musculos & pinguedinem, unde ipsa pinguedo mollior & laxior erat.

Omentum non tegebat intestina, sed ad latera deflectebat.

Intestinum crassum inflexum infra umbilicum erat.

Color intestinorum carneus, & solito rubicundior.

Intestina crassa flatibus turgebant, tenuia non item: Tenuium tamen vascula turgebant, quod fieri solet à doloribus.

Aqua in abdominis cavitate continebatur subflava & subsalsa, initium nempe hydropis, cui aliqua purulenta materia juncta erat.

Jecinoris color subpallidus, qui color ferè ab aquis præsentibus provenit.

Folliculus felle externè instar membranæ albicabat, nihilque omnino felle continere ob tenuitatem videbatur.

Lien satis gravidus, & parti posticæ & vicinis annexus.

Color ejus pallidior justo, substantia firmior erat.

Pancreatis substantia satis elegans.

Ductus

Ductus illius magnus. Immissus in ductum, liquor variis in locis pancreas non tingebat.

Ex thoracis cavitate aqua copiosa valdè effluebat, clara, limpida, nectam falsa, quàm quæ in abdomine erat.

Pulmones costis annexi, imprimis sinister.

Aqua illa ex dextro pectore promanabat: In sinistro pectore aliqua quidem aqua, sed pauca conspicienda erat.

Color pulmonum solito erat obscurior, lividior, substantia firmior, & à flatibus distenta. Multum sanguinis in ipsa pulmonum substantia hærebat interiore, qui nigricans & coagulatus illam distendebat, occurrentibus passim particulis durioribus, quæ sensim in apostema abire solent.

d. 3. Dec. 8. aperto capite, cerebrum vidimus copiosum ac firmum, quod Cl. Sylvius post meridiem accuratissimè demonstravit.

d. 4. Dec. 7. cum absente Cl. Sylvio, ipsius permissu ulterius scrutaremur cadaver,prehendimus in utroque cordis ventriculo materiam crassam, fibrosam quasi carneam, (Polypum vulgò dicunt) quæ in omnia vasa extendebatur in cor exeuntia. Præcipuè verò ex jugulari sinistra eduximus tres spithamas longitudine superantem.

Erat autem illa materia in ipsis cordis ventriculis crassitie insigni, cui multum grumosi sanguinis adhærebat, annexa cordis carneis fibris, easque suis fibrillis amplectens. In medio continebat sanguinem grumosum, videbaturque minuscula vascula habere.

In aspera arteria aperta materiam spumofam, pituitosam, copiosam, cumque paucò sanguine mixtam, qualem vivens sæpè excrevit.

Humorem in pericardio copiosum, similem illi, qui in abdomine repertus fuerat.

In folliculo fellis bilem, & substantia & colore verè vitellinam, paucissimam, eandemque aperto per incisionem variam ipso hepatis parenchymate, in plurimis ductus hepatici ramis hærentem vidimus.

Renis sinistri pelvis erat magna, extra ipsum renem propendens; ureter naturali longè amplior. Factâ incisione in tibia erysipelate affecta vidimus substratam carnem integram, cute tantum læsa, à qua cuticula facillimè separabatur.



OBSERVATIO CXCIV.

D. Matthiæ Paisonii

In

Sectione icterici

à Cl. Sylvio mens. Decembr. An. 1664. administrata

A N N O T A T A.

DE querelis Martini Hanskenii ex observationibus meis Practicis in Nosocomio notatis, hæc præmittere duxi.

8. Maji d. 4. conqueritur de doloribus utriusque hypochondrii, qui à motu ita augmentur, ut ferè intolerabiles fiant, quos etiam transversim in ventre, cinguli instar sentit. Decumbens paulo melius habet. Per duos jam annos laboravis hoc affectu, sed initio adhuc ambulare potuit. Jam verò per 7. hebdomadas in Nosocomio, & per 8. hebdomadas domi semper ferè decubuit. Conflictatus jam per annos 4. vel 5. cum variis morbis tandem fit ictericus.

Præscripta illi sunt à Medico ordinario varia, à quibus nullum levamen sentit. Inter cætera & ol. juniperin. & philonium, à quibus pejus habuit. Ab assumpto alimento molestias majores sentit, 5. horis circiter post alimenta assumpta. Hora 6. vespertina cenat, & deinde per mediam ferè noctem se hinc inde jactat, nec dormire potest, deinde obdormiscit, sed vix per semihoram continuam.

Non assumit nisi juscula.

Totus ferè osseus.

Alvus morigera est. Quotidiè dejicit, excrementa albicant.

Vires animales quod ad motum, sunt valdè debiles.

Appetitus integer, etiam sapor; digestio malè habet.

Respiratio quandoque difficilior, in primis à sumto cibo.

Conqueritur de frigore, præcipuè in pedibus.

N. 1. Ictero raro febris conjuncta est.

2. Non tantum superficies cutis, sed etiam ipsa caro ictericorum flavet, quod ex cadaveribus dissectis patet.

D. Sylvius judicat, acidum in eo nimis acre, propter dolores graves, appetitum integrum.

Pituitam viscidam item abundare propter diuturnitatem morbi, & sensum doloris gravativi, quare sequentia præscripta:

℞. aq. cochlear. mentha aa. ʒj.

theriacal. simpl. ʒss. laudan. opiat. gr. ij.

sirup. cochlear, ʒj. M.

9. Maji.

9. Maji, d. 8. non est sine animi mœrore æger propter uxorem & liberos. Heri non assumpsit, sed hodiè aliquot cochlearia misturæ, unde id commodi habet, quod dolor in hypochondriis non est tantus.

Iteretur itaque mistura.

10. Maji diè H. præcedente nocte melius solito dormivit, & ille dolor, qui instar cinguli abdomen afficiebat, magis ad interiora tendere videtur, dejicit commodè.

Feces paulò magis tinctæ ac antea fuerant.

12. Maji, d. 8. in pejus ruit ob defectum medicamentorum.

Iteretur mistura d. 8. præscripta.

15. Maji, d. 4. conqueritur de doloribus magis interiùs, quàm exteriùs augmentibus.

Sensit humorem in sinistro crure à genu ad pedem usque. Forsan in hydropem incidet, quod facile fieri potest, & sæpè fit.

Sensit frigus & humorem per totum corpus distribui ab assumpto potu, quia potus cum parte pituitæ solutæ per venas lacteas in corpus distribuitur.

Iteretur mistura d. 8. præscripta.

N. Qui in hydropem incidentes multùm bibunt, in iis plerumque hydrops se primum in abdomine manifestat, qui verò sobrii sunt in potu, in iis plerumque in pedibus se primum manifestat.

16. Maji, diè 9. non adfuimus Nosocomio.

17. d. H. levamen sentit.

Pèrget uti præscripto.

19. Maji C proficit in melius.

20. d. 8. habet paroxysmum febrilem, & quidem frigus circa 10. matutina initium fecit. Conqueritur de debilitate genuum.

Observat in ipsa febre quosdam dolores, præcipuè circa articulos, qui, simul ac in somnum incidit, caput petunt, & tunc quasi delirium sentit.

21. d. 8. per totum corpus dolorem molestum sentit & debilis est. Habet quod sumat.

22. d. 4. Dolor per totum corpus auctus. Surrexerat per meridiem, & frigus tunc sensit, nunc aliquem calorem habet, pulsus est frequentior. Appetitus prostratus. Fauces siccæ,

R. rad. petros. fœnic. apii aa. ʒj.

coq. ex aq. pur. in col. ʒxxv. dissolve.

— sirup. S. rad. ʒij.. lap. prun. ʒj. M.

23. d. 9. pulsus paulò melius habet. Febricula levior.

Pèrgat uti præscripto.

28. d. ♀. conqueritur de sapore falso, quem in decocto deprehendit.

Lingua flava est, & quasi fissa.

Æstus. Deglutitio & respiratio difficilis. Emaciatio.

Rx. aq. petros. fœnic. a. ℥j. sir. de s. rad. ℥vj.
ocul. ʒ. ʒss. acet. stillat. ʒss. M.

29. d. ♀. paulò melius habet. Utetur præscriptâ heri misturâ.

30. d. ♀. iteretur mistura 28. Maji præscripta.

2. Junii d. ♂. iteretur mistura 20. Maji præscripta.

Rx. sacch. althea ℥ij.

6. d. ♀. paulò melius habet. Pulsus robustior. Dejicit sponte, appetit varia, sed simul ac quædam ex istis, quæ tantò perè expetiverat, comedit, nauseat eadem.

De deglutitionis difficultate conqueritur.

Videntur prope uvulam quædam pustulæ albicantes instar aphtharum.

Rx. ∇. pluvial. q. s. add. paul. ♂, & sacchari. Utetur tepidè pro gargarismo.

Iteretur mistura 28. Maji præscripta.

9. d. ♂. deglutitio adhuc difficilis. Pulsus paulò robustior.

Habet quod sumat.

10. d. ♂. pejus habet ac heri. Pulsus paulò frequentior. In robore ac magnitudine vix defecisse judicatur.

Respiratio difficilior. Sitis urget.

Per 8. jam diēs amarum in ore sensit saporem, in primis verò hodiè.

Rx. aq. cichor. fœnic. a. ℥j.
- ∅ dulc. ʒj. sir. de s. rad. ℥j. M.

N. Sir. s. rad. vim habet incidendi, solvendi pituitam viscidam, - ∅ dulc. ad appetitum.

11. d. ♀. de vigiliis conqueritur.

Alimenta commodius appetit & consumit. Aliàs in eodem statu. Habet medicamenta.

12. d. ♀. iteretur mistura 10. Junii præsc. add. laudan. opiat. gr. ij. propter vigil. Assumat versperi dormiturus.

13. d. ♀. commodius jam somnum capit. Habet medicamenta.

13. Jun. d. ♂. appetitus restituitur.

Somnus mediocris.

Vires dejiciuntur.

17. ♂. eodem modo se habet.

℞. Sapon. Venet. nuc. mosch. magnitudine, dissolv. in lact. dulci, capiet quandoque cochleare.

19. d. ♀. iteretur mistura 10. Jun. præscripta.

20. d. ♀ appetitus indies restituitur magis magisque. Assumta alimenta minus solito gravant.

Visus ante biennium obscurari cœpit, & nunc indies magis obscuratur.

d. 32. Jun. ☾. conqueritur adhuc de summa crurum debilitate.

Appetitus permanet integer, postquam ☾ ☉is dulci usus est.

Somnus impeditus, & vigiliæ ferè continuæ. De visu obscurato valdè conqueritur. Videt tamen singula debito colore.

℞. aq. euphras. ℥i℔.

fœnic. ℥ij.

sir. cochl.

fœnic. aa. ℥i℔.

☾ ☉is dulc. ℥ij.

laud. op. gr. ij. M.

Cochleatim sumat.

25. d. ♀ iteretur mistura 23. Jun. præscripta.

26. d. ♀. calor semper molestus.

Videtur aliquantò clarius videre adstantes. Putat feliciùs sese habiturum ab assumta minori misturæ quantitate, cum à majori quantitate assumta, alvus semper adstrictior sit. Appetitus omninò restitutus, alimenta etiam rectè sapiunt. Carnes tamen non generantur.

℞. Sem. cannab. decoqv. in lacte dulci.

Capiet unâ vice ejus decocti ℥ij.

27. d. ♀. melius se habet.

Heri malè habuit à decocto cannab. sem. ob nimiam ejus assumtam copiam, cum loco ℥ij. dimidiam Pintam hauserit.

Habet adhuc quod sumat.

30. d. ☾. status mediocris. Non in pejus ruit, nec multum etiam proficit.

Sedens vel decumbens ægre surgit.

Habuit aliquot abhinc annis dolores in sinistra scapula & toto illo latere, ad inferiora usque, qui nunc cessant.

Iteretur mistura 23. Jun. præscripta.

d. 1. Julii ♂. indies magis magisque proficit.

Dolor faciei non amplius tam flavus.

Clarius etiam quam prius videre potest.

Habet medicamenta.

d. 2. Jul. ♀. indies melius habet ab assumpto decocto cum semine can-
nabis,

3. Jul. d. 4. in eodem est statu:
 d. 4. ♀. proficit. Iteretur mist. 23. Jun. præscr.
 d. 7. ☿. proficit in omnibus, excepto motu corporis, iteretur mist.
 d. 8. ♂. in eodem statu. Add. mist. 23. Jun. præscriptæ.
 Ol. Macis stillatit. gutt. iij.
 d. 9. ♀. Jul. iteretur mist. 23. Jun. præscr. add. Ol. Mac. stillat. gutt. iij.
 d. 14. ☿. iteretur mist. 23. Jun. præscr. add. ☉. Mac. stillat. gutt. iij. ad
 discutiendos flatus.
 d. 15. ♂. in eodem statu.
 d. 16. ♀. in eodem statu.
 d. 17. ♀. urina valdè tincta. Aliàs in eodem statu.
 d. 18. ♀. excrementa albicantia sunt, minusque mollia.
 Iteretur mistura 23. Jun. præscr. add. ol. mac. stillat. gutt. iij.
 d. 20. ☿. in eodem statu. Habet medicamenta.
 d. 22. ♂. iteretur mist. 23. præscr. add. ol. mac. stillat. gutt. iij.
 d. 23. ♀. in eodem statu.
 Ad tumorem pedum utetur decocto furfurum cum Oleo pro lavacro pe-
 dum.
 d. 28. ☿. in plerisque levamen sentit.
 Solæ vires debiles.
 Excrementa alvi adhuc albicant.
 Pergit uti decocto cannabit cum lacte.
 Iteretur mistura 23. Jun. præscr. add. ol. mac. stillat. gutt. iij.
 d. 29. ♂. habet medicamenta.
 d. 1. Augusti ♀. iteretur mist. 23. Jun. præscr. add. ol. mac. stillat. gutt. iij.
 d. 4. ☿. iteretur in duplo mist. 33. Jun. præscr. add. ☉. mac. stillat. gutt. vj.
 Utetur porrò decocto semin. cannab. cum lacte.
 Anno 1664. d. 10. Nov. ☿. frequentante iterum Cl. Sylvio Nosocomium,
 invenimus eundem, quod ad omnia symptomata, iterum in statu pejore.
 Omisit usum decocti seminis cannabis.
 Præterito mense cum exiret aliquando in publicum, capitis dolorem, ver-
 tiginemque expertus est, & deinde etiam capillorum defluxum.
 Sanguis etiam præterito mensis tempore copiosus è naribus effluxit, spu-
 tumque sanguinolentum deiecit, quod sine dubio fluentis sanguinis parte in fau-
 ces decedente ita tinctum est.
 Somnus paucus, interruptus, alvi dejectio multa. Excrementa albi-
 cantia.
 Per tres dies levem habuit alvi fluxum cum torminibus.

Parum fitit, ciborum appetitus integer, bene assumit, sed gravatur ab assumtis, neque nutritur, sed sensim fit macilentior.

Tumor levis in pedibus, hydropis initia. Ventrìs tamen tumor adhuc nullus est.

Lancinationes in articulis inferioribus, ut in flexurâ genuum, &c.

Sitis nulla.

℞. *rad. galang.* *enul. camp.* āā ʒss. *sem. anis.*
fœnic. āā ʒj. *summit. absinth.* *abroton.* āā Mss.

Concisa & crassè contusa indantur sacco, suspendanturque in pinta vini. De liquore bibet mane.

Inserviet medicamentum, ut ejus ope defectus bilis ad intestina non defluentis restituatur, sitque loco bilis ibidem.

d. 11. ♂. non vidimus.

d. 12. ♀. Nov. queritur de summo dolore lancinante in dextro hypochondrio, in primis, quoties corpus dextrorsum intorquet.

Plus dejecit, quam ante; parum quidem singulis vicibus, sed sæpius.

Affundetur iterum speciebus præsc. vinum, continuabitque in ejus usu.

d. 13. ♀. excrementa adhuc subalbida.

Hodiè mane alacrior fuit, quam nunc est.

Hypochondrii dextri dolores adhuc sentit.

Subinde quoque aquas circa ventriculum quasi fluitantes, unde metus est lipothymia.

Hodiè non tam frequenter dejecit.

d. 14. ♀. habet medicamenta.

d. 17. ♂. Nov. capitis doloribus continuò infestatur, lancinationibusque in dextro hypochondrio, unde respiratio quoque impeditur. Parum quiescit.

Quotiescunque assumit vinum præscriptum, levi vertigine corripitur.

Videtur, medicamentum illud bilem nimis acrem reddere.

Abstinebit proinde per diem ab usu illius.

d. 18. ♂. non adfuimus in Nosocomio.

d. 19. ♀. ante tres dies incidit in gravedinem, & tussim.

Excrementa nondum tincta.

Subinde cardialgiâ patitur.

Capitis dolor ante gravior, quàm nunc.

Quater dejecit.

In hypochondriis adhuc malum perdurat.

Superiori anno similem gravedinem passus est.

℞. aq.

Rx. aq. beton. petrosel. fœnic. āā. ℥j.

theriac. simpl. ℥vj. laud. opiat. gr. iij. sir. de s. radic. ℥j. M.

d. 20. ♀. hodiè affidens foco, paroxysmum febrilem sensit.

A mistura præscripta meliùs paulò habet.

d. 21. ♀. melius habet. Perget uti medicamento, quod iteretur.

d. 24. ♂. sensim magis debilitatur.

Non potest jam tam diu extra lectum se sustentare.

Heri vesperi iterum febrilem paroxysmum passus est cum levi frigore per universum corpus, unde somnus magis interruptus fuit.

Videtur quartana, cum d. ♀. etiam senserit paroxysmum.

Copiosè hodie dejecit, retulitque excrementa jam magis tineta fuisse.

Servabit cras illa.

d. 25. Novemb. ♂.

Sensim magis labefactatur.

Gravedine & tussi molestâ jam ab 8. diebus laborat, quæ augetur ab humoribus à capite in pectus descendentibus.

Dolores in hypochondriis jam remissiores.

Non habet medicamenta. Iteretur mist. 19. præsc.

Excrementa similia hesternis, & adhuc albicantia.

d. 26. ♀. hac nocte quater liquida dejecit, nullo Purgante sumto.

Color excrementorum manet cœruleus.

Gravedo & tussis perstant.

Habet medicamenta.

d. 27. ♀. ipse debilis est, & pulsus simul.

Hac nocte & interdiu quinquies dejecit & liquida.

Habet medicamenta.

d. 28. ♀. habet aliquantulum melius. Bistantum dejecit.

Iteretur mistur. 19. præscripta.

Obiit 1. Decembr.

In

SECTIONE

Hæc occurrebant:

Cutis universa flavens.

Aperto abdomine membranæ & pinguedines inprimis flavo colore infectæ, carnes non item, quæ solito magis tantum pallebant, & flaccidæ erant.

Penis glans tamen flavescbat.

In

In illo (abdomine) continebatur insignis quantitas aquosi humoris, quæ in magna quantitate spectata rubra, in parva verò flava videbatur, eodem planè modo, ac si croco tincta fuisset. Quæ in fundo erat aqua, rubicundior erat, & ad sanguinis colorem magis accedebat.

Intra tunicas omenti cruoris aliquantulum inveniebatur, qui copiosior in abdominis fundo occurrebat firmiter, & in longum instar polypi concretus, & cum liene cohærens.

Omentum variis quasi glandulis interspersum, quas pinguedinem corruptam Cl. Sylvius judicabat.

Lienis membrana tenerrima erat, ut & tota ejus substantia, quæ planè sanguinis concreti consistentiam habebat. Fibræ tamen satis firmæ.

In una ejus parte membrana ad notabilem latitudinem rupta erat, ita, ut vasa ejus apparerent. Ex illa sine dubio sanguis profluxerat, qui aquam illam, in abdomine contentam, adeò tinxit, quem, mirum est, non magis concretum & coagulatum fuisse.

Ventriculus cum intestinis flavens tumensque.

Color hepatis ex flavo obscurè virescebat.

Pulmones lividi & cæteris intestinis flaviores.

Costæ valdè teneræ, & nullo labore frangibiles & scissiles.

Cl. Sylvius easdem aliquando ejusdem duritiei in aliquo, qui aneurismate obierat,prehendit.

Folliculus felle solito major, ac bile turgens, colorisque albi, cum plerumque subviridis videatur. Dexter ren valdè exilis.

Separatis ductibus bilariis, hepatico nempe, cystico & intestinali, factoque proximè sub ligatura, in superiore hepatici parte instituta, foramine, immissus ope tubuli leniter flatus ad intestina sine impedimento penetravit, uti & immissus humor cœruleus.

Immissus deinde ab intestino versus hepar flatus etiam facilè in folliculum felle penetravit: nullo tamen modo potuit inde iterum exprimi, quod Cl. Sylvius jam ante observaverat.

Dissecto per longitudinem intestinali ductu, apparuit in illo materia viscida.

Ductus cysticus magis hians, sive inflexus versus hepaticum, quam versus intestinalem.

Bilis in folliculo contenta justò viscidior, colorisque diluti, ita, ut immistum linteum non magis tingat, quam urina icterorum.

Immissus in ductum hepaticum flatus observatus penetrare in ipsum etiam folliculum, ubi is hepati annexus.

Intestinum tenue non ita interius obductum pituita viscida erat, uti solet aliàs.

Pericardium cum sua pinguedine flavebat impensè. Liquor contentus paucus flavus, subsalsus & parumper amaricans.

Cranii exterior superficies flavens.

Offis frontis interior superficies colore flavo infecta, cæterorum non item.

Dura menynx flavescens, ut & liquor sub ea conspicuus, cujus sapor non erat notabilis.

Tenuis menynx minus flava.

Cerebri substantia satis alba.

In ventriculis liquor satis copiosus, limpidus, subsalsus.

Plexus choroides valdè glandulosus.

Substantia infundibuli extrema, in quam desinit, subrubra, quodammodo carni simile, quod sæpius observatur.

OBSERVATIO CXCV.

D. Matthiæ Paisenii

In

Gravidæ hypochondriacæ hæmoptoicæ Sectione

Anno 1665. d. 8. Febr. administrata,

A N N O T A T A.

JAn. 26. C. Catharina Caspareidis (Treintie Caspars) mater octo liberorum, ter abortivit. Per totum tempus conjugii valetudinaria fuit.

Per tres menses sanguis menstruus non est purgatus.

A 7. hebdomadibus in parte sinistra pectoris & hypochondrii dolores sentit, & in hypochondriis quoque tensionem.

Terrore à spectro incusso, perterrita incidit in hoc malum.

Frigus molestum, non calor.

Alvus respondet.

Patitur subinde aliquid suffocationibus uterinis simile. Tum flatus erumpunt, unde levatur.

Rec. aq. puleg. ℥ij. theriac. simpl. ℥ss. tinctura castor. ℥ij.

ol. succ. gr. iv. laud. opiat. gr. ij. syr. fœnic. ℥vj. M.

d. 24. o. in variis levamen sentit.

Dolores omnes minuuntur.

Iter. mist. 26. præscr.

d. 28. ♀. dolores leviores sunt.

Quando respirat, sibilus auditur in pectore.

Iter. mist. 26. præsc.

d. 29. ♀. suffocatio adhuc subinde urget.

Nec heri nec hodie dejecit. Sed propter suffocationes non consultum purgare.

Iter. mist. 26. Jan. præscr.

Pro tussi Rec. *mass. pil. de cynogl.* ℞j.

F. P. num. VIII.

d. 3. Febr. ♂. præterito die sabbathi paroxysmum febrilem passa, ejus frigore durante incepit dolor rodens & molestus femoris, & tibie, qui adhuc durat.

Rec. *ungu. martiat.* ol. *nardin.* āā. ℥iij ol. *Philosoph.* ℥j. M.

d. 4. ♀. hodie manè circa 5. ex vehementi tussi in sanguinis vomitum incidit, ac subito extincta est.

Secuit Cl. Sylvius cadaver d. ♀. 6. Febr.

Rugæ se offerebant in infima ventris superficie, externa signa partuum antegressorum.

In abdomine secto copiosa & laudabilis pinguedo.

Colon sub umbilico situm.

Intestina pleraque flatibus distenta.

Illorum substantia tenuis & elegans, in primis quo in loco distendebantur.

Præ aliis tamen omnibus in immensum distendebatur intestinum tenue, ante sui inflexionem sinistrorsum versus.

Intestina hinc inde colore fellis infecta.

Folliculus fellis prægrandis erat & pallens.

Lien quoque solito multum pallidior.

Plures in intestinis erant lumbrici.

In ventriculi aperti parte inferiore nihil cruenti, sed materia viscidissima spadicei coloris ferè.

Totus ventriculus valdè rugosus & densus.

Ex parte superiore extracta insignis copia concreti sanguinis, cum fluidiore simul saporis austeri.

Orificium inferius, sive pylorus valdè constrictus.

Rugæ ventriculi tortuosæ, & prope pylorum ferè circulares.

Intestini verò rectæ secundum fistulæ intestinalis ductum.

In intestinis nihil rubicundi aut obscuri.

Hepar variis in locis per fibrillas diaphragmati annexum.

Pulmo dexter pleuræ firmiter connexus, mollis, boni coloris, sed flatu distentus, thoracem totum opplens, siccus apertusque liquorem limpidum, salsum subacidumque fundens.

Sinister lividior distentus, passim connexus pleuræ gelatinoso & viscido humore obductus, firmus, nigricansque, interius etiam, sanguinis instar coagulati.

Pancreatis substantia elegans, à liquore per syringam immisso parum tingebatur.

In latere complures glandulæ planè non tinctæ. Ductus pancreaticus insignis.

Lien pallidior multò, in quo initia apostematis.

Hepar benè habebat.

Bilis copiosa, pallida & tenuis.

Humor in pericardio subfalsus & subacidus.

Cor benè constitutum. In dissecti ventriculo dextro parum sanguinis, in sinistro ne gutta quidem.

Prope radicem mesenterii connectuntur renes vertebris, ligamentis firmis. Hic suspicatur Cl. Sylvius, quærendas vias à ventriculo ad renes, per quas potus sæpè tam citò transeat.

Papillares in renibus carunculæ foraminulis perviæ, per quas urina colatur.

Extrema in parte tubarum variæ vesiculæ aquâ repletæ, hydatides dictæ.

Ligamenta rotunda uteri, extra abdominis musculos elapsa, parvum quasi musciculum adjunctum habentia, in varia tenuissima filamenta disperguntur, quæ partim ad os pubis, partim in pinguedinem & fortasse cutem, partes externas muliebres, inferuntur.

Arteria spermatica utraque ex trunco oriebatur, & vena spermatica dextra, sed sinistra ex emulgente, uti in viris.

Rami illi, qui ex iliacis ad uterum tendunt, hic ferè æquales illis, qui ad crura.

Quarto mense gravida judicata.

Tota substantia uteri spongiosa & cavernosa multis magnis foraminibus, sive potius canalibus pervia, in quibusdam locis, stylum crassum admittentia. In horum unum immissus sinistram versus tubuli ope flatus per uteri substantiam & venam spermaticam in venam renalem, & cavam transit, magisque tumens universus observatus uterus, quasi etiam in ipsius cavitatem flatus penetrasset.

Inflata

Inflata arteria spermatica ad ipsos usque testes mota & tumefacta.
Placenta uteri cum secundina sive membrana chorio, mirabili texturâ & tenuissimis fibrillis conjuncta.
Funiculus umbilicalis in latere sinistro placentæ insertus.
Foetus caput in fundo uteri.
Foetus masculus lateri sinistro incumbens.
Extremitates manuum, pedumque ut & narium albicantes.
Umbilicus parte ventris magis inferiore, quam in adultis.
In totius corpusculi superficie venarum ramificationes elegantissimæ conspicuæ.
Facies ruditer efformata.
In arteria aspera sanguis coagulatus: in oesophago non.

OBSERVATIO CXCVI.
D. Matthiæ Paisenii

In

Infantis octimestris hydrocephali Sectione

à Cl. J. HORNIO publicè administrata,

A N N O T A T A.

Capitis perimeter erat $1\frac{3}{8}$ ulnæ.

Tumor digito prementi cedebat, non remanente vestigio.

Cranii ossa, quamvis hiabant ab invicem, eo quo pueris solent loco, solito tamen ampliora erant, magis tenuia, ita ut cultro commode secari possent. Non multum ab similia cornubus, ex quibus lucernæ fiunt.

Dura meninx cranio arctissimè annexa.

Aqua nec inter cutem & pericranium, nec inter pericranium & cranium, nec inter hoc & duram meningem, nec quantum observari poterat, inter meningem, sed intra ventriculos cerebri laterales continebatur.

Ejus quantitas octo pintas Leidenenses, sive 160, uncias medicinales, h. e. 13. libras excedebat.

Aqua erat limpidissima, nullo notabili sapore prædita, nisi quod aliquantum ore detenta, salisugine quadam linguam feriret.

Cerebrum amplum, & pueri cerebro densius, duriusque.

Ejus anfractus penè omnes oblitterati.

Contra cerebelli laminæ egregiè distinguebantur. Cerebellum totum cerebro minus affectum.

Vasa quædam per superficiem cerebri serpentina sanguine turgida.

H h. 3.

Sinus

Sinus fascis superior planè sanguine vacuus. Cerebri sinûs laterales, quibus aqua continebatur pro quantitate, æque distenti adeò, ut totum cerebrum non nisi faccus videretur. Glandula pituitaria flaccida, & satis magna glandula pinealis nulla inventa, (nescio an errore dissecta ablatave.)

In plexu chorioide glandulæ nullæ observatæ.

Radix spinalis medullæ quasi in filamenta fissa, quod memini in cerebris ovium aliquando observasse.

Omnes ferè corporis glandulæ solito majores.

Mesenterium totum plurimis glandulis rubentibus, lentesque parvos æquantibus confitum.

OBSERVATIO CXCVII.

D. Matthiæ Paifenii

In

Capitis humani sectione

à Cl. J. HORNIO in theatro Anatomico publicè mens. Aug. An.
1664. Lugd. Batav. administrata,

ANNOTATA.

Rescissa cute cum cuticula in conspectum veniebat *Membrana*, Cl. Riolanò *adipocarnosa* dicta, cum fibris carneis in fronte, pone auriculas, & in occipite musculos æmulantibus.

N. Occipitales illæ aliquando defunt.

Hinc *pericranium* videre erat unà cum separato *perioftio*. Quod tamen à pericranio distinguere Cl. Hornio nimis subtile videtur, tum, quia distinctio illa in re medicâ nullius est usus: tum, quia hâc ratione, præsertim acutiori scalpello, pericranium in plures membranulas dividi possit.

Postea *Cranium* observabile erat, duabus quasi *laminis* durioribus constans, (quarum exterior durissima & crassior, interior mollior & tenuior est,) quibus meditullium spongiosum (diploë vocatur) interjectum est. Possis vasi fictili utrinque vitreato comparare.

Ab hâc externarum tabularum inæquali duritie & crassitie accidit interdum in forti contusione, aut ictu capitis, ut exterior illæsa maneat, læsa interiore tabula unà cum substantia illa spongiformi, cujus particulæ carunculis similes, expresso, & putrescente sanguine corrumpuntur. Malum Hipp. ξωφογή dicitur, vid. Nicol. de Nicolis in *Chirur.*

Hinc

Hinc sequebatur *dura meninx*, cujus nulla Cl. Hornio videtur esse à cranio distantia, contra quam putat Cl. Willis anat. cerebri.

Hæc beneficio *falcis* non tantum distinguit cerebrum dextrum à sinistro, sed & antèrius à cerebello.

In hac observandi sinus IV. quorum unus *longitudinalis*, quo in postica parte capitis desinente incipit.

Lateralis dexter & sinister in venas jugulares desinentes.

IV. tus inter cerebrum & cerebellum infra *falcem*.

Locus, ubi omnes concurrunt, *torcular* dictus.

In hos arteriæ infundunt sanguinem, & rursus ex his venæ recipiunt.

Nam inflata per siphonem carotide [arteriâ] tumescunt venæ in substantiâ cerebri, & contra, inflatis venis inflantur simul carotides arteriæ supraligaturam.

Tenuis meninx proxime cerebrum tangens non tantum cerebrum ambit, sed & anfractus ejus simul involvit, ut arteriolas, quas plurimas continet, simul ad totam cerebri substantiam deducat.

In substantia cerebri notandi *anfractus* varii & profundi, præcipuè cavitates illæ, quæ *ventriculi* dicuntur, qui quadruplices sunt. Simul quoque insignis ille anfractus, sive *fissura ad radices oculorum*, non semper tamen conspicua, quam Cl. Sylvius primus invenit.

Hinc *plexus chorioides*, qui glandulosus & arteriis constat. Glandulæ illæ interdum ab humoribus p. n. valdè augentur, cum naturaliter tantum sint instar granorum milii.

Pedes hippocampi ab Arantio sic dicti.

Limbus radicem spinalis medullæ ambiens.

Cavitas digitalis à posteriore parte ventriculi anterioris excurrentis.

OBSERVATIO CXCVIII.

D. Friderici Ortlobii

De

Perpetua infantia.

IN Ducatus Vratislaviensis pago, Heintzendorff dicto, die quarto Februarii A. 1669. rustici filiola, Eva nomine, cum sesquiannum nondum excessisset, de mensa cecidit, caputque ita terræ allisit, ut inde paroxysmos aliquot epilepticos pateretur, qui tam miserè ipsam affligerant, ut caput in magnitudinem capitis adulti hominis, intumuerit, eamque formam integro deinceps vitæ tempore retinuerit.

retinuerit. Reliquum contra corpus ab eo tempore nullatenus auctum est, sed eam conformationem & dimensionem ad dies vitæ servavit, qua infantes octodecim præter propter mensium esse solent. Hinc porro factum, quod puellula hæc pedibus vel stare vel incedere nunquam didicerit, sed diu noctuque, aut portari aut in sedecula sedere, aut in curiis jacere necesse habuerit. Eadem quoque nunquam propriis manibus cibum ingerere potumve ori admove-re potuit. Mira hæc videri possunt, at majorem sine dubio admirationem meretur, quod licet corporis statura aucta non fuerit, mentis tamen dotes nonnulla sui incrementa ostenderint, quando nimirum puellula perfectè loqui ac plures precationum formulas piasque cantilenas didicit; ut ut judicium non ultra infantilem firmitudinem profecerit, nam sermoni, precibus cantibusque non raros intermiscuit risus. Tali vitæ conditione usa puella, trigesimum septimum annum ætate complevit, & hebdomadas viginti novem supervixit. Hæc verò omnia verissimè sic contigisse testis *αὐτόπλης* est Clariss. Dominus Melchior Teisnerus, Pastor in Cunradswaldaw Ducatus Olsnensis, qui ipse pagus supra dicto Heintzendorff confinis est.

OBSERVATIO CXCIX.

D. Danielis Ludovici,

Dudaim Genes. XXX. & Cant. VII. esse tubera.

SChediafma hoc, quod è viri cujusdam perquàm curiosi collectaneis, juvenis tùm descripseram, cum nuper aliud agenti occurreret, perperam perire credidi, unitantùm amicorum aliquando communicatum, siquidem persuasorii, aut saltem singularius quidpiam præ vulgationibus hætenus conjecturis, etiam eruditiori cuidam è Judaïsimo haud ita pridem converso continere videbatur. Authorem nescimus: Gallum tamen fuisse contextus infra de Truffis ostendit. Orientalia dissertationi inserta ad præcavendos facilè hic lapsus, Latinis litteris, amici istarum scientissimi ductu expressimus; satis sic esse factum putantes tam iis, quibus talia minus trita sunt; quàm istis quoque, qui linguas pariter, & surrogationem nativarum litterarum punctationumque callent. Reliqua, uti concepta fuère, referuntur. Insunt equidem ulterioris disquisitionis aliqua, v. g. de *magudari*, *la serpito*, *cyclamine*, *arvensi tubere*, *Pseudapios* dicto, flore perquàm odoro, *fasmio* (illo per fictionem juris benè olenti) præcipuè verò ipsâ *Mandragorâ*. Sic Arabicum *Gjadira* in Londinensi non, procul dubio tamen in reliquarum versionum aliquâ occurrit: & derivatio *Dudaim* ab amore describentium culpa, si quidem secundum pro-

verbum (Græcæ erant, legi non poterant,) omissa est; & haud pauca insuper adhuc obscurius (uti in conjecturali hoc scribendi genere,) sunt adlerta. Excolenda vel corrigenda horum magè gnaris proponitur dissertatio, quæ ita habet.

Quid rei sit *Dudaim Genes. 30. & Cant. 7.* nec alibi occurrens, multi è veteribus, recentioribusque quæsierunt. Græci Latinique passim *Mandragoram* verterunt, soporiferam illam plantam, quibus assensum præbere nequeo. Ex utroque loco claret, esse aliquid, quod in agro legatur, quodque in pretio, odorum, rarum, & forsan iter edulia sciti saporis sit. His ita positis, videamus, quid de eo verisimiliter statui possit. *Dudaim* Hebræi interpretantur *Sabhsuchim*, *Jabhruchim*, *Sigle*, R. Jarchi etiam Arabicè esse dicit *Jasmin* (à *Jasin* & inde *Jasimin*, *Jasamin* &c.) Hebraicæ vocis est origo à nomine *Dadim*, uberibus, mammis, vel etiam ab (*a*) amore: quod *Dudaim* uberum formam referant, vel ad venerem conducant. Videntur Chaldaicæ quoque vocès, *Sigle*, (*b*) *Sibhsuchim*, *Jabhruchim*, à volubilitate vel rotunditate dictæ. Quæ omnia mandragoræ parùm quadrant. Habet enim folia lactucæ, flores sine gratia, radicem bividam oblongam, & grana potiùs, quàm propriè dicta mala; singulaque hæc graveolentia. Nullus plantæ usus, nisi ad stuporem. Nec Plinio credendum referenti, quibusdam in locis mala ejus mandi: quod ab alio accepit vocis similitudine decepto, & Magudarim esse mandragoram putante. Neque dubito similiter Græcos Bibliorum Interpretes Magudarim idem quod mandragoram existimasse; cum scirent ibi *Dudaim* esse Magudas. Conjicio autem hoc nomen esse Arabicum vel Syriacum, calvariam significans vel terculamentum in satis ad fugandas aves defixum: (quod etiam vox *Jabhruchim* in radice Chaldaica significare videtur:) vel à rotunditate, (nam Arabicè *Gjadira* est ἀνακεφαλαιῶσαι, Ephes. 1. & *Gjadaraton* gutturis, aliusve præternaturalis ab ortu tumor; & *Gjadaryion* variolæ;) tuber verò Cyrenaicè sic appellari, propter cranii formam, atque ex ista appellatione toti Africæ & Ægypto familiari, (quod Cyreniaca tubera essent commendatissima,) Alexandrinos Interpretes cum mandragora magudarim confudisse. Sed *sylphii* quoque ac *laserpitii* tuberosam radicem in Cyrenaica provincia magudarim dici, testis est Plinius ac Dioscorides. Tuberum verò in Thracia vocata fuisse κράνια vel κεράνια, ex iisdem & Athenæo constat: quique Geranium legunt hic, Germanam vocem corrumpunt. Dicuntur etiam Græcis communiter ὄσμα, quod maximè appetantur à suis. Unde secundum tuberum genus vulgò panis porcini vocatur. Leo Albertus Desc. Afric. tubera ait Arabicè vocari habbares. *Gjabir* Arabicè panis est; & Æthiops Interpres Genes. 30. habet pro mandragora *Kolahakl*, i. e. malum terræ vel campi. Apud Athenæum

tuber Cyrenaicum dicitur *Mys* vel *Mysum*. Leo autem, loco citato ait, *Misum* Numidas appellare *Terfes* & *Tirfas* Arabum, Mauris tubera terræ significat. Massiliensibus vulgò tubera sunt *Inferes* nostris *Tuffres*. Hebræi *Siglin* dicunt esse herbam, cujus flos viola, folium verò trifoliatum sit : quod cum cyclamine (pariter à rotunditate dicto,) ex parte convenit. Nam duo vulgò ponuntur tuberum genera : primum sine radice, sine caule, nisi ipsum tuber radix est : alterum, quod caulem, folia atque fibras habet : idque similiter varium ; quo cyclamen quoque pertinet, cuius radicem prægnantibus noxiam scribit Plinius : ferendamque in omnibus domibus, quia mala medicamenta impediat : ideoque etiam amuletum vocatur. Ex hac tuberum diversitate nata est interpretum variatio, dum alii amuletum, alii edulium venericum, alii violam & herbæ genus, alii radicem humanum corpus aut caput referentem, alii aliud volunt.

Sed *Dudaim* significant primum tumoris genus, à quo alterum, seu porcinus panis, cum consimilibus, nomen mutuatur. Est autem pictum quasi terræ uber, non modò ob figuram rotundam, excrecentiasque quasi papillares, sed etiam propter spongiosam internam, quasi mamillarem substantiam : præbet porrò speciem capitis aut cranii humani, grati est saporis, singularis (addimus & lascivientis) odoris, & ferculum venericum, crescit vere, &c. Summa : omnia quæ de *Dudaim* è duobus sacræ Scripturæ locis & variis commentariis afferuntur, perquam ipsi quadrant. Indeque Cant. 7. sub ecloga quasi pastoralis, allusione è re rustica petita, Sponsa, (salvo sensu mystico,) verecundè amorem suum, & nobiles nunc florentesque annos commendat inductione *Dudaim*, primo verè, sororiantium sub pubertate, mamillarum instar prorumpentium, & odorem suum fundentium : (tibi dabo ubera mea, ibi. *Dudaim* dederunt odorem,) & ejusmodi blanditias tandem concludit : (Et in ostiis nostris omnia mala Punica nova & vetera, dilecte mi, abscondi tibi.) Innuens, intemeratam se sponso servasse virginitatem ; quo quasi aperta vernantis horti janua, delicias sibi conditas & illibatè servatas decerpere properat. Atque hæc de *Dudaim* : unde quivis, quantum placuerit, colligat.

[(a) à *Dodim*, amore (b) potius legendum *Siglin*, *sichsuchin*, *Jabh-ruchin*.]

(De *Dudaim* conferri etiam potest disputatio à Reverendo & Clariss. Dn. M. Michaele Libentantz, p. t. Diacono ad D. Elisabethæ, quæ Uratislaviæ est, meritissimo, olim Wittebergæ Anno 1660. habita.)

OBSERVATIO CC.

D. Danielis Ludovici

De

Spiritus, seu oleiconorum abietis,

Et de

Pinguedinum in aquam reductione.

CUm abietis & affinium resinolitas adeò polychresta sit, inque conis istarum resinofissimis ingens quotannis quantitas perire videatur, experiri placuit, num operæ pretia etiam mereri posset indigentiorum quispiam ex indigenis, circa hæc occupatus. Proin non arescentes jam aut exsuccos, sed virides adhuc, atque vegetos, circa Septembris initium, nucleis suis (debiliores faginarum more inebriantibus,) adhuc prægnantes numero centum destillationi per vesicam subjecimus. Provenerunt olei clari, à vulgaris terebinthinæ spiritu nil differentis, è selectioribus uncia duæ, è mediocribus quatuordecim drachmæ præter propter; sed exiguo sic infumendi laboris redhostimento. Num paulò provectiores daturî fuerint plusculum, experimento haut factò, dicere nequimus. Eorum verò centum, alia intentione, molâ, ceu lini semen solet, expressi, sudarunt non olei, sed magmatis tantum oleosi, viscidî, aquoso succo inspersi, ultra libram unam semis. Et cum evidentiori usui aptari tunc non posset, per vesicam similiter tentatum, dedit olei clari, sed flavescentis drachmas septem; liquamine in vesica supernatante instar liquidæ vernicis, deperdita verò sic (præter id, quod in rejectamento remanere potuit,) subtiliori (inter molendini tractationes,) parte. Uti sanè ejus generis olea vix aliud esse videntur, quàm subtilior seu attenuatior resinarum substantia, (spiritus autem fermentatii ardentes subtilissimæ, per salinarum particularum accessum, quasi saponariæ, miscellæ dilutum:) eoque tractu temporis in Terebinthinam quandam olea ista redeunt: modo parili de reliquorum quoque vegetabilium, (etiam per retortam,) destillatorum ortu, aut compluribus tandem superveniente incrassatione, forsan haud difficulter concipiendo. Unde jam olim in istius impedimentum superinfuderunt aquæ quidpiam simplicis, aut pro gravioribus oleis (quo supernatent,) probè salitæ.

Haud adeò verò dissimilem resolutionem seu sublimationem in ipsa corpulentia sua (mercurialiter quasi) pati videtur camphora etiam vitro variè occluso: nam licet ita tantoperè non transpiret, erupturis tamen, & in ascensum rasis, per annos aliquot in frigidiori conclavi servati lateribus, undiquaque hinc

quasi glaciatis (wie gefrohren Glas) copiosè adhæret. De cætero hæc ipsa arborum resiniferarum in vicinia consideratio sæpius nos in peritiorum Helmontianæ istius (post Thaletem olim) rerum ex aqueo elemento primordialis productionis per investigationem traxit; cum tantis earum tractibus, immensæq; inibi resinositati sufficiens substantia propinquior, aut bituminositas (vel potentia tantum proximior talis) subter profectò non queat concipi: brevique post resectis abietibus, renatas (promore) betulas, eodem loco, alium longè succum plorantes deprehendamus; ceu alios ramos haustâ solâ (ad libras quoque) aquâ explicatissimè frondentes, mediave brumâ hinc planè florentes. Sive jam credatur attrahi, sive pressione quadam aliterve per competentes poros, quasi per emporeticam perpendiculariter immissam, sursum repat. Copiosius è maturiori ligno oleum, vitem subsequo cum Tartaro, plantarum ejusdem areolæ diversissimos in colore, sapore, odoreque succos, aliaque vulgatiore nunc exempla adducere supervacaneum fuerit. Distante equidem inter se valdopere hæc duo: oleositas & aquositas: faciliusque comprehendimus (à fossilibus usque ad vegetabilia,) hujus in salinam naturam transitum. Non tamen proin protinus (præsertim si pararius simplex intermedium, uti in mixturis saponariis invenerit) semet penitus averfantur: vel resolutionis aquarum testimonio. Et reverà sic transire non solum in exoticâ Indiæ nuce (aquam potui aptam nec paucam primitus, hinc oleosissimum nucleum exhibente) verum etiam in ipsis avellanis juglandibusque nostris, à manifesta primum aquositate, per mucilaginosum & inde lactescentem liquorem, ad oleositatem tandem (dimidio sæpe ad nucleos pondere) abeuntibus cernitur.

Nec parum huc vel per indirectum confere posset recentiorum illa pinguedinum in aquam reditio; siquidem, ut ajunt, facilius est aurum facere, quam destruere: Dummodo in tædiosissimorum laborum residuo non foret, in quo qualitercunque saltem hæsitare posset quispiam. Non eodem sane modo ac superficialius, occulitur tantum pinguedo, in saponariis massis, post sufficientem in aqua simplici dissolutionem, lentâ evaporatione iterum in mucilaginem, inspissatis; uti forsan oleo destillata in tartarisato vini spiritu, aliaque in liquoribus alcalinis, ipsove albumine, amygdalinum in emulsionibus, pinguior alimentipars in chylis, lacte, collis, sebum in sapone, &c. facile per enchirises quasdam postmodum, aut levis ignis interventu, separanda. Occultatur interea tamen nihilominus & latet, vel quoad potissimam partem, si quid abreptum fuerit. Atque eâ de causa sebum, tanquam corpulentius dissipatuque difficilius, ejusmodi experimento præ destillatis oleis (tartari nigri æque parum, simili methodo, cum salis volatilis particula præbente) seorsim destillavimus.

Dedit autem saponis nostri libra una, prædicto modo tenuissimæque loturæ instar soluta, & in patentiori balneo roris spissam in mucilaginem, (talism enim prodit) evaporata, cum f. q. cinerum vel arenæ vix drachmam unam semis aut duas ad summum olei: dum libra una saponis communis nil passi, cum f. q. cinerum, libram semis & amplius (præter salis volatilis in rostro aliquantillum) eodem igne arenæ præbet. Putavimus, quod etiam ex parte res erat, nimiorum additamentorum suppressione id contingere, adeoque nova saponis libra, notatâ jam ratione sollicitè tractatâ & inspissatâ, per se in retorta capaciore destillata est. Prodiere olei drachmæ quatuordecim præter propter; relictâ massâ, saponi nigro fere simili; sane iterum in prædictum loturæ conformem, sed obscuri coloris liquorem resolubili, & post evaporationem denuò drachmas fere quinque: dedissetque extra controversiam amplius, si caput mortuum iterum saponiforme (sed priori mollius, inque loturam nigricantem resolubile) reiterato tentare per alia impedimenta potuissemus. An nunc in quavis destillatione, oleosæ particulæ aliæ quidam tantummodò sub firmiori alcalium (aëquosis ferè spoliatarum) complexu retineantur, aliæ verò in scorias, pinguedinum more simul comburantur; an insuper aliquanta earum pars in aquam, sed immediatè (uti una exit, inter evaporationem tamen saltem retineri potuit) fatiscendo quasi redierit, seu salis volatilis urinosi, per absorbentia corpora (ceu in acidis quoque spiritibus alicubi tentatum est) iterum successivè forsan enervandi, interventu, curiosiores judicent, vel ulterius persequantur: præcipuè, num acido spiritu vel substantiâ adjectâ oleositatis ista resistantia solvi queat. De cætero, aqua illa, quæ ante oleum, & cum eo destillat, utique sal volatile evidenter sapit, at simul horribiliter, instar putidissimæ pinguedinis. Ex adverso tamen etiam eadem salsedo in simplici saponis destillatione percipitur; ut denuò anceps videatur pro olei inversione decisio.

OBSERVATIO CCI.

D. Danielis Ludovici

De

*Cerevisiæ vinique concentratione, melioratione, Zytho
betulino, spirituumque è frumentaceis proportionem.*

Cum superioribus lustris multa de potulentorum compendiosiori per concentrationem asservatione ac transportatione proponerentur, facta hic quoque sunt diversa circa Zythum experimenta; etiam paucis

abhinc annis repetito ; cum aliqua externis tum de causis expectationi minus respondisse viderentur. Quid observaverim sub talium (si omnimodè procederent, haud exiguo usui futurorū) experimentationibus, breviter referam. Liqueorem proin è polenta seu malto, consueto hic ingredientium quantitate proportionemque à Zythesa confectum, probè saturatum, aliquando etiam pro majori conservatione lupulo conditum, (citra anticipantem aliquam fermentationem vel adustionem) exhalavimus ad octavæ, aliquando ad sextæ partis remanentiam. Liquamen in cellâ cum curâ per semestre & amplius asservatum, (bibentibus pro talium more tormina & inflationes ciens) antequam a corem quendam (ceu alia portio elapsis adhuc paucis mensibus) minitari inciperet, diluimus cum aquæ saltem quadruplo ; & peractâ fermentatione cerevisia exiit quidem, sed secundariâ haud adeò superior, minùs certè grata, ceu pariter & simul perquam flatulenta erat, alio fine ad dimidium alio tempore incocta, vulgari tamen Zytho quantillo validior. Unde residuum nondum ita dilutum, alii cerevisiæ cocturæ mixtum est, licet tantoperè non perceptibili ejus hinc fortificatione. Idem verò mihi jam antea contigerat in musti, selectioris quoque concentratione, similiter (citra ullam præviæ fermentationis vel adustionis notam,) ad octavæ partis remanentiam instituta. Sapam hanc sive sirupum post aliquot mensium asservationem, diluebam partim quadruplo, partim quintuplo aquæ simplicis. Sed post fermentationem & fecum subsidentiam, non tam vinum quam Sorbet sive Scherbet aliquod devians aut pomaceum levius bibere videbar. Unde quemadmodum fixioribus quibusdam vegetabilibus, inter succi vel infusi exhalationem decedere quidpiam (plus minus) vel aquæ saltem sapore qualicunque, sedimentoque suo testantur (licet extractorum per vaporosum balneum ritè inspissatorum inde notabilis non percipiatur deterioratio, vel rosarum, croci, &c. exemplo:) ita nonnulla insuper, seorsim verò farinacea, vinosa, acidula quædam &c. inter concentrationes suas, sub continua ignis actione pati aliquid, aut in quopiam satis alterari, alibi ferè inverti, vel inde manifestum est. In citri succo id notarunt alii, nec in cydoniorum, berberum &c. (per vaporosum quoque balneum) inspissato, post dilutionem pristinam succi invenimus gratiam. Et extractorum Rhabarbari, Senæ, &c. debilitas forsitan huc ex parte referri posset. Revocant verò nobis hæc in memoriam, famosior hactenus è betularum succo cerevisiam, quam Serenissimus beatiss. mem. Princeps cum Moguntia apud Reverendissimum Electorem primitus vidisset, 1668. parari similiter in experimentum jussit. Elegans erat & sapida, utpotè ad normam proportionemque validioris nostræ, quam duplicatam vocant, confecta. Peculiarem autem vim diureticam aut antinephriticam inibi deprehendere non potui.

Laudabant quidem horum aliqui, sed quia gratis bibebant, saporem aliàs laudabilem. Et sanè quædam inter hanc, & betulinis gemmis medicatam facile concipi potest differentia: cum succus indifferenter, (majorique ex parte crudior è caudice) colligatur, forsan etiam per collectores dilatetur; sæpè secundam quoque fermentationem (inter inevitabiles moras & expositiones) subeat, inque gemmis postmodum jam longè sit excoctior sive characterisatus. Addamus his insuper, quæ in musti debilioris melioratione aliquando observaverimus, ænopolis alicubi forsan notiora. Cum vini sive fecum vini frumentaceoque (sed ab ingratiore odore prius rectificato,) fermentationis tempore proportionaliter addito spiritu, processit quidem quædam tenus negotium, & vigor hinc aliquousque intendi videbatur, non verò illa saporis in generosioribus quasi corpulentioribus vinis gratia. Nec eam associatum (Glauberohic, & inter cordialia adeò commendatum, à rectificati spiritus residuo liquamine desuper collectum, vini in Franconiâ Rhenique tractibus vocatum) oleum præstitit: ut ut odore ejus (qui crapulam quasi spirat) tam per salis spiritum, quam per vesicam (commodius) abstrahendo, aliquousque infracto. Qui in vinorum explorationibus exactiores, debiliorisve sunt cerebri, & hinc (quamvis generosissima sæpè vina nativa) spiritum tamen, etiam modicum, ferre nequeunt, ejuscemodimiscellas æquè facile, ac maledictam illam ipsius, (turbidioris inde) vini cum vini spiritu miscellam gustu, ac brevi subsequa cephalalgia discernunt. Proin in amicro, fermentationi aliàs subiecto, & corpus quasi hic dante subiecto successum experiri placuit: addidimusque musti, sed profectò levissimi dolio 160. vel 170. librarum civ. capaci sacchari non resinati libras quinque. Validior inde statim & protractissima fermentatio, & postmodum vinum altero tantò forsan (in ea reliqua acetositate) melius: sed experimento locis, ubi sacchari parabilioris pondus augeri posset convenientiori, nec fatiscentibus vinis adeò absono. Eodem verò tempore quispiam singularem ea fortificandi promittebat modum, pacto postulato certo in singulas amphoras pretio. Finitâ fermentatione, validissima similiter & æque durante, saccharato illo non quidem erat validius, at gustanti novellorum generosiorum vinorum instar, aliquanto corpulentius quasi, procul dubio per additamenta, quamvis secreto habita: nam in rejectis fecibus aliis longe crassioribus, statim deprehendebantur copiosa malti sive polentæ grana, cum anisi, etiam forsan liquiritiæ tantillo: nullo quidem horum in sapore vini vestigio; sed indubie propter præcisam inter se proportionem, quâ servatâ gustum æque afficientia gratiam composito conciliant, variatâ perdunt: ceu in vinis ac cerevisiis medicatis, aquis destill. &c. passim cernimus. Sed potulenta hæc ardente quodam spiritu tandem condiamus. Cardanus quidem l. 8. de subtil. ait: aqua ex avena destil-

latâ,

latâ, moschos uti, quod vino careant, nec minus excalefaciat & inebriet, quàm vinum. Additam tantæ incallescenciæ rationem alius Scaliger excutiat. Moschis verò gratiores quoque hunc in finem potus suppetere scimus. Ansa tamen hinc dabatur in qualitatem ac quantitatem ejusmodi frumentaceorum ulterius inquirendi, præsertim dum eodem tempore (ceu nunc) conquerebantur miseri, istâ annonæ caritate minimum sibi præ aliis omnibus furfuraceis quoque accedere roboris à panis avenacei esu: ac quæstio insimul incideret, num hordeum ob vetustatem sationi multique confectioni ineptius, commodè ardentis spiritus forma consumi posset? ut proin facto experimento modius, qui secalis 256. hordi 220. avenæ verò 248. libras tantum capiebat, (subtrahâ decimâ sextâ molitoris parte, furfuribusque satis exsuccis,) dedit farinæ secalinæ quidem libras ferè 200. hordeacæ 157. avenacæ saltem 59. Ita idem avenæ modius, pro spiritus ardentis destillatione ritè præparatus post vulgarem illam rectificationem exhibuit libras solum 18. sapore tamen minus grato, cum à secalis (sed selectioris, nec recentis nimis, nec vetustate vermibusque nimium corrupti,) eâdem mensurâ proveniant facillè 86. vel 90. pluresve hordeacei, (præ secalino pariter minus accepti,) 65. libræ aut paulò amplius. Consideratione verò hic non indignum est, quod, dum idem farinacæ (ex hordeo & avena substantiæ pondus supponimus, producendi inde spiritus eandem ferè quantitatem) postmodum ponderamus, adeoque avena ad inducendam spiritualitatem, re ipsa hordeo non est inferior, par pene hinc reperitur (indeque evidens illud jumentorum robur est;) humano tamen corpori tam parùm tribuat. Suum equidem cuique est alimentum accommodatius, etiam per assuetudinem: & per annorum decursus maturatiorem, acceptum fieri Septentrionalioribus panem, Excellentiss. Vir D. D. Bartholinus retulit.

OBSERVATIO CCII.

D. Danielis Ludovici

De

Periodica nonnunquam vigoris in Cinnamomo Variatione.

Qui senium non sentire cinnamomum putabant, pridem à Galeno notati sunt, productis ex ordine Imperatorum thecis. Et is quidem decidentix trigessimus assignavit annum. Verùm in magnatum myrothecis minus quoque aromatica, etiam post quinquagesimum, adhuc satis vivida invenimus. Quod autem in uxoris Stiliconis, Imperatoriæ sororis, tumbâ

A. Sti-

A. Stiliæ lacunæ repertum dicitur, vigorem forsitan post 1400. annos superstitem, aliorum fragrantium consortio, penitusve interceptæ aëris deprædationi debere potuit. Sed præter ordinariam hanc plures adhuc causæ sunt variantis hodieque, ut olim, bonitatis, v g. Regionum ipsarum diversitas: quodque in Java, Malabar, Chinaq; debilius, seu de Meto sylvestriusve crescat, aliunde notum est: fortasse tale etiam in Peruana regione, ni, pro gentis vel nautarum consuetudine, paulo aromaticotera, (ipsum sanè sassafras in recentiori Antillarū descriptione,) inter cinnamomi, cœu urentiora quædam inter piperis genera relata fuerint. Sic porro ipsis in ordine corticibus sua non diversitas: eaq, adhuc major, ob varios tractationis modos. Si scilicet secundum Garciam, incompetenti tempore deliberentur, vel inter exsiccandum, aut sub Lusitanorum reditu, (referente Anonymo Carmelitâ,) caraceis sive onerariis aliquandiu extus appensi, solaribus radiis exhauriantur; marinâ aliterve corrumpantur, &c. quibus aliam adhuc, hætenus forsan minus annotatam variationis, selectissimi quoq; cinnamomi adjiciamus speciem. Nam sæpius olim apud parentem observavi, optimæ notæ allatas Cannas, pipereque pro aromatoriorum more sepultas, saporem nativum aliquando exuisse fere penitus; librum æque ac crassiolem corticem (hunc tamen frequentius;) post aliquot verò temporis (incertum tamen) spatium recuperasse id denuò satis vegetum: vix ob Lunæ (tantum aliàs in lignis valentis,) apud nos phales alterationesve aeris. An certæ speciei sit, majus adhuc dubium, vel an ob inconvenientioris temporis resectionem, (uti ea quidem in asseribus trabibusque nostris multum potest,) aut immaturitatem quandam? Sed non una vice data opera è certo sic languente cinnamomo destillavimus aquam nihilo deteriolem; ut peculiarem occultationem vel deliquium particularum aliàs sat sensibilum, (donec planior inveniatur ratio,) tantisper miremur. Qui verò speciale quidpiam reproductioni corticum subesse putant, in vulgari quoq; Periclymeno (simili fibrarum secundum longitudinem ductu,) analogum habent.

OBSERVATIO CCIII.

D. Danielis Ludovici

De

Nitro murario.

ITa fortè significantius hodie dicitur. Siquidem salis petraæ vox pene nunc indifferens, Aphronitrum verò multæ adhuc recensitioni complicatum est. Non autè illas vulgi sturias hic intelligimus, quæ è cellarum sub dio, vel perpluentibus fornicibus interdum dependent; gypseæ quasi, & elota lamellatimq; compacta

calce constantes: nec porro vitriolicas, aluminosas, salinasve nonnullibi efflorescentias aut coagula, præcipuè in metalliferis vel intus flagrantibus locis; pura vel frequentius varia inter se, aut cum ipso nitro mixta, eove tandem ex parte tendentia; atque vel inde nitriformiter quadantenus vel communis saltem, (quod in se continent,) sulphuris instar ardentis. Sed concrementum verè & evidenter, seu (demus difficilioribus) præcellentes saltem nitreum atque hinc, si opus, refinatione debita in nitrum, nostro par reductile; muris similibusque saxorum, (calcarii utriusque arenarii,) ac lateritiis struibus hic locorum (uti alibi forsan cryptis, rupibus, desertorumve planitie,) adhærens: modò lanuginis instar, leve, album, tenue; in superficie istorum (integrâ vel tempestatibus, recentiorumve vermiculis exosa,) quasi efflorescens: modò verò crassius, & crustis calcivariè permixtis, minusque albentibus coagmentatum. Utrumque quale ac quantum præter propter foret, experiri quandoque placuit: præsertim ob propinquius hic aëris commercium. Corpulentius proin illud non certæ cœli plagæ obses est, sed indifferenter ad ortum æquè ac septentrionem &c. Sub dio æquè ac occlusioribus tectisve locis nascitur: frequentius equidem (ceu notum est,) ubi stabulorum vel olim quædam fuit communicatio: sed neque hoc perpetuo aut convertibiliter: & in super ebullit, ubi nullum cum ejusmodi urinis unquam esse potuit commercium. Calcis autem vel analogi evidentiora plerumque adfuisse indicia. Quod porro per aliquot lustra hæserat, aut duodecenne tantum, trimo, præter propter in nitrositate sua, haud adeò deprehendebatur præsentius, quamvis in pondere, ob exsurgentis simul calcis aliorumque confusionem, foret oppidò, etiam in eorundem annorum massa quædam diversitas: corrasæque libra una, modo 4. solùm, modò 6. 8. 9. draet uncias nitrosi hujus salis: quod porro, selectius quoque, aut per lixivium saponarium refinatum, præter expectationem vulgari nitro profecto lentius deflagrabit. Pyrius inde pulvis, secundum debitam proportionem satis diligenter confectus, similiter saltem instar communis ejusdemque compositionis pulveris pyrii, sed aliquantum madefacti, (& in candelam exiguum compacti,) vel copiosioribus carbonibus, aliisve additamentis in pyrobolis dilatatoris consumebatur; reliquis paulò copiosioribus. Libra verò una hujus nitri, cum capitis mortui aluminis duplo, citra aquæ in receptaculum accessum, destillationi subjecta, dedit præter propter uncias 17. conveniente sic quidem spiritus è nitro communi, eadem ratione destillati pondere, non autem vigore; utpote qui erat remissior, & aquæ forti debiliori vel à croco metallorum abstracto compar. Prior sanè rubedo haud adeò apparuit, ut recipiens visum est tantummodò, ac si ex obscuriori massa fuisset conflatum. Posterior verò erat, admodum & ut in vulgari destillatione solet, intensa. Cum argilla idem labor institutus præbuit, (ceu com-

commune quoque præter propter solet,) uncias quatuordecim & drachmas ferè quinque, at pariter deficiente proportionaliter requisito robore; primoque ruborè remississimo: Capite mortuo de cætero utrobique à vulgari earundem destillationum, haud adeò gustantibus solventibusque distante. Lanuginosum autem uti pariter indifferenter, ad lateritia arenosaque efflorescit; ita calcis quoque vel æquivalentis cujusdam frequentiora quàm urina exhibet indicia; gustu magis infrigidans quàm urinosius illud crustuosum, saliprunellæ moderatiori quasi æmulum. Nec per accessionem particularum semet quasi protendendo, admodum hic locorum augeri visum est; postliminiò forsan humidiorè aëre aliterve consumptum. Unde cum sufficiens destillationi quantitas difficilius conquiri posset, in pyrium pulverem, quod suppeditabat, redactum est, lentiori quidem pariter, at lucidiori flammâ, parciorebusque recrementis conflagrantem. Atque hæc per vices in isto salis petræ genere observavimus; si fortè obscurissimæ nitrositati, quid & unde sit, declarandæ conferre possent quippiam, præsertim si reliqua ex affinibus aliisque speciebus petita Phænomena adjungantur. Materiale sanè seu corpus istius seorsim & quasi in abstracto, minori forsan difficultate concipimus; dum v.g. destillati vel cum carbonibus, tartaro, antimonio, jove &c. detonati nitri residuum, ceu mortificatum (nisi quod quædam inibi dispersæ, denuò tamen per additamenta separabiles, fortè etiam sui sic multiplicativæ particulæ remaneant,) intuemur; aut artificii ohinc reproducti modum, pridem quidem per præcipitationes & alcalium nitratorum confectiones notum, intereà nihilominus à nitro usuali tam ponderis saporisque supereminens, quàm pronitatis in deliquium, facultatis expressè & in parva dosi sudoriferæ, denigrationis vasorum metallicorum, &c. respectu adhuc aliquousque (ob inæqualem subactionem; aut actuantis principii majus acumen,) differentem perpendimus, aut quomodo spiritibus nitrosis figulino vasi infusis, vel ab ipso communi sale abstractis pariter nitrum quoddam prodeat: & inde simile quidpiam salis terræ calci communi ac subterraneæ, parietinis, lateritiisque struibus, immò aliorum quoque saxorum superficiebus, per diversam extraneorum activitatem accommodatis, ipsisque vegetabilibus, præcipuè amaricantibus, ac animalium quibusdam partibus & excrementis, (circa salino sulphureas eorum particulas,) contingere colligimus. At verò quomodo hæc vel à quo hæc omnia, etiam ad sensum sæpè minus disposita animentur, seu nitrificentur, id profectò adhuc dum comprehensu videtur difficilimum. Eleganter quidem, & aliorum salinorum exemplo hoc quicquid est, in certa particularum nitri modificatione vel configuratione quasi mathematicâ consistere ponitur: viderique forsan per certas deductiones queat, talismodi conformationi vel solam ætheris in applicabiles particulas actionem sufficere,

salinæ hinc substantiæ cujusdam accessum: ceu domi quoque in chemicis ac naturalibus digestionibus, aqueam oleositatem, & hanc naturam salinam induere cernimus. Sed enim an specialissimum hoc suppositum etiam consistere queat, cum singulariori illa nitrositatis separabilitate, dubitare forsitan non nihil possent, qui per vulgatiores quoque observationes eam, tanquam rem quasi penitus extraneam, à nitro ipso (etiam refinatissimo, nativo æque ac artificialiori,) relicto suo, quod induerat subquadruplâ, subtriplâ, vel etiam dimidii proportionem (pro puritatis laborumve ratione,) corpore, (pronunc enecto) ita separari posse putabunt, ut in liquidâ quoque consistentia, manifesta que aciditate, evidenter, nec tantum concentrationis spiritus vitrioli, salisve, vel reguli antim. aut amalgamatis Jovialis cum sublimato mixti, similiumve more simpliciter excalescat; sed ipsius nitri instar, seu planè nitriformiter deflagret: modò sibi externum & competens, quantumcunque tandem fuscitabulum sulphureum simplex aut salinis quibusdam particulis sociatum invenerint: ceu missis bezoarticis mineralibus, aliisque martis & antimonii solutionibus, saltem vulgaris illa rectificati spiritus vini, item subtiliores resiniferorum quorundam olei cum nitri spiritu mixtura, ac Magisterii C. C. & consimilium confectio (si modus in abstractione spiritus nitri paulum excedatur:) testari queunt. Nec enim salinæ solitariae (utut oleosis complicatae vel cognatae) forsitan iis sufficerent, qui florum ammoniac. verè urinosorum & spiritu nitri saturatorum coagulum, prunis quoque injectum, planè non accendi, eosdem porrò flores liquato nitro successivè injectos, ebullire quidem, ac cum denso aq. reg. vapore stridere, non tamen nisi pruna superadditâ, totum hinc nitriformiter deflagrare vident: Dum interea Excellentiss. D. D. *Vedelii* experimento, ingesto ammoniaco ipso, (ni ad configurationis diversitatem abstrusio remve causam redeamus,) forsitan propter latitantis hic sulphureitatis vegetabilis & animalis particulam, nitrum fluens quasi sulphuris grumo promptè accendatur, & successiva repetitione tandem, præcipuè prunâ in fine jucundo spectaculo adjectâ, in alcali (priori tamen viridanti mitius,) transeat. His proin in medio relictis, (ex alio nunc supposito) paulò quidem explicatior fieri videtur illa nitri formalitas, per vegetabilis acetositatis, (utpote jam inter ortum suum, ac per destillationem postmodum, sulphureitati cuidam complicatae, de cætero nil, minus quam vitriolicæ,) naturâ & applicationem: dum non solum aceti (affiniumque ei) acidorum è lignis, præsertim durioribus, &c. vegetabilibus, per retortam destillatorum spirituum (in modo solutionis aliisque effectibus, magna est cum nitri spiritu conformitas; verum etiam alcalia istis saturata, post spontaneum deliquium paulo diutius maturata, nitriformiter quadantenus, (æquè ac amaricantium vegetabilium

essen-

essentialia salia spiculiformia, integraque istiusmodi extracta) cremari cernuntur: siquidem nitrosum post sulphuris aurati præcipitationem & liquoris exhalationem, proveniens coagulum, ob restantis integri adhuc nitri particulas suspectum adhuc, nec immeritò fuerit. Eo ipso tamen relinquitur permagna nihilominus inter ea differentia, ut licet nitri quoddam rudimentum, aut alteram fortè partem formalitatis ejus inde conceperit quispiam, absolutè tamen vel liberius nec dum queat de iis dicere: magis & minus non variare speciem: quin potius nitrositatem ipsam non in, sed tantum cum hujusmodi analogica acetositate consistere: præsertim cum singulariorem saporis, odoris, eminentisque activitatis conditionem intuetur, quæ proculdubio tertio adhuc cuida, seu sublimiori illi rubori salino sulphureo, tanquã totius coaguli animæ debentur. Separabilis autem suo modo is quidem est similiter, & oleosa competentia haut ægrè amplectitur, peculiariter tingit, vulgatoribus etiam experimentis; & posterior quoq; (ceui in destillatione duplex prodit,) quamvis priori, (subtiliori an immaturiori?) separato, cum conveniente subjecto nihilominus deflagrat: uti murarium hoc nitrum & magisterium C. C. post istius abstractionem oppidò adhuc cremabile, immò bacillus saltem fervente hoc liquamine accensus ostendit, & quæ insuper sunt alia circa prædictam sulphureitatem phænomena. Qualis autem inter ea in seipsa & unde sit, obscuritati præcedentibus æquè non minori adhuc dum complicatum remanet. Nam qui totam hodiè nitrositatem seorsim ex aëreo sale deducunt, & in sententiæ demonstrationem oppidò habent non solum murarium nostrum nitrum, (qualicunque ejus defectu facile per imperfectiorem subactionem, tempestatam consumptionem, accessoriorumve impedimentum excusabili,) sed etiam in aliis salinis ex aëre concrementis partem aliquam sulphuream interdum satis tingentem: nitriformem talium inter suas sublimationes aliasve tractationes concretionem haut infrequentem &c. Fortasse tamen nihilominus sic nitri tantum speciem quandam proponunt potius, aut nitrositatem jam constitutam, quam constituendam, seu duobus requisitis suis complendam: niper singulariorem atmospheræ radiorumque communicationem sive concursum; indeque graviora ingravidataque specialiter Alcalia, forsan etiam per meteororum igneorum producta &c. aliqualis his, præcipuè verò usitataæ assertioni, (nitrum esse aërem coagulatum) accedat dilucidatio, non tamen à parili propterea inter se complicatione ac nitrescentiâ (dum aliàs inferius sicut superius, & nitro omnia plena esse dicuntur) exclusis subterraneis ejus generis particulis. Etenim qui specialio rem salis aërei cum profundissimis terræ stratis concursum, (in eâ centralis salis præsentia & proclivitate) cum sublimiori penitus hoc in negotio magnetismo

necdum adeò comprehendunt ; Concrementa illa, etiam rorida & pluvialia, simpliciora nilque passa, frequentius ferè à cubica quam st. iarum hexagonaque forma concrefcere ; & cum sulphure suo, (æquè ac salina inter Veneris Martisque mineras nonnullibi coagula, & per horum spiritus parata è mineris vitriola) ardere quidem, non verò nitri more semper deflagrare vident ; In salis tartari (dum nitri Fixi alia est ratio) spontaneis deliquiis aquam quidem copiosam, at nitri concrementi quid haud adeò promptè, ex adverso autem eadem Alcalia per domesticam quoque ignem (si aliqua sic ponitur disparitas,) pariter graviora, interdum insuper (suscitatis, saturatis vel inversis aliis sulphureis quoque particulis) ingravidata, quasi deprehendunt ; matriculam (citra cuius accessum aliæ calcis, salis & urinæ miscellæ plerumque infidæ vel parciore sunt,) in profundis etiam postliminiò saturari nòrunt, &c. Aëreis contentis totum nitri conceptum seorsim vix deferent ; primævæ creationis destinatione seminalive (hinc, aliter vè) principio, vel alia aquei elementi (variè per ætheris etiam, seu primi elementi longè simpliciore communicationem subacti, expansi, concentrati, maturative,) modificatione (ceu peculiaris quoque subiecti nitri murarii dispositio, pro indifferentis aliàs aëris concursu debet concipi,) tantisper, etiam circa solitaria subterranea contenti, donec penitus illa acetosi sulphureique complicatio per ulteriora experimenta explanetur, Eleusis enim hic quoque servat, servabitque forsan, quod ostendat revisentibus : ut ut analysis & imitatio chymica plurimum undiquaque detexerint. D. Rauvolfius, Med. August. superiori seculo jam retulit in Itinerar. Mahumedanos, sibi peculiare, sed debilius parare nitrum, è succo salicis (Arabicè Garb dictæ) foliis incisis (unde fortè Plinius è quercu ustâ nitrum factum dixerit) & extremitatibus ramorum foliisque combustis & elixiviatis, in sal coagulando. An istud forte refinationis gratiâ pro more institutum est, an modo à Glaubero superioribus lustris promisso? peregrinantium curiosiores hæc definiverint : quemadmodum etiam nitrum vere Niliacum : si quidem rem (etiam circa rorem decidentem) aliter, ac superioribus annis quidam voluerunt, se habere, in recentissima regni magni Mogolis descriptione curiosissimus D. F. Bernier retulit.

OBSERVATIO CCIV.

D. Danielis Ludovici,

Speculum ex orichalco singulare.

Communicabatur ab extero, faciliores specula metallica conficiendi modos aliquando pertinentibus sequens processus, an inter curiosiora catoptrica

optrica alicubi descriptus, equidem nescimus: si non, perire noluimus. Est autem talis. Laminæ ex aurichalcæ purissimæ, omninò lituris destitutæ, super prunas parum calefactæ quidpiam de infra notato liquore (technico aliàs vocabulo *Quickwasser*) illinatur; & hinc amalgama ex Mercurii vivi p. j. & stanni Anglici (uti purissimum hic vocant) p. ij. paratum, probe per horam cum aluta æqualiter unde quaque ac fortiter affricando, donec exacte candicet.

Hanc postmodum æqualiter expansis prunis impone, tamdiu præter propter, donec alius in conclavi moderate deambulans, 60. passus sine interruptione confecerit seu numerarit; quo mercurius saltem avolet, lamina verò undique æqualiterque quodammodo quasi rubeat. Refrigerata expoliatur subtilissimo alutæ insperso smiride; æqualissimas, ceu decet, lineas ducendo, non circumgyrando, ne tamen diutius, ne stannum superficietenus quasi absorptum iterum extergatur. Unde Tripolitanam tetram mallem. Institutum Serenissimi jussu experimentum successit in plana lamina; sed candor erat fere nimius, ut dum Antimonium huc forsitan minus quadrat, pro repetitione plumbi particulam jovi adjecerimus. Distractæ postmodum sunt laminæ, ut de duratione polituræ non habeam, quod referam. Aquæ verò hæc erat descriptio. & .aceti acerr. uncias duodecim, sal. ammoniac. & (qui forsitan tamen abesse posset) Mercurii vivi añ unciam unam semis: coq. ad tertiæ partis consumptionem.

OBSERVATIO CCV.

D. Danielis Ludovici

De

Moschi folliculis.

Cum post religionum æque ac aliarum professionum recentiores etiam relationes, dubia quædam nihilominus supersint, aut inde, ab iis præsertim, quibus inquirendi hinc non datur copia, moveri queant; relatu forsitan his non ingratum fore duxi, quid circa ista superiori anno, inter alia Legatis Magni Moschoviæ Imperatoris Serenissimis hic oblata donaria, cum separandi moschi causa pleraque aperirem, observarim. Frustra videbantur è pilosa capreoli pelle excisa; rotunda, sed inæqualiter; imperiali vel rosâ Anglicâ aliquanto quædam majora, quædam paria, rarò minora. Extus sub pilis elevata magis sive convexiora; (licet sine omni notabiliore, multo minus umbilicum; testes, glandulasve excretorias exprimente protuberantiâ,) in adversâ verò superficie modo quadantenus introcedentia, modo ferè plana: de cætero inter se ut plurimum admodum compressa, ut quidpiam subtus contineri dubitarent

tarent quidem primitus. Sub ea tamen duplicatura, seu extrema pilosaeque cute, (obscurioris coloris,) subtenſaeque ei seu adnatâ tenuiori pelliculâ, (albente, vix notabiliter livente, ceu in exigua oſtrea vel conchula hærebat,) inſtar ſiccioris & (ob aſſervationis rationem,) ferè friabilis paſtæ Moſchorum, à drachmis duabus ſemis ad drachmas quatuor ſemis in ſingulis; ſi quem vidi fragrantiffimus: ut largiffima undiquaque additamenta in venalis optimo quoque facilè conceperimus. Offerebatur hic aliquando à vagabundo Myropola, ſpiritu ſalis ammoniaci deſuper conſperſus, ſicque nares ſatis nec ingrato odore feriens, donec dolus (à tralatitia ſeceſſuum fortificatione procul dubio proſectus,) ſentiretur. Quod autem ulterius folliculorum noſtrorum conformationem attinet, nil inibi deprehendere potuimus factitii, nullam ligaturæ, (in ea depreſſione aliàs vix concipiendæ,) nullamque extrinſecus adaſtæ, (etiam genuinæ & vel è ſtillantis vomicæ affrictu corraſæ,) materiæ notam.

Nec ullibi porrò nativi cujuſdam (communicantis aut excretorii,) ductus, glanduloſæve (adhærentis vel implicitæ,) carnoſitatis, (teſticulorum vel peculiaris receptaculi indicinæ,) veſtigium, ceu ſupra diximus; nullam demum cum umbilicali prominentia conformitatem. In pelle, quæ in Magnifici Cameræ Duc. Sax. Directoris D. D. Ludolſi Rarithecio adſervatur, hæc (uti in domeſticis quoque noſtris interdum videmus,) ſatis prominet, rotundæ, ac nuciformam majorem æquans vel ſuperans, cum manifeſtis coalituræ umbilicalis, ſed circa aperturam quandam notis: de cætero Excellentiff. D. D. Bartholini delineationi in actis Hafnienſibus apprimè reſpondens; intus autem adhuc manifeſtiùs, antiqui meatus coalitum inter corrugationes quædam oſtendens, cum adhærente funiculi umbilicalis particula. Conſricta Moſchum evidenter olet; & per compreſſionem collecta (ceu in nodulo quodam,) ſubſtantia ſatis deprehenditur, ſupernâ (ſub pilis) parte durior & in fruſtula fortè diffracſa, infernâ verò (verſus abdomen,) adaſto cultello & extractâ particulâ, mollior adhuc, & (poſt plurium annorum tamen aſſervationem,) inſtar ſpiſſi ceruminis, ſed in quo ſimplicem Moſchi odorem non advertas; verùm cum graveolentia quadam ad hircum declinante, vel (ut aliter quoque exprimamus,) botryn, aut recentes cervorum in Canthis ſordes referente, adeoque in gratia medium. An ſemper ita ſe habeat, an verò immaturitas ſexusve (de quo non conſtat,) vel aliud in cauſa ſit, ignoramus. Procul dubio autem dicta hæc, ut & regionum inſuper diverſitas, ſpontaneaue depilatio, in pilorum quoque colore diverſitatem faciunt: hi enim quaſi lutræ ſunt, ſed triplo longiores. Intereà nodus ille, quemadmodum & alii inſtar marſupii conſtricti (ceu nauta nobis talem, moſcho non penitus rejiculo repletum aliquando venundedit,) tota facie à compreſſis noſtris folliculis differunt: & ut capreoli iſtius omnia ferè moſchum oleant,

oleant, aut sanguis tantum, serumve, ipsæque pelles, (licet nostræ hîc exemplo, magis forinsecum esse putàrim:) ut porrò varii sint colligendi modi; pro geminata tamen selectioris hujus (sub folliculorum forma) coaguli explicatione, si quid determinandum foret, in eorum similiter descenderem sententiam, qui fustibus dedolari bestiam ajunt, & collectum sub cute cruorem, tandem ejusmodi odorem induere; excindendum postmodo (forsan etiam sine prævia ligatura,) cum indurato vel circumcirca separato corio. Exemplum talium collectionum oves, vituli bovesque sæpenumero post jugulationem detractâ cute, in superficie exhibent; à lanionibus ante se agentibus severius fustigati: induti verò vel explicati odoris, Zybethæ melioratio, ipsaque Martis ita dicti excrementa: ut graveolentia, in carnibus quoque adversiora sæpè præteream, causâ hujusmodi mutationum nondum satis planâ.

OBSERVATIO CCVI.

D. Danielis Ludovici

De

Tinctura Bezoardica parabiliore,

Et

Sudorifero maximo D. P. I. Fabri compendiosiore.

Efficax utrumque est remedium; & alterum præ Bezoartico Joviali, anti-
 hectico Poterii dicto, ac similibus in hoc genere simul magis summum seu
 Joviale. Sed cum Bezoartica tinctura hic locorum ita innotuerit, ut vulgus
 etiam indifferenter eam loquatur ac internoscat: odor porrò genuini spiritus
 tartari, etiam (cum conservatione tamen virium,) rectificati passim ita vix queat
 supprimi, ne delicatioribus inibi negotium quandoque faceffat; ut proin & hî
 acceptiorem, ego verò in quotidiana Praxi peculiariorem, nec cujusvis judicio
 patentem haberem formulam, hætenus per annos aliquot sequenti in omni-
 bus malignis præstantissimâ, viribus cum tartarifatâ iisdem, sæpè vegetiori-
 bus, odore ob prævalentem theriacalem spiritum, longè minus gravi, pa-
 rabiliori prætereà, si difficultatem veri spiritus tartari cogitamus, usus sum;
 quam cum alicubi (licet nil novi secretique contineat,) desideraretur, publi-
 co consimiles forsan in usus communicare volui. Recipit autem spir. the-
 riacalis, per infusionem tantum, cum octuplo spir. vini rectificatioris, è
 theriaca, (cum dicti spiritus dimidio mellaginem primò, hinc post decan-
 tationem residuum per alterum dimidium extrahendo,) vel etiam è spe-
 ciebus theriacalibus, (ab aliis hoc fine designatis,) parati uncias decem: spi-
 ritus

ritus salis ammoniaci urinosi, super salis tartari, vel potius tartari ac nitri invicem detonatorum alcali dilutum destillati, (ut è libra una salis ammoniaci, spiritus etiam libra una habeatur,) uncias octo vel novem; & spiritus vitrioli subtilioris sive roridi uncias duas, vel pro præcedentis proportionem, saltem una, ut mixturæ conjunctim ℥xx. exeant: essentia papav. erat facilè tingenda. Circa sudoriferum verò maximum, cum sub primum publicatorum famigeratissimi laboriosissimi que istius Chimiatri operum tentamen observârim, omitti quædam circa apparatus nonnullibi, rectificationes repetitas, &c. posse, citra ullam remedii profectò elegantis deteriorationem: Laborum proin compendium istud, saltem incipientium causâ hic designare placuit, præsertim cum liber ipse non in omnium sit manibus: ab aliis autem aut commendetur tantùm, aut concisius solummodò describatur processus. Recipit autem amalgamatis è Mercurii vivi (vel à simili labore residui, Joveque ex parte jam saturati,) & stanni purissimi, (quod Anglici nomine venit,) ana confecti, v. g. libram unam: probè contrito exactè permiscantur Mercurii sublim. seorsim pulverati etiam libram unam; indatur mixtura retortæ vitreæ mediocri, (cujus colum si cochleari uno alterove aquæ s. detergere tentes, incalascet massa, ac sponte guttæ quædam prodibunt, brevi tamen post cessante fervore:) appposito mediocri quovis vitro, libram semis aquæ s. continente, rostroque vesica tantùm juncto, destillatur igne arenæ mediocri, horæ spatio, liquor acidissimus, cessando statim, cum materia quædam alba butyrofa apparere inceperit. Aliàs enim cum ea & subsequa grysea materia, Mercurii vivi granula frustra adscendunt, & quod in retorta remanet, nimium fortè patitur, de super nigrescens, dum alius albet. Affundatur is liquor (qui ut plurim ℥xss. sin verò aqua recipienti non fuerit indita, tum saltem ℥iiss. pnderat,) dicto in retorta residuo seu amalgamati splendidissimo; calefiant in balneo vel arena probè omnia, & post repetitas agitationes, Jove sic saturatus liquor calidè per madefactam prius emporeticam (sed duplicem, aliàs rumpitur,) filtretur, ut vini instar clarus (remanente in retorta amalgamatis parte, in filtro verò cum materia, grysea particula Mercurio vivo sed Jove imprægnato, ad unam alteramve unciam) transeat; quod charta absorpsit, similiter uncia una vel una semis aquæ s. eluendo.

Transcolatus ita citra aliam rectificationem novæ retortæ vitreæ, mediocri saltim indatur cum nitri purificati tribus unciis, & vitro quodam ampliori vesicis juncto destilletur 5. vel 6. horarum spatio; primo mediocri igne quasi phlegma, hinc spiritus rubeus; fortificato denuò albicans liquor, ac demum (ut in ejusmodi nitratis fit,) obscurè rubens; continuando, donec planè nil exeat amplius: quo materia alba, tantùm terrea, non verò bullis salinis interpersa aut fistulosa.

fistulosa (solubilis adhuc in aqua s. & per oleum Tartari quidem , sed minuto candore remissiorique fere diaphoresi præcipitanda,) remaneat. Edulcoretur pulvis, copiosiori aqua unâ vice, quo totus subsideat, superinfusâ, eritque præter propter ℥iij. & ℥ij. vel iij. spiritus, (salis composito congener,) ℥xxv. vel xxvi. Et si de nitro nimium post finitam destillationem restare, per particulæ probationem videbitur, diffracta retorta massa prius crucibulo vel regulæ communi imponi, residuumque subiecto validiori igne dispelli poterit; quàm edulcetur.

OBSERVATIO CCVII.

D. Danielis Ludovici

De

Innoxia opiatorum continuatione.

QUam timidi nonnunquam, spectatiores quoque Practici, superioribus abhinc lustris circa opiatorum exhibitionem fuerint, paulò provectiores probè adhuc dum nôrunt. Donec procul dubio antiquorum (utinam inter methodica quædam enchiridia, haud adeò nunc neglectorum,) attentiori lectione, exterorumque exemplis confirmatiores quidam amplius quidpiam nec infeliciter, sed tamen incognitò quasi, sub aliarum inscriptionum tincturis, pulvisculis &c. audere inciperent. Observavimus hinc facillè, etiam horum dosin, per assuetudinem, (ceu in tabaci fumigationibus, spiritus vini abusibus, &c. vulgatiõibus quoque,) sensim ascendendo nostratibus similiter intendi posse admodum: sartorique cuidam Italo quondam totum tunc quadriennũ in somnes noctes tantũ clausis oculis transigenti, post frustranea, etiam empirica omnia, ipsum laudanum hinc successivè ad drachmam semis, largiutque tandem, (sine noxa, sed quoque sine levamine,) dedisse meminimus; donec miser, semel solùm post spir. sal. ammoniaci, (melancholiæ turbulentiori aliàs hîc non incongrui,) dosin aliquantum nec amplius conquiescere visus, (puellæ beneficio totum adscribens,) eodem statu post biennium demum consumptissimus obierit. Non potuere verò non paulò attentiores eadem procedendi methodo similiter deprehendere, quod etiam opiata illa per diu securissimèque, præsertim sub moderatiori dosi continuari queant, multò plurimorum desperatorum vitam hinc nihilominus per complures adhuc annos sustentantium, aut lentè tandem semet recolligentium commodo. Nec enim de una saltem alterave septimana loquimur, licet nihil iis ferè tum sit præsentius in destillationibus,

nibus, acrioribus præcipuè, tussi, raucedine, inquietudine hypochondriacorum, rupti apostematis, præsertim pectoris decursu, fluoribus etiam malignis (ceum in dysenteria nuper nostra anodynum cum bezoarticis variè copulatum, primum, secundum ac tertium erat;) torminibus porrò intestinalibus & hystericis &c. duos per vices cives hic aliquando restituiimus, diarrhœam tantum, modo cruenti, modo chylosi quidpiam, (referatis tamen potius vasorum orificiis, quam ipsis intestinis exulceratis) secum vehente, per diu enervatos, variisque sed incassum hinc inde tentatos; noctu solum anodynum simplex vel convenientibus continuando; manè verò alternatim præcipitantia (sic dicta,) sola, vel cum antimonio martiali (in dissert. pharmaceut. descripto,) sociata, aut arcanum viridi interponendo. Phthysicos desperatos ista accisorum opiatorum continuatione, sub debitâ tamen diætâ, expectorantiumque vel attemperantium alternatione, per annum non unum, sed complures satis hinc commodè servatos, allegare supervacaneum est. In aliis etiam complicationibus quibusdam aut conclamatis affectibus, si non integra restitutio, solamen tamen inde, cum nullum aliud superesset, per frequenter extitit, sæpè per 3 4. 6. ve annos evidentissimum, securissimum. Ceum nobilissima quædam Matrona, cui, ob neglectam exulcerationem intestinum rectum in uteri cervicem, & vice versâ patebat, per diu sic sustentata est: & olim alius, cui calculus superveniente (inter continuum tenesimum) inflammatione, dictum intestinum similiter perforarat. Inhibita ita per plures annos imminens tenerioribus hæmoptysis; continuantia uterini crucoris stillicidia, (licet suâ de causa, æquè ac hæmorrhoidum fluores, rarò solis opiatis cedant, dum tamen subitæ excessivæque post suppressiones, aut in puerperiis hæmorrhagiæ cedunt,) tandem frustraneis omnibus incurabilia habita, modificata ea ratione sæpius, & veræ intestinorum exulcerationes, (quæ, quid dysenteria proprie dicta in se sit, & quod non causa ejus, sed demum productum saltem, ut plurimum immedicabile sint, ostendunt:) inter traumaticorum accessum sic tandem percuratæ sunt &c. quæ non in abusus, sed incipientium timidiusculorum causa afferimus. In ipsa prophylaxi quid aliud egerunt superiorum seculorum Imperatores, suo theriacæ continuato usu, (dum v. g. opii granum in quatuor ejus scrupulis expendimus,) quam si hodie tincturæ anodyna partem nec exiguam, cum Bezoartico quodam quasi quotidie sumerent. Notoriam Indorum assuetudinem allegare nolumus, ea ipsa tamen constat, (quod alibi quoque monuimus) haud adeo semper opus esse singulariori opiatorum selectu, modo cum debita circumspeditione dentur. Nec tamen proin, vel ob Gregariorum tolerantiam, glandes esse velim repertis frugibus, observavi que tenerioribus ferè fieri blandiora, si croco sociata, vel mi-
tiori-

tioribus acidulata fuerit. Odoris gravitas istis tum adversior, sive per abstractionem, moderatam tostionem aut fermentationem cedat ferè perinde esse crediderim: siquidem elegantissimi (quem Holsatiæ Decus, Excellentiss. D. D. Langelot, eruditus nunc communem esse voluit, modi benignitas consistere videtur non solum in istius, equidem ob fermentale Gas, (benigniorum quoque potiorum fermentantium more,) caput penetrantius ferientis separatione: sed insuper etiam, præter opii participationem planè parciolem, si simplicis extracti proventum & reliquias, cum hisce, detracto quoque adhærente cydoniorum, aliorumve æquivalentium hic fermentantium succorum parte conferas, facilè deprehendendam;) in peculiari quadam solubiliorum particularum modificatione, vel qualicunque infractione, aut si quid significantius fuerit, quo alterationem in remanentiis fermentatorum liquorum vegetabilium perceptibilem, & in theriaca manifestam prius, post mediocrem verò, vel (etiam citra omnem expirationem transigendam) intumescentiam fermentalem, adeò sopitam vim soporiferam exprimere poterimus. Pertinet autem ad ejusmodi liquores, etiam Zvvelferi (per præcipitationem cum sale tartari) processus; separata sic opii parte, (ne nimis edulcorationibus iterum solvatur,) sub proportionali dosi similiter moderatior. Reliqui opiata in invertentes, cinnabarinos, aliosve específicos pulveres dilatandi vel occultandi modi, (dum pilularis forma vulgo nimis pene nunc innotuit,) aliunde quidem constant, cuncta verò absolutissime persecutus est in Opiologia sua Excellentiss. D. *Wedelius*. De cætero per ejusmodi continuationes nemini unquam mentem turbari vidimus. Serenissimam personam novimus, quæ quoties mage arduum quoddam negotium (animo aliàs laboriosissimo) superare vellet, opiatum noctu nec sine effectu sumebat. Nec demum alvus continuò vel indifferenter hinc excidit officio; rarissime donec adsuescat, pilulis aloëticis eccoproticisve sollicitanda. Id consideratione dignum est, quod tenerioribus quibusdam (ætate provectioribus atque cholericis,) post aliquot dierum usum, feces reddiderit albentes, quales ictericis esse solent, aut senibus interdum post purgans sumptum: brevi verò cessante alteratione, exhibita tantum tinctura Martis aperitiva tartarifata, vel consimili. Sed prolixiora hæc, si licet, jocosa quasi observatione finiamus.



OBSERVATIO CCVIII.
D. Danielis Ludovici
De
Singulari Gravidæ imaginatione,
Et
Rostro leporino Singulari.

HOnesta fœmina, sub gestationis ferè finem, negotii expediundi causa, vicinam ostio minus observato invisens, tandem illam per camerae rimam meridiari cum amico videt, non sine risu & joculari apprehensione: Post tres præter propter septimanas enititur puellam, cum vigilaret, variè semet (sed modo quem apud Martialem facilius quis legerit, quam ego describero,) moventem; ut cum annicula jam in sella sederet, etiam facies inde cum rubore nonnunquam intumesceret. Primo torminibus parentes adscripserant, sed cum postmodum minus verecundam viderent, ad me detulere annum tunc cum dimidio natam, uxori rem aperuit mater, nec per extantiora adhuc exempla absonum id ratus sum; curam verò pro talium morie, aut nullam aut perdifficilem futuram. Nihilominus experiundi gratiâ, per 14. dies vespere quidem quotidie granum unum cinnabaris nativi, mane guttas tres vel quatuor spiritus cephalici Hart. dedi, sicque incompta illa motitatio evanuit. Sexennem autem Quartillam hanc Petronianam dysenteria sustulisse dicitur. Incidit hic in memoriam singularis & (inter similes conceptu difficilior) puellæ, etiam in gestationis demum fine, deturpatione, ante biennium observata. Est in vicinia rusticus, (per inflictam à patre gravidæ matri alapam) rostro leporino admodum præ aliis deformis; siquidem palati, s. cœli extremitas aliqua, cum ipsius maxillæ parte (quasi excisa) versus nares sursum flexa iisque adnata est, cum mystace & dentibus aliquot. Hunc (injunctum tegmen negligentem,) intuita ex improviso, & exhorrescens gravida quædam, post tres septimanas puellam peperit, cætera perfectam, nisi quod simile penitus ostentaret rostrum. Cum autem frustum ipsum, quasi per columellam quandam extremitati narium annatum, ac post dies aliquot, duos incisorios, molliculos adhuc dentes utrinque protrudens, lactis suctionem penitus suppresso spiritu impediret, cochleari verò infusum vegetiori infanti non sufficeret, parentes quidvis tentare prius voluerunt, quam puella denegato alimento tandem fatisceret; aut deforme malum amplius incresceret. Moniti de difficultate, præsertim ob palati anticam illam

illam excavationem; non tamen destitit. Præcidit proin Chirurgus noster aulicus illam excrescentiam, & actuali cauterio (non tamen planè candenti) leviter admoto hæmorrhagiam statim compescuit, infante ne minimum quidem vagitum edente, sed quasi bene secum actum foret, strenuè postmodum sugente, & lac applicantibus se invicem labiorum extremitatibus (quorum unionem convenientiora tempori reservabat,) deglutiente, carne quoque glandulosâ in palato, ad hiatus occlusionem semet protendere incipiente. Verum post 14. diem, citra externam hinc causam, dum hætenus benè valuisset, noctu subitò, & epilepticè aliterve, spes nostra hæc occidit. Addamus huic, sed feliciori eventu, aliam ante annos aliquot binis in quavis maxilla incisoriis, ab ortu armatam. His sibi linguam totaliter transfixerat, ut modico saltem utrinque ad latera cohæreret. Parentes ad tonsorem detulere, quo (ob deficientem succionem ac nutritionem) aut dentes evelleret, aut linguæ illud frustum auferret. Intervenienti illos suo loco relinquerent suasi; (siquidem evulsos lacteam quandam materiam, & hinc lethales convulsiones insequi notum est:) vulnus autem solis oculis cancri inspersis, ac per vices extracto pyrolæ saccharato illito, intra paucos dies (ceu plurimis aliis, per casum, aliterve sic læsis) persanavimus. Provecioribus ætate inspersum vitriolum albificatum similiter confert.

OBSERVATIO CCIX.

D. Danielis Ludovici

De

Apostemate linguæ.

Venit ad me superioribus annis juvenis, post inebrationem de faucibus, hinc linguâ admodum conquestus, per sextiduum. Tumebat illa enormiter, ut amplius eam nec exerere, nec ferè intus movere posset, digito saltem inter inconditam vocem malum indicans. Eminentiam quandam erupturientis suppurationis conspicere, vel per ipsam denegatam oris aperturam non poteram; nec intensior apparebat rubedo, in linguæ qualitercunque apparentis substantiâ, ut de resolutione cogitarem: commodeque incidebat Rulando adeò commendatus spiritus ligni Heraclini. Dedi de Guajacino, quem leniter illineret, & cum in tempore, sive perfectâ suppuratione venissem, post aliquot horas ruptum est, apostema pure non pauco, ingenti cum fœtore prodeunte; Et brevi per essent. rosar. scabiosæ, ac saniculæ saccharatam, inspersosque similiter oculis canc. persanata sunt

omnia.

OBSER-

OBSERVATIO CCX.
D. Danielis Ludovici
De
Palpebrarum paralyfi.

Quantâ hæc difficultate curetur, consilia saltem apud D. D. Timæum Medicum celebratissimum ostendunt. Observationem nostram in casu rariori hîc adjunximus, si fortè simili circumstantiâ conferre posset quidpiam. Mater puellæ decennis caput achoribus crustulisque scatens, unguento, nescio quo, desiccat. At sequente nocte, ceu alibi dispnoëa, epiphora, epilepsia, ita hic peculiare istud malum supervenit, ut Japonensem, aut à media Tartaria quendam in solio suo quasi verecundantem videre crederem. Purgantia universalia & capitis particularia, interna resolventia, vesicatoria retro aures, externi cum aquis ac oleis nervinis litus, &c. frustranea erant omnia. Tandem incidit vis olei Tart. nigri, sæpius in resolutionibus æquè ac contusionibus nervosarum partium comperto: & adplicatum est palpebris inferioris frontis parti, ad emplastri quasi formam cum certa particula redactum; brevi evanescente malo, ut obtutu defixa in uno satis oculatam se testaretur.



ANALECTA

Ad

EPHEMERIDUM MEDICO-PHYSI- carum annos præcedentes perti- nentia.

Cum nonnulla sint, quæ in prioribus annis harum Ephemeridum, vel prætermissa sint, vel interea illustrationis causa accesserint, vel denique Typographi incuria ita expressa, ut alicubi textui, qua sensuum obscuritatem, aut mendosam Orthographiam, præsertim in linguis exoticis, impingant, ea hîc annecti oportuit in tuam B. L. nec non ipsorum Dominorum Communicatorum gratiam.

Ad

ANNI I.

OBSERVATIONEM XVII. pag. 71. Plura ibi exempla auri chymicè confecti, Excell. Dn. D. Sachsus à Lewenh. p. m. Fautor & Collega noster desideratissimus, collegerat, inter alia tamen illud, quod p. 71. §. 7. ex Dn. D. Monconys itinerario adductum, & Dn. de Schoenleben relatione confirmatum erat, non satis firmam fidem apud omnes invenit.

In primis quibus tempus, quo ipsi illi nummi aurei, Gustavi Adolphi, Regis Suecorum, effigiem & nomen præ se ferentes excusi sunt, quia cum Chronologia id concordare non posset, de veritate relationis dubitandi ansam subministravit; quandoquidem Regem illum gloriosæ memoriæ, Anno 1632. mense Novembri in prælio Lützensi lethali globulo confossum succubuisse nemo est, qui nesciat; nummi verò aurei non alii, quam qui demum Anno 1634. excusi sunt, inveniantur. Adde quod in relatione à Pharmacopæo Dn. de Monconys facta, nullum temporis exprimitur momentum, quando Rex Sueciæ Lubecam

M m

transie-

transierit, aut quando jufferit ducatos excudi, &c. Sed hæc fortasse mitius interpretari possent; nisi ab aliis præterea, & inprimis à Dn. D. Mcellenbroccio observatum esset, jam duodecim annis ante, quam nummi aurei excusi sunt, monetam argenteam à civitate Erfordinensi excusam inveniri, ubi eadem signa xi & A is expressa sunt. Ejus rei fidem, idem Fautor & Collega noster honoratissimus, quo magis indubitatum redderet, talismodi grossum argenteum gratissimo transmisit dono, cujus iconem in gratiam benevoli Lectoris æri incisam huc apponere, meritò visum est.



Idem Dn. D. Mcellenbroccius allegat testimonium ipsius Monetarii, nomine Weismantel, qui in colloquio coram de hac re habito fassus est, se signis hisce xi & sulphuris pro symbolico characterè uti solere.

Hæc amore veritatis adduci debuerunt, ne Lectori ficta pro veris obtrusa dicantur, immò verò candorem eidem nostrum probemus, ut certus sit, in aliis quoque parem sinceritatem Collectores Ephemeridum lectaturos, nec unquam dissimulatos, si alicubi ipsis infidæ relationes imposuerint.

(Adeoque signum A & xi inditum est grossis, hinc & thaleris & aliis generis quibusdam monetis Erfordiensibus, ceu nota probitatis. Fuere enim duo monetarii circa annum 1622. Ziegler & Weismantel, unde & in Thuringia præsertim, duorum generum visuntur grossi Erfordientes, citra A & xi characterem, ac cum eodem, quorum illi minoris sunt bonitatis, hi verò nach dem alten Schrot und Korn / unde & aliquoties isti devaluati fuerunt. G. VV. VVeden-
bus.)

Ad

ANNI III.

OBSERVATIONEM I. Ista D. Simonis Schultzii Observatio, de calculo sub lingua feliciter exciso, in mentem revocat similem quandam in parenthesis p. m. historiis medicis notatam, quam Patavio tunc temporis communicavit

Vir

Vir Experientissimus, D. D. Joannes Guilielmus Hochstadt, pòst Physicus hujus civitatis ordinarius, & tandem Senator hujus Reipubl. optumus. Anno 1640. 2. Septembr. st. nov. Vir Cl. & Excell. D. D. Joannes Georgius Wir-
fung, Monachio-Bavarus, Practicus Patavinus, hunc lapillum heic depictum,
(cujus basin versus interiora litera A. apicem exteriora versus litera B. figurâ
ut hîc oblongâ, substantiâ tartareâ, sub lingua cujusdam mulierculæ Patavinæ
infixum in dextra fræni parte acerbissimos cruciatus causantem extraxit, sicque
miseram à doloris acerbitate reddidit immunem.



D. Sebastianus Schefferus in literis ad D. Salom. Reiselium, Francofurti men-
se Martio Anni 1674.

(Conferri potest D. Petri Estanœ Obs. 5. apud Riverium pag. 348.)

OBSERV. XXII. pag. 39. Quæ Hemorrhoidibus in fœminis, amicus
noster, Dn. D. Wedelius Miscellaneis curiosis inseruit, memoriam refricant
gemellarum aliquot historiarum, quarum bigam saltem addere placet. Hæmor-
thoidibus cœcis tumentibus & summè dolorificis, quæ tandem etiam suppura-
tæ cognata quædam mea ante decennium affligebatur; & hoc anno nobilis fœ-
mina, gracilioris habitus, gibbosa, ad quinquagesimum vergens; decessit, quæ
ante mortem mihi narravit, se quovis plenilunio menstruo, novilunio autem hæ-
morrhoidali fluxu laborasse, sine notabili virium dejectione, cumque mater fue-
rit multorum liberorum, in gravidatione factâ, etiam cum menstruâ hæmor-
rhoides cessasse.

(L. Christianus Fridericus Garmanus in literis Anno 1674. Chemnitio ad Col-
lectores Ephemeridum Vratislaviæ.)

OBSERV. LII. & CCXI. pag. 86. & 432.

Quod de sale absinthii & minerali Suecico, Celeberrimus D. D. Major pro-
ponit, ejusmodi similia in aliis rationibus meis etiam colloco, qualia præcipuè
sunt salia ex Ægypto & Archiepiscopatu Salisburgensi. Salia aliâ elegantissimè
descripsit magnus Naturæ Scrutator D. D. Joannes Tackius, Sereniss. Hassæ-
Darmstadinorum Principum Archiater, & Academia Ludovicianæ Professor
Primarius, Fautor summus, amicus optimus, Phasid. sophic. tripl.

OBSERV. CXXXVII. pag. 246. Ad ollas fictiles in argillæ fodinis in Lu-
satia repertas, Dn. Arnholdus de Bobart, Scabinus civitatis Gedanensis specta-
tissimus, vir eximie curiositatis, curante Nobilissimo Dn. Breynio, fautore plu-

rima observantiâ colendissimo, eximium auctarium ex Dlugossio & Cromero conferre dignatus est, pro quo benevolentia testimonio utrique hîc plurimæ rependendæ sunt gratiæ. Verba citatorum autorum sunt, quæ sequuntur:

Dlugossius Tom. Rer. Polonicarum, p.m. 43.

In campis villæ Nochovv propè oppidum Szrem, in Posnaniensi Diæcesi, item in villa Kozielsko in districtu Paluki, propè oppidum Lekno, universi generis sponte, & solâ arte Naturæ, absque omni humano adminiculo variarum formarum, & iis similes, quas humanus convictus habet in usu, sub terrâ nascuntur ollæ, teneræ quidam & molles, dum consistunt in nativo nido sub glebâ, sed dum fuerint extractæ, & vento aut sole duratæ, satis firmæ, diversis formis & quantitibus compositæ, non secus, quam artificio figuli effigiatae, quarum, quod admirabilius reor, generatio augmentatioque naturalis nunquam nota est, glebâ etiam non dehiscente decrevisse.

Cromerus de situ & gente Polona lib. I.

Est in majore Poloniâ prope Sremum oppidum, collis, ubi (res incredibilis, sed à multis confirmata) ollæ, amphoræ, cacabi, & aliarum figurarum vasa fictilia sponte nascuntur, & sub terrâ effodiuntur mollia, in aërem autem prolata durescunt. Vidi unum atque alterum, quod inde erutum esse dicebatur, rude nec satis benè conformatum.

OBSERV. CLXXVII. & CXC. pag. 332. & 354. Ad Cl. D. Henrici Scretæ à Zavozez, observationem de gallo gallinaceo ova ponente, & D. Simonis Schultzii de ovo gallinaceo serpentifero reperio, quod proavus meus maternus Bechtoldus Weichman heic Francofurti simile quid annotaverit. An. 1571. 25. Aprilis, Gallus ætate provecior, in ar eâ domus mea, quæ vocatur Greiffenstein, ovum post doliolum ibidem positum exclusit, cujus testa sanguine plena loco albuminis, vitellus ad instar spermatis busonum apparebat. Et plurimum Reverendus & Amplissimus Dn. Philippus Jacobus Spenerus, S. S. Theol. Doct. & Ministerii nostri Senior, mihi communicavit sequens de ovo exemplum, quod Argentori ante Annos 19. & quod excurrit (fortè 2. Aug. Ann. 1654.) in ædibus Dni VVesneri XXI. Viri, gallina posuit. Gallina horâ matutinâ eodemque tempore defectu solis existente, super tecto aræ pertransiens, forte viderat Eclipsin, mox autem ovum pariebat, in cuius testa representabatur Eclipsis ipsa, quasi sigillo inciso, & quemadmodum alias Eclipses solitis depinguntur coloribus, dum imago Lunæ cum ar eâ, superiore ex parte, ex inferiore autem Eclipsis posita videbatur. Ovi albumen cum vitello & forma erat more solito, ex incuriâ autem quum fractum esset, nullo modo depingi nec post agglutinationem tale quid in eo affici amplius potuit. D. Sebastian. Schefferus, in literis suprâdictis ad, D. Salom. Reiselinm.

OBSERV.

OBSERV. CCXLV. pag. 436. Eſt planta quædam umbilifera, in aquoſis & paludoſis locis proveniens, quæ à Lobelio ſub nomine Sium alterum Olufatri facie, & à Jo. Bauhino ſub cicuta aquatica Gesneri, deſcribitur, cujus radix ab iis, & à plerisque Botanicis in hunc uſque diem neglecta. Radix illa, colore partim viridi, partim purpureo, nonnunquam pede longior, brachium craſſa, ſemper geniculata, inferius & ad nodos multis fibris adnatis prædita; intrinſecus cava, ſed circa ſingula genicula numerentur. Putrefactâ hujus radicis carne, & aquâ alluente reſolutâ, reſidui geniculorum nodi (qui in latitudine circum circa velut circuli clauduntur) & nervi (qui in longitudine ab uno geniculo ad aliud protenduntur) inſtar retis piſcatorii, & ſalignis viminibus contexti, ſe præſentant. Sicut à Dn. Cnceſſelio in Ephemeridibus, Anni II. Obſerv. 245. ſignificanter ſunt expreſſi. Rarò autem naſſa hæc tam perſpicua ac integra, ut Dn. Cnceſſelii reperitur, cum nerviante plerumque, quam caro putredine penitus conſumitur, ſumme lacerentur. Plura hic quidem de aliarum herbarum, radicum ac caulium fibris & nervis dicerem, ſed temporis anguſtiâ prohibeor. Quare hoc tantum addo, me eadem, quæ de Sii alteri Lobelii radicum nervis atque geniculis dixi, etiam de Phellandrii Dodonæi inferiore caulium parte intellecta velle, ex qua ſimilis naſſa arte confici poteſt.

Dn. Jac. Breynius, in literis Dni D. Georgi Segeri ad Collectores Ephem.

OBSERV. CCIII. pag. 379. Quod ad ſeri abſentiam in ſanguine vario-
lis & morbillis laborantium, à me notatam ſpectat, jam veram cauſam me eruiſſe ſuſpicor, experienciâ ſuggerente, hos morbos ſoli lymphæ ſuum debere ortum, quæ per ductos, nobis forſan non tam exactè cognitos, ad cutis glandulas de-
fertur, easque, aut ut in morbillis, exulceratas & in ſaniem reſolvit, unde foſſulæ; aut à glandulis his ad cuticulam derivatur, ut in variolis apparet. Qui pro ſan-
guine militantes efflorecentiarum at in principio rubedinem objiciunt, proſi-
ciunt parum, non enim ſanguini, ſed lymphæ à ſalium volatilium Sylveſtrium
admixtione tinctæ (quæ tinctura, quam facilis contingat, nemo chymicorum
neſcit,) imputanda veniat. Firmat noſtram mentem ipſa morbillorum aper-
tio, quâ factâ nihil ſanguinis, niſi vas capillare lædatur, effluit, ſed lymphaticus
humor, qui tractu temporis in cruſtam lymphæ, gluten exactè referentis,
faceſcit. Quam neceſſaria igitur ſint in hoc morbo Diaphoretica, in primis ſa-
le volatili ſtipata, quivis facilè ſubodorabit. Potum etiam largiorem cali-
dum, cæteris ritè ſe habentibus, tempore eruptionis profuiſſe, non ſemel exper-
tus ſum. Quocirca etiam ſi ad nervos & tendines decurrat ſaluſ ille latex,
arthritide tentantur vagâ, ut in puella duodecim annorum obſervavi; ſi vero ad
partes reſpirationi inſervientes, ſpasmus diaphragmati inducit & ſuffocatio-
nem minatur. Vetus etiam de ſanguine menſtruo, quo nutritus in utero in-

fans, variolas & morbillos causans commentum, stante hac hypothesi penitus civilefcit.

(*L. Christianus Fridericus Garmannus in literis Anno 1674. Chemnitio ad Collectores Ephemerid. Vratislaviam.*)

OBSERV. CCVI. & CCLXXXIII. pag. 381. & 498. Quæ de calculis vesicæ felleæ Exc. Dnn. Dd. Cnæffel. & Reygerus obs. tradiderunt, eadem exempla obvia sunt. Unum communicabo ex schedis paternis. Anno 1654. 3. Junii, Magdalena, Bernardi Giesfen mercatoris conjux, ex hernia umbilici mortua est, cujus vesica fellea quinque lapillos continebant, quorum maximus figuram hic fig. I. depictam repræsentans, ponderis ʒi. reliqui minores erant. Porro & quum idem pater ὀμικρεῖτης Offenbachuim ab Illust. Principissa Isenburgica Anno 1656. 9. Junii esset evocatus, ob subitam mortem alicujus administratricis famulæ, & linteonis uxoris, cum magno ejulatu continuo querentis de duabus mulieribus, ac si virgis ab iis sine intermissione caderetur, quum tamen nemo adstantium domesticorum aliquid videret; Is & ego tum temporis ex Ducatu Wirtembergico redux, cum duobus Chirurgis causam obitus exploraturi, sectionem instituebamus, & aperto cadavere, sana omnia inveniebamus viscera, nisi quod uterus bis esset involutus, binis embryonibus masculis digiti longioris magnitudine & elegantioris formæ imprægnatus, præterea in vesiculâ fellea calculum formæ ovalis, hic Fig. II. delineatum, reperi-mus, pondere tunc temporis ʒß. ferè, modò verò ʒij. ʒß. quem cum priorî adhuc inter rariora mea condo.



Fig. I.




Fig. II.

D. Sebastian. Schefferus in citatis literis ad D. Salom. Rieselium.

OBSERV. CCLVIII. pag. 460. Quoad vermem vomitu ejectum supra laudati Schultzii Obs. 258, simile quid aliquoties etiam observavi, cum primis

primis in morbis epidemicis, & ante aliquot annos in quadam egregiâ virgine 13. annorum, cum morbus catalepſeos ſpeciem oftenderet, illaque variis ſymptomatibus laboraret, tribusque idiomatibus peregrinis, cum primis Gallico, quod tunc temporis non adeò perfectè callebat, at absque hæſitatione loqueretur, adeò ut aliquid *πρεῖς* aſſe putaremus; poſt multorum alexipharmacorum uſum, verme mirandæ formæ ore excluſo, ſymptomata deſierunt. Et nunc anui cuidam 74. annorum febre putridâ maligna laboranti contigit, ut ab horrore medicamentorum tres lumbricos ſatis longos ore excreverit. De vermibus in renibus Schulzii & Sennerti Obſ. 261. notabilis eſt eadem Obſervatio in cane quodam cum magno ululatu Helmſtadii in Academia Julia ann. 1651. nos defatigante, & à nobis ſectò, quam Excell. Dn. Valentinus Henricus Voglerus, Phil. & Med. Doctòr, hujusque Profeſſor Celeberrimus, amicus meus integerrimus, eleganter deſcripſit.

Dn. Sebaſt. Schefferus in modo citatis literis ad Dn. Salomon. Reifelium.

OBSERV. CCXCI. de Amomo Arabum pag. 512. l. 6. pro *Ahamama*, legendum *Hhamama*.

OBSERV. CCXCII. De Amydalo holoserico pag. 512. l. 19. pro verbis, *quas luſtravimus oculis*, legendum, *quæ luſtretur oculis*.

OBSERV. CCXCV. de radice Tauzargantha p. 515. l. 28. pro *circulis dilutionibus*, legatur, *circulis dilutionibus*.

OBSERV. CCXCVI. de Tacamahaca liquida p. 516. l. 17. poſt verbum *inſervit*: quæ ſequuntur, in talem ordinem ſunt reſtituenda: Tres adhuc aſſervamus Tacamahacæ ſpecies.

Prima (quam à Domino parente p. m. habemus, nomine Batavo Tacamahacca in Schulpen, propter cucurbitularum putamina, ad res varias, in Indiis adhibita, quibus collecta eſt) flava eſt, ſubſtantia compacta, unguibus parvis albicantibus permixta, jucundi ſuavisque odoris aromatici & amari ſaporis, munda, pura atque inadulterata, ad uſum omninò expetenda. Dentibus concifa in pulverem reſolvitur, mox iterum ſe colligentem. Atque hæc dicta velim de non adulteratâ & incorruptâ. Nuper enim quandam vetuſtate obſoletam & fortasſe ab Americaniſtemeratam accepi. Hæc minimi eſt odoris, neque dentibus concifa ullo modo ſe colligit.


OBSERV. CCC. p. 520. Ambraë Auguſtanæ, ob molem ſuam præraræ mentionem feceram; in qua relatione me quasdam prætermiſiſſe circumſtantias, ad declarationem & majorem fidem pertinentes viſus ſum, innocenti ſane ex ignorantia, nequaquam alicui quippiam detrahendi, multoque minus Lectòribus imponendi ſtudio. Eò lubentius tamen, quæ tunc temporis me late-

bant,

bant, in præſenti in apricum proferam, quantò benevolentius hac de re Fautor & amicus honoris candorisque ſtudiis perpetim proſequendus, admonitum me eſſe voluit. Quod res eſt. Fruſtum illud Ambræ à Domino Philippo Thelotto b. m. Venetiis emptum fuit, qui tamen Thelottus Johannem Mattſpergerum, Johannis Andreæ & Marci Patrem conſortio negotiorum ſibi junxerat. Hac ſocietate Anno 1623. diremtà, Ambra quoque tunc ex æquo diviſa eſt, cujus diviſæ & Mattſpergero cedentis partis pictura, hodie- num videre licet. Quod denique ad pondus attinet, uncia intelligenda venit Veneta (al. peſo Sottil di Venetia,) qualis ponderi medico collata, drachmas tantum ſex, ſcrupulos duos & duodecim grana habet, unde totam illam Ambram libras medicas *quadraginta unam*, uncias *novem*, drachmas *quinque*, ſcrupulum *unum*, grana *quatuordecim* perpendiſſe, collectui facile eſt.

D. Henricus Vollgnad.






CATALOGUS

Doctrinâ & genere præcellentissi-
morum Virorum,

*Qui Annum IV. & V. Ephemeridum Germanicarum Obser-
vationibus suis Physico-Medicis gratiose commu-
nicatis, condecorare dignati sunt.*

1. D. Johannes Fridericus Allmacher, Medicus Francofurtensis.
2. D. Nicolaus Guilielmus Beckers, S. Cæs. Maj. Personæ & Aulæ Med.
3. D. Salomon Braunius, Physicus Biberacensis.
4. Dn. Jacobus Breynius, rerum naturalium & imprimis Botanicæ, inquilinæ
atque exoticæ, scrutator, ingenio & felicitate præcelebris.
5. D. Timotheus Clarke, Medicus Londinensis, Societ. Regiæ Socius.
6. Dn. Andreas Cnœffelius, S. R. Maj. Poloniæ Secretarius & Medicus Au-
licus, Illustriss. & Reverendiss. Principis &c. Episcopi Varmiens. Ar-
chiater, Consul Mariæburgensis.
7. D. Justus Cortnummius, Profess. Soraviensis.
8. D. Johannes Michaël Fehr, Consul & Physicus Swinfurtensis, S. R. I. A-
cademiæ Nat. Curios. Præses, d. Argonauta.
9. D. Georgius Francus, Prof. Heidelbergensis & S. R. I. Acad. Nat. Cur.
Collega.
10. D. Melchior Friebius, Præfecturæ Electoral. Saxon. Haynoviens. & Mo-
ritzburgens. Physicus, S. R. I. Acad. Nat. Cur. Collega.
11. L. Sigismundus Grassius, Physicus Swidnicens.
12. D. Johannes Ludovicus Hannemannus, Phys. P. P. Kiloniensis, S. R. I.
Acad. Nat. Cur. Collega.
13. D. Johannes Ferdinandus Hertodius à Todenfeld, inclytor. Statuum Mo-
rav. Marchionatus Medicus Provincial. Olmutii, S. R. I. Acad. Nat.
Curios. d. Orpheus.

14. D. Hiarne, Illustriss. Comit. de Tott, in Legatione Colonienſi Medicus ordinarius.
15. D. Johannes Jæniffius Noſocomii Uratiſlavienſis Medicus ordinarius, S. R. I. Acad. Nat. Cur. Coll. d. Arcturus, Ephem. p. t. Coll.
16. D. Georgius Sebaſtianus Jungius, S. Cæſ. Majeſt. Aulae Medicus, Colleg. Viennenſ. Aſſeſſor, & S. R. I. Acad. Nat. Curioſ. Adjunctus, d. Podalirius.
17. D. Fridericus Lachmund, Practicus Hildeſheimenſis.
18. D. Daniel Ludovici Archiater Ducalis Sax. Gothanus.
19. D. Valentinus Andreas Mœllenbroccius Phyſic. Hallæ - Sax. S. R. I. Acad. Nat. Cur. Collega, d. Pegaſus.
20. D. Johannes Matthias Neſterus, Archiater Beruthinus.
21. D. Fridericus Ortlobius, Phyſicus Uratiſlavienſis.
22. D. Matthias Paiſenius, Medicus Hamburgeniſis.
23. D. Antonius de Pozzis, S. Cæſ. Maj. Medicus.
24. D. Carolus Raygerus, Phyſicus Poloniienſis.
25. D. Salomon Reifeſius, Phyſicus Wormatienſ. S. R. I. Acad. Curioſ. Colleg.
26. D. Johannes Schmidius, Phyſicus Gedaneniſis.
27. D. Lucas Sehrœckius, Lucæ F. Phyſicus Auguſtanus.
28. D. Simon Schultzius, Phyſicus Thoruniienſis, S. Reg. Majeſt. Polon. Medicus.
29. D. Johannes Scultetus, Reipubl. Noribergeniſis Phyſicus, & Officinar. Pharmaceuticæ Viſitator. p. t. Senior, S. R. I. Acad. Nat. Curioſ. Colleg.
30. D. Georgius Segerus, S. Reg. Pol. Medic. Phyſic. Gedaneniſis & Gymnaſii ibid. Prof. P.
31. Henricus Vollgnad, Practicus Uratiſlavienſis, S. R. I. Acad. Nat. Cur. Adjunctus, p. t. Ephemeridum Collector, d. Sirius.
32. D. Georgius Wolfgangus Wedeliuſ, Prof. Jenenſ. Medicus Ducalis Saxon, S. R. I. Acad. Nat. Cur. Coll.



CATALOGUS OBSERVATIONUM ANNI QUARTI ET QUINTI

Ephemeridum Germanicarum Me-
dico - Physicarum.

D. Caroli Reygeri

Observ. 1. De defectu arteriarum spermaticarum.

2. De lapide serpentis pileati.

3. De paracentesi ascitici, & de foemina anasarca laborante aperta.

4. De parotidibus.

5. De aurium vermibus.

6. De repentina morte cum totius corporis inflatione.

7. De pleuritide post morbillos sine venæ sectione curata.

8. De pleuritico curato, cui ex assumpto incautè vomitorio varia sympto-
mata.

9. De paralyfi universali post variolas.

10. De cardialgia miris stipata symptomatibus, tandem lethali.

11. De asthmatica aperta.

12. De abscessu abdominis ingenti, & raræ magnitudinis feliciter curato.

D. Salomonis Braunii

13. De monorchite foecundo.

14. De iride lunari.

15. De cerevisia è mamma excreta.

16. De uvulæ ulu.

D. Valentini Andreae Mællenbrocc.

17. De morte ex potu spiritus vini.

18. De repentina morte à venenolacente.

19. De inopina morte.
20. De gonorrhœæ causa & curatione.

D. Johannis Schmid

21. De terrore gravidæ fœtui exitioso.
22. De excrescentia carnea in fœtu ex terrore matris contracta.
23. De præmatura mensium eruptione.
24. De officulis à phthisico tussi rejectis.
25. De largo & perpetuo glandularum sub axillis madore.
26. De urina actu frigida.
27. De monstro fœminini sexus.

D. Johannis Michaelis Fehr

28. De pinguedine abdominis mirabili.

D. Antonii de Pozzis

29. Quod homo diu vivere possit cum magnis morbis.
30. De erratis naturæ in una parte, & supplemento ejusdem in alia.
31. De dolore ventriculi à causa inaudita.
32. De calculis occultis in renibus.
33. De futuræ cranii discessione ab ebrietate præservante.
34. De rara epilepsiæ causa.
35. De epilepsia ab incurvatione diplois internæ.
36. De aqua in cerebro inventa.
37. De delirio à vermibus,
38. De vermibus ventriculum erodentibus.
39. Vulnere profunda colli non esse lethalia.
40. De rara cordis palpitatione.
41. De hydrope admirando.

D. Simonis Schultzi

42. De amuleto epilepsiæ.
43. De epilepsia ex ipsius terrore.
44. De hæmorrhoidum monstruo & ordinario fluxu in viro.
45. De hæmorrhagia menstrua critica.
46. De marasmo.
47. De partium genitalium pruritu in puella.
48. De feбри singultuosa.

D. Andreae Cnæffellii

49. De icteritia curata.
50. De grillo in aure.
51. De remedio sympathetico antiscorbutico;
52. De gallo Indico hydropico.
53. De urina pilosa s. filosa.
54. De malo citrio prægnante triplicato.
55. De Rosa triplicata.
56. De dorsi ineffabili dolore ex obstructione menstrui.
57. De utero cartilagineo.
58. De febre petechiali comitata hydrope ictero flavo & tandem nigro;
curata.
59. De aquila alba in Polonia.
60. De gangrænæ in genis infantum curatione.
61. De infante monstroso, cutem porcelli affati similem & duram gerente.
62. De læso, in brachio, à duplici viperæ morfu, curato.
63. De pleuritide vagante.
64. De singulari suppressione urinæ.
65. De lapide uteri in puella quinquenni.

D. Nicolai Guilielmi Beckers

66. De uvulæ ablatione.
67. De funesta œsophagi obturatione.
68. De dolore ilei ac corporis membranosi per alvum excretionem.

D. Simonis Schultzei

69. De hæmorrhoidum fluxu à prima juventute ad decrepitam usque ætatem durante.
70. De febris octava die recurrente.
71. De intestinis in anate monstrosis.
72. De hernia intestinali columbina.
73. De sanguinis sputo tertia vice apparente, percurato.
74. De ischuria triduana curata.
75. De menstruis per aliena loca fluentibus,
76. De diarrhœa ab esu carniū.

D. Johann. Friderici Allmachers

77. De luxatione vertebrarum dorsi introrsum facta.

78. De tumore genu ex lapsu, pro luxatione malè curato.

79. De enterocele desperatâ, curatâ.

D. Johannis Paterson Hayn

80. De vermibus stomacho rejectis.

D. Melchioris Fribe

81. De epilepsiâ mirâ, melancholico-hypochondriacâ merè ecstática.

D. Johann. Ludovici Hannemanni

82. De aphthis.

83. De dura alvo in infantibus.

D. Georgii Wolffgang. Wedelii

84. De truttâ laxatili.

D. Georgii Sègeri

85. De araneo innoxiè deglutito.

86. De acu deglutita.

87. De scyrrho pancreatis & glandularum mesenterii lethali.

88. De epidermide totius corporis per partes depositâ.

D. Caroli Raygeri

89. Vermes cum nive cadentes.

90. Fungi, monstrosæ ac insolitæ formæ,

D. Andreæ Cnœffeli

91. De Mercurio fixo Helmontii.

92. De Drif Helmontii.

L. Sigismundi Grassii

93. De degeneratione rosarum.

94. De rosâ proliferâ & lilio albo bulbifero.

95. De ceraso pleniflora proliferâ.

96. De frigida vomitus & diarrhœæ medelâ.

97. De acidulis Suidnicensibus.

D. Joh. Ferdinandi Hertodii à Todtenfeld

98. De Aneurismate colli.

99. De ictero singulari.

D. Georgii Franci

100. De sudore uniustantum lateris.

101. De steatomate in pyloro.

102. De Herniæ transplantatione.

103. De mirâ abstemiâ.

104. De somnio morbi remedio.

D. Georgii Sebastiani Jungii

106. De succo cicutæ innoxie hausto.

107. De lapide corvino.

Dn. Andreae Cnæffellii

108. De Alcahest Helmontii & Paracelsi.

109. De Aroph Paracelsi.

110. De seminis Dauci usu in lithiasi.

111. De oleo ludi Helmontii & Paracelsi.

112. De spiritu Samech.

113. De balsamo Samech.

D. Simonis Schultzi

114. De abscessu renali cum incendio viscerum funesta symptomata & mortem inferente.

115. De vulnere pectoris & pulmonum ferè quinquennali, minimè tamen lethali.

116. De fonticulis naturalibus in brachio & pede.

117. De fonticulo abdominis naturali.

118. De colicâ vino Hungarico curatâ.

119. De curatione ventriculi post haustum aquæ fortis S. Regiæ.

120. De usu argenti vivi in vermibus.

121. De singularibus morientium maculis.

122. De gangræna intestini recti.

123. De trifolio antiarthritico.

124. De radicibus hyoscyami per errorem coctis, infelicitè comestis, truculentæque symptomata producentibus.

125. De lapillis per alvum excretis.

126. De urina post emissionem lapidescente.

127. De symptomate quotannis certo mense & die recurrente.

128. De usu formicarum insigni in paralyfi.

Dn. Jacobi Breynii

129. De quercu nivea &c.

130. De arbore canella Zeilanica, & de arbore camphorifera Japonica.

131. De cortice aromatico Indiæ orientalis canellæ facie.

132. De

- 132. De foliis arboris Guyanaicæ colorem purpureum fundentibus.
- 133. De mogori frutice.
- 134. De bulbo liliaceo vomitorio capitis bonæ spei.
- 135. De chrysocome sive stœchade ignescente.
- 136. De convolvulo heptaphyllo Indico villoso.
- 137. De planta scandente hederaceis foliis Zeilanica.
- 138. De Apocyno Indico minori, nummulariæ foliis.
- 139. De Buglosso Indico echioide, convolvuli cœrulei minoris folio.

D. Justi Cortnummii

- 140. De doloribus hypochondriacis mensstruis.
- 141. De paraplegia brachii à tumore.

D. Georgii Segeri

- 142. De hepate insolitæ magnitudinis, & variis aliis in infantis Anatome observatis.
- 143. De esu rerum absurdarum.
- 144. De robore corporis insolito.
- 145. De piscium auditu.
- 146. De asthmate & raucedine in dentiente.
- 147. De gangræna ex terrore materno embryoni impressa.

D. Johannis Sculteti

- 148. Casus Hydropis ascitæ.

D. Jacobi Breynii

- 149. De selagine tertia Thalii.
- 150. De fungo coriaceo quercino hæmatode.
- 151. De fungo barbaro quercino.
- 152. De fungo, cornu dorcadis facie.
- 153. De fungo Sinensi antidotali, lac Tigridis dicto.

D. Johann. Schmid

- 154. De oblivione lectionis ex Apoplexia salva scriptione.
- 155. De Dysuria cum penis retractione.
- 156. De vermibus cum urina excretis.
- 157. De alvi excrementis per genitalia rejectis.
- 158. De manibus sulphur olentibus.
- 159. De ischuria ex distensione emulgentium.
- 160. De purgatione ex imaginatione.
- 161. De cancri cura palliativa,

162. De deglutitione diversimodè laxa.

163. De monstro vitulino.

D. Timothei Clarcke.

164. De lienis resectione in cane vivo.

165. De lienis resectione in homine vivo.

D. Hiarne.

166. De Anatome viri pro hydropico habiti.

D. Lucæ Schræckii.

167. De Hippolithorum historia.

168. De calculis vesicæ & renum in bobus.

D. Henrici Vollgnad.

169. De nephritide lethali.

170. De draconibus carpathicis & Transylvanicis.

171. De fonte ardente.

172. De figuris in glacie.

D. Friderici Lachmund.

173. De ulcere intestini recti, Brasilianis familiari.

174. De vermibus admirandis pedum, lumborum, & scroti in Americâ.

175. De ossiculorum fragmentis per tussim excretis.

176. De particulâ clavi trabalis ab infante 24. hebdomadum deglutitâ.

177. De spinâ e musculo dextræ manus, &, de particulâ straminis ex oculi angulo extractis.

178. De menstrualium partium externarum, utpote aurium, narium, digitorum &c. mortificatione.

179. De Cygni linguâ ossâ.

180. De cornu in superiore parte pedis fœminæ enato.

181. De cranio anseris monstroso.

182. Vespertilionem habere caudam, sceleton ejus demonstrat.

183. Testudo ex suo scuto, ut vulgus putat, exire non potest.

184. De avibus præter naturam candidis &c.

185. De mure niveo.

186. De cantharidibus in magnâ copiâ propè Hildesheimium captis.

187. De ovo ab anserè à Februario usque in mensem Octobrem retento.

188. De Mulcarum grandium, quæ Perlæ, Germ. Jungfern / nominantur, insuetâ copiâ.

D. Johannis Fænisii.

189. De lapillis bis centum circiter ex abscessu in dextro latere excretis.

D. Johannis Matthiæ Nesteri.

190. De verme ex abscessu.

D. Matthiæ Reiseli.

191. De statua humanâ circulatoriâ.

D. Matthiæ Paisenii.

192. In sectione cadaveris puerperæ annotata.
 193. In sectione cadaveris hæmoptoici.
 194. In sectione icterici.
 195. In gravidæ hypochondriacæ hæmoptoicæ sectione.
 196. In infantis octimestris sectione.
 197. In capitis humani sectione.

D. Friderici Ortlobii.

198. De perpetua infantia.

D. Danielis Ludovici.

199. Dudaim Genes. XXX. & Cant. VII. esse tubera.
 200. De spiritus seu olei conorum abietis & de pingued. in aquam reduct.
 201. De cerevisiæ vinique concentratione, melioratione, Zytho betulino, spirituumque è frumentaceis proportionem.
 202. De periodicâ nonnunquam vigoris in cinnamomo variatione.
 203. De nitro murario.
 204. De speculo ex orichalco.
 205. De moschi folliculis.
 206. De tincturâ Bezoardicâ parabiliore & sudorifero maximo P. J. Fabri compendiosiori.
 207. De innoxia opiatorum continuatione.
 208. De singulari gravidæ imaginatione & rostro leporino singulari.
 209. De apostemate linguæ.
 210. De palpebrarum paralyfi.

INDEX

OBSERVATIONUM ET RERUM

ANNI IV^{ti} ET V^{ti}

MISCELLANEORUM CURIOSORUM

MEDICO-PHYSICORUM.

A:

A Bdominis cauterisatio, unde
mensuræ & materiæ purulen-
tæ extractæ. 116
Abietini nuclei inebriant. 257
coni quantum spiritus s. olei
fundat. ibid.
Abortum provocat Selago. 183
Abscessus Abdominis ingens curatus.
115
Renum, cum funestis symp-
tomatibus 116. 117
ex Abscessu vermis grandior. 229
Acidularum Svvidnicensium descrip-
tio & commendatio 93. seq.
Alcool Vini exiccati Paracelso quid?
114
Alkahest Helmontii & Paracelsi. 105. seq.
Lullii 108
Alimentorum per Ulcus Ventriculi
transitus. 34
Ambustionis remedium. 99
Amnes tingentes pilos 177
Amuletum Epilepsiæ 36
Anasarca mortuæ anatome 5
Anatome Ascitici 4. 29. 173. 174
Hydropicæ 35. 46

Anatome Viri pro Hydropico habitu

119
Asthmaticæ 14
Viri, cujus Viscera omnia
corrupta. 29
Foeminæ, ubi varii viscerum
defectus notati. 29
Epilepticorum duorum 32
Puellæ 33
Syncope extincti 35
Puellæ suppressione urinæ
extinctæ 51
alius simili fato defunctæ 52
Viri ob Oesophagi obtura-
tionem mortui 53
Puellæ scirrho Pancreatis
&c. extinctæ. 74
Ursæ 98
Abscessu renum defuncti 118.
119
Infantis, notabilis. 139
Monstri vitulini 243
Canis liene quondam privati
198
Nephritide mortui 213
Puerperæ 233
Hæmoptoici 253
Oo 2 Icteric

Index Observationum

<i>Anatome</i> Canis Ictერი	246	<i>Arteriarum</i> spermaticarū defectus	1
Gravidæ Hypochondriacæ		idem per se infœcunditatem	
hæmoptoicæ	248	non inducit	2
Hydrocephali	251	<i>Arthritis</i>	3
Capitis humani	252	Antiarthriticorum externorum	
<i>Aneurismatis</i> colli palliativa cura.	96.	abusus intutus	31
	97	<i>Aroph</i> Paracelsi	109
<i>Anni</i> Climacterici, & in primis magnus, cur hominibus infensi?	70	<i>Ascitici</i> Anatome	4. 173
<i>Anseres</i> num rento diutius ovo mori oporteat?	228	<i>Ascitæ</i> definitio.	149
<i>Aphronitrum</i> quid?	263	genuina sedes non protinus	
ad <i>Aphthas</i> præsens remedium	69	Epar.	150
<i>Apcynnum</i> Indicum minus	136	potius Pancreas	152
ex <i>Apoplexia</i> oblivio lectionis salva		Causæ	153 seq.
scriptione	157	Signa diagnostica	155
<i>Apostematis</i> Linguae Curatio	277	prognostica	156
<i>Aqua</i> in cerebro inventa	331	Indicationes curativæ	ibid.
Mercurialis externa in pruritu &c.	45	sine medicamentis curati historia	173
Ovorum Paracelsi	93. 94	<i>Ascites</i> cum Trichiasis	179
Mercurialis Ejusdem	107	<i>Asthma</i> flatulentum	14
Fortis, hausta	121	cum raucedine in dentitione	144
Flammam concipiens	212	<i>Auditum</i> num pisces præditi	143
Viti congelata, pampinos		<i>Avena</i> vid. Frumentum.	
uvasque exprimens	220	ex eâ potum Moschi conficiunt	261
pro affricando Amalgamate	178.	<i>Aves</i> præter Naturam candidæ	227
		ex <i>Aure</i> grilli extractio	41
<i>Aquila</i> alba	47	<i>Auri</i> radicalis & naturalis solutio, & Tinctura.	108
ab <i>Acubus</i> deglutitis incommoda, & eorum curatio	73		
<i>Araneus</i> innoxie deglutitus	72		
<i>Arbor</i> Zeilanica, Canella.	136		
Camphorifera Iaponica	131		
Guyanaica colorem purpureum è foliis fundens	133		
<i>Argenti</i> vivi usus in Vermibus & in partu difficili	122		

B.

B <i>Alneum</i> aquæ dulcis extenuatis confert	40
<i>Balsami</i> Samech præparatio & usus	115. 116
De <i>Barba</i> & pilis varia	175. seq.
<i>Bart. Manner</i> Cercopitheci.	154
<i>Betula</i>	

Et Rerum.

Betula succrescit, ubi *Abietes* resectæ
sunt 258

Bezoar equinum 209
Verinotæ ibid.

Bilis omnimodè deficiens 15-31

Bile folliculus plenus, sed albâ in Ictericò
247

in *Bilis* folliculum ductus *Hepaticus*
patet ibid.

Buglossum *Echioides* *Indicum* 153

C.

C *Alculus* vid. *Lapis*.
Renalis 3iiiß 29

alius prægrandis 31

alius quadrangularis 46

Calculi in uno *Rene* circiter centum
29

Occulti vid. *Nephritis* indolens.

Calculos plusquam centum *IctERICA*
per alvum excrevit. 97. 98

Calculi in *Vesica* fellea reperti 213. 283.
284

Calculus ovi *Columbini* magnitudi-
ne excretus, sequentibus
eum aliis 127

Calculi *Lienis* 46

Uteri. 52

Linguae 281

Calculi per *Aroph* *Paracelsi* curatio,
& in ea cautela. 16

per semen *Dauci* 119

per oleum *Iudi*, *Helmontii*
& *Paracelsi* 111

per *Spiritum Samech* *Parac.*
116. 117

per *Spirit. Sal. Tri* volatilena

vel falsi *Ammoniaci* uri-
nosum. ibid.

Calculi in homine ex aliis animalibus
generationis causa 208

Calculi *Equini*. vid. *Hippolithi*.
Renum & *vesicæ* in bobus
211

Calculo non solum hominem labora-
re, adstruitur contra *Aristo-*
telem 212

Calculi bis centum circiter ex aposte-
mate excreti 227

à *Calculo* intestini recti perforatio 237

Camphora unde generatur, ubi copio-
se provenit, & quomodo ac-
quiritur. 131

Camphora de *Borneo*. 132

Cancris cura palliativa 195

Canella *Zeilanica* descriptio. 130. 131

Et *Cassiae* off. differentia
ibid.

Folium à *Clusio* & aliis ma-
lè depictum 132

idem pro *Caryophylli* fo-
lio à *Matthiolo* habitum.
132

Canellæ arbor in *Europa* nequa-
quam in *Laurum* degenerat
ibid.

Canellæ faciem æmuli cortices.
133

Canibus viperæ morsus haud lethalis.
4

Canis linctus scorbuticis & *Podagri-*
cis salutaris morbo in animal
translato. 41

Cantharidum magna copia *Hildes-*
heimii visa. 228

Index Observationum

De Capillis varia.	175. seqq.	Paracelsi	112
Caput sine cerebro	26	Clavicula fragmenta tussi excreta.	223
Cardialgia lethalis.	13	Convolvulus heptaphyllus Indicus	136
Cenanan de Quahuna Hoac.	132	Colcothar Venerem fundit	80
Cerasus pleniflora prolifera.	90	Materia Drif.	86
Cerebrum deficiens.	26	Colica Vini potu curata.	116. 117
Cerebri fissuræ ad radicem oculorum		Colli vulnera licet profunda non sem-	
inventor D. Sylvius	253	per lethalia	34
Cerevisia è mammæ vulnere profluens		à Colocynthide Epidermis universi cor-	
	18	poris abscessit	75
Cerevisiæ concentratio	259	Coloris in eadem plantæ specie diversi-	
Cerevisia betulina	ibid.	tas, ejusque causa.	129. 130
Christophorus Bavarix D. prodigiosi		Colorem purpureum fundunt folia	
roboris exemplum.	142	arboris guyanaicæ	132
Chrysocome v. Stœchas.		Cor præmagnum, os ventriculi com-	
Cicuta venenum, qualia symptomata		primens.	30
producat.	99	aliud, unico ventriculo præ-	
Vis deleteria unde	114	ditum.	35
esui a fini in somnum morti si-		In Cordis ventriculo sinistro duo Po-	
millimum incidunt	115	lypi 31. vid. Polyp.	
succus innoxia haustus.	ib.	Cordis Palpitatio quadriennis conti-	
Cicuta & Napellus ubi comestibilia.		nua.	35
	ibid.	Corium quercinum	184
Cinamomi offic. descriptio, variusque		Pyri	ibid.
usus.	130. 131	faginum	185
periodica quandoque in vi-		Cornu in pede	226
gore variatio.	262	Cortex aromaticus Indicus	
Cinamomum ratione loci natalis alia-		Canellæ facie	133
rumque conditionum, variat		Corvinus Lapis	103
præstantia.	263	Costæ admodum fragiles in Ictero ex	
deperditas vires recupe-		Aneurismate demortuis	250
rat.	ibid.	Cranium anseris monstrosus.	226
Circulatio Paracelsi quid?	113	Crises suspectæ.	5
Citri malum prægnans, s. triplicatum		Cuprum vid. Venus.	
	44	solvitur Spiritu Lapidis	
Citrei pomi vis in sanando quodam		Calaminaris	109
ulcere.	221	Cygni Lingua ossca	226
Citrinus sive Citrinolus lapis			

D.

D Auci seminis usus in lithiasi. 110
 Deglutitio laesa qua liquidorum
 tantum admissionem. 13. 196
 qua solidorum admissionem ibid.
 Ex Deglutito nucleo pomi, phthisis &
 mors. 23
 Deglutita particula clavi trabalis in
 tertium diem in faucibus
 hærens. 223
 Delirium à vermibus. 33
 Dentitio cum Asthmate & raucedine.
 144
 Dentium connatorum exemplum. 176
 Dentes talismodi evellere periculo-
 sum. ibid.
 Diarrhoea Chylosa ab esu carniū
 59. 60
 Diarrhæa ac Vomitu medetur frigida
 91
 Dolor hypochondriacus menstruus.
 137
 Dorsi pruritus ex obstructione men-
 struorum. 45
 luxatio introrsum facta, curata
 61
 De Draconibus Hungariæ & Transyl-
 vaniæ relatio. 213. seq.
 Drif Helimontii 85. 86. seq.
 Dudaim esse tubera 246. seq.
 In Dysenteriis opiata commendata.
 273
 Dysuria cum retractione penis 188

E.

E Brietatis præservatio. 31
 Emulsio in Ictero experta 4

Emplastrum ad fracturas experientis
 simum. 61. 62

ad Hydropem expertum. 171
 Epidermis à toto corpore absce-
 dens. 75
 Epilepsia rara causa. 32
 Epilepsia ab internæ cranii laminæ in-
 curvatione. 32
 Epilepsia amuletum. 38
 specificum, Cinnabaris na-
 tiva. ibid.
 Epilepsia mira Hypochondriaca Ecsta-
 tica. 65
 Epileptici Anatome. 32
 Epilepticum intuens epilepsiâ corripi-
 tur. 37
 Eruca per nares excreta. 33
 pro Erysipelate epithema D. Sylvii 238
 Esus rerum absurdarum. 140
 Excrementorum alvinorum egestio
 per genitalia. 190

F.

F aciei præservatio à variolis 48
 Faciei rubor haustu cicutæ succo
 non emendatur. 102
 Febris singultuosa. 41
 petechialis vid. Petechiæ.
 octavâ die rediens. 55
 maligna cum vermibus. 285
 Fœtus è regione intestini recti perfora-
 tus ex terrore matris. 22. 23
 In Fœtu ex terrore matris excrescen-
 tia carnea enormis. ibid.
 Fœtus masculus latus sinistrum occu-
 pans. 250
 Fons ligna & carnes petrefaciens 127.
 128
 Fons

Index Observationum

<i>Fons Hammam concipiens.</i>	216	<i>In Hemoptosi opii usum continuare licet.</i>	274
<i>Fonticuli naturales in brachio & pede</i>	119	<i>Hæmorrhagia menstrua critica</i>	38
<i>in abdomine</i>	120	<i>Hæmorrhagia præsentissimum remedium.</i>	184
<i>Fractura vid. Emplastrum.</i>		<i>ad eandem opium commendatur.</i>	274
<i>Frigida vomitûs & Diarrhœæ medela</i>	91	<i>Hæmorrhoides in viro menstruæ.</i>	37
<i>Frumenta ratione farinæ & spiritus inde confectorum, discrepant.</i>	262	<i>in fœminâ</i>	281
<i>Fungi monstrosi</i>	78	<i>in viro à juventute in extremum senium fluentes</i>	56
<i>quercini descriptio & usus</i>	184	<i>Hæticorum urinæ incertæ:</i>	39
<i>Funcus cornu Dorcadis facie.</i>	185	<i>ab Helleboro Albo sumto gravissima symptomata eorumque curatio</i>	93.
<i>Sinensis antidotalis.</i>	ibid.		94
G.			
G <i>Allus Indicus Hydropicus.</i>	42	<i>Hepar insolitæ magnitudinis</i>	139
<i>Gangrænæ in genis infantum post variolas curatio.</i>	48	<i>an hydropis ascites sedes?</i>	150
<i>Gangrænæ intestini recti lethalis</i>	124	<i>absolutè non sanguificat.</i>	ibid.
<i>Fœtui ex terrore matris impressa</i>	144	<i>Hernia in columba observata.</i>	57
<i>Genu falsa luxatio.</i>	62. 68.	<i>Herniæ intestinalis desperatæ curatio.</i>	63
<i>Glandularum axillarium largus & perpetuus mador</i>	24	<i>Hippolithorum historia</i>	204
<i>Gletscher quid, ejusque usus.</i>	93. 94	<i>vires</i>	208
<i>Gonorrhœæ causa non solum semen, sed potius alii humores</i>	21	<i>Hordeum vid. frumentum.</i>	
<i>ejus curatio</i>	22	<i>Hydragogum singulare</i>	47
<i>Vocabuli GONORRÆ etymon & primi autores</i>	178	<i>Hydrocephali octimestris aqua intra ventriculos cerebri contenta</i>	251
<i>Gravida imaginatio singularem fœtui imprimens affectum</i>	275	<i>Hydrops admirandus</i>	35
<i>istius affectus cura.</i>	276	<i>in gallo Indico</i>	42
<i>Gutta rosaceæ Paracelsi remedium præsentissimum.</i>	45	<i>Vide Anatome.</i>	
H.			
H <i>æmoptoë tertium rediens curata</i>	58	<i>Hydrops ascites cum Hydromphalo.</i>	145. seq.
		<i>clamosus</i>	155
		<i>pane nautico curatus</i>	157
		<i>spurius</i>	199. & seq.
		<i>Hydropicis quibusnam prius abdomen, quam pedes intumescunt, & contra</i>	241
			<i>Hypo-</i>

Et Rerum.

Hypochondriaci dolores menstrui 137

I.

Icterici curatio. 41.47
singularis historia, aliaque
curatio 97.98

Ad Ictericum experimentum 135

Ictericæ Anatome 240

Icteri Nigri curatio. 47

Fecoris urfi albi ab esu universi corpo-
ris cuticula abscessit 75

Ignis Gehennæ Paracelsi quid 105.106
ejus descriptio & compositio 106

Ilei dolor curatus 57
ex hernia desperati curatio 63

Imperatoria radix vid. Ostrutium.

Inflatio corporis post mortem 7.8

Intestina tria tantum, actrium saltem
ulnarum in fœmina reperta. 29

Intestino cœco simile corpus per alvum
excretum. 54

Intestina anatis monstrosa 56

Intestini Recti gangræna lethalis. 124

Intestinarum in equo ordo & con-
nexio 207

ex Intestino recto exulcerato & per-
forato laborantes, opiatorum usu
diu conservati 273

Infantum morbi. 48

vid. gravid. imaginat. Aphthæ 69

Alvus langvida 70

Panacea 115

Infans monstrosus, cutem porcello
assato similem habens. 48

Infantia perpetuæ memorabile ex-
emplum 253

Iris Lunaris 17

Ischuria triduanæ curatio 59
ex distensione emulgentium 191

Islandia v. variolæ.

L.

Labia leporina vide Rostrium.

Lacus lignum ex parte in lapidem,
ex parte in ferrum convertens. 128.

129

Lapis corvinus 103 seq.

Lapis fragorem edens 94.95

saxifragus Paracelsi. 112

in vesicula fellis repertus 15

in utero 48

Lapidum picturæ ingenitæ 70

Leber, Gleece, symptomata obstructio-
nismensium. 45

Lendes abigit selago. 183

Lien librarum viß, novem membranis
obductus, & in hypogastrio situs 30

Lien calculosus. 46

Lien 15. librarum. 153

Lienis resectio è cane vivo 197

ex homine vivo 198

Lilium album bulbiferum 90

Liliaceus bulbus vomitorius pereгри-

nus 126

Lingua vid. Paralysis.

vid. Cygnus.

Lingua apostema ejusque

cura 277

Lingua

Index Observationum

<i>Lingvæ</i> dentibus transfixæ curatio in recens nota infantulo 276	<i>Mercurium</i> Longobardi Gotham vocabant. 178
alias vulneratæ cura ibid.	<i>Mesenterii</i> glandularum scirrhi letha- les 74
<i>Littæ</i> vires 141	<i>Mictus</i> verminosus 190
<i>Lochiorum</i> suppressionem prava sequi solent symptomata 8.9	<i>Mogori</i> frutex & flores 134
<i>Lombardorum</i> stratagemata in bello Italico 178	<i>Monstrum</i> fœminini sexus 29
Ipsi Autôres vocabuli Gott ibid.	Post <i>Morbillos</i> parotides funesti 5.6
<i>Ludus</i> Helmontii & Paracelsi quid? III	curati 6.7
<i>Luna</i> vide Iris.	Pleuritis 10.
<i>Lumbricus</i> latus 12 ulnarum à catello excretus 122	<i>Morbilli</i> folius lymphæ progenies 283
<i>Lumbricorum</i> præsentaneum reme- dium. 70.113	<i>Morbillis</i> convenit potus largior ibid.
<i>Luxatio</i> dorso introrsum facta curata 61	cum <i>Morbis</i> magnis hominem posse vivere 28
<i>Luxatio</i> genu falsa 62.63	<i>Mors</i> repentina cum totius corporis inflatione 7.8
<i>Lymphaticorum</i> vasorum origo 153	<i>Mortis</i> repentinæ exempla 20
<i>Lympha</i> hydropis causa efficiens 153	instantis præsagium maculæ 123
	<i>Moschi</i> folliculorum exacta descrip- tio 270
	<i>Moschi</i> sophisticatio ibid.
	generatio & collectio 271
	<i>Mus</i> niveus 228
	<i>Musca</i> vid. Perlæ.
	<i>Musci</i> arborei variæ species recensitæ 180
	<i>Musculus</i> Floridæ pro velo aut ta- peto inserviens 186.
	<i>Myrrha</i> vid. spir. vin. myrrhat.
	N.
	<i>Napellus</i> vid. cicuta
	<i>Nassam</i> piscatoriam naturalem quæ planta exhibeat. 282
	<i>Nephritis</i> indolens nec consuetum torporem inducens 29.31
	<i>Nephritidis</i> lethalis historia 213
	<i>Nitrum</i>

M <i>Acule</i> vulgò epaticæ ex obstru- ctione mensium. 45
Mortis imminētis indices 123
<i>Mania</i> à verme 33
<i>Marasmi</i> curatio 39
<i>Maschabe</i> harba ejusque vires 183
<i>Mensium</i> præmatura eruptio 23
per apostema & vomitum erup- tio 59.60
suppressio vid. dorsum
<i>Meninx</i> gangrænosa 32
<i>Menstruum</i> aurum solvens 108.109
<i>Mercurius</i> fixus Helmontii 83.84
ejus præparatio ibid. & seq. vid.
argentum vivum.

Et Rerum.

<i>Nitrum</i> murarium quid?	263	<i>Olei</i> nomine quid Paracelsus intelli-	
segniùs deflagrat, quam vulgare		gat?	81
	264	<i>Oleum</i> ex fructibus cinamomi seba-	
spiritum quantitate non virtute		ceum	131
parem spiritui è vulgari nitro,		<i>Oleum</i> conorum abietis	257
reddit	265	<i>Olea</i> vegetabilium quid?	ibid.
<i>Circa Nitrum</i> , ejus reductionem &		<i>Olei</i> saponis destillatio & proveniens	
spiritum quædam experimenta	266	ex hujus $\frac{1}{16}$ illius quantitas	259
		<i>Oleum</i> tartari nigrum in resolutione	
<i>An Nitrositas</i> salis aëreo debeatur	267	& contusione nervorum	278
<i>Nitrum</i> è salice Mahumedani præpa-		<i>Olla</i> nativæ fosfiles	282
rant	268	<i>Opiatorum</i> continuatio innoxia	223
<i>Nitrum</i> verè Niliacum an detur?	ib.	<i>Opiata</i> in Dysenteria etiam malignâ	
<i>Nutritio</i>		phthisi desperatâ &c. commendata	ibid.
omnes corporis partes sanguine		<i>Opii</i> Correctio quatenus observanda	
nutriri	154		274
O.		<i>Opium</i> in quibusdam feces reddere al-	
<i>ex Oculo</i> particula straminis extracta	224	bas, & quomodo id vitium emen-	
		dandum.	275
<i>Oculorum</i> canceri pulvis ad linguæ vul-		<i>Officula</i> tussi rejecta	26. & 136
nera	276	<i>Ostrusi</i> radix amuletum Epilepsiæ	36
<i>Odorem</i> suavem quædam hominum		<i>Ovum</i> à gallo gallinaceo positum	282
corpora spirant, quædam insignem		Eclipsi Lunari insignitum.	ibid.
fœtorem	190	P.	
<i>Odoris</i> sulphurei periodica è manibus		P ancreatis scirrhus lethalis.	74
cujusdam exhalatio	ibid.	<i>Paracentesis</i> errore ægri infelicitèr	
<i>Oesophagi</i> funesta obturatio à cartila-		cedens	4
gine ibi natâ	53	vel inutilis vel non necessaria	5
<i>Oleum</i> lini, Antipleuriticum	II. 12	<i>Ejus</i> vera ac perfecta administratio	158. seq.
<i>Oleum</i> raparum ad Aphthas	69	<i>Paracentesis</i> & umbilici perforatio	
ad alvi duritiem	70	non temere confundenda	185
ad lumbricos	ibid.	<i>Paralysis</i> universalis post variolas	12. 13
<i>Oleum</i> vitrioli dulce quatenus dicitur	80	ex terrore	13
Paracelsi	81	<i>Ad Paralyfin</i> balneum ex formicis	
<i>Oleum</i> Ludi Helmont. & Parac.	III		128. 129
ejus præparatio	II4		ad

Index Observationum

ad <i>Paralysin</i> linguæ mixtura	128.129	<i>Planta</i> scandens hederæ folio Zeilani-	
<i>Paralysis</i> palpebrarum curata	278	ca	136
<i>Parotides</i> perpetuo suspectæ	§. 6	<i>Planta</i> , signaturam pilorum præ se fe-	
<i>Partus</i> unius defectum natura supplet		rentes	129
in alia	29	<i>Pleuritis</i> post morbillos sine V. S. cu-	
<i>Partus</i> difficilis	122	rata	10
<i>Partium</i> externarum menstrua mor-		vagans	50
tificatio	225	post <i>Pleuritidem</i> sanatam vomitorii	
<i>Pedis</i> cornu	226	noxæ	11.12
ad <i>Pedum</i> tumorem fomentum	244	<i>Anti-Pleuriticum</i> D. à Moenichen	10
<i>Pellivorus</i> Pragensis	140	D. Raygeri	11
<i>Penis</i> retractio	189	<i>Polypi</i> duo in sinistro cordis ventricu-	
<i>Perlarum</i> (muscæ est species) insveta		lo	31
copia Hildesheimii visa	229	<i>Polypus</i> mentiens materia in utero	
<i>Petechiæ</i> post variolas	11.12		235
aliis comitatæ morbis	47	in corde hæmoptoici	239
<i>Phthisis</i> ex deglutiti pomi nucleo	23	<i>Podagra</i> . vid. Arthritis.	
<i>Phthisicis</i> etiam desperatis opiatibus uti		<i>Podagricis</i> canum linctus salubris	193
licet	273	<i>Pruritus</i> vid. Vulva.	
<i>Phthisicum</i> ossicula tussi rejiciens	23	vid. Dorsum.	
<i>Pica</i> virgines nec dum nubiles infestat		totius corporis.	
	140	in gangrænam intestini recti le-	
<i>Pilula</i> ad calculum	§9	thalem degenerans	124
<i>Pili</i> deglutiti acaciæ fructus medela		<i>Pulmo</i> unico lobo præditus	29
	180	<i>Purgatio</i> ex imaginatione.	193
de <i>Pilis</i> Epistola D. Dieterici cum re-			
sponsione D. Sculteti	175		
<i>Pilis</i> generandis maximè inserviens			
planta	182		
<i>Pilorum</i> usus mechanicus & medicus			
	182		
<i>Pinguedo</i> abdominis solius mirabilis			
	27		
<i>Pinguedinum</i> in aquam reductio	257		
<i>Pisces</i> fossiles	70		
audire, sed non omnes	143		
<i>Plantæ</i> diversicolores	129.130		

Q.

Q *Uercus* nivea 129 130
Quick-Wasser 169

R.

R *Aucedo* cum asthma in denti-
tione 144
Ren librasiiß pendens 29
extrinsecus lapideâ crustâ obdu-
ctus 42
Renum

Et Rerum.

Renum abscessus cum funestis sympto-
matibus 116.117
ad *Renēs* ē ventriculo viæ, ubi juxta
Sylvii mentem quærendæ 249
Respiratio difficilis ab insolitâ causâ
30
Robur corporis insolitum 141
Rosa triplicata 44
 prolifera 89
Rosarum proliferationem juvantia 90
Rosarum degeneratio 87
Rosæ quali solo delectantur. 88
Rostrum leporinum singulare foetui
factum ab inflictâ matri alapâ.
276

S.

Salivatio liquidorum tantum de-
glutitionem prohibens. 14
Sal Taberi Paracelsi non est spir. vini
82
Samech Paracelsi 115.116
Sanguis omnes corporis partes nutrit
154
Sanguificatio læsa in omni hydrope
151
 hepati absolutè non tribuenda
 ibid.
Sanguificationis ordo & perfectio
151
Scabies ex scorbutici linctu in cane cu-
rata. 41
Scorbuti sympatheticum remedium
ibid.
Scorpionis ictus non semper nocet 4
Secale vide frumentum.
Selaginis tertiæ Thalii descriptio 183
Serpens pileatus vid. lapis.

Somnia hypochondriacæ morbos im-
minentes nunciant 99
Speculi ex orichalco singularis confe-
ctio 268
Spiritus vini myrrhati usus in variolis
48
Spiritus mineræ argenteæ rubræ pel-
lucidæ &
 mineræ argenteæ immaturæ radi-
 caliter solvunt aurum 108.109
Spiritus lapidis calaminarius cuprum
 solvit 109
Spiritus Samech 124
Statua humana circulatoria 116.117
Steatoma in pyloro ursæ 98
Stercoris equinæ vires medicæ 210
Stæchas ignescens Cassubiæ 135
 vulgaris in morbo regio experta
 ibid.

Sudor unius tantum lateris 97.98
Sudoriferum maximum Fabri quo-
modo compendiosius præparan-
dum 272
Sulphur & ignis Veneris differunt
80

 Veneris c. aqua forti mistum
 in album corpus reducitur, vires-
 que amittit 82.83
Sulphur olentes manus. 190
Sutura coronalis divulsio, ab ebrietate
 præservans 32

T.

ex Terrorē paralytis 12.13
Terror gravidæ foetui noxius 23.144
Testudo ē scuto suo non potest exire.
227

Index Observationum

<i>Tinca</i> in ictero applicatio	41	<i>Vermes</i> in aure ex ulcere geniti	7. & seq.
<i>Tinctura</i> nitri corollata	47	<i>Vermium</i> antidotus, argentum vivum	122
Bezoardica parabilior.	271	<i>Vermis</i> è naribus excretus	33
<i>Trichiasis</i>	174. 189	<i>Vermes</i> ventriculum & abdomen perforantes	34
<i>Trifolium</i> Anti-Arthriticum	124	è stomacho rejecti	64
<i>Trutta</i> saxatilis.	70	cum nive delapsi	76
<i>Tumoris</i> genu, pro luxatione malè curati, curatio.	62. 63	<i>Vermium</i> mictus	190
<i>Tumor</i> brachii paraplegias causa	138	in quibusdam corporis humani partibus in America curatio	222
<i>Tumor</i> abdominis trifidus ingens hydropem mentiens	200	<i>Vermis</i> ex abscessu pedis grandior	229
alius	203	à <i>Vermine</i> per os excluso, mira symptomata	284
V.		<i>Vermes</i> cum febre malignâ	285
post <i>Variolas</i> paralytis universalis & petechiæ	11. 12	<i>Vermes</i> in renibus	285
gangræna	48	<i>Vesicula</i> felle omni bile destituta	31
à <i>Variolis</i> faciei præservatio	ibid.	<i>Vespertilionem</i> habere caudam	227
<i>Variola</i> periodo 20. annorum Islandiam infestant.	138	<i>Vini</i> potu colica curata	121
<i>Vas Breve</i> sine valvulis:	30	<i>Vini</i> Concentratio	259
<i>Vena</i> Sectio sub lingua temerè celebranda	69	melioratio	260
<i>Veneri</i> hausti symptomata, annuatim redeuntia	128. 129	<i>Vinum</i> quod calculi generandi causa existat	208
<i>Veneris</i> ignis Helm.	79. seq.	<i>Virgo</i> verminosa diversis linguis expeditè loquens, graviorque symptomata perpeffa	284
verus	82. 83	<i>Vipera</i> morsus curari potest ligatura & incisione	4
<i>Venus</i> Helmontiana peregrino fermento comitata	86	alia curatio	49
ad <i>Venerem</i> canis proclivior, qui sectione orbatus est liene.	198	non omni tempore nocet	ibid.
<i>Ventriculi</i> dolor à causâ inauditâ	29	canes non perimit	ibid.
perforatio à vermibus	34	<i>Vitriolum</i> vid Oleum.	
ulcus à perforatione istâ annis 12. apertum permanens	ibid.	<i>Ulcus</i> vid. ventriculus.	
ab aqua forti haustâ curatio	183	<i>Ulcus</i> cujusdam intestini recti apud Brasilienses curatio	126
à <i>Ventriculo</i> ad renes viæ vid. Renes.		<i>Vocem</i>	

Et Rerum.

<i>Vocem</i> articulare uvula	17	<i>Vulnera</i> colli , profunda licet , non	
vid. Uvula.		semper lethalia	34
<i>Vomit</i> niger	8.9	in Ungariâ feliciter sanantur	35
cum diarrhoeâ frigidâ curatus	91	<i>Vulnus</i> pectoris & pulmonum non le-	
		thale	118. 119
<i>Vomitorii</i> bulbi liliacei descriptio	134	<i>Vulva</i> pruritus intestini accedit ero-	
		sio	190
<i>Voracitas</i> absurdissima	140	<i>Vulva</i> pruritus puellæ rarius obnoxia.	
<i>Voracitatis</i> causa intestinorum p. n.			40
conformatio	29	<i>Uvula</i> amissa , vocis articulatio de-	
<i>Urina</i> actu frigida	25	perdita	18
Hecticorum incerta	39	levis saltem raucedo successit	52
filosa c. gravibus symptoma-			
tibus	42		
tremula vel saliens	45		
lapidescens	127. 128		
<i>Urina</i> suppressio singularis	51		
triduana curata	59		
sine dolore periculosa	193		
<i>Urina</i> vid. Mictus.			
<i>Ursus</i> albus vid. Jecur.			
In Utero lapis	52		
<i>Uterus</i> cartilagineus	46		
<i>Uva</i> barbata	177		

W.

Wendur quid? 93. 94

Z.

Z Eilanicæ planta scandens hederæ folio 136

Zeilanica canella 130. 131

Zeilanicum Aporymen 136

Buglossum *Echioides*

137

F I N I S.



2145

APPENDIX

AD

ANNUM QUARTUM
ET QUINTUM

*EPHEMERIDUM MEDICO-PHY-
SICARUM NATURÆ-CURIO-
SORUM IN GERMANIA.*


In qua quæ continentur , averſa pa-
gina indicat.

ATLANTA

ANNALS OF THE ATLANTA

PUBLISHED BY THE
ATLANTA CHAMBER OF COMMERCE
AND THE ATLANTA PRESS

Vol. 11



- I. Georgii Hieronymi Velschii Mictomimematum, sive, Miscellaneorum Medicinalium, Centuriæ III.
- II. Joannis Sigismundi Elsholtii Historia Steatomatis resecti & feliciter sanati.
- III. Ejusdem Epistola de conceptione tubaria, itemque de puella monstrosa Berolini nata.
- IV. Tumba Semiramidis hermeticè sigillata &c.
- V. Christiani Adolphi Balduini observatio circa regerminationem argenti, novo artificio inventam.
- VI. Ejusdem observatio circa urnas Gentilium Germanorum.
- VII. Ejusdem Aurum superius & inferius auræ superioris & inferioris Hermeticum.
- VIII. Ejusdem Phosphorus Hermeticus, sive magnes luminaris.
- IX. Christiani Mentzelii lapis Bononiensis in obscuro lucens, collatus cum Phosphoro Hermetico Christiani Adolphi Balduini.

- X. Georgii Wolffgangi Wedelii specimen experimenti Chimici novi de fale volatili plantarum .
- XI. Ejusdem experimentum Chemicum novum de fale volatili plantarum.
- XII. J. B. positiones aliquot de spiritu mundi.
- XIII. Andreæ Cnœffellii responsum ad positiones istas de spiritu mundi.
- XIV. D. Salomonis Reifelii epistola ad Academiæ Naturæ-Curiosos.
- XV. D. Martini Bernhardi de Bernitz Fasciculus I. Remediorum Antipodagricorum in Curatione VLADISLAI IV. Poloniæ & Sueciæ Regis, Gl. M. adhibitorum.
- XVI. D. Joh. Dan. Majoris Memoria Sachfiana.

GEORGI HIERONYMI
VELSCHII
MICTOMIMEMATUM,
sive,
MISCELLANEORUM
MEDICINALIUM
CENTURIÆ III.
Ad
INCLYTAM SOCIETATEM
NATURÆ-CURIOSORUM
IN GERMANIA.

a ;

INDEX

INDEX

OBSERVATIONUM ET CURATIONUM.

- A** Bortus I. 10. III. 66.
 ex vitio seminis virilis III. 90.
 Alopecia I. 23.
 Alvi constipatio. I. 43. II. 11.
 Fluxus. II. 27.
 Ambusta. II. 19 III. 78.
 Angina. I. 16.
 Antimonii efflorescentiæ diaphoreticæ. III. 16.
 Apoplexia. I. 66.
 Arthritis I. 5. 14.
 Ascites. II. 58. III. 61. 63.
 Asthma. II. 16.
 Atrophia. I. 84. II. 22.
 Aurum potabile pauperum. I. 75.
 Cachexia. III. 12.
 Calculus I. 13. 57. 58. 69. II. 127.
 Callipedum. I. 47.
 Cancer recens. III. 52.
 exulceratus. I. 81. III. 32.
 Capitis affectus. I. 65.
 dolor. I. 18.
 & ciliorum dolor. II. 23.
 Carunculæ vesicæ. II. 4.
 urethræ. I. 54.
 Casus ab alto. III. 58.
 Catarrhi tenues. I. 20.
 Catarrhi extractio. I. 68.
 Cephalalgia. II. 13. III. 12.
 Cephalæa. II. 2.
 Chlorosis. I. 20.
 Clavipedum. II. 61.
 Colica. I. 15. 17. 72. 78. 79. II. 28. 43. 53. 54.
 79. 83. III. 21. 62.
 ex Colica quomodo icterus. III. 26.
 Comatosi affectus. II. 10.
 Contusio. II. 1.
 Cosmeticum. II. 36.
 Coxæ dolor. III. 50.
 Dæmoniaca obsessio. II. 75.
 Dentium evulsio I. 87.
 Dolores uteri. I. 95. 96.
 Dysenteria. I. 48. III. 2. 19. 44.
 Dysenteria cum febre & perpetuum distole. II. 6.
 Enteroccele. I. 52.
 Epilepsia. I. 2. 9. 19. 22. 32. 66. II. 74. III. 14. 15. 71. 82. 84. 85.
 Epiphora. I. 25.
 Erysipelas. III. 31. 51.
 Excrecentia indolens. II. 23.
 Exostosis. III. 7.
 Faciei rugæ. I. 24.
 Febres I. 80. II. 41. 48. III. 77. 80.
 Febres malignæ I. 8. 83. III. 34. pestilentes. II. 40.
 Febris Hungarica. II. 24. 27.
 Febres tertianæ. I. 31. III. 20.
 Febris tertiana mirabilis. II. 85.
 Febricula lenta. III. 8.
 Febres puerperarum. III. 75.
 Fissuræ labiorum. I. 26.
 mammillarum. II. 38. III. 40.
 Fistulæ lacrumales. I. 36.
 Fluor albus. II. 95.
 Fractura rotulæ genu. III. 49.
 Ganglion. III. 7.
 Gibbositas infantum. III. 74.
 Gonorrhœa. II. 50. 91. III. 23. 59.
 virulenta. II. 72.

& Curationum.

Gummiæ arthritica. I. 5.	Marasmus. II. 97.
Gallica. II. 51.	Melancholia Hypochondriaca. II. 20.
Hæmorrhagia. II. 59. 61.	Memoriæ conservatio. I. 50. III. 29. ab-
uteri prægnantium. III. 89.	latio. III. 30.
nerium. III. 42. 97.	Menstruorum suppressio. I. 40. 44. 73.
Hæmorrhoides. I. 33. 38. I. 44. III. 87.	74. II. 37.
Hæmoptoe. I. 27.	Menstrua nimia. I. 34. III. 35.
Hectica. I. 45.	alba. II. 95.
Hecticæ funestum signum. II. 32.	Morbi maligni. I. 92. II. 70.
Hemicrania. II. 11.	Mors ex esu leporia. II. 87.
Hepar roborans. III. 96.	Natta. II. 14.
Hepatis vita. III. 18.	Nephritidis & colicæ distinctio. III. 22.
Hepatis obstructio. I. 61.	Nodi Arthritici. I. 5.
Hernia. II. 65. III. 76.	Oculorum affectus. II. 62.
Herpes miliaris. II. 3.	fluxiones. II. 34.
Hydrargyri noxæ. III. 7.	Odontalgia. III. 93.
Hydrophobia. II. 91.	Ophthalmia. I. 25.
Hydrocephalus. II. 90.	Orthopnoëa. II. 16.
Hydrops. I. 16. 17. 63. 66. II. 64. III. 41.	Panacea. II. 99.
48. 80.	Papillarum rimæ. III. 40.
Hyperfarcosis. I. 89.	Paralysis. I. 12. 21.
Hyposphagma. II. 7.	ex variolis. I. 30.
Hysterica passio. I. 37. 44. II. 25. 35. 78.	Paronychia. II. 71.
Jcterus. II. 35. III. 13.	Partus cæfareus. II. 94.
Ileus. II. 79.	Partum facilitans. II. 49. 66.
Impetigo. II. 47. III. 54.	Pericardium sanguine repletum. III. 25.
Impotentia. II. 56.	Pestis. I. 1.
Ischias. I. 71.	Phrenitis. III. 38.
Ischuria. II. 45. III. 88.	Phthisis. I. 28. 60. III. 39.
Lac generans. III. 45.	Pica. III. 12.
Laudanum antimonii. I. 76.	Pilorum reparatio. II. 77.
Lepra. I. 99. II. 29.	Pinguefaciens. II. 5.
Lienum magnorum absumto. III. 43.	Pleuritis. I. 82. II. 67. III. 5.
Lues Indica. I. 51. 100. III. 17. 99.	Pleurorthopnoëa. II. 16.
Lumbrici intestinales. I. 90.	Podagra. I. 5. 46. 56. 67. II. 15. 47. III. 83.
Mammarum durities. I. 55. tumor. II. 46.	Plora. I. 99.
Mammillæ v. Fissura.	Pulmonum ulcera. I. 64. II. 60.
Mania. II. 89.	Purgatio è junipero. II. 17.

Index Observationum & Curationum.

Purgatio è salvia. II. 18.	Tumor testiculorum. III. 67.
è sero lactis. II. 82.	Tympanites uteri. III. 65.
ab epate vulpis. II. 88.	Valetudine nimis firma fruentes periculosisus ægrotant. III. 68.
Puris generati signum. II. 30.	Varices. III. 56.
Quartana. I. 42. 62. III. 42.	Variolæ. I. 29. II. 86. III. 34.
Rheumatismus. III. 4.	Venarum epigastricarum anastomosis. II. 100.
ex Sale Saturni, aurum potabile pauperum. I. 75.	Veneris impotentia. II. 93.
Sanguinè sistentia. I. 35. 49. II. 9. III. 46.	Ventriculi angores. II. 8.
Sanguinem extravenatum resolvens. I. 33.	eructationes. II. 69.
in Sanguinis arteriosi missione experimentum.	Vermes. I. 29. 88. II. 86.
Sarsaparillæ succedaneum. III. 57.	aurium. III. 73.
Scabies. III. 27. 28. 54.	Verrucæ. II. 94.
manuum. II. 92.	penis. II. 26.
Scrophulæ. II. 42.	Vesicæ carunculæ. II. 4.
Secundina spellens. I. 94.	Visus imbecillitas. II. 96.
Singultus. II. 52.	Vomitus. III. 70.
in febribus. III. 89.	Vomitorium. III. 55.
Soporosi affectus. III. 69.	Ulcera maligna. I. 3. II. 73.
Sterilitas. I. 98.	genitalium. I. 85.
Stomachicum Poterii. III. 1.	venerea. II. 39.
Struma. III. 37.	putrida. II. 42.
Sudor Anglicus. II. 47.	tibiarum. II. 57.
Sudoriferum externum. III. 64.	renum. III. 92.
Suffusio. II. 63.	quæcunque. III. 10.
Surditas. III. 36.	Ulcerum callositas. III. 86.
Tabes. I. 45.	Urinæ incontinentia. I. 67. III. 98.
Angliæ familiaris. III. 3.	Uterini affectus. II. 11.
Tenasmus. I. 93.	Uteri dolores post partum. I. 95.
Testiculorum tumor. II. 46.	citra in gravidationem. I. 96.
Tinctura Lunæ. II. 20.	præfocatio. I. 7. 79.
Tinea. I. 23. II. 68.	Uteri affectus cum alvo difficili. II. 11.
Tremor. I. 21.	Uteri vita. III. 18.
Tumores maligni. I. 4.	Uterum trahens. III. 60.
capitis recens natorum. II. 31.	è Vulnere chyli profluxus. III. 6.
	Vulnera citò sanans. III. 33.


PRÆFATIO.



Non dubitamus, inscriptionem miraturos, qui inspexerint. Non dubitabunt tamen vicissim, qui dubitant, probare, si, quæ dicturi sumus, benignius acceperint. Cum *Syllogen* edideremus *Observationum* quarundam Medicinalium, promissimus *Miscellanea Henrici Smetii* imitatione aliquando proferenda. Hæc igitur heic damus: & hinc eadem operâ **MICROMIMEMATUM** appellatio spontè elucescit. *μιμητα* enim & *σύμμικτα* in titulis librorum veterum frequentissima, etsi vix unum aut alterum hoc nomine hodie supersit. *μιμήματα* autem imitamenta sunt, quorum pigere neminem potest, nec tædere debet, si rationem pariter, usumque animo expenderit. Nimirum jam olim laudavimus, quicunque *Observationes*, *Curationes* & *Consultationes* suas Medicas bono publico permiserunt. Celebrarunt etiam alii. Nec posteritacebunt. Non uno tamen omnes successu popularunt. Id olim quoque doctissimorum virorum consensu monuimus, nec idèò repetemus. Stylus, eruditio, fides, accuratio, & candor præcipua sunt, quæ non omnibus pari felicitate adfuerunt, quod quivis intelligit, si modò legere non dedignetur. Quibusdam prætereà prolixitas tædiosa, aliis iudicii immaturitas odiosa fuit. Inæqualitas etiam consultantium causa extitit, ut nihil ferè ex omni parte beatum esset. In tanta tamen varietate & reprehendendi etiam promptitudine, qua nonnulli plus, quàm opere & æmulatione pollent, mirum profectò existimamus, nemini uni breviter damnatam, sed nec vicissim cuique etiam desideratam esse. Hæc sanè *Smetio*, præ reliquis omnibus, propria, semper nobis visa est imitationem mereri. Quod enim præfatione in *Chiliades nostras* dicebamus, cui bono tot nominum ac prænominum cognominumque & titulerum, professionum, terrarum, regionum, temporum, temperamenti, adfectus ipsius & symptomatum prolixa adèò descriptio, nisi sigillatim necesse fuerit? cui causarum disceptatio immodica? quam novarum inventionum quotidiana accessio statim immutet aut evertat? & cætera vulgò nota, quorum præscientia omnibus communis esse debet? Quæ porrò necessitas tot compositionum, quarum pleræque absonæ & inefficaces, nonnullæ etiam indoctæ, & praxi ineptæ occurrunt? Quotquot sanè hucusque prodierunt,

omnes pellegimus, nec parum temporis impendimus: meminimus tamen à lectione sæpè jejunos & famelicos abiisse, sæpiusque advertisse, quæcunque aliqujus momenti, sex, septem, decem, pluribusque paginis continebantur, à nobis tribus quatuorve versibus comprehendi potuisse, eodem planè, quod laudare cœpimus, *Smetii* instituto, quemadmodum ex *Thesaurum nostro Experientiæ Medicæ* aliquando amplius patebit. Hoc autem si plures superioribus seculis sequuti essent, ni fallimur, fieri poterat, ut ipsa brevitate publicè dilaudatâ, plerisque sapientiorum Archiattrorum & Poliattrorum occasionem præbuisset, ut inter tot occupationes suas, hac ipsa methodo sua nobis non invidissent, quæ nunc æternis tenebris involuta jacent. Nec enim gravioribus momentis plerosque absterritos constat, quàm prolixioris scriptionis accuratæque tractationis impossibilitate, quàm illis scilicet numerosæ agrotantium visitationes objiciebant. Cum tamen ex Epidemiis Hippocratis longè utiliora didicisse potuissent, ut quæ non minus, ni fallimur, occupatus, mirâ tamen doctrinæ & brevitatis *Læconicæ* cum *Jonica* eloquentia mixtura conscripserat, multoque, ut credimus, plura, quàm temporum iniquitas in nostras manus venire concessit. Ac utinam hodieque hæc imitarentur, si qui recentiores *Smetii* conatus à nobis commendatos, tam facilè spernendos censuerint. Quidquid tamen alii statuerint, nos fidem nostram liberare, & exemplum præbere volumus, quo sine gravioribus laboribus, aut molestis nimium studiis, infinita, eximia, rara, & proficua *Reipubl. Med.* accedere possint; Hujus itaque animi securi ista protulimus, neque deinceps desistemus, quidquid ad artis nostræ ornamentum fecerit, procurare & promovere. Pleraque quidem satis expedita & clara opinamur, ne tamen sequiùs forsàn interpretaturis habenas laxaremus, notas nonnullas ex tempore adjecimus, quæ necessariæ videbantur, ut efficaciarum medicamentorum ex veterum pariter atque recentium consensu auctoritas adesset, quæ malignorum linguis frænum imposteret, ne probaturos & imitatuos absterrent. Selegimus autem nunc ista ex pluribus aliis MSSIS, quæ Bibliotheca mea continet, in primis *schediaſmatis* illis eximiis Nobilissimi quondam viri, *Pauli Marquardi Slegelii*, Poliatri *Hamburgensis*, quæ peregrinando, totius ferè orbis clarissimorum virorum familiaritate collecta, cum *Jo. Georgio Virsungio*, cive nostro, sed *Chir. & Med. Patavino*, communicarat, atque à cruento illius obitu in nostras manus amicorum benevolentia pervenerunt: tum etiam illis, quæ clarissimi Parentis sui *Theobaldus Prævotius* benignè concessit, cœu præfat. in Epistologm. nostra ingenuè professi sumus. His addidimus reliqua ex Euporistis miscellis *Petri Asselinai*, *Med. Castrofrancani & Veneti*, *Marci Barchei*, *Chemiatri Aurelianensis*, apud *Archiep. Electorem Coloniensem*, *Frid. Echsi*, *Medic. Reinfeldenſis*, *Christoph. Henpergeri*, *Caroli Vidmanni*, *Johan. Rumleri*, & *Adami*

Adami Hebichii, Poliatrorum nostratium, Thom. Stromajeri, Archiatri Saxo-
nici & Cæsarei, Joh. Rhodii, amici nostri summi, Joh. Vestingii & Benedicti Sil-
vatici, aliorumq³ quorundam Observationibus atque Curationibus, quos ipso
opere nominavimus, paucissimis quoque ex nostris adjectis. Quod si benevo-
lis Lectoribus non fastidita comperiemus, operam dabimus, ut plurima similia
Thesauri illi accedant, quem supra *Experientia Medica* nomine inscriptum di-
ximus, & olim promissum, cum DEO proferamus, quem primùm, quæ præmit-
ti oportet, lucem adspexerint, *Chiliades* scilicet *duæ Curationum, Centuriæ IV.*
Consiliorum, & propriarum Curationum Decades X. ampliori exegesi illustratæ,
& nisi fallimur, ad Vett. eruditionem novâ ratione exactæ.



I.

MICTOMIMEMA.

Liquorem Mumia vulnerarium eodem modo parabat Marcus Barchæus
Aurelianensis, Chemiatus Archiepisc. Coloniensis. quo Ol Philosopho-
rum sive Laterinum dictum fieri solet, eique ☿ ☉ Theophrasti deinde
admiscebat, & in malignis morbis omnibus, in primis *Pesce*, utebatur cum suc-
cessu.

NOTÆ.

Ol. Philosoph.) De hoc in Pharmaceuticis nostris. Est enim non aliud,
quàm Olivum destillatum. A lateribus nihil aut parùm accipit, ut contemni
queat. Unde nonnulli cum calce viva destillatum, efficacius compererunt.

☿ ☉ *Theophrasti.*) Id aurum vitæ est, de quo nonnulla Epigram. nostro-
rum Obs. XCIX.

II. Idem, in quibusdam *Epilepsiam* curavit aqua Hydrargyri saccharatæ
Hanc in retorta destillabat, ☿o prius cum saccharo trito in porphyrite, donec
dispareret, & subnigrum magma fieret.

NOTÆ.

Hydrargyri.) Si quid veri habent Thom. Willisii viri Doctissimi parti-
culæ elasticæ, quibus epilepsia excitatur, nemo non spontè capit, his compest en-
dis Hydrargyrum aptissimum esse. Nollemus tamen quidquam tale sine cautione
adhiberi, quam Medici prudentiæ nunc relinquimus, alio loco commodiùs ex-
ponemus.

III. Celebritate Is sibi comparaverat *Ulcerum malignorum* curatione,
quibus subinde Puly. hunc adhibebat, sal salutis ab ipso dictum. Alumin. ℥xviij.

℞ xvij. lap. calamin. ℥ij. Mastiches ℥ss. Myrrhæ ℥iij. Ceruss. ℥j. coquendo coagulabat, & ℥ss. aquâ calidâ solutam cum panniculo admovebat.

N O T A.

Sal Salutis) Parum differt à lapide medicamentofo Crollii: sed differt tamen, nec inutilis usus erit, si conveniat.

IV. *Tumoribus malignis pestiferis quibusvis* Idem olympicum suum feliciter adhibebat, cujus præcipuum ingrediens erat aquila cœlestis, domestica ipsi dicta, quam miscebat cum succis Geranii, Rhapontici, Helenii, Sideritidis Ananiensis, Croco ♂, gummibus nonnullis, lap. calamin. magnete, Ol. ♂, Caphuræ, lumbric. terr. pinguedine serpentinâ, & jecinoribus ranarum.

N O T Æ.

Olympicum) Danda nominibus venia, quamvis præstaret apertè semper loqui.

Aquila Cœlestis domestica) Sic vocat ♂ dulcem, quod ex præparatione patet, à Beguineâ nihil discrepante. Aquila autem silvestris ipsi Præcipitatus est, externis usibus commodior, quam internis.

Geranii) Ingens farrago hujus medicamenti tædium nobis movit, ut omnia describere non placuerit. Quæ minus igitur trita & efficaciora videbantur, sufficere posse judicavimus. Jecinora tamen ranarum frustra adjecta putamus.

V. Eâdem Aquilâ Cœlesti etiam ad *Arthritidem* utebatur cum Aloë aq. Chamæpityos lota; ♂ reverberato, & Croco Chalybis, M. c. Ess. Stœchados Massiliensis, & Ol. ♂i. Exteriorius autem illinebat Oleum Macrobian dictum, i. e. ex sanguine Cervino destillatum, cum ♂e suo volatili probè unito. Addebat etiam interdum Extr. Scammonii c. Ol. anisi destill. & gummibus five nodosis tumoribus, Ol. laterin. & caryophyll. c. ture, myrrha, ammoniaco & Mumia in emplastrum redactum, admixto etiam aquilæ dictæ pulvere.

N O T Æ.

Eadem) Vid. Hecatostæx nostræ II. Obs. LXVII. quâ de ♂ dulci, & Obs. LXXIV.

Stœchad. Massiliens.) i. e. Arabicæ: ab insulis è regione Massiliæ, quæ Stœchades dictæ, innuit Diosc. III. 32. & repetit Plinius XXII. 12. Copiosum proventum in Languedocia memoravit Joh. Stephan. Strobelbergerus.

Macrobian) Longæva animalia plerique credunt.

VI. Ex ficubus contusis Idem cum vini latice Extractum parabat, cui Crocum, Myrrham, Aloën, & Terebinth. spiritum, admiscebat, eo planè modo, ut alias Elixir Proprietatis Paracelsi fieri solet, quo pariter ad eosdem adfectus utebatur.

NOTÆ.

N O T A.

Ficibus) Quid hoc Extractum sicuum singulare obtineat, non liquet. Liceret sanè Elixir Proprietatis Paracelsi, correctum dictum, præferre, quia ne quid desit, etiam spiritum Therebinthinæ continet.

VII. Mulierem *Uteri præfocatione* sævissimâ laborantem, cum nihil profuisset, Jo. Pistorius curavit, Ess. Caphuræ c. Oleo amygdal. d. postquam universalia præmisisset.

N O T A.

Ess. Caphuræ) Nihil istâ opus videtur. Ipsa Caphura ex tempore, Oleo amygd. promptissimè conjungitur, quam si quis recuset, Oleum ejus addat, seu potius solutionem cum spiritu ① factam.

II. Ex C. C. Vitrum alexipharmacum in *Febribus pestilentibus* valde laudatum idem sæpius expertus erat.

N O T A.

C. C. Vitrum) Non differt id à Gelu ejusdem, quod omnibus notissimum, in Scyphorum formas effundi potest: sed tantam tamen duritiem non habet, ut Vitrum, nec tantundem pellucet.

IX. Illustrissima Comes à Scharfenberga à Serenissima Conjuge Elect. Saxonix aquam acceperat ex Leontocopro destillatam, eaque ad *Epilepsiam frequentem* feliciter usa est. Exemplo etiam postea motus Daniel Rappoldus Uratislaviensis Med. sæpius cum successu adhibuit.

N O T A.

Aquam) Est quoque hujus aquæ proluxa ad nauseam descriptio, quam ideo integram adducere nolimus. Satis est ex fimo leonino præcipuas vires sperandas, quas si omninò habet, contentus sit quivis, aut quidvis ipse addat.

X. Gravidæ innumeræ *Abortum* præcaverunt frequenti usu aquæ Caryophyllorum compositæ, id est, quæ ex flore betonicae altilis, cum Moschata, Cinnamonomo, Maci, & Caryoph. arom. destillata erat.

N O T A.

Aq. Caryophyl.) Elegans hoc Medicamentum, & multis aliis, ipsi quoque balsamo Embryonum dicto, præferendum. Epicuri dictum pulcerrimum fuit: *χαεῖς τῇ μακαρίᾳ φύσει, ὅτι τὰ ἀναγκαῖα ἐπιείκτως ἐποίησε, τὰ δὲ δυσπρόεικα, ὡς ἀναγκαῖα.*

XI. Ex Oleo ①i Cryсталlos præparabat Barchæus cum phlegmate Chalcanthi, quibus ad *pleuritidem* magno successu utebatur.

N O T A.

Oleo ①i) Idem facit spiritus ex cremore destillatus V. circulatus, & ②i quodvis, convenientibus admixtum.

XII. *Paralyfi* internum arcanum mirâ felicitate exhibebat spir. L. S. Baccis marinis abunde imbutum.

N O T A.

Baccis marinis) i. e. Margaritis, quibus nostro periculo, ejusdem operationis substitui potest Concha Margaritifera, ut etiam pauperioribus medicamento gratia fiat.

XIII. *Arenule & calculi* majusculi feliciter è renibus mulieris extracti sunt Ole silicum aliquoties dato. Id fit solutione cum aceto destillato, cujus abstractione sponte concrescunt.

N O T A.

Ole silicum) Mirari queas cum silices ipsos à Se concrevisse nemo dubitet. Nimirum distingues: aliud Sal in silice, à succo lapidifico, aliud vi resolvendi præditum, quod non coagulat, sed coagulatur.

XIV. *Arthritidem* pilulis aloëticis cum ꝑ̄ dolci sæpè exhibitis, illitoque spiritu Mannæ cum spiritu vini elicito, curatam scimus in viro juvene.

N O T A.

Pill. aloëticis) vid. supra Obs. V.

Spiritu Manna) Non est quidem hic spir. verè Mannæ genuinus, sed potius latex vini mannatus, qui quomodo arthritidi conferre possit, ex ipsa mannæ natura cognosces.

XV. *Colica* desperata regulo ꝑ̄ij vitæ in globulos redacto curata est. Fit autem ille cum sale ꝑ̄i.

N O T A.

Regulo ꝑ̄ij vitæ) Est enim efficacior in ejusmodi adfectibus, quam Regulus ꝑ̄ij simplex, quamvis sin, qui utrumque nihil ex hydrargyro habere putent.

XVI. Nitrum antimoniale ex aqua lotionis diaphoretici, purgare & angina prodesse compertum est.

N O T A.

☉ale) Parum tamen differt à ☉ fixo communi. Huic enim ☉ commune adsumitur, in illo est ☉ ii, quod se ex parte ☉ junxit, nam major pars detonando evanuit.

XVII. Tincturam ex magnete cum aceto ꝑ̄ij & spir. ☉ i paratam & colidolori, & hydropico tumori profuisse accepimus à fide digno.

N O T A.

Magnete) magnetem umbilico impositum colicis profuisse quidam narrant. Causam non edicimus, quia ab aliis intelligere præoptamus. Si tamen magnes venenum est corpori humano, quod occultâ tale lentè conficere perhibe-

hibetur, cavendum sanè fuerit. Ipsum certè acetum ðij Datum satis efficax, etiam absque magnete.

XIIX. Lusitanis novum satisque jam cognitum remedium est ad calidos capitis dolores Conserva Golyaon dicta, i. e. Aromatonymphææ Indicæ.

N O T A.

Galvaon) vid. Marc. Ant. Recchum & reliquos Indicorum scriptores.

XIX. Conservâ fl. amaranti c. oleo succini ad epilepsiæ m aliosque morbos capitis usus est P. Affelinæus, senior, Medicus Aurelianensis.

N O T A.

Amaranti) vid. quæ de elasticis Willisii diximus suprâ Obs. II. Amaranto sanè vis coercendi ab adstrictione, quæ cum alvi fluxibus & hæmorrhagiis manifesta.

XX. Idem catarrhis tenuioribus continendis succum cydoniorum adhibebat caphurâ permixtum, & caphuram cydoniatam appellabat.

N O T A.

Caphuram cydoniatam.) Elegans contrariorum colligatio. Cydonia enim incrassant, caphura siccando discutit.

XXI. Tremori & paralyfi incipienti Joh. Veslingius expertum adfirmavit panacis Pharnacii Pliniani succum densatum.

N O T A.

Panacis Pharnacii) vid. Plin. XXV. 4. est virga aurea G. Bauhini Theatr. Botan. lib. VII. sect. IV.

XXII. Idem ad epilepsiam experimenti nomine nobis commendabat Talictrum Virginianum.

N O T A.

Talictrum Virginianum) elegantissima planta latè succrescit. Superiori anno mirè luxuriavit à nobis confita: & primâ mox æstate semen in siliquis tenuibus oblongis copiosissimum protulit, nec cessavit in auctumnum usque flosculos & siliquas maturas successivè protrudere.

XXIII. Generosissima Comes à Flekenstein tinea & alopecia correpta, purgata est pililis & dulcis à Fabiano Leucopetræo; pulverem viperinum sæpius ex vino saccharatò sumpsit: lixivio cynoglossi caput abluir, & pinguedine natricum German. illita convaluit.

N O T A.

Cynoglossi) conf. quæ diximus in not. ad Jer. Martii Obs. XXXIX.

Natricum German.) Eadem enim illis vis, quæ viperis ipsis, nisi quod minus venenosæ sint, et si nonnihil sunt minores.

XXIV. In

XXIV. In Misto veteri Bibl. Batavinæ reperimus *rugis faciei* exterendis experimentum singulare liquorem anguium Æsculapii sive Anthracinorum Patavinorum odoris gratia floribus roris marini aut Jasmini imbutum.

NOTA.

Anguium.) Omni ferè serpentum generi id datum à natura. - Nec externo tantum usu profunt, sed etiam interno. Potum sanè vini, quo suffocata vipera, Anglicæ fœminæ pro cosmetico habent, quo epidermidem decidere, novamque renasci ajunt.

XXV. In eodem, liquorem sive succum ex baccis solani tetraphylli (quod vulgò herba Paris,) expressum ad epiphoras & ophthalmiam præcellentissimum remedium, ideoque (anima oculorum) appellatum.

NOTA.

Anima oculorum.) Ex Arabe aliquo Medico id transcriptum videtur, ut alia pleraque (נפש אלהים) (نفس الیون)

XXVI. *Fissuris labiorum* incomparabile est coagulum albuminis masculi (σάλμα ὀμφαλώδης Aristot. c. aq. ros. & saccharo applicitum.

NOTA.

Masculum.) Quod Ital. gallatura. Conf. not. in Marcelli Cumani Obs. LIX.

XXVII. *Hæmoptoen*, etiam diuturnam, Empiricus sedabat datis ex aq. plantag. vel simili festucis secalinis, quæ vulgò ineptè, mater siliginis, dicuntur.

NOTA.

Festucis secalinis.) ἀνίλων Græc. vid. Bauhinum pin. th. Bot. lib. i. sect. i. Dicuntur etiam clavi secalis. Exteriorius nigricant semina illius, & ungues quorundam animalium figurâ exprimunt. Ubique haberi possunt, ut non opus sit Stolbergicam aut Thuringicam appellare cum Joh. Thallio in Silv. Hercyn.

XXIIX. In *Phthisi* Frider. Echsius, Med. Reinfeldensis feliciter utebatur ceraunochryso cum oleo Hi soluto, & iterum coagulato.

NOTA.

Ceraunochryso.) Quid hoc possit ad Phthisin, non satis liquet. Ex Hø gum parabat olim Chemiatus Neapolitanus sine ulla hydrargyri vivi additione. Ejus ℥vj. cum ʒj. miscebat ad usus medicos. Sed lusus in nomine xii, & proportio ad ʘ nulla est.

XXIX. Adamo Hebachio, Poliatio Augustano frequenti usu commendata erat pulicula myrrhata dicta, ad præcautionem *variolarum* & *verminum* in pueris.

NOTA.

NOTA.

Myrrhata.) Ejus descriptionem dedimus in exerc. nostra de vermibus capill. infant. venæ Medin. subjecta.

XXX. *Paresinex variolis* sæpè observavit Christoph. Heupergerus, Med. August. in adultis maximè, quos Ta. signata ambarata Maximiliani Imper. percurabat, cum & sine sudore exhibita.

NOTA.

Ambarata.) Ejus facilis mixtura proportionè ferè duodecupla.

XXXI. Idem tertianas in plurimis persanavit cinnabari nativo.

NOTA.

Cinnabari nativo.) Id non tam propter diaphoresin eligebatur, quam illam ob causam, quam ediximus not. in H. Reulneri Obs. CXIIX.

XXXII. Lugdunensibus familiare est, vesicatorio suo *epilepsiam* curare, aperto servato ulcere per annum integrum.

NOTA.

Vesicatorio.) Ejus hæc descriptio. G. Calbani, ammon. āā. ℥ij. Picis navalis. Terebinth. Sinap. āā. ℥i℥. piper long. ℥ij. pulv. cantharid. ℥ij. F. E. Sunt quidem & aliæ descriptiones, sed quia non valdè placent, omittere satius judicavimus.

XXXIII. *Hæmorrhoidas* tumentes fotu urinæ urticatæ in Galliis sæpè curatas vidit Paulus Marquardus Slegelius, Poliatus Hamburgensis. Solâ etiam, sed suâ in seipso imminuit G. Scioppius, ipsomet referente.

NOTA.

Urticata.) Diosc. IV. 94. ad tumores etiam alios commendat: φύματα, σαρωτίδα, φύγεθλα, ἀποσθήματα.

XXXIV. Nium *menstruorum* fluxum experimento Solenandri ex succi plantag. ℥iv. cum colophon. ℥j. ter exhibito curatum observavit P. M. Slegelius.

NOTA.

Colophonia. Sic dicitur residuum à destillatione terebinthinæ. Vid. de fuliginum & resinæ ustæ viribus Diosc. l. 93. Siccare enim planum est.

XXXV. Capistro captum Chirurgus liberare conabatur sectione, sed sive imperitiâ, sive aberratione fortuitâ frenum virile altius incidit, & arteriam læsit, ut copiosum sanguinem profunderet, Medicus acutus jussit aquâ plantaginis cum Θ prunellæ mistâ probè eluere, & eandem deinde cum linteis imponere.

NOTA.

Θ *Prunella.*) Vid. quæ de Θ & Θ communi ad curationem vulnerum iudicavimus Hecatostæ II. Obs. XCIX.

XXXVI. Celebre experimentum D. de Lort in *fistulis lacrumalibus* erat Tutia præp. ʒj. pulv. ʒj. subtil. & crudi subtil. āā. ʒʒ. ceruss. lithargyri āā. ʒj. c. cerato diachalciteos Scorp.

NOTA.

& Crudi.) Conf. not. nostras in H. Reusneri Obs. CLXXXVI.

XXXVII. *Hysterica* Monspelienſis vomitu & diarrhœa cum cordis palpi-
tatione adflicta, curata est, clysmatibus infusis, epithemate cordiali & pullis gal-
linaceis cordis regioni impositis, & aq. Naphæ cum aqua rosarum, artemisiæ,
cinamomi, confect. hyacint. c. specieb. diamargar. fr. & croco exhibita.

NOTA.

Pullis.) An extrahendis malignis vaporibus, ut in puncturis venenosis, &
Feb. malignis? de quibus vid. Petr. à Castro de febr. punct.

XXXIIX. *Hamorrhoidum* tumor cum dolore maximo viro generoso mo-
lestissimus evanuit applicatione ol. ros. amygdal. in quo cotyledon infus. adjectis
guttulis Libanotidis coronariæ.

NOTA.

Cotyledon.) Huic eadem vis, quæ semper vivo ap. Diosc. IV. 92. 93. & Cym-
balaria.

XXXIX. *Surditati* experta Lugdunî pinguedo viperina cum paucissimis
guttis olei succini, auri infusa, deinde admoto pane recente calido.

NOTA.

Imposita.) Præstant suffitus, qui etiam Theriaci esse possunt. vid. not. in
A. Gasseri Obs. LXI.

XL. Arcanum mulierum Britannicarum ad *menstruorum defectum*, præ-
missis universalibus, decoctum Cortic. salicis minoris in vino, sua quoque ex-
perientia contestatus est C. Entius Medicus præclarissimus.

NOTA.

Salicis.) Huic observationi videtur adversari Diosc. l. 136. qui tam fru-
tui, quàm foliis & cortici & succo *συπτικὴν δύναμιν* adsignat. Sed nisi in
Codd. mendæ subsint, contrarii sanè effectus arguunt, non satis hæc illi ex-
pensa esse.

XLI. Nihil ad *vermes* facilius, præstantius & jucundius adseruit D. Pi-
lonus, quàm aquam Hydrargyri crudi hac ratione præparatam; & crudi ʒʒ.
aq. simpl. fontan. ʒʒ. xij. coq. & col. dos. ʒiv. Addebat tamen ipse ravendi Sin-
ʒʒ. ad libras aquæ singulas.

NOTA.

& crudi.) Plumbago igitur illi adhærens hoc facit, nec enim aliud quid aqua
simplici elui potest: id facit etiam plumbum ipsum, de quo in alio loco.

XLII. *Quartana* singulare eudiapneusticum curatorium Empirico expertum ex vitro Oii cum q crudo purgato prius per alutam, Scorp. Non enim purgat, nec vomitum movet sic præparatum, umò nec sudores excitat, sed verè diaphoreticum est per *διαπνοὴν τὴν ἀδύλον.*

NOTÆ.

X O cum q crudo.) Quod igitur parum abest à q vitæ dicto. Nec vomitum.) De quo tamen valdè dubitari potest, ut tutius sit aliis uti, nisi fortè in agresti aliquo & robustissimo corpore.

XLIII. Perpetuâ alvi constipatione, à qua catarrhi frequentes, infestabatur Cardinalis Granvèllanus. Cum plurima Medicorum consilia admisisset, pertæsus tandem omnium, solo hoc pugillato, ut vocabat, deinde usus est: Fol. Senæ ℥vj . Myrobal. Citrin. Cabulens. Amlegor. āā. ℥j . Sacchari ℔ijj . Aq. Cinamomi ℥iv . M. & fiant grana papaveraceis similia, quæ iterum saccharo obducantur.

NOTA.

Pugillato.) Ita vocant confectiones saccharaceas, quæ pugillis sumuntur. Nobis tamen elegantior videtur pulv. præparans Oxoniensibus dictus, quem ex schediis MSS. Guil. Gaddani, Med. Angli, nobis olim dedit Jo. Rhodius, etsi nihil singulare contineat, quod hodie non sit omnibus notissimum: Fol. Sen. ℥ijj sem. anisi, fœnic. āā. ℥℔ . Cinamomi ℥j . sacch. ros. ℥vj . Crem. Pri ad pondus omnium, datur hora somni ex ala Anglica, deinde mane sequente tantundem.

XLIV. Patavinis mulieribus olim celebratissimam aquam Croci ad hystericam affectionem & menstruorum suppressionem reperimus in MSo Bibliothecæ Patavinæ. Succu bugloss. Diosc. melissæ singul. ℔ij . Croci ℥j . destillentur.

NOTA.

Croci.) Eadem vis etiam croco silvestri seu cnico sativo, qui crocus Saracenicus Matthioli. Vid. Hier. Tragi part. II. Herb. c. CV.

XLV. *Hæticis & tabidis* quibuscunque Empiricus Venetus exhibebat Ess. ex Mumia rec. i. e. carnibus microcosmi destillatione elicitam & ad melaginis consistentiam redactam, addito Mag. margarit. orient. ex lacte caprillo per plures dies.

NOTA.

Microcosmi.) De istiusmodi remediis singulari libello egit Daniel Beccerus Med. Borussus Regiomonti. Sed vereor, ut plus jactantiæ, quam utilitatis pleraque habeant.

XLVI. J. Faber, Professor Witebergensis, *Podagricis* cum successu antiscorbutica dabat, succum sc. cochleariæ & anagall. aquas cum V^o \square fato: extra autem admovebat aquam calcis vivæ chalybeatam, cujus ℥ij. pulv. æris usti ℥ij. & Cinab. ℥ij infundi jusserat.

N O T A.

Antiscorbutica) 'd satis jam notum, plerisque Germanis usitatum, in morbis omnibus ad miasma aliquod scorbuticum respicere.

XLVII. *Callis pedum* Ol. laterim. cum calc. viv. destillatum â leviculâ incisione illitum, optimum expertum, addebant nunnulli odoris gratiâ Ol. juniperini & spicæ guttulas.

N O T A.

Cum calce viva) Vid. suprâ Ob. I.

XLIIIX. *Dysenteria* epidemiæ feliciter pulv. dedit Jo. Vestingius ex rhabarb. loti ℥i. Myrobal. Ind. Crem. \square iââ ℥j. pulv. N. M. gr. iij. Sacchari ros. tab. Gati. ℥i. f. pulv.

N O T A.

Rhabarb.) Conf. quæ de isto disputant Practici. Nec enim add. pulv. placet, quia pleraque frivola sunt.

XLIX. Idem expertus est pennas Pavonis minutissimè incisas & in redactas præstantissimum *hemostaticum* suppeditare.

N O T A.

Pennas) Accipies tamen plumeas tantum illarum partes, quæ etiam ex aliis volatilibus non minus, quàm pili quadrupedum huic fini efficaces compertæ sunt.

L. Pilulas ad *memoriam* expertas, profani vulgi denominatione D. J. Christi dictas accepimus olim â Doctorum nostrorum Nobilissimo Melchior Sebizio, ex aloës ℥i. Croci. Myrrhæ ââ ℥i. Rhabarb. ℥ij. agarici ℥i. Zedoar. gentian. ââ ℥j. Theriac. opt. q. s. jugland. ß. F. magnitudine Francofurtensium, quarum vij. aut ix. plures pauciores deglutiendæ. Extr. actum quoque ex iisdem sive Elixir cum spir. vini præparatum ad gutt. vij. vel plures exhibendum.

N O T A.

Pil.) Conf. quæ diximus de variis Elixirii Proprietatis compositionibus Exerc. de venâ Medinensi.

LI. Antaphroditicum Mouseti, quod olim contra luem Indicam adeo efferebatur, constabat ex Decocto L. S. communi, & sapone albo Veneto, quod paucis cognitum erat.

N O T A.

Sapone) Paucis id cognitum putamus. Est autem saponi vis anodyna, ita ut panis concoctu etiam tormenta exquisitissima elusa sint. Qui enim hoc vescuntur, ἀναιδῆντος evadunt. Ectroticum quoque medicamentum præbet, quod experimentis recentibus didicimus.

LII. Ad enterocelen puerorum Asselinæi curatio certissima. Serapium dr. Cichor. c. rhabarb. ad purgationem. Fomentum Salviæ & nuc. Cupressi cum Schoenantho. Subligaculum. pulv. rad. Valerianæ & nuc. Cupressi, ex jusculis.

N O T A.

Valeriana) Est enim præstantissimum vulnerarium medicamentum.

LIII. D. de Lurbigny à casu undique contusus, sanguine extravenato, Diachylon Ireatum cum pulvere cumini, oleo rutæ, succo raphani & vino mistum applicuit, citissimè restitutus est.

N O T A.

Ireatum) Vid. Pharmacop. Londinensem, quamvis etiam ex tempore quævis emplastra Ireata reddi possint, ut nos sæpius reddimus admixto extr. radicis.

LIV. Multum honoris lucrique accessit Petro Asselinæo Venetiis, *caruncula in uréthra* curatione. Ejus hæc methodus erat. Cassia cum succo Glycyrrhizæ. Potus decocti althææ cum Glycyrrh. & Petroselino, per xv. dies, deinde candelæ unguento illitæ immissæ. Cerussæ ꝑ. troch. Ras. aa ʒij. Tutia præp Caphuræ aa ʒß. ung. alb. Ras. & ol. ros. q. s. m. Nimox juvaret, addebat quibusdam præcipitatum album.

N O T A.

ʒij.) Vid. quæ suprâ notavimus Obs. XXXVI.

Præcip. album) Ejus optima descriptio etiam interno usui apta. vid. Epistagm. nostrorum Obs. LXXXIX.

LV. *Mammarum tumoribus* duris, Idem insigni emolumento applicabat acetum myrrhidis cicutaria.

N O T A.

Myrrhidis) vid. Emplastrum de cicuta. De usu interno quoque ad *Cambrucam Veneream* quædam non prohibita attulimus in specimine Curationum propriarum, quam suo tempore, cum DEO, in lucem dabimus.

LVI. In podagrâ frequenti eventuum fortunâ exhibebat aloën stibiatam, i. e. oleo ʒii. sacchari additamento destillato, imbutam: deinde anodynum Extr. asphalti mumiale cum oleo D. & Caryophyll. ac cinamomi præparatum.

NOTÆ.

Ol. Sacchari) Vid. ap. Joh. Schröder. in Pharm. qui id ex Quercetano transferipfit.

Ol. D.) De hoc quoque vid. eund. Non propriè enim Oleum dicitur.

LVII. Vir Nobilis in *calculo* suâ experientiâ aquam Myriophylli stillatitiam ἀνλον habebat.

NOTA.

Myriophylli) Non communem adfusâ aquâ, sed ex succo expresso, adfuso vino destillatam.

LIX. Heroardus Falesæus Vertuniamus in quibusdam ad *calculum* felicissime usus est Decocto L. S. i cum rhamno Cathartico parato.

NOTA.

Rhamno Cathartico) Conf. de mixturâ purgantium cum sudoriferis Epistagm. nostrorum Obs. LXXXIV. At hic diurescos intentione Lum Sum præscriptum videtur: quanquam etiam purgandi causa in calculo ritè exhibeatur.

LIX. Generosa Collinia Thalassarchæ Conjux *sub me julis* pueris præsentia affectu dabat radicem papaveris cum melle rosato; quanquam etiam Crystal-
li pollinem, & myrtillorum aut cupressi adjiciebat.

NOTÆ.

Papaveris) Est sanè illi singularis vis ἐφελικὴ in omnibus adfectibus. Conf. Diosc. IV. 65. quâ de sativo nigro: Semen ejus cum vino potui datum contra fluxionem alvi fluoremque muliebre: πρὸς ρεῦμα κοιλίας καὶ γυναικείον ῥεῖν.

Cupressi) Vid. Diosc. l. 102. qui κύσσει ρεῦμα ἰζομένη καὶ δυσερίαις commenda-
dat.

LX. *Phthysicis* Petrus Asselinæus aquam Ulmarie, multo usu edoctus, salubrem adnotavit; in victu optimum testudinatum adseruit. Interdum & Patris sui pnevmonicum dedit: Terebinthinam scilicet flatam cum pulvere nepetæ, & oleo amygdal. dulcium.

NOTA.

Ulmaria) Planta quippè egregiè Traumatica, ut profectò illa vis pyrotica memorata à Trago part. I. Herb. c. XCV. valdè dubia nobis appareat, quales hallucinationes illi in aliis etiam accidisse, peritis non ignotum.

LXI. Idem adfectionibus ab hepatis obstructione oriundis aquam radicis Filicis & cardui benedicti cum aqua cinamomi & Lithospermio expertus est.

NOTA.

Filicis) Conf. Diosc. IV. 86.

LXII. Quar-

LXII. *Quartanas* curabat J. C. Scaliger aceto cum pane & pulvere pyro destillato, ad ℥ij. propinato: & Epicarpio ex hydrargyro cum Theriaca imposito.

NOTÆ.

Aceto cum pane) Cujus remedii pro corporum varietate diversi effectus sunt, aliis enim vomitus, aliis sudores movet.

Hydrargyro) Conf. Episagm. nostr. Obs. IV.

LXIII. *Hydropem*, Turpeto minerali exhibito per salivationem curabat D. Turquetus, juxta diaphoresin procuratam. Præcipitatus is ruber erat cum spiritu vini destillatus, in quo ☉ i. D.

NOTÆ.

Salivationem) Quæ huic tamen adfectui nequidquam convenit, & remis velisque, ut dicitur, fugienda est: imò nec aliis unquam profuit. Conf. Not. nostras in Consil. Exoter. Cent. I. Conf. V.

Præcipitatus is ruber erat) Quem vid. apud Schroëderum.

LXIV. *Ulceribus pulmonum* ☉ crystallinum ex urinâ cum successu adhibuit Petr. Asselinæus.

NOTÆ.

Urina) Si asthmati aut dyspnoëæ adhibuisset, laudari poterat. Nunc, quia de ulceribus sermo est, vix fidem habemus. Finge enim abstergendivi pollere, quid est, quod reliquis indicationibus satisfacere queat?

LXV. Essentiam suam corporis humani D. Gnanius, Med. Lutetianus ad varios adfectus, imprimis capitis parabat, non ex recentibus partibus, sed vermibus musculorum, nam viscera omnia & intestina una cum ossibus abjiciebat.

NOTÆ.

Vermibus) Non dixerim, quod bene: Alii viderint. Sed nec ipsa illa hypothesis de symbolismo cadaveris humani cum vivo corpore quidquam solidi habet. Tædet, sed ideò tamen adduxisse non piget, ut quam leviculis momentis etiam celeberrimi Medici sua muniant, intelligatur. Con. quæ diximus Hecatest. nostræ II. Obs. XCIX.

LXVI. Idem *Apoplexia* imprimis & *Epilepsia* sæpius exhibebat Ol. castorei cum Terebinthina & spiritu vini rectificatō destillatum.

NOTÆ.

Cum Tereb.) Erat igitur verius Ol. Tereb. Castoreatum. Quid? non licebat illi spiritum aut oleum in officinâ accipere & Castoreum aut ☉ ejus, aut ping. aut ol. aut Mag. aut Ess. ex tempore pro lubitu admiscere?

LXVII. Im

LXVII. In podagra \ominus δ ii propinabat, spiritum vini vitriolatum partibus dolentibus admovebat, deinde oleum balsami artificiale destillatum inungebat.

NOTÆ.

\ominus δ ii.) Vid. Schrœderus, cujus Pharm. omnibus notissima.

Spir. vini vitriolatum.) Cujus usus sanè cautionem postulat.

Ol. balsami artificiale.) Vid. descript. & censuram nostram Cent. IX. Confil. exoteric. Confil. LXXXIX.

LXII. Catarrho obnoxiiis errhinum Empirici Germani, quem à Calvatio depilatum vocabant, in Italia celeberrimum erat clō Ixc. Hunc imitatus Chirurgus Altestinus clō Ixcii. solo succo hederæ arboreæ utebatur.

NOTA.

Errhinum.) Conf. quæ de curatione ejusmodi catarrhi empirica commemorant Naturæ Curiosi in Ephem. suis ann. I. Obs. XXXIV.

LXIX. Nobilis Mediolanensis *calculosus* jam conclamatus, convaluit sem. violar. & bardanæ, cum fol. quercus, faxifrag. & gran. lauri in pulv. redactis.

NOTÆ.

Sem. Viol.) Erat hoc Experimentum quondam Jo. Cratonis apud Laur. Scholzium & nobis quoque sæpius cum successu adhibitum, sed non in conclamatis, quibus vesica onerata.

Bardanæ.) Vid. de Aretio Diosc. IV. c. 91. p. 106.

LXX. *Chlorosin* in virginibus J. C. Scaliger curabat aqua Cruciatæ & Ulmaria. Rhabarbarum quoque & Agaricum cum saccharo, aqua absinthii prius irroratum exhibebat.

NOTÆ.

Cruciatæ.) Gentianæ familiæ adscriptam intelligas oportet. Nam alia est cruciata Dodonæi, quæ nec ipsa tamen aliena esse posset.

Ulmariæ.) Huic vim tergendæ purgandique adscribit Tragus l. suprâ c.

LXXI. *Ischiadem* in Domina de Chesnay curavit D. Scotus post corporis lustrationes, fotu radicis cyclaminis cum vino Græco & urina impuberis infusæ & contusæ; illito deinde Balsamo ex sebo cervino, adipe humano, opopanace, agriemonia, adianto, myrrha, caphura, lumbricis terrestribus, vinolotis, catulis, & oleo spicæ ac ceræ præparato. At Josephus Quercetanus, Philippo Meraldo, Medico Casteldunensi experimentum suum laudavit, oleum olivarum cum felle bubulo digestum, illitum à lotionē & fomento prius adhibito, ex aqua Marcasitæ argenteæ cum urina & vino destillata.

NOTÆ.

NOTÆ.

Cyclaminis.) Conf. Diosc. qui II. 194. laudat *πρὸς σέμματα καὶ πρὸς ἀγρᾶν.*

Catulis.) Hoc igitur experimentum non debuit à Zuelfero in Pharm. R. p. 242. ceu novum jactari, cum ejusdem etiam mentionem Platearius faciat ex Ebnzacharia Rasæo, qui sexcentis abhinc annis vixit. Add. Petr. Borell. Cent: III. Obs. XXIX.

Felle bubulo.) *πάσαι αἱ χολαὶ δριμεῖαι διεργασμένα.* Diosc. II. 96. *ἐμπρακτικῶς αὐτῇ δὲ ἡ τρυφεῖα.* ibid.

LXXII. *Coli dolorem* sæpè curatum observavit Affelinæus spir. vini melis-
sato cum succo Chelidonii & spir. Θi misto.

NOTA.

Chelidonii.) Aperit enim, incidit, terget, bilemque educit.

LXXIII. *Menstruis suppressis* idem singularissimum invenit costum Indi-
cum: ex quo electuarium Costinum componebat addito croco, cinamomo,
xylocassia, & trochiscis de myrrha.

NOTA.

Costum Indicum.) Imò potiùs amarum Syriacum buxei coloris, qualem
nostræ officinæ habent, nec alium, nam candidus, Arabicus & Indicus dulcis
est, id est, minus calidus & acris, quàm ille, quod verè Ebn sina lib. II. cap. XIX.
commonuit. Sed apud eundem, quod Plempius vertit, præstantissimus cèn-
setur candicans, & mox: succendit Indus niger & levis: sequitur niger Syria-
cus. Sic legendum deinceps est, p. c. c. l. I. niger & levis, sequitur buxeus sive
flavescens Syriacus, *صفرالندي اسووالسورياني*

LXXIV. Idem Θ volatile Terebinthinæ ex fumo collectum, pilulis, & spi-
ritu, quibusvis aliis ejusdem remediis efficacius deprehendit, ideoque arcanum
certum alios celavit.

NOTA.

Θ volatile.) Atqui celari non merebatur. Cui enim non dictus Hy-
las.

LXXV. G. Turnerus sal Hi ex minio cum urina parabat, & aurum pota-
bile pauperum appellabat, quia omnibus adfectibus conferre expertus erat,
quibus & illud commendatur.

NOTA.

Θ Hi.) Præparatur cæteroquin cum X. o. Sed parùm interest, nisi quod
cum isto paratum Kalinum xideatur, s. ut vulgò vocant Alkali: cum urina autem
magis

magis accedere videatur ad volatilia. Interim usum cur plerique suspectum habeant, non liquet; quia multa alia similia ex metallis non reformidant.

LXXVI. Idem & laudano opiato præferbat laudanum ex ol. Œii per deliquum paratum, adjectâ myrrha, croco, mastiche, margaritis & auro bracteato tenuissimo.

NOTA.

Ol. Œii.) Est enim etiam in Œ , ut in aliis pluribus, vis pariter anodyna & diaphoretica: de qua in Pharm. plura.

LXXVII. Narcosin opii in oleo potissimum consistere, experimento suo probabat Asselinæus, quia per retortam extracto, sal residuum in fundo amarum diaphoreticum, non aliâ qualitate pollere ostendebat.

NOTA.

Oleo.) Conf. Helmontium tr. de Duumviratu §. IIX. quod ante illum jam dudum Angelus Sala observarat sect. VI. Ess. vegetabil. c. II. & Felix Platerus de Narcoticis omnibus verè adfirmabat lib. III. Obs. p. 504 & Con. Gesnerus lib. I. Epist. f. 46.

LXXIX. *Coli dolorem* à vini potu Germanis familiarem in plurimis sanabat Joh. Gregorius Gobelius, Archiater Moguntinus, & deinde Bavaricus: clysmata infundendo emollientia potius quàm acria: potione exhibita ex Manna & Rhabarb. c. aq. chamæmeli: sed si paresis jam supervenisset, hieras dabat aliaque purgantia validiora: abdomini & artubus illinebat spiritum vini cum oleo juniperino mistum.

NOTÆ.

Emoll. potiùs.) Conf. quæ de coli dolore bilioso notavimus ad Jerem. Martii Obs. XXXIII.

Cum ol. juniperino.) Ineptè. Cur enim non ipsum spir. juniperi sincerum, si conveniat: aut oleum unguento aliquo alio remixtum.

LXXIX. Parùm distant ab istis *coli dolores* biliosi, qui viro nobili tam atroces & tam diu molesti erant, ut de salute illius plerique desperarent. Hic tandem Balsami Peruanii nigri guttula j. in jusculo exhibita restitutus est. Sed id D. Heldinerii Belgæ arcanum experimentum erat in quo vis ejusmodi dolore, à quacunque causa exortus esset.

NOTA.

Bals. Per.) Non convenit id cæteroquin in biliosis, interno usu, nisi ab acrimonia fortè intestina erosa fuerint. Sed quid hoc casu guttula j. præstare potuit? Sunt alii, qui ad Œss . & Œj . usque propinant. Nos mallemus Tolutanum siccum, aut Opobalsamum or. verum exhibere. Nam nigrum istud Americanum anotexiam & ventriculi subversionem inducere certum est, ut

nauseam etiam adsummentibus moveat, quod saepius etiam in me ipso expertus sum.

LXXX. Empiricus Castrofrancanus, notante Affelinæo, in febribus insigni emolumento purgantibus diacodium addebat, curationem reliquam aqua Ulmariae per diaphoresin perficiebat.

NOTA.

Diacodium.) Vid. quæ de mixtura diaphoreticorum & purgantium diximus Epifagm. nostrorum Obs. LXXXIV. Est enim eadem ratio Narcoticorum. Omnia enim Narcotica etiam sunt hydrotica & diaphoretica, nisi impediuntur, ut supra ex Plateri mente diximus §. LXXVII.

LXXXI. In duabus personis cancro exulcerato laborantibus D. Pageot, Med. Parisiensis, expertus est folia clymeni contusa & imposita plurimum profecisse.

NOTA.

Clymeni.) Id est, Periclymeni, quod vulgò Matrisilva.

LXXXII. Pleuritidem flor. buxi & bardanæ in plerisque curatam adnotavit Petr. Affelinæus.

NOTA.

Flor. Buxi.) Tàm sunt isti exigui & verè non multi, ut collegisse operæ pretium non videatur. Quid multis opus? Rulandum vide, qui oleum suum Heraclium saepius commendavit. Plerique quidem id ex Guajaco aut corylo destillatum suspicati sunt: nonnulli tamen etiam ex buxo. Nec multum refert. Omnia prodesse possunt. Neutrum ex istis omnibus palatò gratum est, sed foetet, & sapore adustiligni amaricat.

LXXXIII. Idem suo tempore Romanis Medicis ad febres malignas & venena cruciatam Dodonæi in pretio fuisse commemoravit.

NOTÆ.

Cruciatam Dodonæi.) Huic vim aperiendi cæteroquin & vulnera curandi attibuent.

LXXXIV. Inter externa ad atrophiam ol. Mumiae cum pinguedine humana nihil præstantius animadvertit idem D. Eucharjii experienciâ.

NOTA.

Ping. human.) Dixisse debebat quo usu, externo, aut interno? Dicamus igitur nos, utroque: sed ægrotus id nesciat, necesse est: si meliora Medicus ignoret.

LXXXV. Spongiolæ juglandium secreto Italorum Chirurgorum experimento *ulcera genitalium* peregre regiè desiccant.

N O T A.

Spongiola fnglandium) Hoc illis cum spongiolis cynorrhodi commune sapius expertum est.

LXXXVI. Fuit qui *hydropi* lapillosum vomitum chelydri expertum profitebatur.

N O T A.

Chelydri) Est lapis chelydrites, sed fossilis, qui spiritu Si in pollinem chemicum redactum hydropi commendatur: à formâ nomen inditum. Sed qui hunc vomitum laudabat, serpentes aquaticos ad solem in aëre suspendi volebat, suppositâ pelvi aquâ plenâ, donec lapillum evomissent. Experientiâ id relinquendum. Nam & vomitus Helmontio celebratus adeò rarò impetrari potest ad pestem, ut cum hoc ipsi suboleret, *gens phylæor* excogitarit: bufonem, nisi probè animadvertatur, quæ rejecerit, statim denuò transvorare, nisi prohibeatur, sc. appposito aliquo custode, qui Argô sit oculator.

LXXXVII. *Dentes corruptos integros eximere* licet, si cicada æstatè inter segetes cantando se oblectans contusa imponatur. Hoc adeò certum prodidit Asselinæus, ut multam pro arcano pecuniam ab Chirurgis sibi persolutam professus sit.

N O T A.

Cicada) Idem de ranis arboreis viridibus nonnulli adserunt, quibus tamen experientia nondum adstipulatur.

LXXXI X. Chemiatus Neapolitanus *verminosos* curabat, verme vivo ventriculi regioni superadligato, donec emoreretur, hoc enim facto omnes in corpore reliquos simul commori adfirmabat.

N O T A.

Verme vivo) Quamquam id nobis dubium videatur, ex symbolismo tamen naturæ causa deduci posset.

LXXXIX. Ad *hyper sarcoses* pulverem peti maris inter arcana Com. Gambaræ Brixienfis non infimum erat.

N O T A.

Peti maris) id est, Nicotianæ in primis Indicæ sive Virginianæ.

XC. Ad lumbricos intestinorum extremum remedium Carolo IX. Galliarum Regi datum, D. Harlæus perscripsit aquam, in quâ plumbum liquefactum aliquoties extinctum esset, sed ventriculum tamen eodem valdè refrigerari. Hoc ab illo acceptum D. Dansæus deinde in pluribus optimum deprehendit Castrofranci in primis in D. Novelli filio, jam morti proximo.

N O T A.

N O T A.

Plumbum liquefactum) Omnes aquæ metallicæ huic intentioni aptæ, etiam chalybeata, aurata, mercuriata, stannata, vitriolata, antimoniatæ & similes.

XCI. *Hydrophobia* experimentum sæpissimè comprobatum à Damicella du Puys succuserat Chrysanthemi expressus, cum vino exhibitus. Sed P. Asselinæus præterea addebat pulverem mediæ corticis cynorrhodi.

N O T A.

Chrysanthemi) vulnerariâ vi præditum herniis commendatur à Trago p. I. c. XLV.

Cynorrhodi) Vid. Plin. l. 34. Est enim vetustissimum remedium incubatione ab Æsculapio proditum, cui fidat, qui certiora non didicit.

XCII. Idem in morbis malignis Alexipharmacum Venerabilis Bedæ magnificiebat. Est verò non aliud, quam infusum papyri litoralis, quam ex Hiberniâ acceperat, ab amico navibus transmissam.

N O T A.

Papyri) Nondum nobis quisquam compertus, qui papyrum Hibernicam descripserit, nec tamen dubium, præter Ægyptum & Indicam, etiam aliis locis, & in Europâ non minus, quam Asiâ & Africâ provenire; ad arundines enim pertinet, quæ ubivis ad mare & flumina obviæ.

XCIII. *Tenasmo* molestissimo suffitum conorum abietis præsentissimum remedium sapiùs adhibuit J. V. Rumlerus, Poliatus August. & intestino recto deinde illini iussit mucōres seminum psyllii & cydoniorum cum aquâ ebulli elicitos.

N O T A.

Conorum abietis) Habet enim vim vulnerariam & ulcerariam: & humores acres in tenasmo intestina rodendo sæpè exulcerant.

Mucōres psyllii) Conf. Diosc. IV. 70.

XCIV. Pellendis *secundinis* spir. Thlaspeos myagroidis, & aquam Xyridis tanquam summum remedium commendavit Jo. Veslingius. Fit autem ille ex sem. cum V. Hæc ex radice destillatur.

N O T A.

Thlaspeos myagroidis) Diosc. II. 186. κινεῖ καὶ καταμύσσει ἐμβρυα φθίρει.

Xyridis) Diuretica enim est, Diosc. IV. 22. Omnia autem, quæ urinas movent, suo modo etiam menstrua cient, & foetus expellunt. Nec aliter alvi profluviiis prodest, quam humorum abundantiam divertendo, ut cum lotio excernantur, quâ de re idem l. c.

XCV. *Doloribus uteri* à partu molestissimis experimentum incomparabile Catharinæ Medicæ Reginae, ex Mso Florentino, Thom. Stromajerus Med. & Chir. Cæsareus, nobis reliquit, pulverem fol. sen. polypod. card. ben. sem. fœnic. & fl. menthæ.

NOTA.

Pulv. fol. Senæ) Nil isto opus. Tutius calidis discutientibus uti. Sena enim flatulenta est. Nec calor corporis à partu, quem nonnulli febrilem falso putant, cum sit à labore, prohibet; quod Theod. Mayeri experientia in tr. Ms. de curâ gravidarum abundè firmatum in plurimis nostratibus verissimum deprehendimus: etiam cum alii inutili disputatione & tergiversatione miseras ferè ad desperationem redegerissent.

XCVI. At extra tempus puerperii à flatibus turgentem dolentemque uterum egregiè juvat Erigeron seu senecio dicta herba, aliis Jacobæa, si cum vino decocta bibatur, & cum Sale in sacculis pubis regioni imponatur, Herbariæ nostratis experimento.

NOTA.

Erigeron) Hoc multò efficacior est cinerariâ marinâ Africanorum, quæ in hortis nostris colitur & perennis est, si à frigore nivoso ac glaciali protegatur. Hæc *عقولن أبهم* Ebnsinæ est, & verum Parthenium Hippocratis. Non enim differt Asiatica ab Africanâ, nisi loco natali.

XCVII. Resina Gardopatiæ ad præfocationem uteri, arcanum non revelandum videbatur, D. Wolfgango Mellæo.

NOTA.

Resina Cardopatiæ) Si hæc Chamæleon album Diosc. fuerit, ineptiunt, qui Gummi ejus seu resinam Ixiæ nomine celebratam veneni crimine infamare conati sunt.

XCIIX. *Sterilitati* mulierum, institutis ex arte purgationibus, & V. S. si opus fuerit, nihil præstantius sibi cognitum in variis suis Practicis reliquit J. V. Rumlerus, quàm infusus Valerianatos ex aqua pluvia concinnatos.

NOTA.

Valerianatos) Conf. Diosc. l. 10.

XCIX. Antonii Vigaræ, Med. Patavini æmulatione Thom. Stromajerus *psoras & leprosas* dispositiones curabat sero rosato cum *Θetheriaco* diutius potato, cui per intervalla aliquot dierum Conf. fumarix usum cum *g* dulci interponebat: postremò ad balnea ægrotos deducebat.

NOTÆ.

Θetheriaco) Communi quidem illo, quod ex Galeno transcriptum Aëtius repetiit, & Pharmacopœiæ suæ etiam ----- inseruerunt.

g dulci)

¶ *dulci*) Vid. tamen, quæ de Hydrargyri usu quocunque in leprosis cavendo monuimus Chiliad. II Obs. Cur. LXXVII.

C. Ad *Luem Indicam* peregrinum nostrisque novum experimentum Jo. Veslingius noster orientalium populorum usu adseruit Decoctum *Stœbes marinæ*, quam nonnulli *Smegma Vegetabile* appellarint. Copiosum enim proventum illius in litoribus *Ægypti*, *Palæstinæ* & *Arabia* retulit, quæ loca ipsa adierat.

N O T A.

Stœbes marina) Non tam sudores ciendo, cum illis locis sub sole plus quam satis sudetur, & ventilationibus potius opus sit, quam hypocaustis & caminis: sed detergendo & sanguinem purificando, per insensilem maximè transpirationem, aut etiam per urinas: quod tamen paucioribus commodum verè pronuntiabat, iis sanè nunquam proficuum, quibus genitalia læsa. Eadem prope modum vires plantis cognatis sunt, *stœbi*, *scabiosæ*, *succisæ*, *Serratulæ*, *jaceæ*: conf. quæ adnotavimus ad H. Reusneri Obs. LXVI. & CLXXIII.

II.

MICTOMIMEMATA.

I. Seni à bove sinistro latere *confuso* sectâ venâ Jo. Prevotius applicuit unguentum *Foscarenî*, manusque vesperi fricari iussit ad revulsionem.

N O T A.

Foscarenî) celeberrimum hoc descriptum vid. in Secret. ejusd. p. 5.

II. *Cephalaam* contumacissimum, nullis remediis cedentem, vesicatoriis internæ coxarum parti admotis aliquoties sustulit *Benedictus Silvaticus*.

N O T A.

Coxarum parti internæ) Revulsione sc. longissimè instituta, quæ ideò commodissima propter insignia vasa, tam sanguiflua, quam lymphatica & nervosa, quibus maximus consensus per spinam dorsum cum cerebro.

III. *Herpeti miliari* efficacissimum Succum *Tabaci* expertus est *Andrighetti*. Andrighettius.

N O T A.

Tabaci) Exulcerato sc. sed quem unguento rosato aut albo caphurato permiscere utile fuerit. Ab unguento autem *Nicotianæ* nullum effectum felicem unquam observavimus.

IV. *Carunculam vesicæ* Emplastro *Divino Fernelii* feliciter curavit *Adr. Spigelius*.

N O T A.

Empl. Divino Fern.) Id. vid. apud ipsum in Pharm.

V. Nobis

V. Nobiles Venetæ nucleis nucis Indicæ lacte nutritis multum impinguantur.

NOTA.

Nucis Ind.) Jucundum hoc remedium, multoque commodius, quàm ol. ejusd. expressum ex conis sc. Palmarum Indicarum: de quibus conf. Jo. Prevotium de mater. remed. p. 218.

VI. Polonus *dysentericus* & febriens, in statu morbis tantam necessitatem fuligines expellendi ostendebat, ut nulla arteriæ dilatatio observata fuerit, notante J. Prevotio.

NOTA.

Nulla arteria dilatatio.) Adeò sc. distenta semper arteria, ut perpetua diastole videretur: sed huic rei dubium occurrit: quod nulla diastoles sensu, nullus etiam systoles esse possit, sed una & continua ἀσφύξια. Si enim systoles sentiantur, etiam diastole sensibilis erit. Nec licet unquam unam sine altera cognoscere aut sentire, imò ne mente quidem rectè concipere.

VII. *Hyposphagmata* cum successu curabat Adr. Spigelius Tutia c. ✕o applicita aut vino rubro instuppa.

NOTÆ.

Tutia c. ✕o.) Lota commendatur ab Ebn sina lib. II. h. II. c. XXIII. siccandi facultate insignis, c. ✕. incidendi, attenuandi & discutiendi superaddit.

IIIX. Idem extracto siliquæ marinæ ad ventriculi angores feliciter utebatur.

NOTA.

Siliqua marina.) Ἀσπύ Græcis jactationes ægrotantium ab oris ventriculi vellicatione, quam plerumque ichores biliosi, serosi acresque excitant. Ipse quidem fructus ventriculo adversatur, sed serapium ejusdem cum decocto capitum papaveris nobis satis expertum est, omnibus humoribus acrioribus fluxione concitatis demulcendis.

IX. Succus parietariæ sanguinem sistit, novo experimento Chirurg. Pata-vii.

NOTA.

Succus Parietaria.) Plin. XXII. 17. ex Dioscoride IX. 81. sideritin appellat. Hujus autem vires, sanguini sistendo efficacissimæ, cujuscunque generis fuerit, quippe vulneraria eximia. Nam Aëtius Paralogismo causæ ludit, quod hæmorrhoides cum sale trita aperiat, cum sal quodvis id solum peragat.

X. Trochiscos viperinos in *comatosis* affectibus singulares expertus est J. Prevotius.

NOTA:

NOTA.

Viperinos.) Empiricus Venetus his stillatitium liquorem ex vermibus præferebat, efficaciorē, ut putabat, quā ex ipsis carnibus elicium.

XI. Adfectibus *uterinis*, alvo difficili, *δραστήρια* nocentissima observavit idem.

NOTA.

δραστήρια.) id est, vehementiora purgantia omnia, Lenientia igitur semper præferenda, quod sæpius experti sumus.

XII. In *calculo* usum *aparines* præstantissimum expertus est idem.

NOTA.

Aparines.) Effectu sanè notabili, cujus nemo Rhizotomorum hætenus meminit.

XIII. Probatum est remedium, *bursa pastoris* soleis pedum supposita, in *Cephalalgia*, ejusdem observatione.

NOTA.

Bursa pastoris.) Non est ejusmodi Hypopediis & Epitharsiis diffidendum, nam vis illorum in venas transumpta per cutis spiracula ad cor ipsum tendit circulari sanguinis motu.

XIV. *Nattam* ab opio appposito absumptam vidit D. Lælius.

NOTA.

Opio.) Conf. Historiam, quam Vop. Fort. Plempius recenset de Scirrho jecoris, Prevotii relatione exot. in Ebn sina lib. II. c. II. c. I.

XV. Phlegma *Θι*, infusum sandalo doloribus *podagricis*, præsentissimo auxilio admovit idem.

NOTÆ.

Phlegma Θι.) Quin ipsum spiritum acidularum Kyperianarum tumoribus frigidis quibuscunque, etiam *podagricis*, & nodis, Veronæ & Mantuæ feliciter adhibuit nostro tempore Petrus à Castro, qui tamen cautione opus habet.

XVI. In *Asthmate* & *Orthopnoëa* V. S. optimum remedium, statim ante usum thoracicorum instituta, hunc enim præmissum, ægrotum præfocasse observavit idem.

NOTA.

V. S.) Quod in Pleurorthopnoëa maximè evenit, de qua Vincentius Baronijs tr. singulari.

XVII. Expertum est summitates juniperi teneras non minùs purgare, quā turiones sambuci.

NOTA.

Juniperi.) Sed valdè teneras esse oportet: adultiores enim aculeati, & esui inepti evadunt.

XIIX. Rhizotomus Patavinus experimentum Prosperi Alpini retulit, Salviā Creticam ad instar scammonii purgare.

NOTA.

Purgare.) Sunt qui de hormino quocunque id affirmant. Nos dubitamus, & sæpè aquis destillatis, essentiis, spiritibus, & quandoque etiam succo cum conservâ utimur, nullâ succedente alvi lenitione, nedum purgatione foriori. Pulverem tamen cum butyro puerperis Epomphalii loco optato eventum imponebat Veslingius noster, quem nos sæpissimè imitati sumus cum obstetricantes solo butyro antea frustra usæ essent.

XIX. Vulgare est remedium rusticolarum in Italia, ambustis folia Phyllitidis recentia applicare: præsentissimâ ope: unde & Herba de Scottatura dicta.

NOTA.

Phyllitidis.) Egregium sanè remedium, sed commodè adhibendum, quia haut parùm adstringit, etiam apud Dioscor. III. 121.

XX. In Melancholia Hypochondriaca Tincturam lap. Lazuli expertus est Dominicus Sala.

NOTA.

L. Lazuli.) Quæ facilis paratur, quemadmodum & Magisterium ejusdem etiam pictorum pueris notum, si quorundam sententia admittatur, ex colore vires a stimantium.

XXI. Idem Ram Dæ nullam esse observavit. Sed si quæ sit, potius q̃is dicendam, quæ ab illâ non separata sit: & Dæm quoque ignis operâ in q̃ redire.

NOTÆ.

Ram Dæ.) Hoc dubium videtur: aut saltem audaculum. Et Dæ etiam in capella, ut vocant, ab aurifice depurata. quæ purissima & alieni nihil habet, Ram elicuimus, quæ q̃i adscribi nullo modo potest.

Redire.) Hoc liquorum metallicorum ope impetrari quidem potest, sed inutile & nemini desiderandum opus: igni enim nudo depuratur potius, quàm destruitur, & septies excoctum purissimum redditur. Nec vera transmutatio est, neceductio, sive extractio: sed combinatio.

XXII. *Atrophiam* à scabie venarum V. Se curavit Hercules Saxonia.

NOTA.

Scabie Venarum.) Scabies cutis adfectus, quomodo venis propriè adscribi queat, non liquet. Alii dispiciant. Nobis abstinere his satiùs videtur, ne ineptire, aut saltem externa internis confundere videamur.

XXIII. *Excrementia* indolens, frustra emollientibus & digerentibus tractata, evanuit imposito Ho in aceto sambucino macerato.

NOTA.

Ho.) Satis quidem est Hi usus solus, ut etiam auri, aut Malagmatis hydrargyri. Qui tamen aliquid singulare ex \times o sibi pollicetur, Hum liquidatum in illo exstinguat, & ejusdem commisceat.

XXIV. Aqua panis in febris Hungarica, summum alterans, felicissime exhibita est ab empirico.

NOTA.

Aq. panis.) Conf. Chiliad. I. cur. Exoteric. Cur. ICCXXVI.

XXV. Eustachius Rudius duas *hystericas* restituit V. S. in poplite jam conclamatas.

NOTA.

In poplite.) Vid. de hujus sectione Castellani in phylacterio suo: & add. quæ nos differuimus Exerc. nostrâ de Vena Medin. c. X.

XXVI. *Verrucis* in Corona penis, ab impuro congressu pulvis radicis *Petasitæ* expertus est Adr. Spigelius, & pulveri Savinæ prætulit.

NOTA.

Petasita.) De Savinæ baccis Ebnfina lib. II. h. II. c. I. vehementer digere & re & desiccare cum morfu sive acrimonia. Ulceribus malignis & phagedænicis Diosc. commendat IV. 108.

XXVII. Fluxus alvi in lue Hungarica nunquam diaphoresi sistendus est, subsistens enim mala ulcera in habitu corporis excitare solet.

NOTA.

Subsistens.) Id vix credibile videtur. Sistere quidem noxium, sed non per diaphoresin: Adstringentibus igitur & constipantibus in corpore subsistunt humores ulcerum causæ: Sudoriferis à corpore excluduntur, quibus si clysmatum usus accesserit, periculi nihil restare potest.

XXIIX. In Coli dolore aliquando pectoris dolor observatus, alternis molestissimus, uno sc. crescente, altero remittente & vicissim.

NOTA.

Alternis.) Id nisi vicinia diaphragmatis factum sit, translatione certè ichorum per lymphatica & arterias accidit.

XXIX. Qui proclives sunt ad lepram, non debent unctionibus hydrargyri subjici, nec aliis quibuscunque medicamentis *σιλοκινησιμοῖς* uti, quia his lepra sepulta in facie mox se prodit.

N O T A.

Hydrargyri) Eò enim tendit Hydrargyri vis omnis, & sursum commotis humoribus vitiosis proclivis ista adfectus rectio.

XXX. Si dolor aliquam corporis partem occupet, & ibi pus contineri suspicio sit sudante ægroto, præcipuè circa vultum, & dolore permanente, certissimum habendum pus illa in parte dolente colligi, unde licet non mutetur color partis, tamen aperienda est, ut evacuetur: experientiâ comprobante.

N O T A.

Aperienda est) Id sæpè faciendum, etsi tumor nondum suppuratus appareat.

XXXI. Infantes quoque recens nati tumorem in capite circa futuram coronalem secum ex utero adferunt, hic gossypio moschato imposito curatur, frequenti Italorum experimento.

N O T A.

Tumorem) Inflationem verius, quam phlegmonem dixeris, & Oedemato den potius molliculum, quam durum.

Moschato) Siccando pariter, & discutiendo. Est enim in moscho vis extrema dissolvendi, & acrimoniam quandam habet, qua recens & genuinus etiam sanguinem ex naribus provocat.

XXXII. In *hecticis*, si coxa doleat & intumescat, mortem instare observatum est: quod etiam fit, si vermes excernere incipiant.

N O T A.

Si Coxa) Fit enim abscessus quasi criticus, non naturæ robore, sed *ἀνάσσει* est, per epigenesin & metathesin vitiosam & inutilem.

Vermes) Denotat enim humorum vitiosorum abundantiam, & caloris nativi diminutionem. Etsi enim ex propriis seminibus generentur, nunquam tamen sine vitiosis ichoribus in corpore stabulantur.

XXXIII. Observati sunt nonnulli, dolore capitis excruciatii super utrumque cilium hærente, pulsante & angusto loco contento. Hic solis exortu statim incipiebat, occasu desinebat. Opinio erat ex sanguine calidiori & arterioso fieri: erat enim dolor pulsatilis, omnesque verno tempore laborabant, manè dolor mitior erat, circa meridiem invalescebat, noctu cessabat, refrigerato scilicet sanguine noctis frigore. Post universalia frontale ex verbenâ contusâ profuit.

N O T A.

Cilium) Barbari Med. superiorum seculorum ejusmodi adfectum Clavum solebant appellare, quod tanquam clavus certo alicui loco eoque exiguo capitis infixus

infixus videretur: Sed in temporibus maximè aut fyncipite. Hoc igitur rarius in fronte, ejusque parte, Cilio utroque, ubi sc. nervus Opticus divaricatus in oculos tendit, comite arteria ex carotide oriunda.

Pulsatilis) Exiguæ quidem arteriolæ sunt, quæ illic conspiciuntur, sed communione generis & successione quâdam cum vasis majoribus dolorem ingentem pulsatilem fieri verosimile apparet.

Noctis frigore) Non tantum hiberno tempore, sed etiam æstivo: Solis enim absentia vapores Geocosmici non adscendunt altius in aëre, radiis illius rarefacti, sed circa terram crassiores hærent, unde refrigeratio.

Verbena) Sæpius cum alii, tum etiam nos illâ usi sumus, sed nihil magnifici observavimus, quod non fidelius flores papav. rhœados nobis præstitissent.

XXXIV. Quibus *Oculifluxione* laborant, & lentore à somno palpebræ inviscantur, aqua rosar. in quâ parum aloës dissolutum, curati sunt.

N O T A.

Aloës) Sunt qui lotam accipiant, ne mordacitate obsit. Sed id tum demum laudari potest, si ad ulcera desiccationis gratia expetatur. Hoc enim casu absterfioni illota aptior. Ne noceat, grana tantum duo aut tria satis fuerint ad totidem aquæ uncias.

XXXV. Mulierum venetarum creberrimum certissimumque experimentum ad hysterica adfectionem est H. Botrys, externo & interno usu mirè utilis.

N O T A.

Botrys) Non meminit facultatis hujus Diosc. III. 130. Sed dum Ambrosiam & Artemisiam Cappadocum commemorat, hunc quoque usum tacitus videtur innuisse.

XXXVI. Iisdem ad *fucos manuum* \ominus lithargyrii cum Ol. amygdal. in pretio testatus est D. Lucius, Chemicus Patavinus.

N O T A.

\ominus *Lithargyri*) & Marcasitæ, & \mathbb{Z} & \mathbb{H} i quoque his utilis.

XXXVII. Movendis menstruis paucula folia laureolæ cum vino decocta. Nobilis fœmina in arcanis habuit Venetiis à celeberrimo Medico Cremenfi edocta. Non movebant vomitum, nec alvum biebant.

N O T A.

Laureola) Vid. Diosc. IV. 172. de Chamelæa. Eadem vis etiam Thymelææ & Cucoroejusdem IV. 173. quod si non idem fuerit cum Matthiolano illo apud nos frequentissimo, saltem hoc nostrum, mensibus movendis & abigendis partibus exemplum memoravimus Hecatoestæ I. Obs. XCV. Quia omnia purgantia menstrua ciere solent, sed justà nec minori quantitate.

XXXIIX. *Fissuris mamillarum* unguento rosato illito, folium hederæ terrestris impositum præsens remedium obstetricum quarundam in Italia. Ex pede columbino s. Geranio Rob. manibus contrito quasi pileolum efformant fœminæ in Gallia, & cum successu applicant.

N O T Æ.

Hederæ) Egregiâ enim facultate glutinandi pollet.

Geranio Robertiano) Hoc etiam ad vulneraria & ulceraria pertinet: Felicius tamen res successerit, si gossypium succo imbutum, apposueris, aut etiam pileolos ex cera Geraniata efformaveris.

XXXIX. *Ulcus venerenum* putrilaginosum & exedens, solo usu aquæ stillicitiæ bolbiti, interno & externo, curavit D. de Nove.

N O T A.

Bolbiti) Est enim illi vis detergendi insignis, quam non tamen ex pasturâ omnium florum, ut vocant, accepit, sed ex fermento ventriculi & intestinorum, cum succo pancreatico, & bilis quoque aliquâ portione.

XL. *Grassante febre pestilente* D. le Feure, succum calendulæ cum vino alb. propinabat. Plerique convalescebant.

N O T A.

Calendula) Hoc etiam Veslingii nostri arcanum experimentum erat, quod fidum deprehendimus.

XLI. *Limacem pratensem* cubito adligatum, indicio Jac. Sylvii omnes febres curare expertus est Petrus Aslelinæus, qui tamen etiam aquam acetosæ campestris s. rumicis exhibebat.

N O T A.

Limacem) Sunt etiam, qui ranas virides arboreas dictas sanare adferant, si manibus detineantur, donec expirent. Id si contigerit, non tam idea aliqua pavoris aut Archei commotione Paracelsicis excogitata, fieri solet, quam fermentationis p.n. in sanguine cohibitione per vapores illi communicatos, & com meatu humorum circulari ad cor ipsum delatos.

XLII. *Mulier flores ligustri* in vitro soli exponēbat, addito pauco olivo, ne in pulverem siccarentur, colliquati q. in balsamum vertebantur, quo in Italia magna fama utebatur ad *scrophulas & ulcera* omnia putrida.

N O T A.

Ligustri) Licebit etiam ex illis non tantum vulgaribus, sed etiam orientalibus sive Cyprinis oleum parare odoratum & efficax, sicut ex jasmينو & myrto.

XLIII. *In coli dolore* omnia irrita. Decoctum chamæmeli in jusculis profuit. Sed mox recurrit. D. de Laigre V. Sem instituit. Cessavit.

N O T Æ.

Chamameli) Hoc multum præstat oleum destillatum sapphirinum, quod omnibus notissimum.

V.S.) Quippe biliosus erat, ichoribus sanguini commistis, & per vasa sanguiflua circumlatis.

XLIV. Cardinalis Ferrariensis ad *hemorrhoides* usus est cum insigni levamento adipe felis domestici saginati.

N O T A.

Adipe felis) Sunt tamen, qui cati silvestris præferant. Lenitioni sanè doloris pinguedines omnes idoneæ, nullo delectu scrupuloso.

XLV. In *Ischuria* vinum, quo radix filipendulæ rubræ infusa, mira præstatur.

N O T A.

Filipendula) Conf. Diosc. de Oenanthe III. 135.

XLVI. *Mammilla* adfecta raro ad sanitatem reducitur, nisi altera sana à lacte siccetur: Siccatur autem, si sugenda non præbeatur, & farina fabarum ac lentium cum aceto decocta imponatur. Hoc enim remedio nihil convenientius expertum, sive mammæ sive testiculi minuendi sint.

N O T Æ.

Fabarum ac lentium) Conf. J. V. Rumleri Obs. XCI. in Sylloge nostrâ.

Nihil convenientius) Si cum cautione prudentur usurpetur. Malignitate enim præsentē aut acrimoniâ ichorum percussâ, gravissimi adfectus excitantur.

XLVII. Muscus terrestris Germ. *Morsebab* quasi mors vetulæ, clavato similis, sub abiete minus tamen repit. Expellit per vomitum omne venenum, & quamvis vehemens videatur, tamen sine periculo est: in *sudore Anglico*, febribus & *podagra* expertus à Petr. Affelinæo.

N O T Æ.

Muscus terr. Germ. Morsebab.) Germanis rectius dicitur *Beerlapp*: *Gürtel-Kraut* id est, Lycopodium s. Cingularia: vid. Hier. Tragi herbar. lib. I. c. CLXXXIX. qui *podagræ* pariter, sed externo tantum usu commendat.

Sudore) Vid. quæ ex Rondeletii sententiâ notavimus ad A. Gasseri Obs. XXIX. Nemo enim, quod sciamus, vomitum hoc casu valde laudavit, ut saltem notari mereatur.

XLIX. *Impetigines* oleo ceræ cum flor. *Ælis* & *Gaphura* feliciter curantur Idem.

NOTA.

NOTA.

Ol. cera cum fl. Δ .) Sed si quis nostrum consilium non adspernabitur, præferet Bals. Δ is Rulandinum, addetque si opus sit, ejusdem Emplastrum Dia Δ dictum.

XLIX. *Partum provocat* certo experimento interna pellicula ventriculi capi. Idem.

NOTA.

Pellic. ventric. capi.) Nec capielectio prægallinaceis quibusvis, nec pelliculæ ventricularis natura satis apta videtur huic instituto. Nec plura addimus, nisi ut experimentum fiat. Si enim successerit, aliter deinceps de talibus philosophandum erit, quàm vulgò fieri solet. Nos tamen experti sumus, cordialia, etsi adstringentia, pleraque partum promovere, roboratâ sc. naturâ, cujus id opus unicum est.

L. Pulv. thuris masculi ad 3j. ex ovo sorbili sæpius data idem plures *Gonorrhoeicos* percuarvit.

NOTA.

Thuris masculi.) Idem facit & Mastiche & G. Animé, quod arcanum cujusdam experimentum novimus & quæcunque alia ulceraria. Nec enim aliud est gonorrhœa, quàm ulcus parastatarum, de quo Epilogm. nostr. Obs. LXVII.

LI. *Gummi* s. nodi duri articulorum in lue Indica plurimis curata sunt Oxycroco c. ol. L. S. & amygdal. d. misto experientiâ J. Prevotii.

NOTA.

Gummi.) At longè præstantius nobis còmpertum Emplastrum de ranis cum δ Vigonis aut simile ex tempore præscriptum, omissis superfluis c. ol. L. S. non foetido permixtum.

LII. *Singultus* difficillimus Aloëdario cum Theriaca, propter veneni suspicionem, brevi sanatus est in viro nobili.

NOTA.

Aloëdar. cum Ther.) Si quid vulgaribus compositionibustribuendum, Mithridatium hac in re Theriacæ præferri potest. Etsi enim parùm differre videantur, fuit tamen, cum Mithridatium plerumque Theriacâ efficacius experti sumus.

LIII. Jo. Hartmanni experientia ol. olivar. cum Rhabarbaro infus. & expressum ad cochl. j. exhibitum certissimum remedium contra *dolores* adfirmavit nobis Jo. Rhodius.

NOTA.

Rhabarbaro.) Vid. \circ Rhabarb. compos. Jo. Magebuchii & alterum eodem Danielis Ergasii : Item ol. benedictum Hemicephali Rom. & Bernardini Hecatost. II. Obs. XCV.

LIV. Idem magnete umbilico imposito curatos à se visos attestatus est.

NOTA.

Magnete) Hujus tamen effectus quæ ratio fingi potest? Nos sapè epomphaliis ex crusta panis, aut etiam fictili vasorum epithemate & similibus multa præstitimus in quibusvis abdominis doloribus. Nec causam habent singularem, qui ophitem eligunt.

LV. Infusum Òii crudi ictericum intra triduum restituit.

NOTA.

Òii crudi) Pollet enim vi abstergendi insigni, nec noxæ aut veneni ullum periculum, quod ignari ignavique homines tantoperè formidant. Eadem Òii natura, quæ Hi est: neutrum periculosum, sed interno usu prudentia tantum Medici moderandum, vidimus olim Medicum Castrensem Gallum in enematis decocto ʒvj. crudi illius cum fructu præscripsisse. Hoc delicatulo alicui censori nimium videri poterat. Sed si quis pondus ejusdem Hø etiam gravius cogitet, summâ cum ratione præscriptum fatebitur. Quid enim ʒj. vel altera ejusmodi gravis ponderosique corporis præstiterit in decocto, cujus major pars abjicitur.

LVI. Adrianus Spigelius in consultatione quadam aloen tanquam summum ad *impotentiam* remedium commendavit, probante Hier. Fabr. ab Aqua pendente.

NOTA.

Aloen) Non malè, sed usus tamen modicus sit, ut ne purget. Præstaret igitur Americanâ recente uti, quæ parùm aut nunquam purgat.

LVII. Idem sola aquâ fol. quercus ulcera deplorata tiliarum percuravit.

NOTA.

Aqua fol. quercus) Et hæc nobis quoque non displicet: quicquid tamen facit, Òi illius vi facit, quod in quercu latet, & ad sensum etiam elici potest.

LIIX. In *ascite* quidam feliciter usus est cataplasmate ex sapone Veneto cum V & ramentis raphani misto, sæpiùs repetendo.

NOTA.

Sapone Veneto) Conf. quæ de fisco saponaceo notavimus ad Jer. Martii Obs. XL.

LIX. *Folia cerasi* arboris contusa naribus indita, hæmorrhagiam sistunt, experientiâ Jo. Prevotii.

NOTA.

Cerasi) Habent enim aliquid gummosi, quo venarum arteriarumque officia claudunt, quemadmodum & gummi ipsum.

LX. *Pulmonibus* exulceratis extractum corticis medii salicis tenellæ, antequam folia emittat, collecti, expertus est singulare remedium idem.

f

NOTA.

N O T A.

Salicis) Nemo ignorat nostrâ ætate plures fungos illos, sive pilulas excrementitias salicis, tanquam singulare experimentum proposuisse : de quibus iccirco egimus Hecatosteæ I. Obs. LXI.

LXI. Clavis pedum emplastrum Vigonis cum ꝯ sæpè expertus est Thom. Platerus, aliquando à pediluvio & crassioris cutis remotione senecionem adfrictum etiam imposuit cum successu.

NOTÆ.

Emplastrum Vigonis) Imò etiam sine ꝯ, à quo plerique abhorrent:

Senecionem) Huic vim reperiendi lib. I. Herb. c. XCVI. cum adscripsisset Hier. Tragus seq. c. XCVII. parùm sententiæ suæ memor facultatem deinde discutiendi tribuit.

LXII. Aq. Lapathi stillatitia per mensem integrum bibita plurimos oculorum adfectus perfanavit.

N O T A.

Lapathi) Lapathis omnibus vis quædam purgandi inest, experientia Illustr. Veslingii, qua ratione sanguine succoque nutritio depurato spiritus vividiores clarioresque fieri necesse est.

LXIII. Sanctorius Venetum quendam insertis radd. Thymelææ auriculis perforatis à suffusione diu præservavit.

NOTA.

Thymelææ) Conf. quæ de Helleboratis cauterismis nonnulli post F. Platerum observarunt, & add. quæ de Helleboro in fonticulis habet Jo. Walæus Meth. Med. p. 43.

LXIV. In *hydrope* succum Chærephylli ad ʒij. c. vin. alb. sæpiùs datum, diuresi & roborationi aq. cinamomi, exterius autem urinam impuberum, cum ꝯ prunellæ coctam, impositam, remedia optima experti sunt plures.

NOTA.

Urinam) Quin hæc destillata, ut spiritum & ꝯ volatile suppeditet cum ꝯ mixta satis efficax & commoda, etiam ut bibatur. Nec multum differt à Chrysocolia factitia Venetorum.

LXV. D. de Belleval, ad *hernias* efficacissimum observavit cataplasma ex *Osmunda* regali dicta.

NOTA.

Osmunda regali.) Os mundi Hier. Trago lib. II. I. Herb. c. 16. est aphaca Diosc. II. 137. quintum Viciæ genus ulcerarium : quo nomine heic prodesse potest. Sed quam Osmundam regalem semibarbari appellant, est Filix major, & ipsa ulceraria ap. eund. lib. I. c. CLXXXVI. egregiè desiccans.

LXVI. Quæ difficulter pariunt, si magnetem manu dextrâ tenuerint, tanquam miraculo subito liberantur.

NOTA.

Magnetem) Experimentis igitur opus fuerit, ut Galeni sententiæ concilietur, qui magnetem easdem vires cum Hæmatite habere adserit; Hic verò sanguinem & partus retinet: ex quo transcripsit etiam Boëtius de Lapp. & Gemm. lib. II. c. CCLIII.

LXVII. *Pleuritici*, quicumque per initia vomunt, omnes evadere comperiti sunt. Hinc Quercetanus Crocum metallorum exhibet. Sed si dolor savissimus fuerit, præstat ol. amygdal. d. ad ℥ij. vel ℥iij. c. Laudani opiat gr. ij. vel iij. propinare: quod in plurimis probatissimum.

NOTÆ.

Vomunt) Spontaneus scil. vomitus intelligendus: nam cæteroquin plerumque nocet, monente Petr. Joh. Fabro Cur. Spagic. LX. quo nomine etiam Jo. Freitagius IV. auror. Med. c. XV. aquam benedictam Rulandi non admittit.

Opiati) Hujus cautior usus sit oportet, non tam ipsius remedii causâ, quam hominum, qui plerumque non causas pro causis criminantur. Mitigantia sane etiam ante S. M. laudat Eustachius Rudius lib. I. de Vit. c. XLV.

LXVIII. *Tinea* in puello Nobili, pileolo ex carne suilla salita imposito brevi percurata est Patavii.

NOTA.

Carne suilla) Vid. quæ de suillis cutibus & carnibus ad curationem lepræ consuluit famosus ille histrio Fr. Mar. Burrhus Mediolanensis.

LXIX. Tinctura & extractum Aspalathi rosei f. Aloastri Rhodiaci ad *eructationes ventriculi* præstantissimum remedium expertus est Hier. Reisnerus. Nostratibus Rhabarbarum crassè incisum cum gutta olei ejusdem destillati feliciter usitatum.

NOTÆ.

Aloastri Rhodiaci) Conf. obs. ejusd. in Exerc. de scorbuto.

Ol. ejusd.) Quamvis nonnulli odorem illius vehementiorem averfentur: qui verò externi tantum usibus unguentariorum servire debere putant, falluntur.

LXX. *Morbis malignis* Echidnophthalmi sive lapilli Melitenfes, semiretundi & nigricantes, alexipharmaci præstantissimi comperti. Jisdem viribus pollent & Glossopetræ, maj. & min. quarum uberior proventus est, & moles amplior, illi enim ratiore, vix eâ copiam haberi possunt, quæ medicis usibus conveniat.

NOTA.

Echidnophthalmi) Sic nos vocamus : descriptionem vid. in Museo Olai Wormiilib. I. sect. II. c. XI. qui oculos serpentum petrefactos vocat : quod tamen non videtur verosimile, sunt enim lapilli sui generis, quemadmodum & glossopetræ, quas nonnulli lamiarum dentes perperam opinantur. Nos plurimos habemus, splendidos, nigros, & alterâ parte nonnihil excavatos : quosdam etiam lineis albis decussatis insignes & raros, de quibus aliàs.

LXXI. Expertum est, aquam auratam ad instar chalybeatæ, per extinctionem paratam *paronychia* dolores sedare, si digitus in illâ aliquantisper calidâ detineatur.

NOTA.

Aq. auratam) Hæc sanè in omnibus aliis adfectibus internis chalybeatæ meritò præfertur.

LXXII. Fernelii exemplo Medicus Bellunensis plurimos à *gonorrhœa virulenta* curavit pilulis, aristolochiâ, gentianâ, myrrhâ, aloë, mithridato & terebinthina Venetâ, cum serapio althææ factis perinæo inuncto succo sedi majoris & plantaginis cum Ole Him.

NOTA.

Fernelii) Vid. ipsum de lue.

LXXIII. ꝯio vitæ aquâ plantag. soluto & per chartam trajecto, plurimis *ulcera maligna* percurata sunt.

NOTA.

ꝯ vitæ) Huic præferi posset spiritus Ꝺi philosophicus, qui ab ejusdem præparatione restat : aut etiam ꝯ ritè sublimatus, cui pulvis aut scoria reguli Ꝺi admisceri potest.

LXXIV. Viro religioso *epileptico* Julius Alexandrinus pilularum usum suavit ex castorei, sanguinis Draconis, Ꝺii mineralis, i. e. crudi, & opopanax partis æqualibus, cum aquâ pæoniæ mistarum ad Ꝺj. alternis sumendarum.

NOTA.

Ꝺ Mineralis) Non est sanè contemnendus aut noxius crudi usus, ut nonnulli rerum naturalium inexperti putant. Sed cura tamen adhibenda, ne sine delectu quodcunque obvium adsumatur. Id optimum, quod ex mineris auriferis haberi potest, quibus & plumbum reperitur. Ad hujus enim naturam proximè accedit.

LXXV. Abbas ad S. Nicolai Veneriis solebat *dæmone vexatis* potionem hanc exhibere: Hellebori albi Ꝺj. Cinamomi el. Ꝺß. F. Infus. in vini albi Ꝺiv. colaturæ addendo pauxillum sacchari. Plurimis evacuatione copiosâ utrinque profuit, ut exorcismo ne quidem opus fuerit, quo in cæteris utebatur.

NOTÆ.

N O T Æ.

Potionem) Non displicet in infuso: in pulvere enim minus commodum, quod etiam Aristoni cognitum in similibus ap. Joh. Stobæum Serm. LXXX. Ο' ἐλλέβορος ὁλοχερέσσερος μὲν ληφθεὶς καθαίρει, εἰς δὲ πᾶν μικρὰ ἰριφθεὶς πνίγει. Nec facilè admittenda sententia Noni, Med. Pr. suæ c. XXXIII. qui lapidem Armenium eidem juxta veterum consuetudinem præferebat. Extracto Hellebori nigri cum Flor. Cassiæ feliciter usu est Benedictus Silvaticus Cent. II. Conf. LXXVII. ad ʒß usque ʒj. & ʒj. integrum exhibuit etiam Melch. Sebizius Med. Pr. Spec. sect. II. c. IV. & nos ad ʒj. plurimis dedimus in melancholicis adfectibus, nec facilè id ponderis, nisi infantiæ curandæ, excessimus.

Exorcismo) Et nos quoque Patavii plurimos ex rusticanâ plebe utriusque sexus homines vidimus ad aras sanctorum & pedes exorcisantium delatos, qui frustra excarnificati in nosocomio deinde publico Helleborismis restituti, ipso eventu comprobarunt, se non dæmoniacos, sed melancholicos tantum aut maniacos fuisse.

LXXVI. Radice Scorzonera saccharo obductâ ad hypochondriacam feliciter usus Jo. Bapt. Taxia Regis Hispan. Orator Parisiis.

N O T A.

Scorzonera) Conf. Hecatosteæ nostræ II. Obs. XXIX.

LXXVII. Pisanorum consuetudine probatissimum remedium est ad reparandos pilos linimentum ex melle cum ovis formicarum paratum, factum, ut vocant, strato super stratum.

N O T A.

Ovis formicarum) Hoc nobis magis adridet, quam si in pulverem redactæ cum vespis & similibus insectis resiccatis admisceantur.

LXXIIX. Virgo sacra hysterica optimè restituta est à Medico Belga, solo aceto Leucoji, insolatione parato.

N O T A.

✕o *Leucoji*) Idem tamen etiam ✕ fol. rutæ præstiterit. Vid. Diosc. III. 138.

LXXIX. *Coli ileique* dolores sustulit nux Metella Indica ad ʒj. exhibita, Jo. Bapt. Olivi imitatione.

N O T A.

Nux Metella) Narcotica Ebnina lib. I. tr. II. c. III. Tatura vulgò Turcarum dicta: Hippomanes cratevæ sive fructus Mamonii.

LXXX. Heliotropium majus Matthioli *vermes* certo experimento enecat, solo adfrictu, relatione Rhizotomi Patavini, unde & Italis vermæria dictum.

N O T A.

Heliotropium majus M.) & Diosc. IV. 193. bilem & pituitam alio expellens.

LXXX. Putamina nucum juglandium contusa in linimentum c. aq. plantaginis redacta, aut adstringenti unguento alicui remixta, hemorrhagias omnes sistere comperta sunt.

N O T A.

Nuc. jugland.) Habet enim vim manifestam adstringendi satis validam, atque ex succo Delici potest, cujus ratione nigricante colore tingere scriniariis notissimum.

LXXXII. Serum noctu sub dio relictum & remotum ante solis ortum feliciter purgat, experientia Medici Belgæ.

N O T Æ.

Serum) De hoc vid. si lubet, controversias Liceti, Castrensis & Servii.

Sub dio) Non tam à nocturnis vaporibus aliquid accipere putant, quam à rore matutino noctem sequente, quemadmodum & uvæ, & rosæ & fructus floresque alii plures,

LXXXIII. Torminibus colicis afflictissimus convaluit statim exhibitis cum vino Ol. juniperini guttulis aliquot.

N O T A.

Ol. juniperini) Idem præstat & vinum ipsum juniperinum & tinctura sive essentia cum spiritu vini præparata.

LXXXIV. Puellæ & viduæ, quæ à suppressis menstruis in dorso palpitacionem sentiunt, cum perturbatione mentis, helleborismis & melanagogis aliis facillè restituuntur.

N O T A.

Helleborismis) Sed necesse est à purgatione, etiam cardiacis ac hysteriis uti, nec venæsectionem, si videatur, ex occasionis necessitate omittere.

LXXXV. Mulier XXX. annorum tertianâ intermittente mirabili tenebatur. Prima accessio circa nonam vespertinam die Veneris, duravit usque ad Xam. matutinam diei ☉; secunda incepit die D. manè, duravit usque ad diem ☿; ita ut totius paroxysmi horæ LXI. numerarentur. Reliquæ postea accessiones XXX. tantum horas persistebant: Intermissiones XVI. circa diem XXum pustulæ variæ apparuerunt variolis paulò majores, sed magis acuminatæ, quarum eruptio febrem sustulit. Hæ XII. dies duraverunt, solo linimento pomato sublatae sunt. Ægrota toto accessionis tempore dormiebat. Febris à frigore incipiens ferè vix perceptibili, nocturna potissimum molesta erat.

N O T A.

Tertianâ intermittente mirabili) Adde: Cataphorica sive soporosa. Nos nihil de illa ultrà; qui causas ex fermentatione p. n. sanguinis, succique nervosi deducunt.

deducere novit, ei rarus quidem adfectus, sed mirus non videbitur, nec quis quin multi alii similes etiam mirabiliores obtingere queant, dubitavit. Motum quoque morbi & exitum criticum in pustulas, facile esset ex Δ æ transitu per Zodiacum percipere, si annus & dies mensis adnotati fuissent. Morbum ex decidentia acutum, ut vocant, tardior crisis, XX. demum die ostendit. Hoc autem temporis spatio necesse est Lunam à puncto principii morbi sive signo illo, quo coeperat, ad tertium usque quadratum processisse. Per quadraturas enim signorum, motum acutorum fieri satis planum: Reliqua particularia ad spectus Planetarum revelare posset, si cognoscere licuisset.

LXXXVI. Variolis hieme laborans, nivemque manibus tractans, recurrentibus intro pustulis, in maximum periculum conjectus aiebat se purgante potione à Medico exhibitâ evasisse.

N O T A.

Recurrentibus) Durum istud & difficile creditu, plus sanè felicitatis ex fortunâ, quàm consilio, traxit. Naturæ enim motus impeditus, & in contrarium averfus, liberior sibi versus exteriora restituendus erat, alexicacis sc. & diaphoreticis expellentibus.

LXXXVII. Esu leporis plures obierunt altero die, quia foliis rhododendri oppletus erat, observatione Petri à Castro Med. Veronensis.

N O T A.

Rhododendri) Sunt tamen, qui externè & internè necis quoque sine noxâ adhibitum testentur. Et nos quoque multa veneni crimine traducta observavimus, quibus tamen innocentiam suam experientia adseruit.

LXXXIX. Civis Groninganus à pulvere hepatis vulpini exhibito, utrinque molestè purgatus est.

N O T A.

Hep. vulpini) Pleraque silvestrium animalium hepata esui inepta, nescio quid malignitatis habere videantur. De hepate ursino exemplum habes in Holandis novæ Zemblæ hibernantibus apud Levin. Hulsium in descript. navig. Batavorum. Hoc notent illi, qui hepar lupinum tantoperè commendant, quo tamen nos libenter caremus. Picæ hepar in aulis quibusdam usitatum est in eundem finem, ut propinatum in sciis alvum, reliquis verò risum moveat.

LXXXIX. Medicus Hebræus Pragæ *maniacum* curavit à purgatione repetitâ & V. S. decocto roris solis & aquilegiæ propinato.

N O T A.

Roris Solis) De isto actum nobis Hecatosteæ I. Observ. XCIV.

Aquilegia) Splenis sc. consensu, ut videtur, cui illa adversatur, ap. H. Tragum lib. I. Herb. c. XLII.

XC. *Hydrocephalum* in puero Petrus à Castro curavit solo linimento ex cochleis unâ cum testis suis contusis & ol. amygdal. amar. misto.

NOTA.

Cochleis) Est enim hydrops particularis capitis. Vid. igitur cochlearum usum in hydrope ap. Galen. XI. simpl. c. propr. & adde, quæ Alex. Massarias expertus est III. Pr. c. XVI.

XCI. Ejusdem experimentum ferè quotidianum fuit ad gonorrhœam, post lenientia, muria Encrasicholorum exhibita. Siccat enim & tergit.

NOTA.

Encrasicholorum) Vid. Ebn sinam lib. II. tr. II. c. XIIX. de Θ , Σ

XCII. *Scabiem manuum* in seipso curavit H. B. H. purgatione, emuls. sem. melon. cum sacchar. rosaceo, & deinde vino Nicotianæ maris infuso Alectoraphodo, solâ lotione.

NOTÆ.

Vino Nicotiana) Validè enim desiccât.

Alectoraphodo) Et huic vis tergendî siccandique eximîs.

XCIII. Stellarum marinarum pulvere ex jusculo vel vino exhibito nullum certius aut efficacius $\Theta\Upsilon\tau\alpha\tau\iota\kappa\acute{o}\nu$ suâ experientiâ testatus est Anonymus Medicus Hebræus, qui abhinc duobus seculis vixit, in aphrodisiis suis MSS. quæ singularium nomine olim nobiscum amicissimè communicavit Jo. Rhodius.

NOTA.

Stellarum marinarum) Inest enim illis non tantum quædam acrimonia, ut plerisque marinis à Θ e, sed ostrea etiam comedunt singulari astu & lapillorum interjectu capta, narrante Aliano lib. III. de animal. c. XXII. Hæc autem postquam devorarunt, non excernunt, sed integra conficiunt. Intestinis enim carent. Unde Scaligeri jocus in Cardani coministrationem, defuisse sc, naturæ subulam, qua partes illas perforaret. Vid. Ulyss. Aldrov. de testac. lib. III. c. LXVI.

XCIV. *Verruca* quacunque parte corporis abolentur cinere bryoniæ cum succo ejusdem misto, certissimo experimento M. Hopperi Med. Oxoniensis.

NOTA.

Bryonia) Conf. Diosc. IV. 164.

XCV. Cremore lacteo seminis lactucæ aquâ chalybeatâ præparato. plurimas albo fluore laborantes, cum pulvere eboris subtilissimo misto percuravit Jo. Meynoldus Med. Venetus.

NOTA.

NOTA.

Eboris) Quod etiam experimentum fuit Zacuti Lus. quem vid. in Praxi admir. add. Diosc. II. 61. qui *δύναμιν συντείνει* i adsignat.

XCVI. Electuario ex seminibus ad *visus imbecillitatem* simplici, sed efficacissimo usus olim Innocentius III. P. M. R. ex sem. foenic sileris montan. apii, aneth. & petroselini cum melle. idque pretiosissimis quibusque prætulit. Quod ex MSto antiquo in membranis Ser. mi Principis Mantuani cId CCCCXLIIX. adnotatum, additumque est, idem Abbati S. Pauli Pisas transmissum visum restituisse, quem centenorum annorum senex ferè a miserat.

NOTA.

Sileris) Hoc in vicinis Alpibus apud nos copiosum & eximium, radice & femine pluribus adfectibus expertum, multis aliis præferendum.

XCVII. *Marasmm* aqua sanguinis suilli destillata cum succo expresso Gammarorum fluv. adjecto saccharo clarificato, in viro curavit Jo. Prevotius, cum ferè conclamatus videretur.

NOTA.

Sanguinis suilli) Conf. quæ de curatione lepræ ad mentem famosi illius Empirici F. J. Burrhi recensentur: Quæ enim huic conveniunt, etiam Marasmo prosunt, & vicissim.

XCIIX. Observatum est, si sanguis ex arteriâ mittatur ad Hj . spatio VI. horarum illum in Zix . feri facessere, & Ziij . tantum in fundo densari

NOTA.

Seri) Hoc experimentum monstravit nobis publicè in nosocomio Patavino non semel Hieron. Frigimelica, vir Nobiliss & Acad. Professor.

XCIX. Sal centrale, ex glebâ terrenâ purâ elicatum, quorundam panacea est in Italiâ, cum quo etiam nonnullos aurum solvere, ut potabile redderetur, adlaborasse novimus.

NOTÆ.

\ominus *Centrale*) Sic vocant, sed nescio, quàm benè, cum nec terra ipsa, quam terimus, verè in mundi centro posita sit, nec \ominus illius, si quod est, propterea tamen centrale dici debeat.

Adlaborasse) Sed frustra, & nos sententiam nostram diximus Hecatost. II. Obs. c. 31.

C. Jo. Prevotius adnotavit, Hieronymum Fabricium ab Aquapendente in Theatro Anatomico Patavii aliquando publicè ostendisse in abdomine hiatus & anastomoses venarum epigastricarum in nervos pertingentes, per quas iccirco potum & liquida omnia copiosius adsumpta ferri opinabatur.

NOTA.

Venarum epigastricarum) Potius arteriarum : per has enim cum sanguine chylus & liquidiora omnia deportantur : in nervos autem & vasa lymphatica transsumi facile, nec nostri ævi inventis ulla de iis dubitatio superest.

III.

MICTOMIMEMA.

I. *Stomachicum* singulare Michaëlis Poterii, Chemiatri, ad appetentiam excitandam constabat ex saccharo rosato, & oleo Δ is multiplicabili.

NOTA.

Ol. Δ is multiplicabili) At Petrus Poterius *Ol. Crystalli multiplicabile* pariter laude evehebat, in pharm. Spagir.

II. *Dysenteria* D. Pilonus nunquam adstringentibus medebatur, quia observavit omnes, quibus ita sistebatur, vel in recidivam incidisse, vel febres & pleuritidem. Nec sudoriferis utebatur, quod calorem membri transmittentis augere putaret, ideoque lenientibus tantum & V.S. morbum curabat.

NOTÆ.

Adstringentibus) Cautius horum usus, nec tamen nullus esse debet. Si quis ab illo recidivam passus, aut febris & pleuritide correptus est, aliam causam metaptoxis & epigenesis habere potuit.

Sudoriferis) Hæc tamen aperta & secuta. Vid. Guil. Fabricium Hild. tr. propr. & quæ nos adnotavimus ad H. Reusner. Obs. 85.

Lenientibus & V.S.) Quæ duo præsidia profecto vix satisfaciunt omnibus indicatis.

III. Angliæ tabes peculiaris, tanquam endemia, multos quotannis auferre solet. Causam tamen putabat Gabriel, Hardugnus de St. Jacques, quod illa natio nimis à V.S. abhorreret, ideoque cum pleræque febres, & rheumatismi cum visceris alicujus inflammatione conjunctæ sint, in suppurationem abire, ut tabe tandem confectos mori necesse sit.

NOTÆ.

Angliæ) Vid. de illa, flagello Angliæ dicto, singularem libellum D. Gareucier.

à V.S. abhorreret) Sunt enim inflammationibus propter plethoram obnoxii, quam plerique ex victu pleniori contraxerunt.

IV. *Rheumatismis* maximum remedium V.S. compertum, & aq. papaveris rhœados cum diacodio & similibus. Purgantia enim minimè convenire expertus est idem.

NOTA.

NOTA.

Diacodio) Optimum sanè remedium, si cardiaca quædam addantur: Purgantia tamen leniora excludi non debent, sed moderato usu utilissima sunt.

V. In *Pleuritidis* initio idem remedium laudabat Idem, & procedente demum morbo bechica exhibebat.

NOTA.

Idem) Conf. quæ suprà dicta Mictomim. II. §. 67.

VI. Fortunius Licetus ex vulnere abdominis Bononiæ chylum effluxisse vidit planè lacteum.

NOTA.

Chylum) Viderunt & alii: Nec difficultas ulla observationis, etiam in sectionibus quotidianis.

VII. *Gangliis & Exostosis* Jo. Veslingius Aurilaminas ponderosas multò efficaciores quam plumbeas expertus est.

NOTA.

Aurilaminas) Inprimis si hydrargyro imbuantur.

IX. Ad febrem malignam pertinet illa febricula lenta, quæ imperitos Medicos sæpè latet, Galeno V. de loc. adfect. c. VII. descripta, ex sanguine sanioso in jecore ob imbecillitatem ejusdem genito, & postea ibidem putrescente, quemadmodum in fluxus hepatici progressu aliquando evenit. Prava enim est cujuscunque sanguinis corruptio, quæ malignum vaporem expirat. Hanc sæpè curavit olim Jo. Prevotius.

NOTA.

Febricula lenta) Hæc perpetua abscessuum latentium comes est, tunc tamen inprimis manifesta, cum suppurationis initium accedit, nec ulla singularis ejusdem consideratio aut curatio necessaria. Quia enim abscessum sequitur, eo curato ipsa etiam curatur.

IX. Ab *Epiplocele* laterum dolor, viro obeso, vini potu lethalis accidit.

NOTA.

Epiplocele) Enterocelen quoque lethalem hieme à frigore jam sæpius observare licuit. *Epiplocele* autem hæc febrem excitaverat, cui accessit laterum dolor. V. S. repetita quidem profuit, sed vinum non erat concedendum, et si illius potationi advevisset.

X. Idem ulcera pleraque percurabat lotionem cum aqua ros. plantag. & V. p. æquismistâ. Deinde inspergebat pulverem Solenum ustorum.

NOTA.

Solenum ust.) Ital. Cappelonge, unguis species, de quibus vid. Aldrovandus

lib. III. testac. c. LXXV. Sed nostra quidem sententiâ, quæcunque testacea usta idem præstiterint.

XI. *Hemicrania* desperata, frustra adhibitis purgantibus, revellentibus & intercipientibus, curata est subitò hirudinibus fronti supra oculum applicitis.

N O T A.

Hirudinibus) Et nos etiam venæ frontis sectione curatam vidimus in Italiâ.

XII. *Cachectici* & picâ laborantibus à menstruorum suppressione ☉ corticum aurantiorum & citriorum experientiam Quercetani sequutus Samuel Fermisius magno successu exhibebat ex aquis propriis additis essentiæ croci guttulis.

N O T A.

☉ *Cortic. aurant.*) Imò tinctura potius illorum exhibebatur, satis enim salis in se continet, amari, aperientis & extergentis, quâ facultate etiam crocus pollet.

Ess. Croci) Vid. singularem tractatum curiosum D. Joh. Ferdin. Hertodii.

XIII. Idem Gordonii imitatione *Ictericis* felicissimè dabat succum capill. ♀is, qui remedium est omnibus præferendum.

N O T A.

Capill. ♀is) Vid. Gordonium ipsum c. propr. Pr. de Ictero, ex Dioscor. IV. 136.

XIV. *Epilepticum* cum ill. Veslingio Patavii sæpè invisimus, qui in singultum inciderat adeò vehementem & sonorum, ut in quartam usque domum vicini exaudiretur.

N O T A.

Singultum) à vellicatione sc. humorum acrium & malignorum, qui epilepsiam per consensum excitabant. Quod si quis elastica illa irritamenta Willisi maluerit, non prohiberi poterit, quanquam ad idem ferè omnia redire satis planum appareat.

XV. *Epilepsia* aliisque morbis gravioribus Empiricus Lucensis Crystallos ὄij. exhibebat ad gr. viij. blandissimè purgantes. Has verò parabat ex regulo ὄij, calcinando in furno figulino, IV. crucibulis sibi invicem adaptatis. In horum supremo ὄre periebatur crystallinum.

N O T A.

Crystallos ὄij) Vid. Schræderum pharmac. qui alios parandi modos docet.

XVI. At verò Poterius ex crudo in marmore per diem integrum trito, æri que expósito, efflorescentiam quandam albam eliciebat, diaphoreticam pari-

pariter & narcoticam, cujus dosi gr. IV. febb. experta rarius alvum subducebat.

N O T Æ.

Efflorescentiam) Cui si ipsum ☿ diaphoreticum prætuleris, non fanè errares.

Narcoticam) Has certè facultates ne quidquam contrarius sæpius conjungi etiam in aliis patet.

XVII. Observavit idem hydrargyrum non solum luem non eradicare, sed etiam altius infigere, & ferè insanabilem reddere, iis maximè, qui capillo sint rufo, nigro crassoque.

N O T A.

Hydrargyrum) De pilis est observatio Guil. Ballonii lib. II. Consil. Sed hydrargyri usus internus externo ferè tutior, si ritè præparetur, qui omnino necessarius.

XIIX. Beubefius stannum, cum pistillo ferreo, fufum agitabat, quod in pulverem nigrum abibat. Hunc duplo ☉ pondere calcinatum abluebat, Jovisque calcem appellabat, hepatis uterique vitæ præfocationi ejusdem maximè utilem.

N O T A.

Jovisque calcem) Sunt & aliæ ejusdem calcinationes per aquas rodentes, accedente ablutione non spernendæ. Et Bezoardicum ꝯale dictum heic maximè locum habere potest.

XIX. *Dysenterias* omnesque alvi fluxus sistebat D. Guenocius cataplasmate ex stercore gallinæ cum butyro frixo.

N O T A.

Gallinæ) Siccando enim strenuè cohibet, quod monuimus suprâ Mictomim. II. §. XCII.

XX. Idem in tertianis post universalium usum sexto vel septimo paroxysmo ventriculi regioni cataplasma apponebat ex foliis Tanaceti crassè concisis, cum succo ejusdem mastich. terebinth. fursur. macis in ollâ colliquando permixtis, & placenta rosacea illitis.

N O T A.

Tanaceti) Plerumque enim his febb. dolores ventriculi junguntur.

XXI. Coli dolores D. Scharpius præmissis clysmatibus purgantibus feliciter curabat aquâ absinth. ꝯij. cum aquâ cinamomi ꝯß. data.

N O T A.

Aq. absinth.) Quæ eò efficacior, si cum vino aliquo generoso destilletur.

XXII. Monspeliensium experimentis nephritici doloris distinctio certissima est à colico, quod in illo urina supprimatur, alvo libera aut etiam citata, in isto è contrario alvus obstructa sit, urinà fluente.

N O T A.

à Colico) Non est tamen ad cò certa ista distinctio, quin interdum fallat. Sæpè enim miscentur isti adfectus, & tum vel præstantissimi Medicorum errare possunt.

XXIII. *Gonorrhæam* in plurimis brevi sistebat Formisius conservæive emulsione seminis brassicæ cum saccharo factâ.

N O T A.

Brassica) Est enim vis insignis etiam brassicæ tergendæ & purgandæ, quo nomine etiam serapium rhammi cathartici sæpius expertum est. Idem etiam præstare novimus semen erysimi sive irionis.

XXIV. *Quartanas* idem persanabat succo semperviivi minimi, quod Plinio illecebra dicitur, ad ℥j. cum vini ℥iij. bibito, corpore ad sudorem in lecto composito.

N O T A.

Illecebra) Hæc tamen plerisque minus commoda videtur, quia vim causticam habere creditur, unde & sempervivum majus accipi tutius videtur.

XXV. Irâ repentè mortuus, pericardium sanguine repletum dissectus ostendit. Cum ejus rei causa ulterius quæreretur, inventi sunt duo abscessus in trunco arteriæ aortæ prope cor, unde sanguis exierat.

N O T A.

Pericardium.) Quod rupto vase proximo aut dilatato saltem ejusdem orificio factum porbabile videtur.

Abscessus.) Crudi haut dubie & sanguinei sive inflammatorii, nondum suppurati.

XXVI. Ut truncus venæ cavæ, arteriæque magnæ, quemadmodum & aliarum venarum tunica ramulos quosdam venarum à partibus adjacentibus accipiunt, ita & porus choledochus à venis cysticis ramos accipit. Nil igitur miri, si ex suppressis hæmorrhoidibus icterus aliquoties nascatur. Colon hepæ pertransiens vesiculam bilis tangit, ejusque colore tingitur, unde ratio, cur colici sæpè quoque icterici appareant, Valverdi, & Vesalii observatione. Spigel. etiam advertit eos, quia alvo sunt adstricta, capitis dolori maximè obnoxios mediante omento, cujus tunica superior ventriculo adhæsit, inferior autem colon sub illo reflexum suspenditur, unde nec mirum, quod horis matutinis, cum intestina excrementis turgent, nauseabundi plerique sint, ut saltem aliquid comedere cogantur.

NOTÆ.

N O T Æ

Choledochus) Etiam ab arteriis cysticis, quamquam ex his vix liceat aliquid singulare exsculpere, cum venarum arteriarumque omnis confluxus sanguinis non tantum puri, sed in massa sua etiam bili permixti, omnibus notissimus sit, & transcolatio ejusdem per cribrosa colatoria hepatis multis modis impediri queat.

Ex suppress. Hemorrhoid.) Non opus est, tam longè causas icteri ejusmodi arcessere: satis est hæmorrhoidibus suppressis, sanguinem bile utrâque remixtum in corpore restagnare, atque per circulationem sanguinis in habitum usque deferri. Talis autem color in cute apparere solet, qualis in vasis sanguinis continetur.

XXVII. Prosperi Alpini arcanum fuit ad *scabiem* succus foli ranunculi tenuifolii, Majo mense expressus & illitus.

N O T A.

Ranunculi tenuifol.) Habet enim vim validissimè tergendî & siccandi, quo nomine etiam inter cathæretica refertur. Ideòque cum cautione adhibendus, nec solus, sed adipi sociatus.

XXIIX. At Jo. Prevotius in eâdem succo fol. nerii utebatur, inrer dum & decocto fol. Oleandri, tabacum addebat, ad lotionem.

N O T A.

Succo fol. nerii) Conf. quæ diximus Micromim. II. §. LXXXVII. Petri à Castro observatione: quæ tamen usum tantum internum, ut ista externum, respicit.

XXIX Idem ad *memoriam* reparandam ac conservandam experimentum præstantissimum commendabat carnes attagenum, qui vulgò Francolini, & turturis, cum cordibus hirundinum & speciebus alephanginis.

N O T Æ.

Francolini) Vid. Aldrovandum XXIII. Ornitholog. c. X. & XI. ubi quorundam sententiam recenset, qui gallinas Varronis, cum Bellonio, hoc nomine dignantur.

Spec. alephanginis) Sunt rubræ aromaticæ, quas vide triplici descriptione expositas ap. Ebn sinam lib. V. summ. I. tr. III. "وبلا مسكى حوارشن الغنوش" cum & sine moscho.

XXX. Idem notavit medullam arietis non castrati *memoriam* auferre tanquam veneno aliquo, cui resistat medicamentum ex phaside præparatum.

N O T A.

Arietis castrati) Hoc notent illi, qui ad melancholiam cerebrum arietis commendant in pilulas efformatum, quod aliàs memoravimus. Vip. H. Reusneri Obs.

Obs. 7. & not. in add. p. 13. An verò, quia oblivionem inducit imaginationem & phantasmatum melancholicorum, propterea eligitur. Quod opium quoque facit.

XXXI. *Erysipelas* curabat idem pannis aqua saponata imbutis applicitis, præmissa provisione corporis.

NOTA.

Saponata) Parum videtur diversa ratio hujus & lactis auri Chirurgorum: nam sapo quoque ex calce & cineribus constat.

XXXII. Idem Empirici relatione caput catelli unius mensis in clibano siccatum & in pulv. redactum *cancro ulcerato* inspersum, eundem curare prodidit.

NOTA.

Catelli) Conf. suprà Mictomim. I. §. LXXI.

XXXIII. Pulv. genitalis bubuli vulneribus inspersus, etiam magis, bidui spatio illa per sanat ejusd. observatione.

NOTA.

Bubuli) Id faciunt omnia nervea & coriacea corpora, quæ humore aliquo madefacta glutinandi vim habent.

XXXIV. In febribus malignis omnibus, sed maximè exanthematicis, quæ vulgo variolæ, decoctum majoranæ & hyssopi cum emuls. sem. cannabis præstantissimum sudoriferum expertus est idem.

NOTA.

Sem. cannabis) Huic enim plerique vim narcoticam adscribunt. Narcotica autem pleraque omnia sudorifera nemo ignorat. Vid. tamen, quæ de hyoscyamo monuimus in catagraph. Philomatheticorum Syllab. III. §. XXI.

XXXV. *Menstruis sistendis* mirabile remedium, cinis Ægaphadi cum aqua pluvia, Patavinarum quarundam experimento cognitum.

NOTA.

Ægaphadi) Omnes omninò excrementorum cineres id præstare possunt, ut necesse non sit, ad capras solas restringere.

XXXVI. *Surdastris* expertus est Anonymus Medicus Patavinus in Msto antiquo, pinguedinem anguillæ auribus instillatam.

NOTA.

Ping. anguilla) Abstineret tutius ejusmodi unctuositas, jam dudum alii monuerunt, qui ideò suffitum præferunt.

XXXVII. *Strumas* curabat Martinus Rulandus coagulolactis cum sero ad cataplasmatismis consistentiam percocto & imposito.

NOTA.

Coagulolactis) Diosc. II. 85. eleganter: πᾶσα πηύα λυεῖ τὰ συνεστῆτα.

XXXIIX. *Phreneticis* ad somnum conciliandum quoque aquam personatæ ad ℥iij. propinabat J. Prevotius.

NOTA.

Aq. personatæ) Et hoc quoque experimentum notari meretur: quod diaphoreticam vim plerumque narcoticæ conjunctam ostendat.

XXXIX. Cardani observationem de usu adipis viperini ad *phthisin*, tota spina dorso peruncta, experientia non omnino adversari judicabat idem.

NOTA.

Adipis viperini) Facile enim penetrare, & per nervos pariter ac vasa sanguiflua cum succo nervoso & sanguine toti corpori distribui potest.

XL. *Rimis* papillarum oleum roris marini expertum memoravit idem, incocto prius sempervivo minori.

NOTÆ.

Ol. roris mar.) Etiam oleum juniperi & similia plura siccantia sebo aut adipi concocta aut remixta his utilissima experta.

Minori.) Imò potius majori, quod tutius & minus acre.

XLI. *Hydropicos* cibus oleo bryoniæ conditis purgari & juvari attestatus est idem.

NOTA.

Ol. bryonia) Variis etiam modis aliis planta hæc adhiberi potest.

XLII. Illustriss. Comes Hanoviensis *hemorrhagia* narium obnoxius, adamante sub linguâ detento fluxum sistebat.

NOTA.

Adamante) Plerique huic gemmæ parum tribuunt in medicinæ usu, quidam etiam veneni infamiam impingere conati sunt. Sed si quid pulveris asperitate efficit, eadem certè arrosio à quibusvis crystallinis & vitreis metuenda, non item à gemmâ integrâ.

XLIII. Arcanum ad *magnum lienes* J. A. Medici præclari erat in electuariis hederæ corymbifera exhibita.

NOTA.

Hederæ corymbifera) De foliis Diosc. II. 210. σὺν ὅξος πινόμενα σπλῆνα ἰώνται.

XLIV. Experimento constat, pulverem pedum perdicis tostorum ad ℥j. ex vino rubro datum manè & vesperi dysenteriam persanare.

NOTA.

Pedum perdicis) Idem possunt etiam omnia alia similia ex animalibus desumpta, nervosa, tendinosa, & glutinosa: quemadmodum & cineres ferè omnes siccando pares effectus edunt.

XLV. Monspeliensium mulierum consuetudine verbena sub axillis gestata, ejusque aqua stillatitia ebibita felici successu *lac deficiens* reparat, teste Formisio & Beubefio.

NOTA.

Verbena) Nondum satis explorata videtur natura & facultas illorum, quæ vulgò lac generare perhibentur. Cum enim non aliud, quam chylus sit per ductus lactiferos sive chyliferos in mammas delatus, quid heic ejusmodi medicamenta tam interna, quàm externa efficiant, obscurum apparet. Nec enim chylum generant, nec quomodo lac in tubulos suos propellant aut deducant, satis manifestum est.

XLVI. Ex vulnere in brachio largus sanguinis fluxus cum saltu. Multa adhibita frustra. Cum Formisius accitus observaret digito admoto sisti, petiam duplicatam adligavit, ut digiti vicem gereret: efficax erat. At Riverius in tali casu carnem ovillam vel bubulam adligabat.

NOTÆ.

Cum saltu) Nimirum ex arteriâ aliquâ læsa. Quanquam etiam ex venis cum saltu exsilire venæ sectione pateat.

Carnem ovillam) Quod sanè præstat, quia etiam sanguis quivis ad motus sanguinem sistit.

XLVII. Guenocius gonorrhœam pro deploratâ habuit, quæ digito in anum immisso renitentiam habebat ad sensum, aut si catheter argenteus intrusus sublividus extraheretur.

NOTÆ.

Renitentiam) Tumoris nempe indicium sive abscessus ulcerati, de quo nonnulla ex Jo. Georg. Virsungenii sententiâ attulimus Epigram. nostr. Obs. LXVII.

Sublividus) Hoc enim ichoris gangrænosii sive sphacelosi indicium.

XLIX. *Hydropicus* balneii usu fufis humoribus in epilepsiam incidit.

NOTA.

Epilepsiam) Non tam fusione humorum id factum, quam elasticarum particularum commotione.

XLIX. Cuiusdam genu rotula transversim fracta, ut partes à tendinibus sursum deorsumque traherentur, cum per sanata jam omnia Chirurgus putasset, ægrotus tamen non citius erecto corpore stare & prodeambulare coepit, quam rotula in duas partes denuò dissiliret.

NOTA.

Dissiliret) Nimirum in luxationibus & fracturis nimio siccantium usu sæpè vidimus ligamenta breviora reddi, & tendines contrahi, ut deinde motus non uno modo lædi soleat.

L. Viti cujusdam religiosi experimentum ad *coxæ dolores* erat ol. sem. cannabis expressum calidè illitum.

NOTA.

Ol. sem. cannabis expr.) Diaphoreticâ sc. & narcoticâ pariter facultate, de quâ suprâ §. XXXIV.

LI. *Erysipelati*, etiam desperato, certum & arcanum ejusdem experimentum erat farina fecalis in sacculo parti admota.

NOTA.

Secalis) Novimus etiam, qui inspergere solent. Sed præstat tamen in limbo colo admove.

LII. Succus chelidonii filis carptis ad motus *cancro recenti* expertus, indubiâ relatione fide dignorum constat.

NOTA.

Chelidonii.) Habet enim vim catharteticam: quâ etiam folliculos abscessuum cysticorum extergit.

LIII. Elaphometra conceptionem juvat, arcano experimento anonymi in Mito apud Jo. Prevotium.

NOTA.

Elaphometra) Cui confer Jo. Agricola cervum excoiatum.

LIV. Hoc etiam secreti loco quibusdam habitum: Cymbalaria succus externo & interno usu ad *scabiem*, brevissimo spatio feras quoque impetigines sanat.

NOTA.

Cymbalaria) Eadem huic vis, quæ sempervivis & cotyledonibus cæteris.

LV. Pollinem corticis Anagyridis Alpinae supernè avulsi vomitum movere, Solerii indicio, verum comperit Jo. Prevotius.

NOTA.

Anagyridis Alpinae) Omnibus Anagyridis generibus hoc commune: Sed avulsio corticis versus superiora superstitione videtur.

LVI. *Varices* primum se prodentes in puero curavit idem foliis perfoliatæ impositis.

NOTA.

Perfoliatæ) Eadem sc. facultate rupturas seu dilatationes valvularum invenis, quâ processus peritonæi dilatatos percurat.

LVII. D. Guenocius radice Solani lignosi feliciter utebatur sarsaparilla loco.

NOTA.

Solani lignosi) Si manicum intellexerit, quod ad frutices pertinet, sententiam nostram diximus in Exerc. de venâ Medin. Narcoticum enim esse non dubitamus, à quo nimirum & vis diaphoretica dependet. Sed illud *μανικόν* videtur à narcotico differre.

LIIX. Idem ad casum ex alto lapsis propinabat sterc. ovilli ʒj. vel ʒij. sudores enim movet, & grumos sanguinis dissolvit.

NOTA.

Sterc. ovilli) Eadem vis omni penè quadrupedum excremento, ob Θ is Θ osi copiam, quæ illis inest.

LIX. Θ herniariæ & stipitum fabarum & feculæ bryoniæ æquas portiones ex vino albedeter sis renibus, gonorrhœam sistere expertus est D. Thierrius.

NOTÆ.

Θ herniariæ & stip. fabar.) Detergentia quidem diuretica huic negotio apta, sed fortiora esse non debent. Conf. Episagm. nostr. Obs. LXVII. quæ de malva & rhabarbaro.

Fec. bryoniæ) Vid. suprâ §. XLI.

LX. Folia bardanæ vertici imposita uterum sursum trahunt, & umbilico admota etiam subsidere non patiuntur, sed suo loco detinent, femori autem admota deorsum trahunt D. Myendaelii observatione.

NOTA.

Bardana) Est enim illi vis siccandi eximia. Sed illa tractio & retentio uteri valdè dubia videtur.

LXI. D. Burgæus ol. ex sem. ebuli expresso plures *arthriticos* curavit, quem sequutus D. de Lort etiam exterius folia ebuli applicabat.

NOTA.

Ebuli) Serum enim potenter vacuat: sed quia etiam vomitum movet, cum cautione exhiberi debet.

LXII. *Dolori coli* clystma ex ol. nucum & vin. malvatico plurimum profuit observatione D. Beubessii.

NOTÆ.

Ol. nuc.) Vid. Diosc. I. 41. qui balanino & sesamino comparat.

Vin. Malvatico) Conf. Jo. Rhodii obs. de delirio ab illius usu: ut videtur solius tamen, & sine oleo.

LXIII. *Arthritidem* à pollice pedis incipientem Monspelienses quædam statim sedar solente albumine ovi cum Θ e trito & \times o misto stuppis cannabinis applicito, genibus autem tumentibus in progressu cataplasma adhibent ex melle cum furfuribus, vel ex calce vivâ cum melle rosato.

NOTA.

N O T A.

Alb. ovi) Intercipiendi consilio, aut repereussione, ut videtur: quod tamen non semper succedit etiam in principio.

LXIV. Folia juglandis, aut alni, aut ebuli siccata, lecti strato, sudorem movent copiosum, remedio mulierum Monspeliensum certissimo.

N O T A.

Alni) Hoc adeò vulgare quibusdam locis alpestribus, ut cum in Rhætiâ olim ipsa hieme in lectis ejusmodi foliaceis quiesceremus, sudore tentari admiraremur, quia causa nondum nobis cognita erat: In reditu autem per vallem Cadorientem, æstate jam adultâ ferre non potuimus.

LXV. Eadem ad *tympanitem uteri*, suffitum nucis aromaticæ singularem expertæ sunt.

N O T A.

Nucis aromat.) Causa tamen latet, præ aliis pluribus efficacioribus. Nec facilè admittenda, nisi interna præmittantur, quæ convenient.

LXVI. *Abortum* autem pleræque præcavent sem. plantag. ad ʒß. ex ovo forbilitoto gestationis tempore adsumpto.

N O T A.

Sem. plantag.) Hoc tamen multò felicius præstabit, si grana coccinea addantur.

LXVII. Tumori testiculorum a suppressa gonorrhœâ, cataplasma ex foliis eupressi cum vino rubro & melle rosato sæpè expertus est Pharmacopœus Paris. D. M. duro autem restanti applicabat emplastrum Vigonis de ranis c. ʒ.

N O T A.

Eupressi) Cautela heic opus non exigua. Vidimus enim, qui ab ejusmodi adstringentibus gravissimè læderentur, nec nisi ingenti curâ à nobis restitui poterant.

Deranis c. ʒ.) Hoc tutius & efficacius etiam omisso ʒ.

LXVIII. Qui integrâ valetudine semper fruuntur, cum aliquando ægro-
tare incipiunt, rarò evadunt, quia validam causam esse oportet, quæ firmam va-
letudinem infirmare potest, observatione D. de Lort.

N O T A.

Rarò evadunt) Conf. quæ J. V. Rumleri Obs. LIX. Hieronymi Turini præcellentissimi Medici experientia adnotavit.

LXIX. *Adfectus soporosos* omnes Monspelienses curant feliciter & vomito-
torio. Quod Riverius etiam in apoplecticis expertus est. Idem etiam pur-
gantibus castoreum addunt, ut diacarthamo & pilulis cocciis minori-
bus.

NOTÆ.

De vomitorio) Est igitur \odot nonnihil depuratum, quod jam olim Billchius monuit. Mannam \odot i qui vocant, in anibus vocabulis se oblectant. Usus in apoplexiâ cautionem postulat, de quâ iccirco aliolo co.

Castoreum) Pinguedinem ejusdem nos in omnibus capitis adfectibus exhibemus, etsi non sint soporosi.

Coccis minoribus.) Vid. descript. in adnot. Alberti Reusini Pharm. & Antidot. Rom. Petri Castelli.

LXX. Vomitus difficilis aqua plantag. cum spir. vitrioli & tincturâ rosarum ab iisdem curari solet.

NOTA.

Spir. vitrioli) Hoc remedium etiam ad vomitum sanguinis commendatum Petro Castello in Epistolis, quem imitabatur Romæ J. Bapt. Meltius.

LXXI. *Epilepsia* in filiola N. N. curata pulvere ireos ex rad. ante solis in V. ortum verno tempore effossæ & siccatae tribus matutinis ante novilunium, & vesperi ante somnum, dato ex aqua florum verbasci.

NOTA.

Ante \odot in V. ortum) Vanitatem insignem nobis ostentant, qui hæc talia in Epilepsia tantum scrupulosè observanda proponunt, quia nulla ratio cæteroquein apparet, cur in aliis negligi debeat. Nos in Pharm. nostris quædam de delectu & collectione plantarum sigillatim enarrabimus.

LXXII. *Cephalalgia* vehemens foliis lappæ majoris applicitis curata; multo aquoso humore extracto.

NOTA.

Fol. lappæ maj.) Frequens hoc experimentum in hydrope, Chirurgis omnibus notissimum, quod idem præstant etiam folia tussilaginis admota.

LXXIII. *Vermiculatio aurium* in pluribus curata est ab E. A. radice Valerianæ cum oleo olivarum tusa & expressa. Melle etiam exterius admoto evocari certum est.

NOTÆ.

Valeriana) Est enim planta ulceraria eximia, quæ tergendivi maxime pollet.

Melle) Sed tamen diligentius advertendum, ut quamprimum prodierint, statim amoveantur aut abstergantur.

LXXIV. *Gibbosi infantes* feliciter curantur fasciationibus, si potui quotidiana hederæ arborea imponatur.

N O T A.

Hedera arborea) Conf. Glissonum de Rachitide.

LXXV. Quam *febrem puerperarum* vocant, feliciter curari terrâ signatâ aliisque diaphoreticis exhibitis, obstetricum frequentibus experimentis constat.

N O T A.

Febrem puerperarum) à partu sc. & lochiis non satis fluentibus.

Terra signata) Nobis magis in usu est lap. Badzaharticus, & ð diaphoreticum cum aliis sudoriferis.

LXXVI. *Hernia* in pluribus curatæ sunt à D. N. pulv. cochlear. & sem. perfoliatæ ãã ʒj. ireos ʒss. m. trag. arom. ʒiij. loco inuncto pinguedine anseris, & superpositis linteis mastiche & thure suffitis.

N O T A.

Pulv. cochlear.) Siccandi viribus præstantissimæ sunt, & tumoribus plerisque oedematosis interno pariter externoque usu utiles.

LXXVII. Fuit, qui nobis Patavii dejeravit in ranunculo nemoroso fl. albo sibi vim narcoticam cognitam & expertam, qua febres etiam diaphoresi persanet.

N O T A.

Ranunculo nemoroso) plerique internum usum prohibent: Cum tamen & allium & alia plurima non minus caustica sint, & tamen adsumantur.

Narcoticam) Conf. supra §. XXXIV. & LI.

LXXIIX. Crassamentum illud coactiliarium, quo pilei tinguntur, *ambu-
ssa* felicissimè percurasse, probatum & secretum Empirici remedium erat, quod aliorum mixturâ occultabat.

N O T A.

Coactiliarium) Id faciunt atramenta omnia, sive ex ☉o fiant, sive terris ☉atis.

LXXIX. Arthritidi in foeminâ nobili frequens opiatorum usus, dolorem mulcendo, paraly sin induxit.

N O T A.

Opiatorum) Conf. Hecatost. nost. II. interdum enim profunt. Nectamendiu id faciunt, dolores enim redeunt. Nimia stuporem inducunt, à quo paraly sis desperata, quæ nec thermis cedeat, nec quibusvis aliis.

LXXX. Vidimus ab eodem in *hydrope* cum maximâ siti propinatum V, cui pauculæ spir. ☉ guttula inspersæ erant: & pro roborante medicamento tincturam sacchari exhibitam profuisse.

NOTA.

NOTÆ.

Spir. ☉is) Ejus usus nemini non cognitus: sitim sedare creditur, quod nos nunquam tamen observare potuimus: nauseam enim & anorexiam potius inducit: quam facit etim ☉ ipsum cum vino datum.

Tinct. Sacchari) Hæc cum ☿o præparata rubescit. Sed cur pro singulari roborante habenda sit? nondum liquet.

LXXXI. Idem & succum aurantium depuratum cyathi mensura exhibebat in tertianâ & quotidianâ: in quartana autem pilosellæ decoctum in lacte quinquies propinabat, donec convalescerent.

NOTÆ.

Succum aurantium) Facili quidem remedio, sed cui alia certiora addiqueant.

Decoctum pilosellæ in lacte) Multa sunt ejusmodi, quæ conferenda cum Sebastiani Benzii, Med. Argentinensis, observatione apud H. Reusner. Obs CXX.

LXXXII. Phlegma ☉i sali suo defecato adfusum D. O. à menstruâ digestionem fortissimo igni destillabat, cujus ℥j. ter data summum epilepsiæ idiopathicæ arcanum pluribus expertus erat.

NOTA.

Phlegma ☉i) Id tamen si rectè inspiciatur, vix differre poterit a ☉ ipso ☉i aut ejusdem spiritu, aquæ alicui destillatæ convenienti remixto.

LXXXIII. Idem in podagrâ nihil præstantius sua experientia adfirmabat, quam ☿ animatum cum ☉ & ☽, secundum Claveum præparatum in Theatr. Chemic. part. IV.

NOTA.

☿ animatum) Qui parum aut nihil differt à Badzohardicis mineralibus distis, ☉ori sc. & Lunari.

LXXXIV. *Epilepsiæ* per consensum hypochondrii Idem multo cum fructu exhibebat antitartarum suum ex ☐ & ☒ præparatum, addito cinnabari antimonii.

NOTA.

Antitartarum) Plerique cinnabari istud ☐ale satis notum, sed longe minori effectu, quam famâ, sæpius adhibitum.

LXXXV. Empiricus M. T. qui paucis adhuc annis apud nos *epilepsiâ* desperatas & ab utero matris in adultâ ætate perseverantes, curare conabatur, purgabat ægros validissimè spiritus ☉is ℥j. cui olei ☐ ex butyro ejusdem destillati gutt. 6 infuderat, ut lactesceret, additâ ℥j. hydromelitis exhibebat. Deinde ☐ præparatum cum ☐ partibus æqualibus in ollâ per plures dies ustum ad ℥j. integrum propinabat. Parum tamen profecit.

NOTÆ.

NOTÆ.

Ol. ð ex butyro ejusd.) Horribile hoc remedium ob foetorem, & saporem ingratiſſimum.

ð præparatum) Diaphoreticum ſc. Nec enim quidquam aliud erat, ſed fruſtrâ epilepiæ adhibitum.

LXXXVI. Callis ulcerum exterendis Patavii in Noſocomio publico ſuccum chelidoniæ cum pinguedine vitulina & cera permiſtum felici ſucceſſu adhibitum vidimus ab illuſtri viro Petro Marchetto, Chirurgiæ & Anat. Prof.

NOTA.

Succum chelidoniæ) Conf. ſupra §. LII.

LXXXVII. *Hæmorrhoidibus* dolentibus efficaciffimam expertus Prevotius tunicam minimam Dalechampii contuſam & hepatis applicitam.

NOTA.

Tun. min. zalech.) Conf. quæ nos de ſtatices uſu in gonorrhœa ex mente D. de St. Jacques memoravimus Epigram. Obſ. LXVII.

LXXXIX. *Iſchuria* contumaci jam omniſus propemodum deſperatis Dalechampii experimentum ſæpè comprobatum teſtatur eſt in MSS. ſuis Jo. Prevotius, decoctum glycypticri, quod etiam grumos ſanguinis diſſolvit.

NOTA.

Glycypticri) Ad ſmilacem lævem Dioſcoridis refert H. Tragus II. Herb. c. XCIII. Qui easdem facultates adſignat IV. 140.

LXXXIX. Pariſienſium quotidianâ praxi expertum retulit P. M. Siegelius in MSS. adverſariis, quæ ex relicta Virſungii ſupellectile librariâ accepimus, ſi gravida in immodicum ſanguinis ex utero fluxum inciderit, ita ut judicetur à jecore uterino, ab utero aliquâ parte divulſo fieri, ſtatim incumbendum eſſe, ut enitatur. Non enim ſiſti ſolet ejusmodi ſanguinis profluvium, ſed ſi aliquandiu perſtiterit, tam matrem, quam infantem è medio tollit. Si verò foetum ſtatim ex utero rejecerit, matris viribus etiamnum conſtantibus, illa ſervari poteſt.

NOTA.

Utenitatur) At nos plures remediis liberavimus, ut deinde feliciffimè enixæ ſint ſuo tempore. Nec proclive eſt conjecturâ certiori divulſionem placentiæ uterini adſequi. Quin natura ipſa tantum ſc. ad partum aut abortum accingit. Nec facile *ἀντιτόκια* danda, niſi fluori dolores etiam conjungantur.

XC. Ad ſingultum in febb. moleſtum Claudini experimentum ex Diaphanico & Philonio Romano miſtum, Monſpeliienſium praxi frequentatum utiliſſimum compertum eſt.

NOTA.

Philonio Ròm.) Vid. ipsummet in lib. de ingressu, & empirica rationali.

XCI. Maritus cum uxore juvenculâ formosissimâ rem habere cupiens impediabatur, quia trepidaret maximè, & concubitum reformidaret, quia semen emittebat calidissimum & foetidissimum, ita ut plerumque exanimis in thoro jaceret: Quinque tamen annorum spatio decies concepit & abortiit. Hic purgatus & dulci ita convaluit, ut etiam conjux nullo alio remedio indigeret, sed anno sequente parentem faceret.

NOTÆ.

Calidissimum & foetidissimum) Similis planè casus, ni idem sit, habetur ap. Laur. Hofmannum de us. & abus. med. Chem.

& *dulci*) Curatio morbum ostendit. Non constat tamen, an aliqua luis suspicio adfuerit: Nec multum refert. Semen ipsum in quibusdam adeò corrumpi potest, ut veneni alicujus naturam æmuletur.

XCII. In *renum ulceribus* nihil præstantius expertus est D. de St. Jacques, quam aquas ferro aut plumbo medicatas, præmissa S. M. è brachio, & purgantibus lenioribus: Thermarum autem defectu substituebat decocta refrigerantia cum trochiscis de Caphura. Clysmata præterea refrigerantia ex Oxycrato sæpè repetebat.

NOTA.

Troch. de Caphurâ) Obsoleti isti, nec ulli ferè hodiè usitati. Ipsa sanè Caphura decocto aut destillato convenienti addita idem præstiterit.

XCIII. *Odontalgia* præclarissimum experimentum expertus est Riverius spir. vini cum satureja destillatum, ore detentum.

NOTA.

Satureja) Idem præstat etiam serpillum, & thymum non tantum in collutione, sed etiam in pediluviiis.

XCIV. Riverius statuebat Cæsaream sectionem nunquam exercendam esse matre in vivis existente, quia illâ vitâ partus nunquam desperatus esse soleat. Probabat id exemplo mulieris Monspeliensis agrè parturientis, quæ mortua infans quoque mortuus inventus est, sed tamen exclusus, unde constet extremis etiam conatibus excludi posse matre deficiente ex doloribus jam antè exantillatis. Quare nihil miri est, si Hildanus puerperæ extrema quæque patienti somnum viresque conciliarit confectioe Alkermes exhibita ad ℥j. c. fir. fl. papav. err. ℥ij. ex aq. nenupharis & borrag. felicissimè succurrerit. Vulnus etiam magnum in cute uniri non posse aiebat sine futurâ, nedum in utero, qui in humidiori est cute & cui nihil substernitur ad callum inducendum idoneum.

NOTÆ.

In vivis existente) Rectè sanè, nec facilè quisquam, quod sciamus, in vivâ sectionem tentare ausus est : sed ex mortuâ vivus foetus extrahi sine hæsitacione potest.

Hildanus) Vid. ipsum Centur. 6. Obs. 63.

XCV. *Mammillis excoriatis* pulverem *Tragacanthæ* inspersum, certum remedium comperimus.

NOTA.

Tragacantha) Et nos quoque cum farina tritici, & Amylo & G. Arab. feliciter adhiberi observavimus.

XCVI. *Hydropicorum* hepati roborando nihil præstantius expertum se profitebatur D. de Lort, quam se *Spic. Nardi* ʒss. ex ovo forbili datam.

NOTA.

Spic. Nardi) Est sanè egregium remedium, de quo vid. Diosc. 1. 6.

XCVII. *Hæmorrhagia periodica* narium laborans, frustrâ tentatis variis remediis oxycrato attracto curata est à Riverio.

NOTA.

Oxycrato) Id felicius adhibebitur, si acetum rosatum, succo plantag. aut urticæ misceatur.

XCIIIX. *Urinæ incontinentiam* in adultis pariter & pueris sæpissimè curavit idem scobe sive ramentis genitalium arietum in pulverem redactis ad ʒj. exhibitis.

NOTA.

Genit. arietum) Aut etiam cervini et taurini, quia omnia nervosa & tendinosa vim habent κολλητικὴν, de quâ supra §. XXXIII.

XCIX. *Luemœam* Formisius sæpè curavit in plurimis præcipitato tam albo, quam rubro aliquoties exhibito ad ʒj. purgandi gratiâ; deinde absolvit reliquum lixivio è cineribus sarmentorum.

NOTÆ.

Præcipitato albo & rubro) Conf. Episagm. nostr. Obs. XC.

Lixiv. è cin. sarment.) Inest enim omni lixivio vis diaphoretica ob salem copiosum, quo nomine etiam salsamenta, & imprimis decoctum pernæ, Gallis in usu.

C. Cum toto Oriente communissimum & probatissimum remedium ad oculorum dolores percognitum sit semen, quod Acaalidis Diosc. I. 118 plerique putant Guil. Quacelbenus epist. ad P. A. Marthiolum lib. III. Kesmesen vocat, adeo ut vulgari proverbio dici soleat: Si dolcant oculi, habes Kesmesen: mirari sæpè lubuit, hodiè à nemine tamen in usum duci. Causum sanè vix aliam conjicimus, quàm quod vix ulli ipsa planta agnoscatur, quod Valerius Cordus

ingenuo candore fatebatur. Bauhinus in pin. filiquæ sylvestri similem constituit, multum profecto aberrans, & Paludani relatione deceptus, qui se ex semine Cairo delato, cum cl. Io LXXIX. ex Syriâ rediisset, ab eodem accepto plantam foliis rotundis enatam vidit, & Æginetam præterea adduxit, qui tamen disertè myricæ similem professus est: eo præterea magis hallucinatus, quod Acaciam Diosc. Rauwolfio quondam nostro descriptam suspicaretur, cui tamen profecto non convenit. At si non nihil temporis Linguarum studio dedissent Viri doctissimi, certiora omnino comperire poterant. Nam Kesmázek aut Kesmásek (כזמאזק) & (כזמאזק) (כזמאזק) (כזמאזק) id est,

Jacobo Firauzabadio diserte exponitur (חבאחלאל) id est, baccæ Tamaricis albæ s. fructus Acacalidis Diosc. I. 128. Ebn Beitharo. Et (אקלגון) (אקלגון) (אקלגון) (אקלגון) Asiaticis Persicè (سورة) & (سورة) (سورة) (سورة) Mircati auctori Turcicè Myrica saluginosa sive alba, planta aculeata Zamachisfario prodita, non verè, qui folia acuminate & aspera hoc nomine intelligebat. Charmasel P. Bellonio lib. II. Obs. c. XXX. corruptè dicta, ex quo repetebat etiam Clusius I. hist. plant. rar. c. XXVII. non poenitendum mercimonium ob frequentissimum ubique usum appellans: At proverbium de re quacunque facili & parabili accipiendum, adeò enim copiosè provenit sive semen, sive, quod alii volunt, excrementum plantæ illius, ut rami pondere prægravati ferè dirumpi soleant.

NOTÆ.


Acacalidis) Multus hujus usus quondam Paulo Renealmo erat, quod ex curationibus illius patet. Provenit enim copiosè in Gallia maximè Narbonensi.

Kesmesen) Vid. infra. Kesmázek enim dicitur: aut Turcarum pronunciatione Kezmásenk.

Acaciam Diosc.) Vid. ipsum I. 133. de Ponticâ sive Cappadocicâ, diversa putatur ab Ægyptiâ, rectè tamen ab illo descripta.

Tamaricis albæ) Vid. Diosc. I. 116. de Myrica: γεννάται δέ τις ἐν Αἰγύπτῳ καὶ Συρίᾳ ἡμερος, κατὰ τὰ ἄλλα ὁμοίᾳ τῇ ἀγρίᾳ καρπὸν φέρονσα, ἐμφερῆ κηκίδι, ἀνόμαλον, (sic enim legendum, non ἀνομάλως) σύφοντα κατὰ τὴν γένυσιν, id est, gignitur & in Ægypto Syriæque sativa quædam, cætera sylvestri similis, at fructum ferens gallæ proximum, inæqualem gustu adstringentem, ἀρμυζοντα δὲ ἀντὶ κηκίδος εἰς τὰ στοματικά καὶ τὰ ὀφθαλμικά, qui gallæ vice ad oris oculorumque medicamenta accommodatur. Ut mirari queas, cur Dodonæus XVII. Prax. c. XI. Tamariscum Corinthium duplicem sylvestrem sterilem, & mitiorem fecerit, ab Ægypt.

Ægyptio & Syriaco gallifero diversum. Nam & hic Ægyptius ipse, qui gallas fert, ἡμερος Dioscordi dieitur. Si maximè Corinthius aliquis fuerit, cum ubique proveniat, tot sc. Tamarisci erunt, quot regiones fuerint, Hispanicus, Pannonicus, Italicus, Gallicus, Germanicus & sic deinceps, aut enim plures, si urbium nomina captemus, quo nihil magis absonum cogitari queat.



HISTORIA
STEATOMATIS

resecti, & feliciter sanati.

Auctore

JOAN. SIGISM. ELSHOLTIO D.

& Sereniss. Electoris Brandenb.

Medico Ordinario

AD

D. MARTINUM WEISSIUM

ET

D. CHRISTIANUM MENZELIUM,

Serenissimi Electoris Brandenburgici Consiliarios

& Archiatros.

Medicarum observationum quæ sit, quantaque utilitas, apud peritos in propatulo est. Quid proderunt medicinæ præcepta quæcunque, cum universalia sint, nisi ad sanandos ægros singulatim illa applies, & per individua? inde enim unice pendet artis certitudo. Suos de morbis epidemicis libros incredibili diligentia scripsit olim Hippocrates, qui tamen maximam partem præter historias certorum ægrotantium nihil continet. Ipsum longo ordine qui secuti sunt Medici, spissa Observationum, Consiliorumque volumina nobis reliquere: nec desunt hodieque viri summi, qui laudabili conatuariores suas curationes in literarum monumenta referant. Illis ipsis non ausim nomen inferre meum, quamvis Observationes partim ab aliis peregre domique communicatas, partim proprias in ordinem redigere, & iusto libello complecti, nobis in promptu sit. Recens tamen natam hanc abscissi Steatomatis historiam vulgare nunc visum est, non

Exordium.

quasi carere illa Respublica Medicorum nequeat: sed ut amicis, qui ipsam desiderant, gratificemur.

*Historia
Tumoris.*

Michael Nebel, miles decurio de legione prætoriana pedestri Serenissimi Electoris nostri, annos triginta septem natus, statura procerior & macilentus, illibata tamen valetudinis & robustus, sexto abhinc anno sensit aliquod tuberculum pisi instar sibi nasci prope perinæum in extremis natibus, non procul ab ano, sine dolore aut molestia. Quare neglectum per aliquot annos, incrementum sumsit, & antrorsum ad inguen sinistrum usque fuit protensum. Superiori mense tandem ad tantam molem pervenit, ut vehementer extensa primum, mox rupta etiam cute tumor procideret, & intra paucos dies magis magisque elapsus, hanc faciem, qualiter in icone prima pictus est, referret.

Curatio.


In consilium adhibitus judicavi, esse tumorem ex eorum genere, qui materiam peculiari inclusam membrana continent. De occasione tanti mali interrogatus æger, referre nihil poterat, nisi olim sese dimacham ab equitatione multa passum esse incommoda, & ab eo tempore initium tumorem sumsisse. Susplicari autem licet, vasorum peculiarem dispositionem in illo loco à nativitate nactum fuisse miserum hominem ita ut arteria cluni sinistra sanguinem deferentis certus ramulus vena socia destitueretur, aut casu hæc obstrueretur: accidit inde, ut sanguis affluens negato regressu subsisteret, & natura nunquam otiosa nutrimentum allatum in materiam adiposam sensim converteret, ipsique augescenti saccum fabricaretur. Cæterum erat universus tumor ad tactum durior, & prementi digito renitens adeo, ut primo intuitu Sarcoma sive carnea videri ex crescentia potuisset. Consilium de materia in pus vertenda, itemque aliud de sectione per partes instituenda, cum non placerent: itum fuit in sententiam de amputatione una vice perficienda. Semel igitur purgato corpore, sanguine ex vena brachii detracto, dies VI. elapsi mensis Decembris operationi fuit destinata. Convenimus Medici duo, mecum scilicet Excell. Dn. D. Martinus Weise Fil. totidemque Chirurghi, mane circa octavam. Omnibus rite comparatis, ægrum in scamno supinavimus, & quidem sine vinculis, quippe quæ sibi homo militaris dedecori ducebat. Adhibiti nihilominus fuerunt viri robusti, qui brachia pedesque decumbentis complecterentur. Tumor ob lubricitatem linteo involvebatur, ut manu firmiter teneri posset. Ad radicem ipsius acus filum trahens transdigebatur ex uno latere, & ex altero latere alia acus, radicem totam, in præcautionem nimia hæmorrhagiæ, artissime constringendo. Mox

nova-

Fig. 1.



Fig. 11.



novacula prope ligaturam amputatio fiebat, & celeri manu frustum ingens fungi orbicularis, desuperque stupa cum albumine ovi & bolo vulneri imponebatur. Deinde vero fasciæ tum per pedem, tum per ventrem pro majori firmitate circumductæ, & ægrotus, qui mascule sectionem pertulerat, in lectulum fuit repositus.

Elapsis XXIV. horis fasciæ arctiores solvebantur, aliis paulo laxius injectis: medicamenta tamen sanguinem sistentia nondum movebantur. Tertio die omnia fuerunt ablata, unguentum digestivum, postmodumque cætera medicamenta convenientia ordine adhibita, adeo ut vulnus intra mensem ad cicatricem perduceretur.

Amputatus hic & bilance examinatus tumor, duas libras medicas æquabat; forma equidem marsupium referens, ad radicem tamen paulo angustior, itemque circa apicem. Portio cute nuda non apparebat lævis, sed scabra & inæqualis: color carneus in locis extantibus, albicantior in depressis. Secundum longitudinem dissectus, ostentabat materiam adiposam, adipique suillo recens extracto & substantia & colore tam similem, ut discernere potuisset nemo. Folliculus crassitie calamum fere æquabat, ut videre est in icone posteriori: tenuissimæ vero membranulæ per totam adipis massam adpersæ, in cellulas quasi ipsum distinguebant.

*Descriptio
tumoris
abscissi.*

Explicatio literarum in iconibus.

Fig. I. Steatoma integrum.

- a. Radix steatomatis.
- b. Apex ejusdem.
- c. Portio cutis amputatæ.
- d. Portio cutis ruptæ.
- e. Folliculi superficies externa.
- f. Materia adiposa.


Fig. II. Steatoma juxta longitudinem dissectum.

- a. a. a. Materia adiposa, membranis distincta tenuibus.
- b. b. Portio cutis divisæ.
- c. c. c. Folliculi crassities.

Cæterum de tumoribus materiam sevo, melli. pultive similem complexis, qui plura scire desiderat, evolvere imprimis poterit Galenum l.

Conclusio.

XIV. meth. med. c. XII. Aëtium Amidenum lib. XV. de re medic. c. VIII. Paulum Æginetam l. c. XXXVI. C. Celsum l. VII. c. VI. Felicem Platerum Tom. III. Prax. Medic. lib. I. c. III. Ambrosium Paræum l. VI. c. XIX. Gabrielem Fallopium l. de tumor. p. n. c. XXIV. Hier. Fabr. ab Aquapendente l. I. Pentat. Chirurg. in app. Francisc. Peccettium tom. I. Oper. Chirurg. lib. I. c. XXV. speciatim vero Joan. Baptistæ Cortesii Steatoma exulceratum à dextri femoris interna regione marsupii in modum pendens, editum Messanæ Anno 1614. Citandis pluribus supersedeo. Scribebam Berolini VI. Nonas Januarii M. DC. LXVI.



JOAN. SIGISM. ELSHOLTII,

D. & Medic. Electoral.

De

CONCEPTIONE TUBARIA,

qua humani foetus extra Uteri cavitatem

in Tubis quandoque concipiuntur:

Itemque

de

PUELLA MONSTROSA,

Berolini nuper nata,

EPISTOLA

AD

Dn. D. VVOLRATHUM HUXHOLTIIUM,

Sereniss. Principis Landgraviæ Hassorum Regentis Archiatrum, &c.

PRÆNOBILIS, EXCELLENTISSIMEQUE
DOMINE.

CUm Serenissimam Aulam Vestram Cassellis secutus, hic apud nos Berolini aliquot septimanas nuper hospitareris, suavissima tua conversatione summo-

PUELLA MONSTROSA.



Amst. d.





Summoperè delectatus sum. Tui enim similes Viri in doctrina & arte præcël-
lentes aromatis aptè comparantur, quæ contrèctantibus non possunt non odo-
rem affricare gratum simul & utilem. Idem mihi contigisse fateor, quoties-
cunque de artis operibus & nuper repertis sermonem inter nos conferebamus:
imprimis cum tua opera & favore in musæo nostro inspicere aliquando liceret
literas, quas proximè elapso mens. Noyembri accipiebas ab amico, Lutetiæ Pa-
risiorum nunc commorante, quibus is refert, in aperto cadavere fœminæ Pari-
risinæ inventum fuisse duplicem Uterum, addendo etiam Programma Galli-
cum typis impressum, atque Iconem æri incisum cum lemmate hoc: *Demon-
stration d' une double Matrice.*

Profectò non levistum subibat admiratio animum meum, immò utrique
nostrum ostentum hoc naturæ rarissimum, & ulteriori examine quammaximè
dignum videbatur. Cum verò TU paullò post iterum hinc abires, sententiam-
que nihilominus hac de re meam requisivisses, lineas aliquot in chartam conje-
ci: & ut in Germania quoque nostra isthæc si non nova, saltem paucis obvia
hactenus concipiendi ratio magis innotesceret, Epistola hac ad TE conscripta
Casum repetere breviter, & adjecta effigie excitare animos Eruditorum ad id
genus plures Observationes notandas volui. Id quod haud iniquè TE, Vir
Excell. me laturum penitus confido.

Argumentum autem Programmatis Gallicani, omissis superfluis, Latine sic
sonat: *Benedictus Vassalius, Chirurgus Parisiensis, aperuit d. VI. Januarii anni
currentis 1663. cadaver mulieris triginta duos annos nata, temperamento sangui-
neo, & habitu corporis satis masculo prædita. Reperta fuerunt duæ Matrices singu-
lari connexionè à natura tam bene dispositæ, ut vera undecies jam concepisset, septem
nimirum filios & quatuor filias, justo omnes tempore & debita compositionis. At qui
habebant fraterculum embryonem, conceptum in Adjutorio sive Adminiculo ge-
nuini Uteri, & quidem in loco ad distensionem tam inepto, ut fœtus grandescens de-
cem septimanas funestis symptomatis matrem exagitaret: tandem trium aut qua-
tuor mensium factus fœtus carcere effracto tumultum sibi in ipsa matre paravit, ex-
citando ingens sanguinis profluvium in universam abdominis cavitatē: id quod tri-
bus ultimis diebus vehementissimi motus convulsivi, & deniq; mors subsequuta fuit.*

Cæterum ad demonstrationem hanc Dn. B. Vassalii quod attinet, quamvis
cum nemine contendere velim admodum, ægrè tamen à me impetrare possum,
ut credam, gemino instructam Utero fuisse Parisiensem illam gravidam: nisi vo-
cabulum Uteri latissimè accipere velimus pro quacunque capsula fœtum inclu-
dente. Quotusquisque enim appictam Embryi domunculam attentius confi-
derat, dextram Uteri genuini tubam dilatatam, non autem accuratè loquendo
Uterum secundum esse confitebitur.

Nimirum fundus uteri est locus, in cujus rotunda cavitate humani foetus ordinaria naturæ lege concipiuntur: canum siquidem & aliorum brutorum matricēs à rotunditate ista recedunt, & bicornes aut alterius formæ sunt æmulæ. Atqui communi gentium consensu hæcenus statutum fuit, Uteri humani rotundam illam cavitationem non tantum esse genuinam, verum etiam unicam conceptionis sedem: quinimmo extra illam non dari ullam Embryonifformationem.

At verò aliter se rem habere, historiæ aliquot nostræ patrumque memoria factæ convincunt. Joannes sane Riolanus *lib. II. Anthropograph. cap. 35. In tuba uteri, inquit, quod est mirabile, foetum humanum concipi. fuit observatum.* Deinde recenset quatuor ē tubis resectorum foetuum exempla, quæ quidem nolim hic otiose repetere. Pertinet huc historia de uxore Civis Viennensis, quæ extat apud Joan. Marquardum *Prætic. Medic. tit. de Mola matricis p. 380.* Inventæ scilicet sunt in ipsius Cadavere dissecto duæ molæ extra matricem: una supra ipsam frusti instar carnis, & altera in latere sinistro circa vasa seminaria, capitis magnitudine. Planè etiam huc spectat Observatio Mussipontanæ mulieris, embryum extra uterum gerentis, quam ante hos decem annos seorsim divulgavit Joan. Daniel Horstius, & repetiit Thomas Bartholinus *Centur. VI. Histor. 92.* Accedit jam nunc nova hæc ex Galliis Observatio, cæteras ante se tum magnopere illustrans, tum evidentia longè superans. *Lit. a. est Uteri cavitas. b. Vagina. c. c. Ligamenta teretia. d. d. Testes. e. Tuba sinistra. f. Tuba dextra. g. Portio tubæ dextræ dilatata, in qua embryo conceptus. Cætera sine interprete patent.*

De modo tantum mens hæret, quo *Conceptiones* istæ *tubariae* (liceat nunc istac voce à proprio sensu, quo Fabrum/tubarum alias significat, paulum de-torta uti) contingant. Concedendum primò, semen virile non tantum in fundum pervenire, sed in ipsas inde penetrare tubas valere. Deinde quoque, tubas immane quantum dilatari posse, veluti infelix Catharina Bonevallia, hydropem in illis passa, apud Nicol. Tulpium *l. IV. Observ. Medic. c. 44.* latis superque commonstrat. Tertio, masculum semen in tubas receptum, semini foeminino commisceri, ut conjunctim deinde in fundi cavitationem pro foecundatione & foetus conformatione refluant. Denique *in tubis, hæc secus atque utero, obstructions esse frequentes*, ut loquitur Joan. Veslingius *Syntagm. Anatom. cap. VII.*

Suppositis his sequitur, miscellam hanc Parisinam sub amplexibus veneris suscepisse semen maris, quod per uteri fundum in dextram usque tubam penetrans, & muliebri copulatum, dum relabi in cavitationem nitēbatur, interveniente notabili quadam obstructione impeditum substitit. Virtus interim plastica, nunquam otiosa, ex miscella foecundi seminis fabricari foetum incepit, non refragante prorsus loci commoditate: siquidem, auctore Riolo *l. c. tuba uteri ejusdem*

eiusdem sunt natura & substantia cum utero, quia mediocriter carnosæ. Porro crescente foetu magisque dilatari tuba cœpit, immo & membranæ ipsius spissari adeò, ut crassitie sua uterum genuinum æmuleretur.

Tubarias autem ejusmodi *conceptiones* embryo semper, matri ut plurimum lethales esse arbitramur; Per angustum enim tubæ ductum remeare in uteri cavum haut valet foetus grandior: unde aut suffocatur in matrice illa falsa, si ea sit spissior: aut si tenuior, vi perumpit, & in cavum abdominis prolabitur. Eam rupturam insignis hæmorrhagia necessario comitatur, immo lethalis, nisi abdomine artificiose diviso sanguis effusus evacuetur, & embryo novo Partus Cæsarei methodo eximatur. Hujus equidem operationis, qua exciso foetu in tuba concepto parens servata sit, etiamsi exemplum nondum extet: fieri tamen eam posse, non magis est negandum, quam Partum Cæsareum hæctenus cognitum. Atqui nec illud negandum, tum in tubis variorum morborum muliebrium causas latere hucusque ignotas, tum in ligamentis uteri teretibus: quippe quæ non simplicia, sed concava esse, & è duplici membrana haut secus, atque Uterum ipsum componi, immo per eandem seminalem materiam, nec non alia in utero coacervata excrementa ad inguina expelli, ex J. Veslingio *Syntagm. Anatom. cap. VII.* aliisque Neotericis abundè constat.

Ita equidem hac de re nunc conjicio, nondum meliora doctus: atqui Guilielmi Harvei de generatione animalium sententiis, quæ jam nunc inter Doctos ventilatur, ejusmodi experimentis majus acquisitura robur videtur: quippe si in tubas post coitum secedit semen, quid mirum, si in cervis & damis primo mense vacuum uteri cavitatem ipse invenit. Qua de controversia legi merentur, post Antonium Deusingium, Jani Orchami *Conjectura de generatione animalium*, & examen illius libelli, quod hoc ipso anno Georgius Fridericus Rallius, Medicus Stetinensis divulgavit.

Et hæc quidem hæctenus: at verò de *Puella illa monstruosa*, quam urbs nostra nuperrimè conspexit, adjicere aliquid visum quoque est, præsertim cum effigiem ipsius TU à me desideraveris. Eam itaque hic additam nunc accipe: immo, nisi fastidis, ejusdem etiam descriptionem.

Die nimirum XIII. mens. Octobris, & quidem anni labentis cId Idc LXIX. nascebatur Colonia Brandenburgicæ puella pessimæ conformationis in partu mortua. Mater erat juvencula, quam superiore anno uxorem duxerat miles gregarius de Legione urbis præsidiaria. Tertio igitur à partu die cum inspectio à me fieret, in capite foetus nullum exterius apparebat vitium, quin potius facies ipsi erat bellula & venusta satis. Sic etiam brachium dextrum, itemque totum dorsum errois visebatur expers.

Contra vero brachium sinistrum ab humero sensim acuminabatur, & tandem definebat in unicum digitum, suo ungue *lit. a* rite munitum. Crus lævum abdomini adnatum ita, ut genu illud attingeret: habebat autem tota illa abdominis portio, *lit. b.* propendentibus per cutem fissam hepate, mesenterio, cæterisque nutritioni dicatis visceribus, ut etiam umbilicalibus vasis. Pes quatuor tantummodo digitis instructus, & per medium notabili scissum *lit. c.* divulsus, adeo ut eminus conspicienti duplex planta in uno pede appareret.


In dextro genu patella deerat, & planta pedis *lit. d.* iidem quaternis prædita digitis. Verum & ex interno femore *lit. e.* prodibat, simulque malleolo interno *lit. f.* connectebatur caudam suillam oblongam referens corpus, & quidem glabrum: qualem caudulam, sed breviorē & pilosam, etiam prope anum in solita coccygis extremitate *lit. g.* haut sine stupore contemplantur.

Interrogata mater, num tempore gestationis ob terrorem aut similem animi perturbationem aliquid mali passa sit? se quicquam meminisse negabat. Frequentibus tamen mactationibus suum atque porcorum ipsam interfuisse, foemellæ adstantes afferebant: unde malum hoc, interveniente imaginationis vehementia, unice originem traxisse conjicimus. Ne quid enim de cauda illa porcina in coccyge hic dicam, suspicionem multum auget fissura illa in abdomine, per quam viscera propendebant. Quicumque enim vel semel de trabe mactatum suspendi porcellum observavit, & quam faciem referat abdomen ejus, dum à lanione disseccatur prolabantibus intestinis: is ea parte conformitatem aliquam cum monstroso partu hoc, facile agnoscet. Cæterum quamvis istiusmodi adpectu se perterritam mater non recordetur, vero tamen perquam simile est, non advertenti tale quippiam: dum utero ferret, contigisse: aut, veluti rerum suarum quandoque minus satagunt mulierculæ, perturbationis quondam perceptæ ipsam prorsus fuisse oblitam.

Interea quanta vis sit imaginationis, mirari subit: quippe quæ sub auspiciis τῆς πλαστικῆς in uno fœtu & digitos aufert, & caudas apponit, & plantas sulcat, & scisso abdomine viscera protrudit: inmo his longe majora facinora in embryone quandoque patrat, cujus calamitatis exempla affatim prostant apud Auctores, qui de Monstris & Prodigis scriptitarunt. Et speciatim quidem, ut novisti, laudandi hoc loco venient Ulysses Aldrovandus & Joannes Georgius Schenkius, uterque in *Historia monstrorum*, Alphonsus de Carranza Hispanus *Tractat. de Partu natural. & legitim.* Ambrosius Paræus *Oper. Chirurg. lib. XXIV.* Martinus Weinrichius *Commentar. de Monstr.* Caspar Bauhinus *lib. de Hermaphrodit. monstrosisque partib.* Fortunius Licetus *l. de Monstrorum natur. causis & different.* At nenoctuas Athenas, utaquam pelago illaturus videar, finio. Ho Philosophi de Monstris effato *lib. IV. de Gener. animal. c. 3.* Πάρετος δὲ λόγος τῆς

τῆς αἰτίας καὶ τῶν πλησίων ἱερῶν ἰνὰ εἰσιν. οἱ τε περὶ τῶν ἱερῶν καὶ οἱ περὶ τῶν ἀνα-
πύρων ζώων, καὶ γὰρ τὸ τέρας ἀναπνεῖα ἴς ἐστι.

Tux vero censuræ, Huxholti Celeberrime, quicquid hic perscripsi, submit-
to: obnixeprecatus, ut qui tuus est candor, omnia in meliorem partem inter-
preteris, tuumque mihi amorem constanter serves. Berolini d. XIV. Decembr.
A. cō Ioc LXIX.



T U M B A

S E M I R A M I D I S

*Hermetice Sigillata,**Quam*

SI SAPIENS APERUERIT,

Non

CYRUS, AMBITIOSUS, AVARUS,

Regum ille thesauros divitiarum inexhaustos,
quod sufficiat, inveniet.

Da amantem, & sentiet, quæ loquor, si autem frigida loquor, non sentiet,
quæ loquor. D. Aug. d. amor. div.

*Nobilissimi, Præcellentissimi Viri, S. R. I. Naturæ**Curiosi, DOMINI,*

&

FAUTORES HONORATISSIMI.

NOn tantum priscis temporibus, sed & hâc mundi senectâ nil altius sepul-
tum, nec quod magis ab omnibus, maximè Technophilis desideratum
hactenus est, quam magni illius mysterii Sapientum Scientia, quæ notâ
vocula *Lapis Philosophorum* appellatur; Eapropter scientiam hanc sub schema-
te *Tumbæ Semiramidis*, sapientissimæ quondam Babylonis Reginæ tumulatam
& adumbratam, servata ejusdem monumenti inscriptione, è tumulo extrahi-
mus, orbique literario visendam & aperiendam sistimus; *Quam si Sapiens, non*

Cyrus, ambitiosus, avarus aperuerit, Regum thesauros divitiarum inexhaustos, quod sufficiat, inveniet. Addo constantem sanitatem, quæ duo præcipuas feliciores vitæ columnas dixeris.

Sed erunt fortè altum sapientes, quibus Tumbam hanc referare opus mulierum & ludus puerorum videbitur, sciant autem velim, scientiam hanc esse *Amnem altissimum, in quo Agnus ambulat*, id est, simplex proficit, & *Elephas natat*, id est, doctissimi quique opinionibus, erroribus, & dubiis suis fluctuant, & immò submerguntur; dum hic de vero subjecto magni operis adhuc dubius, immò toto genere alienus est; ille de Mercurio sophico acquirendo arduè sollicitus, nec quis ille sit, vel cujus formæ, inanibus laboribus sese fatigat; alius quid Ignis Philosophicus? quid elementa magica, clavis, vel menstruum solvens? undè illud depromendum? an dulce vel corrosivum? frigidum? vel igneum sit? vano mœrore sese lacerat. Ingemui sæpè super ea, quæ talium manus fecerant, & in quibus frustra insudaverant, ubi ultimò non invenirent, nisi vanitatem & afflictionem animi. Stimulo itaque charitatis eorum misertus, communicatam mihi misericorditer lucem, eandem, ut clavem ad sacræ illius scientiæ sanctuarium inveniant, lubens impertior, quamvis à multis violati silentii reus accusabor.

Vestra verò, Viri Præcellentissimi, in curiosis Polydædalæ Naturæ arcanis & operibus curiosa industria, & indefessa curiositas, quæ totum Orbem literarium ad secretiora communicanda suavissimo suo illicio invitavit, me quoque impulit, hujus, quod apud me est, totius naturæ curiosissimi operis, Vos genuinos omnigenæ scientiæ filios, hæredes facere.

Quis verò sim ne quærite; Homo sum, qui aliis prodesse studeo; amicus vester, & virtutum vestrarum admirator, notus multis, saltem nomine.

Valete ergo Curiosi Naturæ, & Artis Mystæ, excelsa Germaniæ sidera; DEUS sit Vobiscum; Vestraque opera & cogitationes toti Reipublicæ literariæ summè proficuas virtute suâ corroboret ad publicæ salutis incrementum, vestrique Nominis gloriam immortalem.

Ex Museo Calendis Januarii, Anno à nato
Salvatore 1674.

TUMBÆ

TUMBÆ SEMIRAMIDIS

Hermetice Sigillatæ,

CAPUT I.

De Subiecto Physico Lapidis Philosophorum.

O Peris nostri principium sit *TIMOR DOMINI*, finis autem *CHARITAS* & *AMOR* proximi. Aggressuri itaque cum Bono DEO tam divinum opus, primo inquirendum, quodnam sit subiectum illius? Ut enim agricola incassum ad messem agrum preparat, nisi de semine certus sit, ita & ille gratis agrum chymicum instruit, si quidquid in illum seminet, ignorat. Et in hoc hodiernum plures sese angunt, inque differentes opiniones rapiuntur.

Sed omnia hac velle discutere, huius loci non est: Dum illi in Regno Animalium, Sanguine, Spermate, Sudore, Urinâ, Capillis, Stercoribus, Ovis, Serpentibus, bufonibus, araneis, &c. quærent; Isti in Regno Vegetabili, præprimis Vino, inani pro Magisterio magno conatu occupantur. Et si enim nobis constet in utroque Regno, & quidem in Homine (maximè illius corde) dum etiam Vino supremam quoque unam valetudinis nostræ medicinam obtineri posse: ut enim aurum omnium mineralium, sic hac duo omnium Animalium & Vegetabilium potestates, in unum quasi collectas, complectuntur; Porro ut ex illis fiat opus magnum sapientum, nullus Adeptorum somniavit. Superest igitur ex Regno minerali petendum esse; sed & hic magna dissentientium Corona, ut herclè Oedypo opus habeamus: Sunt enim, qui ex mediis, ut vocant, mineralibus, ut pote Sale, Nitro, Alumine, & id genus aliis eruere volunt, sed frustra; cum hac argenti vivi nihil in se habeant, in quod resolviqueant; Quo in luto & nos in prima nostrâ inscitia immergi fuimus.

Manet ergo ratum, metalla subiectum Physicum esse Lapidis nostri benedicti. Verum & hic res in bivio: Metalla enim alia imperfecta sunt, perfecta alia.

Breviter ut nos expediamus, dicimus, omnia metalla fusa, præcipuè verò non fusa etsi imperfecta, per intimam labis suæ originalis depurationem (quod tamen perquam difficile, & apparenter vix impossibile) subiectum Lapidis esse posse, de quo *FLAMELLUS*: Aliqui in Jove, aliqui in Saturno laboraverunt, ego autem, inquit, in Sole laboravi & inveni. Et in exercit. ad Turbam legitur: Omnia metalla munda & immunda sunt intus Sol, & Luna, & Mercurius, sed unus est verus Sol, qui abstrahitur ab eis. Et Author arcani operis *Hermetica Philosophia*

sophia Canon. XVI. inquit : Quæcunque extra metallorum naturam imperfecta metalla perficiendi & multiplicandi artem quærit, in via erroris est, à metallis enim metalla, sicut ab homine humana & à bove bovina species petenda est. *Et Canon. XVIII. amplius agit* : Corpora perfecta semine perfectiori prædita sunt; sub duro itaque perfectorum metallorum cortice latet perfectum semen, quod qui novit resolutione philosophica eruere, regiam viam ingressus est. Sic & Anonymus ille *PHILALETHA in introitu ad Sacrum Regis Palatium cap. XIX. de progressu operis in primis 40. diebus* : Est nimirum in omnibus metallis, etiam communibus AURUM, sed proximius in AURO & ARGENTO. *Quamquam* (ut benè idem Adeptus loquitur,) est adhuc unum in regno metallo mirabilis originis, in quo Aurum nostrum proximius est, quàm in communi Auro & Argento, si illud in hora suæ nativitatis quæras, quod in nostro Mercurio liquatur ut glacies in aqua tepida, &c.

Sed præscindendo hac vice ab his imperfectionibus, in præsentia magna illa duo luminaria perfectiora, SOLEM & LUNAM, Aurum quippe & Argentum pro subiecto physico Lapidis declaramus, quam Viam magna pars Philosophorum secuta est, & voti sui compotes facti sunt. Et declarat illud AUGURELLUS l. 2. Chrysop. dum ait :

— Purum atque omni purgatum forde metallum
Accipies, cùjus secreta in parte recessit
Spiritus, & crassâ pressus sub mole latenter
Victitat, ac solvi vinclis & carcere coelo
Emitte expectat, tenues effusus in oras.

IDEM in Chrysop. l.

— — — — — nec tu
Nunc aliunde auri quæras primordia, in auro
Semina sunt auri, quamvis abstrusa recedant
Longius, & longo nobis quærenda labore.

Et de utriusque luminaris dignitate illud Spagyricæ Philosophiæ Sidus LULLIUS, codicill. p. m. 28. Propter quod depurata magis alia reperiuntur duo, scilicet, Aurum & Argentum, sine quibus ars ista non poterit integrari, cùm in illis sit purissima sulphuris substantia, ingenio naturæ perfectè depurata, & ex illis duobus corporibus cum suo sulphure vel arsenico præparatis, nostra elici medicina poterit, & sine illis haberi nequit. *Et clangor BUCCINÆ* : Prudenter & disertè oportet te operari, quoniam sine fermento non poterit Sol neque Luna esse; & aliud semen sive fermentum non est appropriatum & utile, nisi Aurum ad Rubrum, & Argentum ad Album, quæ corpora subtiliata prius sub pondere, deinde seminanda veniunt, ut putrescant & corrumpantur, ubi destructa una forma

ma alia nobilior induatur : Et hoc fit aqua nostra sola mediante. *Hinc optime concludit ANONYMUS* quidam in sua responsione : Sicuti ignis ignificandi principium est, ita Aurum Auri est principium, qualis causa, talis effectus. Qualis pater, talis filius : quale semen, talis fructus. Homo hominem, leo leonem generat.

Sed dices : asserunt Philosophi, quod talis debeat esse materia, quam aequè dives, & pauper habere potest, unde illud : DEUS hunc thesaurum omnibus hominibus inquirendum concessit, nec mortalium ulli, nisi quis pravis cordis sui affectibus indignum se ipsum reddat, tanta bona invidet. Et GEBER : non oportet tua bona consumere, quia vili pretio si artis principia non ignoraveris, quæ tibi trademus, ad completum pervenies magisterium. Si enim Aurum, vel quid simile sumptuosum illud (tantum) esset, sic pauperes cogerentur hoc gloriosum opus postponere, cum contingat, Artificem pluries errare, pauper non posset post admissum errorem opus repetere, quod omninò fieri oportet, si nullum aliud remedium superesset. Et Lilius : Hic autem Lapis palam minimo emitur pretio ; qui si novissent venditores, ipsum manibus tenerent, & nullo modo venderent. Et alius ANONYMUS : Expensæ nostræ non excedunt pretium duorum florenorum. Quod confirmat ARNOLDUS : Firmiter teneas, quod expensæ nostræ nobilissimæ Artis non excedant pretium duorum aureorum in sua emptione, id est, operatione. Et GEBER : Si in operando æs tuum amiseris, nos non iniquè corrodas, sed tuæ imputes imprudentiæ : Scientia enim nostra magnas non requirit expensas.

Ad quæ respondemus : Nos nunquam negasse, præter Aurum & Argentum non etiam dari aliud subjectum minoris pretii : ubi imperfecta metalla non exclusimus, quemadmodum supra ex ANONYMO PHILALETHA hisce verbis meminimus : Est adhuc unum in regno metallico mirabilis originis &c. Quamquam vile hoc pretium multi Philosophorum de menstruo nostro solvente intelligi velint.

Dices amplius ex SENDIVOGLIO tract. XI. In laboribus tuis Aurum & Argentum vulgi non accipias, nam hæc sunt mortua :

Respondemus, concedendo ex Auro & Argento vulgi, quæ talibus, & quamdiu mortua fuerint, non confici Lapidem ; Ubi verò resuscitata, & in primam seminalem naturam redacta, & Auro Philosophorum similia facta fuerint, tum non tantum de se semen edunt, sed & loco fermenti inserviunt. Quod confirmat Philosophus his verbis : Præsentis & præteriti non fecerunt aliquid nisi ex Auro Aurum, & ex Argento Argentum, non tamen Aurum illud vel Argentum fuit vulgi.

Ex quo patet, quod Aurum Philosophorum non sit Aurum vulgi, nec in colore, nec in substantia, sed illud, quod extrahitur ex eis, est alba & rubea tinctura.

CAPUT II.

Quid sit Aurum Physicum seu Philosophorum?

Aurum vel Argentum Philosophorum est corpus metallicum resolutum in ultimam materiam, quæ prima Lapidis est, (scilicet in Mercurium) & probatur: Omnis res est ex eo, in quod resolvitur: sed omnia metalla reducuntur in argenteitatem vivam: ergo fuerunt Argentum vivum.

Est enim (juxta vulgatam Philosophorum sententiam) in Mercurio, quod quærunt sapientes. *ITEM*: Mercurius est radix in Alchymia, quoniam ex eo, per eum, & in eo sunt omnia metalla. Et Spagyrica Philosophia abstrusissimum mare THEOPHRASTUS de prima metallorum materia ita loquitur: Extrahere corporibus metallicis Mercurium nihil aliud est, quam ipsa resolvere, seu in primam ipsorum reducere materiam, hoc est, Mercurium currentem, qualis scilicet erat in centro terræ ante metallorum generationem, vapor scilicet humidus & viscosus, (qui est Aurum vel Argentum Philosophorum,) continens in se invisibiliter Mercurium & Sulphur naturæ principia omnium metallorum. Talis Mercurius ineffabilem est virtutum viriumque, & secreta divina continet.

CAPUT III.

De Præparatione corporum pro Mercurio Philosophorum.

Inquit AVICENNA: Si laborare volueris, necessum habes, ut in solutione vel sublimatione duorum luminarium laboris tui facias initium, primus siquidem operis gradus est, ut argentum vivum ex eo fiat. Verum cum hæc corpora, utpote perfectiora arctius constricta, & duriores coagulationem nacta sint, ut ipsa in Mercurium reduci queant, primo præparatione, & physica calcinatione opus habent, quæ quidem non tam necessaria est in Argento (nam propter munditiam & mollitiem facile in id agit aqua nostra,) quod non sit in Auro & reliquis metallis, quæ omnia requirunt calcinationem, in qua aqua nostra facilius tunc agit, maxime, si quæ impura depurata sint, propter substantiæ similitudinem.

De calcinatione corporum ex opere secreto de Lapide Philosophorum D. Doctoris & Episcopi Tridentini: Metalla solvenda in lacte virginis prius debent calcinari seu purgari, & Luna quidem finissima & subtiliter limata dissolvatur in aqua forti, & aqua pluviali stillatitia, in qua amoniacum, vel sal commune dissolutum sit, præcipitetur in calcem albam, decantatâ aquâ lavetur, & edulcoretur calx alia aqua pluviali calente, ut omnis falsedo & acrimonia tollatur; siccetur postea, & erit calx mundissima.

Aurum verò calcinetur in hunc modum: Fac amalgama cum Auro (quod prius per Aquile nigra corpus depuretur, ut supra modum pulchrum & gloriosum fiat,) & Mercurio optime purgato per salem & acetum, per q₃ corium expresso, pone in aqua forti purificata, ut Mercurius omnis solvatur; aquam fortem à calce salis decanta, calcem ut supra aqua calidâ lava, & leni calore exsicca. Calx ista si artificiosè & leviter reverberetur, ita tamen ne fluat, in pulcherrimum crocum abibit.

Aliter sic calcinatur *Aurum*, ut in primam materiam seu Mercurium Philosophorum reduci queat, de quo PARACELSVS lib. 7. Metamorph. de resurrectione, nimirum: calcinetur metallum cum Mercurio revivificato, ponendo Mercurium cum metallo in sublimatorium, digerendo simul donec fiat amalgama. Sublimainde Mercurium modesto igne, & denuò cum calce metallica tere, & ut ante digestionem & sublimationem repete, idq₃ toties, donec calx ad mota candela ardenti fluat instar glaciei, vel cere. Hoc metallum ita preparatum pone ad digestionem in ventrem equinum, vel B. M. decenter calidum, digerendo per mensem, & convertetur metallum in Mercurium viventem, (id est,) in primam materiam, quæ Mercurius Philosophorum, & Mercurius metallorum nuncupatur, quem multi quæsi verunt, sed pauci invenerunt.

JOACHIMVS Polemannus de mysterio Sulphuris Philosophorum, beneficio corrosivi sui duplicati & satiati metallum in minutissimas atomos dividit, & dilacerat ad tingentem animam menstruo igneo solvendi tradendum.

Alia & meliori via à nobis calcinatur, quam calcinationem primam solutionem nominare libet; & fit si calcibus Solis vel Lunæ præfatis in phiala positis affundatur vinum vitæ, quod est menstruum nostrum, de quo infra c. 6. ad eminentiam unius digiti transversi, & apposito capitello seu alembico digerantur in cinere vel etiam arena, & coagulentur; coagulato novum menstruum ut supra affundendo, & coagulando, idq₃ tertio & quarto, vel donec calx metallica ad lumen instar cere vel glaciei lique scat, quod est signum sufficientis calcinationis Philosophicæ, fitq₃ hoc cum conservatione metalli in sua virtute prima. Et hoc est, quod dicit ARISTOTELES in Rosario: Conjunge filium tuum Gabritium dilectiorem tibi omnibus filiis tuis cum sua sorore Beja, quæ est puella fulgida, suavis & tenera.

CAPUT IV.

De solutione corporum Philosophica secunda ac vera, atq₃ reductione in Mercurium.

FACTA calcinatione seu primâ solutione, de qua capite præcedente dictum est, & quæ (ut Philosophus ANONYMVS tractatu aureo de Lapide Philosophorum

rumin sua responsione habet,) suavis esse debuit, & planè naturalis, (id est) quæ subjectum sine stridore cum humiditatis suæ radicalis conservatione solveret, tunc corpora ita calcinata phiala H. S. committenda sunt, & lenigne B. M. vel roris per mensem Philosophicum digerenda vel putrefacienda ; melior enim est solutio voluntaria, quam violenta, temperata, quam festina, ut habet Philosophus. Et sic fit solutio secunda & vera metalli in aquam viscosam, seu oleitatem quandam cum conservatione humidi radicalis, in qua est verum sulphur metallicum, simulque verus & nobilissimus Mercurius ; unum enim alterius semper magnes existit, manetque solvens cum soluto, & inseparabiliter manere cupit, idque propter substantiæ similitudinem ; hinc veteres dixêre : natura naturâ gaudet, natura naturam vincit, immutat. Et per hoc essentialis seu formalis solutio à corrosiva solutione distinguitur. Sciendum autem, ex luna liquorem seu tincturam viridem gigni, quæ est verum Elixir lune, summumque arcanum confortandi cerebrum : ex sole vero per æqualem putrefactionem summa rubedinis liquorem produci, qui est verum Elixir solis, & quinta essentia metalli ; de qua GEBER ait : Nos facimus Aurum sanguinolentum, melius quam à natura productum, quod natura nequaquam facit. De hac viscositate amplius loquitur GEBER in summa : Exactissimè singula sumus experti, suis idque probatis rationibus, sed nihil potuimus unquam reperire permanens in igne, præter viscosam humiditatem solam radicem omnium metallorum, cum cæteræ humiditates omnes, quia in homogeneitate non benè sunt unitæ, ab igne facilè fugiant ac elementa ab invicem facilè separentur, at humiditas viscosa, Mercurius videlicet, nunquam in igne consumitur, nec aqua à terra separatur, sed aut omnia simul manent, aut simul abeunt.

Sed quæres, sub quo pondere menstruum metallo desponsandum sit ? ROSARIUS Philosophorum inquit : Sicuti in operatione panis modicum fermenti levat, & fermentat magnam copiam pastæ, ita & illud modicum terræ sufficit ad nutritionem totius Lapidis. ARISTOTELES nominat pondus, dicens : Sic igitur facite & coquite, donec terra (id est Aurum) exhausta decuplum de aqua.

Author novi luminis in fine libri in hæc verba prorumpit : Aqua in decuplo esse debet ad unam partem corporis, & hæc viâ facimus Mercurium sine Mercurio vulgi, accipiendo de aqua Mercuriali nostra, (id est, oleo salis Mercuriali putrefacto & alembicato,) quæ est vapor unctuosus in decuplo ad corporis auræ partem unam, & clausis in vase per decoctionem continuam, Aurum fit.

Mercurius, id est, vapor unctuosus & non Mercurius vulgi, ut falso nonnulli imaginantur.

CAPUT V.

Quid propriè sit quinta essentia?

PARACELSVS lib. 3. de vita longa. cap. 2. sic discurret : Quinta essentia nihil aliud est, quam bonitas naturæ, ita ut tota natura in Spagyricam mixturam, & temperamentum abeat, in qua nihil corruptibile, nihilque contrarium sit invenibile.

IDEM lib. 4. Archidox. de quinta essentia ait : Quinta essentia est una materia, quæ corporaliter extrahitur ex omnibus crescitivis, & ex omnibus, quod vitam habet, separata ab omni impuritate & mortalitate, subtiliata mundissimè, divisa ab omnibus elementis.

Et paulò post ibidem : Scire debes de quinta essentia, quòd sit parva & modica, hospitata in aliquo ligno, aliqua herba, vel lapide, aut simili: reliquum purum corpus est, ex quo discimus separationes elementorum, &c.

RUPESCISSA de quinta essentia c. 5. circa finem; Ideò est ingeniaturum divino spiraculo, quod per continuas ascensiones, & descensiones separatur quinta essentia, quam quærimus à corruptibili corpore quatuor elementorum, & hoc fit, quia istud quod secundo & sæpè sublimatur, est magis subtile, & glorificatum, & à corruptione quatuor elementorum separatum, quam quando solum unâ vice ascendit, & sic usque ad mille vices, & per continuum ascensum & descensum quod sublimatur, ad tantam virtutem glorificationis venit, ut sit compositum incorruptibile ferè sicut cælum, & de materia cœli, & ideò quinta essentia appellata, quia ita se habet ratione corporis nostri, sicut cælum ratione totius mundi, ferè eo modo, quo artificium potest imitari naturam, quasi per quoddam simile valdè propinquum, & connaturale.

CAPUT VI.

De Igne Philosophico, seu Menstruo solvente, aut Liquore nostro Alkaest.

HUjus aquæ seu succinobilissimi (qui est verum Regis balneum) præparationem Philosophi semper occultam tenuerunt, ita ut Bernardus Comes in Tresne & Neigen lib. 2. dixerit, sese nudis verbis nulli hominum expositurum, DEO votum, Philosophis & equitati præstitisse, cum sit secretissimum totius operis arcanum; & revera! si enim liquor hic cuivis pateret, tunc pueri deriderent sapientiam nostram, & insipientes aquarentur ingeniosis, & totus in universum orbis cæcis impetu huc rueret, ac se ipsum nullâ, nec æquitate, nec pietatis habitâ ratione inimum Acherontem precipitem daret.

AVGURELLUS menstruum hoc mercurium indigitat, dum sic canit:

Tu quoque nec cœptis Cylleni audacibus unquam
Defueris, argentum vulgò quod vivere dicunt,
Sufficit, & tantis præstant primordia rebus.

IDEM sentit *GEORGIUS RIPLÆUS* in procœmio duodecim portarum:
Ego profectò te docebo, Mercurios esse hos, qui sunt claves scientiæ, quos
RAYMUNDUS sua menstrua vocat, sine quibus nihil fit. *GEBER* aliter no-
minat: Per *DEUM* altissimum hæc est illa aqua, quæ lucernas accendit, domos
illuminat, & abundantiam divitiarum præbeat. O aqua maris nostri! ô sal nitri
nostrum in mari mundi versans! ô vegetabile nostrum! ô sulphur nostrum fixum
& volatile! ô caput mortuum seu feces maris nostri!

TRIDENSINUS in opere secreto de Lapide Philosophorum inquit; Philo-
sophi aquam suam, quâ usi sunt pro complendo opere, vocaverunt lac virginis,
coagulum, rorem matutinum, quintum esse, aquam vitæ, filium Philosophorum
&c. *PARACELSUS* variè etiam: *AZOTH*, spiritum vini, temperatum, circu-
latum, aquam Mercurialem; *SENDIVOGLIUS* chalybem: *RUPESCISSA* acc-
tum nobilissimè destillatum. Profundissimus ille per ignem Philosophus *Van*
HELMONT liquorem Alkaest dixit, & sic descripsit: Liquor Alkaest resol-
vit omne corpus visibile & tangibile in primam sui materiam servatâ seminum
potestate, de quo ajunt Chymici: vulgus cremat per ignem, nos per aquam.

Nobis oleum salis Mercuriale putrefactum & alembicatum nominare libet,
licentiâ Philosophica, ceu qui fœtibus suis pro arbitrio nomina dispensare possunt,
oleum enim est ad altiore gradum igneæ qualitatis exaltatum, sicut totius solutio-
nis metallica fundamentum, (quod benè notandum:) oleum est, sine quo nihil utile
in arte perfici potest, & ipsum vices foemina agit in opere nostro, atque merito sponsa
solis, & matrix vocatur, estque ipsa clavis absconsa ad referendas metallorum
clausas; solvit siquidem metalla calcinata, calcinat, putrefacit, facit volatile, spiri-
tualetingit in omnes colores, estque principium, medium, & finis tincturarum; Ec-
est unius naturæ cum Auro, ut *VILLANOVANUS* asserit, nisi quod natura Auri
completa est, digesta, & fixa; Aqua verò natura incompleta est, indigesta. & vola-
tilis; Uno verbo. Est Ignis Philosophorum, cum quo Hermetis arbor in cineres
combuntur. De hoc Igne *JOANNES PONTANUS* in sua Epistola: Ignis
Philosophorum non est ignis balnei nec fimi, neque alius ejus generis, quos
Philosophi in suis libris posuerunt: Mineralis est, æqualis est, continuus est, non
evaporat, nisi nimium excitetur, de sulphure participat, aliunde sumitur, quam
à materia, omnia dirimit, solvit, calcinat, atque congelat, & ille ignis est cum
mediocri ignitione, est compendium sine sumptu aliquo saltem parvo, quia cum
eo totum opus perficitur, Studeas igitur ibi, nam si hunc primò invenisseni,

non errassem ducenties, antequam ad praxin pervenissem. Quapropter errant, erraverunt, errabunt, eo quod proprium agens in suis libris non posuerunt Philosophi, excepto uno, qui ARTEPHIUS nominatur, sed pro se loquitur, & nisi ARTEPHIUM legissem, & loqui sensissem, nunquam ad complementum operis pervenissem, &c. *Hunc & tu consule, & scies quid sit menstruum nostrum: satis dixi.*

CAPUT VII.

An menstruum solvens sit corrosivum?

Videtur hujus opinionis esse GEBER sum. perfect. cap. 32. dum inquit: Omne quod solvitur, necesse est salis, aluminum, & eorum consimilium naturam habere. Et PARACELSU lib. 4. Archidox. de quinta Essentia: mox in principio §. sic ait: Difficile est, & vix credibile quintam essentiam extrahere sine corrosivo ex metallis, præcipue verò ex Auro, quod superari nequit, nisi per corrosivum, per quod quinta essentia & corpus ab invicem separantur, quod corrosivum iterum ab eo tolli potest. Et cap. 3. de vita longa tom 6. lib. 3. sic effatur: Resolve aurum unà cum omni substantia auri, corrosivo, &c. & id tantisper donec idem fiat cum corrosivo, nec obstupescas ob hunc laborem, quia auro si aurum est, corrosivum commodo est, & sine corrosivo mortuum est.

Sciendum tamen, menstruum nostrum auro affusum proprie corrosivum dici non debere, sed potius igneum, cujus Arcani vis atque virtus vincit omnia venena; cum omne Realgar (id est Mercurius vivus, sublimatus, item præcipitatus) in solis Elixirio mori debeant, deveniantque ad singularem, & summam tincturam. Dum etiam per menstruum nostrum non fit violenta solutio, qualis per aquas fortes, regias, resuscitativas, & hujus forma alias; sed ut supra cap. 4. dictum, blande fit, suaviter, sine nullo stridore, & cum humidi sui radicalis conservatione, cum cujus spiritibus, (ut habet LULLIUS in Vademecum) infunditur virtus vivificata in materiis.

CAPUT VIII.

De Practica Lapidis.

Postquam tingentem Planetæ animam, seu veram illius quintam essentiam præviâ putrefactione nactus es, in qua verus Mercurius, verumque sulphur Philosophorum latent, tunc materia tua apta nata est, ex ea fieri Lapidem nostrum benedictum. Accipe ergo in nomine illius, qui dixit, & facta sunt, hujus materia purissima q. s. inde vasi fixatorio, vel phial, aut ovo Philosophico S. H. colloca

in athanore, ut scis, & conveniente, digerente scilicet, continuo enim eo deficiente mortem sequi, aut dari abortum necesse est,) suavi subtili, alterante, & non comburente, (ut cum Comite loquar,) à prima conjunctione ad perfectam usque ablu-tionem, ignis regimine, (de quo amplius ANONYMUS PHILALETHA consuli poterit, qui per cuiusq; Planetæ regimē diversitates colorum lucide describit,) coagulando & figendo in Lapidem album vel rubeum, progredere; qui exim, ut RAYMUNDUS LULLIUS monet, potentiam & patientiam non habet in opere, ille propter festinantiam corrumpit opus.

Perfecti operis signum hoc erit: si Lapis super candentem Veneris laminam injectus instar cere fluat, non fumiget, sed penetret, & tingat. Et tunc natus est Rex orientalis, in regno suo sedens & potens super omnes Principes mundi. Hinc exclamat Philosophus: Egredere ex inferno, resurge ex sepulchro, expergiscere ex tenebris, indutus enim es spiritualitate & claritate, quoniam audita est vox resurrectionis, & anima vitæ ingressa est ad te. Laudetur Altissimus, cuius dona cedant in Nominis sui Sanctissimi gloriam, & proximi emolumentum.

CAPUT IX.

De Augmentatione Lapidis Benedicti.

UBi jam Sulphuris præfati incombustibilis purpureo rubicundi auxilio Divinitatis possessor factus es, superest, ut per repetitam rotæ inversionem (ut loquuntur Philosophi,) illud augmentare scias, sub quo non leve artis mysterium volvitur. Eadem autem methodo, qua illud confecimus, idem augmentare possumus. Sciendum enim, quo sapius Sulphur nostrum, qui est Lapis noster, lacte suo proprio irroratur, vel cibatur, in balneo rorido solvitur, iterumque ut in primo opere coagulatur, & figitur, major semper illius vis tingendi futura est; adeo quidem, ubi post absolutum primum opus pars una centum partes Mercurii purgati, aut alterius metalli imperfecti tinxit, in secunda solutione per lac virginis, ejusque coagulatione & fixatione pars una mille tinget, & sic per repetitas vices medicina nostra augmentatur & multiplicatur in quantitate & qualitate, in virtute & pondere.

Accipe itaque Lapidis nostri partem unam, & affunde lactis virginis, seu olei salis Mercurialis putrefacti, & alembicati partes duas, solve, coagula, ut in primo opere factum est, & aqua nostra, quæ antea erat tantum mineralis in potentia, fit actu metallum pretiosius auro, & sic mortificatur Lapis per sublimationes & revivificatur per imbibitiones, quæ est summa via Universalis. Per ductis his ad opus finem, projectio ad libitum super hoc vel illud metallum præparatum, & decenter

mundificatum fufum, prout ad album vel rubrum, tincturam nactus es, institui poterit : cuius verum usum ars, & omnes Philosophorum libri (maximè PHILALETHA noster) abundè docebunt.


CAPUT X.

De usu Lapidis medico interno & externo.

Sciendum est de hoc Lapide benedicto, quo d' ille sit medicina Catholica, continens in se omnium morborum tam calidorum, quàm frigidorum perfectam curam, quatenus nimirum per naturam curabiles agnoscuntur, & à DEO sanari permittuntur. Si quæras, qualiter hac medicina perfectissima cœlestis tinctura, aliæque similes panacea agans, & contraria curando in corpore humano, operentur ? Respondemus, hoc totum præstare calefaciendo, illuminando, atque irradiando Archæum, sicut habet Philosophus noster van HELMONT in l. & tract. cuius inscriptio : in Herbis, Verbis, & Lapidibus est magna virtus. Quod nimirum agant citrà sui dissolutionem aut interitum, citrà sui penetrationem, introductionem, commisturam, & commutationem liberè, etiam eminus insopitum vel accensum Archæum, solo quasi suo aspectu, irradiatione, vel ejaculatione suarum virium in medio productarum, retentis adhuc pristinis, & non mutatis pondere, & proprietatibus. Quomodo, ut præclare JOACHIMUS POLEMANNUS, Spiritus tenebrarum, morbos scilicet (qui omnes nihil aliud sunt, quàm proprietates cubilis mortis, vel præcursores tenebræ mortis) in bonos spiritus transmutant, quales antea erant, cùm homo sanus esset. Et hac renovatione defectarum virium robur simul universo denuò restituitur.

Dosis illius est granum 1. ad 2. juxta etatem, & vires agri in haustulo vini calidi, vel cochleare uno quintæ essentia ejusdem dissoluta, & tertio quoque die exhibita. In morbis externis, vulneribus, ulceribus cochoëtis, phagadanicis, fistulis, gangrena, cancro, &c. quotidie, vel alternis diebus granum unum exhibetur in vino. Pars verò externè affecta vino, in quo portio nostri Lapidis soluta sit, lavatur, vel si necessitas exigat, per syphonem injicitur, superpositâ plumbi laminâ, & ligaturâ conveniente.

Et hic magni hujus mysterii consummati usus internus est ; pro cuius adeptione Lumen de Lumine invoca, tuique intellectus illuminationem puro corde pete, & accipies. Tum operare sufficienter, pauperibus subsidia feras, donis DEI non abutaris, crede Evangelio, sis pius. Amen.



OBSERVATIO
CHRISTIANI ADOLPHI
BALDUINI,
S. R. I. Academ. Naturæ - Curiosorum Collegæ
cognom. Hermetis,

Circa
REGERMINATIONEM
ARGENTI,
novo artificio inventam:

Anno cId Idc LXXIV.

Ad

JOANNEM MICHAELEM FEHR,
*Phil. & Med. Doct. Consulem & Physicum Liberæ Civitat.
Imperial. Suvinfurtensis celeberrimum, felicissimum S. R. I.
Academia inclytæ Naturæ - Curiosorum*

PRÆSIDEM,

dictum

ARGONAUTAM.

C. D!

Non Aurum tantum progerminat extra viscera terræ, quem Naturæ effectum mirantur Subtilitatum Magistri, *Cardanus ille, lib. V. de Mistis: cum Scal. Exerc. 102. cujusmodi, instar fili contorti, vegetabilem terræ velut partum asservat Augustissimum S. C. Maj. Cimeliarchium; ref. Obs. 131. Ephem. Acad. Nat. Cur. Anni I.* Sed Argentum in Mineris quoque præ se ferre & ipsum videtur speciem capillorum, teste *Oswald. Grambs, in Arbor. Hom. l. 1. c. 7. sect. 5. §. 28. nec non arbusculæ naturalis, Francisc. Imperat. in Disc.*

Disc. Nat. 2. p. 16. & Joh. Gerhard. D. in Medic. Univ. Assert. & Defens. p. 23. imò Vitis; qualem possedisse Dn. Olaus Wormium, ipsi credimus, quem ad l. 7. sect. 3. Musæi, c. 2. f. 116. Quid? quod visa nobis contrectataque nostris manibus Crux sit illa naturalis Argentea, quam, vegetabilis instar, enatam ex minera, Illustrissimi Octo-Viri ac Principis nostri Technophylacium & ipsam ostentat, Dresdæ.

Quemadmodum itaque Germinatio ista naturalis nihil aliud est, quàm crescentia vegetabilis à propria facultate, mediante calido & humido: Sic de modo, quem invenirent, solliciti semper Hermetici extitère, quo, naturam imitati, germinare & ipsi facerent metalla extra mineras suas. Quam equidem rem, Dn. Casp. Fasket, Siles. Med. & Chym. Cas. uti olim tentavit, ita usque eò fertur progressus, uti Arborem Philos. Metallorum exhiberet. Cujus conficiundæ, quem vocant, processum, seu rationem cum Augustissimo tunc temporis Imperatore ille communicavit: quam, ex Petri Ribola, Ordin. Benedict. Monachi, Tractatulo, de Facultate Metallorum germinatrice, extat cum Burg gravii Biolychnio Francof. 1630. 8. desumptam, dubitare non sinunt MANUSCRIPTA, qui, quod feci non semel, quùm sint penes me, Latina inter se utraque contulerit.

Equidem circa processum illum difficultatis non nihil observare me, dissimulare non possum, quùm ad germinationem illam requiri videam (I.) id, quod germinat; quodvis putà, excexpto Mercurio, Metallum. (II.) Terram Philosophicam, in qua germinare debet; quæ Stellatus Antimonii Regulus est. (III.) Calorem ignis, tanquam causam efficientem, quæ cùm actualis tùm potentialis. (IV.) denique humidum, Mercurium nempe, quo mediante imbibitio fit. Neque id diffiteri quidem possum, produxisse me non semel, sed communi modò, Arborem illam. Solutà enim in spiritu Nitri q. l. Lunà, i. e. Argento, (Unc. sem.) affundens aquam fontanam, (Unc. 4.) injeci comm. Mercurium, (Unc. 1. vel 2.) postremò sic mista; etiam atque etiam, ne turbarem, curavi, & vidi Metallum ramusculos ac frutices jucundos sursum emittere cavitatem vitri occupantes.

Fieri pariter per liquorem Silicum Metallorum crescentiam, Johan. Rud. Glauber. p. 1. Furnor. Phil. c. 85. It. de Sale Artis p. 63. persecutus pluribus est. Qua de re ut, quid sentiam, dicam, posse liquorem eundem & faciliori multò labore & minoribus sumptibus obtineri, si lib. trient. Ciner. Clavell. purg. & lib. quadrant. Silici calcin. in Crucibulo in unam massam conflatis, in Cella liquescere eam facias.

Cæterum, cùm, quas dixi, Germinationes illæ, non ex Metallis solis, sed Antimonio quoque Mercurioque, sine Liquore etiam Silicum, mistis inter se, constent, omnem cogitationem cœpi convertere inquirereque in Medium ali-

quod, quô fiat, uti, quemadmodum intra viscera terræ, Naturæ opere : sic, artificis operâ, in puros puros reverâ metallum regerminet, frutices; Cumque pro comperto satis habeam, in tribus illis Naturæ regnis Acidum temperatum rerum omniû vegetationem juvare imprimis, idemque in Sulphure reipsa communi deprehendissem; Minerale sum denique illud aggressus, quod tantum abest, uti, quam de ipso conceperam, omnem prorsus falleret spem, uti Regerminationis potius ejus, quod sequitur, Experimenti mihi copia fieret. Communi enim Sulphure calcinatas Lunæ, i. e. Argenti cupellati, in pulverem redigo Laminas, (vel nummos purè argenteos,) quibus deinde, injectis Crucibulo ac subditis prunis, nonnullas subinde Sulphuris remitto particulas : Quô perustô, non destiti idem facere, quoad, quod calcinasset, Argentum tantum Acidi illius, quantum satis esset, Sulphuris imbibisset. Jam, contenta in Crucibulo, argentea massa horæ ferè unius, quadrante minus, Rotæ ignem tolerarat, cum surgentibus, ecce, paulatim minutis compluribus argenteis, iisque durioribus arbusculis ramisque altitudine eâ, quæ latum pollicem parum, vel non, excedit, Regerminationis auspicia capio planè feliciter.

Est ea indoles mentis humanæ, ut, non contenta novis inventis, emendare laboret, quæ pepererit semel, arcanorumque conscia ulterius semper progredi amet. Idem mihi contingere, LECTOR, hic non miraberis, scio. Nam, dum, defixus in curam hanc unicè, magisque ei rei incumbor hæc Nominum meorum literæ initiales, C. A. B. mihi prodeunt, è quibus deinceps purum purum Argentum cum arbuscularum, tum graminis specie, pullulare velut porrigique in altum, non sine admiratione deprehendo: paribus per omnia, quas notare & hic licuit frondibus capillisque iis ipsis, quos natura ramos capillosque ex se ipsa produxit sub terra; quorum, uti rerum metallicarum peritis non ignotum, rarissimus usus. Quanquam totum illud, de Regerminatione quod diximus, & quô ritè incipi modô, quôve regi igne deceat, ostendi cupiat verius, quam doceri.

NOTO inde: (I.) commune nobis Sulphur non pinguedine tantum terræ, resinamque atque oleum, (quod cum priscos, tum modernos Philosophos velle video:) imo invisibilis Naturæ rectè ignē censeretur: (cui adsertioni sapientissimè lubens subscribit *Kircherus*, profundissimus alias Autor:.) Verum etiam aciditate Chalcantosa quâdam gaudere, neque id abs re quidem: quum, præter Aurum, metalla idem calcinet omnia, efficiatque Vitriolum. Quid? quod vitriolum quodvis aliud nihil, quam quod deflagravit, Sulphur est, cumque deflagrante jam Sulphure, visibili quôdam modô, potest augeri. Maximè autem affinitatem eam, quæ cum Acido Sulphuris, primo Vitrioli Ente, intercedit Argento, summam esse oportere, cum ad Regerminationem ejus crescentiamque ea, quâ jam diximus, ratione, mirè faciat. Quæ quamdiu sese habeant sic, tamdiu à verò vide-

tur alienum istud, in *Correctorio Richardi Anglici*: *Omne Sulphur vulgi metallis contrarium esse; & q. s. Item illa Ejusdem: Quomodo possit aliis metallis vitam inspirare? Habet enim duplicem superfluitatem: inflammabilem substantiam & terream faculentiam.*

(II.) Putamus extra controversiam positum quam longissimè veram Vegetationis metallorum causam Acidum esse, siue sint eruta è visceribus sui, seu sub terra lateant. Nam si, exemplum ut demus, Acidi illius parum addas Argento, planè non crescet. Sin, quod satis sit, illi des quidem, cæterum Ignis rationem non habeas faciasque, calor intensior ut sit, scilicet ocyus, Acidi quod erat, avolabit, suspensumque te tenebit Regerminatio, destituetq; omnem penitus spem. Quo verò Sulphur modò naturalium rerum, præcipuè autem metallorum mineraliumque & dici principium possit, & esse, quâ ratione ad sublunarium omnium generationem concurrat; quot imprimis modis: quibusve in locis Sulphur fiat & generetur; quot illius species; quot differentiæ; ea *Kircherus* omnia, doctissimus Vir, egregiè & cum cura de *Mundo Subterraneo*, l. IX. sect. 3. p. 146. & l. XI. sect. 2. p. 252.

Sequitur jam & hoc (III.) liquefactum in igne justo & competente Argentum vitam non amittere, quum per Acidum Sulphuris suscitari idem denuò possit. Equidem demus hoc: Aurum Argentumque extra mineram suam non vivere amplius, secundò actu: sicut nec decerptum ab herba sua semen, conditumve in horreo frumentum non amplius viret, viget vivitque: Inesse tamen illi vitam, actu primò: vegetativo spiritu excitatam, quis tam imperitus rerum naturalium, qui neget, est? Accedit nobis, ex *Aristot. de Admirandis*, libro refertens *Fortunius Licerus*, de spont. vivent. Qstn. Lib. IV. c. 72. Aurum defossum, aut in terram projectum, aliquando excrevisse; Cui rei non illud tantum, quod exhibuimus, fidem facit experimentum: sed verò, & cuius nuper item facta mentio, Philos. illa Arbor, in qua producenda Spiritus Terræ seu Nitrum, Argentum item atque Mercurius mutuas operas præstant, paucarumque horarum interjectu, jucundissimas edunt plantas.

Equidem (IV.) quum singulare ac admirandum planè Sulphur sit Naturæ productum, cuius non ignoravit vires, paulò post principium l. *Miner. c. 7.* scribens *Paracelsus*: Sciendum, quòd (nisi DEUS impediatur,) in Sulphure negotium mirabile insit, ac ita excellens, ut lumen naturale hominis obstupe scat. Item: ea vis & facultas in Sulphure inest, ut nemo peritus eam exhaustire possit, talis quoque virtus, ut cuius admirationi sit l. I. & V. de Nat. Rerum.

Neque enim in globo illo tantum sulphureo meo, quem, non ita pridem est, quod descripsi, *Tract. de Auro Auræ*, p. 42. virtus impulsiva & conservativa, dirigensque & vertens, sonansque atque calefaciens, nec non lucens ostensa mihi denique est: sed & his ipsis diebus observavi, combustibile

alias igni nostro, Solis quidem & ipsum incendi liquefierique radiis, per Speculum parabolicum collectis : cæterum non absumi, nihilque prorsus decedere ipsi depondere. Quod quâ fiat, cum non temerè cuiquam obvium sit, ab aliquò rationes vix sperem. De virtutibus autem ejus in Medicina non commemorem hoc loco, nam & *Unzeri*, super Sulphure, extat *Tractatus*, & Autores allegati ibi non pauci, quò studiosos ejus rei delegamus. Quibus, inquam, cum virtutibus polleat, perscrutandum nihilominus esset denique : an non ex communi illo Sulphure, Acidum istud, primum alias Vitrioli Ens, aliò quòdam modò copiosius puriusque extrahi, metallorumque inde procurari generatio : Et,

(V.) quod si minus ex Acido Sulphuris Speciali, annon Universalissimò saltim augmentum metallis accedere domesticaque atque arcana, ut sic dicam, Metallifodina quædam institui possit. Nam si, cujus superius jam meminimus, Philosophicam illam Arborem (communem) annum integrū serves, & immotā eam quidem, crevisse Argentum videbis. Auctus hujus autem causa Mercurius est, qui quantum illi accreverit, tantum profectò naturæ suæ deperdidit, in argentum mutatæ. Quam in rem *D. Joh. Hisk. Cardalucius. in Aula subterranea Laz. Erckeri, l. 1. p. m. 89.* Imò notum est, ex Minera quadam Solis fertili & liquore aliquo, ejusdem appositionis menstruâ, perpetuum Solis augmentum Fœminæ cujusdam Nobilis succrevisse: Aurò surgente primum instar graminis; viridi colore: postea sensim apicibus in Solem vergentibus, qui forfice demeti possent, referente *Nic. Nig. Hapel. in Cheiragog. Hel. de Aur. Philos. p. m. 38.*

Sed nunc quidem illa sufficiant, neque enim plura permittunt cum negotia, quibus sæpenumero publicis obruor, tum privati, ii que graviores labores Chymici mei. Et erunt è Collegio Naturæ-Curiosorum nostro inclyto Viri judicandi solertiâ peritissimi, qui me ista noverint rectius, & omni acie ingenii contemplabuntur. Nondum occupata Natura est: multa adhuc delitescent in Democrii puteo, sudore magis operantium protrahenda in lucem, quam, profundò licet, genio Speculatorum. Tuum, LECTOR, erit, sequi quodque rectissimum, compertisque incomperta non anteferre.



OBSERVATIO
CHRISTIANI ADOLPHI
BALDUINI,

S. R. Imp. Academ. Naturæ - Curiosorum Collegæ
cognom. Hermetis,

Circa

URNAS
GENTILIVM GERMANORVM,

Anno. c. l. l. c. LXXIV. inventas:

AD


HENRICUM VOLLGNAD,

Med. Doct. & Practicum Vratislaviensem, S. R. Imp.
Academ. Nat. Cur. Colleg. & Adjunctum
p. t. Ephem. Collect. dictum

S I R I U M


Sollicita admodum in cineribus suorum (quos functos cremabant) componendis Romanorum Veterum diligentia, an superstitio? fuit. Ei rei adhibitæ Urnæ. Nec frequentiora antiquissimi ritus terrarum ullibi monumenta, quam in Italiâ. *Baysius de Vascul. c. Vasc. Vin.* Quo de ritu *Scholast. Homer. illad. Δ. Herodian, lib. 2. Athanas. Kircher. in Latio p. 68. ex Marliano. Fortunat. Licet. l. 2. c. 55. Jacob Gutherius de jure Maniorum l. 1. c. 26. Horald. Advers. lib. 1. c. 7. Casaubon. Animadv. in Sueton. Aug. Joh. Kirchmann. de Funer. Rom. l. 3. c. 8. M. Zuer. Buxhorn. in Quæst. Rom. 25. ubi pro Kirchmanni & incomparabilis Casauboni sententia, superaddit: quæ Cadaveris cineres à cineribus lignorum aliorumque, quæ in pyram conjecta, dignosci potuerint. Apparatus mortuorum (secundum Servium ad lib. 111. Æneid) funus dici solebat, exstructio lignorum rogos; subjectio ignis pyra, crematio cadaveris bustum, locus ustrina, operis constructio sepulchrum; nomen inscriptum monumentum. Igitur rogos & crematio cadaveris omnino erant diversa. Tres enim hic ordines observare mihi videor: Primus erat, Cupressorum, vel aliorum odorif. quæ ustrinam circumdabant lignorum, & incendebatur ad tollendum*

dum fætorem cadaveris, quod cremabatur. Secundus erat rogi, qui formâ sequente quadratâ, ex vario lignorum genere, additâ pice, connexus erectusque, & à cadavere ipso nonnihil distans, incendebatur. Tertius erat cadaveris, quod vi & æstu flammæ circumlambentis haud difficulter in cineres resolvebatur.



Cùm compertum esset, quinto decimo Martii, anni currentis, supra millesimum, sexcentesium, septuagesimi quarti, ad *Hirschfeldam* pagum, unum cum quadrante milliare distantem ab Urbe *Hayna*, Veterum Urnas quasdam esse repertas, aquis, ex nivibus glacieque collectis, penetrantibus humum, detectôque ex ruina monumentô, quod cùm ne vestigium quidem ejus antea adpareret, diuque arari terra consuevisset, credi potest, Gentilium Veterum, qui circâcolerent, fuisse. Quæ cùm ad me fama esset perlata, cœpi ipsemet cum Collega Academico *Dn. D. Melch. Fribe, Med. Ord. Prof.* die xxiv. ejusdem de lustrando eo, curam cogitationemque suscipere. Cùm quod Nobiles à *Mülchau & Röckers*/ ad quos ille locus hæreditariô jure pervenisset, Præfecturæ Electorali mihi demandatæ essent *Schrifftassii* incorporati, tùm quod curiositas mea me non pateretur quiescere. Itaque illuc venimus, locumque, ubi Urnæ conditæ sese aperuerunt, arenosum quidem, cæterùm omninò, viginti octo passuum deprehendimus: qui duorum triumve, aut, si latitudinem metiaris, quatuor ad summum passuum fuerit. Uti re ipsâ se sepulchrum sic probet, cujusmodi condidisse Gentili olim superstitioni deditos, verosimile sit. Septingenti sexaginta quatuor passus uumerantur ab eodem, quo diximus, pago. Quòd si viginti septem adhuc alios facias, extitisse, ajebat Ecclesiæ illius Pastor *D. Johannes Meytanz*/ quod detectum similis casus Anno cId Idc LXXIV. Martiô & ipsum mense, tùm primùm contemplantium oculis subjecisset. Non nos

nos Urnam tantum, eamque integram, manibus contrectavimus, examinatumque diligentius, exhibemus hoc, quod vides, Lector, Schemate: Sed complura



in super fragmenta ex aliis', in quibus & ipsas notare ansas licuit, cum collegimus, tum antiquitatis causa, allatas nobiscum, asservamus. Unde colligimus, factas ex arena atque lapillis Urnas luto maceratis coctisque. Quod asserimus jam, visu compertum est, non ollarum instar, quibus vulgò hodie utimur, Urnas istas super rota formatas, sed sub manibus figuli natas fuisse. Colonos ferunt, ejus Pagi, variæ magnitudinis Vasa aliquot abstulisse jam ante, nec inlectos, ut credibile est, spe lucri alicujus, fodere destitisse, sive aurum offenderent, sive annulos. (Solitos enim Veteres numismata quædam atque annulos, osque interdum osseos, terreosque, interdum æneos, aureos item ac argenteos, sepul-

sepulchris cum cineribus inferre testis *Golzius* est.) Frustrà. Nec enim eventus respondit: cum cineres præter & ossa adpareret nihil.

Observo ex his (1) à vero non esse absònum, Gallis, Germanisque, propiusque Septentrionem populis Cremationem Cadaverum frequentatam fuisse, autoribus *Cæsare lib. 6. Bell. Gall. Eustach. Iliad. a. Tacit. de German. §. 27. Alex. ab Alex. Gen. Dier. lib. 3. p. m. 130. Sched. de Diis Germ. p. 453. Phil. Cluver. Ger. Antiq. l. 1. c. 53. aliis.*

Et uti (2) Dio autor *Cassius* est, (lib. 48. de publ. Off.) *Augusti* temporibus *App. Claud. & C. Norbano Coss. h. e. Edict. V. DC. CXVI.* edictum fuisse, ne mortui intra duo millia passuum ab urbe cremarentur, propter flammæ periculum; (uti *Cicero* explicat l. 2. de LL.) Sic Germanos Veteres hoc quidquid Legis est, observasse, inde constat, quòd de quo sermo nobis hæcenus, Monumentum istud septingentis sexaginta quatuor passus distat à pago, qui, si vulgarem pro vestigio & spatio, h. e. pro duobus pedibus accipias passum, (*Philandrum* secutus, in *Vitruv. l. 1. c. 6.*) ultra 2000. utique Romanos passus habebis.

(3) Cum, præter ossa & cineres, Vasis istis inclusum aliud fuerit nihil, dixisse Veteres Urnulas has non abs re Ossuaria partim (cujus *Ulpianus* vocis meminit l. 2. ff. de Sepulchr. viol.) partim Cineraria quoque, apud *Kormanni. de Mirac. Mort. c. 29.*

(4) Olim Urnas, pro conditione & facultatibus cujusque vel viles extitisse, vel preciosas. Illustrium enim Virorum ossa aureis Vasis condita solita, *Homerus* testatur *Iliad. Entropius de Trajan. Imp. lib. 8. de Urna argentea; Marcell. lib. 19. æneâ. Virgil. lib. 6. Æneid. marmoreâ Xiphilinus in Seneca: fictili Propertius lib. 2. Eleg. 12.* Ex quibus quid aliud confici potest, quàm in re admodum tenui istos fuisse, quorum fictiles Urnæ essent nuper apertæ.

Et hoc (5) inde concludo: non communia sepulchra hæc, sed verò familiaria extitisse, (quorum l. 4. c. de Relig. mentio,) quòd scrobes diversæ duæ, 27. tantum inter se passibus quæ abessent; & utraque complures urnulas contineret.

Cumque (6) annalium Conditores fidem faciant, primum illum Germaniæ Imperatorem *Carolus Magnus* Saxonibus adhuc dum Ethnicis, recusantibus Religionem Christianam, aut si qui recepissent, averfantibus iterum iterumque, Anno Ær. Christ. DC. CLXXII. bellum facere cœpisse; quod ultra triginta annos exarserat jam, (*Sethi Calv. Chron. p. m. 708.* antequam *Vitikingus*, Progenitor ille Electorum Saxonie P.L.P. cum universis terris suis salvificam fidem esset professus: (quamvis populi cis Albim nonnulli diutius resistentes idola coluerint usque ad annum ferè millesimum:) hinc conjicimus: Monumentum

istud Urnasque, quas jam aliquoties memoramus, circiter

700. vel 800. annos durasse incolumes.



A U R U M

Superius & Inferius

A U R Æ

Superioris & Inferioris

H E R M E T I C U M

CHRISTIANI ADOLPHI

BALDUINI,

S. R. I. Academ. Naturæ - Curiosorum Collegæ
cognom. Hermetis.

H E R M E S.

In superiori sphæra est in medio fontis
Vena, quæ est Philosophorum Regula prima.

Consummatissimâ Doctrinâ,
acerrimo **Judicio**, incomparabili **Expe-**
rientiâ & rerum Usu

Illustribus

S. R. Imp.

A C A D E M I Æ

Naturæ-Curiosorum

S T A T O R I B U S :

Magnifico

Dn. PRÆSIDI,

ac Excellentissimis

Dnn. AD JUNCTIS,

& Collectoribus Ephemeridum, cæterisque gravissimis

Dnn. COLLEGIS,

Patronis, Collegis & Fautoribus honoratissimis

S. P.

HERMETEM TRISMEGISTUM esse illum quem Latini *Mercurium*,
Taautum Phœnices, Ægyptii *Θωθ*, Alexandrini *Thoth*, *Ἡρμῆς* Græci
olim dixerunt; Imò *Hermetem* omnium mortalium ea ætate, sive im-
mensam ingenii capacitatem, sive denique propagandæ ad posteros gloriæ,
beneque de humano genere merendi desiderium spectes, primum fuisse, doctis-
simi ævi omnes voce consona approbavêre. Vid. *Stenhus Eugubinus Episc.*
Kisam. sedis Apost. Bibliothec. Tom. 3. lib. 2. tit. 4. c. 3. Samuel. Bochart. in Geo-
graph. Saer. sive Phaleg. p. 68.

Cæterum, ut Linguarum insanarum tanta fuit semper temeritas, ut nec ipsi
numini parcant: sic fortunam quoque istam expertus, quem prædicamus HER-
MES est. Negantibus illis, (in quibus, quod primus eam fabulam edidisset in-
vulgus quasi *Georg. Becanus* familiam ducit,) interfuisse unquam rebus humanis:
contra ea asserentibus his, (quibuscum facit *Dn. Herm. Conring. de Hermet.*

Ægypt.

Ægypt. Medic. c. 3. Chemiam à primis artificibus non *Hermeti*, sed aliis inventoribus attributam esse. Quas eorum animadversiones ut probare non possumus certè: sic peculiari nuper scripto vindicavit egregiè celeberrimus Vir, *Olaus Borrichius*, non literarum tantum, sed & disciplinarum artiumque Inventorem extitisse *HERMETEM*, *Platonis*, *Philonisque Biblii*, *Tullii* item & *Diodori Siculi*, aliorumque complurium autoritatibus prolixè ostendens.

De familiâ autem ejus minimum est, quod scimus, & sunt posita in incerto, quæ memorantur. Vid. *P. Scherlog. S. 7. Antiquit. Hebr.* nisi quod in *Asclepio*, libro à se confecto, de se ipse fatetur: Avum sibi fuisse *Mercurium Majorem*. E monumentis autem rerum gestarum, vetustatisque exemplis imprimis probare satagit *Dn. Vilh. Christoph. Kriegsmannus* in *Taant. p. m. 6.* *Noachi* nepotem *Chamique* filium *Canaanem*, progenitorem illum *Phœnicum* *Ægyptiorum*que eundem fuisse. Sed relinquimus nos ista meritò Autoribus suis. Fuit tamen Auditor *Noachi*, *Chusi* Præceptor, ejusque liberorum *Isidis* *Osiridis*que præfectus ac consiliarius, ref. *Dn. Otth. Heurnio Profess. Leydens. in Barbar. Phil. Antiquit. lib. 2. c. 27.* *Τριπλίτης* ☉, qui ob triplicis regni mineralis, vegetabilis, animalis, imò ob triplicis in una creata essentia subsistentiæ indagacionem, in quam omnem vegetabilis, animalis & mineralis naturæ exploravit, Pater Philosophorum dici meruit. *Aphor. Basil. sive Con. I. Herm. Nicol. Nig. Hapel* vel ut *Gelaldinus Arabs* de sapientibus *Ægypti* explicat, qui Propheta, Rex & Philosophus fuit.

Quam autem insatiabilis in homine commentandi cupido, quanta industria fuit? nam si fides *Jamblich. l. 6.* ex *Seleuco* referenti, de *Mysteriis* *Ægyptiorum* tricies sexies mille libros ille confecit. (quos, quem nominavi *Bochartus p. 68* tamen versus interpretatur:) utut, eorum accuratè numerum iniens, *XLII.* omninò recenscat *Clemens Alexandrinus*, *Stromatum 6.* è quibus duo tantum hodie extant, *Pymander* alter, alter, quem & suprà adduxi, *Asclepius*. Vid. *Aur. Vell. Guilhelm. Mennens p. m. 12.* Fertur & hujus esse *Tabula* illa, *Smaragdina* dicta: cujus initium: *Verum est, & ab omni mendaciorum involucre motorum, quodcunque inferius est, simile est ejus, quod est superius &c.*

Equidem sunt, qui in dubium vocent, eamque *Bernardo Canesio*, *Alchimiatarum* primo, velint assertam, quâ in sententiam ipse pedibus ivit *P. Kircherus*, in *Oedip. Ægypt. class. 10. c. 7.* At enim, ne latum illa quidem, quod ajunt, unguem ab inscriptione istâ abit, characteribus copticis prope *Memphin*, saxo insculptâ: (quemadmodum *Schatta Copita Memphitanus* scribit) *Cælum sursum, cælum deorsum: Astra sursum, Astra deorsum; quod sursum, omne id deorsum: Hæc cape & beaberis:* & deinde, quod nec ipse diffitetur *Kircherus*, est hæc *Tabula* *Theoria thesauritorius Naturæ*. *Ægyptii* igitur quod *Chemiam* *Hermeticam* ipsi *Sapientiam* vocent, ex eo minimum videbitur posse confici

hoc: eundem *Hermetem* esse, quem & Principem ponant, fontemque existiment, unde ea ad alios postea scientia demanavit.

Ac (ut ingenuè istud dicam,) ad me quidem. Neque enim eam laudem, tam futurus ingratus nunquam sum, qui & *Tabula* isti, *virisque* qui sapientissimis commentariis illustrarunt, detraxero. Quamvis juxta idem censuerim pariter: non tam circum aurum metall. versari, quod elaboraret, quam medicinam: quæ non auri tantum, sed & aliorum omnium, tam superiorum, quam inferiorum, vires complectitur atque concludit.

Ac annus jam admodum est, ex quo de AURO AURÆ nonnulla luci publicæ committenda existimavi. Primitias voco, quod id scripti genus antea non dedissem. Nomen, ut laterem, spontè occultaveram, nisi quod Anagramma id contineret, quod tum legi in fronte voluissem:

Sic (infra, supra) *Sol duplus abundat in Auris*. Sed non passus est ille, INCLYTA ACADEMKA! favor, quamque optare facilius, quam petere mihi ausus fuisset, major solitò, humanitas tua. Tantine enim tantillum TIBI laborem fieri! qui & tantum Autori suo pareret decus ac nomen, ut ad consortium tantæ Societatis alliceres verò humanissimis verbis pertraheresque! quemque *Ephemeridibus* tuis, Cedro dignis, auctum à me, inferi cuperes! usa manu ac stylo SIRII, interpretis tui. Patere, Excellentissimè Vir HENRICE VOLLGNAD, immortale nomen tuum à me profanari velut; levesque hinc chartas famam sibi auctoritatemque aliquam polliceri.

Nec indignaberis legi hic quidem, æternis in Nobilissimum Ordinem meritis semper victure,

Magnifice PRÆSES ac ARGONAUTA,
JOHANNES MICHAEL FEHR!

Sic est enim in me meritum tuum. Per TE honores ac ornamenta ista sum consecutus! TU, ex autoritate Tibi singulariter concessa, me addidisti tantæ huic ACADEMIÆ membrum! Tu proclamasti! TU, quo non sustinuissem sperare unquam, invidendo HERMETIS cognomento auxisti! Denique hoc egisse videris, ut quem beneficiis certaturum credidisti fortasse, istum hoc modo animum superares, una, quam auferre non posses moriâ tanti beneficii mihi recta, quam vel sic gratus, quam diu supererò, depositurus nunquam etiam sum.

Quemadmodum unum id itaque hæcenus contendi, ut, cum desperarem Filii nomen, HERMETIS, saltem me imitatore probarem ac discipulum: sic, quas relictas mihi cernerem, horas collocandas ita existimavi, ut resumto in manus de *Auro Auræ superioris* vi Magnetis universalis attracto, isti scripto *Auræ inferioris*, h. e. Materię nostræ universalissimæ adderem *Aurum*. Quod utrumque mihi *Hermeticum* est.

Sed

Sed jam reddenda & de *EMBLEMATE* mihi non minus videtur ratio esse. Nam & alatum ibi videtis circulum Hieroglyphicum, & Cistam & ☉em, & ☾am & si quæ alia occurrunt. Nempe notat duplicem Mundi Spiritum, circulus: Liquidem alterum, seu *Hermetis*, quam vocant, *Aviculam*; alterum coagulatum. Includit, in se latens, ille *Aurum superius*, circumque in aëre volitans, perinde ut avicula, à Magnete Philosophico, jacente in cista, attrahitur. Per hunc autem Magnesium nostram fertilem *Auri inferioris*, innuere libet. Sol, cum igneo Trigono, & cum aquosa Luna, Spiritus mundi & utriusque *Auri Auræ* sunt parentes atque designant.

Nec mutum idem volui esse hinc, ut *SURSUM* inscripsi, sic *DEORSUM* curavi subscribendum. Quò ipso cum *Hermetica* mihi *Tabula* significatur: *Quod est superius, est sicut inferius* &c. tum verò Philosophicum istud Ægyptiorum: *Cælum supernum, cælum infernum, astra superna, astra inferna*. Hæc accipe vel *RETRORSUM*, vi Magnetis universalis ex Aura superiore, vel *HORSUM & SEORSUM* ex aura inferiore. Beabitur enim, qui contentos ibi Trigonos Δ & ∇ gemino noverit includere.

Age itaque; cum sit mihi decretum *Hermetis* nomen, & honori Mercurii Philosophici nostri, velut *Hermam*, sacrum jubeo esse istum Tractatum.

Statuo *Hermam* istum, annuente *Serenissimo Electore Saxon. Domino meo Clementissimo*: Cui & ipsi pro *Hermetico* Symbolo: *SURSUM DEORSUM*. Ut utpiè intelligat magis & Christianè. Statuo *Hermam* istum, ammonitus *Inclutæ Academiæ Vestræ*:

O *HERMETICÆ Veteris Sapientiæ,*
LUMINA atque *ATLANTES*!

Erant Statuæ *Hermæ*, *Mercurii* imaginem referentes, quas eidem olim sacras, in publicis itineribus ponebant, quarumque permutari poterant capita. Et ambiguae sunt viæ, in quibus positus meus dedicatusque *Hermes* hic est. Cui, quod magis idoneum caput, i. e. principium ac fundamentum Mercurii nostri *Hermetici*, sit, applicare qui volent, faciant, age per me liberum esto.

Ad *Hermas*, conjectis extempore lapidibus ab his, qui præterirent, acervi fiebant, qui & ipsi Mercurio sacri.

VIRI Magni, Incomparabiles COLLEGÆ: Construite & Ipsi ad *Hermam* meum *Hermacas*. Quisque lapidem conferat, i. e. mutet, demat, addat, sed amicè, sed candidè, Philosophice, quod Lex nostra Academica XII. jubet.

Quod si præter opinionem fuerint tamen, quæ invidiosè detrahant de eo, aut contaminent manus; sunt sacraria Vobis: *Ephemerides* sunt. Huc inlatus insertusque non timebit, quæ aut volent turbare, aut de jicere manus intra istum

Sapient-

Sapientiæ velut sinum, sine offensa tutus atque tranquillus. Cui quo debeo, animo committo consecroque.

Est Homo Homini *DEUS*. Et estis vos *Dii*, quia *Æsculapii* atque *Apolli-
nes*. Sinite, in posterum Nuncius vobis, aut, si vultis, *Hermes* atque *Mercurius* sim. Per scrib. Haynæ è Musæo, die natali meo XXIX. Jun. qui (*Cælio
Secundo Curione de Bell. Mel. p. m. 430. referente,*) à Melitensibus olim Men-
sis *Hermeti* sacer habitus est, An. cl. Id. LXXIV.

*Incluta S. R. Imp. Academia Natu-
ræ - Curiosorum*

Cultor & Collega ad quævis servitia
devinctissimus

Christianus Adolphus Balduinus,
d. Hermes.

In librum de Auro Auræ & ejus appendicem de
Phosphoro Hermetico.

C. A. Lib. Bar. à F.

Viderat *Hermetis* nostri modò Musa labores,
& mirata, suo talia verba refert:
Jam Tua, docte *senex*, gemmata tabella recedat,
hic liber, in parvo, nobiliora docet.
Aurum hic immensi fluitans per limina Olympi
exhibet, & flores, & sine nocte diem.

In

Auræ Aurum.

Detulit ad Divos, Librum hunc conspexit ut *HERMES*,
In partes varias atque *Helicon* trahit.
Præside res eguit poscitque ab *Apolline* Numen.
Qui tandem variè sic meditatus ait:
VIRGULA, parve Liber, mihi *DIA* vocaberis: *AURUM*:
Indice Te, *Tellus* quod nequit, *AURA* dabit.

Flora aderat, memoransque suum decus addit honores.

Nunc mihi perpetuum Ver, nisi fallor, adest.

Sic Dea læta refert. Cui cætera turba Deorum:

Ergone mors etiam Floribus, inquit, abest:

Immò Homini meditamur idem, superaddidit Hebe,

AURI sacra fames, nunc mihi, sitne? refer.

De

Phosphoro Hermetico.

Define perpetui mirari Luminis usum;

Perpetui Liber hic Luminis instar erit.

*Aurum Auræ, ut & Philosophorum Hermeticum
cen Laborem verè Hermeticum & studium
merè Curiosum commendare debuit*

Melchior Friebe, Phil. & Med. Doct. Præ-
fecturæ Haynensis Physicus, S. R. I. Acade-
miæ Naturæ-Curiosorum Collega.

INDEX CAPITUM.

- Cap. I. De Aura in genere.
- II. De Aura, effluviis variarum rerum repleta.
- III. In Aura etiam Materia Hermetica, sive Spiritus Mundivo-
litat.
- IV. De Auro in Aura.
- V. De magnete universali, Aurum ex Aura attrahente.
- VI. De modo attrahendi Aurum ex Aura.
- VII. De tempore attrahendi Aurum ex Aura.
- IIX. De coloribus Auri Auræ.
- IX. De Auro Auræ potabili.
- X. De virtutibus Auri Auræ in regno Animali.
- XI. De virtutibus Auri Auræ in regno Minerali.
- XII. De virtutibus Auri Auræ in regno Vegetabili.



P R O O E M I U M.

AGnoverunt prisci Philosophi, agnoscimus & nos libenter, & in infimis
suprema, & in supremis infima: in Cœlo quidem terrena, secundum cau-
sam, modoque cœlesti: in terris verò Cœlestia, modò terrenò, vid. *Pro-
clus de Sacrificio & Magia*. Unde in terra intueri quidem licet Solem, Lunam
ac cæteras stellas, sed pro qualitate terrena: in cœlo autem plantas, lapides, me-
talla, mineralia, pro cœlesti natura. Lumine itaque Hermeticæ Philosophiæ:
omnia naturalia superiora cognoscuntur per inferiora, & inferiora per superio-
ra. Hæc Harmonia est illa catena aurea, qua inferiora superioribus connectun-
tur, gubernantur, imò mutuò attrahuntur. Annon vides, quàm mirabilis sit
Elementorum lusus? quàm contraria etiam, mediante altero, ambient se? quò-
modo ignis aquæ, aqua igni, terra aëri, aqua terræ conjungantur? & quomodo
Mundus hac discordi rerum velut concordia conservetur? Motus *Antonius Mi-
zaldus Montucianus Gallus* his, superiori seculo, rationibus est, ut Harmoniam
superioris Naturæ Mundi & inferioris, unà cum admirabili fœdere & sympathia
rerum utriusque *Parisis* ederet. Moti & juxta mecum his sunt Scrutatores om-
nes Naturæ, ut Catenam hanc superiora inferioribus connectentem amplecte-
rentur. Quam enim qui sciverit, vel, *Agazielis Arabis* testimonio, Mysterio-
rum maximum penetrabit.

Quod cùm *Hermetis* Patris nostri Tabula illa, dicta Smaragdina, perfectis-
simè doceat, eamq; ego scripto istis, de Auro Auræ, meo fundamentum esse vo-
luerim; operæ me facturum pretium duxi, si, qualem ex contextu Phœnicio
delineavit *Kriegsmannus*, ego eam huic loco, sic se habentem, infererem: 1.
Verè, non fictè, certò, verissimeq; ajo. 2. *Inferiora hæc cum superioribus illis, istaq;
cum iis vicissim vires sociant, ut producant rem unam omnium mirificissimam:* 3.
*Ac quemadmodum cunctaeducta ex uno fuere verbo DEI unius: sic omnes quoq;
res perpetuò ex hac una regenerantur dispositione Naturæ.* 4. *Patrem ea habet So-
lem, matrem Lunam: ab aëre in utero quasi gestatur, nutritur à terra.* 5. *Causa
perfectionis rerum ea est per universum hoc.* 6. *Ad summam ipsa perfectionem
virum pervenit, si redierit in humum.* 7. *In partes tribuito humum, ignem pas-
sam, attenuans densitatem ejus, re omnium suavissima.* 8. *Summā ascende inge-
nii sagacitate à terra in cælum. indeq; rursum in terram descende, ac vires supe-
riorum inferiorumq; coge in unum, sic potiere gloriā totius mundi, atq; ita abjecta
sortis:*

Sortis homo amplius non habere. 9. Ist hæc jam res ipsa fortitudine fortior existet: corpora quippe tam tenuia, quàm solida penetrando subiget. 10. Atq; sic quidem, quæcunq; mundus continet, creata fuere. 11. Hinc admiranda evadunt opera, quæ ad eundem modum instituuntur. 12. Mihi verò ideò nomen Hermetis Trismegisti impositum fuit, quod trium mundi Sapientie partium Doctor deprehensus sum. 13. Hæc sunt, quæ de Chymicæ artis præstantissimo opere consignanda duxi.

Cæterum Literato etiam sistam hic Orbi

A U R U M

Superius & Inferius

A U R Æ

Superioris & Inferioris

Hermeticum.

PER Auram superiorem intelligo ærem simplicem, ut Elementum, per Auram inferiorem ærem coagulatum, ut elementatum. Utrisque extrahi Aurum Philosophicum potest. Utrumque Aurum est, illud superius & remotum, hoc inferius & propinquum; Unum tamen Aurum Hermeticum nomen.

CAPUT I.

De Aura in genere.

VELUT igitur Aer vel Aura instrumentum illud Mundi & delator universalis nostri Spiritus est: Unde *Trismegistus*: Ventum, id est, Aerem, inquit, portasse illum in ventre suo: sic in Capite isto I. Auræ, vel Aeris superioris nomine, Elementum illud intelligimus, primigenium, transparens, tamque levitatis, quàm ponderis expers, impermutabile ac perpetuum, frigore præditum naturali, nisi situum & commistorum robore impediatur: Poris autem ubivis referum, & hætenus extensionem aut compressionem sui tolerans. *Joh. Bapt. Helmontius*, in *Tum. Pest.* infra cælum ac supra aquam terramque existens: uti loquitur *Scaliger*, de *subtilit. Exercit.* 27. non obstante, quod *Isac. Vossius* de *Mot. Mar. & Venter.* c. 21. p. 47. in Macrocosmo fabellam vocat quatuor Elementorum recensioem. Aerem verò nihil aliud, quàm aquam, seu humorem dilatatum ad legem æquilibrii quaquaversum se extendentem: maria autem præcipuum aeris fontem esse, & tanto quidem magis soli subjecta; moverique aerem secundum dictos maris diversos motus.

Neque tamen Elementaris hic aër orbibus inclusus cœlestibus est, *Tych. Brahe. l. 1. Ep. Astr. p. m. 100.* sed in tribus suis regionibus, supremâ videlicet, mediâque atque infimâ movetur, ac à superficie terræ & aquæ ad summitates usque nubium currit. Ac licet verissima illa *Scaligeri* sint: Aërem nostrum aquâ esse mistum: quod nî fieret, occideret utique: uti hinc non ineptè concludit *Magnus ille Albertus*: non exinde tamen aquâ dici merebitur species: utut *P. Lamb. Danaus Phys. Christ. tr. 1. c. 9. p. m. 34.* diversum ab aquâ elementum esse aërem neget. Quonomine *Andr. Libavio de Univers. & Orig. Rer. Cond. l. 1.* meritò ille vapulat.

Vivit Aer in igne, hic in Aere: in Terrâ Aqua, in Aquâ Terra, & denique Aqua in Aere. Purgat Aerem ignis, Aquam Aer, Terram Aqua; quolibet, ignis beneficiò, cæteris claritatem sui communicante. Cumque, Elementa quicquæ fuerit pura in Mundo, oleum perditurus juxtâ & operam sit, quid, quò credere minus liceat, impedit, esse id, quod aërem dicimus, aquam tenuem, ignem item auram tenuem, similiter aquam terram tenuem, istam autem ignem crassum? & è contrario: terram congelatam aquam, aquam aërem congelatum, aërem ignem addensatum? vid. *Alphonsi Regis Clar. Sap. in Theatr. Chem. Vol. 5. p. m. 861.* Hinc aër fit lympa, ex lympâ fit terra, & ex terrâ fit aqua. Quæ singula exemplis probat *Drebbelius, de Natur. Element. Tractatu.* Igitur, cum vel aura, vel æther nihil quicquam ab aëre differant, nisi, quod *Eman. Magnanus* statuit, *c. 16. Phil. Nat. prop. 2.* sicut limpidissima aqua ab impurâ, & ex consequenti aura ac superior æther nihil, nisi aër subtilissimus, sint; nihil, opinor, omninò peccabimus hîc, si pro una eâdemque re ista quidem ubivis sumamus.

2. Per auram inferiorem, vel aërem coagulatum, ut elementatum, intelligimus subjectum nostrum catholicum, (quo de *Cap. 3.* quidem in specie.) Unde rectissimè *Sendivogius in Epilogo Tract. Aer*, inquit, *veterum Philosophorum materia*, cujus & in se aërius, id est, color candidus est. In hac autem nostrâ coagulata aura siccum & frigidum dicitur sal vel corpus; in eâ verò quod calidum igneumque est, sulphur audit, seu anima, frigidum autem & humidum Mercurius, sive Spiritus, vocatur. Sed enim coctione continuâ ac perennitria illa convertuntur in unum, hâc ratione: Frigidum & humidum convertitur in calidum & humidum & tandem in calidum & siccum. Sic quæ in materiâ nostrâ reperiuntur confusa ea in distincta convertuntur Elementa, fiuntque unum aliquod Elementum igneum & siccum. De quo quidem subjecto in cæteris ordine omnibus nonnulla annexuri Capitibus sumus.

CAPUT II.

De Aurâ, Effluviis variarum rerum repletâ.

Observandum itaque 1. Auram, superiorem puta, posse considerari dupliciter: vel, ut Corpus simplex & purum putum Elementum; de quo in Cap. præcedenti: vel, prout varios vapores & exhalationes in se continet. *D. Dan. Sennert. de Febr. l. 4. c. 2. p. 382.* de quô hic sermo nobis instituetur. Pori, vel porositates, quibus refertum aërem esse diximus, vel planè hiantes expertes corporis, in sui integritate manentes, vel replentur vaporibus alienisque ex halitibus, & veluti uteri sunt, quibus aporrhœæ fructuum aquæ resolvuntur denuò in ultimam aquæ simplicitatem, unde provenerunt, spolianturque quibuscunque primorum seminum signaturis, vid. *Helmontius in Tum. Pestis §. Forma.* Nam è rebus sublunaribus duplex seu spiritus, sive halitus, vi caloris solis vel stellarum, aut etiam ignium subterraneorum, ut & calore rebus ipsis innato, extrahitur atque in altum elevatur. *P. Casp. Schott. in Phys. cur. l. 9. c. 1. §. 1.*

Ejusmodi autem in aurâ peregrina Effluvia sunt, & per accidens, varia, juxta indolem, unde exhalarunt, concreti. Hinc Terra, Virgo, sponte suâ herbas producit, si idoneo conditam vasi libero aëri exponas noctu diuque, congruò tempore imprimis. Quod est signum, terram illam solâ aurâ ejusmodi herbarum seu semina sive spiritus continente, fuisse imprægnatam. Terra saltem permanens matrix existit, non Corporum Mater; quod probè tenendum. Sic Nitri & Vitrioli Spiritus per aerem volitant. Si enim postquam è Vitriolo vel Nitro spiritum extraxeris, Colcotare ejus (uti vocant) ponas sub dio, ibique dimittas paucis diebus, & mox in Retortâ reponas, adhibitis ignis gradibus, novum eundemque efficaciorum spiritum elicies. Quæ experimenta *Magnanus* adfert in *Philos. Nat. c. 16.* & ex eò causam colligit, cur quibusdam in locis salubris aer, alibi verò minimè sit, cur item alibi gratos, alibi tetros efflet effectus odores: nimirum, quia vel salubres & gratos, vel insalubres ingratosque ille spiritus continet.

Scilicet, redolent venti, quæ prætervexerint corpora illa. Dum Rosæ florent, è locis *Fontenau* & *Vauvrigard*, qui circa *Parisiorum* urbem sunt, aer mirâ odoris suavitate delibutus naribus affertur, referente *D. Kenelm. Digba. in Theatr. sympath. p. m. 48.*

E contra *Madridi* in *Hispaniâ* tam est tenuis aer, uti, nisi aliarum rerum effluviis identidem inspissetur, minus aptus hic respirationi hominum atque animalium sit.

Londini in Angliâ, quod in totâ vasta illa urbe ignibus incolæ utuntur, ex eò carbonum genere, quos solent fossiles vocare, totus aër velut sale & fuligine repletur: unde lecti, aulae, & quævis utensilia alia, quantumvis nitida ac splendens ante, brevissimò tempore obfuscantur.

Drepani in Sicilia, urbe maritima ex Salinis celebri, aër est adeò corrosivus, ferrum ut exedat. *P. Cass. Schott. in Techn. Curios. l. 4. c. 1. prel. 1. §. 44.*

Varias igitur ob causas constitutio aëris variatur, quatenus pendet à locorum situ, terræ natura, maris & lacuum vicinitate, fodinis metallicis, temporibus anni, utilitè describitur à *D. Dan. Sen. Instit. Medic. l. 4. part. 1. c. 2.*

Quemadmodum ergo variarum in aëre rerum permixta varia continuò effluvia, siue omnis generis spiritus sunt, terrei puta, aquei atque ignei, è terrâ aqua, igne, mineralibus quoque, plantis item, animalibus, adeoque hominum corporibus, magna semper copia, vi caloris seu extrinseci, seu intrinseci resoluti, & ob levitatem ascititiam in altum erecti: ita à corporibus homogeneis vi magnetica attracti idem corporificantur.

Utor *Minera Marti-Solari*, (quam ex *Hassia* adferunt, tribusque diobolis libram *Lipsiæ* æstimant, non carius,) flava intus, aureæ instar marcasitæ, cæterum planè insipida. Quam enim si in pulverem redactam in aqua aliquandiu coquas, ne colorem quidem mutabit, nec saporem alium, quam qui aquæ est, habebis. Hujus uncias duodecim, per integros quatuordecim dies, non ita pridem aëri frigido exposui. Quò factò, peculiarem illa humidumque atque dulcem, talemque, qui vitrioli est, salem attraxit continuò, quid? quod duabus unciis aucta & ipsa pondere esset. Qui extractus Sal pluvia aqua, forma viridi, purgatusque, mirum, quantum morbis istis resistat, qui ex Tartari abundantia oriuntur, sicut nec minus aliis. Dicitur & *Hausensis* Terra Minera hæc, quam & ad vitrificaturas suas adhibent figuli, continetq; eam Spiritum metalla omnia solventem. Ref. *D. Joh. Tileman. Exper. 3. p. m. 8.* Est eadem *D. Joh. Hiskie Cardalucio, in Aula subterr. Lazari Erckeri, l. 2. p. m. 227.* Magnesi Vitriolata, *Arnstadii, Aquisgrani* atque alibi item, non infrequens. *Glauberus in Furn. Philosoph. part. 2. c. 11.* Vitrioli dulcis Mineram vocat, inventam à se copiosissimam *Almanroth*, (est is *Hassie* pagus, unum *Cassellis* lapidem distans:) Virtutem si spectes, qua attractiva prædita est, pari ac Bisinuthi illa Minera, est & ipsa sanè ex aëre, viride admodum, attrahens Vitriolum; crediturque Chymicorum plerisque immaturum *Paracelsi* Electrum, niger Saturnus, albumque Philosophorum Antimonium esse. Cujus, opinor tactus invidia, verum reticere maluit nomen *Jacob. Polemannus de sulphure Philos. Tractatu p. m. 114.* quod verò ut disertè dicerem, domi habui causas.

Monstro simile est, quod *Dn. Kenelmum Digbaum* autorem habet, experi-

men-

mentum. Hic namque *Arcevilensi*, quam vocant, terra aëri libero exposita, singulisque diebus aqua pluvia humectata, post primum mensem, in eadem vitriolum: secundò sulphur: tertio plumbum: stannum quartò: quintò ferrum: & sextò mense reperit, in quo ramenta argenti tenuia essent. Quod idem *D. del'Oborie* & *D. Locques*, Galliarum Regis Spagyricus, & ipsi felicissimè tentarunt. De quò qui volet cognoscere, is prolixissimè differentem adeat *Dn. O-laum Borrichium* dissertat. de ort. & progress. Chym. p. m. 149. Hòc pactò exhaustas & auri, argenti que & ferri, ac lapidum fodinas crescere denuò docet *Athan. Kircher*. in *Mundo subterr.* lib. 4. c. 8. p. m. 215.

D. Marcus Antonius de Castagnia, Minerarum Reip. Venetæ supremus Præfectus, & Societatis Pancteticæ Fundator, coram quovis attestabitur, esse arti possibile, in quavis dōmo & laboratorio, variis modis perpetuam mineram exstruere, unde statutis temporibus, metallum verum, non secus ac ex minera, erui possit. *D. Joh. Joachim Becher*. in *Exper. Chym. nov.* p. m. 62.

Cernis, opinor, aura quid præstet, quid Cœlorum influxus, ut ad fictos ingeniosè cortices descendere non sit adeò necessum. Rectè ergò dictum à sensatioribus Philosophis, *πᾶσι τιγὴν* quandam, seu rerum omnium seminarium & cornu copię auram esse vel aërem.

2. In nostra aura inferiore coagulata, seu subiecto universalissimo, mox nominando, dantur etiam effluvia ex aëre & terra attracto, sed diversæ naturæ: quæ causa est, cur, feces ac superfluum sint, per solutionem, quam vocant filtrationem, destillationem, putrefactionem & sublimationem separari necesse habeant.

CAPUT III.

In Aurâ etiam Materia Hermetica, si ve spiritus Mundi, volitat.

Cartesius part. IV. Princ. Phil. n. 48. *Lipstomius* pag. 3. *specim. Philos. Cart.* c. 2. asserere videntur: aërem nihil aliud esse, quam congeriem particularum terrestrium, tam tenuium, & à se mutuò disjunctarum, ut quibuslibet motibus globulorum cœlestium obsequantur. Licet *D. Robertus Boyle*, in *Experimentis de aëre*, Exper. 1. *Cartesium* aliter interpretetur. Credendum tamen est, naturam, cui peculiaris semper fuit cura, ut indefessum cœli ac terræ commercium, velut admirabilis harmonia totius mundanæ machinæ perduraret, à primò mundi ortu, etiam cœlestem quandam substantiam vel materiam per universum orbem disseminasse. Præcipuè verò 1. in Auram vel aërem superiorem, ut dignissimum Elementum, in quò semen & vitalis spiritus, seu domicili-

micilium animæ omnis creaturæ lateat. *Mich. Sendivogius Tract. de Sulphur. p. m. 152.* Hinc Hebræorum Doctores Aërem numero Elementorum eximunt, eundem velut medium quoddam atque glutinum, diversa simul conjungens & tanquam spiritum mundani instrumenti reboantem, habentes. *Vid. Templum Naturæ Henr. Kornmann. p. m. 72. & D. Marcell. Frankheimi ἐπιγίσιον ad Achill. πανυπερυσλόμαχ. p. m. 36.*

Docet id indies experientia, quod hōc Elemento non solum mineralia, animalia, vegetabilia, verum etiam alia Elementa vivant. *Johan. Sperl. Inst. Phys. l. 4. c. 2. ad præc. 1.* siquidem spiritus quidam astralis in hæc inferiora influens, metallis, lapidibus ac plantis se accommodat, imò in eorundem substantiam occultè se ingerit. *R. Goclen. in Synanthros. Magnet. p. 102.* Ipse ubique viget, in omnibus generationibus omnis proximus autor atque motus. *Marsil. Fici. de vial. 3. c. 3.*

Hanc substantiam ætheriam *Helmontius* vocat Magnale Magnum, *lib. de Magnet. Vuln. cur. §. 151.* Est quæ eandem aquis tribuit supracœlestibus, *Kircher. in Itiner. Ecstatico*, quas natura ille sua roris instar, comminiscitur, luce propria contentas, pellucas, atque in sublunaria hæc influentes, quibus, velut nutrimentò aliquo, vivant, quæ ullibi in mundo corpora extent. Cui opinioni fidem assensumque præbet *Henr. Nollius*, ex Cabala & secretiori Philosophia, *in Phys. l. 2. c. 2.* Est ejusmodi, inquit, aqua, cujus perpetuò & continuò influxu in hac inferiora omnia animantur & disponuntur ad suscipiendam exaltationem. Primùm se communicat astris visibilibus, per astra aeri, per aerem aquæ & terræ &c. Sed hanc ego opinionem non facio meam, & album adjicio sententiæ calculum *Petr. Palmarii D. Paris. de Lap. Phil. dogm. p. m. 64.* (ut ut prægnantibus de causis, id scripti, factum sit ab Academia Parisiensis Collegio Medico, 1600. obelisco ut jugularetur:) Cor mundi Sol, non oculus, est. Diffundit vivificum nectar (per aerem) in subiecta omnia. Ergò quædam permanens substantia, cœlestis, divina, ab Elementorum concretione alienissima: quæ singulorum ortui ut accessit, sic per eorundem dissolutionem, cur non educetur? fundata est in subiecto tenaci, plus minùs, pro rerum conditione. Cum illo manet, abit, dispirat, redit, recedit, inducitur, extrahitur. Neque enim pura consistit & omni subiecto nudata. Ut non nuda nascitur, sic nuda non extrahitur.

Deinde, nominatur hæc materia cœlestis, de qua jam loquimur, spiritus & anima Mundi, (ab Avicenna & Platoniceis) ros de nocte, aqua rarefacta de die, spiritus invisibilis congelatus, semen omnium rerum, spiritus vivus omnium creaturarum, vita cœlestis, spiritus universalis cunctis rebus inclusus & per aerem ingrossatus. *D. Frid. Hoffm. in method. med. l. I. c. 19.* Semen universale Naturæ,

Naturæ, Spiritus Salino-Sulphureo-mercurialis, una substantia triplici virtute distincta, proximum rerum omnium principium. *Athan. Kircher. lib. 12. cap. 5. pag. m. 332. Mund. subterr.* Lumen, Vitæ balsamus, Mumia vitalis: Calidum naturale, Humidum congenitum; vis & vigor universæ naturæ, principium motus, Entelechia, Sperma mundi, Aqua magni Oceani, Aqua vitæ purissima, Ignis universalis, Chaos naturæ ac Penuarium, ex quo calor vitalis ac spiritus, tanquam ex spermate, prodeunt. Quinta essentia & Mercurius vitæ! præter millena nomina. *D. Petr. Johann. Faber, in Compendium Secret. Chym. lib. 1. c. 3. Damian. de Campis in Enucleat. Nov. Lun. Chym. Mich. Sendivog. §. wir fön nenes Spirituosum vitæ Balsamum nennen/ & ejusdem Enarrat. Somni si non Pan- sophici, tamen Philo- Polymathici §. 34.*

Dicitur & Leo viridis propter robur, quo cuncta movere potest & penetrare, quod *Trismegistus* docuit, appellando illum, in Tabulâ Sinaragdinâ, totius fortitudinis fortitudinem. Dicitur superius, & Avis seu Avicula Hermetis, immò Mercurius universalissimus, qui, aquæ siccæ nomine clarus, in communi superioris & inferioris & mundi cœmiterio ad patranda totius mundi miracula circumvolvitur, & occultus vitæ nostræ cibus à *Cosmopolitâ* appellatur. Hic enim levi digestionem debitè captus, rubescit, magnatumque refectio- num pater est, si virtus ejus conversa sit in terram, dicti *Hermetis* testimoniò. *Doct. Johann. Tack, in Epist. ad Doct. Johann. Daniel Majoris Chir. infus. pag. m. 3.*

Possū hic nominare complures, qui istius Humidi radicalis Mundi in scriptis suis passim meminerunt non tantum: è quorum sanè numero non post- remus occurrit *Henr. Cornel. Agrippa ab. Nettesheim de occult. Philos. lib. 1. cap. 14. Bernhardus G. Penotus, deinde Gerhard Dorn. Papinius in dissert. de pulv. Symp. Osvald. Crollius, in Basil. Chym. Mich. Sendivogius in XII. tract. Doct. Petrus Joh. Faber, in Pall. Spagyr. Hydrogr. Spag. in Myroth. Spag. Hercule Pio Chym. & Comp. Secret. Chym. Corn. Drebbelius de Nat. Elem. Robert. de Flucti- bus cap. 5. lib. 1. de Vromantia. Cesar. Riviera in suo, de Mundo magico, Tractatu, Italicè confecto, lib. 1. Johann. Poppius in Hodog. Chym. D. Olaus Borrichius de ortu & progr. Chym. Joh. Verem. Rhumel, Basil. Chym. Chym. Johann. Rudolph. Glau- berus in Pharm. Spag. Johann. Lud. Gottfried. in Archontol. Cosmica atque alii: sed & integrum hac de re Commentarium dedit Johann. Rohrmannus, cui, de Anima mundi & Spiritu Universi, titulum fecit.*

Est & *Dni Nuysement* liber confectus de Spiritu Mundi universali & vero Sale secreto Philosophorum. *D. Andrea Nitneri* item de eodem Mundi Spiritu, attracto ex aëre, nec non *Tractatus de Cœlo terrestri Venceslai Lavinii Mora- vi.* Quare studiosos istius ad illa volumina delegamus.

Dominus Petrus Borellus, Cent. 1. Obs. 6. sub. tit. Curat. febr. malign. auro soluto curata: rationem docet præparandi Magnetis, quò essentia hæc attrahi ex astris, destillarique atque eâ aurum solvi queat.

Ac, ut de me ipsemet hoc afferam, anni sunt admodum septem, quam Magnetis Philosophici ope, præparati ex Nitro fixo, spiritum aliquem sive aquam Mercurialem ex aëre attrahebam quâ, uti loqui amant, rectificatâ, residuum phlegma, utut planè insipidum, instar aquæ communis, tincturam ex corallis rubram extraxit, mutatô horum colore in album; cujus causam haud temerè alii, quam volatili aëris Sali, ducimus assignandam.

Extra igitur aleam dubitationis positum id quam longissimè est, esse sol corpus primum, per quod materia cœlestis palpabilis & visibilis redditur. Est Sal enim Terra, Virgo, quæ nihil adhuc produxit, in quam Spiritus Mundi primò convertitur per vitrificationem, h. e. extenuationem humoris. Quò sensu fuit haud dubie *D. Joel Langelottus* (*Epistolâ ad Præcellentissimos Naturæ Curiosos p. m. 101.* cum Sal aëris unicum solvens indigitaret Catholicum. Rectissimè, meô animô quidem.

Cæterum existimo ego cum *Nollio*: Hunc divinum thesaurum, ne frustra descendere & se humiliare videretur, sui perfectam imaginem cuidam quoque mineræ coram mundo abjectæ, quæ Magnesia sapientum dicitur, impressisse, illamque sic disposuisse, ut facili negotio, DEO singulariter benedicente, & industriâ humani ingenii, inde erui possit.

Est autem, ut apertius dicam, 2. Aura inferior coagulata, vel magnesia illa, nitrum nostrum, sive sal petræ, in quo ætheria illa substantia copiosissimè disseminata. Nam est nullus omninò Sal, qui sit, illô, magis catholicus. Quin adeò diffusum est nitrum per universam rerum naturam, itaque actuolum in concretionibus satque mistorum sublunarium, ut operæ pretium facturum sit, quisquis ad vestigandam ejus indolem animô sese & cogitatione attentissima converterit. *Rob. Boyle Nob. Anglus in Tentam. Phys. Chym. p. m. 1.* Non est è numero Salium, appellari vivens quod possit, uno nitro exceptô nostrô Virgineô. Quod & ipsum tamen antea, carens vitâ ex aëre eam receperit. Est Subjectum Philosophorum universalissimum hoc; cui non Mercurius tantum, sed & ipsum aureum Sulphur ac Mundi Sal copiosissima insint.

At enim, quantum est, quæso, contradicentium! quos ego contra asserentes omnes mihi, audio hic: Redolere hæc *Joh. Rudolph. Glauberi* novam illam primaque specie blandientem opinionem: Esse Nitrum philosophorum illum Mercurium, Menstruumque universalissimum, statuentis. Quam, assertam à se aliquamdiu, Mundi Miraculo, in cæteris scriptis suis, postea ille explosum, atque in alia omnia ire potius cœpit, extremum Antimonium ipsi arrisit; quo de-

in Igne Secreto suo, p. m. 20. exsertis verbis : Esse Mundi Spiritum , Antimonium ait, animas mortuorum orco educens: esse pariter Alkahest, ex quo *Pontani Artephii*que secretus ignis confici possit. Confer ejusdem *Glauberi Proserpinam* p. m. 29.

His ego opinionibus respondeo, nihil inesse, quod quem possit offendere. Imprimis cum sibi invicem non repugnent. Nam, quod ad istam attinet, Spiritum Mundi metallicum latere in antimonio , non me fallit , unde Menstruum universale metallicum possit erui, quod ad illam autem, equidem Mercurii Philosophorum conficiendi ex nitro modum ignorasse *Glauberum*, in confesso est, exp. 91. *Mirac. Mund.* cæterum, non id materia esse illa propterea definit, ex qua universalissimum menstruum extrahi, cujusque postea beneficio, præparari Menstruum universale metallicum queat. Extra ea, constanter asserimus adhuc, à nostro opere excludendum Argentum vulgi vivum cum Antimonio esse, nec id injuriâ quidem: Hoc propter impotentiam, illud autem, quod jam in corpus metallicum à sulphure suo interno sit coagulatum. Corpora autem in corpora non agere, notum est. Pauci, scio, verbis meis fidem habebunt: Sed si æquè ac Philosophi experientiâ edocti, scirent, quomodo ejusmodi Sal petrae in omnibus reperiretur, ex iisdemque omnibus artificiosè extrahi posset: tum & sibi ipsis tanquam testibus oculatis, fidem sine dubio non derogarent, & tam pretiosum Salem, qui ab ignorantibus tantum vilipenditur, (vilis propterea à Philosophis dictus,) non tam leviter cum sordibus, quisquiliis & fimo abjicerent, sed ex omnibus potius mundi angulis collectum, haberent sanctissimè. Quanquam observari juxta *Raim. Lullii de Quint. Ess. dist. 3. p. m. 95.* & hoc velim: Licet omni in elementato, quem dixi, Mercurius reperiatur, tamen in aliquibus tam longè, ut vita hominis, anticiparet, antequam Artista hujus artis ipsum, prout expedit, à se abstractum possideret. Immo dicitur in omnibus esse ratione primi moventis in rebus naturalibus, qui spiritus vegetabilis nuncupatur, quò nostra materia præ cæteris abundat. *Bern. Penot. à Portu Praef. Apolog. in tract. Arislai. p. m. 92. Sendivog. in Tract. de Sulphure p. m. 185. & D. Joh. Tack. in Chrysog. de Quint. à Ess. vini p. m. 32.*

Interim non mirati non possumus vim ac virtutem illam, quâ omninò stupendâ divina bonitas Mundi Spiritum salemque aëri inhaerentem istum donavit. Tot enim in mundo millibus, quibus aut jungitur attrahiturve magneticò more, existentibus subjectis, non illa mutat tamen efficitque, ut, quod non essent, jam sint aliud: sed, ut idem cum ipsis fiat, id verò unice agat. Quod profectò unum est tanti, ut, qui penetrarent, nondum viderim ego, nec, qui penetrabunt, videre forsan unquam contigerit. Unam itaque Universalem, ab

Hermete stantes, materiam ut concludimus esse: Sic, ab hac unâ re natas, omnes fieri.

Ac ut ut huius loci ac instituti non sit autoritates Philosophorum veterum cumulare roborandis istis, quæ diximus: Credere enim id cuivis integrum sit: non possum nunc facere tamen, quin *Basilium Valentinum* accersam, & unum hunc quidem: sic autem ille, *libr. de Reb. Natur. c. ult.* abunde interioris radicis materiam oculis exponens: Quæ materia, inquit, manifesta est coram oculis omnium hominum. Verum, quia virtus ejus, potentia atque vis in profundo valdè sepulta est, adeoque plerisque incognita, eò fit, ut materia hæc pro nihilo etiam & inidonea ex ignorantia censeatur ac reputetur. Nomen ejus vocatur *Hermes*, qui serpentem volentem pro insigni gestat, & pro uxore habet, quæ dicitur *Aphrodita*, quæ omnium mortalium corda novit: & tamen omnia, unum, & una res unicè, & unica essentia est, quæ communis est in omnibus oris & cognita in omnibus locis. Quivis eamprehendit manibus, & usurpat ad res viles. Vile existimat pretiosum & pretiosum rejicit. In summa, nihil est aliud (dicit) præterquam aqua & ignis, unde terra cum additamento aëris est orta & etiamnum conservatur. Cum quo paria facit *Ejusd. de Magno Philosophorum Lapide, Tractatus*, ubi sub finem, omne in omnibus, quid sit explicat.

Etenim: quis me, inquis, ista docebit, *Hermetis* vocabulo voluisse nitrum innuere *Valentinum*? ego verò, cui nihil unquam factu fuit facilius; Imò mecum *Schræderus*. Date mihi parumper, & ne tantillæ te operæ, Lector, pigeat, adi mecum *Ejusdem Schræderi D. Pharmacopœiam Medico. Chymicam, lib. 3. c. 23.* tibi que inter nomina illa, quibus nitrum macularunt Veteres, *Hermetis* quoque ostendam vocabulum. Hæc materia est Virgo illa, cui nomen *Uranogææ*, aut cœli terrificati, tribuitur, quia licet terra (i. e. Sal) existat, virtutes tamen cœlorum continet & indissolubili vinculo connexas sibi habet, quarum admirabiles operationes exhibet videndas.

Quod si autem adhuc Genealogia ejusdem te anxium habet, desiderio tuo est qui iterum satisfaciat, *P. Kircherus Tom. I. Mundi subterr. L. 6. sect. 2. c. 3.* Cui *Quercetanium* addas licet, in *Pharmac. Spagy. p. 578 seqq.* & *L' Histoire de la Société Royale des Londres, p. 2. post. Sect. 18. p. m. 319.* *Vilhelm. Clarkius in Historia Naturali Nitri Lond. 1670. Johann Rud. Glauber in Mirac. Mundi de Menstr. Univ.* De experimentis verò circa varias atque multiplices partes nitri lege *Tentam. Phys. Chym. Dn. Robert. Boyle Nob. Angl. p. m. 18.*

Et quid tam evidenti ego rei faciem accendo? cum quæ in *Paracelsi* habentur,

tur, reperisse in Nitro *Alchymiam*: inlustriora Solis utique radiis sint, nec non Geberi ita; Petra, quæ non est petra, quæ invenitur in finis, illa est Petra Philosophorum. Quibus succinit *Dominicus Gnosius Belgain Herm. Trismeg. cap. 3. p. m. 166.* Lapis noster Sal petraæ est, quo & currens in optimum & perfectissimum metallum, & silex in durissimum Adamantem transmutatur, Et *Opus Petri de Silento* dicit: Optimum Sal Nitri est Mercurius noster, vid *Theatr. Chem. Vol. 4. p. m. 1117.*

Equidem novi, quantum nonnulli Salitribuant Roris majalis, cui & ipsi natales Philosophici Nitri, credunt, deberi, (qui habetur pro aere coagulato & à fratre *Umano* expressè Nihilum Philosophorum dicitur) cujusmodi Sal, ab Equite Anglo, *Henshaw* singulari artificio paratum, cum Microscopio conspectum, angulorum numerò & figurâ Nitri æquavit angulos; uti, ex *Ephemerid. Anglicis, Gallica* referunt, *T. 11. p. m. 23.* Imò rorem dulci saccharo esse divitem edoctus est *Joh. Bapt. van Helmont. de Imag. ferment. p. m. 73.* & ex Sale Roris Majalis (imò aquæ pluvialis) *D. Joh. Dienheimius* medicinam suam elaboravit universalem; ejusdemque *Borellus* Spiritu Aurum radicaliter solvit. Jungimus his *Detardingium*, cujus in suo, de Auro potabili *Tractatu* constans assertio est: Mediante Sale volatili roris majalis dissolvissè Aurum, non secus ac in aquâ calidâ glacies dissolvitur.

Verum, uti, quod res est, fatear, frustra id quidem in Germania obtinueris ex Rore illo, minus videlicet Salis Mundi feraci, quam in cæteris regionibus, Ægypto præsertim. Quod testabitur *P. Bellon. in Obs. sing. & memor. ror. lib. 2. cap. 77.* nec non *Autor de la Chambre in dissert. suâ, de causâ inundationis Nili*: in Rore, quem Ægyptii Guttam vocant, vim fermentantem latere, quæ massa aeri exposita, ipsum Nilum, seu nitrum, quod in Nilo est, fermentet. Sic Ros Brasilianus, teste *Geographo Varenio*, Europæo tum pinguior & Nitro multò imprægnatus, fœcundior, tum multò penetrantior tenaciorque, præcipuè æstate existit. Sic est in Insulis Ferroënsibus multa fœcunditas ex nive, quæ Nitrum secum vehit, ref. *D. Thom. Bartholin. in Act. Med. & Phil. Hafniens. an. 1671. & 1672. p. m. 87.* Ego sententiam meam interponens, profiteor liberè, nitrum nostrum, obvium ubivis, utut impurum, tamen cœlesti materiâ refertissimum, idemque verum subiectum catholicum miraculosumque esse Sal; è quo liquor non tantum & dissolvens universale Philosophicum, sive Mercurii Spiritus, sed & propinquius Medicina sapientum antiquorum præparari atque confici potest. Notandum interim fuerit; Licet ex ea aqua, forti igne, eliciatur, & Spiritus ejus, simul in illa aquâ miscens se & inhabitans: Spiritus tamen ille crassus & corporalis, sive terrenus, nondum est spiritus ille

secretissimus & vivificus coeli, (cujus Pater Sol igneus & Luna humida Mater, juxta *Hermetem* nostrum:) sed est hic elementaris Spiritus habitaculum illius coelestis, qui anima & vita omnium Creaturarum est & vocatur, atque hic imaginem DEI gerit proximè. Ergò, sicut DEUS in ignea habitat essentiâ & ignis consumens est: sic & iste Spiritus, qui, ut anima vivificans omnia, in igneo ardentissimoque Spiritu occulte habitat, & etiam ignis consumens est omnia terrestria: purgans autem ad summum coelestia. Et sic aqua ex Nitro destillata, tres habet partes: Corpus, quod est aqua: Spiritus ille igneus elementaris crassus: & tandem anima occulta vivificans, quæ in debito subjecto incorporatur.

Modi autem hujus signari, coelesti materiâ attractâ ex aëre, sint contenti norintque, quantumvis, *D. Nitnero Hoffmanno*que testibus, circulata eadem atque in Spiritum destillata confortando cum maximè cordi faciat, omnisque generis febres morbosque ex scoriis faculentis ortos, alios curet; fieri tamen haud posse, uti secretissimus ille Spiritus, sive ex aurâ attractus, sive Magnesiâ quoque suâ erutus, in morbis curandis ea efficiat, quæ cuiusvis admirationem possint injicere: nisi vel suo corpore, i. e. Sale purissimò, vel Aurò Auræ, vel Aurò ipsò metallicò conjunctus idem fixusque. Quâ de re jam, in sequentibus, sumus acturi.

CAPUT IV.

De Auro in Aura.

Perspiciuum est autem ex Philosophiâ adepta & Naturæ thesauro, constataque inter omnes, qui de Auro memoriæ prodiderunt, omnino tria distincta ejus genera dari: astrale primum, deinde elementale, tandemque metallicum. Conf. hanc in rem *D. Joh. Trakii Trip. Phas. I. Med. de Aurop. m. 11.* Nos sepositis istis, de Astrali nunc tantum loquimur. Miraberis autem non injuriâ, scio, quare i. in Aurâ, sive superiore id aëre quæram? & unde inventum modusque iste attrahendi, de quò ne verbulo quidem ullus, quod sciam, Autorum, exposuit, hætenus innotuerit mihi: sed non longæ ambages sunt. Adverte, brevibus docebo.

(I.) Considerabam, quod Creator altissimus præcipuè in Sole, qui est tanquam Cor coeli, collocaverit virtutem multiplicis potestatis, quæ ignis est invisibilis & calor vivificus, omnes res creatas permeans, in quo omnia tam coelestia, quam terrestria, vegetantur & in suo esse conservantur: imò quod Sol sit Pater Spiritus mundi, seu materiæ coelestis, imò & Sulphuris universalis. Nam per radios suos agit in aquam sol, quam attenuat atque attenuando in aërem vertit.

vertit. Nec hoc in opere quidem subsistit, sed pergit, vertitque vapores æreos in ignem, solvendo eos coquendoque continuo indeque in subtilissimam convertendo naturam, ita ut si deinceps Sulphur nativum, (calorem intellige,) in aquâ Sulphure seu calore Solis incendatur, ex istius materiæ coagmentatione ignes varii generis prodeant. Sic Sulphur commune prius fuit aqua, cujus natura erat frigida, quæ postea circulando per calorem Solis vertitur in aërem, cujus natura est calida & sicca, cum quò postea se temperat terra; & sic efficitur Sulphur. *Egid. de Vadis in Dial. Natur. & Fil. Philos. c. V.*

(II.) Sciebam: Aurum naturale Solis esse Filium, siquidem illud est cum ætheriâ materia ejusdem naturæ, aut potius nihil aliud, quam, cœlestis materia, quæ prius puro quodam in loco naturam corporis induit, quam in perfectam fixationem reduceretur. Cujus *Raimundus Lullius*, in tractatu suo, de *Intentione Operantium*, elegantissimè Genealogiam contexuit. Vide nunc *D. Joh. Christoph. Steeb Elix. Solis & vitæ* §. 7. quibus, de generatione Solis, nihil docti.

(III.) Incideram in *Dni Kenelmi Digbæi Demonstr. Immortal. Anim. ration. c. 7. p. m. 62.* locum istum: Vasorum vitreorum ope, peculiari quodam modò factorum & artificiosè dispositorum, collectos Solis radios in pulverem fusci coloris, aut purpurei in rubrum vergentis præcipitados fuisse. Quibus postmodo subjungit: Fraus nulla huic operationi subesse potuit; nil enim in vase, antequam disponentur, continebatur; peragi etiam debet in calidiori tempestate, ut effectus iste sequatur. Hac porro operatione aliquibus diebus duæ ferè uncix colligi potuerunt &c. Ex his omnibus ego cœpi conjicere; licet vero sit alienum, quod apud eundem *Digbæum*, *Theatr. Sympath. p. m. 27.* proditum legimus: Esse substantiam Lucem materialem atque corpoream: (cui sententiæ, *Opere, de Medic. Ort. & Progr. §. Magnum, n. 35.* non invitus accedit *Helmnotius*, lucentisque exemplo eam filicis probat. Quæ, quod lucet, à sole utique habet; demumque addit: esse lumen revera ens extra lucem.) Quæ si, inquam, à vero abessent longius, Solis tamen calori, fieri non posse, quin sulphur præstantissimum insit, ad nos per aëra devectum. Statuere enim *Tackium*, de *Genealogiâ Auri, Tractatu*, Spiritum illum, quem quotidie unâ cum aëre, maximo nostro bono, haurimus imbibimusque, rubra illa Tinctura refertissimum esse. Nam est in Sole Balsamum omnium præstantissimum, expers omnis corruptionis, quod si è Sole eruere sciveris, atque humano didiceris balsamo applicare, nobilissimam tibi omnium, medicinam acquires. *Henr. Noll. in Prod. Phys. Herm. 6. Cap. p. 37* cum quò tandem cœpi concludere: Calor Solis seu Balsamum ejus, beneficio radiorum, inferioribus corporibus imperitur. Quod si Magnete creato illud comprehendere, atque ex eo prolificere poteris thesaurum, millies auro & argento preciosiorem, tibi comparabis, cujus

cujus robori omnes cedere morbi coguntur. In quam sententiam *Oswaldus* & ipse *Crollius* in *Præfat. Admonit. sua Basil. Chym. præfix.* Volentibus, inquit, vitam hominis ad summam sanitatem adducere, opus erit, quærere Solem non Elementalem, sed calorem illum cœlestem Solis & Lunæ, habitantem in incorruptibili substantia sub Lunæ globo reperibili: hunc calorem vel spiritui nostro similem reddere, quod sit, cum in medicinam & cibum suavissimum præparatus fuerit.

Quæ cum sic præcepissem atque antè animo peregissem; cœpi porro in eam descendere cogitationem: Annon

(IV.) Quem dixi, Magnetismus, qui, in aëre positus, tempore æquinoctiorum imprimis, (quò aër atomis ætheriis balsamicisque quasi redundat,) cœlestem illam materiem forma humida attrahit, per auram è solaribus radiis Sulphur aureum sicca forma itidem attrahat?

Suppositò igitur igne isti, cujus jam aliquoties mentionem fecimus, Magneti, idque, sereno cœlo, in aëre maximè libero, extemplò ille, quod suum erat, agere atque operari cœpit. Tot tantisque experimentis atque laboribus Aurum istud Auræ stetit investiganti.

Hoc igitur voco solare Balsamum, seu vivificum Sulphur, vi magnetis universalis ex aëre attractum. sanitatem cum primis conservans, nostri corporis cum partes, tum humores à corruptione atque putredine vindicans mirè tuensque.

Nam, quia hoc sulphur, haud dubiè à sole cœlesti, (Lucis ac vigoris vitalis fonte illo aureo) emanat juxta ac influit, Aurum ausus sum appellasse, præferente facem, *Hortulanò*, Philosopho; qui in *Tabulam Hermetis* Commentaria scripsit, & per Solem Aurum intelligit Philosophicum, quod lapidis Parentem, & verè quidem nominat.

Nec 2. in inferiore coagulataque hac Aurâ, i. e. nitro nostro, Hermeticum Aurum quærentis tuus hîc quidem frustrâ erit conatus. Gaudet enim subiectum id universale internâ suâ rubedine, (quam illi vitam esse dixeris,) tractâ ex aëre. Imò sal nitri est Aurum spirituale & Philosophicum, & ipse Rex, unde Regis, i. e. Auri vulgaris dependet fortitudo, fortuna & sanitas, ut philosophatur *Basilius*. Hoc Aurum Auræ, s. sulphur Philosoph. est calidum innatum Mercurii Philos. ab eo nunquam separabile, quo solo Mercurius maturitatem & perfectionem acquirit. Illa autem duo corporificantur à Sale ipso purissimo, in quo conclusa & captiva fuerunt, figunturque in verum Aurum Hermeticum, i. e. Sulphur rubeum atque permanens; quod verò demùm perfectum & numeris suis omnibus absolutum

opus est.

CAPUT V.

*De Magnete universali , Aurum ex Aurâ
attrahente.*

Multi multos modos excogitarunt, quibus Spiritum, sive (cujusc. 3. memimus,) Mundi Sal
1. ex aëre superiori sibi acquirerent. Superstitiosè quidem, quantum ego judicare possum, diligentes nonnulli; à contrario media via incedentibus cæteris, quos sequi tutius liceat

Est penes me vetus liber MSC. Germanicus quidam, à *Ludovico Gottfrido Otthmaro* quondam mihi communicatus. Existimat, quisquis est, ille inter alia Autor, posse, si fuerit sudum, materiam istam cœlestem, per commendatissimæ venustatis puerum aliquem, duodecim, aut ad summum sedecim annorum, in planis iisdemque suavitate odorum refertis, sitisque adversus Solem orientem locis colligi, ore aërem attrahendo, emittendoque subinde in amplissimum aliquod vitrum, quantum satis est, animam sive Spiritum illum, quem *Basilius Valentinus* modum, in *Imaginé suâ Clavis* 5. optimè innuit.

Quam mirum autem rarumque instrumentum istud est, cujus, Cucurbitæ instar, è poroso balenæ ossæ, rationem conficiendi, in *Phœnice Philosophicâ*, præscripsit J. R. H. *Joh. Ristius* ex communicatione D. *Joach. Morfi* Bibliothecæ. attracturum haud dubiè spiritum magneticâ vi, si chalybis scobe silicibus in pulverem redactis, extractoque à gammaris fluvialibus succo, ante maceres probè.

Sed sunt Anonymi ista alterius, quæ nunc pariter producenda. Includi is vitro, quæ nonnunquam æstate cadunt crystallinæ, mistas Ammoniaco Sale, grandines jubet: futurum enim, uti materies, utpote Magnetica, hæc, ex aëre Salem eruat, extrinsecus vitro circumcirca adhærescentem. Injiciatur hic eliquato argento, fiatque ex imprægnato eodem metallo concavus cum epistomio globus. Quod siliaculum isti jam ore extraxeris aëra, habiturum te idoneum, ait, quò, aquæ formâ, Mundi Spiritum prolicias, Instrumentum.

Advocandus nunc quoque in partes *Orthelius* est; qui in *Mich. Sendivogii Lumen Chymicum* p. m. 43. vidisse se ait, ex auro, argento, ære, orichalco, elaboratos variæ magnitudinis globos hydraulicos, quibus sine morâ, in hypocausto licet calefacto, frigidissimæ naturæ raræque admodum virtutis atque indolis aquam attrahere, reddereque è vestigio in proclivi fuerit.

Succedat *Barnerus*, cujus modus hic est: Vitrum pyriforme in cuspide clausum, in basi autem aperto foramine non largo, glacie minutim contractâ vel nive adimpletum, radiis solaribus magis ferientibus sub caniculâ præcipuè, ubi solis calor intensior, expone, sic sal nitrosum lateribus per ἀντιπερίστατον, adhærescit. Referente *D. J. Dav. Porez*, in *Anatom. Chym. Vin. Rhen. p. m. 5*. Fera illa quibusdam Hermetis Avicula speculô Parabolico expositô solaribus radiis, capta & ipsa aicuratur. Nonnullis speculi item concavi margo magneticâ materiâ aliquâ illinitur. Cui porrô aëri per noctem libero siccoque commissio, pennâ manè abrâdi Naturæ Sal, nullô, negotio potuit.


Peculiaris quoque conficiendi ahenei vasis, flammæ in modum, ratio est. Quo præsertim si imposueris cum marmore spongiam, hauriri & ipsum posse *Staricius* aërem putat. Prolixiora sunt quam quæ hic repeti debeant. Adeundus ergo, in *Heroum*, quem vocat, *Thesauro* consulendusque auctor ipsemet est.

Notissimus per Germaniam *Burrus*, equestris Vir, aquam ex aëre sequenti modô piscatus fertur: Accepit vitrum in summitate patulum instar pateræ, infra verò pedetentim acuminatum & clausum. Vitro isti magnam Argenti vivi indidit copiam sive glaciem, ref. *D. Frid. Hoffman* in *Op. de Methodo Med. lib. 1. cap. 19*. inferiori autem cacumini supponens vitrum aliud pro excipulo, in æstate summâ in terræ caverna profundiori id collocavit; quo factô, ex frigiditate Argenti vivi (vel glaciei) calidus aër, resolutus in aquam, exterius, per vitrilatera, defluere in subiectam phialam cœpit.

Quid porrô? silices calcinatos nigros, dum adhuc calent, aëri committe, & humiditatem repagulis solutis abundantissimè attrahent, quam per Retortam destilla & caput denuò aëri committe ad attrahendam humiditatem, in quâ si Sal Nitrum solvas & coagules, coagulatum tantas acquireret vires, ut duplo vel triplo plus fulminet, quàm ante imprægnationē, quæ tamen sæpius repeti debet. *D. Frid. Hoffmann* in *Dissert. de Method. Medend. p. m. 267*. Memorantem *Londini* Anno à N. C. 1658. & *Kisslernm*, D. duos accepimus, fuisse, qui, speculi caustici operâ, Solis radiis sic silices calcinarent, quas cum in edito sive monte sive turre aëri pariter libero, infundibulo contentas, exposuissent, & ipsas copiosissimam, virtute magneticâ, aquam attraxisse ex aëre, rubeam illam quidem, ante solem exortum; ortô, albam. Quod experimenti *Doct. Frider. Clodio* lireris communicavit *Johann. Morian Arnheimens*, scriptis d. 20. April. 1658. quarum præcipuam partem excerptarum, facta nobis copia est.

Invenit *Fabricius Bartholetti* Pneumatolabium, (cujus & ipsam ostendere effigiem habeo.) Hujus instrumenti vitrei inferior tubulus è vitri medio præpendens in nivis acervo est sepeliendus. Postmodum ex ore hominis sani & benè

Pag 135
PHOENOMENON MAG



D. 15 Septembri Anno 1673.

Pag 141
PHOENOMENON MAGNETIS UNIVERSALIS.



D. 19 Mart:

Am.

benè nutriti per alterutrum rostrum, ceu per vitream arteriam, intromittendus non expirando, aut efflando sed simplici thoracis contractione spiritus est. Igitur per vitreos circulos intrusus halitus circulatusque, frigidò magisterio in aquam destillatur. Hanc in Urinali vitreo aperto conclusam sub dio reponimus, quæ lentè evaporans in crystallos albicantes, capillorum modò dispersitos, concrescit, vid. dict. *Bartholetti libr. de Dispnoea.*

De Camerâ Martiali ignitâ attrahente lege dict. *Joh. Christ. Steeb d. Elixir. Solis & vitæ* §. 42.

Aliter autem multò *Eglinus*, qui ingentem è Vitro Retortam fervido sabulo imponens ac folle assiduè infians, id consecutus demum est, ut consita velut undique guttulis videretur. Obstructa ista arctissimè os, ac diu noctuque, in Balneo Mariæ, per integram septimanam constituta, tenue dedit hydrargyrum.

Fertur & nostrâ memoriâ fuisse, qui, citante *Wilh Christoph. Kriegsmanno in Taant p. m. 73.* Machinâ animatâ Mercurium sibi compararet.

Non indignaberis, Lector, quod de globò sulphureò, proximò à me annò, ex præscripto *Dn. Ottonis Gerickii, Patrit. & Cons. Magdeb. confectò*, paucis hic moneam.

Non is unâ tantum virtute præditus. Præterquam enim, quòd impulsivâ & conservativâ, expulsivâ item sonanteque atque calefaciente, nec non lucente denique polleat, peculiare id quoque habet, ut, cœlo frigido, humente aurâ attractâ, ambabus manibus prehensus, maximum, velut è vestigio ruprurus, edas fragorem.

Ex his igitur, quos non unos jam allegavimus, modis, uter utri præferendus, Lector æquus judicet velim. Neque enim sic comparati singuli sunt, ut se omnibus probent juxta atque commendent. Ego, si, quod sentiam, expro-mendum nunc liberè fatendumque absque ullius præjudicio sit, quantum quidem ad verum Magnetem universalem, non repugnaverim, si quis *Polon. Nobili, Sendivogio*, tulerit primas, sive *Seshonio* verius, cui omninò asserendum videtur *Novum Chymicum Lumen*: cui & ipse fidem non derogo, in *Ænigmatè*, scribenti, quod annexuit: *Aer est veterum Philosophorum materia. Hic est aqua roris nostri, ex qua retrahitur sal petra Philosophorum, quò omnes res crescunt & nutriuntur. Estque Magnes noster, quem in præcedentibus, Chalybem esse dixi.* N. B. *Aer generat Magnetem. Magnes verò generat vel apparere facit aerem nostrum.*

Nam scimus Chymica doctrina, Salem produci in omnibus mundi partibus calore ipsius mundi naturali; qui dum agit in ipsum suum humidum, eum depascendo, ut nutriatur eò, humidum ipsum desiccet; quod autem in ipso na-

turali humido desiccatum est, sal est naturale & naturale rei cujuscunque; cum in id resolvi nihil non possit. Hâc expertus ratione modoque sum, quod in Sale, quasi spiritu universalitortificato, incombustibile quoddam, sive secretum ignis sit elementum, quæ easdem cum primitivo igne actiones habet.

Hinc non impossibilis utique Vegetabilium in Mineralia transmutatio statuenda; sicut neque jam Vegetabilium, jam Mineralium ab uno eodemque fermentali principio, pro diversâ tantum dispositione, productio. Quam Dn. Phil. Talducci à Domo, *Generalis Architectura militaris per Regnum Bohemæ præfectus, in Observatione Physico-Metallurgicâ*, & demonstrat, necessariisque confirmat experimentis, referente D. Phil. Sachs à Leuvenheim in Schol. ad Observ. 113. *Miscell. Curios. Ann. 2.* Neque enim Vegetabilia à Mineralibus differunt, nisi quod illa sunt volatilia, hæc fixiora & fixissima, ut Sol & Luna. Georg. Horn. in *Arca Mos. pag. m. 29.*

Ex his jam omnibus conclusi: quod, si cujusvis corporis quælibet externa forma mortificetur, & deinde ad universalitatis formam, quæ salina est, reducatur, Magnes fiet, qui nihil est aliud, quàm Sal fixum, seu Alkali, summè purificatum.

Quemadmodum autem Salia omnia, per ignem & auram, in Nitrum ardens convertere licet: immò ipsum Nitrum ardentem vitam suam, sublatam igne, per pectus ex aëre consequitur: ita, ac quum Regia velut idem Solis progenies, sive etiam Solis Ales Ægyptius sit, omnium optimum, si sit mei arbitrii, res, subjectum id censeo, unde, ope carbonum pulveris, vel per se, figi Nitrum in igne, pararique universalis ille Magnes facillimè queat. Quanquam si non præferendos, certè neque secundos illi existimem cineres clavellatos, quorum & vis manifesta, fixosque esse igne jam, omnium testimoniò, constat. Possunt hi enim post fusionem & depurationem, in purissimum nitidissimumque Salem converti, imò, quò de ipse testari habeo, non semel expertus, non multò tempore, naturale in Nitrum, aëris beneficiò mutari. Videntur enim Alcalia omnia quodammodo typum repræsentare Philosophorum Chaos, in quò, ajunt, reviviscere eorum Mercurium; quod de Tartari Alkali habet Tachenius, ad Hippocr. Chym. pag. m. 60.

Quæ & hujusmodi Salia Magnetica, ad universalitatis formam redacta, non ex aëre tantum suavissimi saporis aquam attrahunt, in qua Spiritus & Sal mundi; sed ex Minera quoque illa, quam suprà Hassiacam memoravi. Magnesia Piemontana, Antimonia, Sulphure communi, carbonibus cum vulgariibus, tum bituminosis &c. Tincturam purissimam, ac, non alienum istud cum maximè illi, quem intendimus, scopo, sive Aurum, seu Sulphur, quod quotidie, beneficio solarium radiorum, ad nos defertur.

Sed neque 2. inferior Auro, i. e. Nitrum, non inferius tantum Aurum; sed & noster insimul universalissimus Magnes est, ex aëre cum (1) superiore, tum (2) inferiore, i. e. ex se ipso; Aurum attrahens occultum Hermeticum; cujus causa Aureus idem Magnes *Basilio* audit; quod (3) uni omnium Metallorum resolutio, coagulatio item fixatioque, & prætereà nulli alii, adscribenda. Equidem plerorumque, quos quidem scimus, involucris suis tecta parumque obvia ea de re commentatio est. Studebimus nos perspicuitati, quantum licet, nihilque, quod ad nos, Lectorem morabimur, dignum quidem; de indigno solliciti parum, quem, ut vindex DEUS est, aut, confidimus planè non intellecturum, quæ legat, aut si intellecta quæ fuerint adhibere jam velit, minus felicitate esse usurum.

Igitur, (*primum*) Nitro in genere insignis inest ac notabilis aliqua vis, quæ res efficit, ut non Magnesia tantum, (4. *Tractatu*,) *Sendivogio*, sed & jam Magnes, jam Chalybs eidem dicatur, nullò habito discrimine: (*Tract. 9. & in Epilogo.*) Oritur enim initidò è saxeo quodam sive fossili Sale, qui Magnes ipsi, sive attrahens: nascitur & ex aërio atque igneo sale: qui comparatè ferrum & chalybs atque attractum ipsi est. Testes non fodinæ tantum, unde Nitrum eruitur, sed, ubi & ipsum gignitur, insuper loca quædam saxea sunt. Possum & ego meam, si sit opus, interponere fidem, qui, nuper admodum est, cum ex martiali quodam lapide, eruto & ipso *Hayna*, ardens quoddam Nitrum, idque copiosissimum, extraxi, quod solutum coagulatumque in aëre fluxit, flavo oleo non ab-simile. Cujusmodi, spontè in rupibus lapidibusque quibusdam efflorescens, Aphronitrum vocitari, *Encelius* notat, l. 2. de re metall. c. 15. nec *Andreasta-cuit Casalpinus* lib. 1. de Metall. c. 20.

Inventus & è Spiritu Nitri, in forma Salis non corrosivi, volatilis mihi Magnes, cui conficiundo peculiaris terra adhibita fuit. Non, in attrahendo ex aëre Mundi Spiritum, alterius præsentior fides, nec, quod idem exhibuit, intueri Phænomenon alias licuit. Contigit hoc A. Æ. cl. DC LXXIII. d. 15. Sept. quem excipiebat hora II. noctis plenilunium. Effusus, quò dixi, post meridiem, die, Magnes meus; aëri committebatur, cum effluxis omninò tribus horis, exactissimè respondens Circulo, margine & ipso orbiculari albo notabilis, se figura exeruit. Durissimum corpus, colore luteo, stellam referens, radiis distinguebatur. Comitata post paulo istam alia tres, quibus indoles, forma, color, omnia eadem, nisi essent minores. Duæ, sed quæ & ipsæ magnitudine impares his, elapso tot horarum spatio ferè, conspiciebantur. Secuta tandem minima est, prioribus, formam si spectes, simillima. Objectum inter hæc discrimen & molle erat atque subflavum. Noctu, septem nunc corpora stellarum, in unum aliquod ingens coëuntia, induruerant,

ita tamen, ut distinctas nempe, cum suis radiis, figuras in his quatuor majores utut circuli expertes, notare esset. Aggressus post hæc Mundi Spiritum attrahere Magnes, fermè biduo, in subflavum conversus totus Oleum est. Quale autem hic vides, Phœnomenon fuit. Extat ibi duplici circulo (digno utroque, cui, quod Schemati suo, de Magno Lapide, Tractatui præmissio, inferendum curavit *Basilius Valentinus*, pari jure inscriberetur: MIRABILITAS NATURÆ!) Extat, inquam, hoc duplici Circulo \odot ri, notata antiquitus tantum simplici Signatura.

Sed jam alterum etiam, quod proposuimus nobis videamus: Nempe attrahit universalissimus Magnes hic & ex se ipso, in se latens, Hermeticum Aurum, efficiturq; cum ipso sulphur rubeum, permanens in Conjuncta enim: ipso inseparabili tria, \odot \ddagger & ☿ Philos. fœdere sunt; quæ sola Coctione perenni figuntur coagulata. Quin imò \odot centrale principium est, \ddagger & ☿ attrahens, quibus perficiatur.

Tertio: Universalissimus hic Magnes & materia audit, unde Liqueor ille *Alkahest Paracelsi Helmontii*que confici queat; qui est purus putus Naturæ ignis, non elementaris, sed cœlestis penitus & centralis ac incorruptibilis, omnia reducens, sine diminuta sui actione, in materiam rerum primum, & nullis verè facibus relictis; verè dissolvens. Diversam à nobis viam insistant, qui *Alkahest* præparaturi, ex minerali juxta ac animali, vegetabili quoque regno conquirunt auxilia; fixis volatilibus horum salibus, (e. g. ☿ * & c.) cum Acido minerali nostro \odot conjunctis inque liquorem destillatis. At quid infinitis opus ambagibus est, tendere, quo rectà possis: laboribusque te fatigare, quibus queas supersedere? Habes, si cupias, minerale, vegetabile atque animale, imò in omnibus istis regnis latè dominans subiectum catholicum nostrum, quanquam, si verum volumus fateri, tale non sit, sed Meteororum verius Mineraliumque Materia, quoddamque Vegetabilium Animaliumque omnium fomentum. Quæ causa est, cur confecturi nostrum Menstruum, τὰν ἀποφθίν idem, quod dicitur, amplectamur. Est hoc una res sive Monas illa *Hermetis*: Spiritus Vini *Arnoldi*; Lunariæ *Lullii* Spiritus; Liqueor immortalis, Universale solvens, Arcanum ignis, Ignis Aqua *Helmontii*; Aqua Ignis Mercurialis *Rovillaſci*; Draconis *Alberti* sanguis; Aqua Saturnina & spiritus Mercurialis *Basilii*; Acetum acerrimum, Virginis Lac, Pontica Aqua, sicca *Sendivogii* aqua; Aqua Paradisi *Isaaci Hollandi*; *Alkahest Martin. Ruland. Mich. Toxitis & Paracelsi*, Latex ætherius (i. e. ein geistfeuriges Wasser) *Kunradi à Khunrad*; Aqua vitæ non vitis, *Dom. de Ouyſement*; Eus primum *Flamelli* ex Abrahamo, Judæo; & sine dubio Oleum Salis Mercuriale putrefactum alembicatumque in *Tumba Semi-amidii* *Hermetice* sigillatâ. Cujus Librum, quicumque is fuerit, in hunc usque latere

latere diem maluit Autor. Sacrum hunc tamen Naturæ Curiosorum inclutæ esse Academiæ volens, cum Collegas omnes, celeberrimos Viros, tum me sibi ipsum mirè devinxit. Quò & nomine publicè, maxima gratia est, Illi quam habeam, consecutusque mihi videbor voti summam, si, (quod auguror esse J. H. C. D.) denique & Nomen nosse contigerit.

Equidem rejicit ille, (cap. 1.) Mineralia media ac Nitrum imprimis; fieri tamen potuit, uti, æquior isti, crudum ac commune intelligeret: Cœterum, cum ipsemet fateatur (c. 9.) Aquam nostram fuisse in potentiâ Minerale, esse non ea aliud potest, nisi primum Ens salium, Sal nempe Naturæ, unde Nitrum minerale, utpote catholicum Sal incunabula habet, Nitrum mihi, suprâ Virginem dictum, nec invito *Helmontiô*; cui & ipsi *Alkahest* primum constituit Sali-um Ens, *Tract. de Medic. m. p. 322.* summum item atque felicissimum Sali-um: §. *potestas.* Liquorem, porrò, suum Anonymus Autor ignem vocitat Philosophicum, c. 6. qui, c. 7. Menstruum ipsi igneum, & meô animô; recte quidem quum & ipse *Helmontius* sit, qui (d. l. p. 481.) Gehennæ ignē indigitet. Sal autem, secundum *Alphidium*, non est, nisi ignis, nec ignis, nisi sulphur, si nec sulphur nisi Mercurius. Et specialiter in Nitro nostro est summa caliditas, i. e. Spiritus infernalis, quò non datur in totâ rerum natura calidior: teste *Basilio*. Quod si verò, quem laudamus jam totiens, nobilissimus Autor, præter spem, intellectum quid aliud velit, ac * fortasse, (quod à multis Sal Mercuriale dicitur,) nil equidem de subiecto isto, quod defendendum suscepi, in posterum muto: Cœterum (pace tanti Viri quod dixerim,) scire aveo: utrum ex materiâ illâ suâ elaboraverit ipsemet *Alkahest*, hujusq; ope confecerit, quæ de virtutibus ejus commemorat: (silento enim præterire ista omnia maluit.) Quod si sic: tantis ausis gratulor meritò, in felicitatis aliqua parte numerans, contigisse mihi, quem hic sequi liceat, Præceptorem: sin, non minimam mihi consecutus laudem videbor, si è nostris fructum in Ipsum hac in re aliquem, intellexero, redundasse. Eundem autem, maximè miror, tacuisse omninò, quò præparari modò nobilissimum succum illum oporteat. Quâ in re ne institisse quidem vestigiis Veterum, nonnullis videbitur, quibus (quod ille discipulos suos jubebat assidue) τὸ σκότισον quidem cordi curæque, sed non nimium, fuit. E quorum numero in præsentiarum occurrit *Basilus Valentinus*; quem unum ista apertissimè prosecutum esse, negare nec possum, nec debeo certè. Sic enim quem dixi, in *Clave* 5. Matière, inquit, prima in principio operis nostri optimè & perfectissimè est purificanda, deindè absque ulla additione seu admixtione solvenda, destruenda, in cinerem & pulverem redigenda, unde postmodum expellendus est Spiritus volatilis, albus uti nix, & adhuc alius Spiritus volatilis rubens, instar sanguinis, qui duo tertium in se continent, & sunt tantum unus spiritus, qui largitur vi-

res & vitam &c. Cui comitem *Sendivogium* addam, qui & ipse in *Tract. de Sulphure*, Vidit, inquit, Alchymista fontem aquæ plenum, circa quem deambulabant \ominus cum Δ inter se altercando, donec ultimò cœperunt pugnare; & intulit Sal Sulphuri vulnus incurabile, ex quo vulnere locò sanguinis aqua quasi lac candidissimum effluxit &c. Quorum cur me exempli pigeat, causa non est. Nonnulla igitur, cam in rem, sequenti sum capiti annexurus.

CAPUT VI.

De Modo attrahendi Aurum ex Aurâ.

Philosophis Metallorum Regem, Aurum, Solem appellare placuit, eò quod Solis radii visibili ac modò infinitò dispersi, in uno Auri corpore invisibiliter coadunati essent. Hoc Solis effluvium Scriptura Sacra appellare videtur מנה תנופה שמש pinguedinem seu florem stillantem Solis. Deut. xxxiii, 14.

Equidem extant, super Sulphure Solis terrestris, diversa autorum scripta; sed, qui de attrahendi id modo ex primo fonte, aurâ scilicet, Solis radiis repletâ, verbum ullum fecerit, non memini quenquam, sive id ignorantia forsan, seu, quod suspicari & ipsum liceat, invidiat factum. Et quanquam, separatis & ipsos temporibus, de acquirendò ex aëre, Magnetum operâ, quos nonnulli sibi peculiâres excogitarunt, docuisse, nulli imus negatum, nondum vidimus tamen, qui de Sulphure universali, quâque indipiscendum id ratione commentatus hactenus aliquid sit, aut cum literato communicaverit. Orbe Præter unum *D. Fabrum Monspeliensem*, cujus ista, ex *Hydrograph. Spagy. c. XIV.* legi hîc volumus; in quibus videlicet suam apertè ille sententiam prodit; dum *In fonte*, ait, *Chymicorum esse partem fixam rubeam & albam in duplici differentiâ, rubea que sit Aurum Philosophorum, & que alba sit Argentum eorundem.* Cæterum videtur hic, fontem suum de duabus substantiis, Salis habentibus naturam, ex unâ tamen eâdemque radice ortis, velle elicere. (*vid. c. XIII.*) quo nomine non possumus nos facere cum ipso, & rejicimus meritò, quam ille fovit, opinionem; nihil quicquam in *Nollianâ* desiderantes, quod calor & Balsamum Solis Magnetis creatò comprehendere possit; (*in Prodr. Phys. Herm.*) Quibus enim quid apertius, procul omni obscuritate, dici poterat? Sed aut magnetem ille modumque attrahendi penitus ignoravit, aut, ut solent plerumque isti arcanorum suorum retinentissimi esse, in vulgus noluit propalare.

Quod & ipse met factitare, continereque intra scrinia, adeoque suppressere omnino poteram inventum hoc meum; sed non id, in serviendo aliis, proprium ac solenne mihi, tum ardor quoque, atque ad idem illos studium excitandi, contentio sanè improba à me impetrari permiserunt; ut qui subinde in animo

versabar *Gellianum* scitè admodum dictum : Qui loqui vult, quod nemo intelligat, magnam rem præstat, si taceat.

Age itaque ad attrahendum Aurum Auræ Hermeticum ex aurâ superiore, compara tibi sis magnetem, album illum eundemque purissimum ; quo de præcedens tibi caput, si voles, loquetur. Sint deindè decocti lateres quatuor, quos intra crucibulum, cui continetur ille, supposito igne, cœlo sereno, ne corruat, coerceatur. Quo factò, istum, quem dixi, magnetem, brevi admodum tempore, reviviscere velut moverique, atque minorum quasi centum spatio, Sulphur aureum, Aurum Auræ mihi dictum, ex Aura videbis attrahere : intus & extra magnetem colorem herbeum, cumque summum, posteaquam autem fuerit refrigeratus, cœruleum, qualisque esse Erani solet, assumente. Quod non sine summi ovifentium stupore fieri consuevit.

Cæterum, experiri volentibus non inutile fuerit, uti mediis quibusdam, cum magnetem maximè disponendo, tum regendo cum primis igni idoneis, quæ sanè operosius describuntur, quam exhibentur. Quod si manum tamen ipse admoveas, secutus velut indicem, illa, quibus te instruximus satis hæctenus, cognitum te media, perventurumque illuc via multo faciliore, quam nos in ipsammodi velut arcem penetravimus, nulli dubitamus.

2. Quantum, deindè, ad attractionem ex Aurâ inferiore, nostro scilicet Nitro, Auri inferioris Hermetici : non id tantum subjectum in se esse Magnetem ; sed & in se ipsum etiam Hermeticum Aurum continere, supra meminimus. Quæ cum ita sint, non jam utique deest Magneti, sive corpori salis purissimo, spiritum suum, in quo Aurum Hermeticum latet, attrahendi, retinendique, sua vis : unumque cum his fieri volatile, ac demum, repetitâ conjunctione, verus Liqueor *Alkahest* destillari non nequit. Quod ipsum, subjecturi quæ sumus, *Trismegistus* verbis his docet : *In hoc à terra ascendit in cœlum, hoc à terra & à cœlo rursus in terram descendit, &c. quod omnia subtilia crassa penetrare & subigere potest.* Ac in partes hîc iterum asciscendus nobis *Basilus* est. Quid aliud enim volatilis ille albusque, nivis instar, Spiritus ipsi, *Clave 5* nisi sublimatus quidam Sal ? quidve Spiritus volatilis rubeus, nisi ipsissimus Nitri spiritus ? (qui dum destillatur, vaporis puniceo similis, transcendit.)

Nec in Experimentis, *Lullius* contradicit, ubi, sub velamine Salis Tartari volatilis, plenissimè tradidit hunc laborem. Uno verbo : *In nostro magisterio primò facimus de grosso gracile, i. e. de corpore Spiritum, de humido siccum, de aqua terram, sic naturas convertimus & facimus superius inferius : quod fit, quum Spiritus efficitur corpus, & è converso corpus fit Spiritus.*

Ita igitur habeo, itaque animum induco meum, Liqueorem *Alkahest*

præparatitissimè, si Nitrum, (vel materia illa nostra, summò studio purificata,) peculiari modò regeneratum, cum iterum iterumque rectificato spiritus suo, certâ quantitate unitum putrefactumque in balneo, destilletur, cohobetur ac sublimetur: cum novo deinde Spiritu cohobetur, iteratisque subinde cohobationibus, dum butyri instar, coagulabilis frigido, aqua lactea fiat, destilletur tandemque rectificetur.

Non hæc autem factu facilia sunt, & expertum artificem insignemque Philosophum sibi volunt. Quam in rem *Dn. Joh. Baptista van Helmont in Tract. de Ortu Med. p. m. 52.* hæc verba apprimè tenenda: *Cum Liquor Alkahest sit radiosissima præparationis, nemo, etsi artis gnarus fuerit, ad ejus consecutionem perveniet, quem Altissimus speciali dono non eo deduxerit.*

Potest & imprimis hõc nomine, Menstruum nostrum vocari Universalissimus Magnes, quod cum ☉, tum cætera Metalla omnia attrahendo, ea radicaliter, nullâque vi solvat; cæterum perfectis cum metallis conjunctionem unicè amet.

CAPUT VII.

De Tempore attrahendi Aurum Auræ.

AUCTOR in libris suis de triplici vitâ, *Marsilius Ficinus Canonicus Florentinus*, (qui solius Platonis imaginem in cubiculo habebat, & ante eandem dies noctesque lampadem ardentem perpetuò suspendebat: referente *Harting. in Dryad. Eccles. c. 12. p. 75.*) in eoque multus maximè est: in conciliandis cælestibus Gratiis sive pro materia metallorum, sive herbarum &c. ante omnia Lunam esse considerandam, ut sit in mansione suâ, operi optato, convenienti, nec non in signo & aspectu ad illam gratiam, quam tibi contendis expetisque. Deinde, ut Sol sit benigno aspectu copulatus Lunæ, & in domo istius Planeta, & in benigno aspectu istius gratiæ, cujus influxum procuras. Et quæ sequuntur.

Quid? quod *P. Schottus* (in *Technica Curios. l. 9. propos. 26.*) Chronometricis instrumentis applicaturus Indicem, Spagyricum est, materiæ Hermeticæ eligendæ tempora determinaturum.

Neque tacendum h. l. & istud videtur, haud ita multo antè, *Ænigma* communicatum mihi secretò fuisse, in quo est hæc sententia: *Quer. Quale Animal? In cæli plagâ Septentrionali conspicitur Animal septem lucidis stellis inter alias signatum, quod habet correspondentiam cum terrestri ejusdem naturæ. Sumatur, Marte existente in domo Solis, cujus filia cibetur sanguine fratrum suorum: unoquoque existente in proprio domicilio, ut crescat: hocque Sole existente in domo Martis. Hac juvencula submergitur à sorore sua habitante in propriâ mansione,*
per

per numerum maternæ cœlestis signaturæ. Sed religioni ducimus, scrupum istum tam dignorum, quam indignorum pariter, auribus exponere, profanareque, quam tectam esse cumprimis, quisquis est Autor hîc ille, voluit, Arcani profectò non vulgaris & momenti maximi rem.

Non possum non tamen cum *Galil. Galilai Nob. Florent. in suis Nov-Antiquis Sanctiss. Patrum p. m. 56.* istud dicere: Non credo, che sarà lontano dal ben' filosofare, il dire, Che egli, come Ministro massimo della Natura, & in certo modo, Anima è cuore del Mondo, infonde agl' altri corpi, che lo circondano, non solo la Luce, ma il Moto ancora, &c. Nam solo lumine & motu cœlum influere, multis rationibus probavit *Alexand. de Vincentinis, de Cœli influxu in sublunaria. c. V.* Imprimis mirandam vim & energiam solis descripsit latius *Dionys. Arcop. in libr. de Divin. Nominibus.*

Itaque Sphæra Solis duplici ratione vivificum excitat colorem, primò quidem & principaliter Sole. Altrorum maximo, suis radiis illustrante omnia; deinde perenni ac continuâ motione corpora interclusa distrahente.

Quantumvis autem 1. Aura vel aër superior à Sole quotidie accendatur, unde Lux diem faciens, ortum ducit, multò subtilior, quàm quæ ex aquâ vitæ accensa, *Petr. Borell. Obs. Médico-Phys. 3.* quum tamen temporis calor non eodem modò & semper vigeat: (nam Autumno & Hieme ferè languet, extinguiturque; Vere autem æstateque crescit ille ac intenditur;) adhæc natura non tam signi cœlestis, quam propinquitas & rectitudo Solis suprà nostros vertices, causa esse caliditatis non hodiè demum credita sit, copiosissimè rectissimèque solare Sulphur, sive Aurum Auræ, Sole Cancrum, sive Virginem, sive omnium optimè, Leonem ingrediente, quovis, seu matutinò quoque tempore, attrahitur. Quod meòmet probatum exemplo ire hîc possum iterum, si sic postulet res. Die enim X. Martii anni 1673. Sole Arietem ingresso, meum usitatò ponens Magnetem, vix volam, quod ajunt, vel vestigium Leonis viridis reperi, ac vix de colore suo, quem album ab initio habuerat, quicquam ille mutavit. Utut, per duas ferè horas igni fuerat domitus. Die xxix ejusd. Mensis experimentum idem iterum cœpi, majoremque Auri Auræ consecutus sum vim. Unde quis non advertit, quantum momenti ad eam rem cum apricitas diei, tum calidior anni pars afferant?

2. Sed de Tempore quoque attrahendi Aurum Auræ inferioris tenendum hoc fuerit, momenti rem esse, quò purissimum corpus salinum Nitri Spiritum attrahit. Ne quid autem, quò minus conjungantur, impediat, separandæ sunt faeces. Quod non, nisi putrefactionis sublimationisque, Veris tempore, i. e. calore modicò, susceptæ operâ, rectius obtinebis. Tempus enim vernale con-

venit sublimationi: *Platon. Quartorum Comment. l. 3. §. nunc erit.* Cuius bimestre minimum, aut plus etiam temporis, tribuendum.

Quò verò tempore coctionis Liquoris vel Magnetis nostri Aurum Argentumve addenda sunt illi? Placet, conducereque non parum existimatur concoctionis principium. Quia in his Metallis perfectis sunt radii tingentes & ☿ rubeum & album, quæ reperiuntur & sunt in ☿ nostro. Unum enim alterius semper Magnes existit, manetque solvens cum soluto, propter substantiæ similitudinem. Et quemadmodum antiquissimi Philosophorum, in initio & medio, universalitatis semper rationem habentes, in fine tantum Universale scopo particulari destinatum determinarunt: Sic, ex solo liquore *Alkahest*, Lapidem Philosophicum confici posse, curandis ut morbis faciat, constanter asserimus; qui *ultimò cum Auro vulgi, ad scopum transformatorium connectitur & permiscetur, non ut perficiatur ab Auro, sed ut Aurum perficiatur ab ipso Lapide nostro, fecundum & vivum reddatur, ita ut procreet sibi simile & propaget progeniem suam in infinitum.* Quam in rem *Petri Joh. Fabri, Consil. & Medic. Reg. Gall.* non inutiliter legi potest *Tractatus*, (quem FRIDERICO, Holsatiæ DUCI, gratificaturus d. 15. Maji A. O. R. cl. 13. LIII. confecerit:) c. 12. & 30. Ut ut dubium mihi fiat, utrum scriptum hoc, cujus simile forsan non extat, & ob id rarissimum, lucem unquam adspexerit.

CAPUT VIII.

De Coloribus Auri Auræ.

VOcârunt &, inter cætera, Leonem Philosophi viridem, Materiem universalissimam suam. Quò plerique Chymicorum moti, subjectum, quod ad externum colorum & ipsum viride quæsierunt. Arripuerunt nonnulli avidis oculis manibusque hic spumam viridem illam, primo vere aquis non fluentibus innatantem. Hanc aviculam (*Wasser-Vogel*) terramque Adamicam nuncupare placuit. Spiritum indè volatilem, ☉ volatile, foetorisque malè oleum, Materiam Lapidis videlicet Philosophici, præparârunt.

Communicavit jam mecum *Dn. D. Christoph. Bauzmannus, Regiminis Suec. apud Bremens. Medicus Ord.* Situ!æ cujusdam in summo opertæ pluvîaque refertæ, effigiem. Folliis, qui omninò appositi sunt duo, meridianò, fervidissimò diei tempore, Sole Leonem ingressò, purissima quædam pinguisque eademque materia viridis, quam & ipse *Bauzmannus* Aurum Auræ existimat, plurimumque in eâ momenti positum habet, ex aëre attrahitur. Cujus autem cum periculum nondum fecerim, neque judicium hic meum interponere audeo:

deo : Servans interim instar operis illius, quod dixi, cum processu; quem, non ita pridem VIR summus mihi munus dedit habendum.

Si quicquam credimus *Henrico Khunrado*, offendisse se ille, in *Theatr. Aeterna Sapientia*, p. m. 147. apud quendam, Leonem viridem, universalis qui esset, ejusdemque sanguinem, h. e. non vulgare Aurum, memorat, sed vidisse se suis oculis ait; contrectasse etiam manibus, linguâ porro gustasse atque ad extremum Sapientum Aurum percepisse odore. Idem etiam de isthoc, quod jure meo mihi vendico, Auro Auræ superioris, leu Leone viridi affirmare habeo profectò. O benedicta Viriditas, gyrans per universam, cujus centrum ubique, peripheria verò diffusa per omnes naturæ abyssos!

Quod nec ipsum diffitebitur, opinor, *Joh. Agricola*, in *Popp. Commentario*, sic scribens, p. m. 15. Vertitur hæc ritissimè in Aurum nostrum Viriditas. Sed non abs re ignorasse mihi ille videtur, quonam præparari istud debeat modò. At enim experimento verba hæc nostro apprimè conveniunt.

Nam & primò ille viriditatem, colorem deindè cœrulcum, ad ultimum autem purpureum induit. Ubi notes velim: si viridi in Magnete Leoni paulò fortiores ignem supposueris, repetere eundem chaos suum, linquereque, quem occupaturus alias fuerat, nidum, i. e. Magnetem vacuum prorsus, qualisque antè erat, quod non parum mireris, album. Mature igitur & dum calet adhuc, imbutum Leone viridi Magnetem, mortario infusum, contunde. Quod si solvi fontanâ hunc aquâ patiare, viridis fiet, sicut tamen, uti mox in pulverem Leo ille purpureum præcipitetur, qui abluitur. Pari ratione, si redactò in pulverem Magnete vini Spiritum infuderis, digerique ista permiseris leniter, viridis, quem jam aliquoties nominamus, Leonis hic sanguinem, sive Sulphur aureum formâ rubrâ extrahet; præparando Auræ Auro potabili, asservandum probè; de quo sermo jam in sequentibus nobis instituetur.

2. Habet & colorem suum Aurum Auræ inferioris, i. e. Nitrum nostrum. Acalbò quidem roseoque Antiquorum ac *Dioscoridis* illud fuit, in *Ægypto* quod nascitur, plerumque rubrum fertur *Prospero Alpin. de Medicin. Ægypt.* l. 4. p. m. 148. a. Nobis in usu quod est, sese albo commendat, animâ intus purpureâ, Auro Auræ Hermetico, latitante; sed quæ Vulcani artificio expelli potest, nec, nisi ipsissimus Draconis aureus Cruor, in Salamandram, igne vivacem, mutabilis, quicquam aliud est. Quicquid *Robertus Boyle*, in *Tentam. Physiol.* p. m. 199. obscurando isti, afferat. Et quid opus est verbis? Nonne Sal Nitri (*Lexic. Chemic. Guilielm. Johnsoni*, Londini, A. C. c15 l3c LII. excusum typis,) Sanguinea illa? Nonne suffragio nitimur *D. Joh. Becheri*? qui, *Phys. subterr.* l. 1. f. 5. c. 2. n. 109. Sulphur Nitro tingens adscribit. Ne aurifabros accersamus, quibus certius nihil, quam crudum etiam Nitrum Tincturam

Auroque familiarissimum & gratissimum in se Spiritum continere, eò, quod Auro pallido cum aquâ illitum, in parvo igne illud amicabili tincturâ sanguineò-quo rubore perfundere potest.

Sic &, quando *Alkhest* noster per se coquitur, tum & colores perfectos acquirit, inter quos est albedo & ultimò rubedo: ut clarissimum est per omnes Autores, qui Lapidem nostrum noverunt; ejusque confectionem perfecerunt, ratione & arte Chymicâ conducti.

CAPUT IX.

De Auro Auræ Potabili.

Duplicem *Hornius* (*Dedic. in Bernh. innov.*) Medicinam Philosophorum statuit: Materiam verè & simpliciter universalem alteram, (vulgò, Lapidem catholicum magnum universalissimumque:) alteram ferè & secundum quid universalem, aliò nomine Lapidem catholicum parvum & Tincturam metallicam; hujusque, ex quibus præparetur, diversas materias esse: Illius inventorem *Hermetem Ægyptium*; hujus *Geberem Arabem* celebrari. Materiam illius Solem cœlestem: terrestrem hujus, sive Aurum, gaudere utramque suo Magnete, cujus illa auxiliis, de potentiâ, uti loquuntur, in actum vimque multiplicativam reducat.

Non faciunt hæc ad palatum *Johanni Reschio in experiment. Osiandr. de Sole p. m. 119.* eoque illam ille sententiam respuit. Verum enim verò, quî suò quodam respectu, fundamento careat, sanè ego non video. Nam Mercurio nostro cum Auro arcta adeò cognatio intercedit, ut magni nominis Philosophus de eo scriptum reliquerit, *Aurum nihil aliud esse, quàm Mercurium istum æthereum, in puro quodam loco summè coagulatum, & ad perfectam fixationem redactum, vid. præf. D. Joel. Langellott. in D. Johann. Tilemanni Experimenta: & si nondum horum oblitus, Lector optime, es, quæ de attractione prodita hætenus; nec dum excidere ista animo potuisse, credibile est.*

1. Solis Sulphur & Aurum Auræ superioris sponte sequi Magnetem. Inde igitur paraturus potabile Aurum, præcipitatum Sulphur aureum adhibens, ablue, sociatumque cum Mundi Spiritu, ex præscripto artis, sustine figere. Aut, si rudis horum ignarusque omnium es, destilla tinctum Auræ Auro vini Spiritum, quoad ejus quarta quidem superfuerit pars, habebisque residuum Aurum, videlicet potabile gratissimi ob rubedinem aspectûs. Quod quamvis initiò falsedinem aliquam præferat, quam, qui gustarit, linguâ percepturus facilè est, si ditta tamen, interpositis diebus aliquot, limpida instar, Magnes, tincturâ innatante, quam, depletam, à Solis radiis in vitro munieris probè. Ad Solem enim
exposi-

expositum Aurum istud, paucos intra dies, decolor redditur. Unde, Solem Aurum hoc Auræ retrahere, Sole clarius patet meridianò.

Ac veluti *Cap. 3.* aqua, destillata ex Nitro, Animam astruxi esse vivificantem, quæ in debito subjecto incorporetur : ita cum eadem Aurum Auræ, meum, quod dixi, conjungi figique, atque ex utroque, præstantius, efficaciusque quod sit, Aurum effici potabile queat.

2. Pari ratione Aurum ex Aurâ inferiore, seu Nitro nostro, fieri potabile potest : si scil. *Alkahest* in sumnam rubedinem per se figas, aut, initiò statim, cum metallico Auro purgato conjungas, inque perficias lapidem : quod in omnibus liquoribus, Medicinæ in usum, solvi posse, non hodiè demum credi coepit. Nam *Alkahest*, in quo, (uti dictum superius,) illa anima Nîtri latitat, quæ etiam appellatur Sol & Luna abscondita Spiritualis, Sulphur naturæ invisibile, & aurum Philosophorum vivum, resolvit potenter Aurum corporale metallicum, & tunc Aurum, cum auro mixtum, in naturâ subjecti, Aurum illud spirituale corporale hoc vivificat, & Aurum hoc corporale illud spirituale ingrosfat, & sic fit Spiritus Corpus, & Corpus fit Spiritus, & ambo simul unum Spirituale & inseparabile &c.

Quæ si verò videntur abesse : num & Nîtri nimirum crudî purgati, (vel verius peculiari modò regenerati,) ope, Sulphura ex Metallicò Aurò, horæ unius morulâ, nulloque penè negotio extrahi posse ; num, inquam, & istud, Lector, tale videbitur ? Multò magis, opinor. Nihilominus res, uti dixi, se habet : neque enim hodiè demum istud, aut heri, expertus multoties sum. Et vix septimana una aut altera labitur, cum præsentibus nonnullis Amicis meis, metalla ex ordine singula sic probo, efficioque, uti, extractis ex uno quolibet, injecto seorsim crucibulo patulo, sulphuribus suis, interposito horarum aliquot spatio, potabilia jam essent ; iisdemque, inter alia, Lunæ purpureum quoque exhibeo Sulphur ac tale prorsus, quale vel Solis unquam sive Veneris porrò, seu & ipsum Martis denique queat deprehendi, ut sic rectè scripserit, qui se *Philaetha* nomine Orbi commendare literario voluit : in omnibus Metallis vulgi Solem nostrum ; at in Auro Argentoque propinquius contineri.

Ergò ô felix terque felix ille Artifex, qui consequitur à clementissimâ summi Jehovæ benedictione artem conficiendi præparandique SAL istud quasi divinum, cujus efficaci operatione corpus metallicum sive minerale corrumpitur, destruitur, demoritur : anima tamen ipsius interim revivificatur ad gloriosam corporis Philosophici resurrectionem, uti exclamat

D. Joh. Frid. Helvetius, in Vitulo Aur. p. m. 15.

CAPUT X.

De Virtutibus Auri Auræ in Regno Animal.

Quibus vitalem in juvenibus Spiritum (qui est humidum & calidum radicale, mumia innata, & sedem in medio hominis corde habet, tanquam sustentaculum omnis vitæ nostræ,) conservare, in senibus verò languentem restaurare, & eos velut ad juventutem reducere, quoad vires, sicque vitam hominis in summam adducere sanitatem volentibus est, opus his erit, quærere non elementalem, sed calorem illum cœlestem Solis & Lunæ, habitantem in incorruptibili substantiâ, sub Lunæ globo reperibili, hunc calorem vel Spiritui nostro similem reddere, quod fit, cum in medicinam & cibum suavissimum præparatus fuerit; ita ut per os assumtus statim in humanum penetret corpus, rem omnem, maxime carnem, sibi unitam teneat incorruptam, virtutem & spiritum vitæ nutriat, augeat & restauret, omne crudum digerat, omnem excessum cujuscunque qualitatis amputet, humidum naturale faciat abundare, & calorem vel ignem naturalem debilem, confortandum inflammandumque atque augmentandum procuret. *Vid. Osy. Croll. in Præfat. Admon. sue Basilicæ Chymicæ præfix. p. m. 101.*

Hujusmodi Medicinæ Petr. Poterius meminit, *Consi. & Medic. Regis Christian. in Pharm. Spagy. l. 3. append. p. m. 602.* Hoc si universale, inquit, desideras (medicamentum,) fac ut Solis splendore illustretur, cujus influentiâ non tantum ejus tenebræ remonentur, verum & ejus beneficio calore illius compacta materia attenuatur & verè fermentatur.

Quemadmodum ergo Aurum Auræ hoc meum Solis calori natales velut ortumque debet: ita si cum Spiritu vel Sale Mundi, non ex Magnesiâ tantum suâ, sed ex radiis quoque Lunæ erutum, atque ob id Lunaria à Philosophis cognominatum, conjungendum figendumque id sit, quis dubitet verò, omnium, quotquot sunt eruntve præstantissimam Mundo Medicinam promitti reque ipsa fieri posse? Conf. Robert. de Fluctibus cap. 5. l. 1. de Uromantiâ, & Minsichtum, in descriptâ Unicornu mineralis præparatione, cui imprimis Sal aërium nitrosum adhibet.

Annus jam non amplius unus præterlabitur, ex quo, conservantis cujusdam saporis dulcissimi Salis ope, ex sanguine meo confeci Thermometrum. In quo hodieque nihil ille sanguis meus fuit mutatus, sive naturam seu colorem etiam spectes, duraturusque ad ultimum usque vitæ meæ halitum est. Ecquid verò tibi videtur? Mihi hic quidem nullum dubium fit, si, tanto extra corpus temporis intervallo, sanguis potest humanus servari, in ipso præstari id corpore potius,

notius; unito cum primis cum Sale, ut superius dicebamus, Mundi universali, Auræ Auro sive sulphure aureo.

Sed jam contemplabimur mentis acie 1. Auri Auræ superioris in Regno Animali virtutes, quibusque præsertim fugandis morbis faciat id. Invento enim non à me tantum Auro Auræ potabili; sed & Spiritu Mundi, Mundique cum primis, deniq; , Balsamum præparandi viâ cognita, cum publicè facere Medicinam, persona, quam gererem, alienum novissem; commodè animo meo occurrit Excellentissimus VIR, Dn. Melchior Sriebe/Præfectura Elect. Sax. (mihi demandata) Medicus juratus, Collega Honoratissimus meus, cui & darem ista rectius, quæ parassem, medicamenta, quique, in desperatissimis quibusque morbis, referret, quem præcipue fructum eorum cognovisset. Quod, cum annum intra spatium, diligentissimè & cum curâ præstitit hætenus, tum non pauca etiam consignavit. E quibus, indiscriminatim & nullò ordine, Lector, haud indignaberis, quod nonnulla, ipsius Medici verbis, legi hîc velim:

Uxor Electoralis Præfecti Zabeltizensis, Dn. Christiani Pölingii, Mense Aprilis, sexto post partum die, febre acutâ, lochiis indebitè fluentibus, corrumpitur, cum horrore insigni, quem excepit calor intensissimus, sitis, lipothyinia, capitis dolor, cordis angustia, mammillarum inflammatio, tibiæ utriusque pungens dolor & vomitus. Morbi periculum tum ex symptomatum cumulo, tum themate Geomantico eum in finem erecto cum cernerem, statim venam saphænam dextri, altero die sinistri tali secandam curavi, propter lochia suppressa & indè subsecuta symptomata. Dolor pungens tibiæ, eductò sanguine, statim remisit, reliqui affectus perdurarunt. Recruduit omne malum horis pomeridianis ad delirium usque. Adhibebantur Bezoardica, Julapia & varia ad rem pertinentia, tandem etiam Spiritus Mundi, cujus beneficio pectoris angustia, difficultasque respirandi & reliqua symptomata ita benigniora apparebant, ut jam optimâ fruatur valetudine.

Mense Junio hunc Spiritum prægnanti in respirationis difficultate ex uteri ascensu ortâ, cum calore præternaturali, adhibui, sumpto eo, respiratio mox erat facilior & calor remissior.

In febre Hecticâ phthisi conjunctâ cum difficultate respirandi, respirationem facilitasse Spiritum Mundi, Mense Julio, adhuc profitetur vidua hujus urbis paupercula.

Filiæ trium annorum, Matthæi Hermannii, Civis hujus urbis, diuturnam tussim expertæ, quater de die, & quidem singulis vicibus octo guttulas tincturæ Auri Auræ, in paucâ dedimus cerevisiâ, quia alia medicamenta respuebat. eâ nocte,

eâ nocte, à tussi immani non amplius adeò vehementer divexata, dormiebat. Nec sequentibus diebus usum tincturæ hujus omisimus cum meliori successu.

In febre tertianâ nonnullis, finito nempe horrore, & calore jam invadente, dedi Cochli. dimid. Spiritus Mundi, ut experimentum facerem, quid valeret. Mox sumpto eo calor remisit intensior ad multas alias perdurans horas.

Nobilissimi & Strenui Dni à *Milkauvv*, *Hereditarii* in *Werkdorf* Filia sedecimannorum, Mense Augusto incidit in Febrim acutam, cum siti vehementissimâ, linguæ intumescentiâ, ardore faucium intolerabili, anhelitus difficultate, delirio & omnium virium jacturâ. Sexies adhibito Spiritu Mundi cum Tinctura Auri Auræ, non neglectis insuper Julapiis, pulveribusque Bezoardicis, omnia remiserunt symptomata periculosissima. Et fatebatur post restitutionem nobilissima Virgo, Spiritum Mundi optimum fuisse medicamentum ad debellandum morbum.

Illustris Baronissa merè scorbutica, & ab hujus mali symptomatibus, capitis nimirum & oculorum dolore, ruboreque, cordis palpitatione, hypochondriorum tensione & inde erato anxio volarum manus utriusque madore sæpius divexata, quotiescunque Spiritus Mundi cochlear semis, etiam gravida, delibaret, non solum prædicta symptomata, & somnia phantastica, cessabant, verum etiam noctes, quas alias inquietè consumit, nunc placidè transigit. Huic tertio post partum die lochia subsistebant, inde calor & sitis, intensius, vigiliæ nocturnæ & lipothymix sæpius recurrentes, vires frangebant. Reliquis prius parum juvantibus, tandem Spiritui huic locum concessimus & magnum diætorum symptomatum levamen percepimus, ita ut septimo die lochia debitè iterum fluerent.

In serpigine, impetigine seu lichene Spiritus Mundi extra adhibitus, suum illinendo facit officium, exsiccatur enim, calorem præsentem tollit, dolorificum lenit pruritum, & ita hoc agendo, omne opus perficit. Quod verum deprehendit Dn. *Gablerus* Pharmacopœus & Senator Haynensis, in digito.

Honestâ vidua in labiorum serpigine ex sæpius reiteratâ illinitione effectum, multis aliis alias expertis, sed hîc in cassum adhibitis, vidit mirabilem.

Et quod in hisce præstitit, id & in scabie posse, ipse sum expertus. Quotiescunque enim diu noctuque manum scabiosam aliquoties illinivi, toties etiam deprehendi, pustulas ita subsequenter diebus fuisse exsiccatas, ut sine damno descalpere potuerim.

Civis nunc temporis primarius Haynensis, in bello Hungarico miles, febre Hungaricâ laboravit, finito bello rediit in patriam nondum integrè restitutus. Pro incolumi, post medicamentorum usum, habebatur; Sed inito conjugio podagra & chiragra laborare cœpit. Per varios annos varia adhibuit medicamenta. In cassum. Ad Spiritum tandem Mundi & Tincturam Auri

Auræ

Auræ refugium, nostrò consiliò, sumsit. Usus hujus cottidianus non solum dolorum coërcuit immanem, tempore paroxysmi, & calorem alias intensiorem lenivit; sed & arenulas rubras ab initio, postea calculos croceos & materiam albam Tartaream, viscosamq; cottidiè per urinam excrevit, sæpius copiosiusque, quod alias in tanta copia non factum, minxit. Inde Spiritum hunc cum Tinctura, pro diuretico lithonriptico habeo non contemnendo. Et ab eo tempore, quo hoc Spiritu utitur, pessimum malum, quamvis menstruatim, uti alias ingruere solebat, pulsaret fores leviter, vires intolerabiles exserere nunquam valuit. Miranarrabo, quæ Spiritum Mundi sudoriferum esse affirmabunt. Quodam tempore in se sum calidæ suadebam, ante ejus ingressum sum sit supra dictam quantitatem Spiritus Mundi cum Tinctura Auri Auræ, post egressum apparebant per totius corporis ambitum pustulæ albæ granorum milii magnitudine, aqua plenæ levique scalpitu ruptibiles. Ex indiciis hisce conjunctim sumtis magna restitutionis spes effulget. Continuabimus usum Spiritus Mundi cottidiè, ut, quid possit, videamus, quæ omnia seculo nostro & futuris candidè, Deo volente, observationibus curiosis inferendis, fideliter communicabimus.

Vidua nostræ civitatis, nimio præ mœrore, d. 5. Febr. in febrem hæcticæ consimilem incidit, cum horrore & subsecuta phlogosi sæpius de die redeuntibus. Vigiliæ nocturnæ diurnæque, ita per 5. dies defatigaverant eam, ut nulla ad somnum, multò minùs dejectiones, adesset pronitas. Appetitus erat prostratus, sitiebat semper. Die sexto morbi, malum increbuit, maximè circa vesperam, ob nuncium valdè molestum. Summum virium decrementum cordisque sequebatur languor. Recusabat medicamenta, mortis cupida: die verò morbi octavo, horam circa decimam ante meridianam, animi deliquium, oculorum obtenebratio, auditus, ratiocinationis & loquelæ eam molestabat imminutio, cum capitis dolore acerbissimo. Motus convulsivi, strangulatio uteri, dolorque manuum ac pedum, morti vicinam eam ostentabant. Expergefacta paululum, per pulveres Bezoardicos cum Castoreo, reliquaque medicamenta ad debellandum morbum necessaria, sumsit Clysterem uterinum, nocte insequente paulò melius habere cœpit, ut & die nono. Die decimò horam circa decimam insultus rediere citati. Ad extirpandos hos adhibui ab initio Spiritum C. C. cum essentia castorei, in vini potiuncula, remisit leviter, mox rediit vehementius omne malum. Quid Spiritus Mundi cum Balsamo Mundi in tam desperato posset casu, tentavi. Præbui pro dosi cochlear 1. Spiritus, cum guttis sex Balsami prædicti, cessaruntque symptomata. Repetii qualibet hora dictam medicinæ dosin, summo cum patientis levamine & adstantium admiratione. Circa decimam undecimi diei, hostis mœnia sanitatis iterum invadebat furor superiori: Spiritus verò & Balsamum, ut defensores hoste fortiores eve-

stigio eum profligarunt, excepta cordis debilitate. Die 12. circa tertiam pomeridianam rediit, sed post hujus medicinæ delibationem mox abiit. Die 13. typum observabat matutinum, uti & sequentibus quatuor diebus, debellatus verò, ut antea dictum, terga dedit.

Spiritus & Balsami Mundi efficaciam sequens commendabit casus. Puerpera, Diaconi hujus loci optimè meriti uxor, nono post partum die, in febrem incidit acutam, cum horrore insigni & subsecuto calore intensissimo, capitis dolore, difficili respiratione aliisque symptomatibus. Dedi hujus Spiritus unciā unā cum triginta guttis Balsami Mundi, pro quatuor præbiis, spatio duarum horarum sumendis: mox restitutā, DEO sit laus, eam vidimus.

Ancillam in pago Waldā, (quam rumor imprægnatā dixit) febris acuta lecto affigebat d. 6. Martii. Nil nisi Balsami Mundi drachmā unā, ad scrupulos quatuor transmissi, omni nimirum horæ spacio duodecim guttas in cochleari cerevisiæ calidæ ut sumeret. Ad majorem effectus fidem conciliandā, ipsissima Electorissæ Saxonæ Præfecti, Dn. Johannis Martini Richteri, verba apponere placuit: Ancillā nostrā primò morbus cum horrore & subsequente calore insigni invasit, symptomata fuerunt capitis dolor, cardialgia, respiratio difficilis, hypochondriorum dolores punctorii. Post usum Balsami Mundi, successive omnia ita remiserunt, ut tertio die ad consueta munia se conferre potuerit.

Spiritus Mundi, præprimis cum Balsamo ejus conjunctus, in morbis desperatis, febribus acutis, aut ejusmodi aliis, respirationem impredientibus & calorem præternaturalem inducentibus, si non momentaneo, repurgato prius corpore & ab omni fæculentia crassitieque superfluâ liberato, dosi infra datā, delibatus, levamen pariat, respirationem faciliat, flammā seu incendium mitiget, viresque deperditas aliquò modò restauret, mortem in propinquo esse judico, quod in multis hætenus sum expertus. In quibus autem spes reconvalescentiæ est, illis è vestigio opitulatur, quod heri horā nonā vespertinā adhuc factum vidi: Dn. Johann David. Fischeri uxorem repentina pectoris angustia, respiratio difficilis & suffocativa infestabat, pedes & brachia præprimis sinistri lateris erant rigida & frigida, ita ut pro apoplectica haberetur. Dedi Spiritus Mundi drachmas sex cum guttis triginta Balsami Mundi, pro quatuor dosibus. Delibatā primā dosi levamen percepit liberalioremque respirationem, paulò post & secundum hausit, sequebatur sudor, hunc excepit somnus, manè restitutā invenit. Die 28. Augusti 1674. hucusque experimenta prælaudati Dn. D. Fribii.

Fecit idem, ammonitū meò, complexusque scripto est *Clarissimus Dn. Johann. Engelhardtus, Medicinæ Cand. amicus per multos mihi probatissimus annos,*

annos, quæ observârat. Ea & ipsa, rem me facturum non inutilem duxi, si hûc notarem :

Die 2. Septembr. ann. 1673. horis pomeridianis Dn. Emanuel Centgraff/ Præfecturæ Haynensis à re Actuaria, ex improvîso, intolerabilibus affligitur alvi torminibus, per 3. integras horas, non sine horrore, urinæ item suppressione vomituque. Exhibeo ipsi in Spiritu Mundi, sex guttas Tincturæ Auri Auræ, suavissima inde capiteum somni appetentia, quô dum per semihoram circiter fruitur quietô, evigilans dolorum sentit remissionem, cibum capit, optimeque se habet. Surgens manè urinam contemplaturus, maximè dilutam turbidamque eam deprehendit, luculentumque virtutis, medicinæ hujus antinephriticæ testimonium exhibent.

Idem 22. August. anni currentis, repentinô obruebatur, ex frigore febrili, horrore, quem summa statim membrorum delassatio, viriumque defectus excipiebat, unde lectum petere coactus, *Nobilissimum Dn. C. A. Balduinum, Patronum ac Evergetam meum maximum*, de medicamentis suis ut impertiret sibi, sollicitabat, quô, ejus petito locum haud gravatè concedente, duas ipsi doses Spiritûs Mundi, instillatis aliquot Auri Auræ Balsamique Mundi guttulis, trans mittebam, quarum alterâ sumtâ, somnum è vestigio capiens, per tres integras horas placidè quiescebat, his tranfactis, expergiscens, enormes capitis dolores sentiebat, idque haud dubiè ex operatione ipsius medicamenti, quod circa camarinæ, quâ corpus oppletum quam maximè commotionem ejectionemque erat occupatum, teste eventu; viginti namque & ultrâ, sedibus, alvus sese exoneravit. Unde fractæ non parum vires, somnô, quô subsequenter diem patiens penè integrum confecit, recolligere sese evidenter allaborarunt, successu haut secundô: die quippe unô alterove elapsô, ad officii pristinam functionem sanus incolumisque rediit: Alterius dose os sumptionem, ex metu, ne, uti prius, alvum laceffendo, ipsum enervaret, in quartum usque diem differre, ei visum est, ast nihil, quod metuit, evenit, quin melius ex eo habere indies cœpit.

Ejusdem Dn. Parens, calculo vesicæ, ipso mense Martio afflictus miserri- mē, laudati Dn. Autoris opem anxie implorabat, hic vicem ejus dolens, de Spiritu Mundi, intermistô ejusdem Balsamô, ipsi offerri concedebat, cujus exhibitâ unicâ dosi, elapsis duabus vel tribus horis, calculum, fabæ magnitudinem aliquantum excedentem, excernebat, sequentibus paulò post nonnullis minoris quantitatis, quibus exclusis, pristinæ sanitati per DEI gratiam restitutus est.

Eôdem Martio mense, vidua paupercola, fermè septuagenaria, *Ursula*, præternaturalem patiebatur narium hæmorrhagiam, quæ ipsam, viribus jam

dum, ob decrepitam senectutem, exhaustam, adeò enervabat, ut incassum nobilissimis etiam adhibitis medicamentis de vita ejus desperaretur: In tertium, & ultra, diem fluxus is dum perdurabat, conveniebat fortè *Nob. Dn. Balduinum*, aniculæ hujus Hospes, *Dn. Andreas Ushnerus*, *Haynensi Senatui ab Actis & epistolis*, de statu ejus desperato, inter reliqua, mentionem faciens, nil nisi præsentaneam mortem superesse & jamjam imminere asserbat. Ego, qui tum colloquio huic intereram, hæc audiens, quid, ajo, si de Balsamò Mundi, detrimenti parum, si non levamenti quid allaturò, ipsi propinetur? annuens *Dn. Balduinus*, aliquot illi doses exhiberi jubet: quibus per vices à me propinatis, Hæmorrhagia remissam facere cœpit, & licet non semel rediret malum hoc, vires tamen, quas antè exerere haudquaquam valuit, tandemque nobilissimo huic medicamento palmam relinquens, cedere omninò coactum fuit, salva jamdum ac sana, DEO clementer benedicente præter omnium expectationem, fœminâ superstita.

Quàm insignis denique, & laudibus nunquam satis de prædicandæ virtutis, in odontalgia Balsamus Mundi sit, in semetipso experimentum capere voluit *Nobiliss. Dn. Balduin.* Is cum præteritâ hyeme ex dentibus gravissimè laboraret, in Balsamum Mundi fortè incidit, periculum facturum, in hoc affectu numquid valeret, ex eodem gargarismum sibi paravit, quem parti affectæ applicans, præsentaneum sensit levamen, dolores namque, utut vehementiores primum, post horæ unius decursum, præter omnem spem evanuisse penitus, nec redire hætenus. Finis Observationum Engelhardian.

Observe hic velim, tam Auri Auræ, quam & Balsami Mundi ortum & incunabula velut Mundi Spiritum esse. Itaque, ut ad Medicinam præparatus, Mundi Spiritus hic nihil aliud est, quam simplex & subtilis essentia quinta à corpore ☉ tanquam à materia crassa & grossa, sive à quatuor Elementorum superfluitatibus separata: sic, quid impedit, quo minùs, è *Tractatu, de vero Sale secreto, Philos. Dn. Nuysement, 4. cap.* vocitem eum generalem Lapidem Phisicum & Elixir à natura compositum, quò mediante omnia sua miracula facit; atque multò magis admiratione dignum esse, quam Chemicorum Lapidem, cui solummodo per hunc ipsum Spiritum concessum est, ut, ad introducendum id quod deest, in suum simile agat.

Est memoratus mihi totiens Mundi Spiritus hic essentia penetrabilis omninò atque volatilis odore suavissimo, gustumque amygdalarum præ se dulcium ferens. Vel pauculæ guttulæ, dici vix potest, si hauseris, quàm cor recreent, respirandique vias recludant, uti Spirituum nutrimentum alimentumque pulmonum æstimare non injuria possis. Potestque tantum istius, quantum cochlear capit, absque vehiculo, aut, si morbus pertinacior sit, Auro Auræ potabili,

bili, vel, si placet, Mundi Balsamum mistum, præservandæ conservandæque immo & restaurandæ ad extremum valetudini adhiberi: Quod si medicamentis tribus istis crudis, ut sic dicam, adhuc, necdum perfectionem eam, quam adspirante DEO propitio! consecutis, tantum licet: nihil non profectum ex

(2.) Auro Auræ inferioris Hermetico perfectissimo, i. e. ipso lapide medicinali, ex *Alkalest*, cō, quod commemoravimus, modo præparando, pollicitura sibi Natura humana impofterum est! Eo enim omnis labor hic tendit, ut & refocilletur ea tueaturque in multos annos, quantumque potest, vindicetur a morbis. Cæterum cum in manu id ejus positum sit, qui super nos negotium curat, exorandus calidissimis nobis precibus ille: acquiescendumque interim est in universalissimæ Materiæ nostræ medicamentis. Pro quibus & ipsis, Gloriosissimum Numen, nunquam, faxit, ingrati ut simus!

CAPUT XI.

De Virtutibus Auri Auræ, in Regno Minerali.

Non interturbanda vitæ officia, nec imponenda imbecilli puerorum ætati, quæ adultorum illorumque propria sunt, quos firmata Viros jam fecerit ætas, ut de suo Poëta Princeps mihi istud hinc largiatur. Hujus ego præcepti memor,

I. Auro Auræ superioris huic, velut partui meo non tribuo, quæ robustos, eosque decent, qui plus pueris possunt. Nondum enim istud infantia velut annos excessit. Quod si viribus ultra procurrerit, tum de eo demum & bene sperare, & confidere optime licebit. Quandoquidem autem Solare id Sulphur, Tincturasque jam esse Sulphura omnia, apud Philosophos in confesso, opinor, est, fixa scilicet aliisque metallis unita, nullum jam iterum mihi dubium surgit; plus utique, in cætera, imperfecta utpote metalla, liciturum Auræ huic Auro, postquam de perfectione fermentationeque cum Auro metallico sua ipsi constiterit, quam vegetabilia Mineraliaque illa sulphura possunt. Tenendum istud tamen etiam atque etiam est, in stupendo hoc opere primas omnino Sali universalissimo volatili tribuendas deferendasque esse. Quod ex Nitro uti facillimè obtinueris, si, quæ superius sunt prodita, ea hinc recorderis: sic te, exemplo, quod volatile Tartarum redditur, maximè observare præparandi modum etiam velim. Qui ut non parum paucos torserit; in his *Joh. Baptist. Helmontium, lib. de Febr. Ludovicum de Comitibus, in discept. 6. p. m. 38. Danielem Ludovicum, in Dissert. de Volatil. Tart. Discept. 9. p. m. 66.* è contrario extirpare tamen, qui nihil quicquam ferè laborandum sibi hinc ducerent. Adcas, sodes, D. *Joel. Langelott. in Epistola ad præcell. Natura Curiosos p. m. 5. & 10. D. Dav.*

Dav. von der Beche in *Epist. ad Langelott. D. Georg. VVolfg. VVedel. in Specim. Exper. Chym. p. m. 55. Alios. Idem von der Beche in Experim. & Meditat. circa Re. natur. Princ. p. m. 130. & seqq.*

Cæterum, paucis abhinc septimanis, multò ego faciliorem inveni viam, quàm tartarum modo atque vitriolum & sal commune, atque alia hujusmodi: sed & Nitrum ipsum, paucis admodum horis in Mundi Spiritum, seu gratissimi planè saporis aquam, alembici vitrei beneficio, destillare & sic porrò in volatile Sal album transformare liceat. Unde verum *Alkalest* (beneficio Spir. concentrati ☉, de quo supra) prodit. Quid? quod in seipsū etiā præsentissimi esse instar remedii queat, ardentibus febribus pellendis. Sed de eo hîc obiter tantum.

Sic 2. Inferius Auræ inferioris Hermeticum Aurum regno in minerali plus, confidimus, posse. Neque enim tantum *D. Petr. Joh. Faber in Panchymico suo c. 40. l. 4.* vix dicenda scripsit de Nitro: nempe, *in intimis naturæ visceribus ignem vitæ clausum contineri, quem si quis coagulare & fixum facere, ei quæ tincturam dare auream vel argenteam possit, eum possidere Arcanum*; sed & per Nitrum *Gansandus* opus suum & incepit pariter, manumque ei feliciter ultimam imposuit.

Quemadmodum igitur dubitamus nulli, Lapidem, è nitroso liquore *Alkalest* (per se vel cum Auro vulgi conjuncto) præparari; sic metalla imperfecta transformaturus, eò uti si velis, projiciendum tibi fuerit Elixir super Aurum in tigillo liquatum; ac ita Sal demum istud, ☉ ingressum, in Sal frangibile mutatur, solubile tamen & liquabile, levissimo calore. Quod quidem (ut ego puto,) dum est Auro imprægnatum, projectum super metalla imperfecta, ipsum in Aurum transmutat.

Equidem jam olim suspecta, nec sine causâ, Metallorum illa in Aurum plerisque transmutatio fuit; ostentantibus, fucum ut facerent nonnullis, nummos, eosque in aurum versos; dimidiatos, aciculas item & ipsas factas aureas. Traditur hic modus *Glaubero*, in *Purgat. Philos. p. m. 38.* quem, si animus sit, consulas licet. Hinc etsi *Bartholinus in Physic. spec. p. 4. c. 2. Florentia*, vidisse se, inter res pretiosas *Hetruria Ducis* clavum continuum testetur, cujus media pars aurum esset, media ferrum, aurum, quousque tincturæ immersus erat; transmutatusque olim diceretur à *Thurneussero*; sunt vicissim alii tamen, qui pro adulterino habentes post id tempus visam, rejiciunt planè atq; evertunt.

Nobilissimus *Dn. Augustus Henland* non ita pridem est, quod ad me viseret. Sermo varius nobis, nec, quod ille has terras non obiter inspexisset, de Gallicis tantum, Italicisque atque Anglicis rebus, sed aliis erat. Tandem, ut est in omni Naturæ opere curiosus, in Chymiam incidimus commodè; cum *Ensiculus*, quò scripturi pennas temperare solemus, ipsi quoque memoraretur:

Ser-

Servare se cum, inquit, magni nominis Chymici donum, dum Venetiis esset. Cætera, aciem & nucleum ferri; cuspidem auream esse, tincturæ cujusdam vi atque efficaciam opinantibus, qui vidissent, mutatum in Aurum. Statim incessit in animum tam rari muneris, fateor, visendi cupido, petereque ex eo adeo cœpi, ut ne mittere gravaretur. Annuere ille hac conditione tamen, uti, mihi quid videretur, literis significarem si remitterem, quod me facturum, etiam compromisi. Igitur quamprimum illius mihi facta copia est, ne mirari illum quidem poteram satis. Cuspis dimidium digiti articulum longitudine æquans: Aurum quale Coronati aurei esse solet, & ad Lydium lapidem revocatum, respondebat exactè. Ad extremum, ne indicium quidem ullum solidaturæ, ut nec affirmare plane de Tincturâ liceret, nec de arte & combinatione conjicere tamen. Cæterum erat, cur isthuc inclinarem potissimum. Nec mora: Cultellò mucronem fractò, ex auro & ipse ferruminandum alium curavi. Cui cum lima ab aurifabro (ei enim istud negotii dederam) accessisset, aut insigniter fallor, aut ornatus nitidiusque haud paulò prodiit opus. Certè Venetiano illi minimum par videbatur: Ei omninò labor erat quinque horarum. Nec me fingere quicquam hic credas. Amat enim ferrum aut chalybs, imò justo calore cupidè attrahit Aurum. (Quò experimentò refellitur opinio Otton. Tachenii in clave antiq. Hippoc. Medic. c. 8. quod Aurum ferro conglutinari nequeat, priusquam cupream induat naturam.) Sic perpetuò arte vincitur Ars, nec tam ingeniosa fuit fraus, quam si laborarit, non ingenium aperuerit pariter ac detexerit.

Manet interim hoc, Chalybem, quem diximus hætenus, aliaque imperfecta Metalla, Lapidis Philosophici beneficiò (dummodo obtineri is possit,) transmutari in Aurum verissimè posse.

Qui autem cum D. Thom. Morefino Aberdonato Scoto, de Metall. Caus. & transsubst. D. Nicol. Guiberto, Lotharing. nec non P. Athanas. Kircheri in Mundi sui subterr. Tom. II. lib. II. sect. II. c. XI. rotundè negat, possibilem esse arte purè naturali confectionem Tincturæ Philosophorum, quæ omnia metalla in Aurum Argentumq; substantialiter tingat, ac projectione suâ finitè in finitū multiplicet; ille legat Lancem Peripateticam Valeriani Bonvicini Profes. Paduæ; Interpellat. brev. Salomonis de Blauenstein; imprimis verò Mantissam Spagyr. Pharmac. Reg. D. Johann. Zuvelferipag. I. c. I. & quæ ibi contra dictum Kircherum, pro Chrysopœiæ veritate & possibilitate, adstruxit; nec non Albertum in libro suo 30. de Mineralibus. M. Petri Boni Lombardi de Ferrariâ Tract. ann. 1330. compositum. Heinr. Salmuth. lib. 2. tit. 2. p. 340. Joann. Fr. Mirandul. de Auro l. 3. c. 2. Marsil. Ficin. lib. 2. de vitâ coel. comp. c. 3. D. Adam à Bodenstein Isagog. in Arnold.

Arnold. de Villâ nova Rosar. Epist. præfix. ad Fuggeros ex Basilea p. m. 46. Bernard. Penot. à Portu Præfat. Apolog. contra Guibertum in Tract. Arislai de L. P. p. m. 91. qui suô tempore ab Edoardo Kellao Pragæ in ædibus D. Thaddæi libram integram argenti vivi in purissimum Aurum conversam, guttulâ unicâ liquoris rubicundissimi vidit. Fernel. de abditis rerum causis lib. 2. c. 18. D. Joh. Wolffg. Dienheim de Medic. Univers. cap. 24. & 25. Matth. Unzer. Anatom. Mercur. Spag. lib. 1. c. 18. M. Georg. Froberg. Histor. de Alchym. p. 78. D. Mich. Mayer. in Symb. aur. Mens. p. 219. 471, 480. 523. & 557. J. B. Helmontium, qui in scriptis suis ter publicè fatetur, se projectionem fecisse, p. m. 743. 793 & 671. §. 58. Miscell. Curios. Med. Phys. Acad. Nat. Curios. Ann. 1. Obs. 16. D. Johan. Tackii Chrysogoniam animale & minerale p. m. 3. & D. G. Morhof. de Metall. Transmut. ad D. Langelott. Epistolam, pag. m. 87. & seqq. Quam Tincturam licet per pauci obtineant, è rerum tamen naturâ proscribere minimè decet. Habet enim & illa, quemadmodum arbor scientiæ boni & mali Proto-Parentum nostrorum, suum de cælo genium, qui rhomphæa bis acutâ eam protegat, & curiosos ac indignos arceat; cum pauci sint, qui virtutem & divitias affluentes jungere noverent.

De hac Medicina apud antiquum Autorem Gallicum ipsa natura, in Quæstula sua, ita introducitur:

*Qui guerrit toute maladie,
Et qui la jamais ne mendie:
Qui en a une once & un seul grain;
Toujours est riche & toujours sain:
Enfin se meurt la creature
De Dieux contente & de Nature.*

CAPUT XII.

De virtutibus Auri Auræ, in Regno Vegetabili.

AUtor Sendivogius est, in Epil. Tract. Quò radii Solares copiosius feriunt, eo major Solis Nitri quantitas fit, & per consequens major frumenti copia crescit. Verissimè, si quicquam aliud. Nam, non à terra tantum, aut ab aqua, & à certo quodam, eoque nitroso sale nutrimentum plantis est. Experientiam, age, quâ unâ omnium optimè docemur, accersamus. Nonne, quo plus satis habent, hoc feracioribus agris utimur? quos, (exemplum ut demus,) quod in animalium excrementis plurimum Nitri insit, finis hinc lætos efficit pinguesque. Imò ipsa hominis urina nihil est aliud, quàm merum Nitrum, (sed non animatum) doc. Theophrast. Paracels. Tract. de Pestilitate p. m.

376. sic ex terra, ubi pecudes mingunt, fit & coquitur Sal Nitri, *Id. in Fragm. Tract. p. m. 449.* Et sanè, multiplicandarum frugum, peculiariè Nitrolixivia, nonnullorum indè esse Secretum, inducimur facilè, ut credamus. Vid. *Recueils des Memoires & Conferences sur les Arts & les Sciences, presentées à Monseigneur le Dauphin, pendant l' Année MDC LXXII. par Jean Baptiste Denis, Conseiller & Medicin. Ordinaire du Roy : Premiere Conference touchant la Vegetation des Plantes. p. m. 216.*

Nimirum tenet & communis Philosophorum sententia, posse materiâ pforum universalissimâ, arborum steriles fœcundari, herbas, floresque atque radices mediâ hyeme produci, quamlibet arborum, quater & amplius annò, maturos ex se fructus edere, ex arefactâ etiam tenerum institui surculum, amaroque quantumvis fructus omnes dulcescere. *Joh. Valchio, in Tract. Philos. & Chym. Germ. p. m. 252. referente.*

Obtinebat ex eo Magi nomen *Albertus Magnus*, quod in ipsa frigidissimâ Brumâ omnia genera fructuum, ope hujus ætherci Balsami, ad plenam & perfectam maturitatem producere posset, *Dn. Kenelm. Dygb. dissert. de Plant. Veget. p. m. 72.*

Equidem non evertimus nos fidem horum verborum; neque, qui ambigat, facile est: Mercurium universalem flori cuiusvis plantisque augmentum aliquod odoremque conciliare: quin tamen, unitus i. cum Auro Auræ superioris nostrò fixusque in lapidem, majores sibi vires acquirat, dubium & ipsum esse mihi non potest.

Sed quid Aurum 2. Auræ inferioris perfectissimum, i. e. Lapidem ipsum Philosoph. ex Nitroso *Alkabeſt* præparatum? Nonne, ante fermentationem Auri, in Regno Vegetabili plus posse fatebimur? Quis neget? Nam, si *Valchium* iterum audimus (p. 253.) Tinctura ex hoc Lapide fit, si, quantum granum milii est, dissolvas in aqua, qua in ipsum postea vitis velut cor sive medium infusâ, non illa è vestigio virgam tantum foliaque atque flores, contra communem naturæ cursum; sed, quod omnibus admirabile videatur, fructus etiam maturos nobilesque protrudet, vide *Paracels. in Apocalyps. Herm. de Elix. vita.*

Revocat hoc mihi in memoriam Arcanum istud plantarum resuscitatarum, quo plantas jam cinesctas & demortuas quasi, calore, velut divinâ Mercurii virgulâ, animatas in vitam revocari, novaque vestiri forma adserunt. Primus, quod sciam, *Quercetanus* in scenam publicam hoc Secretum produxit, à Polono Medico sibi monstratum, non communicatum id tamen: Exinde plures ejus rei mentionem fecere; sed qui descriptionem eam publico daret, præter *Rosenbergium, in Rhodologia*, qui tamen obscurò verborum velò omne textit: & *Sponsonum*, Italum quendam, *Tractatu de Vipera*; sed eodem, imò obscuriore modo,

quô *Rosenbergius*, non memini ullum. Crediderim sanè, ejus rei experientiam nunquam cepisse, sed vel ex proprio conceptu, vel aliorum malefidâ communicatione retulisse, quæ scriberent; Adducti inde *Billichius* & *Georgius Kirstenius*, hic quidem in *Adversariis Germanicis*, contra *Joh. Agricola*m, in *Thessalo* ille, omnem toti negotio fidem atque assensum derogarunt.

Cæterum, conspexit *Petrus Servius Rom. Med.* Rosam ex cineribus ustis solerti & ingenioso artificio excultis elaboratisque xxiv. horis natam, adultam perfectamque. *Tract. de Nat. & Art. Mir.*

Ex oratione *Dn. Comitis Digbæi*, Angli, de *Vegetatione Plantarum* habemus, *P. Athanasium Kircherum* miraculum restitutionis fecisse, modumque operandi communicasse eidem *Digbæo*. At non è cineribus ipsis *Kircherus*, sed è semine plantarum resuscitationem eam inchoasse videtur, quippe quem de *Regerminatione Plantarum*, processum suum, describere è cujuslibet semine comperimus. Require, quæ idem *Mundi subterr. L. 2. sect. 4. c. 5. p. m. 413. & 414.* Quæ & *P. Caspar Schott. in Mechanicâ Hydraulico-Pneumaticâ part. 2. class. 1. Mach. 8.* Et si itaque *Dn. Petrus Borellus* in *Histor. & Observ. Medico-Phys. Obs. 62.* scribit: Crederem, hac fieri posse, si calcinentur planta in vase clauso, ne sal volatile, in quo latet vis resurrectiva, evaporetur, deinde illud colligendum esse censeo & fixo sali miscendum, ope aquæ vitæ optimæ, vel roris majalis, & vase sigillato, calore mediocri hac circulari deberet per aliquod tempus, ut probe uniantur, principia purificata: non tentata tamen unquam mihi ista sunt, fateor; utut loco roris majalis, convenientiorem huic operi efficaciorique *Mundi Spiritum* putum. Causas dixi superius.

Observationem merentur & ista *D. Petr. Joh. Fabri*, in *Palladio Spagyrico c. 1.* Per humidum radicale mundi luce imprægnatum in phialis vitreis posse flores, posse plantas plantari & nutriri, crescere & germinare, posse & arbores & plantas è longinquis terræ plagis impunè & incorruptè deportari, posse & quater in anno germinare, florere, ferreque fructus, modo ne frigus ambientis aëris externum pepasum fructus impediat & retardet, posse semimortuos resuscitari seu potius renovari. Sed sunt, qui Autoris experientiæ hîc diffidunt, imò eam planè volunt sublatam. Sustinui tamen annò proximè elapsò, nec refugium ego laborem, interim neque justa laude debitaque *Borellum* hic fraudans, qui, quâ eundum, digito velut monstravit, *Histor. & Observ. Medico-Phys. Ita enim is, Obs. 37.* Aqua sola, inquit, nutriri & augeri posse plantas, vix credidissem, ni, per sex menses, in phiala aquæ plena *Ocymi* & *Basilici* plantæ furculum vidissem & servavissem, ubi radices multas, imò innumeras egit, furculos & flores; sed aqua renovanda sæpe est. Observavi etiam arbores magnas satis, imò

imò tibiæ crassitiem æquantem, in terrea parva olla vegetasse, sola irrotatione, terra ejusdem ponderis remanente. Quare credendum est, ab aëre & aqua nutrimentum capere.


Quod idem *Petr. Poter.* cum Nobilissimo *Boyleo* observavit, dum in Oxoniensi Anglorum Academiâ degeret; summitates menthæ, pulegii & melissæ, probe immixtas in vitreas phialas aquâ fontanâ, quæ nunquam mutabatur, repletas, explicasse se in radices numerosas & luxuriantia folia. Vid. Ejusd. *Præf. Oper. Medic. & Chym. p. m. 9.* Quod Autores laudati sine dubio ex *Theophr. Paracels. Metamorph. L. 3. de Conserv. p. m. 17.* petierunt.

Historiam plantæ, sub ipsa aqua germinantis in vitro, ex alterius Medici relatione, recenset *Libavius in Syntagm. Arcan. Chym. lib. I. c. 22.* cujus figuram ibidem depictam habet. Idem narrat apud *Rosenbergium in Rhodologia D. Frey*, qui idem in tulipa se vidisse adserit; nec non *Dn. Jacob. Dobrzenski de Nigroponte, in amœniori Philosophia, de Fontibus Part. I. pr. I.* Sed longè admirabilius *Autor* memorat *Gallus* in *Tract. Gallico La petite Chirurgie*, dicto, cap. 22. qui totum mundum arboribus plantis, floribus, pratis, fluminibus, montibus, aquis, animalibus &c. exornatum, parvò vitrò spectandum proponit. Cæterum, id ego tantum Phænomenon credo cujusmodi repræsentasse se aliquando *Excell. Tackius* prodit: *Mysteriò Resurr. Rer. p. m. 65. seqq.*

Observatum & à me idem vegetabile est in Magnete, quem, de quo indicium feci, ipsò hoc annò, Universalem posuissẽ. Cum enim, decimo nono Martii die, rotundis se ille circulis ostendisset, sicciore ob solares radicos circa meridiem aëre, equidem Magnes hic meus nonnihil in oleum demutatus conspiciebatur. Quod id autem spississimum esset, concrecere mox, arbuscularumque fruticum formas, (jucundissimum oculis spectaculum) induere cœpit.

Quum igitur ex me satis nossem non tantum, Spiritum copiosum esse in aëris elemento & aquæ pariter, imò plus vigere, quam in aliis elementis, sed & ex Mechanicis percepissem abundè: Salem in aëre & aquâ crySTALLINUM fixum & volatilem contineri, imò flores, v. g. tulipas, anemones, lilia &c. lixivio, ex iisdem, si effloruerint, combustis in cinerem, scapis & caulibus factis, affuso singularum plantarum appropriatarum radicibus, mirâ fecunditate & nitore propullulare: in ipsam rem cogitatione descendens altius, conclusi; si fieri posset, ut aqua, quam *Dn. Philipp. Sachs à Leuvenheim* (in *Oceano Macro-microcosm. p. m. 26.*) mundi menstruum vocat, cum Catholico Sale, seu terrificato Mundi Spiritu augeatur, conservandi ipsius vim potiore multò esse futuram. Universale enim Sal aquæ balsamum est. Et si aqua non est suo igne imbuta, plantas non multum reddet fructiferas; aliquid igitur, cui aqua tantum

vehiculi loco servit, intus necessario continetur, nihilque aliud est, quam omnibus fœcunditatem tribuens Sal. Huic Sali (rectè cognito vel intellecto ;) non tantum omnia vegetabilia, sed etiam omnia mineralia suam originem debere, docet *Dn. Kenelm. Dygb. de Plantar. Veget. p. 62.* imò *Dn. Panorol. Arcan. fascic. II. p. 218.* omnia ex aquâ & igne, velut ex sulphure & Mercurio oriri, adeoque semen esse vim illam vivificantem, conflata ex igne & aquâ, in spermate residentem; ostendere satagit.

His innixus fundamentis, rem ipsam aggressus feliciter sum, Balsamique naturæ universalis fixi, cum  vegetabili, beneficio, conservare flores herbasque didici. Quod ne putes me thrasonicè magis profiteri, quam verius, ecce tibi variæ magnitudinis, eosque innixos columinibus, globos vitreos, quos, quocunque libuerit tempore, multiplici florum varietate, à me, anno superiore, refertos, non sine insigni oculorum animorumque delectamento, apud me cernere est. Quod si vires vitamque DEUS Opt. Max. concesserit, vitreum Musco nostro viridarium annus futurus sistet, exhibiturum & ipsum rerum istarum Studiosis violas, rosas, narcissos, tum præstantiâ colorum secundas nullis. Idque quacunque anni tempestate. Quibus qui paria fecerit, nondum vidi. Immo visurus vix aut ne vix quidem etiam sum, præstiturus qui sit: nisi FLORA nostra inspecta, quæ rogatu non obscuri nominis complurium amicorum, SEMPER-VIVA lucem publicam visura forsan propediem est.

Equidem, injici nonnullas mihi remoras, video; at enim differre ista uti possunt, ita auferre promissa non possunt.

Tu verò, quisquis es, benevole *Lector*, cuicumque aliquid in hoc meo Tractatu non perspectum intellectumve est primò intuitu, quæso, suspende in his, de quibus tibi non liquet, judicium tuum; & de iis, quæ tibi videntur satis liquere, ne quid pronuncia temere. Nec alium ferto in re arcanâ calculum, quam de tua famâ à bono Viro velis apponi.

Interim Majestatem Naturæ naturantis nondum adoravit, neque naturæ naturatæ decessit satis, qui divini operis Hermetici possibilitatem non credit, realitatem ignorat vel contemnit. *Hurin. à Parmâ Paris.*

Verissimè enim à *Senecâ* istud proditum olim est: Multum egerunt, qui ante nos fuerunt, sed non peregerunt: multum adhuc restat operæ, multumque restabit; neque ulli nato post multa secula præcidetur occasio aliquid adhuc adjiciendi.

Quærit in abstruso, divisa Cupido, meatu

Aurum, & vel scorias, vel nisi grana legit.

Infima plebs sapiat: sapiens quid abundet in Auris.

Novit, & hoc Auri nomine jure vocat.

En Tibi ceu duplâ, monstrantes, lampade Soles,
 Quam calcant alii, non sine mole, vitam!
 Ut mira virtute trahat Cœlestia Magnes.
 Conspirant Salia & Sulphura Sulphuribus.
 Sic jam Magnes amat non ferrum; vescitur Aurâ:
 Depluit in Danaës Jupiter igne sinum.
 Aurea nunc etiam comitari ferrea dicas
 Secula. Vix pretiô grande venit pretium.
 Nil melius posset votis impunè precari,
 Tangere & Ascadici Regis iniqua Fames.

EPILOGUS

ad Lectorem Benevolum.

MULTI homines animos facile in proprias cupidines inclinatos, arcere nequeunt, & vel ipsa bona damnant, ut vel ita deterriti, periclitari desistant, & eò minus in deteriora labantur. Quæ intuenti nullum dubium fit, fore ut ut non multos, aliquos tamen, qui non malo forsan animo nostram, de Materia Lapidis universalissima, impugnent opinionem. Cum maxime hi, quibus subiectum aliud, Antimonium puta, Bismuthum, Cinnab. nativ. Rothgûlden Erz / vel quodcunque id tandem arridet, quique id (quod ajunt) mordicitus tenent. Moti forsan scriptorum modernorum autoritatibus exemploque; ingeniosissimi in his *Philaetha*, curiosissimi *Becheri*, quibus Mercurius Antimonii animatus utramque facit paginam. Quid? si nobilissimus & ipse *Tumba Semiramidis Author*, sali mercuriali alembicato primas deferens, ipsos excitet? ut ut sit, sit, nulli nostram obtrudimus sententiam. Nec pro articulo fidei esse volumus. Credant, per nos, sentiantque, quod volunt, integrum esto. Tantum observent & habeant, petimus, pensi, subiecti lapidis illas conditiones, quas in antiquissimorum Philosophorum libris sparsim legere licet, num sive Mercurio currenti cuidam Antimonii, sive materiis id genus specificis applicari aliis possent. Non ero prolixus in recensendis talibus, olim mihi notatis. Dabo pauca: (1.) est res una, uniusvis individui, sui simile non habens. (2.) naturalis, simplex. (3.) Primaterialis. (4.) Catholica. nondum vegetabilis, nec animalis, nec mineralis. (5.) Vegetabilis, animalis, mineralis simul, & 4 & ① sufficienter referta. (6.) Chaosa vel chaotica. (7.) Corporea tamen, & proinde (8.) visibilis, (9.) Adamica, (10.) suo modo

„modo vivens. (11.) in se perfecta. (12.) omnia in se habens, nec alieno indigens. (13.) Antiquissima, vel verè Saturnina, adrop, vel Plumbum sapientum, (14.) Cujus, juxta tabulam Hermetis, pater est ☉, mater ☽ & nutrix, est terra (15.) Semper & ubique repertibilis, sed non ubique artificii idonea. (16.) adpectu vilis vulgo, at in conspectu Sapientum pretiosa. (17.) Omnibus nota, paucissimis cognita. (18.) Gratis & pro nihilo à Deo & naturali-beraliter vendita. (19.) fortiter sigillata. (20.) ponderosa. (21.) aqua composita, congelata, repugnans igni, non madafaciens manus, permanens, glacies fophorum (22.) Lapis, non Lapis, (23.) ☿ Phil. crudens. (24.) in tenebris lucens. (25.) Microcosmus noster Macrocosmicus. (26.) De semine Mundi Majoris, Filius $\delta\mu\omicron\varsigma\sigma\iota\omicron\varsigma$ parenti suo, in quo omnis plenitudo Naturæ, h. e. EL-I-X EIR immagnum &c.

Multi hinc veri omnes excludunt Philosophi mineras, corporaque metallica omnia, omnia genera salium, excepto (Lullii verbis) Lunariæ nostra sale, omnia vegetabilia & omnia animalia. Quænam admodum autem discrimen non parvum inter Universale majus datur & minus, inter Lapidem Philosophicum & Tincturas Philosophicas, e. g. solis, lunæ &c. (licet uno semine, unaque matre generatas) ut est apud *Basilium* aliosque: sed Tincturam tantum, recte te facere, non repugnem, si subjectum istud, Mercurio non destitutum seligas; cuiusmodi quidem antimonium est, (quo de suprâ ipsemet, Cap. III.) Et habeo adducere plerosque Philosophos adeptos, qui eandem Tincturam conficiendæ viam iniere, planam illam proximamque, nec quod Antimonii adhiberent Mercurium, per sulphur martis (ignem Metallorum,) animatum, cumque Auro fixatum, quicquam aberrarunt hîc quidem illi. Et hinc neglectus materiæ ille universalissimæ fluxisse videtur, rejectumque è contrario, cum specificatis Materiis omnibus, Antimonium esse ab his, qui Catholicum non ignorarent, subjectum. Equidem non eo inficias, metalla omnia unam tantum eandemque formam essentiali materiamque habere, in Argenti vivi, tanquam Metallorum materiæ proximæ, coctione & perfectione consistentem, unde ipsam etiam de substantia argenti vivi, i. e., Metallicam debere esse tincturam colligi potest. Neque enim alias in metalla ingressum haberet. Cæterum materia hæc Metallorum specificata, sive secunda, unde, nisi ex prima, aquoso scilicet fumo (einem Wassertschwaden) oritur? qui Sali mundi universali unitus, nutritisque astris, ab elementis demum consequitur, ut sit forma visibilis. At enim non capio (inquis,) Nitri vestri, (illius universalissimæ materiæ copiosissimi subjecti) cum metallis mitionem fixationemque. Non capis? Ergo impos-

bilis

bilis est? Credis, Mundi spiritum, (quem negatum nunquam, scio, ibis,) in ventre terræ corpus sibi aptare, omnesque tam animales, quàm vegetabiles mineralesque, ad instar ceræ alicujus, formarum omnium capacis, facultates recipere? Nec hoc grave sit credere, corporeum illum mundi spiritum, universale nempe sal, cum metallis, productis à se, certò modò misceri, illorumque Accidentia (soliditatem, opacitatem, colorem, fusionemque à formâ quæ sunt,) in tenuitatem, semidiaphaneitatem, intensum calorem, fusionemque ceræ instar, ab eodem posse mutari. Quid prohibet autem, quò minus adhuc longius progrediamur? Quum tanti Mercurius tibi antimonii sit, in quo sal resolutivum, seu radicale metallorum humidum excellenti quodam gradu inest, num, sine resuscitativorum tibi salium ope in proclivi foret, ex antimonio, cæterisque mineralibus aut metallis, currentem extrahere Mercurium quendam? Non posse te, hic fateberis, scio. Sequitur istud igitur, salium horum Mercurialem esse naturam, dum in sibi simile operantur. Quid? quod & sulphuribus salium analogia quædam ac sympathia cum metallis intercedat. Siquidem id certum, Nitrum, suo quodam modo præparatum, antimonii Regulo aureum planè colorem posse inducere, quantumvis non fixum illum quidem. Cujus Clariss. Krafftium, amicum meum non è multis, Dresdæ tempus jam extrahentem, experimenti testem laudo. Imò non salia solum, dixerim, mercurificari metalla, sed & eadem salia subtilissimi entis salium mercurialis, in ipso latentis aëre, beneficio, currentem in Mercurium mutari: immò, quod amplius, conjuncta cum metallis, juxta cum his, in Mercurium transformari; quem, quod ad formam materiemque, ab iisdem non recessurum, spes & fiducia est. I. enim memoratum mihi suprà V. capite, est: peculiari instrumento usum *Eglinum*; Argentum ex aëre vivum traxisse. II. Vidi ipsemet, quem monstrarat mihi *Metallorum Magister Eybenstockensis*, *Antonius Hermannus*, currentem Mercurium, circa medium Maji 1672. delapsum in nebula & ab ipso collectum, III. Novi, quò absque destillatione aut sublimatione, per aërem, sive ejus potius spiritum, seu Mundi sal, ex vitriolo verus Mercurius vivus præparari modo debeat. IV. Nec processu destitutor, quî ex Sale communi, immò tartaro etiam, non multum diversa ratione, talem exhibere Mercurium doceat. V. Testatur Curiosiss. *Becherus*, in suppl. I. *Phys. subterr.* vidisse se metalla attractiva facta & aëri exposita noctu temporis in Mercurium verti. Qualem VI. Vir Rever. *David. Nebentrost*, *Drebacensium Pastor*, Fautor meus dilectus, ante aliquot annos, ex Saturno, opere roris Majalis exhibuit: Et Mercurium VII. Dn. *Polerus*, Chymicâ scientiâ clarus, ipsemet quoque *Dresdæ*, in argento, salibus aliquot misto, diuque aëri exposito, invenit. Imò VIII. omnes

hinc corporum Mercurii evaporantes, rubram in argento maculam relinquunt, immortalem nempe Nitri animam attestantes.

Equibus, quoniam, ut confido, satis liquet, illum Universi Spiritum, cum pro se, in Universali majori, tum per productos à sese Mercurios corporum, totum in Universali minora absolvere negotium, spiritum autem hunc Mundi in Nitro terræ copiosissimè occurrere corporificatum, subiectum etiam Lapidis Philosophici sine dubio Mundi, quod jam dicimus totius, habebimus sal: excluso Mercurio corporum, quem subiectum nihilominus constituimus Tincturarum, maximo tamen cum discrimine virium, de quibus jam pluribus referre, non tempus, nec conditio fert.

Felix itaque ter & amplius, cui nostrum ab impuritatibus salibusque omnibus alienis perpurgare Nitrum contigerit! Possidet ille magni miraculi receptaculum, quin imò Spiritus domum, in quâ sua volatilibus omnibus quies. Latet enim hic verus Philosophorum, non corporalis quidem vel materialis ille, spiritualis seu formalis tamen ignis. Unde Philosophorum lapis ille (concentratus fixatusque ignis astricus scilicet) nascitur. Sed de tabula manum. Practicè itaque in magno hoc opere observationibusque efficacibus potius, quam speculative, ac rationibus meris, decertemus, quum ridiculum fuerit, fingere aliquid credendumque orbi obtrudere, cuius experimentum ipsemet nullum habeas. Interim signans totam rem *Hermetis*, Patris nostri, præcepto, è *Libro Radicum*: *Sapientia Autoris major debet esse suo libro*: Tuumque favorem mihi pollicitus, oppidò quàm bellissimè valere Te, quisquis es, jubeo, humanissime Lector.



PHOSPHORUS

Hermeticus,

sive

MAGNES

LUMINARIS

CHRISTIANI ADOLPHI

BALDUINI,

S. R. Imp. Academ. Naturæ - Curiosorum Collegæ
cognom. Hermetis.

Madrigal.

Eswär die neue Welt
Noch hinter ihrem Meer versteckt/
Wann nicht ein kluger Held/
Der Flavius von Cosen/
Die Kräfte des Magneten-Steins
Und ihren Nutz entdecket.
Es fehlet nur noch eins/
Dadurch die schwere Fahrten
Nach Colchos besser arthen.
Das ist/ O Hermes-Sohn/
Dein feuriger Magneten-Stein/
Dein selbsterfundner Phosphorus,
Der mit verklärtem Schein
Des Jasons Schiff regiren muß.
Hier glänzt ein neuer Stern: wir fahren hell und schnell
Und sehens schon von fern: dort hängt das güldne Fell!

Dieses schrieb auß erheischender Schuldigkeit/
zu stetswehrendem Andencken / seinem
hochwerthesten Freunde/

Johann Engelhart/
Medic. C.

C. D.

Luce nihil pulchrius, nihil suavius, nihil admirabilius. Absque hac fieret, mundus ipse pulcher non esset. Hinc iidem lucis natales, qui universi. Primus mundi ornatus, prima perfectio lux fuit.

Est autem quædam scintillans, si non in omnibus, tamen plurimis corporibus naturalibus, & ex iis quasi effluens: uti in scolopendra, insecto illo (Diasfel) quod in tenebris lucet, vid. *P. Athan. Kircher. lib. 1. part. 5. Art. Magn. c. 6. §. 1.* in leone, equis, tauris, lupis, agnis, canibus, vulpibus, felle, hyænâ, avibus, piscibus, muribus, serpentibus &c. *D. Tho. Barthol. lib. II. c. 2. & seqq.* ex quibus præ reliquis lampyrides conspicuæ, *D. Petr. Joh. Faber in Pallad. Spago. cap. 17. p. m. 165.* & cicindelæ, *d. Kircher. in de Luce & Umbra L. I. c. 6.* in plantis, ut in fungo stellato & baarra, nec non in lignis putridis, imò in carne vervecina, nocte instar multarum lampyridum lucente, ref. *Dn. Petr. Borell. Hist. & Obs. Medico-Phys. Cent. 1. Obs. 3.* in nobili puella gratiosissimæ formæ, quæ dum capillos, pectine implicatos, dissolveret, flammæ velut ardentes cælo stellas è capite in sinum excussit. *Joh. Nierenberg. l. I. c. 7. Hist. Nat. peregr. in ventrali mulieris scintill. quod vidit Baco Verulamius de naturali & universalis Philosophia, in aqua marina, quæ multum ejicit lumen. Dn. Nicol. Papin. in tract. Gallico, de la Lumiere de Mer. & Dn. Monconys in T. I. Itin. Lusit. p. 13.* in gemmis & lapidibus, e. g. in carbunculo, qui omnium ardentium gemmarum principatum habet. *Isid. lib. 16. cap. c. 13. Plin. lib. 2. c. 8. Anselm. Boët. Gemm. hist. lib. 2. c. 8.* licet sint perdocti Viri, qui (satis speciose) ullos dari carbunculos lucentesve gemmas pernegant: *Bœt. de Boot. Gemm. & Lap. Hist. l. 2. c. 8. Joh. de Laet. in Capite suo de Carbunculis & Rubinis, Museum Wormian. cap. 17. p. 103.* Sed lege Benevenuto Cellini nel' Arte del Gioiellare lib. 1. pag. 10. in adamante *Dn. Clayton. Dn. Rob. Boyl. Nob. Angl. Enarrat. quar. Observ. de dicto Lapide p. m. 433.* & in simili Adamante, quem ope aquæ paulò plus quam tepidæ còduxit, ut luceret in obscuro, dict. *Antor in specim. de Orig. & Virt. Gemm. p. m. 124.* in Lapide Bononiensi, qui, certâ ratione præparatus lucique expositus, cæta imbibit, ita tenaciter eam sibi incorporat, loco tenebroso ex theca depromptus exponatur, conceptam lucem conservatamque non secus, ac vivos carbonem, non finè intuentium admiratione, diffundat. vid. *Dn. Olavum Worm. in Musco cap. 5. m. 46 & Dn. Fortunium Licetum, qui ex professo hoc egit, Item Mazetta P. Borm. in Philos. tribuit. Invenitur ejus Minera apud Tolosam, ubi lapides Aluminis, vulgò Alume de Rocca, fodere solent, doc. P. Kirch. in Aric Magnet. Lib. 3. part. 4. quest. 2 p. m. 463. 464. & 469.*

Hinc

Hinc statuit *Dn. Joh. Bapt. Helmont. in Tract. Magnum Oportet fol. m. 97. n. 35.* Lumen esse reverà ens extra lucem. Nam, scribit, penes me asservo siclicem, quem si ad aerem, Sole existente supra horizontem, exposuero, ad spatium trium vel quatuor saltem pausarum, ac inde ad obscurum locum detulero, servat conceptum Solis lumen, ad aliquod simile fortassis spatium.

Quæ dum mecum aliquotiens ponderarem, cœpi eâdem operâ & de Lapide luminari cogitare, & annon idem ex materiâ nostrâ Universalissimâ possit parari. Quò quidem me passus rationes istas adducere sum: quod eidem Philosophicum ignem scirem inesse: nec, qui impossibile id statuerent, meminissem: quodque pes, ut sic dicam, caputque est, scripsisse de N. legeram *Dn. D. B.* (cujus penes me *MSC.* asservo:) solutô in Menstruô Phil. à se ☉, Menstruum nihil quicquam de colore mutasse: noctu autem, speciem ardentissimi aut lucidissimi luminis præbuisse, ita, ut ad fulgorem ejus, non videri tantum omnia distinguique clarissimè, sed & minutissimi characteres legi possent ac scribi, non aliter, ac si candelas, hinc inde dispositas, quis accenderit.

Itaque ante paucos admodum dies, cum in conficiendo *Alkahest* studium atque operam posuisssem, destillatione peractâ, Retortam vitream, frigefactam, intus deprehendi lucere, candentis ferri in modum, effectamque Lapidem Luminarem. Credibile erat, præstitisse, quod videram, meum *Alkahest*; qui penetrasset. Mirabilitatem verò Naturæ! Unde magis idoneum, isti partui, non occurrit, in præsens quod imponerem, nomen, quàm quod fronti præscripsi, **PHOSPHORUS HERMETICUS, sive MAGNES LUMINARIS.** Inde enim mihi videor observasse,

(1.) Phosphorum istum interdiu ex luce Solis (parum interest, nubilum dici sit, an serenum,) intra pauca horæ unius minuta splendorem ad eò attraxisse, uti igneus planè atque scintillans, non sine maxima omnium admiratione, adpareret. Unde colligere licet, & Lunam eòdem modò Solis splendorem continere. Ut in mentem possit venire, Philosophos veteres subjectum suum catholicum, ex quo Phosphorus hic conficitur, eâ causâ *Lunariam* nuncupasse. Est hic ille ignis cœlestis, quem *Japeti* filius, *Promethens*, *Minervæ* consilio, clam è cœlis sustulit. Ignis ille invisibilis *Zoroastris* & *Heracliti*, de quo *Calcidius*. Hinc Spiritus igneus *Mercurii Trismegisti* & aliorum Veterum.

(2.) Quantula lux candelæ accensa? Et reconditus tamen in isthoc Phosphoro meo ignis attrahit lumen, vel atomos igneas, efficiturque, ipse ut luceat, etiamsi non admoveatur candelæ propius. Quò experimentò doctrinam de atomis stabiliri liceat.

(3.) Quùm non ignorarem, Magneticam acum in vitro, etiam evacuato, à Magnete communi extra applicato cieri: & ipse, avidus cognoscendi,

Luminarem meum Magnetem vitro inclusi: qui nihilominus, ex luce Solis & candelæ accensæ, id quod debuit facere, lumen attraxit. Unde meridiano Sole clarius patet, vitrum poros habere; quod non furtivè tantum ingredi subtilissimus aër, egredique, sed & materiale lumen penetrare valeat. *P. Gasp. Schotto* autore, in *Techn. Curios.* l. 4. c. 5. *Scrut.* 1. §. 2. vide & *Obs.* 62. *Dn. Olai Borrichii* in *Actis Medic. & Phys.* *Dn. Bartholin.* ann. 1671. & 1672.

(4.) Non hic, albo parieti admotus, meus *Phosphorus* tantum in tenebris splendet; sed & illustrat & lumen spargit: Lunæ exemplò, quæ & ipsa mutuati-
tium à Sole lumen orbi impertit.

(5.) Equidem repositus in abdito aliquandiu *Phosphorus*, lumen adsciti-
tium suum velut deponit: quod, verisimile est, ad Solem videl. Marc igneum
illud, (quem *Dn. Seb. Wirdig* in *Nov. Medic. Spir.* l. 1. c. 27. §. 4. vocat,) aut
ad aërem interim remigrare. Cæterum redditus luci publicæ, aut Candelæ sal-
tim accensæ, repetit, quem deposuerit antè, suum splendorem. Quod, quo-
tiens libuerit, præstiturus sanè hic tibi, ac in perpetuum quidem, est.

(6.) Immisi, cum se in lustrem ille maximè præbuisset, in vitrum spiritu ☉
plenum, *Phosphorum* meum. Cæterum tantum abest, ut de splendore suo de-
mitteret quicquam, ut potius idem isti, velut antea, duraret.

Extraxi autem (7.) siccatumque in occulto sive latere, ut amitteret, quod
sibi luminis peperisset, quò factò, inclusi ipsum eò, quò dixi, modò, denuò vi-
tro, frigida pleno, de lumine certior futurus; quod, existimabam, ex sereno
aëre attracturum iterum esse. Nec spes fefellit. Continuo enim fulgor em-
igneum, qualis, cum summus est, esse solet, assumere ille, ut sic liquidò inde
putem constare, neque inclusum ei Philosophicum ignem, neque attractum
splendorem, tantum virium frigida esse, quæ extinguat impediaturque.

(8.) At enim iterum ille *Phosphorus* meus, post id factum, ad priora re-
diens, posuit lumen, de quo totiens nobis hætenus sermo. Igitur calidæ for-
naci impositus, experiri volui, repetitarus num esset. Et sanè repetiit, cœpit-
que, velut antea, radiare, ut ut, ubi statuissem, expers lucis esset conclave.

Venit hinc in opinionem, (9.) Luminarem istum Magnetem, quod non
tantum lumine gaudeat, proprio sed & ipsum igne lucere. At non, nisi ex-
ternò aliquò excitaveris prius. Eâ ferè ratione, quâ candens ferrum insito sibi
lumine fulget, sed quod ab igne accensum sit. Sicut etiam illustratio Lunæ non
reflexione aliquâ sed accensione fieri amat.

Uti igitur genuina hujus luminis detur ratio, suppono (10.) aërem à Sole,
vel igne, illuminatum vapore quodam subtilissimo & luci concipiendæ aptissi-
mo refertissimum esse. Nam lux in lucido manet, lumen à luce egreditur. Lux
in

in Sole, lumen in aëre. Lucidus Sol, illuminatus aër est; vel secundum *Paradoxon* 7. Dn. *Virdig. lib. 1. c. 7.* Ignem, lucem, lumen esse spiritus; igitur.

(11.) Quod in *Phosphoro* meo Philosophicus sine dubio ignis centri vicem impleat induatque, quæ magnetis indolem, est: non hinc fieri nequit etiam, quin, ob mutuum ille consensum, ignem eum, sive splendorem, quem radians Sol ac ignis item jacet, spirat & spargit, rapiat & ex inopinato sumat.

Quemadmodum ergo (12.) plurima, *Phosphori* hujus *Hermetici* beneficio, mirabilia posse exhiberi, quæ excogitare, cuivis, pro eâ, quæ est ingenii sagacitate, integrum sit, ego habeo sic, prorsusque animum meum induco: ita cum primis tentandum

(13.) istud fuerit: Annon ex ejusdem principio, puta *Alkahest*, (quem in centrum redactum ignem, opinor, rectè dixero,) ignis antiquorum perpetuus (quò de desperasse *Kircherum* dubitare non sinunt, quæ de *Mundo subterr. lib. 8. sect. 3. pag. m. 71.* prodita ab eodem legimus;) restitui possit commodè; quem in rerum olim extitisse natura, tot opinatissimorum Autorum loca testantur. Vid. inter cætera *Petr. Appian. Barthol. Amantium, Cœlium Rhodiginum, Dn. Fortun. Licet. de lucern. antiquor. lib. 1. c. 1. Dn. Ernest. Burggrav. in Biolychn. Dn. Daniel Sennert. capite de longâ inedia. Alexand. Tasson. in quæsit. lib. 1. q. 26. Hermolaus Barbarus l. 5. in Corollar. M. Zuer. Boxhorn. in Quæst. Rom. p. m. 49. Panciroll. Rer. Memor. deperdit. part. 1. Tit. XXXV. p. 124.*

Quid? quod persuasissimum nobis (14.) est: Lapidem Philosophicum, (qualem quidem proditurum è materia universalissimâ speramus,) cum sit, præter inclusum centro ignem, nihil, pari modo, & indefinenter quidem, emisurum lumen necessario esse. Quanquam in omnibus Philosophorum libris, quos quidem videre mihi contigerit, nec vola ejus, nec vestigium extet, præterquam in eo, quod, de itinere suo quem dedit, *Fridericus Gallus*, manu exaratum, legi nuper. Convenisse se, ait, quem, quod à reliquo cœtu viventium religio sua hominem abduxisset, Anachoretam vocamus. *P. Michael* dicebatur: Et erat alias nobili *Trautmansdorfforum* genere oriundus. Monasterium quatuor milliarium spatio distans *Landsbergâ*. Hîc verò se vidisse imprimis mirificam rem! ostendisse enim hunc sibi secreto *Tincturam*, magnitudinem si spectes, non multum fabam excedentem, eamque majusculam. Colorem autem eum fuisse, qui & *Granati* lapidis esse solet, quales è *Bohemiâ* adferuntur non pauci. Præcipua ipsi dos splendor. Lampadem credidisses, in vitro ardentem.

Dignissima certè res, in quâ investigandâ & exponendâ ponamus studium & operam. Χαλεπὰ τὰ καλὰ. Exerceant ingenii sui vires, in hoc admirabili opere Honoratissimi Dnn. COLLEGÆ mecum, & improbis laboribus negotii difficultatem superent. Utilitatem maximam cum pari gloriâ conjunctam ex opere perfectio reportabunt.



EPISTOLA

Viri cujusdam doctissimi

continens

JUDICIUM

De

AUROAURÆ

nuper edito.

Anno M DC LXXIV.

EXCELLENTISSIME VIR;

O Pportunâ hâc occasione TUÆ EXCELLENTIÆ præsentium Lator dissertationem, quam ad perlustrandum mihi transmisit ante dies non ita multos DE AUROAURÆ Dn. INVENTORIS anagrammaticè explicandi, honorifica cum gratiarum actione meo redhibebit nomine, Et cum jamdum multorum inter non adspernandæ sanè eruditionis curiosæ cæteroquin Nobilissimorum virorum versetur manus, atque hoc ille, alius aliud pro captus diversitate super hâc ferat judicium; TUA EXCELLENTIA non ex nihilo esse putavit, quæ sibi alias me semper habet devinctum, meum etiam desiderare animi judicium. Non potui, nec debui honorificentissimo tuo desiderio deesse, hâc certissimâ fretus fiducia, fore, ut hunc paupertini ingenii stylum æquo & benevolo sit susceptura animo, voluntatem æstimans pro facto. Quanta mortalium sit curiositas, & quantoperè isti inventis nova addendo inventa posteritati sese commendantes, non inter morituram nominis famam anhelent, præter alia præsens etiam exemplum, de quo TUA EXCELLENTIA mihi discurrendi ansam præbuit, evincit.

Est equidem hujus dissertationis AUTHOR, quisquis fuerit, uti ex ungue leonem, vir pereruditus, multæ lectionis Authorum tam veterum quam recentium Philosophorum, non sine candore acutissimi ingenii & judicii, Ejusque scriptum ob dextrè ac exquisitè tradita nonnulla experimenta ad Naturam explicandam, per Naturam, suâ non defraudandum est laude; unum tamen vel alterum scrupulum mihi objicit, liquidiore explanatione indigentem. Non adeò

Na-

Naturæ accommodata mihi videtur distinctio à veteribus jam olim etiam tradita, quam Dñus AUTHOR DE AURO AURÆ repetit cap. IV. p. 29. 30. & seq. in Aurum Astrale, Elementare, & Metallicum. Nam in rerum naturalium productione SOL sese habet, ut causa efficiens universalis & indifferens, non ut specialis ac specifica, quam cujusvis concreti naturalis largitur forma specifica, non universalis, qualis uti dictum, SOL est: quæ causa etiam, quod ipsum postmodum causatum non de essentiâ causæ efficientis universalis participet, nisi omnia etiam ex triplici Mundi regno petita, vegetabilia, animalia & cœtera mineralia astralia & elementaria &c. statuere velimus, quæ omnia æque SOL permeat, vegetat, & in suo esse conservat, sed non nisi universaliter ac indifferenter, pro cujusque speciei respectu & ratione. Ecqui igitur AURUM sit naturalis SOLIS filius? Nec allata ratio desumpta à pulvere fulci coloris, aut purpurei in rubrum vergentis, beneficio vasis vitrei artificiosè disposita ex radiis solaribus collecto, aliquid probare videtur, dum hic pulvis non ex radiis solaribus, sed ex Sale aëris per concentrationem & reverberationem caloris irradiantis solaris forsan collectus fuit pag. 30. Circumvolvuntur enim in Aurâ diversi generis Salia, quæ ignium subterraneorum ope & Solis operatione meteoris aethera petunt, prout soli subjacentis suppeditat genius, nitrosa, vitriolica, aluminosa, vel alterius naturæ vel seorsim vel inter se mista. Sic constat, veri ac genuini vitrioli, Nitri item sed impuri, non exiguam quantitatem diversis anni temporibus ex aëre Amstelodamensi multis aquarum salinarum & soli paludosi miasmali imprægnato, artificiosi cujusdam vitri beneficio fuisse collectam, teste Cl. Morhaffio in epistol. de Metallor. transmutat. quid? quod & Anni temporum diversitas diversa in aëre subministret salium genera, ex quibus æstas aut hyems, æstivum scil. salis aëris alkalifata, hyemale acida vitriolica excludit, vel separatim vel invicem mista, prout aëris fert mutatio. Ea autem universalitatem aut panurgiam vel panspermiam affectare ego non statuerim. Salia equidem naturæ architectonicæ, prout & ignis instrumenta esse, facile largimur, sed non unius modi, verum varia prout varia sunt corpora & diversæ corporum mistiones, quorum ope pro subjectorum ratione Natura in eorum compositione ac resolutione utitur. Miras etiam in corporibus regni mineralis, vegetabilis & animalis salium adminiculo Natura perficit operationes, quæ pyrophyllacia subterraneaper omnes telluris transitus, omnesque venas & fodinas metallorum dispergunt. Ecqui autem hæc, ut instrumenta externa ad causam efficientem pertinentia influant in Esse alterius ab alio proxime causati? vel quis ad ejus substantiam constituendam pertinere dixerit? in sal omnia resolvi posse, & ex eo etiam constare inquit Dn. INVENTOR AURI AURÆ pag. 43. 44. &c.

Chymicâ scimus doctrinâ, inquiens, salem produci in omnibus Mundi partibus, calore ipsius Mundi naturali, qui dum agit in ipsum suum humidum, cum depascendo, ut nutriatur eo, humidum ipsum desiccet, quod autem in ipso naturali humido desiccatum est, Sal est naturale, & naturale rei cujuscunque, cum in id resolvi nihil non possit: ex quibus patet, DNUM modo laudatum Authorem statuere, rem nullam esse, quæ Salis prorsus experta sit, imo constitutionem rerum naturalium primitus ex Sale dependere & in illud etiam resolvi. Verum magnum hoc petatum est, multa sunt concreta naturalia Salis expertia, ex quibus ne græ quidem Salis elici potest, veluti ex lactuca, endiviâ, cucurbitâ &c. ecquis ex Sole, Luna, talco, margaritis &c. eruat? quæ ignis intensus non in calcem, sed fusionem reducit. Nam quod ad SAL AURI attinet, inquit Nobil. Anglus Robertus à Boyle, in *Chemistâ Sceptio* p. m. 100. nunquam illud mihi conspiciere datum, vel ex ullius fide digni aut optæ testimonio coargui, tale quid unquam separatum in naturâ fuisse. Si verò solaris alicujus salis extractio in chymicorum processibus, præscripto per corrosiva menstrua aut aliorum corporum Salinorum interventum sit præstanda, dubium homini curioso ac cauto restabit, emergere SAL illud ex ipso AURO, an ex corporibus aut Spiritibus Salinis ad id præparandum adhibitis. Utrum autem SALIA rebus naturalibus concretis, ex quibus eliciuntur, insiet, an verò ex iis fiant, videbimus. Beatus Dn. D. SENNERTUS priorem cum Chemicis defendit sententiam, qui reverà SALIA rebus inesse formaliter, eaque arte chymicâ tantum separari statuunt, ex quorum numero & DNUS INVENTOR AURI AURÆ esse videtur. Verum salia & potissimum alkalia neque ante corporum compositionem existent, nec ad mitionem faciendam confluunt, neque tandem per naturalem corporum resolutionem unquam in naturâ apparuerunt, sed tantum per artem ignis ope educuntur, & quidem effectivè inde procedunt, ita ut materialiter quidè & potentiâ passivâ, ut D. D. Scholastici loquuntur, Salia ista alkalia in concreto ante conflagrationem, non verò formaliter in alkali schemate præexisterint. Unde subtilissimè & acutissimè CL. HELMONTIUS in tr. Blas humanum, alkali, inquit, non generatur in cinere ab igne efficienter, quanquam effective inde procedat, nam officium ignis quidem est accendere, consumere & separare, non tamen quippiam producere, sed dum alkali fixum fit ex sale antea volatili, non est productio rei nova, sed rei alteratio saltem. Alkali enim materialiter quidem erat in concreto ante cremationem, veruntamen dum ignis tollit mercurium & sulphur, Sal tanquam principium magis subsistens in liquatione concremationis arripit sibi vicinam sulphuris, sive pinguedinis partem, eamque dum ab ignis torturâ non sat valet tueri, partim sub larvâ Gas simul evolat, atque empyreumatis odorem acquirit, partimque incorporatur, ut verus

carbo

carbo fiat. Quapropter Sulphur conjugio Salis jam fixus non celeriter à carbone in fuliginem tendit, sed sensim ac non nisi aperto vase, adeoque cum sulphure priore, (nam hinc sulphur rei plerumque acutum Salis volatilis saporem retinet,) ac tandè cum sulphure carbonitio justum sui salis volatilis pondus evolat; Et §. 43. Didici nempe, quod omne corpus cremabile in se habeat Sal volatile, quod arreptione sui sulphuris fixatur in alkali. Et §. 41. huc quadrat, quod ligna cariosa & putrida vix Salem in suis cineribus reliquāt. Quippe Sal volatile abscessit cum sulphure per fermentum putredinis. Hæc HELMONT. idem repetit TACHENIUS ex dicto HELMONTIO in suo Hipp. chemico cap. 21. Nullum vegetabile habere SAL fixum, cujuscunque sit generis, nisi actuali comburatur igne, ita ut acidum ustulando in alkali, & vicissim alkali in acidum agere & apprehendere queat, &c. Verum, quamvis hoc κενόμεινον, nullum scilicet vegetabile actu in se habere alkali, minus veritati repugnet, attamen an hoc modo, quo HELMONTIUS cum TACHENIO explicat, per Vulcani artem in hanc mundanam scenam producat, offerunt se adversæ dubitationum procellæ. Enim verò nullum SAL, sive volatile, sive fixum alkali fuerit, actu & formaliter vegetabilibus inest concretis, sed in nonnullis, non in omnibus, ut Author vult, nisi potentiâ & materialiter aliis principiis sulphureis & spirituosis congenitis adhuc immersum; jam si ignis violentiam suam in ejusmodi capax subjectum exercet, illico ut sibi symbolicas aggreditur partes oleosas, in quibus materialiter & potentiâ latet sal volatile falsum, hoc sibi fugâ volens consulere, partim abit in fuliginem, partim à spiritu acido, non sine partium terrestrium adhæsu, grato connubio arripitur, & alkali Naturam adsumit. Adserti hujus fundamentum ex ipsa natura petitur, & mechanicâ chemicâ. Ligna putrida summo licet studio in cineres redegeris, quocunque ignis gradu Sal exinde non elicies, ratio, quia ligna putrida sine violenta combustionem, per corruptionem internam à sale in aëre existente sunt resoluta, antequam violenta resolutio per ignem instituta fuit per principiorum separationem: Sicque antequam Sal, qui potentiâ inest vegetabilibus in actu fuerit redactus, aliis principiis sulphureis & spirituosis nativis adhuc maritatus, una etiam cum iis evanescit, adeoque etiam unâ cum aliis dictis principiis naturali lege & necessitate volatilifatus in Gas transit. In vegetabilibus spiritum acidum manifestat illorum per retortam destillatio, nunquam non oleis Sale volatili turgidis stipatum empireumaticum, uti ex tartari, ligni guagaci, buxi & aliorum destillatione manifestum est. Fuliginis destillatio, quantum Salis volatilifatus & olei foetidi crassi cum summâ phlegmatis acidi copia conjuncti suppeditet, encherisi chemica habemus notissimum. Salia demum volatilia quod concernit, quæ etiam regnum vegetabile, v. g. tartarus, feces vini, olea destill. vegetabilium &c. non solum animale regnum suppeditat,

hæc etiam formaliter non insunt suis concretis, sed materialiter ita immersa sunt, ut non nisi summâ ac violentâ ignis torturâ destructa concreti textura & particularum figura, inde demum cum oleo fœtido ac crasso in fine destillationis per retortam igni aperto expositam eliciantur, nullo ante destillationem sapore in concreto naturali perceptibilia.

Quoad MAGNETISMUM, quo AURUM illud AURÆ ASTRALE scilicet compedibus quasi ligat, nitrum est pag. 20. 22. item 46. 47. & 51. quem seq. modo elaborandum proponit.

REC. Nitri albiss. puriss. q. v. sint decocti lateres quatuor, intra quos crucibulum, in quo Nitrum continetur, supposito igne per duas horas, cœlo sereno, Sole vel cancrum vel leonem, sive virginem ingrediente tempore matutino, coërcentur. Quo factò istud Nitrum seu magnetismum brevi tempore veluti reviviscere, moveri & minutarum quasi centû spatio Sulphur aureum, AURUM AURÆ dictum INVENTORI, ex AURA videbis attraxisse intus, & extra magnetismo coloreum herbaceum, eumq; summum, posteaquam autem fuerit refrigeratus, cœruleum, qualis esse Eranii solet, assumente. In cujus elaboratione hæc cautelæ observandæ sunt, si viridi in magnetismo leoni paulò fortior ignem supposueris, repetere eundem chaos suum, & linquere magnetismum seu nitrum prorsus vacuû, & fieri, quale antea fuit, album; maturè igitur & dum calet adhuc imbutum leone viridi magnetismum mortario infusum contunde. Quod si hunc solvas aquâ fontanâ, viridis fiet, & in pulverem purpureum præcipitabitur, qui abluendus est. Sic pari ratione, si redactò in pulverem hoc magnetismo Spiritum vini infuderis, & digeri permiseris ista, leniter viridis leonis sanguinem sive Sulphur aureum formâ rubra extrahet, præparando AURÆ AURO potabili: Si vis inde præparare AURUM potabile, hoc præcipitatum Sulphur aureum adhibe, ablue, & sociatum cum mundi Spiritu s. a. fige. Aut si horum ignarus fueris, destilla tinctum AURÆ AURO Spiritum vini, usque dum quarta ejus pars superfuerit, habebis residuum Aurum potabile, gratissimi ad rubedinem aspectus. Hoc quamvis initio aliquam præferat falsedinem, sedit tamen interpositis aliquot diebus instar limpidæ, Magnetismus, tincturâ innatante, quam depletam à solis radiis in vitro munias, ad solem enim expositum AURUM istud brevi decolor redditur. Hæc DNUS INVENTOR DE AURO AURÆ.

Verum facilè hic assurgerem genio INVENTORIS nostri, modò experimentaliter animaretur certitudine. Dubium enim in animo relinquit meo hæc suâ magnetismi præparatione, utrum Sulphur illud aureum seu AURUM AURÆ ex Aurâ magnetismo seu nitro fixo attractum ab Aura, an vero à flammâ ignis acidum in se continente; qui enim novit, quomodo flamma ignis in-

fignes


signes sæpè alterationes in partum corporum dispositione pro variâ texturæ & figurarum mutatione producere possit, licet nullum Sulphur aureum vel Aurum Auræ ex Aura accesserit, hic in tradita Magnetismi præparatione suspensas habebit rationes & in incertum semper fluctuabit. Tincturam Salis Tartari, ex Sale Tartari ignis beneficio ad cœruleitatē calcinato, cum spiritu vini extractam, quis hac ratione etiam non haberet pro genuina Tinctura Solari? Quid chalybem in prunis ardentibus excandefactum tam variis ornat coloribus admodum aspectu jucundis? quid plumbo Vulcani flammis exposito tantam largitur colorum mutationem? vid. suprà laudatus Robertus à Boyle in tr. de coloribus. Hæc tanti ponderis sunt, ut quis de attractione Auri ex AURA mediante magnetismo peracta non immerito ambigens in hanc devenire possit sententiam & statuere, hunc Magnetismum sive nitrum à flamma ignis nativa sua humiditate privatum, acido flammæ vice versa, non tamen sine partium terrestrium adhæsu imprægnatum esse, quod aëri postmodum humido concreditum, in quo Sal aëris procul dubio absconditum est, varias subeat texturæ suæ & partium tam superficialium quam internarum mutationes, diversorum colorum causas, exemplo salis tartari, chalybis, plumbi &c. supra adducto. Unde accidit, ut spiritu vini nitro tinctura Eranea imprægnato affuso, acidum hoc flammæ in eo concentratum pro texturæ & partium figuræ alteratione & mutatione illud in Aurum potabile inventoris degeneret, pulverem, qui subsidit, pro scoriis terrestribus acido flammæ adhærentibus & à sale aquæ fontanæ nitroso præcipitatis agnosco. Reliqua experimenta DN. INVENTORIS AURI AURÆ in triplici naturæ regno patefacta, ipsius committimus fidei, iis tantum à me in medium prolatis, quæ mihi injecerunt scrupulum, & de quibus meum desiderasti iudicium. Hæc ut æqui bonique consulas, est quod opto. Quibus Te cum tota familia honoratissima divinæ commendo tutelæ, me autem amicabili Tuæ benevolentia. Vale.

TUÆ EXCELLENTIÆ

addictissimus

FRIDERICUS HOFFMANNUS D.

SS (158) SS



L A P I S

BONONIENSIS

In obscuro lucens, collatus

Cum

PHOSPHORO

Hermetico,

CLARISS.

CHRISTIANI ADOLPHI

BALDUINI, cognomine Hermetis, &c.

nuper edito,

Et cunctis

Naturæ Indagatoribus

Ulterioris scrutinii ergò exhibitus

à

CHRISTIANO MENTZELIO, D.

SERENISS. ELECT. BRANDENB. Consil. & Archiatro,

S. R. Imp. Academ. Naturæ - Curiosorum

Collega.

S. R. Imp.

S. R. Imp. Academiae, Naturæ - Curiosorum,

Dn. PRÆSIDI,

*Viro Magnifico , Excellentissimo atque
Experientissimo,*

Dno. JOHANNI MICHAELI

F E H R I O,

Cognomine

A R G O N A U T Æ.

Dn. Fautori, Amico & Affini Honoratissimo,

S. P. D.

CHRISTIANUS MENTZELIUS, D.

Sereniss. Elect. Brandenb. Consil. & Archiater , S. R. Imp.
Academ. Naturæ - Curiosorum Collega.

ARcanarum naturæ, dum Mystæ illius, nostro hoc seculo, curiosè per-
scrutantur, divina prorsus in mortalium conspectum videntur prodire.
Atque hæc quidem, non sine Altissimi nutu, ideò lucem aspiciunt ac di-
vulgantur, ut ipsius gloria, æternusque honor exinde refulgere, ac inter nos
propagari meritò debeat. Ultimus enim hic arcanorum, rerumque omnium,
est finis: quem, perverso penitus hoc seculo, Satanas, divinarum pariter atque
humanarum rerum infensissimus hostis, bello ac regnorum everfionibus rur-
sum videtur impugnare, mox eruditissimum nostrum seculum, in meram barba-
riem, (nî DEUS prohibeat) commutaturus. Sed cum nihil sine voluntate
divina accadat, acquiescendum in ea erit nobis, pariterque ferenda, quæ mutari
nequeunt, & persistendum nihilominus assiduis precibus ac studiis in iis, quæ
laudes, honores ac gloriam omnipotentis spectant. Inter naturæ verò abdita
atque intima, jure mihi eminere videtur admirandus ille Phosphorus Hermeti-
cus, Clariss. Dn. Christiani Adolphi Balduini, S. R. Imp. Naturæ Curiosor. Col-
lega, cognomine Hermetis, quem suo Auro Auræ Hermetico, appendicis loco,
adjunxit. Hic libellus Auro Hermetico totus inauratus, immò aureus est.

Sicut

Sicut autem ramus aureus, quem tegit omne nemus, non nisi columbarum volatu *Aenea* patefcebat: ita hoc *Aurum Aurea*, *Avicula Hermetis*, ingenuo non innotescet Philosopho, nisi Spiritus Sancti ductu. Talia enim abscondita sunt intra reconditum naturæ sinum, ut non nisi paucis recludantur; contemptoribus autem DEI & operum ejus mirabilium, æternum occlusa sint, ne margaritæ porcis, sed furfures, terræque sordes (divitiæ mundi) quibus eorum rostra penitus immersa sunt, projiciantur. Et licet Phosphorus Hermeticus, Veneris instar, seu Phosphori vulgaris, qui clarissima sua luce Apollinem præcedit, diei prodromus, cunctis mortalibus nunc illucescat, diemque mysterii (universalis medicinæ) instare indicet, fæx tamen plebis, ignorantia tenebris sepulta, tantum abest, ut luce hac exorta beatè fruatur, ut potius hepiolorum instar, ad ellychnii flammam noctu sese comburentium, damnum ex ea nactura sit.

Hunc Phosphorum Hermeticum, *Amicorum Optime ac Certissime*, simulac, intra ædes tuas *Svvinfurti*, paucis abhinc hebdomadibus, ipse mihi perlegendum tradideras, statim vidi, dixique convenire eum in multis, ratione qualitatis luciferæ, cum lapide Bononiensi, in obscuro quoque illustri ac lucente, quod lapis ille penitus mihi perspectus & cognitus esset. Eo temporis momento promisi me breviter aliquid de illo editurum, simulatque occasio tulisset. Et quamvis de hoc lapide Bononiensi scripserint olim Clarissimi V. V. *Poterius*, *Montalbanus*, &c. & præ reliquis *Fortunius Licetus* Genuensis, *Promotor quondam meus in Facultate Medica* mihi semper vel post fata venerandus, qui singularem & integrum librum de hoc lapide Anno 1640. edidit; Ego tamen, cum mihi contigerit olim Bononiæ studuisse, ac Medicinæ, nec non cognoscendo huic lapidi operam per annum & ultra, curiose navasse, attingam saltem ea, (quantum hoc ætatis meæ decursu memoria adhuc valeo, atque anteactorum, annis præterlapsis multis, recordari possum,) quæ videntur propriâ potius mihi constare experienciâ, quam aliorum scripta recudere, librumque ex libris, (quod hodie frequenter fieri amat) conficere. Quæ verò ex aliis testimonii loco adducere, eorumque verbis uti visum fuit, id palam profiteri, suisque literarum characteribus exprimere, non erubescam. Quamdiu Bononiæ vixi, accessi locum plus vice simplici ab incolis edoctus natalem lapidis, atque ibi quamplurimos lapides ipsemet collegi, colligendosque ab aliis curavi, ut eos mitterem partim *Venetias*, ad *Clariss. Dn. D. Tackeniū*, qui ejus quoque lapidis exactissimam habet cognitionem, partim ut ipsemet eos domi calcinarem, ejusque naturam multis laboribus mihi perspectam redderem. Ut igitur promissis stem, leviter saltem (ut dixi) attingam ea, quæ mihi cognita sunt de hoc lapide, uberiora relinquens præfatis *Clariss. V. V.* ne cramben (quod ajunt) bis coctam afferam,

afferam, sed ut, quod selectius in hoc opere reperi, apponam, *lapidemque hunc luc, ferum* in medium producam, cum *Hermetico Phosphoro*, in plurimis quidem, non tamen in omnibus comparandum. Accedit & præcipua causa, quod in hac materia perbrevis sim, nempe officii ratio, qua *Serenissimi Electoris Brandenburgici*, Domini mei *Clementissimi* castia, nunc per septendecim annos secutus, ob varias itinerum ambages per *Germaniam*, omnis mihi occasio scribendi hactenus in itineribus præcisa fuit; donec tandem, jussu *Serenissimi Electoris*, hîc in castro ejus *Sparenberg* dicto, quod in edito monte situm *Urbi Bilefeldiensi* imminet, apud *Conjugem Ejus Serenissimam*, quæ ob partum instantem hîc subsistere cogebatur, commorari paulisper, ut ejus curæ præessem, mihi contingeret. Unde per paucos aliquot dies paulò quietior mihi redditus, atque sic occasionem scribendi nactus, paucula hæc, stylô magis Philosophico, rerum chemicis aliisque technologicis asperso, nec classicis Romanis Auctoribus per omnia conformi, de lapide Bononiensi lucifero in lucem edere tentavi. Et quamvis satius duxerim, latere potius, ac meo me metiri modulo, quam gloriam aliquam, ex aliquo scripturæ genere, apud nonnullos captare; tu tamen, *Excellentissime Vir*, voluntati huic meæ restitisti, & tua exuberante humanitate atque amicitia (quâ arctiore, ex parte uxoris, affinitatis vinculo adstricta forte fortunâ comperiebatur,) ad eò mentem immutasti meam, ut fractis propositi repagulis, ex obscuro, nunc in lucem, cum lapide meo Bononiensi progredi non dubitem: calcaria hîc imprimis addente, cum *Illustrium atque Excellentissimorum Dnn. Collegarum S. R. Imp. Academia Naturæ Curiosorum Album* mihi exhibueris, cui nomen meum inferere, fidemque dare jubebas.

Cui ergo potius, quàm Tibi, *Virorum Amplissime*, hunc qualemcunque libellum dedicatum irem, qui, tot & tantis amicitia nexibus, me tibi devinctum reddidisti?

Accipe igitur, *Amicorum maxime*, qualem qualem ingenii mei hunc paucorum dierum partum, *Lapidem Bononiensem luciferum*, humanitatis ac benevolentia tuæ ulnis, quo sub scuti tui umbra, concepta prius Apollinis luce, clarius elucescat, protegatur, ac nunquam non amore sincero foveatur.

Vale. Dabam in castro *Sparenberg* Pridie Non.

Jul. Anno 1675.

CHRISTIANO MENTZELIO, D.

Philos. atque Medic. D. Consil. & Archiatro
Electoralis

Prænobil. Excell. Clariss.

Cum de Lapide Phosphoro, in Monte Sparenber-
genſi ſcriberet.

Dicitur admotâ faculâ, radiante *Prometheus*
Ignem de Solis ſurripuiſſe rota.
Ipfum Caucaſei juvarunt culmina montis,
Queis cœlo proprio, ſideribusque fuit.
Ecce Promethides etiam MENTZELIUS altum
Felici montem ſidere nuper adit:
Cogit ibi in Lapidem flagrantis lumina Phœbi,
Ut tenebris clarè *Phosphorus* inde micet.
Incola nunc montis, ſic inclareſcere perge,
MENTZELI! æternas flat tibi fama tubas.

Collega & Amico Honoratiſſ. L.M.Q. Berolini
F.

JOH. SIG. ELSHOLZ.

L*uciferum Lapidem, quem clara Bononia monſtrat.*
Hoc libro oſtenſum *Teutonis ora* videt.
Hîc Tibi præcipuæ debetur adorea laudis,
Mentzel, qui doni nos novitate beas.
Pandere naturæ Myſtes myſteria perge,
Per Lapidem poterit creſcere fama Tibi.
Non ingratus erit *Lapis hic*, ſed præmia reddet
Luminis Auctori, lumen & ipſe novum.
Marmoribus poſitis multorum nomina clarent,
Unde Tibi creſcat fama, libellus erit.
Quo certi ſcite *Lapidis Myſteria* pandis,
Ars facit, ut poſſis *luminis* eſſe capax.
Marmora a tempore edit, non ſunt ea ſata librorum:
Namque libris doctis ſtat ſine morte decus.

Sic benè huic libello ominabar

Johannes Manzius, Scholæ Bilefeldienſis Rector.

Vir

Vir perspicati mente, qui *Chironia*
 Non nuperus, novusque, sed longo potens
 Ufu, probatus *artis* audis *arbiter*,
 Morum lepore & comitatis gloriâ
 Secunde nulli. Ceu per *Africa* sinum,
 Calore solis æstuantem fervidi,
 Qualis lubido prælii, aut cridæ dapis.
 Interritæ rapit *Leænæ* masculum,
 Seu mugientes inter adstitit greges,
 Taurumque luctantem premit mordacius,
 Oviliūve pervagator omnium,
 Mox unguibus fert molle balantum pecus:
 Sagaciori pectori se sic Tuo
 Immenſus ardor curiositatis, &
 Talis ſciendi fervor, atque audax calor
 Transfudit. *Hand unius es Phœbi* decus!
 Parum eſt, per herbas & medendi munia,
Machaonis celebriora reddere
 Decora, mortem ſiſtere, & moram dare
 Lintri, genus mortale quæ raptum vehit:
 Felicitate curioſâ nî petas,
 Divæ parentis, alta *Natura* ſacra,
 Cauſasque noviffe & modos, **BONONLÆ**
 Queis **LUCIFER** ſe det **LAPIS** Collegio,
Auſtoritate CÆSARIS ter-*Maximi*,
Natura, cui ſolertiâ non futili,
Indagine & ſublimiore panditur.
 Felix laborum! Sic bono periculo,
 Domosque *Naturæ* impetu laudabili,
 Perquiris ardens & remota viſitas.
 Tua iſta laus, *Vir Erudite*, qui ſimul
 Facem extuliſti mentis altæ, protinus
 Fugere nubes, priſcus & *Lapidis* nitor
Bononiensis inſtitit redire mox,
 Ceu nocte pulſâ clarior dies redit,
 Ceu vere ſudo ſolis emicat jubar.
 Quapropter eſto maſte, **MENTZELI**, Tuâ
 Virtute; *Non Te lucis indigum* premet

Gens posterorum, donec aut *Musis* honos
Extabit, aut suum labori præmium.

*Exiguum hoc officiosa Cuius sua monumentum
Nobiliss. Dni Autoris honori posuit*

Johannes Schmayer / Scholæ Bilefeldiensis
Pro- Rector.

Virtutes *Lapidis*, radianti luce corusci,
Quem nobis rudibus *per amœna BONONIA* mittit,
MENZELI, in mensa jam Solis, *Lucifer ipse*,
Exponis, *Spareberga* tuo applauditque labori,
Et meritò: Hinc etenim *Monti* quæ gloria surgit?
Quas memorare tibi poterit *Bilefeldia* grates?
Luce tuæ mentis, MENZELI *maxime*, quod jam
Per *Lapidem*, *Urbsque* suo cum *Monte* corusca ferantur,
Hactenus in tenebris & densa nocte sepulta,
Fructiferi Autumni ceu tempore sæpe videmus,
Urbem *Turrigeram* nebularum mole gravatam,
Cynthius *Hesperiiis* cum nondum sospes ab undis,
Sed simul in roseis ac fulget lutea bigis,
Quæ surrecturos surgendo prævenit *Eos*,
Ac radiante suo splendore coruscat *Apollo*,
Dispereunt nebulae densantis opercula cuncta.
Et genuinus adest rebus color omnibus; Ecce,
Haud aliter nobiscum agitur, *VIR MAXIME*, dum jam
Phosphorus illuxit mentis præfulgidus illi
Prædicto *Lapidi Tuus*, hinc splendore perenni
Eximius lapis, *Urbsque* suo cum monte coruscant:
Quas memorare tibi poterunt, *VIR MAXIME*, grates?

*Paucula hac Excellentissimi Dni. Auctoris opusculo
gratulabundus præfigere voluit.*

Johan. Crummel, Con- Rector.

SYLLABUS CONTENTORUM.

PROOEMIUM.

Sect. I. C. I. De virtute lucifera lapidis Bonon. cum Phosphoro Hermetico Cl.
Bald. communi

C. II.

C. II. De Phosphori Hermetici excellentiore virtute lucifera, quâ lapidem Bonon. superare videtur.

C. III. De qualitate lucifera lapidis Bon. quoad colores sibi propriâ, & quam Phosphorus Hermeticus non videtur possidere.

C. IV. De causis colorum luminis in Lapide Bonon. & Phosphoro Hermetico.

C. V. De causis coloris candidi luminis in Lapide Bonon. & aliis rebus.

C. VI. De proprietate Sulphuris & fœtoris in Lapide Bonon. differente à Phosphoro Hermetico.

Seçt. II. C. I. De loco natali L. B. & an nusquam reperiatut lapis lucifer, nisi in tractu Bononiensi.

C. II. De aliis rebus, quæ in loco Natali lapidis Bon. reperiuntur.

C. III. De Marcasithis & aliis rebus, quæ in loco Natali Lapidis Bonon. inveniuntur.

C. IV. De figura & magnitudine Lapidis Bononiensis luciferi.

C. V. De differentiis & notis optimi Lapidis Bononiensis luciferi, & vilioris seu non lucentis.

C. VI. De præparatione Lapidis Bononiensis luciferi.

C. VII. De Quidditate & causis proximis Lapidis Bononiensis.

C. VIII. De Causis lucis in lapide Bononiensi & Usu ejus medico. Epilogus.

PROOEMIUM.

A Nalogiam cœli & terræ, rerumque omnium, sapiens antiquitas non invalidis visa est stabiliisse fundamentis, cum Macrocosmo, supremæque infimis respondere statuit. De qua analogia, Harmonia cœli & terræ, aureæque catena, quâ omnes res naturales sibi invicem cohærent, alii alibi. Ego brevitati studens, hic analogicum aliquem ignem, in Lapide Bononiensi, rite per ignem præparato, exhibeo, ac per modum compendii id saltem in medium profero, quod memoriæ meæ post tot annorum intercapedinem adhuc inhæret: quatenus ille Lapis ratione luminis, quod ex aëre, radiis solaribus illustrato, concipit, cum Phosphoro Hermetico *Cl. Viri Christiani Adolphi Balduini, cognomine Hermetis*, partim convenit, partim discrepat. Hic Phosphorus Hermeticus, quem non sine admiratione summa quilibet Naturæ Curiosus mecum intuetur, quique hætenus nostra ætate instar solis rursus exoritur, nec absque sole per orbem Lumen suum diffundit, eundemque perlustrat, ansam præbuit, quare hîc de *Lapide Bononiensi Lucifero* scripserim. Hinc factum, ut relicta methodo vulgari, (qua res quælibet pertractatur suo nomine, definitione, genere

differentia, causis & similibus locis communibus:) *Phosphorum hunc Hermeticum Cl. Balduini*, præmissum cupiam instar alicujus textus, qui comparatione instituta cum re altera pertractari paucis debeat. Ita enim cum de proprietatibus *Lapidis nostri Bononiensis Luciferi*, quas obtinet communes cum *Phosphoro Hermetico*, egero, B. Lectori lectio fiet magis perspicua; Immo & futurum spero, ut factâ collatione inter duo hæc luminaria, sedulus naturæ studiosus, ulterius inquirere, ac tandem veritatem indagare possit: id quod primarius cujuscunque rei scopus ac finis esse debet. Quapropter statim comparationem *Lapidis Bonon. Luciferi* cum *Phosphoro Hermetico* aggrediar, & factâ partitione libelli mei, agam in *prima sectione* de proprietatibus *Luciferis*, quibus nostri duo *Phosphori* adinvicem congruant, aut differant, & quid peculiare *Phosphorus Hermeticus* possideat diversum à lapide *Bononiensi*, & vicissim hic ab altero. In *sectione altera* agetur de ipso *Lapide Bononiensi*, & in genere, & in specie: nempe de ejus Inventore, loco natali, de aliis rebus, quæ in dicto loco reperiuntur, de differentiis *Lapidis*, causis & quidquid breviter differi de *Lapide Bononiensi* per modum *Enchiridii* poterit, relinquendo *Clar. Liceto* & aliis sua, quæ de *Lapide* hoc, ejusque causis, more *Peripateticorum*, fusiùs pertractarunt.

SECTIO PRIMA.

CAPUT I.

De Virtute Lucifera Lapidis Bononiensis cum Phosphoro Hermetico Cl. Balduini communi.

Prima *Clariss. Balduini* Observatio de *Phosphoro* suo *Hermetico* est hæc: quod interdum ex luce *Solis* splendorem attrahat: uti pluribus in præfixo *Phosphoro* legi poterit.

Hæc qualitas cum *Lapide Bononiensi* nostro penitus est communis. Postquam enim lapis noster legitime est calcinatus, aërique diurno expositus, sive aër sit nubibus obscurus, sive earum expertus & radiis solaribus pervius, brevi temporis momento is lumen à Sole mutuatur, atque in obscuro illud ostendat. Unde lapis noster quodammodo Nomen *Lunaria* quoque promereri videtur, cum æquè ac luna suum lumen à Sole adsciscat. Præstat autem noster lapis *Bononiens.* hanc vim luciferam solum à Sole, existente eo supra Horizontem, sive dies sit serenus, sive obnubilatus, quemadmodum ego quidem expertus sum. Clarissimus autem *Poterius* lib. 2. *Pharmac. Spagyr.* c. 27. & ex eo

Fort.

Fort. Licetus, Lith. c. 5. &c. asserunt, lapidem hunc à Luna quoque suum recipere lumen, unde à quibusdam dicatur Lapis Lunaris.

Ego verò, etsi tantis Viris reclamare nolim, cum multum in modo præparandi seu calcinandi lapidem situm sit, alterque lapis alterum virtute Lucifera superet, ut hac ratione possibile sit, aliquos lapides Bononienses etiam à Lunæ ascititia luce lumen acquirere, atque in tenebris illud repræsentare; sæpius tamen experimentum cepi ex meis lapidibus calcinatis, quos noctu, serenissima existente tempestate, ad lucem Lunæ mutuatitiam exposui, cum jam Luna penitus esset plena, ut explorarem, utrum tunc quoque lumen imbiberent è Luna; verum lapides isti optimè præparati & luciferi tunc temporis nihil quidquam splendoris aut lucis retulerunt in obscuro, etsi frustra per totam noctem ad plenilunium clarum experimenta fecissem. Mane vero summo, simul ac Apollo relicta aurora Horizontem attigerat, lapides isti sub dio collocati, rursum in obscuro lucere incipiebant, satis clarè, instar ferri candentis, aut carbonis, colore miniaceo rubro: argumento non invalido, Solem esse scaturiginem ignis ac lucis: sicuti hoc ipsum aliis constat argumentis.

2. Secunda Observatio Clariss. Balduini est, *quod ejus Phosphorus Hermeticus vel ad parvulam candelæ flammam lucere deprehensus fuerit*. Tantus lapidis Bononiens. Magnetismus tam facile lucem ab imbelli candelæ flamma concipiendi, à me non fuit observatus, cum illum ad ellychnii flammam nunquam admoverim. Hoc autem experimento deprehendi, cum locassem illum prope ignem focalem, ubi erat multa flamma cum prunis igneis: sic repositum, post moram aliquam in pileum, vel locum obscurum, reddidisse parvum lumen, vix sensibile. Vnde possibile est, eum quoque à candelæ flamma lucem mutuari & tanquam accendi posse. Idem hoc *Clar. Licetus* in suo Lith. c. 4. approbare videtur, inquiens: *lapidem Bononiensem etiam à flamma facis ardentis lucem concipere*, & hinc quibusdam *lunam terrestrem* dici.

Colligitur hinc, lapidem Bononiens. æque ac Phosphorum Hermeticum lucem posse concipere ab igne focali & terrestri, & ideo hæc duo luminaria etiam hac in parte quodammodo convenire; differre tamen inter se virtute concipiendi: quod lapis Bononiensis difficilius: Phosphorus autem Hermeticus facilius lumen ab igne hauriat.

3. Tertia Clariss. Auctoris Observatio hæc est, *quod ejus Phosphorus Hermeticus, vel vitro inclusus, nihilo secius lumen ex luce Solis & candelæ accensæ, attraxerit*. Idem experimentum feci & ego in lapide Bononiensi, qui à me in vitrum positus, & ita clausus radiis solaribus expositus, lumen de se sparsit in loco tenebricoso. Unde Auctor noster porositatem vitri probare nititur. Conveniunt igitur hac in re quoque nostri duo Phosphori.

4. Quarta observatio præfati Dn. Auctoris est, quod ejus Phosphorus, non tantum albo parieti admotus, in tenebris splendeat, sed etiam parietem illustret, & instar lune, terram illuminantis, lumen quoque de se reddat. Noster lapis Bononiensis, etsi subiectum tenebricosum, in quo ille lumine plenus collocatur, non valde illustret, uti Phosphorus Herm. album parietem, in pileo tamen repositus, ubi chartam albam quoque locavi, lumen quamvis debile & vix sensibile circum sese effudit, adeo ut subiectum sive fuerit pileus, sive charta, exactè potuerit dignosci. In albo autem pariete non institui experimentum.

Conveniunt igitur quodammodo & in hac re Phosphorus Hermeticus & lapis Bononiensis, quod nempe ambo de sese, in distans, possint effundere lumen, quamvis hic remissius, ille autem fortius.

5. Quinta Observatio Cl. Balduini de suo Phosphoro Hermet. est, quod ille ascititium suum lumen per morulam interjectam iterum deponat. Idem hoc in lapide contingit Bononiensi, cujus lumen, ab aëre ambiente claro conceptum, non diu in subiecto suo permanet, sed iterum post aliquam moram tenues evanescit in auras, reditque eò, unde venerat: repetit autem lumen, quoties iterum luci exponitur publicæ, non tamen perpetuo retinet. Sic ambo Phosphori conveniunt prædictis quinque modis, quibus comparari inter sese possunt. Denique sunt alia, quibus conveniunt, de quibus suo loco.

CAPUT II.

De Phosphori Hermet. excellentiori virtute lucifera, quâ Lapid. Bonon. superare videtur.

AT incomparabilia, nec quicquam communia, inter Lapidem Bononiensem & Phosphorum Hermet. ratione virtutis luciferæ, videntur ea, quæ Clariss. Balduinus Observ. 6. 7. & 8. habet, nempe: quod Phosphorus ejus Hermet. lumine solari pragnans, in vitrum spiritu nitri plenum conjectus, nihilominus lumen in obscuro de se sparserit. Deinde quod ex isto liquore extractus, iterumque exsiccatus in occulto, ut lumen amitteret, rursumque positus in vitro frigida pleno & expositus luci diei, fulgorem igneum nihilo secius iterum attraxerit vel in ipsâ frigida. Denique & quod exemitur rursum ex frigida, exsiccatusque & in occulto orbatu suo lumine, calidaque fornaci impositus, lumen suum repetierit quoque in ipsâ fornaci, licet camera fuerit obscura & lumine penitus orbata. Forsan vim luciferam à calore fornacis recepit Phosphorus ille, qui ab aëre ambiente obscuro camera non poterat eam acquirere.

Admiranda sane talia, nempe: quod lumen clarissimum alicui subiecto in-
hærens.

lucens, & quod non tantum summâ ignis vi, seu calcinatione, & calorem & lumen absconditum retinuerit: verum etiam ab externâ ignis, sive solaris, sive terrestris, luce, tanquam de integro, & calore & lumine accensum & exaltatum, ejus calor & lumen frigida, vel alio liquore, non extinguatur, sed suum vigorem, calorem, lumenque retineat illâ sum, salvum & integrum. *In hisce omnibus, inquam, Phosphorus Hermeticus superare videtur nostrum Lapidem Bononiensem.* Quamvis fatear, metalia, experiundi gratia, nunquam aggressum fuisse, aut de iis, experimento indagandis ullas suscepisse cogitationes. Arbitror tamen, lapidem nostrum, in liquore, aut frigida, submersum, idcò non lucere, quod noverim illum, vel calcinatum, facile aquam rursus imbibere, quoniam ante sui præparationem & calcinationem, in pulverem subtilem teritur, & aquâ miscetur. Utrum verò Phosphorus Hermeticus, aquâ submersus, eam quoque in se absorbeat, vel minus, *Clar. noster Auctor* declarabit. Itemque experientia, rerum magistra olim nos erudiet, utrum talia Lapis noster Bononiensis præstare quoque possit, nec ne. Interim tamen, quia nihil hujus admirandæ qualitatis luciferæ, de Lapide Bononiensi, possum affirmare aut prædicare, quam hoc loco *Cl. Balduinus* de suo Phosphoro Hermetico protulit, idcirco brabeum auferat jam Phosphorus ille, cedatque ei noster Lapis Bononiensis, quem olim tantopere admiratus fuit, & cui simillimum, quoad virtutem luciferam, in natura dari *Clariss. Licetus Lith. c. 24. & passim*, pernegat. Verum dies diem docet, & sicuti almus Sol, singulis diebus, singula producit, aufert, redintegrat: ita definitis suis seculis, abditas naturæ artes, ex ignorantia abyssu producant, ablatasque reducunt Apollinis Filii, Hermetisque nepotes, quæ

de meliore luto finxit præcordia Titan.

Cæterum quæ *Clariss. noster Auctor* loco 9. 10. 11. 12. 13. & 14. ponit, ea ad vim Magnetis universalis luciferam non spectant, sed vel ejus causas, vel alias res beneficio ejus Phosphori Hermetici, inveniendas.

CAPUT III.

De Qualitate Lucifera Lapidis Bonon. quoad colores sibi propriâ, & quam Phosphorus Hermet. non videtur possidere.

Plures igitur proprietates, ratione Virtutis luciferæ, communes habet Lapis noster Bononiensis, cum Phosphoro Hermetico *Clariss. Balduini*, non tamen præcipuas & excellentiores. *Ratione autem colorum lucis videtur*

fibi aliquid peculiare & proprium vindicare Lapis noster. Nam licet ordinarius calor luminis in utrisque luminaribus sit, instar ferri candentis aut carbonis ignei, nimirum ruber, uti minium; observavi tamen quoque Lumen in eo cœrulei coloris, instar viridis æris, aut cicindelæ, vel sulphuris ardentis, candelæve jam jam ardere incipientis. Hoc ipsum quoque observasse *Clariss. Montalbanum Prof. Bononiens.* (quem ex Cathedra olim differentem audiavi, magnâ *Viri eruditissimi* familiaritate usus,) *Clariss. noster Licetus* in suo *Lih. c. 27.* ostendit, inquit: *Clariss. Montalbanus* quoad colores, tres observavit differentias, tum *vividi luminis, in rubro saturo veluti carbone, ferrove candente: tum subcœruleam, vix Sulphuris levem flammam; tum rarissimas igneas quasi favillas.* Est autem color ille cœruleus vel secundum *Montalbanum* subcœruleus, viriditate aliqua mixtus, qualis in viridi ære, Δ & vitriolo Veneris &c. esse solet. Deinde semel tantum mihi contigit videre, in Lapide quodam Bononiensi calcinato, lumen ex rubro obscurè candicans. Hunc arbitror esse, quem *Clar. Montalbanus*, descripsit ita, quod rarissimas referat igneas quasi favillas. Hi duo colores, nempe cœruleo-viridis, nec non candicans, ut favillæ, non sunt à *Clariss. Balduino* annotati in suo *Phosphor Herm.* Unde præsumitur, illius Phosphorum his carere coloribus. Et si negare nolim, quod *Clar. Auctor, Aurum Auræ* suum hisce caloribus aliquando, (si studium in hac re & operam velit locare) tingere possit, ut ejus lumen de se tales, in obscuro, reddat colores.

CAPUT IV.

*De Causis Colorum Luminis in Lap. Bononiensi &
Phosphoro Hermetico.*

CAusas igitur colorum proximas in lumine Lapidis Bononiensis ut leviter inquiramus, servabimus ordinem colorum triplicem, in nostro Lapide Bonon. à *Clariss. Montalbano* observatum.

Primus igitur ordinarius & præcipuus color luminis in Lapide nostro, cum Phosphoro Hermetico communis, est *ruber satur*, qualis in carbone & ferro candente solet esse: hunc si *substantialem*, juxta usuales pictorum colores nominare velis, quo ignem vulgarem, carbones aut ferrum candens in tabula repræsentare nituntur, minium, vel ex cinnabari & auripigmento, vel plumbagine lutea mixtum colorem, minio similem, nomines necessum erit. Unde igitur hic in igne vulgari color ruber-aureus? A fonte, respondeo, omnis ignis, calor & coloris, *almo* scilicet *Sole*, siderum rege, auricommo Apolline. Hic suo fonte calore, auctoque cuncta penetrans & permeans, Sulphuris sui aurei rubri

rubri qualitatem rebus cunctis, ad tale Sulphur suscipiendum aptis, impertit: unde ex iis flamma iterum excitata tali resultat colore, qualis ingeneratus illis atque impressus antea fuerat: in flamma quidem aureus lucens, in carbonibus autem cineribusque, miniaceus & ruber. Veriorem qui producere potest causam hujus in luce & igne coloris, ejus vestigia lubens sequar.

Secundus color in lumine lapidis nostri mihi *cœruleo-viridis*; *Clariss.* autem *Montalbano* subcœruleus est. Hunc à Sulphure & Vitriolo Veneris provenire statuo. *Alma Venus*; antiquorum Phosphorus, Hesperusque: Apollinem nunc præcedens, nunc sequens: Diei nuncia noctisque. Si ab hac ornatus nostræ terrenæ Veneris profluere debeat, vestiri ac indui eam habitu cœruleo-viridi (uti in ea deprehenditur) necesse erit. Hæc sua obtinet subjecta, quæ tali colore inficit, nunc magis, nunc minus. In nostra Venere est Sulph. & Vitriolum cœruleum exuberans: & in Sulph. & Vitriolo cœruleo est quoque Venus. Hæc ignis ærisque lucidi amantissima est, adeò, ut nullus ferè ignis accendatur, qui ante multam flammam, statim in sui exordio, colorem cœruleo-viridem, Sulphuris accensi in modum, non referat. Imò basis cujuscunque flammæ, sive sit ellychnium, sive lignum, ad latera sua hunc exhibet colorem. Inficit quod omnes liquores suo æruginoso sapore & colore: imò ipsum replet ærem odore & colore. Salarmoniacum factitium nostrum, in ignem conjectum, flammam exhibet cœruleo-viridem, quem colorem, ex vase cupreo, in quo Salarmoniacum erat confectum, contraxerat. Sic in officinis ferrariis vel laboratoriis Chemicis, ubi vel tantillum Veneris, aut Sulphuris, aut Vitrioli fuit carbonibus immixtum, flamma subinde eminet subcœrulea. Ipsum cuprum in igne patente flammam hoc colore dicit. Et quod admirandum est, si flammam candelæ per siphunculum, quo aurifabri argentea sua Opera, beneficio borracis vel alterius medi, ad invicem consolidare solent, in rem cupream, Sulphure aut Vitriolo quod constantem, insuffles, ipso momenti puncto, quo candelæ flamma istud cupreum objectum attingit, tota inficietur flamma colore cœruleo-viridi, ad ellychnium usque, nihil obstante impetu halitus impulsæ, quo effluvia Vitriolo-Sulphurea quod, vel cuprea, vi flammæ impulsæ, ab arceri potius præsumerentur, quam ut tanto flammæ ictui contraniti, imò sese per totam flammam ingerere possent. Adeò rapidissimè flamma cupreas absorbet partes, ut nulla æris vis nec ullus impetus obstare possit. Unde probabile est, Venerem nostram igneis & Sulphureis partibus totam constare, æremque talibus & omnium rerum effluviis esse refertissimum. Quod si causam *lucis cœruleæ*, in cicindelis vel lampyridibus vulgò dictis insectis, *nocturno splendentis*, aliquis in materiam Sulphuream aut vitriolo-cupream, eorum luci, à summo creatore, ab initio rerum, implantatam & admixtam, referre voluerit, ei non contrarius

obviam irem. Sed de hisce infectis, eorumque generibus, differentiis, & quæ a parte corporis & quo tempore luceant, experimenta mea in aliud differam tempus. Cum itaque in loco natali Lapidis Bonon. vitriolum ♀ & ♂ in marchasitis aureis ubertim ibi jacentibus, copiosè reperiatur, & Lapides quidam hoc Sulphure & Vitriolo prægnantes sint; An igitur aliunde color luminis cœruleo-viridis, quandoque in lapidibus nostris, quam à Sulphure & Vitriolo ♀?

CAPUT V.


De Causis Coloris candidi in lumine Lapidis Bonon. & aliarum rerum.

Tertius & ultimus color luminis in nostro Lapide Bonon. observatus à Clariss. Montalbano est, quod lumen in eo quandoque rarissimas referat igneas quasi favillas. Cum autem favilla omnes supra cineres, sub qua ignis latitans adhuc rubet, colore candido niteat, ideoque color luminis in Lapide Bononiens. quandoque erit candidus: quod mihi semel tantum, licet obscure, videre contigit. Causas hujus rei perquirenti, mixtura, Sulphuris albi, argentei, stanneique, nec non particulæ salino-nitrosæ mihi videntur. Diana nostra cum cygnis suis albicat, multumque candoris cum Jove rebus suis impertit, in quas incidit: ipsamque Venerem albedine illustrat & superat, præsertim humiditatem nacta. Confer te in altum, noctuque cœlo serenante (cum navis tua, tranquilliore aëris motu, mare altissimum, ut est Atlanticum, sulcat,) injice vel levissima quæque in mare, etiam minimas sputi tui guttulas, roris in modum, ex ore tuo spargas, & videbis argenteas in ipso mari scintillulas relucen-tes, quotquot, roris instar, guttulæ sputi tui in mare inciderint. Lignum putridum, argenteum suum splendorem noctu non exhibet, humiditate sua privatum: cum enim Sulphuris rubri partibus sit orbatum, albumque adhuc cum nitrosis particulis inhæreat, necessum est in humido, lignum relucere noctu colorem candidum.

Calcinabam olim Studiosus antimonium cum nitro, more vulgari, in tigillo, ut haberem diaphoreticum vulgò dictum: cumque materiam spatulâ agitâsem in crucibulo, ignemque subtus occultâsem lateribus, ne esset conspicuus, in loco tenebricoso & vespertino tempore, apparuit mihi materia agitata, præsertim ad latera tigilli, tota argentea, luce perquam candida, paucula tamen viriditate intermixta.

Causam in Sulphur aliquod album, quod contineret antimonium cum nitro permixtum, transtuli: quamvis hoc Phænomenum post hæc mihi nunquam affulsit vel aliquoties inquirenti: *Saccharum albissimum*, quod optimum habetur, durumque est, si in obscuro, ab illo aliquid cultro abrasas, lucem candidam, scintillarum instar, exhibebit, ob partes salino-nitrosas cum sulphure albo permixtas.

Has particulas, effluvii lucentis in modum, egredi quoque ex *cati* pilis & *cato* existimo, cum in tenebris pellis cati adversum pilos, seu à cauda versus caput, crebrò manu fricatur. Quod *Johan. Nierenberg. lib. 1. cap. 7. Hist. Nat. peregr.* & ex eo *Clariss. noster Balduinus* in suo Phosphoro hîc præfixo, refert, de puella nobili, quæ pectine, ex capillis suis flammæ, veluti ardentes cœlo stellas, in sinum excussit: Illud mihi ipsi accidisse juveni adhuc, sanctè affirmare possum. In ædibus paternis cum aliquando summo mane surgerem, ut concioni sacræ in templo interesssem, contuli me ex cubiculo in hypocaustum calefactum (mense Februario ferè finito) atque ibi assidens fornaci, ac me vestiens, cœpi capillos pectine, ex setis quidem suillis confecto, comere. Et ecce simulac pecten à capite & capillis deorsum detrussissem, innumeræ scintillulæ clarè lucentes, omnes quidem colore albo, à capillis excutiebantur. Perterritus primum hoc spectaculo, intuebar pectinem, fornacem, & quidquid ante & retro caput esset. At cum nihil sese vultui offerret capillos rursus pexui: & quotis vicibus actum pectendi repetiveram, toties excidebant scintillulæ ex capillis. Actutum me ad fenestram contuli, (erat saltem unica, per quam diluculum matutinum incidere poterat in cameram 50. pedes longam, nec ultra 12. latam,) ut spectaculum ad lumen exorientis diei quoque videre possem, quod tamen non adeo exacte sese oculis præsentabat, quam in loco obscuriore, post fornacem. Hoc mane plus temporis dabatur pectinationi, quam alias ferioribus rebus, ob spectaculum hoc. Altero mane & posthac nihil quidquam tale in me expertus sum. Vir. Cl. *Joh. Manzius*, Scholæ Bilefeldiensis Rector, dum hæc typis exscribenda Bilef. curo, mihi narravit, sibi adolescenti olim, dum ex graviore morbo jam convalesceret, & in tenebris lectum petiturus, thoracis nodos solveret, plurimas ignis scintillas subitò è sinu excidisse. Idem in tenebris capillum pectens, in ipso ætatis flore, aliquoties scintillulas observavit.

Et si autem causam hujus rei in talia effluvia capitis & capillorum, quæ  album cum admixtione nitrosi salis continent, referre possem; tamen quia scintillæ istæ capitis tantum unius erant diluculi matutini, vereor ne alia latens simul adfuerit hujus rei causa. Ex his liquet, causam luminis candidi in obscuro, consistere præcipuè in Sulphure albo (quali *D* & *Jup.* scatent) mixta cum parti-

culis salino nitrosis, sæpius cum humiditate quâdam junctis. Sic ubi Lapis noster Apollinis auro, Lunæque argento, nutu Jovis, mixturam falsam adeptus est, fit lumen in obscuro, juxta *Clariss. Montalbanum*, rarissimas igneas quas favillas exhibens.

CAPUT VI.

De Proprietate Sulphuris & fœtoris in Lap. Bonon. differente à Phosphoro Herm. Cl. Bald.

Licet de Sulphure triplici, quod in Lapide Bonon. ratione Luminis reperitur, in præcedente capitulo egerim, cum tamen ob fœtorem ingentem Sulphuris, quod in Lapid. Bononiens. est, differentiam sortiatur Lapis noster à Phosphoro Hermetico, quem sine ullo fœtore esse tanquam purissimum ens præsumo, placet paucis de Sulphure & fœtore Lapid. Bononiensis hîc differere. Igitur in Lapid. Bononiens. Luciferis, præsertim qui qualitatem lucentem non habebant, deprehendi fœtidissimum olens Sulphur. Nam dum calcinare illos in igne vehementi tentâram, conspexi in ipso ignis ardore maximo Sulphur quoddam lutei coloris, quale est commune nostrum Sulphur, ex fissuris lapidum excoqui, quod igne non depascebatur, sed in ipso perdurabat, bullulas tantum excitans. Nullam autem flammam ex lapidibus egredientem ab initio calcinationis usque ad finem sensi, quamvis fœtor à Sulphure aërem impleret. Extracti igitur Lapid. (quos non comminutos, sed integros in ignem posueram,) spargebant fœtorem putridum, instar Sulph. Stibii, quando illud cum sale tartari, vel cineribus fagi exustis calcinatur, ejusque Sulphur calidâ extrahitur. Talem fœtorem quandoque ferrum spargit cum Sulphure elaboratum: Item Arsenicum. Hos Lapides calcinatos recondideram fortuitò juxta monetam argenteam cupreamque, quam Lapides suis exhalationibus Sulphureis adeò nigredine infecerant, ut vix Julios meos argenteos, cupreosque (Italis dictos) bezones cognoscerem, ac nigredinem ab iis lotionem quadam iterum tollere possem. Argumento, quod Sulphur in Lapid. Bonon. sit grossum, fixumque aliquo modo, cum non flammigeret in igne, sed diu admodum in eo persistat, bullasque tantum emittat vi ignis, tanquam sale quopiam fixo foret permixtum, quod Sulphur itidem fixum redderet. Hinc quoniam post validam ignitionem & calcinationem Lapis nihilominus effluvia spirat Sulphurea, quæ metalla obfuscant, necesse est Sulphur in eo non esse in totum fixum, sed ex parte duntaxat. Quod enim fixum omninò est, illud ignis torturam sustinet, atque in eo persistat intemeratum, nulla effluvia emittendo, quale aurum

rum est. Grossum verò & terrenum in eo Sulph. esse, arguitur ex fœtore ejus, post ignitionem. Si enim Sulphur in eo esset purum atque omnis terreitatis expers, nullum ederet fœtorem, sed cum sua puritate persisteret quoque fixum in igne. Vnde colligo, *Clar. Balduini Phosphorum Hermet. Sulphure puriore & fixiore constare, quoniam ei ex Aura simpliciore Aurum istud, sive Sulphur solare, purum advenit, unde procul dubio omnis quoque fœtoris erit expers.* Hinc etiam Lapidēs nostri Bonon. quantò minus sunt Sulphure prægnantes, tanto pellucidiores, puriores atque aptiores sunt ad lumen concipiendum, quando sustinuerunt calcinationis ignem. Fœtidum Sulphur quoque lapidibus nostris inesse indicavit olim *Poterius lib. 2. Pharm. Spag. cap. 27.*

Addit etiam, eos sale acerrimum, mordacem & verè arsenicalem possidere. Id quod verumprehenditur, quoniam vi causticâ pollent, post ignitionem, & Psilothra ex iis facilè parantur. Porro inquit *Poterius* loco citato, ejus Sulphur non esse ita fugax, ut arsenici, imo fixum manere in igne, fortemque sustinere calcinationem. Necessum igitur est, Sulphur in lapidibus nostris esse sale quodam fixo permixtum, quod illud in igne illæsum conservet, nec tam citò absumi patiatur.

SECTIO SECUNDA.

CAPUT I.

De Loco Natali Lapidis Luciferi, & an nusquam is reperiatur, nisi in tractu Bononiensi.

ANtequam ad causas naturales Lapidis Bonon. progrediar, visum est prius de Loco Natali ejus, & quid rerum naturalium fossilium ulterius in dicto loco reperiatur, paucis differere, ut illis cognitis, cò melius in naturam & causam Lapidis nostri possimus inquirere. Cum autem lapis nobis dicatur *Bononiensis*, indicatur hoc epitheto ejus locus natalis, *Bononia* nempe *Italorum, alma studiorum mater* absolute dicta, & nomine & ipsa re commendabilis. Hæc Bononiensis tellus produxit hunc lapidem luciferum ante annos circiter septuaginta, dum hæc seribo. Anno enim 1604. quidam civis Bononiensis (ut refert *Clar. Licetus Lith. c. 2.*) nomine *Vicentius Casciorolus* Chemie deditus, ad Chrysopœiam à *furrina* translatus, cum inveniret lapidem hunc Sulphure ponderoso prægnantem, Solarem vocavit, eumque aptum ad Chrysopœiam judicavit. Hic vir Lapidem hunc multis laboribus antea subactum, non qui de se promeret aurum, sed qui sorberet in se Solis aureum lumen, cœlestemque thesaurum velut

notus furaretur è cælo *Promethæus*, (ut *ipsis utar verbis* Cl. *Liceti*) præparavit. Plura de inventoris occasione legantur apud *Poterium* l. 2. *Phar. Spag. c. 27.* Fuit igitur *Chemiæ* deditus inventor. O divinam artem! quæ nobis mortalibus divina prorsus aperuit. Quid enim sublimius illa arte, quæ tot invidiæ dentibus mordetur? Vti enim Sacrosancta Theologia infinitis modis à Satana infestatur: Ita hæc ars, quæ abditos *NATURÆ Dei Filia*, recessus perscrutatur, à *Satanæ* membris oppugnatur. Sed veras *Chemiæ* laudes pertractet, eamque vindicet contra ejus adversarios Cl. *Olaus Borrichius*, & alii. Meum non est, hic longius digredi, sed è *sutrina* transfugam *Casciorolum* suo quoque encomio exornare, quod artis hujus divinæ cupidus, suis *Chemicis* laboribus *luciferum* hunc *Lapidem Bononiæ* prodiderit: etsi aurum quærens, sibi & suo Domino inaniter aurum (teste *Poterio*) profuderit. Id quod certissimè accidit aurum hac arte solum quærentibus, a videque illi inhiantibus. Cæterum locus natalis specialis *Lapidis circa Bononiam Mons est Paternus* (vulgò monte *Baderno*) dictus, ad quem me sæpius contuli, cum *Bononiæ* Medicinæ operam navarem, ut *Lapidem nostrum* in suo natali conquirerem solo. Locum hunc natalem, quâ via ad eum eatur ex urbe, exquisitissimè descripsit *Poterius*, loco sæpius citato, adeo, ut illum vel *Pictorum gloria Apelles* artificioso penicillo suo melius obtutui nostro proponere non posset. In dicto monte *Paterno*, post pluvias ingentes, ab illo, torrentis in modum, decurrentes, eluitur in montis rimis & scissuris patentibus, atque invenitur *Lapis Bononiensis*.

Etsi autem *Lapis hic lucifer* hætenus tantum in comitatu *Bononiensi* fuerit inventus: attamen non ausim asserere, illum nusquam alibi, præterquam in comitatu *Bonon.* existere. Nam si *Thuani Historia lib. 6.* fidem non superat, de admirando quodam *Lapide lucifero*, qui anno 1550. ex *Indiis*, à quo piam viro, qui fuit *Bononiæ Belgarum*, allatus, *Bononia* *Italorum* non tantum erit fertilis lapidum *luciferorum*, sed aliquis *Indiarum* quoque locus. Sic *Athanas. Kircherus in arte Magn. l. 3. p. 4. quæst. 2.* hujus *Lapidis lucif. mineram* apud *Tolosam* inveniri scribit. Ita *silex ille lucifer Joh. Bapt. Helmontii*, de quo in suo tractatu *Magnum Oport.* ex alia patria, quam *Bononia* erit oriundus, cum *Lapis noster Bonon.* non sit ex genere *silicum*. Imò ipse noster *Lapis* non tantum, circa *Bononiam*, *Montem Paternum* dictum, pro loco natali agnoscit, sed agros quoque *Roncharia* & *Pradalbino* dictos, uti calculum meis assertis addit *Clariss.*

Poterius.

CAPUT II.

*De aliis rebus, quæ in Loco natali Lapidis Bononiensis
reperiuntur.*

AD radicem *Apennini montis* totam Italiam ferè per medium secantis *Clarissima Urbs Bononia* sita est. Simulatque enim extra Urbis portam, *S. Mammolo* dictam, pedem ponas, moveasve, ut conferre te ad montem *Paternum* cupias, adscendere *Apenninum* cogeris. In hoc tractu ingentes sunt montes ex mero gypsario Lapide constantes, quibus incolæ ignem substruunt, ut gypsum in calcem exurant, ad ædificia construenda & dealbanda. *Gypsum*, seu *Lapis gypsarius* ex genere calcarii Lapidis est: diaphanum, nunc striatum, nunc squamatum & scissile instar *talci*, lapidisve specularis. Differt autem gypsum à Lapide speculari & talco, quod hæc non adeò facile possint igne superari & in calcem exuri, quàm gypsum, aut communis *Lapis calcarius*. Est enim *talci* quoddam genus, quod ferè nequit igne perdomari, quale est *Moscoviticum* & quidam *Lapis specularis*, præsertim qui vices vitri in lucernis habet & flexilis est, non facile igne vincitur. Gypsum autem vel ad ellychnii flammam, suam perdit transparentiam & consistentiam, abitque facile in albam calcem. Æmulatur autem valde Gypsum Bononiense Lapidem specularem, cum diaphanum penitus sit, & in foliola tenuissima quoque separari possit, quemadmodum *Lapis specularis*: at Gypsum hoc tantæ magnitudinis non est, quantæ est specularis *Lapis*, neque, ut innui, resistit igni, sed facillimè calcinatur. *Talci* autem genera, Lapidemque specularem in loco dicto & circa *Bononiam* non inveni, ut ut *Clar. Licetus c. 1. Lith.* affirmat, ea ibidem reperiri. Idem quoque scribit loco citato, *Achatem in loco natali lapidis fuisse effossum: Adamantem, Bohemico similem, Jaspides, omnis generis marcasithas, Salem ammoniacum, Vitriolum, Antimonium, lapidem Judaicum & rariores plantas ibidem existere.*

Achatem, Jaspidesque non offendi, quamvis non velim negare omnia, quæ ego non vidi. *Silices* verò transparentes, ex quibus *Adamantes* Europæi expoliuntur, collegi ibidem. Nam mihi olim illi innotuerant, cum in *Borussia* viverem, Studiosus medicinæ. Contigerat mihi aliquando, *Ciconiam*, ex nido desumptam, cultello anatomico disseuisse, in cuius ventriculo inter reliquos calculos silicem quoque *Adamanteum* eximi optimæ notæ; qui deinde expolitus *Bohemicum* præstantiâ longe superabat. Reperiuntur tales silices, ex quibus hodie vasa crystallina optimi generis conflantur, ubique ferè locorum, ubi præsertim rivuli, fontesque vivaces è terra scaturiunt, purior-

que arena à natura eluitur : quemadmodum in Comitatu Clivenſi conſtat. Nec mihi videre ibidem accidit Antimonium & lapidem Judicum : quamvis forſan adſint. Ex foetore enim antimoniali & arſenicali, quem noſtri lapides calcinati exhalant (uti inferius dicitur) facile conſtat, mineram Antimonii quoque ibidem latere. *Lapis Judaicus* in *Boruffiæ* agris quondam mihi repertus eſt, alias nuſquam alibi. In monte *Paterno* circa Bononiam, contigit mihi quoque videre lapidem prægrandem, plusquam centum librarum. Hic inſtar ſtatuæ, figuram hominis dimidii adeò exactè æmulabatur, ut arte ex lapide exciſus in talem formam videretur. Referebat enim ſpecie, caput, collum, brachia & ventrem. Ut igitur exploratum haberem, num ab arte, an verò naturæ induſtriâ, in talem formam eſſet redactus, comminui lapidem, qui cunctibus aliorum præduriorum lapidum non reſiſtebat. Quo facto, inveni intus ſubſtantiam limoſam, ſiccā tamen, æqualem, coloris cineritii, ſubtili arenā permixtam, ſic ut exteriori vi non admodum pertinaciter reſiſtere potuerit. Tota autem ejus ſuperficies erat obducta materiâ quadam ſubluteâ, ad lucem transparente, inſtar cornu : qualis apparet minera argentea, quæ ob ſuam diaphaneitatem metallurgicis noſtris Germanis dicitur *Hornſtein* (quaſi diceret) *lapis corneus* : At marcasithas ſuſtuli multas in monte *Paterno* : de quarum ut & Lapidum Bononiensium ſingulari & rara figura diſſertationem exhibui olim Patavii *Clar. Liceto*, ut ſuo libro de hoc Lapide, iterum prælo (ut animus erat) ſubjiciendo, adjungeret : quod & juxta pollicitationes ejus factum fuiſſet, niſi fata Virum præveniſſent. Sed de Marcasithis aliquid fuſius, in ſequenti capitulo.

CAPUT III.

De Marcasithis & aliis rebus, quæ in loco natali Lapidis Bononiensis inveniuntur.

Marcasithæ ſunt duplicis generis : aliæ dicuntur *aureæ*, aliæ vero *argenteæ*. Hæ ad naturam metalli propius accedunt. Nam, ex monte *Bructero*, & aliis locis, exciditur, ut alia ſolent metalla ſaxis ſuis & glebis inhærentia. Ejus minera circa dictum montem conſtat ex ſiliceo Lapide, rarò Sulphure, potiſſimum verò ſplendore plumbeo argenteoque intermixta. Ex hac minera contuſa liquatur Marcasitha argentea ad nonnullos uſus deſtinata. Illa verò, quæ aurea dicitur Marcasitha, videtur mihi tota alterius naturæ & diverſa à Marcasitha argentea. Auream vulgus nominat, quod aureo colore, maximam partem verò, cupreo ſeu æreo, conſtet. In his Marcasithis plurimum deprehenditur Sulphuris, eluiturque ex eis Vitriolum ☿ : Poſtquam enim ☿ omne, ignis

in ignis vi & flammâ, fuit consumptum; terra remanet rubra, ex qua ꝑ parari potest, Vulcani arte. Hæc Marcasitha, in loco Lapidis nostri natalitio, reperitur. Sunt hæc Marcasithæ Bononienses *Pyritæ lapidæ*, ex eorum genere, quos Equites nostri Germani hæctenus, suis sclopetis ephippiariis adaptare consueverunt, quales etiam circa *Bononiam* reperiuntur. At rectius, meâ sententiâ, possem has Marcasithas, *Sulphuris mineram*, nominare, quæ cuprum ferrumve contineat: quemadmodum variæ ejusmodi Sulphuris mineræ ex terra eruuntur, scopulisque metalliferis instar crystallorum concretorum, & aureo splendore bellè corusantium, in hærent, ex quibus sulphur, chalcantum seu vitriolum, & denique ꝑ vel Mars, vel utrumque artificiiis metallurgicis paratur. Magnitudo harum Marcasitharum Bononiensium non est ingens: frustillatim enim hinc inde in monte dicto *Paterno* colliguntur, nec uncias tres pondere superant. Figura earum incerta est: speciem autem sæpius habent compagis, ex meris crystallulis cupreis constantis: quamvis non rarò eas collegerim figurâ globulorum rotundorum, quorum diameter unciam non superat: inter has quædam, globulos, quos tunicis nostris præfigere solemus, cum suis pediculis adeò exactè repræsentant, ut dubius fuerim, casu ne principium tale metallicum istæ habuerint Marcasithæ, an vero solâ naturæ operâ in talem formam productæ fuerint. Est ergo diversa satis Marcasitha hæc aurea, ab altera, quæ argentea vulgo vocatur; quoniam hæc multo constat Mercurio parum fixiore, & paucò Sulphure: Illa vero, multo Δ & Vitriolo, nullo autem Mercur. nisi velis corpora metallica, quæ in iis delitescunt, vocare Mercurium parum coagulatum, quoniam Mercurius in metallis est. Hoc videtur etiam innuere **GEBER NOSTER** **ARABS**, *Vir in laboribus Chemicis industrius ac ingenuus lib. 2. part. 1. cap. 60.* summæ suæ perfectionis de Natura Marcasithæ, cum inquit: *Marcasitha duplicem habet in sui creatione substantiam, Argenti vivi scilicet mortificati & ad fixationem approximantis, & Sulphuris adurentis.*

Quasi velit dicere *Autor hic*: Marcasitha duplex est: Altera, quæ argento vivo mortificato &c. altera autem, quæ Sulphure adurenti constat. Porro sale quoque ammoniacum reperiri ibidem, *Auctor noster Clar.* Licet us ait. Verum de iis rebus, quæ mihi non fuerunt visæ, non ausim absolutè pronunciare. Lapidis autem Bononiensis luciferi quoddam genus, perquam valdè speciem salis armeniæ, nobis vulgariter dicti, repræsentantis, in agro *Bonomiensi* (vulgò *la Roncheria* vocato,) inveni. De quo in subsequentibus, ubi de forma, differentiis, & notis Lapidis nostri, in specie agam, tractare animus est. Placet hic interserere paucis, quid de conchyliis marinis, in editis montibus, & circa Bononiam & alibi viderim, & quæ sit mea de illis sententia.

Non procul monti huic *Paterno* dicto, lapidis nostri *Patriæ*, unico forte

milliari Italico distanti, (loci nomen excidit memoriâ) ingens Mons imminet præruptus, à violentia torrentium aquarum, quas imbres frequentes, ex vicinis montibus confluentes, efficiunt, atque insignes terrarum moles ab isto monte prosternunt ac dejiciunt. In hac montis ruina, superiore in parte, visuntur multæ strages seriesve, ex testis conchyliorum marinarum omnis generis, plurima arena interjectâ instar strati superstrati, (uti Chemicorum vulgus loquitur.) Est enim inter hasce testarum conchyliorum strages seriesvè, arena ad crassitiem ulnæ & ultra interposita. Erant autem testæ conchyliorum variorum, omnes ab invicem distinctæ, nec cuiquam lapidi impactæ, adeo ut separatim omnia manibus tractari, & dignosci potuerint. Effecerat hoc arena pura, nullo limo lutove intermixta, quæ conchyliorum testas conservaverat, per multa secula, integras. Interea verò diuturnitate temporum omnes istæ testæ erant in albissimam calcem facile resolubiles, tanquam vehementiâ ignis calcinataæ. Talia cum admiratione contemplatus, nullam poteram invenire aliam causam, unde tales oceani partus, in montium cacumina fuerint delati, nisi universale terrarum diluvium ac cataclysmum, cujus littora tandem altissimorum montium cacumina fuerunt, in quæ æstus universalis oceani tunc talia marina impulit, deposuitque, ut essent & nobis & nostris, ad ultimum usque judicium, posteris, divinæ ultionis testimonium: quemadmodum plurimi cruditorum mecum fatentur. Absurdum enim est statuere, terrâ ex se & sua natura ejusmodi marina absque fine & usu ullo fingere ac progignere, cum nihil frustra & supervacaneû à natura & ejus Creatore summo productum sit. Partes enim animalium duriores, quales sunt ossa & testacea omnia, in multa possunt perdurare secula, sine aliqua corruptela: Tandem temporis diuturnitas, quod omnium rerum velut ignis est edax, ejusmodi partes spermaticas duriores, in calces vertit, unde etiam vim acquirunt medicinalem, possuntque intra corpus humanum contra morbos usurpari, tanquam arte Chemica per ignem fuissent præparatæ ac calcinataæ. Spectacula ejusmodi universalis inundationis visuntur in plurimis orbis nostri terreni partibus. In hujus Castri *Sparenberg* scopulo, & in vicinia, exciduntur saxa ingentia, ex meris conchyliorum omnis generis testis compacta. Inhærent autem scopulo, imò ad se invicem adhærent, adeo arctè, ut diceret lapides esse homogeneos, ita limus testas occuparat ab initio, ut unica jam videatur Lapidis materia. Atque ubi limus fuerat ruber, is jam immixtus & cum testis albissimis induratus, marmoris elegantiam nunc præbet. Circa *Colmariam*, *Alsatiæ superioris emporium*, ex ejusmodi saxi conchyliiferis, in pollinem contusis, (sunt enim minus durioris consistentiæ,) & cum paucula tenaciori argilla mistis, vidi ejus loci figulos confecisse optima tigilla, ad metalla fundenda. In ipsis denique silicibus fractis, ad littora maris Baltici, reperi

con-



N.1

N.1

F1


N.2

AD BO NOSTRA



F2

F2



conchyliorum testas. Sed de his alibi forsan fusius. Denique *rariorum plantarum catalogum*, quæ circa montem dictum, & in tractu Bononiensi crescunt, possem conficere, inter quas *lini Sylvestris* species & *cyclaminum* primas tenent. Verum cum non sint ea nostri propositi, ab iis desistendum arbitror.

CAPUT IV.

De Figura & Magnitudine Lapidis Bononiensis
Luciferi.

EXternam Lapidis nostri figuram nullam certam & regularem dari *Clar. Licetus c. 19 Lith.* statuit, quoniam plerique lapides in genere, rarò determinatam figuram obtinent. De hac re autem olim mihi in Italia dubium oboriebatur, cum lapidem hunc, maximam partem, invenirem ellipticâ figurâ. Aliquos colligebam, qui pruni exsiccati formam, & speciem adeò exactè mentiebantur, ut, si inter vera pruna exsiccata reponerentur, externâ formâ à reliquis minimè discerni possent. *Hac de singulari lapidis forma, ut & de Marcasithis exhibui peculiarem dissertatiunculam, Clarif. FORT. LICETO adhuc superstiti*, ut superius cap. 2. in fine dixi. Placet igitur paucis attingere externas aliquot Lapidis figuras, ejusque magnitudinem quadantenus determinatam, quæ sæpius pugnum, ovumque gallinaceum plus minusve adæquat. *Figura ci est oblonga, teres, plana, rotunda, depressa: nunc crassior, nunc figuræ mixtæ. Videatur schema adjunctum.* Agnoverunt tales quoque figuras mecum *Clariss. V. V. Poterius, Montalbanus, Licetus &c.* Accidit tamen, ut aliquando in agro Bononiensi, vulgò la Roncheria dicto, cum ex monte Paterno urbem repeterem, in Lapidem ingentis molis offenderem. Erat Lapis albus, aliquot centum librarum pondere: Ex quo cum frustum aliquod excussissem aliò durior lapide, frustumque illud domi, mediante igne examinasse, expertus sum, hunc lapidem tanquam optimæ notæ, lucere quoque in tenebris satis clarè. Lapis autem hic aliam intus habebat structuram, quam cæteri minores. Namque obtinebat intus oblongas strias, rectas, parallelas, ad nullum centrum determinabiles, qualis substantia interna salis armeniæ apparere solet, cui persimilis erat hic Lapis, uti *imago ejus* utcunque adumbrata *Num. 1. Fig. 2.* monstrat. Hosce Lapides vidit quoque mecum olim *Cl. Poterius*. Inquit enim loco sæpius dicto: *Adejus* (scil. viæ, qua itur ad montem Paternum) *dextram, in agro, qui dicitur vulgò Roncheria, magna copia lapidis cujusdam albi, prima facie salem ammoniacum representantis, reperitur.* Hic dubium incidit, num *Cl. Licetus* vel alii Autores hunc lapidem pro sale ammoniaco intuiti sint, cum salem hunc in tractu Bonon. non repererim,


Quamvis prorsus illud negare nolim, quod ego oculis non perlustravi, cum nobis non visa quærentibus non omnia sese offerant. Est autem hic Lapis ex genere calcarii gypsarii, etsi non sit pellucidus, ut gypsum, sed opacus & albus, & qui in calcem uritur *Bononia*, more gypsi, ad ædes construendas. Ejusmodi lapides vidi à nostris Auriculoribus Germanis (quos illi *Spaat* vocant) adhibitos, ad aurifolia cusa, quibus interspergunt hujus lapidis pollinem, ne ad invicem auti cohærescere folia, sed faciliè separari ab invicem possint. Salis ammoniaci natura est volatilis, nec tam faciliè igni resistit, ut figi possit. Incidit hic locus *Clar. BOCCONIS Nobilis Siculi, & Botanici, Magni Ducis Hetruriae*, in libro Epistolarum suarum ad Amicos *Epist. 7. pag. m. 47.* de sale Armeniaco, post nuperum in Sicilia, montis *Ætnæ* horribile incendium, super scorias ferrugineas, vi ignis quasi infernalis, ejectas reperto. Hoc, ut Auctor refert, omnes habuisse salis Armeniaci notas, præsertim quoad colores, citrinum, croceum, æruginosum & alios: sed fuisse paullo fixius. Res sanè admiratione digna, quod *sal Armeniacum*, olim *Ammoniacum*, & quod hodiè Europæis nobis non à sola natura productum, sed merè venditur factitium, & summè volatilis naturæ est, adeò quidem, ut beneficio hujus, Chemiæ periti, fixa reddant volatilia, tam incredibile incendium, (quo vel ipsa terra, & quidquid igne fuit eructatum, ut *Cl. Auctor* refert, plumbi ad instar liquidi manavit,) potuerit sustinere, & super scorias relictas integrum persistere. Unde nobis hujus salis naturam paullo uberius memoratus *Cl. Auctor* declarabit, mentemque nostram de hoc sale, an lapide quodam gypsario, vel alterius naturæ, fuerit permixtum, ulterius illustrabit. Etsi autem Anno 1650. montem *Ætnam*, Siciliæ nivibus, nubibus, fumoque tectum & obscuratum, nec non insulam *Strongylen*, altissimâ flammâ in apice montis coruscantem, itemque Insulas *Vulcani*, *Liparæas*, ad radices, tanquam ex ipso mari, flammæ & fumos eructantes, navi prætervectus viderim, & postea *Vesuvium* (Italis *monte di Soma* dictum) conscenderim, nihil tamen de sale quopiam Ammoniaco videre contigit. In *Vesuvii* quidem theatri formi cacumine, qua parte mare spectat, vidi supra cineres tanquam nive tectos, albissimam quandam materiam salis ad instar, quæ primo intuitu mihi videbatur esse sal; verum linguæ gustanti nullum saporem exhibebat, sed instar calcis irresolubile aut illiquefcibile manebat contra salium naturam. Unde naturale Sal Ammoniacum nunquam fateor me vidisse; quod tamen optarem videre. Hactenus incidenter de sale Armeniaco vel Ammoniaco, quatenus in loco natali Lapidis Bononiensis, vel alibi, inveniri dicatur, & exactam referat formam cujusdam Lapidis Bononiensis luciferi, cujus origo in *Lapide Bononiensi* ab initio capituli hujus facta est mentio.

CAPUT V.

De Differentiis & Notis optimi Lapidis Bononiens. luciferi, & vilioris seu non lucentis.

Postquam differentias Lapidis nostri specificas attigimus, paucis progrediamur ad notas optimi lapidis; & minus probati ad lucem reddendam in obscuro. Differentias lapidis *Clar. Licetus*, c. 21. *Lith. ex mente Clariss. Montalbani & Poterii* recenset. Quarum hic tres, ille verò quatuor habet. Ego *Clar. Montalbani* sententiam secutus, ejus 4. amplectar differentias, & quintam lapidis lucentis addam.

Prima differentia est: quod *primus* lapis sit oblongus, rotundus, depressus, lenticularis figuræ, latiusculus in lamellas scissilis, non striatus, cortice pallido, durus, ponderosus, pellucidus cum atro-cœrulea perspicuitate nitens, in quo sit plurimum gypseæ substantiæ purioris; addo, qui in dorsi sui medio habeat quandam foveam, qualis *Num. 1. Fig. 1.* depictus est. Hic lapis ab omnibus omnium optimus est judicatus. 2. *Secundus Lapis* prior non absimilis, partim in bracteas scissilis, partim Stibii instar striatus, cortice quoque levi pallescente præditus. Est & hic luminaris, sed bonitate superiori cedit. 3. *Tertius lapis* oblongus, crassusque instar ovi, cortice cinereo, nunc levi, nunc aspero; per medium fractus, strias radiosque ostendit à circumferentiæ superficie, ad medium, tanquam ad centrum aliquod tendentes. Et hoc centrum ab uno lapidis extremo, ad alterum, instar axis est elongatum, & (quod probè notandum) continet non tantum sulphur grossum, minus fixum, sed aliquid etiam metallici. Et cum totus lapis sit gypseæ naturæ, apparent striæ istæ, tanquam crystal- luli gypseæ, super centrum metallicum accretæ. Hic Lapis, quò purior & pel- lucidior, eò est luminosior lucidiorque in tenebris. 4. *Quartus* cum præce- denti tertio convenit figurâ & magnitudine. Est enim illi, quoad externam & internam faciem, planè similis: nisi quod sit obscurior & nigrior intus & ex- tra, latumque habeat centrum, multo in super sulphure foetente abundet. Unde etiam impurior est, minusque probandus, quoniam licet diutissimè calcinetur, lucem tamen in obscuro minimè reddit. Jucunda mihi fuit consideratio, quod hoc quartum & tertium genus lapidis, cujus interna facies, cum per medium frangitur, strias ostendat ad centrum suum radiantes, *Cl. Balduini*, *Phænomena sui Magnetismi universalis. p. m. 41.* magna ex parte radiis suis ad centrum direc- tis, nec non cortice quodam circumferentiam ambiente æmuletur. Unde hac in re convenire & comparari quoque potest Lapis noster Bononiens. cum
Phosph.

Phosph. Hermet. seu magnete universali Cl. Balduni. Pictura lapidis hujus 4ti & 3tii adumbrata est num. 2. fig. 1. & 2. 5. Quintus lapis, ferme merum est gypsum, paucio sulphure constans, cortice albedo, intus strias lineasque rectas, parallelas ostendens, substantiâ penitus albâ, non diaphanus, sali armeniaco factitio persimilis, quoad formam. Vid. Fig. 2. num. 1. De hoc lapide & incidenter de sale Armeniaco, supra in præcedenti capitulo fufius egi. Inter has quinque differentias lapidum, ille tantum minus est aptus ad lucem concipiendam, cujus loco 4to facta fuit mentio: & quidem ob sulphur impurum, fœtens. Hoc  naturæ est martialis & arsenicalis, saleque abundat acerrimo, quod istud Sulphur quodammodo fixum reddit, quo minus possit igne absumi: de quo c. 4to. sect. 1. Ubi de Sulph. fœtido lapidis nostri, quatenus à Phosph. Hermet. differat, pertractatum fuit. Reliquæ quatuor lapidis differentia, veluti prima, secunda, tertia & quinta, optimas exhibent lapidis notas ratione qualitatis luciferæ, quam contrahit lapis ex aëre ambiente, lumine imprægnato, eamque in obscuro reddit. Jam, qua ratione lapides hi per ignem legitimè præparentur, ut qualitatem hanc acquirant, paucis dicendum.

CAPUT VI.

De Præparatione Lapidis Bonon. ut in tenebris luceat.

INter omnes præparationis modos, qui à multis mihi fuerunt communicati, tanquam inter arcana locandi, Cl. Poterii descriptio, dicto sæpius loco, omnium optima mihi visa est. Verba ejus hîc apponere lubet: *Et quidem*, inquit, *pro facultate lucifera, in eo potissimum exoptata, calcinatur duobus modis: Primo lapis in tenuissimum pollinem redactus, fortissimo igne, in crucibulo calcinatur. Secundo, idem in pollinem redactus, in placentulas thaleri instar compingitur, vel sola aqua communi, vel albumine ovi. Hæ per se exsiccata in furno venticum carbonibus stratificantur & dato igne validissimo per 4. vel 5. horas calcinantur. Furno per se refrigerato placentulas exime. Quod si prima vice non sint satis coctæ, quod cognoscitur, si parum lucis receperint, tunc eodem modo calcinationem reitera, dictas placentulas eodem modo stratificando, ut prius. Ter nonnunquam reiteratur dicta calcinatio. Optima ea est, quæ fit ex selectissimis lapidibus nitidis, puris & diaphanis. Sic lapis subtilissime tritus in furno reverberii, tam diu excoquitur, quoad lucem facile excipiat. Ex eo pulvere varia in pyxidiculis efformantur animalcula, quæ in tenebris mirifice lucent. Cl. Licetus ait in suo Lith. 33. lapidem hunc per se calcinari, vimque luciferam acquirere.*

Cl. Mon-

Cl. Montalbanus Bononiæ olim mihi exhibuit modum calcinandi, quem typis mandârat atq, ediderat. Hunc, quod non ad manus sit, inferere huic libello non possum. Ego verò, etsi olim multos carbones Bononiæ combusserim & consumserim in calcinatione hujus lapidis, tamen ex integris lapidibus non potui parare luciferos lapides, sed necessum habui, juxta mentem *Poterii*, eos in pollinem redigere. Quare selegi optimæ notæ lapides, nempe splendidos, diaphanos, nullis impuritatibus inquinatos, graves, ponderosos, intus in bractæas seu laminas scissiles, vel quadratas rectangulas, crystallulos, dum franguntur, exhibentes: Vel frustum ex isto genere lapidis gypslarii, qui ingentis erat molis, intus strias lineasve rectas parallelas, ad nullum centrum directas, continebat. Hos lapides contudi in mortario mundo, inque pollinem redactis, aquam puram affudi, pulveremque aliquoties ab omnibus sordibus elui, atque ex pulvere humectato placentulas magnas vel parvas formavi, superque chartam hibulam exsiccavi. Exsiccatas itaque hoc modo placentulas collocavi in furnulum, ex meris lateribus bene coctis efformatum, sub dio tempestote existente serenâ. Sic facto, cum carbonibus bene exustis, mediore magnitudinis *strato* (ut dicitur chemicè) *super strato*, cum placentulis dictis rem feliciter peregi, ad modum *Poterii*, supra indicatum. Furnulo per se refrigerato exemi placentulas, & quæ hac prima calcinatione fuerant redditæ Phosphoræ, selegi ad usum: Reliquas calcinationi denuo submisi.

Notandum probè, quod furnulus tuus, quem ad hoc opus tibi struis, nec non carbones, lapidesque & omnia, quæ ad hoc negotium requiruntur, sint pura, omnisque heterogenei expertia: alias incassum & frustra laborabis. Ut enim hi lapides clarissimo & purissimo Auræ gaudent lumine: sic pravitate alterius impuri admixti facillimè inquinantur, nec illustres ac clari redduntur. Quare puritatis hac in re, & non minus alibi, sis studiosissimus, moneo.

CAPUT VII.

De quidditate & causis proximis Lapidis Bononiensis.
luciferi.

Quemadmodum morbi latentis essentia non semper ex uno eruitur signo diagnostico, sed ex pluribus, iisque aliquando diversis: ita lapidis Bononiensis quidditas ex pluribus, quæ circa illum inveniuntur, rebus, tanquam ejus mixturam ingredientibus, non immeritò indagatur.

Est enim in regno minerali ita comparatum, ut non quodvis ex se ipso nasci, sed ex variis, quæ circa ejus productionem reperiuntur, rebus naturalibus prodigini videatur.

Sic Lapis noster Bonon. cum sit corpus mixtum, ex suis elementis principisque naturalibus, aliisque corporibus heterogeneis, ut reliqui lapides viliores & pleraque corpora naturalia mixta imperfecta: ideoque necesse erat considerare locum ejus natalem, quid in eo potissimum reperiatur, quod ejus substantiam ingrediatur, & cum ea quidquam commune habeat; unde lapis noster sui compositionem & mixturam, materiamque proximam acquirat. Quia verò Lapidis materia ferè tota est gypsea, lapisque gypfarius, in loco natali circa Bononiam, in maxima crescat quantitate: ideoque materia nostri Lapidis proxima, eaque prædominans, lapis erit gypfarius, de quo superius Sect. II. c. 2. paucis actum fuit. Porro quoniam in lapide Bononiensi Δ est foetens, quadantenus fixum, locusque natalis plurimos lapides Sulphureos marcasithasque Sulphure & Vitriolo plenas suppeditet: ideoque sulph. quoque & Vitriolum ad lapidis nostri compositionem concurrant necesse est. Denique vis caustica, linguamque mordicans, indicat salis cujusdam acerrimi & arsenicalis naturam inesse lapidi. Hic sal etsi non inveniatur per se sincerus, sine admixtione rei alterius: erit ille nihilominus glebæ terræque admixtus, more nitri & cujuscunque salis. Nitrum enim, sal ammoniacum, arsenicum, sandaracha &c. juxta *Cl. Licetum*, inibi reperiuntur. Quapropter quidditas ac definitio Lapidis Bonon. luciferi erit, quod is sit corpus naturale, fossile, mixtum, imperfectum, ex materia proxima abundantiore gypsea, pauciore verò sulphurea, arsenicali, interdum vitriolacea & salina acri constans: Vim luciferam ab ambiente aëre, diurno præsertim, & igne, nec non alios in medicina usus, post vehementem sui calcinationem, acquirens. Posita sic lapidis nostri definitione, quam ex causa ejus materiali proxima eluimus, perlustranda erit paucis causa ejus efficiens & forma. Missa autem causa efficiente remotâ, proximam saltem attingam. Et cum lapidis cujuscunque causa proxima efficiens, quæ dispositæ materiei formam substantialem largitur, videatur esse lapis vetus vel pars ejus, in materiem illam incidens, atque in eadem formâ suâ substantiali consimilem formam produciens: ideoque causa efficiens proxima lapidis nostri videtur lapis vetus, vel ejus frustum proximæ sibi materiei ab aliis causis exterioribus, communes dispositiones habenti, consimilem temperamento suo temperiem largiri, atque in eo temperamento formam essentialem ejusdem speciei producere. Ut enim quodlibet vegetabile, cum ad summam incrementi sui ætatem pervenit, & nunc effectum decrescere atque interire incipit, seminalem suam vim in terram ad sui regenerationem aptam de-

ponit:

ponit: Ita lapidum seminalis potestas in ætate vetustioribus lapidibus, jam jam senescentibus, residere videtur, quæ in materiam proximam aptam, consimile temperamentum, tanquam seminalem aliquam potestatem, collocat, ut inde forma essentialis ejusdem speciei resultet.

Forma itaque substantialis erit proprium temperamentum essenziale misti perfecti, cum prædominio terræ purioris.

Finis denique lapidis nostri, etsi conceptio sit lucis in tenebris reddenda, tamen alius, præter istum, dari poterit, nempe usus in re medica, in Chemia, &c.

CAPUT VIII.

De causis lucis in Lapide Bonon. & de usu ipsius medico.

ARdua sanè res, causas virtutis luciferæ in Lapide nostro Bononiensi, aliisque rebus, noctu sine flamma aliqua lucentibus, determinare, cum ignis, lux & lumen, videantur divinum quoddam sapere. Nam vel ipsi Creatori cœli & terræ, igne sese induere, ac per eum loqui, Angelosque suos per flammæ repræsentari aliquando placuit. Paucis itaque de re tam excelsa loquendum arbitror, quò Dædali exemplo, rationum nostrarum alis volantes, in media permaneamus aura, nec Icarum instar, propius elevemur ad Universi Aurum, atque hoc Sulphureo igne combusti, inde funestissimo deturbemur casu, in ignorantia Oceanum. Hæc enim erat causa, ut Ovidius l. 3. Trist. Eleg. 4. canit.

Nempe quod hic altè, demissus ille volabat:

Nam pennas ambo non habuere suas.

Clar. Fortunius Licetus à c. 41. usque ad 43. Lith. Cl. V. V. Lagelle & Montalbani, sententiis de hac re, contrarius obviam ire, ac illas refutare nititur, quorum ille statuit: quod lumen in lapide nostro sit qualitas cœlestis & igneæ substantiæ, quæ participetur ab omnibus, in obscuro effulgentibus. Hic autem; quod lapis calcinatus accendatur à lumine ambiente, secundum effluvia sua sulphurea & ignea, quæ ex lapide calcinato egrediuntur, & ob cognatam cum igne & lumine naturam, facili accensionem ac lucem, ab ambiente lumine, concipiunt. Denique suam sententiam affert Cl. Licetus, quod scilicet, causa prima Physica lucis, in lapide nostro, sit vaporosus aër, illuminatus intra poros calcinati lapidis. Ego, veritatis inquisitor, cuilibet opinioni nec subscribam, nec in

Præceptoris ullius verba jurabo. Neque tamen cui libet me opponam, cum sapius, non de rebus ipsis, sed tantummodo de verbis fiant litigia. Dico autem breviter: *Quod Lux absque igneo subjecto atque aëre, ab oculis nunquam possit percipi.*

Tria igitur necessum est concurrere ad lucem, tanquam causas ad effectum: Quorum primum est subjectum igneum, vel calor in subjecto latitans, tanquam causa essentialis lucis, subjecto inhærens. Secundum est, aura calori in subjecto proportionata, tanquam causa concurrens & excitans lucem in subjecto. Tertium est, oculus luci jam existenti conformis, tanquam causa instrumentalis, & sine qua non lumen percipi potest. Calor autem juxta subjecti qualitatem, humidus est, vel siccus. Hic partibus igneis & sulphureis: Ille salino-nitrosus, ex suo effluit subjecto. Cum calor, putredine quadam existente, in salino-nitrosus particulis, ex subjecto evaporat humido, accenditur is ab aëre vaporoso & salino-nitrosus in eo particulis &, fit lux in obscuro candida, sicuti in lignis putridis & sudoribus animalium apparet. Cum autem calor siccus exhalat è subjecto suo sicco, sulphureo, igneo, accenditur is ab aëre sicco & sulphureis particulis in aëre existentibus, & fit lumen coloratum, juxta sulphur, subjecto suo inhæsitivum, sicuti in lapidibus nostris Bonon. relucet. De causis colorum luminis videatur superius caput 4. & 5. Sect. I. Est, juxta Cl. Baldvinum, Aurum in Aura, Sulphur in ☉, in igne lux, in aëre lux. Hæc in igne ab aëre progenita: in aëre autem videtur primigenia & seminalis. Est hic aër instar purissimi crystalli aut speculi, omnes rerum formas, tanquam objecta, recipientis. Neque id adversari videtur Codici sacro. Cum enim *Divina Aura* ab initio mundi aquis incumberet ac foveret eas, verbo suo primo lucem produxit, eamque à tenebris separavit. Hæc lux primigenia non erat in sole, nondum existente: ideoque in aura, vel æthere, sine quo nulla lux existit, necessum est eam fuisse atque etiamnum existere. Ex hac luce primigenia, tanquam sale aliquo vel vitro limpidi, purissimo, Creator omnipotens, verbo suo produxit Aurum Auræ, solem nostrum, calore suo terram foventem ac fecundantem. Quare sol, non absque æthere, neque lux, sine ambobus. Lux igitur ut affulgeat nobis, solem atque ætherem, ignem & aërem convenire oportet. Hæc de luce & ejus causis in lapide Bonon. breviter. Nunc strictim de usu ejus in re medicâ. Cl. Licet. c. 23. Lith. recenset, quod Lap. Bonon. calcinatus sit psilotorum per se, tum ejus lixivium. Unde causticus est. Deinde, quod vomitum excitet, quocunque modo sumtus. Tertiò, quod salsedine suâ podagricos juvet.

Idem c. 22. memorat. Plura de usu Lap. Bononien. Medico, apud prædictum & alios Auctores non recensentur.

EPILOGUS.

E T ita lapidem nostrum Bononiensem cum Phosphoro Hermetico compara-
vimus, eumque convenire cum illo sequentibus modis probavimus. 1. Quod
ambo à luce solis & aëre diurno lumen attrahant. 2. Quod ab igne focali, fa-
cisque flammâ similiter splendorem mutuentur ambo, atque illum in tenebris lucere
faciant. 3. Quod ambo inclusi vitro eandem qualitatē luciferam acquirant. 4. Quod
ambo de se exiguum lumen in parvam distantiam spargant, atque suum subjectum
corpusque adjacens, quadantenus illustrent. 5. Quod ambo inclusi lumen suum ac-
quisitum, post morulam aliquam, iterum amittant: illudque repetant, quoties vel
luci publicæ diei, vel privatae, intra aedes, vel igni nostro, iterū admoveantur. 6. Quod
maximam partem instar ferri candentis, aut carbonis, colore aureo-rubro, vel
miniaceo, resplendeant. 7. Quod Lapis Bonon. quoad internam formam, ut figura
2. num. 2. monstrat, non multum externâ specie abludat à Phænomeno Magnetis
Universalis Cl. Balduini p. m. 41. ex quo Phosphorus prodit Hermet. 8. Quod
Lapis noster Bonon. lucere minimè possit in obscuro, si multo Sulphure impuro sit in-
quinatus; sed quod eò magis illustrior ac lucidior reddatur, quo magis sit naturâ
puriori, & quod ab adjacente heterogeneo impuro facile quoque labem acquirat,
quo minus luceat: quemadmodum & Phosphorus Hermet. ex pura aura egressus,
necessariò summè purus in sua natura erit, ut tantus sit Phosphorus. Habuimus et-
iam sermonem brevem de lapide Bononiensi in specie, & adduximus illud, quod
necessarium magis videbatur, circa ejus generationem, naturam & causas. Medi-
cus ejus usus exiguus est: Moralis, amplius. Hòc enim admonere vel lapis hic, veros
Hermetis atque Æsculapii filios, videtur, ne sint multum prodigi armorum suo-
rum in vulgus, citra tamen livorem in semet invicem; sed ut sint Curiosi Naturæ,
atque studeant indies ejus arcanis potius per scrutandis, ne furiosis gladios porri-
gant. Ita enim se ipsos medicâ prudentiâ, quâ spurios in arte superant, indies eru-
dient, Deique Altissimi honorem (qui primarius humanæ vitæ scopus esse debet) &
propriam auctoritatem tuebuntur. At lapis noster lucens purus ille, sincerus, can-
didus, absque ullo heterogeneo fœtente & impuro sulphure, diaphanus, illustris &
clarus: itemque Phosphorus ille Hermet. ferè incomparabilis, luce suâ clarissimâ
luculentas nobis mortalibus præbent faces, usumque præstant insignem, nempe: Si
velimus divinum in nobis ipsis concipere ignem, quo virtutibus bonisque operibus,
erga nos invicem coruscare in tenebris hisce possimus; ut necessariò efficiamur puri,
sinceri, candidi, nullo vitiorum sordido sulph. polluti. Etenim si lap. nostri lucen-
tis, & Phosphori Hermet. qualitates luciferas ita imitemur, ut proximo nostro om-
ni amore præluceamus, nos in luce Divina visuros lucem, nec non stellarum instar
radiaturos, in terpias mentes candidasque animas, sincerè & candidè dixi.

2000194
GEORGII WOLFFGANGI
WEDELII D.

Medici Ducalis Saxo-Gothani, Acad. Curios.

SPECIMEN

EXPERIMENTI
CHYMICI NOVI.

De

SALE VOLATILI
PLANTARUM,

quo demonstratur,

Posse ex plantis modo peculiari parari Sal volatile verum & genuinum.

Excellentissimo

Dn. M. JOHANNI PRÆTORIO,

Facult. Philosoph. Jenens. Adjuncto, & Gymnasii Sufatensis
Directori celeberrimo,

Benè agere!

Frequentium ac diuturnorum erga me tum magnitudo, tum memoria officio-
rum Tuorum adeo me hæcenus obstrictum tenuere, ut ingratum me ostende-
rem, si non publico id contestarer monumento. Neque enim tantarum splen-
dor virtutum, quibus TE mihi reddidisti admirabilem, cum merita recompensari
requirerent, laudibus carere debitis sustinebat: neque tam insignis amicitia nostræ
vis excitare me destitit, donec inter tot tantosque tractus ingeniorum nequaquam id
fraudi mihi futurum autumarem, si non mihi, sed Tibi aliquod fama spatium
constituerem.

Utinam resciscat posteritas non levissimi fœtus mei, sed cum nominis Tui, tum
amicitiæ nostræ inculpatæ memoriæ, quæ primitus ex affectu corporis Tui occasione
orta, tam sanctè inter nos culta fuit, ut nunquam redierimus in gratiam.

Insurgerem hic in laudes Tuas, enumerarem publica merita & privata, Te
Theologum, Te Philosophum & Mathematicum excellentissimum prædicarem, Te
propriâ virtute eò emicuisse adjicerem, ut in penetralia ipsa medicina admissus vir-
tutes herbarum, morborumque tyranniâ accuratè scrutatus sis; Sed neque satis
eloquentiæ ad animum meum declarandum mihi suppetit, neque humanitas, &
modestia Tua singularis permittunt, ut contaminari à me amicitie leges videan-
tur, si præter voluntatem Tuam laudes, ut ut meritissimas, prosequerem.

Non igitur pro eo, ut hoc munusculum parem Tibi gratiam referre posse spera-
rem, sed ut testimonium solum extaret grati mei animi, specimen hoc inscribere no-
mini Tuo volui.

Hoc si æquè bonique consulens non tam ex dignitate suâ, quam habet nullam,
quam animi intentione & studio gratiosè æstimes, gratulabor mihi, & non ingra-
tum id fuisse Tibi, & quod voto damnatus meo occasionem hanc arripuerim, meum
Tibi deferendi officiosum animum. Servet Te DEUS! Dabantur è museo Gothæ
d. 24. Octobr. An. 1671.

Nomini Tuo præclarissimo deditisimus

GEORG. WOLFFG. WEDEL, D.
PRÆ

P R Æ F A T I O

ad

Benevolum Lectorem.

ELegans sententia est *Philosophi l. 1. politicor. c. 2. εἰ δὴ τις ἐξ ἀρχῆς τὰ πράγματα φύομενα βλέψεν, καλλίς' ἂν ἡ τὴν θεωρήσειν.* Si quis ab initio res orientes & nascentes inspexerit, optimè ille veritatem perspiciet. Liceat nobis addere earundem destructionem & interitum. Uti enim ortus ipsius primordia per obscura sunt; ita etiam à priori, ut loquuntur Philosophi, seu causis difficile admodum est indagare rerum naturam, qualitates & affectiones, sed à posteriori & effectibus id sæpius oportet ut concludatur.

His perscrutandis occupatam esse chymiam, illis nosse datur, qui sine præconceptâ opinione atratis manibus & facie sustinuerunt naturæ per ignem pandere mysteria.

Videas hic duplici peccari nomine: Alii enim thraſonicis & sesquipedalibus verbis nil nisi mera crepant arcana, & tanquam Adepti se non ut chymicos, sed ut oracula extolli gestinunt, utpote quibus liceat nudam sine veste cernere Deam, & quibus imperium totum morborum commissum sit, modo non, ut dici assolet, pro Junone sæpe nubem arripiant. Laudes quippe immodicæ medicinarum chymicarum primò inflant hominum spes, deinde destituunt. Magni viri suis natis dant magna nomina pro lubitu, nullo reclamante; sic & quidam chymici nil nisi *astralia* ingeminant, nil nisi quod *solare, quinta essentia, primum ens, materia prima* &c. audit, ipsis ad palatum est, ex solo haut raro nomine metientibus virtutes. Ast ut non sequitur: hic dicitur Alexander, Julius Cæsar; Ergò etiam reipsâ heroum istorum facta æmulatur, ne dicam, exprimit; ita & hoc loco sæpe cassâ non dignum est nuce, quod ceu sacrum Eleusinium ventosis decantatur elogiis.

Aliis religio est, chymica adsumere medicamina, nedum laudare, minus, proprias manus his polluere, ut vocant, ffordibus.

Hi pro venenis habeant producta chymica, aut minimum admodum periculosa, quæ non possint nisi trepidante propinari manu, securos se magis credentes, si ampullas & trium ulnarum præscribant formulas, decocta, pulveres, infusa, nec observant interim, non copiâ æstimari exercitum, sed animi & corporis robore, & unicum granum piperis plus in se habere acrimoniæ, quam centum papaveris semina.

Stat sua utrisque apud nos laus, & Galenicis & Chymicis, si ab illis selecta & euporista,

euporista, ab his verò benè præparata, utrobique concisâ & judiciosâ speciali medendi methodo junctâ, mutuemur in humanum usum remedia.

Fatendum verò est, longè feliciorẽ & Physicorum & Medicorum futuram conditionem, si non contenti lectione variorum autorum, non traditionibus, continuatâ successione à veteribus ad nos traductis, sæpe optimis, sæpe falsis, pro veris tamen habitis, & ut novus liber fiat, invicem exscriptis; non denique subtilibus disceptationibus & ratiunculis, anatomen institueremus & perficeremus chymicam, verum à falso secernentes, & rationem cum experienciâ jungentes, quid fundamentum habeat in re, quid minus, disquireremus. Adde & illud, si liceret ubique & præparare & dispensare Medicis medicamenta, quod alicubi iidem recusant, alicubi iisdem recusatur. Interim multa obscuris occultantur & sepulta jacent tenebris, quorum veritas, summo cum ægrotorum & posterorum commodo, ceu Sol ex puteo emergeret.

Sed tempus est, Benevole Lector, ut paucis de præsentì Te moneã opusculo: Verissimum esse experimentum, sal volatile ex herbis conficiendi, tibi persuadeas interim, quæso, donec propediem publicè in usum tuum proponatur.

Illud verò non inventum quidem à me, nec quæsitum affirmo: quis enim inveniet, quod non quæritur? quis autem quærat, quod in rerum naturâ eo modo esse nunquam audierit? Nihilominus juxta *Platonicum* illud l. 10. *de republ.* ἐπει πολλὰ τοι ὁ ξύτερον βλέπόντων, ἀμβλύτερον ὁρῶντες πρότερον εἶδεν, sæpe contingit, ut qui hebetiore sunt acie, nonnulla prius intueantur, quam qui acutius cernunt.

Magnum & difficile apparet opus, sed levissimâ confit operâ, quin, quod de Lapide Philosophorum scribitur, opus est muliercularum. Nullam mihi inde quæro laureolam, neque in præjudicium ullius hominis quid à me dictum volo. Stylus ipse si videbitur unâ cum rebus negligentior & vacuus, omne id noveris paucis diebus in chartam conjectum, variis, ut fit, negotiis interpolatum, quibus etiam factum est, ut sollicitis non omnia potuerint mensurari unguiculis.

Multæ passim nugæ, multa temeritas, multæ ineptiæ, inter quas & nostræ.

Vale, Benevole Lector, & nostris laboribus favè, ne in medio interrupti opere impediamur in proximè edendo experimento ipso, aliisque ad prelum destinatis.

Q. D. B. V.

CAPUT I.

De virtute herbarum in genere.

Medicina
initia ab
herbis.

IN herbis magna latet virtus. Herbarum medicinae jacerunt fundamenta, per tot secula quamplurimis morbis, humanum genus infestantibus, feliciter adhibitæ. Vulnerati enim primitus, vel alio modo læsi, coacti quasi & impulsivi fuerunt, ut ab herbarum applicatione sibi quærent remedia, unde Chirurgia, pars medicinae antiquissima, Machaonem, Podalirium aliosque nobilitavit, paucarum licet solum notitiâ herbarum celebres.

His veteres
foliis usi.

Hinc apud *Plutarchum* l. 2. *symposiac.* p. m. 646. Tryphon laudat Veteres πλείστην μεχρημένους ἀπὸ φυτῶν ἰατρικῇ, plurimis plantarum usus remediis, Chironem item & Agenoridem, Cadmum, (qui duo primi medicinam fecerunt credebantur) ægros suos foliis herbis & radicibus sanasse, subjungit. Quo sensu etiam apud *Scholium* in *Homeri*, ἡ ἀρχαία ἰατρικὴ, ἐν βοτάνοις ἦν, id est, ut *Seneca* vertit, medicinam quandam paucarum fuit scientia herbarum.

Sufficienter
tamen
plantarum
inde crevit
catalogus.

Sufficit hæc medicina botanica nihilominus, & uti cognitio plantarum suavissima non solum est, sed & utilissima, ita à levi isthoc primordio in tantum excrevit indagatioe curiosâ illarum catalogus, ut jam suo tempore *Pergamenus* plantarum genus & numerosissimum, & virium robore præcellentissimum vocaverit, 6. de *M.F.* cap. 1. & integris libris pro nominum solum varietate enumerandâ nostro seculo fuerit opus.

Dignitas,

Est stirpium erecta ad cælum natura, nostræ perfectionis æmula; cœli appetens longe, quam nos, felicius: qui frustra spectamus ipsum, nec nisi terram sapimus, dicente *Scaligero*.

Cognitio
necessaria
medico.

Sed non locus hic destinatus plantarum elogio, quarum cognitio tamen tam necessaria est medico, ὥς, autore *Oribasio*, ἢ ὁ δὲ ὄντι ἐν αὐτῇ χρεὶς ταύτης ἰατρικῇ οὐκ ἔστι, ut sine hac non liceat rectè medicinam facere; id solum delibare lubet, quod sicuti stellata hæc tempe oculorum panegyri gemmas suas & virtutes, ubere & foecundo admodum proventu offerunt: ita has virtutes & dotes non solum admirari, sed etiam scrutari & rituari diligenter fas est.

Ἐν παντὶ φυσικῷ διαμαρτυρεῖται, consente *Aristotele*. Hoc miran-

dum

um utique inquirendum est, cum ob admirationem philosophari inceperint homines, scribente eodem.

Chymia est alma ista mater, quæ naturæ obstetricantes præstat manus, ut quas dotes ostendit oculis, & tanquam in speculo videnda exhibuit, eadem in usum humani generis feliciter parturiat.

Hæc Vulcani cultro in ipsa simplicium scrutatur viscera, ac quid utilis, quidve noxii in sinu gerant, & exhibeant tam delicata macrocosmi corpora, pandit. Licet hîc detecto conopeo videre thesauros & cimelia, quibus regnum vegetabile abundè superbit; datur hîc ad omnigenos morbos officina instructissima. Corticem, quo anti-
Chymia harum dotes pandis.
 quis solum frui concessum fuit, removet, & nucleum ipsum exhibet
Vnde & meliora & suaviora medica-menta.
 pyrotechnia. Adeò crevit hodiè medicinæ armamentarium, ut pro decoctis, pulveribus, succis herbarum, liceat jam aquas, spiritus, olea, salia, elixiria, in humanum vertere usum.

Sed cum, juxtà quosdam, pygmæa hæctenus solum à plantis procedant remedia, illis jam pro seculi luxu non amplius paribus sanandis ægrotis, heroica verò & generosiora ex animali & minerali regno, feliciori longè successu, quærant morborum artifices, nolumus quidem præferre & anteponere vegetabilium hunc ordinem digniori, nihilominus & ipsa plura habere in recessu, quam quæ vulgò innotuerunt hæctenus, illis constat, quibus hæc indagare lubido est.

CAPUT II.

De analysi plantarum hæctenus usitatâ.

Misso dubio isto, an ignis sit verus corporum analysta, notum est, constitutiva vegetabilium principia esse tria utilia: sal sulphur & mercurium; & duo inutilia: phlegma & caput mortuum seu terram insipidam. Quo de videri potest præter alios illustres D. D. Rosfincius *chym. in art. form. redact.* l. 1. cap. 16. p. 38. *Febru. re traité de la chymie*, l. 1. c. 2. p. 9. seqq. *Glafer. traité de la chymie*, l. 1. c. 3. pag. 6. Hæc, respectu inter se habito, iterum dividi possunt vel *in fixa*, ut sal & terram, & *volatilia*, ut phlegma, sulphur & mercurium. Vel, si accuratius ea considerentur, in *fixum*, ut terra; *volatilia*, ut $\frac{1}{2}$ & $\frac{1}{4}$; & *media*, ut ∇ & Θ .

His tertia divisio in *activa* & *passiva* principia jungi meretur, cujus infra cap. 8. faciemus mentionem.

PHLEGMA, quemadmodum est inutile principium, sic & aquæ
Phlegma.
 phleg-

*pen aqua
Sta.*

phlegmaticæ, vulgò destillatæ, plerumque parum de virtutibus suorum simplicium participant, nisi quæ sal volatile copiosius cum sulphure remixtum habent, ut aqua cinamomi, rosarum, &c. Hinc chymiatrorum ista asserta, aquas destillatas non esse reverà nisi herbarum sudores, non autem sanguinem illarum, item, esse quasi aquas pluvias viridum & recentium. Imò ab aliis cadavera officinarum appellantur, nisi sint fermentatione paratæ & spirituosæ, nam quo pauciores habent spiritus aquæ destillatæ, cò sunt ignobiliiores.

*Habent in
se aliquid
de sale vo-
latili.*

Aliquotam verò partem \ominus is volatilis, nimio calore ignis, præsertim vesicæ, cujus gradus longè intensior est igne arenæ, cum aquâ deliquatam, simul ex parte sublimari, argumento est, quod aquæ destillatæ minus putrescunt, aëreæ volatilitatis naturæ quasi participes factæ.

Spiritus.

SPIRITUS vegetabilium, sub xxii nomine vulgò venientes, medioloco inter aquas & olea positi, particulis sapidis, volatilibus, & naturæ fermentescibilis gaudentes, unà cum oleis Stis habentur à nonnullis inter chymicè præparata remedia omnium optima, & ut aquæ sub specie roris guttatim descendunt, ita spiritus striatim per alembicum prodeunt.

*An omnes
sint ejus-
dem na-
tura.*

Omnes sunt subtilium partium & egregiæ activitatis, omnes etiam calidi, unde ob has communes affectiones sunt, qui non differre spiritus ab invicem, & universos potius ejusdem naturæ esse contendunt, quod tamen, si odorem & saporem attendamus, vix locum habere potest.

Olea.

OLEA ab aliis herbis copiosius, ab aliis parcius procedunt, particulis rotundis, ramosis tamen & in se implicatis, balsamicis, suavibus & inflammabilibus conspicua, calorem in nobis intendunt, omniaque subtilitate suâ pervadunt, ut doses non tam guttulis, quam guttas dosibus metiri in quamplurimis jubeamur.

*An vires
simplicium
suorum ob-
tineant.*

Hæc an plantarum suarum specificas obtineant dotes, ut oleum caryophyllorum stomacho, anisi pectori, citri cordi &c. dicata sint, à Chymicis quibusdam dubitatur, judicantibus, gradibus solum ea leviter differre, & in qualitate calefaciendi, digerendi, discutiendi convenire, cum tamen ab affectionibus communissimis, odore, & sapore, idem facile sensuum judicio possit decidi.

*Oleum li-
gnorum.*

Ex lignis ipsis non minimâ proveniunt quantitate olea, licet contrà experientiam chymicam & autopsiam oleum ligni sancti dari neget *Valens meth, medend, pagina 68.*

SALIA alkalia, per incinerationem & elixivationem parata, proprietatem obtinent saponariam, (unde & saponaria & lixiva audiunt;) & resolutivam, quæ cum per intestina & lotium recendant, interim resolvunt sordes in illis meatibus, & ut cum *Highmaro* loquamur, in corpore adhibita, succos figunt & præcipitant acidos, fermentationem tollunt, atque sic sine tumultu & turbatione cibi in ventriculo dissolvuntur, & sanguis per totum pacatius circulatur microcosmum.

Salia alkalia.

TERRA insipida, primum in compositione mixtorum fundamentum, & ultimum in resolutione, astringendi & siccandi qualitatibus prædita, rarius in medicum cedit usum, mechanicorum attamen operationibus variis non leve præstat commodum.

Terra seu caput mortuum.

Hæc principia uti se invicem ligant & sustinent, ita in se invicem mutari, magnamque inter se habere convenientiam ab effectis concludere licet; in specie sali convenit cum terrâ, quâ cum reliqua principia in mixto quasi ligat; cum oleis, quæ facile adsumit, & sulphura rerum evocat; cum aquâ, in quâ promptissimè solvitur; cum spiritu, cui per digestionem ex parte etiam combinatur.

Principiorum chymicorum convenientia.

Ita ex aquâ fieri posse olea, experimento demonstrat *Helmontius de trib. princip. chym.* ex oleis Sal volatile elici potest, ex Sale terra &c.

Cum verò Salia, si nomen consideres, sint duplicia, *fixa* seu *alkalia*, & *volatilia*; illa quidem, ut dictum, per incinerationem, vel succorum expressorum exsiccationem hactenus parata in officinis locum adepta sunt splendidum, crystallifatis fulgentia spiculis, nitore oculis grata, sapore non ingrata, viribus non inefficacia. Salia verò volatilia herbarum adhuc dum per se solitaria, non exstiterunt, sed sub oleis occulta, quæ Sale volatili pollere & notissimum est, & infra probabitur magis; spiritibus etiam ex parte mixta, & sub alkalium velo quasi sepulta, quamvis hoc posterius ex eo dubium videri posset, quod fixa salia resistunt igni, volatilia jugum illius ferre imparia, flammæ, licet acidæ putatæ, cedunt, & in auras evolant, item quod lixivis eadem propelluntur.

Salium divisio communis, in fixa, seu lixiva, & volatilia.

Sed mirè ludunt hæc principia, ita, ut quando exhausta creduntur omnia, lateat nihilominus unum vel alterum illorum etiam in fecibus. Hoc vel vulgatissimo exemplo vini manifestum est, quod, separatione partium impurarum à puris factâ, clarescit, & quod antea in musto nil nisi aquam quandam inspidam destillando præbebat, exferentibus se partibus spirituosis, fit paulò post generosum vinum, & spirituosus liquos, ut vel in bibentium vitris strias pingat; attamen in abjectis fecibus latet adhuc vini spiritus, communiter

Principiorum chymicorum lusus.

dicti, non minimus apparatus, & Sal volatile copiosum, quod exsiccatu rite fecibus igne retortæ elicitur, unde axioma: optimi vini, optimæ feces, quo de elegantissimè differentem vid. *Nobiliss. D.*

Daniel. Ludovici Tr. de volatilitate Salis \square ri pag. 14.

*Ignis vari-
at producta
chymica.*

Neque dubium est, in fimo mandandis fecibus herbarum, à destillatione residuis, latere adhuc tum spiritum, si rem rectè accipias, tum volatile. Ita enim si ignis herbam tractat, ut recens destillationi subjiatur, uti communiter fit, nil nisi aqua insipida ferè prodit, odore sæpe rei exhausta, proportionaliter considerata, vix ad amissum respondens. Eandem si aliter tractes, mediante fermentatione, egregium nancisceris spiritum: sin iterum aliter, oleum magis redundabit, & sic porro. Imò & gradus ignis, & modum ipsum applicandi ejus effectum variat, quo de vid. *Cartes. princip. philos. part. 4. §. 122. & 123.*

CAPUT III.

In animalibus dari Sal volatile, differit.

*Salium
volatilum
etymon.*

A Nimalia & ipsorum partes examini ignis subiectæ inventionem Salis volatilis primitus subministrasse videntur chymicis. Volatile verò dicitur, tum respectu fixi, tum quia facilè avolat & aufugit, uti v. g. Sal volatile Cornu cervi, licet benè illud munias, non æquè semper retinetur, sed auras petit, rubellum post se relinquens liquorem. Unde fixationes institutæ sunt variæ, partim cum C. C. usto, C. C. usto aliquoties illud sublimando, partim, qui optimus & legitimus modus est, cum spiritibus acidis. Acida enim compedes injiciunt mercuriali huic Proteo, eumque ligant tantisper, donec resolutis per lixiva poris iterum sibi restituatur volatilitas.

*Fixatio cum
C. C. usto,
cum acidis.*

*Spiritus ef-
fentificati,*

Alii spiritus proprio sale suo volatili quasi essentificant, quo modo optimè & adservandi & adsumendi volatile inventus est modus.

volatile.

*Animalium
perfecto-
rum, i. ho-
minis.*

Neque verò animalia majora & perfecta solum copiosissimo gaudent sale volatili, ut homo, cujus cranium hexagonâ figurâ sal fundit volatile, sanguis, urina, fortassis etiam secundina, & ossa ejusdem igni subiecta idem emittunt.

2. Cervi.

Cervi cerebrum est quasi portorium quoddam, quò delatæ merces per id aliò transferuntur, non tanquam in apothecam, in quâ debent reponi, sed ulterius provehuntur, & in cornua abeunt, humanis usibus singulis annis decidua, & specie quâdam vegetationis renascen-

scientia. Hæc cum spiritu fundunt Sal volatile copiosum, quod tamen ulterius in oleo ultimo foetido quoque abundare nemo fortean negaverit. Ejusdem sanguis sal præbet volatile.

Sed etiam uti formicæ sua bilis est, ita & Sal suum volatile, & vel minima animalcula & insecta idem liberali obtinent munere.

Cantharides gaudent Oleo quodam volatili acerrimo, in urinam liquabili, quâ vesica solum afficitur. *Formicæ*, vel manu percussæ, nares mirum in modum feriunt. Animalculum ob id est valde calidum, ita sentit *Eraustus epist. 6.* & humorem in se tenuissimum habet, igneum ferè. Liqueat hoc ex earum morfu & perfusione. Perfundunt enim humore quodam cutem, iratæ cum sunt, tenuissimo & egregiè mordaci & calido, quod permingere vocant Germani. Vidimus ex illis paratum Sal volatile penetrantissimum, in cerebri affectibus nobilissimum, quod vel odore solo partium nervosarum dolores & lancinationes lenit.

Lumbrici, licet frigidiores, terramque velut intestina perreptent, sale tamen volatili in tantum abundant, ut & externè applicati solum membris dolentibus solamen adferant, & in sal volatile resoluti. Fit hoc, si vel longâ prius digestionem in putrilaginem fatiscentes dehinc destillentur, qua ratione tamen foetidum & ingratum evadit medicamentum: Vel, quod melius est, si per retortam destillatio fiat ex recentibus & vivis lumbricis, cum s. q. cinerum cribellatorum inspersis, unde spiritus confurgit sale volatili refertus, multarum virium, quod, præter odorem, acidis instillatis extemplò probari potest.

Viperæ, delicatum & mundum animalculum, par ratio est serpentum, olim combustionem in cineres sal theriacale veteribus præbuerunt. Illæ, si abscisso capite & caudâ, (viperas præsertim mares, certis de rationibus, foeminis, contra commune assertum, præferimus,) cute, pinguedine, jecore & corde peculiaribus usibus reservatis, intestinis verò exemptis, spinæ ipsarum destillentur, oleum, spiritum & sal volatile copiosum exhibent, nauseabundo tamen quodam ex empyreumate cum foetore, quam ob rem spiritus ingratus admodum evadit. Oleum verò volatile l. a. separatim à quamplurimis pro panacea ferè habetur, & summo arcano.

Tacemus animalium ungulas, & cornua alia, ipsasque spinas, bilem felleam, &c. ne nimis excreseat hic discursus.

imperfectorum,

1. *Cantharidum,*

2. *Formicarum;*

Quarum

odor & li-

quor est penetrans,

valde.

3. *Lumbricorum.*

per longam digestionem,

vel ex vivis cum s. q. cinerum.

4. *Viperarum & serpentum,* præprimis marium,

cum spiritu nauseabundo.

Quia

Sal. volat.
in anima.
libus opera-
tiones in
statu s. n.
& p. n.

Quin nondum separatum sal volatile in animalibus operationum quamplurimarum est autor, tum naturalium, tum præternaturam. Hinc enim resolutis in stomacho cibis chylus albescit, idemque à salibus volatilibus magis digestus in sanguinem mutatur, quæ genuina est purpuræ sanguineæ origo.

in coctione
& sanguifi-
catione.

Coctio enim illa animalis, seu in specie elixatio, & calor, instrumenta sunt, quibus natura spiritus in cibo potuque latitantes evocat, & in Sal volatile commutat. Sal volatile in sanguine copiosè jam existens ceu menstruum genuinum recipit & adsociat sibi partes homogeneas volatiles, easdemque porro exaltatas purpurâ suâ tingit. Sic si salia volatilium misceantur cum oleis destillatis, accedente digestionem tinguntur in colorem rubrum. Quid mirum itaque est, si Salia chyli volatilium & partes oleaginosæ coctione exaltatæ purpureum nanciscantur colorem, quæ verba sunt B. D. D. Mæbii l. 1. epit. Instit. medic. c. 11. p. 53.

venenorum
origo.

Eisdem volatilibus salibus venena in quamplurimis venenatis animalibus, fortassis etiam ab apibus, vespis &c. inducta punctione symptomata deberi, suo loco probabimus.

CAPUT IV.

In plantis dari Sal volatile.

Sal metal-
lorum ma-
gis fixum.

CUM concessum sit, abundare in regno animali potissimum Salium volatilium proventum, metallorum verò & mineralium illis affinium plerumque Sal magis fixum sit, (quo de specialiter alibi tractabimus) unde difficilis Tincturarum paratio, videndum de vegetabili regno, num & illinc salia volatilium in medicum usum peti possint.

Sal volatile
plantarum
antiscorbu-
ticarum.

Nullum dubium est de antiscorbuticis plerisque. Ita cochlearia, nasturtium omne, piperitis, raphanus rusticus, sedum minus, (quod si per se distilletur, miro lusum nil nisi aquam insipidam præbet:) & alia, eo potissimum nomine magnæ famæ & præconii existimata sunt, quod sal volatile in illis resideat, specificum in herculeis morbis, scorbuto, affectu hypochondriaco, obstructionibus pancreaticis & mesenterii &c. adeò ut naturæ benignæ matris nutu ibi potissimum provenire à quibusdam putata sint, ubi scorbuticum miasma quasi endemium & vernaculum malum est.

An expresse

Et adeò quidem increbuit horum salis volatilis existimatio, ut creditum

ditum sit, expressum cochleariæ succum & recensitorum reliquorum, *succo tam si per breve solum temporis spatium steterit, amittere statim volatilitatem suam, de quo equidem pace eorum, quibus receptissima placet sententia, dubitare hic allubescit.* Et ob eandem rationem receptum est magis verum axioma, quod plantæ hæ antiscorbuticæ non præscribantur benè in formâ decocti vel extracti, quia vis h. m. avolet; vel si decoctio adeò placeat, illam instituendam esse in vase duplici, & quidem igne leniori.

dubitat ur. In earum adhibitione cautela.

His extra dubium positis, quod in herbis anriscorbuticis dictis reperitur Sal quoddam volatile, plantæ quoque cephalicæ in numerum volatilitate gaudentium adscriptæ & receptæ fuerunt, ut *maiora, rosmarinus, salvia, ruta, atque similes.* Ac horum volatilia simplicium totam crasim continere, asserit Philosophus per ignem *Helmontius.*

Abundant sale volatili & planta cephalica.

Audeo asserere, duplex Sal volatile esse in plantis, *aliud patens, seu manifestum, aliud latens, seu occultum.* In dictis cephalicis & antiscorbuticis plantis detegitur Sal volatile odore & sapore acri, subtili, & penetrante.

Divisio Sal volatilii herbarum.

Quis verò neget in medii quasi generis herbis, ut rosis, liliis, scordio, absinthio, aliisque idem reperiri & dari, licet, ut apparet, minori quantitate.

An in medii generis herbis quoque detur.

Ast de plantis planè insipidis, vel frigidis, gramine, papavere, lactucâ, endiviâ, acetosâ &c. nemo hæcenus, qui vel maximè de proximè delibatis & recensitis illud concesserit, hoc facillè dixerit, ita præsertim, ut demonstrari illud possit, & juxta vulgatum illud, in quæ quid non resolvitur, ex iis non constat, cum defecerit, in eo hucusque artificium analyticum chymicum, illud tenebris involutum mansit.

An in planè insipidis vel frigidis.

Verum enim verò, cum quis cogitat & perpendit, cervum sal præbere copiosissimum volatile, qui tamen, ut alia bruta animantia, (omnia nihilominus sale volatili referta) gramine solum vescitur, herbisque, quæ nunquam tam felix chymicus potuit in sal volatile redigere, quam stomachus cervinus: Viperas item vel ex autopsiâ nostrâ, ali gramine, licet sæpius, itidem experienciâ nostrâ oculari, mures deglutiunt integros; lumbricos vel terrâ ipsâ pasci; formicas rodere arbores, granaque in futurum alimentum congerere, & ligna; canharides folia arborum depascere; imò in nobis ipsis quotidie ex

Probat ur I. Inductione ab alimento animalium.

insipidis & non falsis manifesta confici salia, lege digestionis humanæ, subit animum discursus, annon etiam ex illis Sal volatile realiter elici possit?

Neque enim cogitatione apprehendi potest, tam multiplicativum esse calorem animalium, vel insiti & innati Salis volatilis fermentum, ut tam copiose diffundi, dilatari, extendi, & ex herbis etiam, quæ nihil tale in se contineant, parari, & quidem in copiâ possit.

2. à simili.

Concessum fuit hactenus chymicis, ipsos ex frigidis etiam plantis spiritus elicere posse arduos & confortantes: Cur non etiam dato hoc ex iisdem Sal volatile prodire possit, cum spiritus arduos de Sale volatili participare sit in confesso?

3. Exemplo
fumi & fuliginis, quæ
sale volatile
est referta.

Fumum accensarum herbarum & lignorum oculos mordicare admodum, nemo est, qui nesciat; jam verò mordicatio hæc aliunde non provenit, quam à Sale volatili, quod cum aquâ evolat, & illud ipsum est, quod oculos, utpote delicatioris sensus, ferit. Hoc ὁ φθάλμοφάγεω̃s etiam elucescit ex fuligine, à fumo per successive in auras ab itum parietibus furnorum appositâ. Hæc enim, ex ligno præsertim quercino, (quercus enim Sale volatili copiosius, ut, in animalium genere, cervus, pollet, hinc quod salia volatilia rebus duratione præprimis conferant, annosa quercu, longævus cervus ob ætate dicuntur:) igni subiecta Sal volatile præbet copiosum, vel in agone existentibus pro cordiali summo & refectione commendatum, indicio evidenti, latuisse hoc prius in lignis. Quod verò non ex plantis combustis omnibus similis fuligo accrescat fornaci, forsan subtiliori adnumerandum est volatilitati, quæ ab acidis lignorum spiritibus magis ligatur, licet nec illud ex toto concedamus.

Licet ex
combustione
plantarum
non ita
accrescat.

4. Exemplo
vitis, seu
vini.
etiam quod
ad feces.

Ex vitis fructu, uvis, paratum vinum, Sale volatili insigne esse, præter alia vel inde sole meridiano clarius patet, quod, ut supra jam diximus, ex fecibus vini solum siccatis, fortassis etiam ex fecibus cerevisiæ, l. a. possit Sal volatile nobilissimum produci, cum tamen nec vitis ipsius folia, nec uvæ ullum habeant saporem volatilem.

5. à calore
plantarum.

Virere arva & prata ridere ineunte vere, ubi à benigno solis calore evocantur Salia, eademque rorem tanquam Sal centrale mundi imbibunt, & per totam ferè æstatem, oculi nunquam virore & dulcedine istâ saturandi restantur. Jam verò Sal colorum esse principium, ex ipso Paracelso, tract. de pestilent. tit. de cabulâ, & aliis locis pluribus constare potest. De quo videatur prolixè Simon Pauli quadripart. Botan. classe tertiâ sub heliotropio, ubi in primis p. 334. ex Paracelso

Unde colores
produ-
santur, &
immuten-
tur.

confirmat \ominus & γ ium, non Δ , colores efficere. Et experientia tinctorum id cuius neganti demonstrare sufficit, cui alia possent accendi, nisi brevitati jam studeremus. Ita si Tincturæ violarum guttas aliquot Spiritus C. C. vel \ominus is \times ci instilles, color confestim mutatur ex purpureo in viridem, ut taceamus alias mutationes, quæ pro diversis instillatis liquoribus diversimodè visum & mentem delectant.

Hinc est, quod Sal volatile balsamum quasi & vitam plantarum constituit, non minus ac in animantium genere vitalium actionum genuinum & verum præcipuumque est instrumentum.

In Sale volatile est vita plantarum.

Panis, è vegetabilium genere confectus, simul ac famelico offertur ventriculo, famem extemplò abigit, spiritus labantes reficit, vires refocillat, antequam vel chylus vel sanguis exinde possit perfici. Quin ipsi furno pistoris pro coctione adhuc concreditus, spiritum de se exhalat analepticum, & non infimi ad ventriculi & pulmonum affectus ordinis.

6. Exemple panis;

Ejus spiritus analepticus.

Eadem ratio est in brutis; vix ingesto gramine bos egenum & urgentem satiat appetitum, quod sanè non videtur aliunde procedere, quam quia statim salia volatilia in tria ista receptacula, nervos, venas & arterias sese vibrant, & ocyus corpori indigenti succurrunt, quàm balsamicum, melius adhuc digerendum & coquendum, nutrimentum. Quæ omnia latius deduceremus, nisi nos prodromum scribere specimen recordaremur.

Cur ingesto cibo famem statim sedetur.

Ex cydoniis, opio & benzoe crystallos elegantes, aliquoties nobis Vulcanus obtulit, manifesto indicio, illos salino & mercuriali deberi principio, & licet primo obtutu nihil minus inesse quàm salinum talismodi appareat, ipsi tamen experientiæ subscribendum. De hac latius agitur in *opiologia nostra curiosa*, prope diem edendâ.

7. Crystalli ex cydoniis, opio & benzoe.

probant Sal volatile.

Omne reliquum dubium dissolvit, & argumentis omnibus in contrarium sufficeins est dicta jam experientia, quâ innotuit nobis ex certâ quâdam herbâ Sal volatile \times cale elegantissimum, sine ullâ additione suspectâ, quæ vel micam de sale participasset, & quod magis est, sine igne productum. Quâ inducti, licet difficile sit à particulari ad universale argumentari, audemus nihilominus asserere, eodem modo posse, si non ex omnibus, multis tamen, aliis plantis idem perfici & ad oculum demonstrari.

8. Ab experientia, qua innotuit Sal volatile.

De modo procedendi in specimine altero, sive Experimento ipso, sine ullo fuco aut dolo differemus apertè, latè, candidè.

Cujus processus promittitur.

CAPUT V.

Modi eliciendi Sal volatile ex plantis.

*Prolectio
Sal. volat.*

Dari in plantis omnibus Sal volatile, facile quis credat, sed ut demonstretur, & in aprium sistatur volatile hoc & fugitivum, hoc opus, hic labor est.

*I. cum Spi-
ritu Vini a-
quosiori.*

Communiter plantæ antiscorbuticæ cum Spiritu Vini aquosiori (in aquis quippe lubenter solvuntur Salia) destillantur, ut is in se absorbeat, quicquid volatile in plantâ hæsit, relictis in valis fundo foliis inodoris, & sapore pristino omni penitus exutis. Hic quidem modus percommodus est, odoremque herbæ in spiritum derivat, indicio & virtutes esse communicatas, sed Sal volatile hoc nihilominus suo modo latens est, neque acidis instillatis spiritibus effervescit, neque in alembico spiculiformes exhibet particulas.

*Cur hunc
adsumant
chymici.*

Aquosiozem verò spiritum vini requirunt chymici, cum ob di-
ctam jam supra causam, tum quia Spiritus Vini rectificatus salia, ex
ipsorum hypothese, non solvit, unde in præparatione essentiaë & ii ex
croco metallorum non elutriato, Tinctura item Salis Pri, aliorum-
que similium jubent recipere similem non dephlegmatum Spirit. Vi-
ni, ut Sal eò melius solvatur, juxta illud: αὐτὸ ὁμοίον δι' ὁμοίων παγα-
νάζει, simile semper gaudet simili.

*An conve-
niat in es-
sentiis Sal-
is extra-
hendis.*

Notandum autem est, accedente
digestione feliciter longè rem succedere & optatius cum Spiritu Vini
rectificatissimo, omni que aqueo phlegmate studiosè orbatò. Ra-
tionem jam adducere nolumus, solum ad experientiaë Lydium lapi-
dem provocantes, quâ consultâ ex templò videre licet Sal phlegmate
solutum secessum à spiritu reliquo facere. Contra ea ex Tincturâ
Pri cum optimè rectificato Spiritu Vini paratâ, hoc iterum ad tertias
circiter abstracto, & residuo ad crystallifandum commodè locato,
crystalli Salis Pri egregiaë utilitatis & splendoris consurgunt. Sed
ad rem.

*Crystalli
Salis Tar-
tari.*

*2. Modo
Glauberia-
no.*

Glauberianus modus hætenus usitator fuit in nominandis vege-
tabilium volatilibus Salibus, ubi combustionem herbarum, in furno pe-
culiariper retortam institutâ, (vid. D. D. Rolfincius l. 5 chym. in art.
form. redact. f. 1. c. p. 281.) cum spiritu & oleo recipientia vasa intrant,
rectificatione postmodum separanda & reponenda. Sed violenta ea
nimis videtur, in plantis recentibus præsertim, mixtorum profuga-
tio, & verum quidem est, ob combustionem Sal volatile destillando
abire,

abire, & posse ex parte in excipulum meare, sed nullum dubium est, destitui hoc modo violenter totum mixtum, & tam tenero plantarum corpore, confusionem potius fieri, quàm resolutionem.

Eodem modo ex lignis liquor volatilis acquiri potest, si fumus ^{3. Et huius} alias evanescens, relictis solummodo ad furni parietes in fuligine ^{simili.} vestigiis, per debitum instrumentum excipiat in grande receptaculum.

Nonnulli, ut Sal illud volatile demonstrare queant, cum norint, ^{4. Cum aci-} acida figere volatilia, affuso v. g. *nasturtio aquatico* ~u Salis rectificatis ^{dis figenti-} *rectifica-* ^{bus.} to, illudque igni concrecentes, Sal volatile expectant, quod iterum ~u Salis solvunt, & pro spiritu aperitivo hypochondriaco singulari habent.

Alii, cum fermentationem sciant esse clavem veram, additâ fermenti vulgaris panificum parte, idem v. g. *nasturtium*, sine spirituos ^{5. Cum fer-} aliis coinmixtis destillationi committunt, ut eliciant spiritum Sale vo- ^{mento pa-} *nificum.* ^{nificum.} latili inebriatum, sed nec hoc pacto damnatur voto artifex.

Notum est & præsuppositum certum, propelli ab alkalibus fixis ^{6. Cum al-} *kalibus.* lia volatilia, hinc quæstio oritur, an non illis in consortium adscitis, v. g. cineribus, Sale sarmentorum, vel cuiusvis herbæ alkali proprio scopus præfixus possit adquiri? quod itidem vix concesserim.

Vel an calx viva, ceu illa quoque de Sale participat, propellere Sal ^{7. Cum cal-} volatile herbarum etiam possit, veluti urinæ additum statim illud ^{ce viva.} prodit, curiosum est, de quo in posterum discurremus latius.

Adesse verò in calce viva Sal quoddam fixum, patet, quia 1. volati- ^{Dari in cal-} ^{ce viva Sal} ^{fixum.} lia propellit, per jam dicta de urinâ, quod itidem præstat in Sale ^{xco.} 2. extrahit sulphura, non solum commune, pro lacte ^{is,} dehinc cum acidis præcipitando, sed etiam antimonii. 3. cum acidis commixta ~um urinosum efficit, ut cum ~u Oli philosophico vel ~u Salis communi, aut etiam cum alumine, quo de vid. *Dn. Ludov. Dissert. pharmacent. i. p. 445.* 4. aqua superflua fit acris. 5. gangrænâ tollit. 6. in erysipellate conducit, præsertim, si utrobivis se adsociet quid scorbutici. 7. oleo superfufo non strepit, &c.

Quomodo è salibus fixis volatile possit fieri, exemplo Salis ^{8. Ex Sal-} ^{bus fixis.} tractatu peculiari elegantissimè & profundissimè differit idem sæpius laudatus *Dn. Ludovici.*

Modus Helmontianus est celeberrimus, quem exemplo Salis cina- ^{9. Modus} ^{Helmonti-} ^{anus pri-} ^{mus.} momi volatilis demonstrat. Quando, ait, oleum cinamomi suo Sa- ^{li alkali} miscetur, absque omni aquâ, trium mentium artificiosa ^{occultâ.}

occultâque circulatione totum in Salem volatilem commutatum est, quod verè essentiam sui simplicis, in nobis exprimit, & usque in prima nostri constitutiva sese ingerit. *l. de trib. pp. chym. §. 84.* Sed hic licet certò procedat, particularis tamen solum est, & pretiosior. Neque enim ex omnibus plantis olea destillari, præsertim in copiâ, possunt, nec Sal æquè alcali promiscuè parari, cum plantæ aqueæ parcius illud præbeant, &c.

Secundus.

Venit hîc in mentem *alius Helmontianus modus, Tractatu, aura vitalis inscripto*, aliquo modo suggestus, ubi dicit, quod Hb aquæ vitæ combibita in sale Tartari siccato, vix fiat semiuncia Salis, cæterum totum corpus fiat aqua elementalis, ut prius erat. Hujus possibilitatem *Glaferus l. 1. traitté de la chymie. c. 20. p. 352.* experientiâ suâ stabilit & confirmat, qui mediantibus spiritibus acidis sæpius Spiritum Vini in Sal volatile reduxit, modo sequenti, quia non omnium teritur autor manibus, è Gallico in Latinum versum h. l. placet describere. Consistit verò breviter in eo, ut libra una spiritus Otri benè rectificati indatur in vitrum amplius longo collo præditum, huic guttatim per vices instilletur Spiritus Vini *Grifatus*, hinc apponatur statim alembicus cæcus vel aliud vitrum, quod cum collo alterius convenit, benè clausis juncturis, idque tamdiu repetendum per integrum diem, donec nulla sentiatur amplius pugna & activitas. Hoc modo habetur liquor medius inter Spiritum Vini & Spirit. *Ø*, nec corrosivus sc. nec inflammabilis. Qui si destilletur lento calore per Alembicum, in fundo remanet Sal album & volatile in paucâ quantitate, saporis acidocerbi, qui additione Salis alcali facîle ascendit & sublimatur.

10. Destillatione plantarum per se.

Curiosus & ille processus est, quo aliqui spiritum seu aquam veronicæ per se destillant, contusam plantam in cucurbitam vitream usque ad superficiem vasis replendo & igne subdito liquorem volatilem produciendo.

An fermentatione pereant Salia volatilia?

Fermentatione perire Salia volatilia, solenne & commune est effectum in destillatione spirituum è vegetabilibus tali Sale refertis, quod supra jam de succis eorundem tactum fuit. In contrarium autem tot exempla prostant, ut pauca hîc loci afferre sufficiat. Obstat nempe fermentatio illa communissima in musto. Inde enim tantum abest, ut pereant spiritus volatiles, ut potius in apricum prodeant, & conspicui fiant, quorum antea nil tale aderat. Sic urina humana, pro Sale volatili inde producendo, communiter ab omnibus digeri jube-

Subetur & putrefieri, licet absque digestionē hāc extēplō possit volatilitas proferri.

Fermentatio alia est *destructiva*, quā mixti forma penitus perit, & hāc ad putredinem tendit: alia *excitativa*, quæ latentia evolvit, in conspectum sistit, & sejunctis à se invicem vinculis seu elementis nova producit corpora. Si per fermentationem hanc institutam abutimur moliantur volatiles salinæ partes, possunt etiam fermentatione acquiri.

Fermentatio duplex.

Statuimus ergo, fermentatione quādam artificiali mediante, ex plantis si non omnibus, pluribus saltem, ex aliis forsitan magis, minus ex aliis generari posse illud ipsum Sal volatile, quo de generalis interim sufficiat hāc descriptio, quod plantæ debeant contundi, digeri, & iusto tempore Sal volatile colligi. Plura enim hāc vice, donec in pluribus experimenti pateat veritas, non licet.

II. Salia volatilia sunt mediante fermentatione.

Salia ipsa plurimum ad fermentandum faciunt, & si modo naturæ ductum sequaris, facile se ipsa evocant.

Semet ipsa evocant.

Plantæ amaricantes, ut Sal fixum copiosum per incinerationem de se præbent, ita & copiosum Sal volatile dare perspicuum est, cum illæ ut plurimum mercuriali simul abundant volatilitate, quod exemplo absinthii manifestum est.

Sal volatil. ex amaris plantis.

Hoc modo cum calor plantarum & agendi energia maximam partem dependeat à Sale volatili, perspicuum fieri potest, quā felix futura sit medicina, si ex illis Sal volatile & quidem copiosum parare possumus.

Activitas Salium volatiliū.

Distingui potest inter plantas. Quædam Sal volatile magis in seminibus gerunt, ut *hordeum, siligo, triticum, fructus leguminosi, anisum, carum, cerasa* &c. unde eleganter dicuntur semina plantarum nihil aliud esse, quam Sal congelatum, coctum & digestum, & hāc causa est, quod vel levissimā ebullitione in aquā vis hāc seminifica pereat, quia salia solvuntur in aquā, quamvis duriora nonnulla, ut nucleicerasorum, per alvum egesta fructificare posse & germinare statuuntur.

Salia volatilia modo in seminibus excellunt.

Aliæ in herbâ & foliis Sal volatile magis eminens possident, ut *cochlearia, nasturtium, dracoesculentus, ranunculus aquaticus* &c. Quædam denique in radicibus, ut *raphanus rusticanus, arum, acorus*, &c.

Modo in herba & foliis.

E primis & ultimis Sal volatile quidem produci posse non desperandum censemus, cum ex seminibus istis per fermentationem spiritus vini frumentaceus dictus &c. elici possit, & virtus potior radicum illa-

Modo in radicibus. An ex binis posteriora.

*Ufus elici
possit?*

*fiunt potis-
simum ex
herbis ipsis.
Maximè
vere,*

*Ex re-
centibus.*

istarum in usum trahatur, utraque verò ad fermentandum apta nata sint. Attamen ex herbis ipsis & foliis potissimum Sal volatile fieri posse, mediante fermentatione peculiari, experientiâ suprâ citatâ inducti credimus; idque præprimis tempore verno vel æstivo, cum plantæ adulescunt, & Sal volatile, ut ita loquar, adhuc in herba est, non penitus digestum, cum diffusius ibi sit, & facilius manui artificis obsecundet, contra ea in seminibus digestum jam est, ligatumque, & tunc temporis plantæ ipsæ exarent, cum in semina jam perfecta omnis quasi vis pertransiit. Hinc, qui Sal volatile ex plantis parare sustinuerit, ex recentibus eadem facere præsumat oportet. Sicut enim ex putrefacto ligno nullum vel paucissimum per combustionem & incinerationem eluitur Sal fixum; Parili ratione ex sponte suâ marcidis & deciduis plantis & herbis extrahi Sal volatile nequit.

CAPUT VI.

Ufus Salium volatilium è plantis paratorum generalis.

*Seçta me-
thodica an-
tiqua.*

*Axiomata
universa-
lia.*

Obsoleta ferè est *SECTA METHODICA*, cujus Patroni fuerunt *Themison, Soranus, Trallianus & alii*, qui in omnibus morbis nil nisi laxum, strictum & ex his mixtum attendebant. Statuebant enim morbum omnem consistere vel in adstrictione, ut quando fluxiones naturales sunt suppressæ, qualia sunt vitia retentorum, ut alvi adstrictio, suppressio mensium, hæmorrhoidum, sudoris, urinæ &c. vel in laxitate, ut symptomata excretorum, diarrhœa, dysenteria, hæmorrhagia, & similia, vel medio modo se habere, ut ophthalmia cum fluxione &c. unde tria consurgunt ipsorum axiomata universalia:

1. Quicquid adstrictum est, esse laxandum.
2. Omne quod p. n. laxum est, adstringendum.
3. In medio casu illi auxilium ferendum esse, quod

*Applicata
ad fixum.
volatile &
medium.*

*Exemplo
cephalico-
rum.*

magis urget. De quibus videatur lautius *Lauremberg. in Portic. Æsculap. c. 5. pag. 26.*

Licet hoc applicare ad fixum, volatile & medium, & tota medicamentorum classis in universum morborum genus armata sub hac divisione continebitur. Ita medicamenta *CEPHALICA*, & ut magis res exemplo pateat, antepileptica sunt vel *fixa*, ut *corallia, cinnabaris*
nativa

nativa & alia; vel volatilia, ut planta cephalica odorata, ipsarumque olea, ~ CC. ol. succini, castoreum ~ Salis xci volatilis &c. vel media, ut cranium humanum, CC. philosophicè præparatum, succinum in substant. ungula alcis, peonia.

In CORDIALIBUS inter FIXA recensentur perla, corallia, lapides quinque pretiosi succus citri; VOLATILIA: moschus, ol. citri, camphora; MEDIA: ambra, bezoar, mixtura simplex &c.

Cordia-
lium.

Inter STOMACHICA FIXA sunt: lapides ☉, concha præparata, creta, crystallus, ☽li, Salis; VOLATILIA: ut aromata, & inde destillata olea, arum, balsamum de Peru; MEDIA, ut pimpinella, ebur præparat. &c.

Stomachi-
corum.

Et sic consequenter in hystericis, antiscorbuticis & reliquis. Qui itaque noverit hæc pro morborum diversitate variare, & fixum volatili, volatile fixo debite opponere, næ ille felix morborum erit artifex, & morborum causam juxtim & remedia oppositè cognoscet, præcipationis doctrinam plenariè exhauriet, & accuratè ubique aget.

Saliorum

Nullus ferè datur morbus, qui non pro diversitate circumstantiarum à salium volatilium virtute sibi exoptet suppetias. Volatilia subtili suâ penetrantiâ porulos cerebri obstructos aperiunt, somnum lethargicum & apoplecticum stertorem excutiant, nervis ceu portitoribus spirituum liberum meatum pro sensu & motu partium concedunt, cor, lipothymiâ & syncope dejectum, & motu vix perceptibili vibrans, erigunt, suffocationes hypochondriacas & hystericas tollunt, sanguinem attenuant, & multa alia commoda afferunt, quorum hic vel meminisse solum satis fuisset, cum totum hæc sibi poscerent tractatum.

Usus vola-
tilium salium in mor-
bis variis.

Quanti jam æstimanda erunt Salia volatilia herbarum tot seculis desiderata? Eunthæc in penitiorem culinam vilcerum, acorem absorbent, quæ penitiori recessu pertinacius occultiusque restitant, remoras tollunt, & quicquid boni à simplicibus seu mixtis, ex quibus paruntur, desideratur, illud omne largo explebunt modio.

Penetrant
totum cor-
pus.

Differt curatio morborum εἴ γ' πᾶσαι, ἢ τε ὅμοιαι, ἢ τε ὁμοίως δια-
πράττονται, ἀλλὰ κατὰ τὴν αὐτῆς δύναμιν ἐκείνη. Non enim omnes aut
similes sunt aut similiter pertractantur, verum secundum vim pro-
priam singuli. Qui πολυχρείαν requirunt, ab heroicis volatilium
Saliū præsidiis levamen poscunt. Februm cohors & morborum her-
culeorum caterva his terga dare & cedere coguntur, subsistere nescia.

Heroicum
sunt præ-
sidium.

*Sanguinem
depurant.*

Ut spiritus Salis Φ ri in vinum feculentum instillatus omnes feces ad fundum detrudit, vinumque sincerum reddit; ita & in corpore nostro exturbantur à volatilitate hâc subtilissimâ impuræ è sanguine feces, fibræ in ordinem rediguntur, grumi discutuntur &c.

*Vnde à chy-
miatris mi-
re commen-
dantur.*

Hinc sapientum est consilium, si eò pertingere nequeamus, ut liquorem alkahest, & medicinam universalem acquiramus & comparemus, saltem discamus reddere Sal Φ ri volatile. Quousque jam provehemur, si ex tam speciosis omnis generis plantis Sal proferamus volatile, non minus realiter, quam Sal Tartari volatile existens, coagulo, consistentiâ simile, viribus nobilissimum?

*Ufus infe-
rieres.*

Ufus inferiores præstat sicco hoc loco prætere pede; non enim dubitamus & ad mechanicas artes inde redundare posse suum commodum.

CAPUT VII.

De Poris Salium volatilium.

*Doctrina
pororum
nobilissima.*

CUm pororum doctrina sit & subtilis admodum & utilissima, hodiè à viris celeberrimis, *Cartesio D.D. Erasmo Bartholino & Nobiliss. D.D. Schenkio* in lucem protracta & novis experimentis nobilitata; è re visum fuit & de poris Salium volatilium breviter despicere. Ita enim & Veteres ex *Empedoclis* doctrinâ ἀπορροὰς seu effluvia rerum necessario poros requirere scripserunt, εἰς εἰς καὶ δι' ὧν αἱ ἀπορροαὶ πορεύονται καὶ τῶν ἀπορροῶν τὰς μὲν ἀερότεις ἐπὶ οἷς τῶν πόρων, τὰς δὲ ἐλάτεις ἢ μείζους εἶναι. In quos & per quos effluvia hujusmodi emanant, ex effluviis autem quedam poris quibusdam congruere, quedam minora vel majora esse. Vide *Platonem* in *Menone* p. 14.

*Jam à ve-
teribus*

*tradita &
commenda-
ta.*

Cui suffragatur *Plinius* l. 22. *Histor. natural.* c. 24. Est & ratio subtilitatis immensæ, inquit, à *Platone* descendens: Corpusculis rerum lævibus, scabris, angulosis, rotundis, magis aut minus ad aliorum naturam accedentibus; ideò non eadem omnibus amara aut dulcia esse. Unde patet, quantum figurarum doctrina, ab ipso medicinæ parente *Hippocrate* tantopere celebrata, innitatur, his ipsis mistorum poris.

*Poris Salium
volatilium
sunt acuti,
subtiles.*

Quoad Salia verò volatilia, si, quatenus è mixtis producta & separata, considerentur, poros ea nacta sunt acutos, hinc linguam feriunt, & nares, hinc obtusis his spiculis cum oleo facillimè neciuntur &c. Deinde Subtiles, unde facillimè penerant, & in corpus assumpta celer-

celerrimè laborantibus visceribus vitalibus ferunt suppetias, & vel è stomacho nondum egressa in sanguineam massam vibrant effectus.

Quatenus verò adhuc *in mixto sunt*, & ut *componentia* in considerationem trahuntur, subtilitas quidem hæc & acuties pororum per effluvia convenientia, vel potius hæc per illos sese exserunt, sed sub mixturâ reliquorum principiorum, modo magis, modo minus, quin sæpe ita occultantur, ut ad sensum tum saporis, tum odoris nulla illorum detegi possit præsentia, exemplo *ossium, cornuum, craniorum animalium*, quo de paulò post plura.

Licet nondum separata sæpe occultentur.

Porosa esse Salia volatilia patet exin, quia aerem facilius admittunt, & ab eo resolvuntur, unde in auras promptissimè evolant, & si eadem non fixata adservare animus sit, id omne in aeris admittendi prohibitione curatissimâ consistit. Facillimè quoque parent pori eorum aquæ, & spiritibus, oleisque. Ita spiritus C. C. omnem suam vim mutuatur à Sale volatili, cujus si quantitatem sufficientem solverit & quasi imbiberit, reliquum in fundo vitri crystallisatur.

Aerem faciliè admittunt.

Parent aquæ, spiritibus, oleis.

Quin inter omnia principia reliqua sunt porosissima. Porositas enim hæc Salium volatilium necessaria erat pro facili cum reliquis principijs nexu. Cum enim instar mercurii omnibus sese misceant, poris tanquam instrumento uti voluit natura, qui efficerent, ut subire se invicem & coadunire possint.

Salia volatilia sunt porosissima.

A pororum hac dispositione pendet & colorum diversitas & variatio, quo de suprâ egimus, & tam frequens id est experimentum apud Tinctores, ut ejus rei exempla ubivis occurrant. Iisdem varietas Tincturarum chymicarum debetur, id quod vel in supra jam tactâ Tincturâ violarum est notissimum, quod pro affusione diversorum liquorum summè illius varient colores. Ita ex òte, prout hoc vel alio modo disponuntur pori, Tincturæ confieri possunt, rubræ, flavæ seu crocæ, & nigræ. In usum nobis est Tinctura òtis absinthiaca elegantissima, quæ fit, si essentia absinthii composita instillentur guttæ, de liquore quodam òtiali, ubi in momento confurgit nigricantissima Tinctura, quam describimus in *diatribe nostrâ de Sale xco*, propediem edendâ.

Vnde colorum diversitas.

Tinctura Martis absinthiaca.

Iisdem poris accepta refertur facilis vel difficilis volatilium salium è mixtis prolectio, aliorumque principiorum in Sal volatile commutatio. Si viscido pori hi quodam detineantur, vel oleoso occludantur vinculo, diutissimè durat, manetque in corporibus, unde ossa animalium, crania, cornua, ungulæ diutissimè illud adservant, & ex cranio

Pori Sal. vol. variant suam è mixtis productionem.

nio humano etiam in cœmeterio reperto novimus epilepticos non raro auxilium sibi quaesivisse, ut & ex eodem Sal volatile adhuc destillari potest, vid. *Quercet. Tetrad. cap. affect. c. 27. p. 329.*

Prout va-
riant mix-
ta.

E contrario, ubi rarioris compagis & texturæ, liceat nobis ita loqui, sunt mixta, eò promptius ab itum moliuntur Salia volatilia, unde flores & plantæ odoriferæ fluxæ sunt & diu non durant, in respectu ad illas, quæ odore, nisi cum liquore balsamico, carent.

Conve-
niunt cum
poris cere-
bri,

Convenientiam habent pori Salium herbarum volatilium præcipuè cum poris cerebri, cordis, & sanguinis. Hinc, ipso *Plætarcho* teste, *ὅτι τῶν ἀνθρώπων ὁσμάτις ἀνω σκειδναμένη αἰετὶ τὸν ἐγκέφαλον οἱ πόροι τῶν ἀσπτηρίων ἐκκαθαίρονται*, quorundam florum odoribus sursum dissipatis ad cerebrum, fit, ut pori instrumentorum sentiendi, expurgentur, & humores incidantur, sensim absque vehementi ictu aut agitatione discussi, simulque cerebrum naturâ frigidum refocilletur. l. 1. *sympos. p. m. 647.*

cordis,

Hinc in virium defectu volatilia tam citò cordi laboranti subveniunt, & ut odores quasi immediatum contactum cum spiritibus vitalibus habent, coagulationem fibrarum sanguinis, adeoque grumescentiam impediunt, in lipothymia, syncope & palpitatione cordis non minimi usus, in pulsus etiam intermittentiâ sæpius nobis feliciter adhibita.

& sangui-
nis.

Hinc etiam, ubi concentrato fixoque leviter sanguine (quod *Hippocrates ἀπὸ ληψι τῶν φλεβῶν* nominavit) veluti in dictâ inodò lipothymia, febrium insultu, cachexia, scorbuto, febri albâ virginum &c. contingit, videas illic totum corpus frigesce, torpere, & pallore livoreque perfusum languescere: evocato autem rursus & sibi restituto per volatilia sanguine, huiusmodi quam subito omnia calent, denuò florent, vigent, splendentque! ut verba *Harveii Exerc. de Gen. animal. 50. p. 193.* huc applicemus.

Item poris
nervorum,

Conveniunt eadem præcipuè poris nervorum, hinc spiritus volatiles & Salia, *ei, C. C. *viperarum*, quibus jam herbarum quoque addimus, volatilia, in paralyti & apoplexiâ unicè profunt.

& totius
corporis.

Imò cum poris ipsis corporis humani mirè consentiunt pori Salium volatilium, quorum fordes abstergunt, insensibilem transpirationem juvant, & paregoricum dolentibus partibus adferunt solatium, &c.

Vnde hic
pendeat po-
rorum situs,

Unde autem nactæ sint hanc configurationem particula volatiles, & cui debeatur ulterius hic pororum situs & collocatio, placet cum

Rulando

Rulando Sturmio febrif. cort. Peruv. part. 2. pag. 79. (ubi accuratiora plura huc spectantia reperire licet) ad causam primam, sive summum motorem jam recurrere, quam ulteriori discursu ea pertractare.

Ignis est ollis vigor, & cœlestis origo.

CAPUT VIII.

Salia volutilia cum Mercurio comparat.

Mirabilis ubique est Mercurius. Verus hic est Proteus & Vertumnus, variâ specie ludens. Mercurius

Triplex datur Mercurius: 1. *mineralis*. 2. *cœlestis*. 3. *chymicus*. est triplex:
Admiranda singulorum est natura. *Mineralis* contrectari Mineralis,
amat, sin contrectetur, cedit; modò sub specie fumi per ignem evo- qui variâ
lat, modò, igne variè tractatus, album, rubrum, flavum, nigrum & ludit.
plures colores induit. Cum fixus putatur & mortificatus, vitam
resumit ceu phœnix novus ex cineribus, & novo nitore currit; cum
destructus videtur, latet, & multiplici facie, figurâ, pondere, aliisque
accidentibus chymicis imponit. Nunc arbuta fingit, nunc spiculis
apparet horridus, nunc purpuram simulat, nunc prata.

Penultimus in Planetarum ordine cœlestis Mercurius, itidem mi- Cœlestis
rabili variat vultu. Cum beneficis, ♀e & ☿e, junctus, bonus habe- viribus
tur ab Astrologis, cum maleficis ♄no & ☿te, malus; quibus enim variatur.
jungitur, illorum induit naturam, calorem, frigus, humiditatem, sic-
citatem coëfficit, prout cum hoc vel illo communicat socio, facitque,
si statuenda est astrorum in mores & morbos vis non minima, ver-
tumnos, ardeliones, inconstantes, omnium horarum homines.

Chymici considerantes macrocosmum cum microcosmo, cum vi- Chymicus
derent præter insipidam aquam, terram, salem, sulphur, dari in mixtis ex horum
adhuc aliud principium, quod de horum omnium qualitatibus partici- similitudi-
paret, nullas verò tam peculiare, proprias, solitarias & distinctas, ut ne dictus.
reliquæ, haberet affectiones, illi nomen dedere Mercurii. Attribu- Ejus affe-
ta illi sunt levitas, subtilitas, penetrantia; vegetat & crescere facit ctiones.
mixta, vitam & motum dat, in perpetuâ interim actione & motu exi-
stens, unde ligatur quasi à fixioribus reliquis.

Imò deficiunt illis termini proprii, pro exprimendâ ipsius naturâ Vix expri-
genuinâ, unde, quod sit Mercurius, clarum esse, quid verò sit, obscu- mi queunt.
rum asserunt. Quibus motus *Sennertus consens.* & *dissensu cap. 11.*

pag. 184. Quid illud sit, scribit, quod chymici unanimiter consensu pro tertio principio ponunt, & Mercurii nomine exprimunt, malo dicere; *non liquet*, & meam seu ignorantiam seu dubitationem ingenuè confiteri, quàm pro demonstrationibus & solidâ veritate ea venditare, quæ dubitationibus non carere ipse scio.

An spiritus
plantarum
sint Mercurii,
dubitatur,

Hinc alii spiritus nomine ipsum indigitarunt, & liquores spirituosos è plantis eductos pro ipsarum Mercurio habuerunt.

Jam verò ipso chymicorum primicerio, *Paracelso*, teste: quicquid ardet, sulphur est, *tom. III. de morb. metallar. c. 3.* Ergò cum spiritus hi sint inflammabiles, & in totum deflagrare apti nati, cuiusvis dijudicandum relinquimus, an cum sulphuris, an verò Mercurii naturâ plus habeant commune, cum τὸ φλογιστὸν proprium sit sulphuris, non Mercurii, & *Sennerti* verbis, sulphur non semper in formâ oleosâ & pingui apparet, sed sæpè etiam in spirituosâ, ut in spiritu vini videre est. *l. c. p. 183.* Quo nomine non adeò inconcinne accuratioribus sub nomine oleorum veniunt.

Possunt in
Sal. volatil.
mutari.

Accedit, quod spiritus ejusmodi ardentes in Sal volatile possunt mutari, quod præter alios secretiores modos cum Salibus volatilibus, si rem rectè aggrediaris, efficitur. Ita spiritus urinæ si misceatur cum spiritu vini dephlegmato, in momento spiritum vini in offam albam, mirè tamen fugacem & subtilem coagulat, annotante *Helmontio c. 3. de lithias. t. 5.* Et idem jam annotaverat *Sennertus* laudatus *l. c. pag. 166.* cui gemina sunt, quæ eam in rem scribit *B. Mæbius, Epit. Inst. l. c. p. 53.* & *illustris Boyleus Tentam. physiol. p. 80.*

Mercurii
descriptio-
nes alia.

Nec animum exsaturant, quod, eleganter licet, nonnulli scribunt, per Mercurium intelligi humidum primigenium, ac spiritum, seu partem spiritalem, quæ nunquam sine liquore seu vehiculo suo esse potest; per Δ , calidum innatum, per \ominus , siccum radicale, seu corpus, quod basis, cui reliqua duo superstructa.

Multò minus assentiri illis possumus, qui Mercurium spiritum illum αἰθερώδη, & εἰς ἀνάλωτον τῶ τῶν ἀστρον σοιχείω dicunt, quippe quod elementata cum purissimis illis corporibus cœlestibus nil habent commune, sed interitui sunt obnoxia, quod circa naturam calidi innati prolixius deduxêre & sufficienter recentiores philosophi & medici.

Mercurium
nil aliud
est, quam
Sal volatil.

Audemus exercitii gratiâ defendere, verum herbarum & animalium Mercurium (de mineralibus & metallis hîc locus non est disputandi, quod suo tempore fiet quoque:) nihil aliud esse, quam Sal volatile.

volatile. Hoc facile persuasum sibi habebunt illi, qui utriusque huius naturam penitus introspiciunt.

Paracelsi hæc de re sententia extat libro I. paramir. cap. 2. ubi vo- *Locus Pa-*
latilitate Mercurium definit, id enim, quod in ligno effumat, Mercur- *racelsi.*
rium esse, asserit. Quod, inquit, ardet, Sulphure est, quod fumat, Mer-
curius est, quod relinquitur cinereum, Sal est. Sulphur solum ardet:
Mercurius solus fumat; in cinerem quod vertitur, solum sal est.

Quercetanus de rerum signat. extern. Mercurium Salem rerum om- *Querceta-*
nium volatilem admixtum habere, & cum sulphure præcipue colo- *ni.*
rum esse autorem, concedit, utut defensione contra anonymum aliter
paulo eundem definire videatur.

Neque, si autoritatibus certare vellemus, deessent plures, quas ta- *& aliorum.*
men huc trahere nobis mens non est, qui potius re ipsa id eruere &
demonstrare satagimus.

Sal volatile est illud, quod de omnibus chymicorum principiorum *Sal volatil.*
qualitatibus participat. Facit hoc ad saporem rerum, ad odorem, *de omnibus*
ad colorem & inflammabilitatem, quod ultimum vel unico exemplo *reliquis*
patet Nitri & Olei & ci invicem mixtorum & calcinatorum, quo de *principiis*
in *Ephemeridibus Germanorum Anni Mdi obs. 197.* egimus, latius de *participat.*
eo acturi in citata diatriba curiosâ de Oleo & co.

Sal volatile, seu Mercurius hic, est volatilius & subtilius corpus in *Est volati-*
mixtis. Subtilius enim esse oleis tum propriè tum impropiè spiriti- *lius & sub-*
bus communiter dictis, nemo est, qui neget, quod tum ex dosi, tum *tilius in*
ex aliis patet. *mixtis.*

Nec est, quod quis objiciat, ex solâ volatilitate, quod pluribus ea *Obiectio 1,*
sit communis, rem decidi non posse. Verum enim est, suo sensu & *diluitur,*
phlegma posse dici volatile, quia ignem fugit, & volatilitatem hanc *volatilitas-*
communem esse cum oleis: Sed negari non potest, tam, quod prin- *tem pluri-*
cipaliter volatilitas debeatur Mercurio, quam quod olea ipsa aërea *bis esse*
volatilitatem suam agnoscant maximam partem à Mercurio seu sale *commu-*
volatili, quod videmus in oleis expressis, quæ Alembicum transcen- *nem prin-*
dere renuunt, & quamvis ex oleosis, non simul aëreis, in quibus scili- *cipis.*
cet oleum cum terrestreitate quasi est remixtum, v. g. ex femine hyo-
scyami, lini &c. studiosè tentes destillare Δ ur s. oleum, illud tamen ex
voto nunquam succedet.

Neque argumentum illud valet, olea supernatant a quæ, ergo sunt *Obiect. 2.*
volatilia, non enim tam ob volatilitatem, quam pororum ramosita- *quod olea*
tem & partes asymbolicas supernatant, unde olea caryophyllorum, *superna-*
tent,
cinna-

cinnamomi, aliorumque potius fundum petunt, quam superiora, cum tamen non minus sint olea & quidem subtilissima.

*Obiect. 3.
ab onoma-
tologia seu
denomina-
tione.*

Nec denique illam moramur objectionem, quā ab onomatologia seu appellatione argumentari aliquis potest, dici hactenus & vocari hoc principium Sal volatile, non ϕ ium. Si enim in re conveniamus, parum de nomine erimus solliciti. Quapropter si conferantur salia fixa alkalia cum volatilibus, magis ea discrepare, quam convenire, certum est.

*Consensus
& dissensus
salium vo-
latilium &
fixorum.
Differunt
sapore, odo-
re, poris.*

Solo ferè conveniunt colore & crystallisatione, pugna item cum acidis. Differunt verò, quin secum invicem pugnant, *sapore*, alkalium enim sapor est lixiviosus, volatilium urinosus; *odore*, alkalia sunt inodora, volatilia penetrantissimo gaudent odore. Differunt & discrepant in primis poris, à fixis enim salibus propelluntur & fugantur volatilia. Aquæ omnes invicem miscentur, amicabili nexu omnes maritantur spiritus, olea expressa & destillata se subeunt, sola salia fixa conjugationis sunt impatientia.

*Affectioni-
bus variis.*

Non competunt sali volatili affectiones \ominus is fixi; à sale radicaliter omnis est constantia, inquiunt Chymici, Sal volatile est inconstantissimum, quæ causa est, quod Mercurii dominium certum statuatur indicium inconstantia in rebus imperfectè digestis, seu corruptioni obnoxiiis, teste *Nollio, l. 4. phys. Hermet. c. 4.* Salia alkalia in humido liquecunt & in sicco coagulantur. Salia volatilia omnis suffuratur acris. Fixa salia per se destillari nequeunt, & si ignis vi, ab aliis admixtis segregata, eò adigantur, ut fluorem adipiscantur, vertuntur in liquores acidos. Nihil minus videre est in volatilibus, quæ promptè levissimo etiam calore alembicum transcendunt, ut alia plura discordia argumenta transeamus.

*& destilla-
tione, aliis-
que.*

*Obiect. 4. de
Sale vola-
tili ex alka-
libus para-
bili.*

Speciosius in contrarium argumentum objici potest illud, quod ex salibus alkalibus destillari possunt spiritus volatili Sale imprægnatissimi. Ad hoc verò studiosè respondere impræsentiarum suis de causis dubitamus, cuivis tamen privatim rationem reddituri.

*Mercurius
se omnibus
reliquis
principiis
associat.*

Jungitur hic Mercurius omnibus reliquis principiis, participat cum phlegmate, quo cum faciliè coit & liquatur, cum sulphure facillimè combinatur, cum terrâ abscondi se patitur, quod patet Sal volatile C.C. cum C.C. usto fixo sublimando. Ubivis sese miscet, cooperatur, & licet sepultum videatur, nihilo tamen minus adest. Cum sulphure facit colores & odores, cum sale saporis &c.

Est princi-

Principia chymica sunt vel *activa* vel *passiva*. Passiva sunt Δ a & Terra.

Terra. Activa \ominus , Δ , ☿ : & inter hæc omnia præcellit activitate Mercurius. *pium valde activum.*

Nullus ergò alius Mercurius in vegetabili regno datur, quam sunt *Est Sal. vo-*
 \ominus lia volatilia. Nullus item in animali, quam Salia volatilia. *lat. in ve-*
 est Mercurius iste, qui sanguinem circulat, & movet, horologii nostri *getabilibus;*
 inquires & æquipondium. Hunc ex omni sanguine producere est *animali-*
 facillimum, contrà Mercurium mineralem nemo inde, nisi eo per illi- *bus.*
 tionem prius inquinato produxerit.

Respondethic ☿ , scitibente *Nollio l. c.* aëri, quod calori admotus *Respondet*
 nihil ferè esse deprehendatur, quàm aër seu vapor, qui statim in auras *aeri,*
 evanescat. Aquæ verò comparari potest, quod sit fluidus, nec pro- *aqua.*
 prio, sed alieno termino, dum in suâ naturâ est, contineatur, quæ est
 humidi apud Aristotelem definitio.

CAPUT IX.

*An actu insint mixtis Salia volatilia, an potentiâ,
 disquiritur.*

ADesse particulas in herbis diversi generis, aqueas, sapidas, acres, *Varia sunt*
 acidas, balsamicas, salinas, terreas, &c. nemo negaverit. Illæ *in herbis*
 tamen non æquè in omnibus sub formâ aquæ, olei, salis vola- *particulæ,*
 tilis seu ☿ ii, Salis fixi, & terræ, actu sunt & dantur. *sub nomine*
principio-

Effluit quidem ex vite, betulâ, aliisque præcisis vel perforatis aqua; *rum.*
 oleum ex nuce moschatâ, caryophyllis, aniso, hyoscyamo, &c. actu *Actualiter*
 oculis sese offert, & exprimitur, ut de antheris in corylo, junipero, *in quibus-*
 musco terrestri, typhâ palustri &c. taceamus. Sal volatile in aro & sina- *dam & ad*
 pi manifestè & actualiter linguam, ex raphano rusticano, cepis &c. *sensum.*
 evaporantia effluvia oculos & linguam feriunt. In salibus naturali-
 bus dictis Sal actualiter abundat, & ex arundine saccharum de naturâ
 Salis stillat. Ex aliis terrenum quid sub formâ pulveris excidit, & in
 salicibus aliisque arboribus vetustis tale quid collectum vel hortula-
 nis vicem terræ gerit fertilioris.

In aliis verò potentiam hunc actum præcedere ipso sensum ju- *In aliis*
 dicio liquidum est. Quis enim v. g. in hyoscyamo, (hunc enim *verò poten-*
 ceu minus sale fixo præditum communiter habitum, adducimus, quod *tialiter.*
 nobis Sal alkali exhibuerit, non levi proventu:) Sal alkali actuale
 agnoscat? Quis in plantis insipidis, nec acribus, in sanguine, item,
 ff. cranio,

cranio, & cornibus animalium Sal volatile dijudicet? Quis ex solo aspectu aquam in lapidibus, saxis & mineris, oleum in Tartaro, papyro & aliis dignoscat?

Arida est planta capillus q̄is, & videtur prorsus exsucca, nihilominus libra una herbæ parum abest, quin expressione facta tantundem succi fundat, quam inesse vix jurato alius credat.

Hinc distinctio est necessaria.

Unde distinguendum videtur inter hæc principia. Considerantur enim, ut supra jam innuimus, vel ut mixtum componentia, vel inde separata. Et videtur coincidere hæc controversia cum illâ Philosophorum, quâ disputant, an elementa actu insint mixtis, an potentia?

Componuntur mixta ex principiis chymicis.

Dicimus ergo, actu quidem componi mixta ex quinque his principiis, (loquimur cum chymicis,) eadem tamen actualiter in omnibus inesse, prout inde dantur separata, iisdem figuris, poris, & affectionibus, de eo valde dubitari potest.

Sed igne mutantur eorum pori & particula.

Quin videtur solum lusus esse in terminis. Negari enim non potest, particulas & poros herbarum igne variè inverti, mutari, destrui, & ut *Cartesii* acutissimi illa huc applicemus ex *meteor. cap. 3. §. 19. p. 225.* palam liquet, producti hujus vel illius per ignem è mixto partes easdem esse, quæ antea mixtum composuere, sed illas inter se collisas & vi ignis agitas, modo ex rigidis & inflexilibus plicatiles, ex teretibus planas & secantes evadere, modo ex flexilibus & plicatilibus in inflexiles & rigidas, modo ex fixis in volatiles, modò ex his in fixas &c. mutari, unde postmodum coloris, odoris & saporis diversæ admodum manant differentię.

Et idcirco rectè dicuntur inesse potentia.

Hinc cum unius corruptio sit alterius generatio, reverà dici potest, v. g. Sal per incinerationem plantæ productum potentia extitisse antea in herbâ, quam in cineres eadem verteretur, & per aquæ elutriationem prodiret in conspectum, licet ejusmodi particulae Salinae antea præinexistiterint actu, verum sub aliis poris & figuris, adeoque in objectâ hæc materiâ aliquid fuerit, quod per ignis adminiculum elici per generationem potuit. Vid. *D. Rolsincius loco saepe laudato chym. in art. form. red. l. 1. c. 5. p. 58.*

Objectiones diluuntur.

I.
Ex nihilo nihil fieri.

Et hinc cadit argumentum subtile pariter & frequens: Ex nihilo nihil fieri; unde subsumere volunt quidam, ergo principia vel actu adfuisse prius in mixtis oportet, vel ex nihilo aliquid fieri, cum ea quæ fiunt, fiant vel ex ente, vel non ente. Huic præter jam dicta unicum illud opponimus *Scaligeri*: Si ex nihilo nihil fit, ergo id, quod aliquid est, in

est, in nihilum reverti nequit. Parenim ratio creationis & corruptionis. Nam si è punctis nullum potest confieri corpus, corpus tamen nullum in puncta resolvi poterit. Et sic divisio ἐκ χειρῶν chymicarum in σύγκρισιν καὶ διάκρισιν solutionem & coagulationem locum suum obtinere potest. Est enim reverà hæc separatio quædam, licet novâ accedente pororum inversione è potentiâ in actum deducantur.

Sic si v. g. libra una spiritus seu olei vini immiscetur libris decem aut pluribus aquæ, reverà dicere possum, Spiritum vini actu inesse aquæ, quia manibus meis ipsum infudi, eundem verò inibi adesse potentiâ, (respectu ad novam inde ejus reductionem & productionem) ipse gustus aperiet, qui illud non pro Spiritu vini, sed aquâ, utpote prædominante habebit. Sed diutius his immoramur præter intentionem, quæ omnia fusius & accuratius discutiet *Magnif. Dn. D. Rolfin-*
cus in prælaudatâ chymicæ editione alterâ, quam habet præ manibus.

Videtur distingui eleganter posse inter τὸ inesse materialiter & formaliter. Materialiter principia chymica mixtis insunt actu, non verò æquè formaliter, cui fini ignis accedens, & variè partes immutans formam aliam producit, adeoque per transmutationem ejusmodi ibidem generantur, tanquam nova entia, fitque, quod eadem formâ non erat ante.

Illustrationis verò gratiâ adducere non incommodum judicamus locum *Aristotelicum*, ex lib. 1. *physic. cap. 7.* ubi scribit *Philosophus*, fieri aliquid, multipliciter dici, & inter alia: *Fiunt, inquit, quæ fiunt simpliciter (id est, substantiæ, vi accidentium:)* alia quidem μετα-
 χηµατισµῶ, transfiguratione, ut statua ex ære: τὰ δὲ ἀποθεσῶ, alia verò appositione, ut quæ augmentantur: τὰ δὲ ἀφαιρέσῶ, alia vero subtractione, ut ex lapide Mercurius: τὰ δὲ συνθεσῶ, compositione, ut domus: τὰ δὲ ἀλλοιώσῶ, alia verò alteratione, ut quæ vertuntur secundum materiam. Locum habet in productione principiorum chymicorum τὸ ἀφαιρέσῶ, subtractio, separatio, tum ἀλλοιώσῶ, seu alteratio. Quæ quidem ex dictis jam patent.

Nec abludit divisio altera, quâ tribus constare naturalia corpora ajunt sapientes, 1. ἐκ διευώτων, ex separatis, ut tritici cumulum, 2. ἐκ συναπλομένων, ex contextis, ut navem, 3. ἐξ ἡνωμένων ex coadunitis, ut animal ex animâ & corpore. Addunt alii. 4. τὸ κατὰ μίξιν, ex mixtione, ut mulsum.

An ergo
salia vola-
tilia plan-
tarum in-
sint actu,
vel poten-
tia.

Quid itaque statuamus de Sale nostro herbarum volatili, curiosi forte an lubido erit nosse, præsertim, cum dixerimus, id sine igne paratum esse. Pro præcipuo enim & palmario ferè id adducunt communiter argumento, ut probent, actualiter omnia Salia dari in mixtis, exemplo succi acetosæ, aliorumque sensim exsiccati, ubi cum tartaro herbarum Salina concresecunt spicula. Sed ut paucis respondeamus, id in sequenti experimento ipso, Bono cum Deo, latius promittentes: Si actualiter inest, cur hætenus à nemine fuit in apicum productum?

Responde-
tur ex
principiis
Cartesianis
& Aristot-
elicis.

Arbitramur idcirco, ut in principio capitis hujus innuimus, adesse particulas volatiles in plantis, quas si quis per supra proposita Mercuriales vocare voluerit, liberum id ei relinquimus. Illæ verò cum sine destructione mixti non possint ita aptari, ut sensibus occurrant, locum hinc meretur generatio illa tertii modi *Aristotelici* ex lib. I. de gener. & corrupt. c. 3. quæ ex insensibili fit sensibile, & ex non manifesto & latente conspicua ad sensum & apparens substantia.

CAPUT X.

Convenientia & discrepantia Salium Volatilium, seu, An omnia Salia Volatilia sint ejusdem generis?

An princi-
pia Chymi-
ca omnia
conveni-
ant.

O Biter suprà tacta fuit controversia de spirituum oleorumque communi & discrepante usu. Cum verò eadem quæstio de volatilibus moveri salibus possit, placuit peculiari de eâ agere capite. Nam si fateri volumus, quod res est, idem de omnibus principiis chymicis quæsitum est, cum non modo de oleis & spiritibus, uti jam diximus; verum etiam de Salibus alkalibus controvertatur: an omnia ejusdem sint naturæ, & in qualitatibus convenient, adeoque aliud pro alio substitui possit. Idem de phlegmate, seu aquis destillatis, ut non minus de terrâ, seu capite mortuo valet.

Distingui-
tur inter
eorum aff-
ectiones.

Decidit res posse videtur tota distinctione. Aliæ nempe affectiones horum principiorum (prout separata sunt è mixtis) sunt *communes*, aliæ *proprie*. Communes sunt, quæ omnibus convenient; propriæ, quæ singulis sunt quasi privatæ & specificæ.

Communes.

Ita negari non potest, in genere secum consentire aquas, quod sint insipidæ; spiritus, quod sint saponi, ardentes, volatiles; olea, quod sint φλογισα, ut simul comprehendamus expressa; Salia volatilia, quod

quod faciliè auras petant ; alkalia , quod fixiora sint & particulis rigidis & inflexibilibus & igni renitentioribus conveniant ; terra, quod sit sicca, ut de sapore, odoreque ex parte communibus nil dicamus.

Præter has verò communes qualitates, uti herbarum, ex principiis his compositarum, virtutes, ceu mixtorum ut sic, mirum quantum variant, ita & differre ab his separata eadem, efficitur. Licet enim ad sensum & apparenter sæpè illa ipsa videantur esse planè eadem, in rei tamen veritate diversitatem inter ista agnoscere æquum est. Ita in aquis, ob deliquatum Sal volatile, aliumque odorem & saporem iisdem concilians, manifesta est differentia; in spiritibus & oleis ad idem sensuum judicium jam provocavimus, nam ubi vis alia aliaque datur mixtura.

Quoad Salia alkalia, non negamus virtutem specificam, quæ toti conveniebat mixto, maximam partem destructam esse, utpote si id omne possent Salia plantarum, quod plantæ, ex quibus parata fuerunt, sequeretur absurdum, nullam vim plantarum fuisse in eâ substantiâ, quæ per incinerationem & combustionem periit. Verum non omnium virium facta fuit jactura, sed aliquid de viribus & qualitatibus herbæ, e.g. absinthii, cardui benedicti servatur, à quibus postmodum qualitatibus & viribus fit denominatio, ut hoc Sal meritò dicatur Sal absinthii, non verò misti alterius. Vid. sæpe nominatus D.D. Rolfincius l. c. l. 5. s. 1. c. 1. p. 282.

Quod ut penitus indagemus, par est, ut fundamentum virtutum herbarum paulo curatius pensitemus. Nil dicemus de qualitatibus ipsarum primis activis vel passivis, nec quæ exinde procedunt, & primarum sunt internunciæ, secundis, tertiisve, nec, quæ non paucis malè audiunt, de occultis. Sed cum in chymico versemur foro, chymicè eadem scrutemur. Constat nimirum, juxta hæc principia chymica, prout vel phlegmate, vel sulphure, Sale volatili, fixove magis abundant mixta, ita & variare tum ipsorum, tum inde per artem productorum vires.

Ita caryophyllorum, nucis moschatæ, anisi, fœniculi, carvi, menthæ &c. vires potissimum adscribendæ veniunt sulphuri, seu particulis oleosis, & Sale volatili remixtis, quod nemo homo diffitebitur. Hinc verò confectarium est, chymicè ex illis prolecta per ignem olea, vel etiam expressa, abundè gaudere simplicis sui facultatibus. & adeò ipsorum v. g. aquæ, spiritus, salia, easdem non tam bene in corpore humano exprimunt, quam illa ipsa olea.

*Alkalium,
absinthii
&c.*

*Et volatili-
um anti-
scorbutica-
rum.*

*Magna ta-
men cum
latitudine.*

*Praesertim
cum ipsa
sint mixta,
non pura.*

Sic etiam absinthii & carduibenedicti aliorumque similibus amarificantium vis præter Mercuriales volatiles particulas bonam partem debetur Sali fixo, unde ipsorum Spiritus, essentia & Sal alcali maximè vires illas spondent, quas ab ipsis expectare licet, ita ut & volatili-um antiscorbuticarum plantarum virtus, uti jam superius tetigimus, in Sale consistit volatili, hinc auxilium inde speratum non tam in aqua, saleve fixo, quam in spiritu, vel Sale volatili actualiter ex iis proleto quaerenda est. Et hoc pacto de aquis quoque idem affirmare possemus, nisi ea in aprico essent & per se paterent.

Fatendum tamen est, magnam hinc occurrere latitudinem, magnumque se offerre differendi campum, nisi hanc vice hisce solum aliis id melius discutiendi ansam præbere animus esset. Emicat autem hinc, à potiori quidem hoc modo faciendam esse denominationem; ob maximam verò principiorum inter se cognationem, & reliqua non omni excludenda sunt encomio, quæ solummodò secundariò, non principaliter vires sui simplicis sustinent.

Cui & illud jungendum videtur, hæc ipsa per ignem producta corpora & principia chymica non esse pura, sed mixta, quod in præcedentibus jam differuimus; denominationem tamen fieri ab eo, quod in uno vel altero illorum prævalet & abundat.

Sed de his opinione nostrâ jam amplius egimus, quare hic

TERMINALIA sunt.



GEORGII WOLFFGANGI
WEDELII D.

Professoris Publici, & Medici Ducalis Saxonici,


EXPERIMENTUM
CHYMICUM NOVUM,

De

SALE VOLATILI
PLANTARUM,

quo latius exponuntur,

specimine ipso exhibita.



*Nobilissimo ; Excellentissimo atque
Experientissimo,*

Dn. DANIELI LUDOVICI,

**Archiatro Ducali Saxonico & Chymiatro celeberrimo ,
Fautori & Compatri observando,**

Bene agere!

M*aximam capio voluptatem, quotiescunque vel merit tua in rem publicam
literariam, & chymicam imprimis, animo recolo, vel pristinum illud con-
sortium, quo me Tecum frui per sexennium fata voluere benigna.*

*Semper admiratus sum labores pertinaces, monumenta aternâ memoriâ dig-
na, humanitatem incomparabilem, eruditionem & virtutem summam. Quid
disclusum est ab ingenio tuo? quid non tentatum ex prompto artificio? in te & om-
nia & cumulata, quicquid arcanorum venditat chymicus orbis.*

*De omnibus argute differere, perfecte judicare, ingeniose & ex praxi vulca-
niâ indefessâ digne decernere non ego solum saepius, magno cum animi mei gaudio,
inter amicos discursus audiui, sed publica ad posteritatem loquitur fama.*

*Conversationem Tuam perpetuò colui, neque desistam illam in exemplum præ-
dicare, donec se expleverit animus meus perpetuâ recordatione & hujus ipsius, &
Tuorum ergà me ingentium meritorum. Non potui ergò, quin amicum Te tan-
tum in inscriptione opellâ hujus compellam.*

*Mirum dicam & rarum, quod quantò rarius evenit, tantò miraculo est pro-
pius. Nullus inter nos ortus fuit rancor, nulla in gratiam reditio, invidia nulla,
id vero in fortunâ rarioris numero haut immerito pono. Eramus unanimes; sive
commune studium exposceret ager, sive communicationem amicam desideraret
rei gravitas, nunquam Tuâ humanitate, candore & amicitia estimavi quicquam
prestantius, vel mihi exoptatius.*

*Quid? quod nihil mihi reliquum feceris, quin in omne Tibi debeat; neque
dissuadet tamen conscius imbecillitatis suæ animus meus, posse in amicitia hujus
memoriam suspendi hanc tabulam, si in mentem revocem, quantum humanitas, &
benevolentia tua defectum virium mearum suppleat. En omne meum studium
in eo genere officii, quod ad decus & gloriam Tuam pertinebit.*

Sed

Sed alterum est, quod Te velim, vir Excellentissime, amicum exim mihi, quem tot experimentis sensi sincerum, ulterius promittere non dubito. Testem Te voco & judicem, neque enim majus ullum monumentum opella mea esse potest, quam tanti viri testimonium, quod unice exosculor.

*Tu obveniens hoc arcanum, quod malletm Tuo enatum ingenio, judicio tuo confirmare non dedignatus es; Tu primus spectator fuisti, ausus hujus mei, an fortuna, & fumantis urinosiliquoris. Tu, quid tum in aliis, tum in primis quer-
cus foliis hunc in finem occupato obvenerit, invidendo studio mecum communicasti, neque verò ea nisi obiter saltem tetigi, colophonem à Te expectantia, & gloria partem, si non omnem, tamen precipuam.*

*Sed quid amplius promittam de Te Lectoribus meis, seu orbi potius erudito, quam quod è limatissimis tot operibus Tuis, sive prafixum gerant nomen, sive, quæ miranda est modestia tua, occultent omissum, sibi spondent, artis nostræ lumen, decus atque splendorem immortalem. Servet Te Deus! Dab. è Muséo Jenæ 1675.
Cal. Jun.*

Celeberrimo Nomini Tuo
deditissimus

Georg. Wolffg. Wedelius D.

PRÆFATIO

ad

Benevolum Lectorem.

AQuissima vox est, *redde, quod debes.* Memini me promisso dudum debitoris nomen subiisse, & exsolvere jam debere, quod plurimi à me hactenus sollicitarunt.

Liberare fidem addecet, licet dilatam, neque enim frustra sæpe differre licet, quæ omnium iudicio exponere velis, maturè interim in vadimonium testes exceptione majores mihi comparavi. Exponere rem eruditis decreveram, ne sine teste relinquerer, ore quidem, non literis, quid enim scripto aliud reportassem, quam iudicia sinistra, aut vilipendium, aut quando ab amicis hæc timenda non erant, alia.

Inter istos nomino potissimum Excellentissimos viros, (tacebo autem jam domesticos, & familiares plures :) *D. D. Tackium, Meibomium, Barnerum*, at quanta nomina!

Vix eloqui possum, quàm benevolè exceperit conatus meos ipse tunc nobis præsens celeberrimus *D. D. Tackius*, quam ingenuè mentem suam exposuerit, & quam amicè de me sentire apud Serenissimum meum Principem sustinuerit.

Non persuadere opus fuit, nec differere, in his enim sæpe
nec locus ingenio est, oculi, Te iudice, vincant.

Id unum mihi scrupulum movebat, quod accidit sæpe, ut quæ audientes mirabamur, eadem legentes rideamus, seu, quæ *Cyri* apud *Xenophontem* est oratio, *μὲν ζῶντα ὁ μὲν δὲ πλεονέκτης μείζονα ἰδεῖν, arbitratos μείζονα μίνα ἰδεῖν*; & quod in proverbio fertur, *ἄνθρωπος ὁ δὲ πλεονέκτης*. Verbo, non ad palatum omnium fore, minus ad votum eruditiorum, alteri scetidum, alteri difficile, aliis vile.

Ast noveram, quàm levis scintilla in altæ lucis pyramidem exurgere possit, unde licet imperfecta hæc videri possent, malui tamen rudia hæc, & in incunabulis suis, si ita loqui fas est, exhibere, quibus ultra seculum absconditum latuerat, quàm diutius premere.

Εἰς αὐτὸν ὃ πᾶν δὲ ὁ γὰρ, ait *Græcus Poëta*, mihi satis est, multa nescire, pauca nosse. Aliis quoque relinquenda est pars gloriæ, in medio plama omnibus posita. Gaudebam hinc, prodiisse hæc occasione quædam alia, ad rem faciendā.

Nove-

Noveram enim, quam solerti disputationum vanitate alter alteri præripere sæpe conetur inventionis laudem, & quam immeritò literariis altercationibus conspurcentur sæpe, quæ nitore suo clarius prodire gestiebant. Dispercam, si hoc non est supplicium de studiis sumere.

Non arrogo mihi laudes tuas, *Lector Benevole*, non ambio vanà molimina, liberum penes Te esto iudicium. Natura certè
*multa regit sacro involucra, nec ullis
 fas est scire quidem mortalibus omnia.*

Annitantur mecum alii nostri, ut ulterius decurramus hoc stadium; erit in *Ephemeridibus Collectori* locus interpolandi alias observationes, quæ se offerent, vel consimiles, vel ex his fluentes.

Sed ne diutius abutar Tuo favore, finem dicendi facio, mutuatus iterum à *Cyro* verba: εἰ δὲ τις ἄλλως πῶς γινώσκει τὸ ἀσφαλές εἶναι, ἢ ῥᾶν ἡμῖν, διδάσκειτω. Si quis vel firmitus vel facilius aliquid alia ratione facturos nos sentit, doceat. Vale, *Lector*, & nobis fave.

Quid video miri? Sal planta volatile fundit,
 progeniemque novam gramina læta ferunt.
 Hoc mihi demonstrant tersissima scripta WEDELI,
 quæ supra invidiam jam volitare scio.
Collegæ celeberrimo, Amico summo Imque fac.

CASPAR SAGITTARIUS,
 Hist. Prof. P.

Herculeos in Te miratus Apollo labores
 Herculis ex merito nomine pensat onus.
 Herculeos in Te si porrò viderit ausus,
 auguror, in cœlis Herculis instar erit.
*Levidense hoc, ex amore tamen conscriptum,
 honori Nominis Excell. Dn. Autoris, Amici
 à multis annis certissimi dicat*

M. Joh. Simon Schernhauerus, Eccle-
 siæ Witebergensis Diaconus.

Q. D. B. V.

CAPUT I.

Salia volatilia plantarum dari, extra dubium est.

Qua nota
nondum
fuere, non
temere ne-
ganda,

Dies diem docet: non unâ vice inexhaustus fons arcanorum naturæ æquè & penitus diffluit, restant indies novi propullulantes rivi, ne dicam maria; hinc sæpe frustra negantur dari, quæ solers cura in apricum proferre gestit, imò sæpe quasi aliud agendo invenit.

Videri posset ἀτρεπον, τὸ διότι quærere, si τὸ ὅτι nondum fuerit dilucidatum, sed cum non solum ignota fuerit chymicis Θium volatilium è plantis productio, sed & produci posse iisdem impossibile visum, & negatum, operæ pretium æstimandum est, de his quædam præmittere.

unde sal
volatile
plantarum
negantes,

Negant alii penitus, ea dari in vegetabilibus. Vegetabilia, ait Zuvelfferus classe 15. pharmac. reg. p. m. 688. paucos, aut nullo sale volatili constant, ac per consequens nec in illum resolvi possunt. Ac, licet credi posset, illum tantum de terrestrioribus loqui, non aromaticis, balsamicis & scorbuticis, vero tamen verius comprobatum asserit, nullum substantiale existens sal volatile ex vegetabilibus, uti ex animalibus indies accidit, arte elici posse, nisi Θem fixum, & hunc ipsum non, nisi præviâ incineratione.

limam sub-
iunt,

Limam hæc subiere non immeritò, tum D. D. Schröki nostri animadvers. in Zuvelff. pag. 525. & 526. tum D. D. Bohnii, qui exercit. physiol. 7. de sanguif. in coroll. rectè hæc mechanicæ contrariari affirmat, cum ex frumentis Θ volatile copiosissimum proliciatur, & ex pipere ipso sal volatile penetrantissimum acceperit, quod non sine causâ egregium febrifugum constituere suspicatur.

utut effu-
gia etiam in
animalibus
quarant,

Aliæ eadem quidem negarunt itidem; sed, cum notabilem copiam salis volatilis vidissent in urinâ, quin in cervo, quoad hanc ipsam, & in primis sanguinem & cornua, credidere eadem nec cibo, nec potui, plantisve inexistisse, nisi in formâ spiritus acidi, quem ventriculi sal fermentale in sal volatile commutet. Videri hanc in rem potest B. Mæbius funda. medicin. Physiol. c. 10. p. 190. ubi, plantæ, inquit, omnes non facilè Θ volatile præbebunt; sed solummodo spiritum acidum.

licet involu-
tum sit,

Involutas esse aliis particulis volatiles has salinas, & nominatim ab acidis quasi subjugatas, certum est; verum, ut facilè fuerit excutere

hoc

hoc jugum, & annihilare imperium, sub quo degebant, sic promptè eadem menstruo stomachico auscultant, sui fiunt juris, & sanguinis partes consimiles vegetant & restaurant. Altioris verò indaginis est, quomodo acida volatilia, exemplo formicarum, penetrantissima illa & subtilissima, reddi possint urinosa, & quo medio ipsa hanc naturam & efficaciam obtineant.

Neque obstant, quæ loco citato *Zvvelfferus* objicit, necesse esse, ut sal volatile sapore, odore, destillatarum aquarum, prout in aromaticis, balsamicis & scorbuticis aquis, percipiatur: neque sola elementaris, insipida, ac inodora aqua prodeat; si enim id sufficeret, pari ratione concludere licebit, nec in scorbuticis plantis sal esse volatile, cum v. g.

▽ *Ω*lata sedi minoris, aut acerrimi, per se facta planè insipida prodeat.

Ludit nimirum sal volatile instar *Ξ*rii, modo hanc, modo illam facie apparens, prout particularum inversio & immutatio ipsi accidit. Quin ipse, cum à posteriori argumentum ducat, arte elici eadem non posse, quod alembicum non ascendant, seu mediante *Ω*tione vulgari aquarum se non exhibeant, cogitare debuisset, latius patere præparandi modum, neque firmiter ex hoc ipso concludi posse, neque sal volatile in plantis dari, neque arte elici ex illis posse.

Minius si quis ea explicare velit, respexisse dici possent, ad ea, quæ communiter prostant, nondum in libellis chymicis de his existisse processus, modò ipsius contextûs consequentia id permittat.

Alii sub nomine essentialium, ita communiter dictorum, salium volatilia venditarunt, ut *Unzerus*, *Müllerus*, & alii plures; sed, utut medix quasi naturæ & constitutionis sint hæc ipsa inter fixa alkalia & volatilia; attamen *καταχρηστικῶς* saltem ac improprie nomen hoc merentur, quæ præsertim terrea magis sunt, neque requisita ac conditiones salis volatilis obtinent.

Ex his ergò efficitur, experientiam chymicam hanc in parte altius promotam, contra quasvis sive rationes, sive hypotheses, malè fundatas, sive denique autorum contrarias opiniones, locare posse in apricum facili negotio salia volatilia, quo uno omnia corruunt argumenta, quæcunque in contrarium adducta sunt, neque, cum res tam clara sit, eadem vel adduci, vel discuti pluribus opus fuerit.

Hoc loco meminisse lubet, tenerum admodum esse plantarum *Θ* volatile, ac delicatum, ut in hoc meritò animali regno, cui major hujus erat necessitas, palma cedat; non tam & tot ramosis plicis & fru-

neque sapore & odore se aquæ prodat,

*præparatio enim latius patet, quam *Ω*tio,*

vel chymicorum processus notè,

*qui *Θια* essentialia pro his habuerunt,*

Sufficit experientia, in contrarium,

**Θια* volatilia plantarum delicata*

In semina ductu naturali, & extraneo calore vegetante solari, vis & anima quasi omnis abit, recumbit in his, ceu in centro & puncto ultimo \ominus volatile, unde effœta tunc eò magis redditur planta, quò maturefcit magis semen. Colligitur in his, ceu in receptaculo, ex plantæ cadavere quasi emigrans & novum germen exspectans vegetans forma, quæ prius sparsa erat in toto herbæ corpore, unde in his \ominus volatile concentratum videre est, quod in reliquis partibus diffusum prius palabat.

Patet hinc, quàm promptè ex his educi possit \ominus volatile, sive seorsim, sive sub sulphuris pallio occultatum, & ceu ex herbis oleum longe difficilius elicere datur potestas, quod ex semine promptè efficitur: sic par ratio est salis volatilis, ut mirari subeat, lussisse multos ea ipsa, & visum effugisse, donec emunctiorum chymicorum naribus ea videntia se exhibuere.

Inspidorum seminum exemplum sint frumentacea, quæ copiosissimum in se continent volatile sal, idque prolici de se lubenter patiuntur. Magis id amicum naturæ esse conveniebat, magis pati, quàm agere in corpore, ob nutriendi, quâ pollet, facultatem: hinc minus sapor obviu, temperatæ oleosæ emulsioni mersum, hinc volatile sal minus percipitur à priori. Ast, quàm bellè reficit analepticus panis spiritus, in Ram coraliorum hinc non sine causâ expetitus: quàm confortat non dicam odor, quod *Democriti* prædicatur exemplo, quam ipsa substantia, ut frustra hinc neget *Helmontius*, panem reliquorum omnium ciborum esse fundamentum.

Neque obstat \ominus acidulus, quem fundit, quò minus occultetur unà \ominus volatile. Tacemus alia similia, quæ posteris temporibus diligentia Vulcano vel subjecit, vel committet ulterius. Ut enim in bonâ causâ vel tria verba sufficere scribit *Pindarus*, ita etiam sæpe in exemplis id abundè valet.

Tetiginus jam hæc priori capite, ubi & \ominus volatilidis piperis mentio facta est. Dudum jam nobis sal volatile fraxini elegantissimum ex semine, quod avis linguam vocitant, prolectum commendavit & ostendit *Dn. Ludovici* noster.

Illustrabimus exempli loco eadem ulterius semine rutæ, sophiæ chirurgorum, aliorumque similium.

R. sem. dictorum, rutæ, cochleariæ, soph. chirurg. &c. benè mundat. & sic. q. v. v. g. tbb vel tbbj . inde \ominus vitreæ, Q lento igne primò phlegma, hinc \ominus volatile spiritui

ceuejura
dem in vo-
lucris.

seu seorsim
seu sub olei
tegmine,

tum insipi-
dis frumen-
taceis,

non obstan-
te \ominus a-
cidulo,

tum aro-
maticis, pi-
peris, fra-
xini,

rutæ & a-
liorum, si-
mili pro-
cessu gau-
dentibus,

ritui nuptum, & seorsim quoque pulcherrimis rhombis recipientis se affigens parietibus, longè elegantissimum, & oleum penetrans, ad *nagſæciar* usque, copiosissimum. Paucis horis re feliciter peractâ, separetur mediante filtro vel tritorio minori oleum à liquore volatili urinoso, conquassato prius leniter vase, ut \ominus volatile solvatur, & liquori immergatur, quo fine etiam \vee rectificati modicum, pro ablu-tione majori infundi vasi potest, & servetur ad usum. Est verò primum cephalicum, & speciatim antepilepticum, alexipharmacum & penetrans; hystericum etiam medicamentum non contemnendum, quod per se dari potest ad gtt. x. xx. vel cum *lil. convall.* aliisque accommodis permisceri. Reliqua matris sua indolem sequuntur.

*cum \odot
rectifican-
do;*

Oleum seorsim rectificetur cum aquâ copiosâ, vel aliis artificiis sordes ex oleis ad se trahentibus alkalinis, quæ hujus non sunt loci, ad internum & externum usum aptetur.

Notabile est, quod impetuosâ vi secessum faciente sale volatili ab oleo, sub finem, vel in medio \odot lationis facilè rumpi soleat retortæ corpus, præsertim, si paullo major fuerit destillationi commissâ quantitas, licet ignis subditus non ita fortiter urgeat egressum.

Tactis his nobilioribus, non opus est, aliis pluribus diutius immorari.

*Ex extra-
ctis v. g.
opii,*

EXTRACTA plantarum item fundere \ominus volatile, exemplo est *opinum*, quod & \ominus volatile, & \cup um \square nosum de se fundere, ut certum est, ita id in *opiol. nostrâ l. 1. f. 1. cap. 9. p. 33.* pluribus fuit tactum. Sic latere assuevit & immersum esse particulis resinosis & roscidis, ut etiam, nisi secedere hæ ab invicem cogantur, & dimittere, quod secum absorpsere, vix in conspectum prodeat. Si enim opium destillationi subjungatur, non per se, sed addito menstruo vel aqueo vel \cup uo-
eo, tantum abest, ut dimittat de se \square nosum volatile \ominus , ut potius & anodynâ fervet secum vim, & liquor destillatus parum vel nihil inde participet, cum de resinosa parte nihil secum evexerit.

*& aliorum
similium;*

Extracta aliorum vegetabilium, non penitus gummosa, itidem fove-
re secum sal volatile, credibile est, si v. g. *extractum scorzonera*, *pe-
rasitidis*, imò vel ipsius *hellebori* \odot lationi eodem modo factæ subjicia-
tur, neque enim æque calor, ad eorundem præparationem antegres-
sam necessarius, propellere eadem est sufficiens, cum irretita viscosis
& fixioribus particulis magis sint. Hinc verò fortiori extruduntur
vecte. Et in genere salia volatilia odore urinoso non eruuntur, nisi
vel

vel propellantur fortius, vel liberâ gaudeant avolandi licentiâ: alias sensim exhalant, aut sub aliorum velo latent.

Ex oleis aromaticis ϕ latis separare \ominus volatile, uti artificiosum est, *Ex oleis aromaticis* ita, cum ex *Helmontio* jam suprâ de eo disseruerimus, & latius hæc tradiderit *Excell. Dn. Ludovici tract. de \ominus Pri volatil.* supervacaneum ducimus, longius id hoc loco repetere.

Duplex hic est modus, uterque ab *Helmontio* insinuatus, alter per *per acida* acida, insinuatus in *specimine* seu parte primâ cap. 5. p. 41. facile à cal- & *alkalia* lenti ad olea applicandus, alter per *alkalia*: uterque magni momenti.

Sunt, qui ex eodem fundamento alkahest venantur, & panaceam, *etiam minoribus sumptibus* quibus sua linquenda est speculatio, quæ quidem contra mentem autoris manifestò est, qui tantum vicem alkahest obire posse eodem carentibus, scribit. Fieri potest processus cum quovis \ominus fixo & oleo aromatico. Minorum sumtuum & parabilius est, si \ominus is ϕ ri part. iij. cum *us terebinth. at her ei* parte j. misceantur, stent in digestionem usque ad coagulationem, (lapidem vocant,) quò duitius steterit, eò melius evadit sal; abstractione leutâ factâ, si opus sit, ϕ latio fit per \ominus , adscendente in sublime sale volatili, virtutum admirabilium.

CAPUT III.

Per fermentationem & semiputrefactionem ex plantis, floribus & foliis \ominus ia volatilia parari possunt.

Uti verò per deflagrationem igne aperto ex ipsis quoque plantis siccis in incineratione, licet minori quantitate, æquè, ut ex *latilia ex* seminibus largiori copiâ, \ominus volatile colligere licet, (ubi, si nempe per \ominus ϕ lentur herbæ, olea mutari posse in sal volatile, sunt, qui asseverant;) quod tamen obiter hoc loco saltem tangere lubuit, *recentibus* uti ex absinthio sal volatile amaricans separatum novimus; sic ex recentibus jamdudum id tentârunt, per fermentationem & semiputrefactionem cum successu plures.

Dictum jam alias à nobis fuit, non perdi tam facile sal volatile per *per fermentationem* fermentationem, uti communiter creditum fuit; sed immersum aqueis *resolutis* & aliis particulis saltem absconditur, & cæterâ compage sensim hoc modo resolutâ, præcedente leni fermentatione & incalescentia, si præsertim externus ambiens aërid non prohibeat, spiritus urinosus

floribus

fus inde prolicitur. Aliis enim calidus, vel saltem temperatus, & sibi relictus convenit, aliis frigidus magis aptus habetur, v. g. in cellâ, vel, qui nonnullorum est modus, indita materia vasi apto aquæ committitur, quæ digestio est frigida. Sic & *florum litorum convallium recentium*, rore majali imbutorum, vel etiam *anthos*, &c. f. q. inditi vitro apto, seu cucurbitæ reponantur in cellam, & decursu aliquot mensium resolvantur in liquorem, qui acutissimi & fragrantissimi odoris erit, hinc Ω tioni subiectus urinosum volatilem spiritum fundet.

ex plantis
fiunt,

Ipse hic modus callentioribus chymicis aliis plurimis dudum celebratus fuit, quos nominare supervacaneum foret.

Si plantæ ipsæ hoc modo resolvantur, minus participans de odore Θ volatile eruitur; si flores odoratiores, ubi partes Δ ex exsuperant cum salinis, magis in respectu illarum acquiritur.

Ecce non a-
quæ proprio
odore,

Problema curiosum est, Θ ia obtinere volatilia, quæ retineant odorem, seu, quæ testentur de odore plantæ, ex quâ parata fuerunt. Hæc tamen analyti, quæ majoris apparatus est, ut in plerisque quoque aliis, odorum radicale principium, Δ , vel separatim se prodit, si id expectatur, vel prædominantibus aqueis & urinosi partibus confunditur, (ut ita loquar,) & odorem urinosum præpollentem exhibet.

per se facta.

Per se facta ita se habent, ceu innuimus, & curiosa *ἐγχεῖς* & acquiri possunt, per artem verò salia volatilia reddere oleosa, & finem hunc assequi, uti curiosum & passim hodie decantatum, ita facillimum est, prout inferius de eodem dabitur differendi occasio.

Processus
ex plantis
viridibus.

Processum ipsum, quo modo ex plantis hæc viâ elici possit sal volatile, cum in transactionibus philosophicis Anglicanis d. 25 Mart. 1674. posuerit & recensuerit D. D. Cox, huc excerpeamus:

& æstatis medio, seu calidiore tempore, bonam quantitatem plantæ, quam volueris, separa inde folia omnia, & seorsim caules stipitesque abjicias. Hinc indas eadem vasi firmo & benè clauso, donec omnimodè fermententur, putrescant, atque in pultis formam redigantur, quod in quibusdam tardius, in aliis ocyus fit. Deinde Ω la hanc massam igne primum mediocri, & habebis aquam, qualis ex aliis plantis ordinariè elicitur, hinc Σ us & Θ volatile succedet, & circa finem oleum crassum, nigrum, atque foetidum, quod cum Θ e volatili jungendum, sæpiusque rectificandum est, & olei maxima pars in Θ adhuc faceffet, unde Θ volatile \square nosum instar Θ is \square uæ, C. C. sanguinis humani, vel Θ lis \times ci emerget.

ubi

Ubi notandum,

1. Per fermentationem, dum illa inchoatur, hæc herba valdè incal- 1. incal-
lescet, præsertim circa medietatem seu centrum, hicque calor adeò scientia.
fortis erit, ut igni contrà, manum impositam lædere soleat.
2. Posthæc incipit corruptio, putrefactioque omnes plantarum 2. immu-
naturales qualitates immutat, & quidem non solum sensibiles, sed & ratio.
specificas, adeo, ut
3. Planta, bonum gratumque exhalans odorem, foetida corrupta- 3. fætor,
que evadat, æquè ac alia, cui hæ qualitates non insunt, adeoque foetet,
ut odor æquè intolerabilis vix alius detur. Ast hic fætor non mul-
tum durat, sed omnino disparet, simul ac planta distillationi subjicitur.
4. Plantæ humiditate & pinguedine pollentes duplo citius, quam 4. præcipuè
magis siccæ, aromaticæ & teneræ putrescunt. in humidio-
5. Durante putrefactione interdum in medio vasis, licet nullus eò ribus,
patuerit ab extra aditus, magna vermium, muscarum, aliorumque in- 5. infecta.
sectorum quantitas fuit reperta, quæ verè ex putrefactione orta sunt.
6. Vermes hi ☉ volatile non largiebantur; verum alium ab hoc 6. alius li-
multò diversum liquorem exhibebant, mediante scilicet distillatione. quoris
7. In hac plantarum destillatione 1. aqua apparet adscendens, sub 7. distio,
guttarum satis grossarum formâ, congregaturque, & in recipiens ca- (1.) aqua,
dit. 2. spiritibus adscendentibus, illos sub nubium seu nubecularum (2.) -us,
specie evchi cernes, quæ difficilius colliquantur, & strias habent di-
versificatas atque intortas, quemadmodum in destillatione -us C.C.
accidit. 3. denique oleum apparet, quod non, nisi violentissimo, & ad (3.) o° ei
sumum aucto igne exit, idque omnium foetidissimum.
8. Nunquam aliud, præter hoc, obtinui oleum, post putrefactio- 8. magis
nem, quæ, si perfecta non sit, exit hoc oleum essentielle, odorem plan- vel minus
tæ referens. foetentis,
9. Plantæ, quæ oleum essentielle communiter non præbent, mul- 9. majori
tum olei foetidi largiuntur; verum, quæ multum olei essentialis dant, vel minori
plus olei foetidi emittunt, quàm aliæ. quantitate.
10. inter -us & o° ea hæcce quædam sæpius, (3. 4. 5.) rectificari 10. rectifi-
amant. catio.
11. hoc ☉ volatile rectificatum omnes ☉is ☐nosi qualitates ha- 11. ☉is
bet, adeò, ut ipsum inter, & sal volatile sanguinis humani, C.C. ☐næ, volat. qua-
aut *ci nulla intersit differentia. Omnes etiam producit effectus, litates.
quos hoc, diureticum & diaphoreticum est, acidum destruit, cum illo
se jungit, & inde ☉ compositum resultat, armoniaco simile.

12. conge-
neres,13. in omni-
bus,14. odor
vasis post
 Θ t.15. quid a-
perto vase
fiat,16. \varnothing .
modus idem
in anima-
libus valet.Additio al-
kalium.

12. quod magis est, hæc Θ ia volatila à se invicem, neque quoad qualitates sensibiles, neque quoad effectus differunt.

13. nullam plantam Θ lavi, (quamvis diversas destillaverim,) quæ omnes has partes, de quibus modo diximus, non reddiderit.

14. post Θ lationem in vase offert se odor moschum ferè redolens, qui nullo modo tolli potest, licet per aliquot annos aëri expositum fuerit.

15. vas, in quo planta fermentatur, sæpius apertum reliqui, & vertente anno paucissimum in eo restabat Θ volatile.

16. \varnothing nullum Θ fixum largitur.

Et hoc quidem modo ex animalibus quoque quibusdam destillari potest Θ volatile, ceu ex lumbricis per putrefactionem fit, quibus in vas vitreum seu terreum positis, accedente ambientis calore ferè eadem observantur, ac in plantis à dictâ præparatione, ut & oras vasis transcendere, & nisi porta detur, vesicam disrumpere soleat intestinus motus. Postmodum destillationi subjecti fundunt liquorem, Θ e \square noso cum Δ re foetidò refertum, & rectificatione præviâ depurabilem magis & gratiorem reddendum, quo de jam in specimine nostro diximus.

Si quis verò addere plantis, hunc in finem velit curiosius sal fixum, seu proprium, seu usuale aliud obvium, v. g. Θ \square ri, vel calcem vivam quoque, aut saltem cineres, illi id ipsum liberum est, sufficit, absque additamento & simplici viâ id succedere.

Adeoque hæc præparatio in vulgus jam innotuit, & possibilitatem sufficienter quoque demonstravit, proceditque non tantum in antiscorbuticis, ut, cochleariâ, nasturtio; sed etiam in aliis, ipsisque floribus, præcipuè odoriferis, nec adeò siccis, ceu ex floribus liliorum convallium, uti modo dicebamus, elegans Θ volatile hæc viâ & methodo consurgit.

CAPUT IV.

Sine igne, & sine additamento, spontaneâ destillatione, ex rite præparatis plantis prodit Θ volatile.

Experi-
mentum
 Θ is
volatilis
plantarum,

Vldebatur jam evulgatus processus, quo de in specimine scripsimus, adeoque cramberecoqui. Verum, uti cuilibet suam concedimus lubenter gloriam, ita in eo quoque non sine effectu latuit hæctenus experimentum nostrum, ut seu inventionis similis in

in publicum producerentur specimina, seu de nostro hoc doctiorum judicia ; licitum sanè fuisset nobis , quæ gravissimis viris & chymiatris dudum oretenus & oculotenus demonstraveramus , & commune cum illis feceramus , statim evulgare , & in eò inventionis famam aucupari , cum , verbis *Dn. Lic. Garmanni* nostri , multi è philosophis chymicis de Θ is volatilis plantarum existentiâ dubitârint , nullus autem , nisi forsan incidenter & superficialiter , ante nos tractaverit hoc thema.

Modestè verò in hoc maluimus aliis iudicium relinquere , ubi scripsimus verbis *Mirandulæ* , nec inventum à nobis id esse , nec quæsitum. Nunc verò abeat in lucem , ut quæ vel à nobis scripta primum , vel occasione hujus ab aliis publicata , lucem acquirant majorem.

Quoad ipsam rem , ne quis impunè gloriari de inventione possit , vel litem , uti in rebus nauci sæpe fit , in hoc movere nobis , quam omnibus modis averfamur , nōsse æquum est , ultra seculum , seu ultra centum hosce annos , ne amplius progrediamur , evolutionem hanc Θ is volatilis mille testibus notam fuisse , sed non observatam : visam , sed neglectam ; publicè apertam , sed nec agnitam , nec curatam. Qui probationem hujus desiderat , cogitet , quæso , quamdiu in Thuringiâ nostrâ glasti præparatio nota & in usu fuerit , in universæ ferè Europæ usum expetita. Eandem originem etiam sibi vendicat experimentum nostrum , ut ex sequentibus patebit.

Liceat modò nobis mirari hoc loco naturæ abscondita , latent sæpè , quæ obvia sunt , conclusa , quæ nares feriunt , occulta , quæ in oculos incurrunt ; quid sensibus ipsis certius esse queat ; Ludit in hoc mortalium stuporem , qui , quod non habent , habere sæpè numero se credunt , quod habent , & ante pedes est , negligunt. Neque tamen culpanda antecessorum nostrorum ignavia vel incuria , infelicitas hæc fuit , non socordia , posteris quoque aliquid reservandum fuit , ceu à nobis quoque plura reliquentur. Non unâ vice pandit arcana sua , sed partitis ; quæ uno momento nos delectant , facilè negligimus ; quæ distinctis vicibus , gratiora sunt , & intimius afficiunt. In hoc tantum delinquitur , si in libris solum & penes eruditos quæritur sapientia. Latet hæc & sub sordido pallio , neque , quod *Hipocrates* noster jubet in præception. c. 2. v. 24. pigeat ex plebejis sciscitari , si quid ad curandi opportunitatem conferre visum fuerit. Multa apud mechanicos arcana latent , multa apud operarios , habitat sub ingrato sæpe & inviso hospitio naturæ splendor.

nec inven-
tum nec
quæsitum,

ultra seculum jam
innotuit,

sed neglectum, neque
attentum
fuit,

à plebejis.

Axiomata,
circa id no-
tanda.


Sed, ne gratis hæc dixisse videar, à posteriori quasi præsupponimus pauca hæc axiomata:

1. *Plantæ omnes pollent Θ le volatili, alie quidum magis, alie minus: alie obuium magis & explicitum, alie immersum, & in sinu implicitum magis fovent.*
2. *Plantæ sibi invicem superimpositæ incalescunt, quò majori quantitate & densitate, eò fortius, & vice versâ. Videri id potest in quibusvis herbis, absinthio, carduo benedicto, in fasciculos majores & densiores collectis, lupulo, imò ipsi etiam farinæ tempore æstivo idem accidit, & fœni exemplo notissimum est. Memorat id ipsum de seminibus quoque, & stercorebus, etiam siccis, Galenus libro de causis morbor. c. 2. & accensum etiam ipsum stercus columbinum hoc modo se vidisse addit. Illustrare hæcce liceat elogio accuratissimo divini Senis, qui, quasi hæc intimius pervidisset, & ipsum processum velut digito innuisset, ita l. de natur. pueri c. 26. scribit: καὶ γὰρ ἡ κόπρη Θ ἡ νεοσμένη μὲν καὶ ἐν θερμότητι ἐστὶν, ὡς αἰὲν ἔχουσα, καὶ ἄλλως, τὰ μὲν ἐκμαλῆα καὶ πεπιεσμένα ἀπὸ σφῶν αὐτῶν ἐκθερμαίνονται, καὶ ἐν τάχει καίγονται ἀπὸ τῆς θερμότητος συγκαύονται ὅση περ, & γὰρ δίδουσι τὸ πνεῦμα δι' αὐτῶν, ὥστε πυκνῶν ἔόντων. Nam & finum densius accumulatum, intus calidiuse est, quam quod rarum existit: & alias humecta ac compressa, à seipsis concalescunt, & brevi à calore valdè exusta putrescunt. Neque enim permeat spiritus per ipsa, nimirum cum densa existunt.*
3. *Plantæ certo modo prius præparatæ, & sibi invicem superimpositæ de se mittunt Θ volatile.*
4. *Posito ipsò calore, intrinseco, sponte factò, non extraneo, posita item aptitudine, Glatio fieri potest Θ is volatilis SINE IGNE, per se, SINE ADDITAMENTO.*
5. *Humiditas nimia superaddita, seu conjuncta, calorem quidem habet succedaneum, & hinc Θ volatile, quod secum immersum gestat, igne mediante de se prodere potest, ipsum verò Θ volatile minus, quippe præpeditum & detentum, citra torturam hanc se offert;*
6. *hinc exhalare prius debet leniter;*
7. *proportionata tamen esse, unde, si siccitas nimia accedat, & consequenter proruptio Θ is volatilis moram trahat, affundere licet aquam.*

Inveniendi
ocasio à
glasti præ-
paratione
mechanica.

Quid multa? fatemur glasti præparationem mechanicam obtulisse nobis sal volatile ejusdem: cum enim & curiosè hanc lustraremus, & in parandi modum inquireremus, fumantes acervos vidimus, urinasque particulas exhalantes percepimus, toto eo, quo continebatur, loco,

loco, ne dicam totâ domo, nares vellicantes. Mirati artificium, cogitavimus, quomodo in autas abiens, à nemine curatus, nec in usus alios cedens urinosus liquor, vel sal volatile posset excipi, & imposito instrumento hic depicto obtinui-
mus, quod volebamus. Ita scilicet sine sumtibus, sine curâ, &, quod maxi-
mum est, sine igne colligere licuit notabilem quantitatem Θ is volatilis, in li-
quore hoc sponte prolecto, odore non minus, quam sapore se sistens, quod hinc
rectificare facilè, & Ω latione leni per \times cum magis aptare licet, si pars circiter
dimidia vel tertia saltem abstrahatur.



Explicatio Figurarum N. I. & II.

quod in
exemplum
proponitur.

- a. Globuli glasti, prius in hunc usum præparati, & jam accumulati in tabulato, ab interno calore sal volatile effumantes, citra ullam externi ignis accessum.
- b. Instrumentum figulinum illis superimpositum, siue uno, siue pluribus locis, ut colligi & excipi possit, nec vacuas evolare in auras sal volatile; siue rotundius illud fuerit & capax, ut N. I. siue quadratum & oblongum, paulloque altius, ut N. ij. ita globulis aptandum, ne admissu aëris liberi transfugere possit exhalatio, vel muscæ etiam copiosæ simul possint ingredi.
- c. In collum abiens ejusdem pars instar cucurbitæ, ut magis jam adscendere possit & colligi sal volatile.
- d. Alembicus vitreus paullo capacior, collo hinc impositus, qualem in Operatione ⌘ ti adhibere consuetum est. In hoc roscidæ & aqueæ particulae, vehicula \ominus lis volatilis, ad receptionem cohobantur & uniuntur.
- e. Recipiens seu cucurbita itidem capacior, in quam destillat liquor \square nosus volatilis.

CAPUT V.

*Sal volatile ex hoc modo præparatis plantis, factâ
jam spontaneâ distillatione, igne mediante
acquiri potest.*

A Deo jam pansa & reclusa sunt hoc pacto omnia, ut & sponte *Sal volati-*
abitum parare & volatile possit, & citra ullum aliud caloris ac- *le per se*
cessum colligi, novo & inusitato destillationis genere, ubi, *quidem sine*
cū alias sine igne chymici ἔδεν ἀξιόλογον τῶν χησίων κατασκευάζον, *igne*
dist.
nihil quod opera pretium sit utilius parare possint, spirare cernitur na-
turæ Vesta æthereos fumos, & sine furno ipsa sibi sufficere, quem ex
ipsa materia sortitur.

Ast ne sic quidem inexhaustæ sunt omnes dotes, ipsa partem mini- *ast multum*
strat adjuta tam commodè natura, & quantum interiora possint, spon- *adhuc re-*
te destillando manifestat; partem verò, & quidem non levem, quam *stat.*
absconderat in globulis quasi intimius, ignis artificii reservat, ut præ-
euntem ipsam si sequatur, absolvere opus possit, & volatile resi-
duum, copiosum, neque enim omne avolat, igne extorquendo in
gloriæ se partem vocare.

Facilis res est, & ex passim obvio, ac venali glasto, præparato scili-
cet, siccoque, pro tinctorum usu unicè accommodato, parabilis.

R. glasti præparati q. v. v. g. lb. ij.

Indito vitreæ in arenâ, factâ probè luturâ, pellatur primò
phlegma, hinc nebularum formâ spiritus, sale volatili potissimum
ebrius, cui tandem oleum flavesceus, foetidum, instar olei lumbrico-
rum ferè, minori quantitate succedet. Filtretur liquor volatilis uri-
nosus & ab oleo separatus, addito etiam, quod cum V ex recipiente
elutriatur, rectificetur sive per se, sive additione cinerum puriorum
cribellatorum, & sic habebis spiritum, seu volatile liquidum
πολύχνησον, antiscorbuticum, diaphoreticum, antipodagricum
&c.

quod per
igne
expelli pos-
est,

Fixationem salis volatilis hujus spiritu Oli & aliis acidis machinari
licet, quamvis longe melius volatili formâ in usum cedat. Par ratio
est similium eodem modo prius præparatorum & reclusorum, jam
enim hoc præcipuè exemplum sumpsimus.

CAPUT VI.

Digreditur in glasti descriptionem, & præparationem.

Glasti mentio parca hodiè,

IN scholis medicis *glasti* nulla vel parca admodum hodiè occurrit mentio, ut locum & hîc habere videatur *Helmontiana* querela, à *Dioscoridis* usque tempore paucam vel nullam accessionem factam in hoc usque seculum, ad eò videas pleraque herbaria tantum gaudere transcriptione virtutum, ut, quo ad harum vim, si unum legeris, omnes legeris, in vastam nihilominus molem excrescunt, & præter icones, easque falsas sæpè & imperfectas, parum solidi tradere, & quod non dictum sit prius, assolent.

sed dudum noti, & præcipuè

Cum *sativa* sit alia *isatis*, alia *silvestris*, ex *Dioscorideo* textu patet, antiquissimum esse usum prioris ad tinctorum usum, *sativam*, ait ἡ *βαφεις* *χρωρῖ*, quâ *lazarum* infectores utuntur. Ex quo colligere non ineptum foret, & præ viam ad usum hunc præparationem, dudum & cognitam, & exercitam fuisse.

in Thuringia exculti,

Tertium ex eâ accedit *Thuringiæ* nostræ vectigal, cum aliàs & vino & frumento abundet, vid. *Cornarius comm. in Dioscoridem lib. 2. cap. 169. pag. 210.* Hinc vulgatum est proverbium; *Tria fundere Thuringiam cognomina, Wein / Weizen / Waid* / quibus & quartum, *Wolle* / non immeritò licet addere.

Proventus *isatidis* instar *zizaniæ* cujusdam, ceu vulgò eam vocant, facilis est, modo in solum pinguius incidat.

agris pinguioribus

In primis optimè crescit iis in arvis, quibus prius linum satum fuerat; sin minus antecessore hoc gaudeat, stercoreari eadem probe postulant.

ad id probe

Aterutro horum facto, sive lini præcesserit foetatio, sive stercoreatio proba, aut foditur terra ad sationem, aut aratro ad id aptato, quadrijugali, grosser *Weidpflug* / profundius aratur. Sin communi aratro præstare id libuerit, lentè festinandum est, morâ enim eget; nec tam alienis, quam domini oculis, cujus præsentia, elogio *Palladii lib. 1. de re rust. t. 6.* profectus est agri, id gerendum.

aptatis.

Quod autumno aratro præparatum est arvum, hiemalibus feriis ad purificationis *Mariæ* festum relinquitur uberi irrigationi.

Ejusdem generis,

Semen ipsum, perinde est, recensne an vetustum sit, modò non fumi accessione, quod notabile est, corruptum fuerit.

Post festum purificationis, molliori cœlo, feritur, & ex voto quidem

dem magis, modicâ nive positâ, & eâ quidem cautione, ne dense nimis fatio fiat.

Elapso uno alteroque die, quæ mora non de nihilo est, studiosè mediante occatione, terrâ obtegitur.

Post Pentecosten diligenter repurganda ab aliis herbis:

Post festum S. Johannis ad primam messëm maturefcit; cum extima ^{repurgatio,} folia flavedinem præ se ferunt, vel metus est, flores ipsum meditari, ^{messis pri-} ferro ad id parato, *Stoßeisen*/ in terrâ herba detruncatur, in cumulum ^{ma,} hinc colligitur, & ad loturam fertur.

Facta lotione, pabone ad locum aptum mittitur, sparsum dispergi- ^{lotura,} tur, vertendo siccatur; marcor hic, die *Welche* / seu colono, si minor fiat, & superficiariè, seu emtori, si justus, lucrum fœnerat; illi quidem, aucto globulorum numero, huic meliori præparatione. Sin inconstans tempestas minus faveat, ut modò siccetur, modo imbribus irrigetur, quæ liberari ab extraneo humore debebat, periculum subit corruptionis, &, testis hujus, nigredinis, quod sæpe unicâ nocte contingit.

Absumtâ superfluâ humiditate, congeritur, & trusatilibus molis ^{congestio,} infertur: quarum plures videas in Thuringiâ, tum usui huic accommodatas adhuc, tum vestigia saltem exhibentes pristinæ copiæ & culturæ, solos lapides.

A conquassatione seu comminutione, & triturâ hâc, qualis qui- ^{trituro,} dem succulentis adhuc convenit, in acervum obtusum seu rotundum compingitur, supernâ parte tectâ pro arcendâ pluvîâ, circa latera verò ventilabra fabricantur, ut herbacea sanies residua per noctem excludatur. Modum hunc tangit & describit paucis *Ryffius comment. in Dioscor. lib. 2. cap. 177. pag. 193.*

Abactō liquore digeritur in magnos globos, *wird geballet* / & tecto ^{congloba-} patulo ad id factō, *Herden* / ad machinam illam vecta imponitur, ut ^{tio.} siccetur, adeò omni studio superflua humiditas abigitur, ne in putrilaginem fatiscat, tum intentioni primariæ, quam colonus habet, tum secundariæ, quæ nostra jam est, ☉ scilicet volatile acquirendi, contrariam. Relinqui hîc loci potest, quamdiu id fert occasio; aut globuli jam leniter exsiccati, propriæ inferri domui, vel ad ulteriorem præparationem mercatoribus vendi possunt.

Globuli enim hi, quos sexagenos, *Schockweise* / vendi videas, tabu- ^{preparatio,} latis ingesti & accumulati sensim incalescunt, & urinosum ☉ volatile ^{ubi ☉} de se exhalant, eò citius, quò calor ambientis, æstivo tempore, & ip- ^{volatile fu-} ^{dit. cana} forum

forum copia major, illud verò non solum, quo continentur, spatium, sed totam sæpe domum, & vicinas, odore suo replet. Adhærent tignis, parietibus, & tectis guttulæ roscidæ, & in auras exspirat, nisi excipiat, ☉ volatile. Tandem aquâ etiam affusa magis intenditur calor, donec non in cineres, ut quidam volunt, sed pulverem grossum, tinctorum usibus aptum, fatiscat, quod hinc glastum καὶ ἐξοχὸν, seu præparatum, audit.

repurgatio.

Sed absolvemus, quod restat circa isatidis culturam. Secundâ vice propullulans non, uti prius, sollicitis ungviculis, ab immixtis aliis herbis repurgatur, sed oves in agrum mittuntur, ut pasto intersito hoc gramine repurgent isatidem, neque enim illi vel esu, nisi ☉ vescantur, nocent, vel conculcando in terram, nisi pastoris negligentia diutius, ac par est, inhæreant agro.

& messis
altera, i-
temque
tertia,

Exactis sex septimanis à primâ messe, denuò, ut superiori tempore, detruncatur, & iterum, elapsis totidem hebdomadibus, si cælum autumnale favet, nec gelutàm citò ingruit, tertiâ vice, licet hæc minori bonitatis notâ, ad utrumque opus polleat, tum ob caloris solaris digerentis insufficientiam, atque adeò tincturæ paupertatem consequentem, tum ob tempus loturæ minus aptum, frigidiori existente aquâ, & marcorem operi minus parem, ut taceam exhaustas jam ferè vires, & ☉ volatilis penuriam.

nisi tardius
seratur, un-
de jung
Wald/

Patet & hinc, qui tardius, & quadragesimali demum tempore arva ad isatidis sationem arant, binis tantum gaudere messibus, quarum prima cum secalis & tritici plerumque coincidit, & solent hujus generis glastum vocare Jung. Wald.

Sequenti anno iisdem arvis, quæ prius isatidem tulerant, hordeum inseritur.

Sin semina desiderantur, tertiâ messe pars intacta relinquitur, unde vertente anno in semen exit, cujus pretium cum avenæ coincidit.

Rompes
Wald/ no.
mina

Sunt, qui à tertia messe, aut alterius speciei, an dem Jung. Wald/ secunda, seu, ut uberiori fœnore potiantur, seu, ut præpediti tempestatis & frigoris obstaculis, respectivè tertium aut secundum metere nequeant, non ad hordei novam sationem agrum scindunt, sed hiemare herbam in hospitio suo permittunt, donec commodiori tempore, circa quadragesimam demum, prius, quam hordeum seratur, in detractionem cedat, quod vocant glastum secundarium, Rompes. Wald. Ast & minus bonum id est, & arva nimis exfugit, ut ipsum hoc postmodum in hordei proventum redundet minorem.

CAPUT VII.

Ad usum glasti digressio.

Quantus tinctis calore glasti lanis honor sit etiamnum, norunt ^{Glastum, colorum a-} mercatores, & experiuntur, qui pannis hoc modo paratis ^{litorum} utuntur. Colorem quidem propriè cœruleum, ob \ominus vola- ^{fundamen-} tile eminens, reliquis verò constans fundamentum præbet, unde cul- ^{tum,} turâ suâ tum Thuringiæ nostræ, tum aliis pluribus regionibus infini- ta attulit commoda; ast postquam Indicum pigmentum advehi cœ- pit copiosius, utut ob exedentem & corrosivam naturam minus com- mode his usibus serviens, licet colore, & quoad extrinseca alia ad spe- ciem ejusdem notæ & durationis tincti eodem panni videantur: Hanc ^{Indico me-} ob rem jamdum præterito seculo, an. 1577. Francofurti, communi ^{lius,} Imperii nomine & decreto ejusmodi fraudibus & noxis prospectum fuit, & hocce nostro, anno 1654. Ratisbonæ d. 21. Aprilis à D. FER- DINANDO III. sub pœnâ confiscationis cautum fuit, ne indigo, ob copiam tingendi usui vulgò inserviens, amplius adhibeatur, in de- trimentum Thuringiæ, Germaniæ & emtorum. Eò tamen jam res devenit, ut ad paucos redierit glasto solo utentium tinctorum, atque adeò molarum trusatilium, hinc inde apud nos vestigia pristini merci- moniorum floris exhibentium, numerus.

Non nostrum jam est, latius disquirere, quî floridi colores, ceu ex- ^{licet ejus-} tractum, ex isatide consurgere possint, & adhibeantur quoque à qui- ^{dem origo,} busdam, neque in tinctoriâ ipsâ arte occupari: ad notitiam simpli- cium, & nostrum hanc in finem medicum, nôsse sufficit, quod indigo & glastum ex eadem propullulent profapia, neque nisi præparatione differant, unde tum alii, tum in primis *Amatus Lusitanus, comment. in lib. 5. Diosc. enarrat. 67. p. 509.* Indicum scribit, esse succum defe- catissimum isatidis herbæ, concretum & inspissatum.

Placet in communem notitiam præparationis historiam huc trans- ^{uti tam ex} ferre ex autore *anonymo de l'histoire des joyaux*, qui creditur Dn. de ^{alia, tum} Chapizeau cap. 6. pag. 92. Indigo, ait, quo ad floridiôres vividiores- ^{hujusdem} que colores utimur, ab arbore, (*rectius planta,*) desumitur, quam ^{præpara-} quotannis post pluviarum excessum plantant, &, quando ad altitudi- ^{tione patet,} nem duorum triumve circiter pedum excrevit, rescindunt dimidii pe- ^{qua descri-} dis à terrâ distantia. Partem rescissam sumunt, in repositorio cû calce

reponunt, quæ adeò indurescit, ut hæc repositoria marmorea videantur. Hæc stagna seu repositoria in circuitu communiter 80. pedes habent; ad medietatem, (vel paullò plus,) aquâ replentur, dein ad summum usque virentibus arboris hujus frondibus complentur, quotidie omne hoc movendo, donec immergatur penitus, & evadat instar limi aggesti, seu, ut terra pingvis aquâ diluta. Hinc postquam hæc omnia per dies aliquot quieta relicta sunt, aquam emittunt & elabi sinunt, quâeductâ penitus, massam hanc limosam manibus, prius oleo imbutis,prehendunt, & ex eâdem frustra magna vel parva pro lubitu conficiunt, quæ Solis radiis exsiccanda exponunt. Ad fallendos mercatores eadem aliquando arenæ pro exsiccatione committunt, tunc enim facilè arena ipsis adhæret, inajusque inde pondus acquirunt. Sed nequitiam hanc multâ launt, si id resciscat præfectus.

*Differentia
Indici, uti
glasti, ra-
tione messis.*

Cæterum hæc arbor ter rescinditur; sed quoties id repetitur, minus inde resultat Indigo, & inter centum partes, viginti ad minimum de pretio pereunt, cum tantum coloris non præbeat, ac prima species. Optimum indigo ex Bianâ, Indouâ & Corsâ, tribus pagis uno vel altero die ab Agrâ distantibus provenit, & hoc est, quod in frustra redactum globulorum ad instar cernimus. Octavo à Surat die, duobus ab Amadabat milliaribus pagus est, Sarquesse dictus, unde indigo planum ad nos fertur. Ejusdem ferè naturæ, pretii que vix dissimilis indigo crescit etiam in regno Colcondâ. Tandem idem ex occidente, præsertim ex Antillis, ubi eodem ferè, ac in oriente, modo fit, huc affertur.

*Indicum
calcis ad-
mixtione
corrosi-
vum,*

Colligere ex his facile est, & unde color exaltetur, & profurgat cœruleus, ob explicatum magis Fur in ☉ volatili residens, & quam ob rem Indico hoc tinctæ lanæ in recessu minus bonæ sint, ob calcis scilicet accessionem, quæ ipsa quoque causa est, cur exaltatus hic color & in apricum deductus minus constanter tingat, quàm sibi relictum & ritè præparatum glastum, quod citra talem communionem, medicante artificum tingentium industriâ, adhibetur: nèque enim pars salina & terrena calcis vivæ, quæ dubio procul & pondus simul adaugere, eandem adulteravit.

*apud nos
quoque pa-
rabile.*

Neque desperandum esset de eodem artificio parandi Indici, si huic operi manum quis & solertiam impendere velit, observatâ calcis & isatidis proportionem, & quæ aliæ minoris momenti se suggerunt circa id, circumstantiis,

Certum interim est, quintam quasi essentiam ad colores magis floridos & fulgidos exinde parari, & in usum venire posse.

CAPUT VIII.

Causa incalescentiæ & evolutionis salis volatilis.

DUæ sunt operationes chymicæ præcipuæ circa mixtionem corporum potissimum evenientes, fermentatio & effervescentia, quæ calorem producant, tum ad expansionem partium volatiliū & æuofarum, tum ad alios usus ubere proventu facientes.

Operatio hæc & pro- ductio salis volatilis singularis est,

In illâ quidem blandius, & sæpè vix ad sensum; in hac verò fortius omnia incalescunt, quia utrobique motus partium elementalium mixti occurrit, licet diversus ratione mediorum, & finis, aliarumque circumstantiarum.

Nostra hæc operatio ad quamnam speciem referenda sit, dubium est non leve. Sicca quippe est, & citra turgescientiam vel intumescentiam, quale quid in fermentatione visitur: neque tamen duo diversa, siue similia, siue contraria apparentia, adversis concurrunt frontibus; sed, nullo extraneo interveniente, spontaneo motu exsurgunt partes volatiles.

de fermenta- tione.

Participat tamen de utrisque, cum & motus sit particularum à se invicem secedentium & avolantium, & cum insigni calore eructet volatile, non aliter, ac si æus ex salis xci & Pri combinatione evolvatur, unde commodè vel fermentatio sicca, vel effervescentia implicita, quæ citra pugnam & tumultum evenit dici posset; licet prius ferè malim.

& efferve- scentia participan s

Quantum aliàs inter se commissa corpora ob diversitatem pororum effervescent, in operationibus non solum chymicis, sed & vulgari-
tissimis occupatis sæpè numero occurrit.

Varia hu- jus

Sic v. g. calor & effervescentia occurrit 1. in præparatione Pri ex-
empli, ubi, æus Oli cum Se Pri sicco vel deliquato conjungitur. tum alias.
2. in præparatione arcani Pri, quando .x. to idem Se Pri saturatur. tum in chy-
micis,
3. in fixatione Oum volatiliū, cum Enosa ligantur cum acidis.
4. in præparatione Oli, cum v. g. limaturæ Otis ℥iij. artificiosè & per vices affunduntur æus Oli ℥vj. & aquæ fontanæ ℥iv. Acida enim, quæ porosiora sunt, solvunt & aggrediuntur cum effervescentiâ modò calidâ, modò frigidâ. 5. in præparatione æus xci cum Oibus fixis, xco additis, vinculum ipsius seu acidum absorbetur, & volatile

occurrentia recensentur, volatile sui juris factum propellitur. 6. cum præparatur ω us Θ lis Γ ricum O usto vel crudo. 7. cum præparatur ω us \square na cum calce vivâ. 8. cum \odot terebinthinæ jungitur ω ui Θ li, vel \odot i. 9. cum \odot Θ li \odot eo anisi. 10. cum ω us \odot & \vee uterque rectificatus, accedente motu vel calore. 11. cum miscetur \odot cum Θ lo ad præparationem ∇ . 12. cum calci vivæ affunditur ∇ . 13. cum re-
ctificatur v. gr. ω us Δ is, & phlegma iterum jungitur acido in fundo remanenti, ubi calor & effervescencia consurgit, cum tamen prius se invicem tolerassent &c. Plura hanc in rem videantur apud D. D. Elsholzi in *Platoriâ curiosâ*, p. 62.

Sed horum alia ratio est, unde & longius ad eadem digredi, extra oleas esset vagari. Arcessenda paullo altius est hæc nostra incal-
scentia.

Sal volatile in plantis præsens, Præsupponemus iterum, 1. adesse in plantis partes volatiles ω uo-
fas & Θ linas, saltem materialiter, quod nemo negaverit: idque mo-
dò majori, modò minori quantitate; magis verò & minus non va-
riant speciem.

mobile & agile, 2. Θ hoc volatile esse substantiam tenuem, ad motum maximè
habilem & agilem.

3. non tam generari ergò propriè, prævia præparatione suprà ex-
posita, Θ volatile, sed

liberatum a volat, 4. evolvi impeditas, & liberatas à compedibus avolare, unde ex-
plicatione egent & liberatione, si captare easdem velis.

spiritus sunt fermentatione, 5. partes volatiles spirituosæ mediante fermentatione propriè di-
cta eruantur, unde rectè Hamelius scribit lib. 2. cap. ult. de consensu
vet. & nov. philos. pag. 412. ante fermentationem aut destillationem
aut alia arte prolici vix posse spiritus, non, quod ibi non essent, sed,
quasi victi & aliis elementis oppressi jacebant; adeoque thesis firma
est, non inesse spiritus plantis, nisi per fermentationem deducantur in
actum. Uti enim $\tau\omicron$ materiale ipsorummet, & potentia inesse non
negatur, ita minus rectè de formali quis id accipiat, nisi velimus con-
fundere ω us $\phi\lambda\omicron\gamma\iota\varsigma$, & partes aqueas parum de oleis secum ha-
bentes, unde spirituosæ videntur aquæ, ob oleosas & volatiles particu-
las in iisdem dispersas. Æquivocatio est in nomine spirituum. Ad-
scendunt partes quædam volatiles, sed non in forma spiritus, neque
enim striatim procedunt, etiam si post rectificentur, adeoque fer-
mentatione opus est ad propriè dictos spiritus, qualis qualis demum
illa fuerit. Vel, nisi velimus confundere Θ ia volatilia cum spiri-
tibus,

tibus, neque enim, qui acris est, spiritus nomine (φλογιστῆ) appellandus liquor.

6. partes volatiles salinæ mediante incalescentiâ simplici, & resolutione citra turgescientiam & motum talem intestinum, qualis in *sal volatile sicca magis*, prioribus occurrit, se captandas offerunt.

7. ubi spirituum & salis volatilium copia est, brevi exagitantur & in *utraq; activa* motum cientur.

8. sulphuræ herbæ magis spiritum, acres, falsæ, seu salinæ magis sal volatile; utraq; tamen pro diverso præparandi modo & spiritum *in aliis magis patula*, & sal volatile fundunt.

9. in austeris verò & acerbis partes volatiles non solum subjugatæ, *in aliis liberata*, sed etiam fixatæ quasi sunt, unde ex iisdem sal volatile non ita passum, *gata*, nec nisi sub prædominio aliarum evolvitur, ceu in foliis quercûs, aliisque prædicto modo paratis, videre est.

10. hinc ubi jam laxatis compagibus & vinculis proruunt partes volatiles, uti per putrefactionem ingrato & foetido; sic per artificialem hanc præparationem ☐ noso gravi odore nares feriunt, & spiculis suis membranam narium, odoratui inservientem, vellicant & lancinant. *salia volatil. liberata proruunt.*

In salibus enim volatilibus explicatissimum est sulphur, unde & citius avolant, sibi relicta, & si acidis hoc dometur & obtundatur, odor etiam abit omnis, ex quo adhuc patet, cur sulphuri odor à chymicis magis adscribatur, quam sali. Sulphur enim est primum odorabile; sed hoc debet esse explicatum sale volatili: inde videmus, illa maximè esse odorabilia, quæ sale volatili oleoso seu remixto cum sulphure, ejusque exhalationem adjuvante, abundant. Unde etiam plerique autores recentiores concedunt, quod salia volatila simul sint oleosa, seu, quod ex Oleo lixivo fixo & spiritu volatili constant, adeoque sulphur est principium radicale colorum & odorum; explicativum verò *colorum radix.* illorum ☉, tum fixum, tum volatile, seu Mercurius.

Quod si humidum copiosum adhuc adsit, motum & fluxum ☉is & ☿is obtundens, prorumpunt quidem eadem simul in propriè dicta *Humida fermenta- tioni aptiora,* fermentatione & aucupio apta se sistunt, vel cum foetore, & conjunctâ putredine mixta resolvuntur.

Sin neutra horum abundant, neque explicata sint spiritus & salis volatilium tenacula, citra hæc ipsa, foetorem & putredinem, exarent, *cori.* marcent & fatiscunt.

sal volatile
liberius
motum,

Eò magis verò & celerius moventur, quo à carceribus magis liberantur, unde, cum exhalârint jam partes aqueæ superflue, ipse verò succus & sanguis, ut ita loquar, conjuncta adhuc sint, inde facilius jam evolant, expedita vehementius agitantur, & sui juris evadunt in nostrâ hâc præparatione partes volatiles salinæ, & cum liberum jam motum, & solutiorem nacta sunt, affusione aquæ magis congregantur, hinc & fugam unâ meditantur.

calorem fa-
cit & ve-
hiculo
phlegmatis
volans
recipitur,

Ut adeò, vi caloris interni, inde concitati, minus humido gaudens hæc compages, secundum artem jam præparata, à se dimittat sal volatile, ceu plusculum humidialias efflagitat fermentatio, & spirituosas partes turgentes exhibet; opus tamen est in hoc opere nostro aliquali & proportionato residuo humido, ut cum eodem, ceu accelerante ob calorem abitum, vehiculo jam liberatæ partes aufugiant Sinæ, & instrumento commodo jam delineato exceptæ alta petant, colligantur in Xxco, & in receptaculum destillant.

unde recti-
ficatione e-
get,

Modus hic collectionis facillimus est, atque in aliis plerisque primâ statim vice, sine præviâ rectificatione, odore, sapore, effervescentiâ cum acidis, aliisque documentis, S is volatilis probat præsentiam, in aliis verò magis post separationem ab aquoiori vehiculo, quod itidem facile obtinetur, si pars quarta vel tertia abstrahatur, reliquo insipido rejecto.

odore, sa-
pore, cum
acidis præ-
gnâ conspi-
uum.

Exhibebam ante quinque hos annos S hoc volatile Serenissimo ERNESTO, Duci Sax. J. Cl. & M. pientissimæ memoriæ, qui, uti gnarus erat horum quam maximè, ita mirè delectabatur, cum & odoratu urinositatem perciperet, & sapor idem confirmaret, & affuso spiritu Oli effervescentiam perspiceret, ut adeò rei sua jam constet veritas, antiquitas, & ratio quàm uberrimè.

CAPUT IX.

Aliorum mentio, & salium volatilium usus.

Sal volati-
le h. m. pro-
cedit ex a-
liis quoque

SI nullo alio, quam isaridis exemplo, probare liceat salis volatilis experimentum, id ipsum tamen jam suffecerit. Neque enim in eo objicere licet, à particulari ad universale non valere consequentiam. Si enim ex suprâ abundè dictis concedamus, dari ex hypothese chymicorum ita dicta principia, non tam extrinseca, & producta, uti id solent vulgò sæpe confundere, quam intrinseca: si demonstravero S volatile à priori, ab ejusdem affectionibus, vegetatione, & quæ in speci-

Specimine ipso de his differuius latius, & vel in unico à posteriori, firmiter concludi posse reor, in omnibus idem inexistere, licet majori vel minori proportionem.

Abundat verò & prædominatur in viridibus plantis, v. gr. in gramine & aliis herbaceis foliis, ☿ seu ☉ volatile præ ☿ re, unde & eadem crescunt, & vegetantur, & viridia magis nutriunt bruta, quam arida, hinc & virides herbæ fumant magis, non tam ob phlegma solum, aquæ enim fumus & phlegmatis oculos non mordicat; sed potissimum ob ☉ volatile. In pallidis verò jam, seu flavescentibus ☿ præpollet, seu æqualiter se, ut in seminibus patet, gerit, unde facilius comburuntur.

Si ergo quærat, *an idem ex aliis fieri possit prædicto modo?* ultrò id affirmamus; quin ex volatilibus & terreis, v. gr. cochlearia, absinthio, carduo benedicto, tabaco, ipsoque gramine, & foliis quercus res procedit, utut diversimoda particularum mixtio non possit non variantem etiam gradibus liquorem fundere.

Recipiantur modò herbæ recentes, separatis caulibus, qui impediunt conglobationem, & mutatâ proportionem contusionis, exsiccationis, aliarumque circumstantiarum in aliis, prout humidior sicciorve est planta, procedatur, non fallit experimentum, licet in quibusdam, ceu diximus, fixioribus obnubiletur quasi ☉ volatile, ob conjunctas partes austeriusculas, &c.

Fidem rei facere nobiscum potest excellentissimus Dn. Ludovici, foliis quercus, quomodo tum alia, tum ipsa folia quercus se gesserint, effumando itidem liquorem, sed minus urinosum, & in tabaco res exploranda fuisset, serenissimi ERNESTI beatissimæ recordationis mandato, nisi & absentia nostra, & gloriosissimi Principis morbus, ac alia obstitissent. Erit tamen hæc alibi explicandi locus.

Ex cardui benedicti resolutione vel aliud agentes confirmati in eodem fumus, offerente se post incalescentiam liquore urinoso volatili, cui tum alia vegetabilia addi possunt, tum in primis etiam hepatica nobilis, foliis pinguibus, recens, quam inter antiscorbuticas referre plantas, ob copiosissimum, quod gerit, ☉ volatile, nulli dubitamus, præcipuè, cum & per se solâ destillatione recentissimæ plantæ, additâ aquâ, obtulerit nobis liquorem acerrimum, instar radicis ari linguam ferientem, ut hinc debito modo præparata aqua vix unciis præscribenda sit. Utin usum cedat familiarem, consuevimus eodem extrahere animam rhabarbari, si v. gr. ℥j. radicis affundantur ℥x. circiter aquæ

viridibus.

volatilibus

& terreis.

mutatis

mutandis.

v. g.

cus,

cardui be-

nedicti.

& aliorum;

ob lentorem, quem in recessu gerit rhabarbarum, additis \ominus Pri Zij . vel Zss , quo pacto mitescit rursus, & medicamentum longè nobilissimum constituit ac verè polychrestum. Sin \rightarrow Oli affundatur, statim volatilis illa acrimonia figitur & mitescit.

facillimè o-
mnium ex
isatide.

Utut verò hâc methodo, tum sine igne, tum cum eodem ex quavis herbâ & ex quovis ligno, liceat ita dicere, fieri possit xi us; ut tamen omnibus sumtibus res careat, & in posterum in officinarum usum cedere possit \ominus volatile, instar omnium fit \ominus volatile isatidis, benè re-
ctificatum, quod ad gtt. xx. xxv. dari potest in omnes illos usus, qui expetuntur ab hoc remediî genere.

ane &

Occasio vel Gothæ, vel Erffurti, vel in vicinis locis aliis haberi potest quam uberrima, ut & hoc pacto toti Germaniæ, non dicam Europæ prospicere eodem possit nostra Thuringia, citra defectum, si sint, qui id expetant. Ad minimum cuius jam copia datur, ex hisce oris exportatum glastum propriis manibus eosdem in usus, cum fœnore, sollicitare.

cum igne,

cujus vires

Uti enim in genere conveniunt \ominus ia volatilia \square nosa viribus generalibus; ita perinde fuerit, utrum ex vegetabilibus seligas.

ut & glasti
ipsius tan-
guntur.

Præcipuè verò hoc ipsum isatidis \ominus volatile, ceu jam cap. 5. id tetigimus, egregium constituit antiscorbuticum, anginae & aliis inflammationibus medetur, & eadem præstat, quæ in vigorando sanguine alia similia celebrantur facere. Quin & ipsius præparati glasti magna, vel vulgi experimento, anginae medetur, & faucium quibusvis inflammationibus præsentaneum est remedium, si gargarisatio cum infuso liquore instituat. Imò ipsum liquorem volatilem mitiorem gargarismatis hujusmodi non rarò miscuimus, ceu aliàs D x cale nostrum, vel D otatum , (quod pro diverso tractandi modo & sexangulare & cubicum exhibere facillimum est, neque enim adeò propriæ \ominus ibus sunt figuræ, uti vulgò statuunt, quin unum idemque aliam cedere possit,) proficua esse, notum est.

Coloris cœ-
rulei & vi-
ridis origo.

Taceamus hoc loco, quæ de colore cœruleo & viridi, ex \ominus is volatilis experimentis deduci ulterius possent, quo & cineres v. c. absinthii paullò intensius & diutius calcinatae, & v \rightarrow \ominus x ci, lixivium cœrulescens præbentes, referre possemus, cum alibi intentio sit, de his ipsis disputare. Sufficiat hoc loco textus Paracelsicus, ex l. 3. Philosoph. tract. 3. c. 3. p. 46. colores provenire ex f re, quod, licet hosce in se non habeat, eosdem tamen possidet ratione proprii sui \ominus is & xi , qui

qui hisce pollent, idemque mutant, ex quo superius circa hoc asserta lucem sibi mutuuntur.

Nec tacebimus, in asserti huius fidem, præter \ominus volatile, quod \triangle glasti ^{vegetabile} præfens adesse ex superioribus concessum est, \triangle is præsentiam de- ^{otum,} monstrari posse non solum ex \odot eo, quod itidem per supra dicta claret & concessum non minus est; sed etiam, si fidem deroges, experimento alio, eoque novo, & quod pluribus dignum esset excutere.

Affundas, quæso, \odot à \odot tione glasti residuo, seu perfectè \odot to, seu ^{odore di-} amplius calcinato, ubi flamma id comburitur & ardet, aquam cali- ^{atum amu-} dam, & hinc lixivio inde facto, (ita id vocabimus, licet non efferve- ^{lans.} scat cum acidis,) misceas \odot acida, v. g. \oplus , \ominus Oli, vel alia, & manifestè se idem odor naribus offeret, qui in præparatione \triangle aurati \odot ii apparet, & liquor ipse \triangle colore exhibebit, quod his mediis \ominus tum in fundo subsidebit flavescens, ulterius, filtratione prægressa, exsiccandum. En sulphur vegetabile! en colorum originem ac fundamentum, quod adeò latuerat! Si auratum id mecum vocare lubido sit, non erraveris.

Non dicemus jam pluribus, plantas quasdam tam decoctione, ^{Decocto-} quam destillatione falsum acquirere saporem a \ominus le volatili, ceu ex ^{rum falso-} *foliis cardui benedicti* \ominus us efficacissimus aurei coloris, saporemque ^{rum prosa-} lixivii ferè habens à sale volatili, describitur à *Sennerto in Institutioni-* ^{bia.} *bns l. 5. part. 3. sect. 3. cap. 5. pag. 1350.* & decoctum ex *chamamelo Ro-* *mano* triplicatum ad calculum saporem falsum acquirit, à sale suo vo- *latili*, ut jurare quis ausit, pugillos aliquot salis culinarii in eo esse li- *quefactos*, teste *Simone Pauli in quadripart. botan. class. tert. p. 255.* Quin idem fit in nonnullis mineralibus & metallicis, uti in præpara- *tion* *Ræ* *otis* cum \odot ro liquor manifestò fit \ominus inus: qui modus, uti in Germaniâ dudum vel publicis scriptis plurimorum innotuit, & eo- *dem* modo rob \odot le nostrum fit; ita frustra sunt, qui involucris hoc arcanum tegere, & inventionis gloriam sibi attribuere satagunt.

CAPUT X.

De salibus volatilibus oleosis reddendis.

Saturare magis & miscere \ominus ia volatilia cum oleis, inter alia chy- ^{Salium vo-} micorum inventa non minimi pretii est $\epsilon\chi\epsilon\gamma\eta\sigma\iota\varsigma$, seu, ut ingra- ^{latilium} tior sapor odorque velo hoc occultetur, seu, ut in vulgus nota *medicamenta* pro magis arcanis & non imitandis habeantur, prout cu-

jusvis scopus in hoc variat, seu, qui optimus est finis, ut hoc artificio promptius agant, & stomacho minus negotii creent.

duo incom-
moda

1.

2.

Duo enim in primis *incommoda* à \ominus ibus volatilibus indiscriminatim usurpatis observantur ab accuratioribus practicis: *alterum*, quod continuatâ usurpatione appetitum dejiciant, & lassitudine hinc torpida membra maectent magis, cum acidulum in recessu menstruum stomachicum absorbeant & invertant, ceu id à fixioribus quibusdam, lapidibus \odot & pulveribus nephriticis secretioribus non rarò quoque obtingit: *alterum*, quòd in hypochondriacis & scorbuticis, quorum sanguis magis rarefactus est, & facilius ebullit, sæpe, quæ quæta sunt, excitant, & procudunt symptomata. Observavimus id ipsum in ω cochleariæ sæpius, etiam, qui ad extractionem v. gr. \odot lium aliorumque tantum erat adhibitus. Adeò facilis est error, si specifica hæc vel illa credamus occultâ magis, quàm certâ & definitâ ratione morbum oppugnare.

usus, exi-
mius, tum-
sibi relictum,

Magis scilicet *conveniunt* hæc omnia, ubi vel fixiores & torpidiores sunt humores, & acidi, austeri, pontici delinquant; vel, ubi Δ sanguinis consortio seri proportionato eget, ceu in maniâ, melancholiâ, affectibus soporosis, hystericeis, fixioribus hypochondriacis, item præcordialibus anxietatibus, paralyti, obstructione nervorum, epilepsiâ etiam, ubi non effrenis ebullitionis impetus in causâ est, & similibus aliis nervosi & venosi generis vitiis, quæ liberum pororum meatum, & suaviter demulceri efflagitant.

sum si oleo-
sareddan-
tur,

Licet autem combinatio \ominus is volatilis & \odot orum \odot latorum aromaticorum, ut & \forall , & ω us \ominus is \times ci videatur, & hinc inde scribatur perdifficilis; attamen utrorumque, imò singulorum longè facillima est, si quis naturam rerum exploratam habeat, neque tam assertis autorum, vel terminorum lusibus nimis inhæreat.

quod facile
est, duobus
modis.

1.

Sic enim recipias v. gr. ω um \ominus \times ci per se coagulatum, seu crystallos ejusdem, in fundo vitri sensim & sensim subsidentes, vel quoque ipsum ω um seu \ominus volatile aquâ non solum, (quid enim aliud est hic ω us, quam aqua \ominus le volatili inebriata?) v. gr. p. ij. \odot ei aromatici, anisi, caryophyllorum &c. p. β vel j, & ubi mista per paucillum temporis spatium steterint, addas \forall *rectificati* q. l. v. gr. p. iiij. vel vj. leni digestionem statim miscentur, ut vel per se dispensari eadem possint: vel, quod melius, in usus longè nobilissimos per \times cum \odot lata hæc omnia asserventur.

Hoc modo intra semihoram ferè hæc conjuncta exhibere licet, & per-

perspicere theleos vim, quod \ominus \times ci coagulet \checkmark , id quod uti apparet quidem in rei veritate, ita facillimum iudicatu est, unde hæc fiat coagulatio & quantum illi sit tribuendum.

Quin, ut faciliiori operâ & sumtibus hæc confiant, ipsum \ominus \times ci anisatum, aromaticum, hypochondriacum utcunque expetatur, reddere jam facillimum erit simplicium ipsorum accessione, modo non percellaris prædicto coagulationis fulmine.

Ex vegetabili \ominus le volatili id obtinetur quamfacillimè, si posteriori hoc modo aromatica addantur \oslash osa & una cum \checkmark juncta \oslash len-
tur: neque priori omninò res erit frustranea, præcipuè, si diligenti
abstractione concentratum fuerit \ominus volatile; minus tamen potesta-
tis in olea \oslash lata habet idem, tenerum ac delicatum quod diximus,
quam \ominus us \ominus is \times ci.

Misceri hinc idem potest \ominus volatile \oslash osum cum essentiis, & Ris
aromaticis ac balsamicis, magno cum effectu, inde enim medicamen-
ta emergunt longè utilissima, &, si qua alia, feliciter se in variis mor-
borum speciebus gerentia.

Conferri hîc possunt, quæ in eandem rem commentatus est perso-
natus ille, sed doctissimus *Leoniceus, metamorphos. Apollin. & Escu-
lap. pag. 29. & seqq.*

Memoriam hîc subit, quod *excellentissimus D. D. Tackius* ante ali-
quot annos, cum de experimento nostro sermones invicem cædere-
mus, nobis retulit, quendam parare ex herbis nitrum, inflammabile,
ut commune, exstare etiam \ominus ia volatilia ex plantis \oslash landi modum
apud *Fernelium libro de abditis rerum causis*, quem ipse fecerit aliquo-
ties. Describitur modus hîc sub titulo *quintæ essentiæ*, in quâ maxi-
ma sit proprietatis efficacitas, loco citato cap. 18. pag. 164. Primum,
scribit, è re subjectâ aquam lento vaporario prolestant, hæc deinde
feces respergunt, ut secundò humorem eliciant, sicque septenâ re-
spersione & expiratione feces torrerî non sinunt, & ex his vim facul-
tatemque omnem exhauriunt, aquæ, maximeque assidenti oleo inni-
xam, quæ ad multa utilis accommodataque sit. Quin etiam excep-
tas aquas vase pelicani effigie multâ agitatione anfractuque longo
circulant, quò hæ vires sortitæ efficacissimas in quintæ illius essentiæ
naturam vix ulli corruptelæ obnoxiam faceffant.

Referri etiam huc meretur primum ens plantarum, quod descri-
bitur à *Febure, vol. 1. pag. 303.* aliaque hinc inde sparsim tradita, in-
primis, quod *Arragofinus ad Cratonem* scribit epist. 55. p. 73. ex *libj. Vi*,
quan-

2.

etiam in
vegetabili-
bus.mixta cum
aliis. \ominus ex
plantis,Q. E.
Fernelia-
na,primum
ens planta-
rum. \ominus volat.
Vi.

quantumvis rectificati vix 3ß. spirituum concretorum, seu ̃is volatilis extrahi, reliquum verò aquam insipidam esse, ex quo lucem acquirere possunt, quæ *part. 1. cap. 5. p. 41.* scripsimus; sed tempus jam est, ut colophonem hisce imponamus.

Finiemus verbis *Polybii l. 12. histor.* ἡ πολυπραγμοσύνη πολλὰς μὲν προθεῖναι ταλαιπωρίας, καὶ δαπάνης, μέγα δὲ ἰσχυράλλειν, καὶ μέγιστόν ἐστι μέγεθος τῆς ἰατρικῆς. *Illarum curiosa inquisitio, quam suo pte Marte facere aliquis instituit, magnis constat laboribus, magno sumtu; ceterum ad medicinam multum confert, atque adeo pars illius est potissima.*

D E

SPIRITU MUNDI POSITIONES ALIQUOT

D. 7. B.

1. Magnale est creatura omnium excellentissima, media inter corpus & non-corpus, in aëre à Creatore posita, sine quâ neque firmamentum, neque elementum, neque homo ipse aut ulla alia creatura vivere aut conservari potest. *Paracels. Paramir. d. Ente Astro. c. 6. 7. Fragn. ad Param. pag. m. 233.*

Propter hanc prærogativam dicitur etiam *Magnale Magnum* apud *Paracels. primum Ens creatum*, ortum habens à summo bono; Chaos omnia sustentans, quod continetur in aëre, ut habet *T. 2. d. elem. aëris l. 1.* Propter hoc magnale l. d. pestilitate p. m. 339. de conserv. rer. natur. c. 4. aër dicitur spiritus vitæ, immò ipsa vita majoris mundi, quæ nihil aliud est, quam essentia quædam spiritualis, res invisibilis, media inter corpus & non-corpus, cujus est conjungere animam cum corpore, quam *Platonici* animam mundi, & *Cornelius Agrippa* mavult dicere quintam essentiam, cujus spiritus juxta *Philosophos* solus potest aurum magistraliter corrumpere, & in sui primam materiam transformare, hoc est, perfectissime volatilifare, & in spiritualitatem transmutare.

Clangor Buccinae.

2. Quod *Paracelsus* per Magnale, id *Basilius Valentinus* intelligit & exprimit per spiritum ̃ii.

Quia hinc spiritui ̃ij. easdem proprietates, idemque subjectum seu habitaculum attribuit. In eo namque reperiri omnia, quæ *Philosopho* sunt necessaria, asserit de nat. & supernat. c. 3. de spir. ̃ii, & ibid. c. 2. Quod natura dona sua

sua profundissimè occultata concedidit spiritibus supernaturalibus igneis, qui continentur in aëre, ac in aqua & terra naturaliter quiescere & operari desiderant. Quo ipso cum Paracelso accuratissimè consentit.

3. Est autem spiritus γ ii essentia spiritualis, in aëre hinc inde circumvolitans, prima radix metallorum & mineralium, quâ omnia metalla & mineralia in suam primam materiam resolvuntur, homines & animalia renovantur, omnesque omninò morbi curantur. Basil. c. 3. l. c. & p. m. 34. 35. 44.

Hic spiritus γ ii balsamicus alias dicitur ignis naturæ, ignis spiritualis ac invisibilis, & Ciceroni de Nat. Deor. vitalis ac salutaris, qui omnia conservat, alit, auget, sustinet, dum mediante aëre per totum universum dispersus ac diffusus tanquam occultus vitæ cibus (ut ait Sendivogius) ab inferioribus attrahitur. Hic spiritus est res una, sive monas illa Hermetis, à quâ omnes res natæ sunt adaptatione (*συμφεσία*) hoc est attractione magnetica, & veluti nexu quodam connubiali ex vi Græcæ vocis. Atque in hoc nec Paracelsus, nec Basilus quicquam ab Hermete veridico discedunt.

4. Spiritus γ ii Avicula Hermetis, etsi in aëre invisibiliter circumvolat, in aquâ & terrâ naturaliter quiescit, tamen in elementis quærendus non est, quia elementa jam eum prodixerunt, & visibiliter ob oculos posuerunt, in una tantum re valde cognita. Basil. de nat. & supernat. c. 2. 3. d. Magn. Lap. p. m. 37.

Basis ac fundamentum totius operis Philosophici consistit in cognitione subjecti visibilis & corporalis, quod hic spiritus invisibilis, incomprehensibilis ac coelestis sibi tanquam domicilium elegit. Multis placuit ros majalis, qui habetur pro aëre coagulato, & à Fratre Ulmanno expressè dicitur nihilum Philosophorum. Sic Nollus in rore majali deprehendit diversa salia, suavissimum spiritum & oleum fragrantissimum, quod solo odore infirmos ac morti vicinos mirabiliter recreare potuit. Dörardingus in suo de auro potabili Tractatu, constanter affirmat, se mediante sale volatili roris majalis dissolvissè \odot m, non secus ac glacies dissolvitur in aquâ calida. D. Johannes Wolfgangus Dienheim ex aquâ pluviali præparavit medicinam universalem, quâ sibi egregiam laudem & dona ampla comparavit, uti testatur proprio Tractatu. Nonnulli cum Drebbelio visitarunt interiora terræ, quod didicissent ex Alstedio, omnem terram & aquam continere in sese igniculos illos, quos quærunt veri Philosophi. Sed, quia, ut audivimus à Basilio, alia reperitur visibilis materia, & aliud subjectum, quod præ omnibus aliis maxime est imprægnatum ætheris igniculo, qui cornu copiæ habetur, hâc in parte præeuntem sequamur Basilium.

5. Principium animæ, spiritus & corporis ☿i. Philosophici, seu prima materia magni lapidis, non est argentum vivum vulgi, neque antimonium, sed est & dicitur Magnes & aureus Magnes, in quo latet resolutio omnium metallorum, coagulatio & fixatio, omniumque morborum, curatio, & est spiritus & corpus, qui corpus solis tingit in medicinam plusquam perfectam. Basil. repet. pag. m. 128. Curr. triumph, pag. m. 220. de nat. & supernat c. 3. 4. 6.

Ab hoc opere meritò excluduntur argentum vivum vulgi & ♂. hoc propter impotentiam, illud verò, quod jam in corpus metallicum à ☿ suo interno sit coagulatum. Corpora autem in corpora non agere, notum est, nec resolvuntur mineralibus, quæ à Basilio pro immaturis habentur metallis. Unde facile apparet, Mercurium Philosophorum, cujus spiritum hætenus Basilius ita commendavit, nil esse aliud, quàm *Sal quoddam minerale*, dictis proprietatibus à Creatore dotatum, quoniam sal est principium solutionis, coagulationis & fixationis metallorum, quæ proprietates inter alias tribuuntur ☿o Philosophorum. Idem monere voluit Sendivogius in epologo, dum inquit: Omnes eos errare à via veritatis, qui extra hoc sal nostrum, quod ☿ est, operantur in vegetabilibus & animalibus. Hinc quoque non sine causa Avicenna in Rosario inquit: Sales sint radices operis tui. Immo omnes alchymia sapientes antiqui (ut est in Rosario) postquam de solutione corporum multa dixerunt, concludere de sale (non quidem de quolibet, sed de eo) quem dicunt *saponem sapientum*, (eo ipso exprimentes naturam ejus ☿ ream, saponem enim constat ex sale & oleo, seu pinguedine) & *claviculam*, quæ claudit & aperit, & iterum claudit & nemo aperit, sine qua clavicula dicunt neminem posse pervenire ad perfectionem scientiæ. Pone igitur mentem tuam (inquit Rosar.) super sale, nec cogites de aliis, nam in ipso solo continentur & occultatur scientia, & arcanum præcipuum & secretissimum omnium antiquissimorum Philosophorum.

Quare & Paracelsus universali suo solventi non potuit magis conveniens magisque appropriatum imponere nomen, quàm si sal circulatum diceret. Patet ergò ex dictis, Basilium in hoc aphorismo saltem desiderare sal quoddam sulphureum & penitus ☿iale, atque vi magneticâ solari præditum, quod sit vere ☿ii Philosophorum natura. Quale verò istud sit sal, mox apparebit, ubi non nihil de ejus proprietatibus ex Basilio hinc inde collectis sumus dicturi.

6. Visibile subjectum seu domicilium Mercurii Philosophici, sive aureus ille magnes Basilii est

1. Una tantum, vilis, omnibusque nota materia, à naturâ producta, non verò arte composita.

2. In se continens notabilem ac insignem vim attracticem & magneticam.

3. Sum-

3. Summam caliditatem, summamque frigiditatem.
4. Albedinem & rubedinem.
5. Et est rex & leo.
6. Draco & aquila.
7. Resolubilis in liquorem suæ naturæ, in quo latet omnium metallorum resolutio, coagulatio & fixatio, omniumque morborum curatio.
8. Atque in clave 3. à Basil. occultata & tacitè consignatâ. Basil. de nat. & supernat. c. 3. 4. 6. & magn. lap. clav. 10. p. m. 122. & Cl. 5. p. 77. &c.

In præcedenti aphorismo dixi & demonstravi, quod Magnes ille aureus nihil aliud esse possit, quam sal quoddam, quod habeat naturam γ ii, ex quo tandem liquor suæ naturæ, id est, γ lis, prima metallorum & mineralium radix, ab ingenioso artifice sit præparandus. Restat jam ut dicam, *quale illud sit sal* : Nam in quocunque sale possunt demonstrari omnes hæ octo proprietates, illud necessario erit Magnes ille aureus, & spiritus γ ii domicilium. Dantur verò tria saltem salia in regno minerali, quæ sunt maximè activa. Sal commune nempe, vitriolum & nitrum. Sal armoniacum verò, quoniam factitium est, atque sic primam proprietatem & notam nullatenus sustinet, merito excluditur : & si sustineret, atque sic verum & nativum * ad manus nostras perveniret, easdem tamen juxta Basil. cum sale communi possideret vires. Præcipua verò proprietas est solvere omnia metalla, quod per se & sine admixtione spiritus nitri, neque Sal commune, neque * Dlum unquam præstare potuerunt. Nunquam enim adducar, ut credam vitriolo communi tantam inesse vim ac efficaciam, illudque per Veneris statuam à Basilio Clav. 5. representatam esse intelligendum : Sed, quoniam Basilius est Philosophus & Poëta excellens, eo ipso non communem, sed Philosophicam Venerem, tanquam hujus nostri Magnetis aurei matrem, ex veterum Poëtarum monumentis in scenam producere voluit, ut infra patebit ex Explicatione hujus Clavis. Restat ergò tertium, nempe Sal nitrum, cui un, soli, & semper omnes hæ proprietates quàm exactissimè convenire, sequentibus demonstrabo.

1. Nitrum esse rem unam, vilem, omnibusque ferè notam, à naturâ productam, extra omnem est controversiam, ideoque nullâ eget probatione.

2. Hinc si quis vellet negare vim magneticam, is contradiceret rationi & experientiæ. Sendivogius *tr. 9. Epil. & Parab.* nitrum vocat metallum & chalybem, (fortè quia in tenuissimas lamellas fusum, instar metalli tinnit) quod reliqua metalla consumit, & veluti eorum sit aqua & mater. In Parab. dicitur magnes, qui reperitur in ventre arietis, (per ventrem arietis subintelligens terram pingvem ac fertilem tempore veris, ut ipse explicat l. c. clementia cœli imprægnatam, ad gignendum mille fœtus.) Talis terra fertilis veteribus dicta fuit

Venus, hortorum ac veris Dea : quod notare voluit Sendiv. in parabola tr. de Δ r. & post Marsilium Ficinum Pierius in Hieroglyphicis : Venerem quoque eandem esse Deam cum Cerere affirmat Ptolomæus in sua de Osiri & Plutone disputatione. Hoc ipsum & nihil aliud Basilus Val. Cl. 5. per Veneris statuam repræsentare voluit, nempe terram fertilem atque fecundam. Uti enim meretrix omnium virorum concubitus appetit, & admittit, ita, & hæc terra omnium rerum semina & formas, præcipuè tamen fecundos imbres tempore veris concupiscit, atque ita ad generandum excitatur. Ex hujus corde, tanquam officina spiritûs vivifici ac salutaris, id est, ex sale nitro terræ omnis fertilitatis causæ beneficio Vulcani sufflantis propellendus est spiritus ille vitalis, non solum 7. rosarum, id est vegetabilium sed & mineralium, itemque & leonis apprehendentis, id est, animalium genuinum sustentaculum ac nutrimentum, quod leo, id est, aurum elevato pede quasi prehendere, innatâque & magneticâ proprietate sibi assimilare intendit, unde nitrum à Basilio non immeritò dicitur Aureus Magnes. In officinis enim aurifabrorum didici, nitrum etiam crudum in se continere tincturam ac spiritum auro familiarissimum atque gratissimum, eo quod auro pallido cum aqua illitum in parvo igne illud amabili tinctura sanguineoque rubore perfundere potest. Hanc meam sententiam confirmare videtur Basilus, quoniam in explicatione Clav. 5. omninò nihil dicit de venere communi aut vitriolo, ejus Δ aliàs ad astra usque extollit, sed totus ejus sermo est de Terra, ejusque spiritu vitali, qui residet in corde ejus, h. e. in sale nitro terræ, ex quo omnia, quæ extra terram & in terra nascuntur, tam vegetabilia quàm mineralia, suam hauriant virtutem, augmentum & nutrimentum. Ipse verò spiritus suum nutrimentum, quod merè est sidereum ac cœleste, sibi haurit & attrahit ex rore cœlesti, ut habet Basil. Cl. 5. Hinc Sendivog. tr. 4. nitrum dicit Magnesium, quæ attrahit sibi Mercurium aëris, qui ipsi in omnibus est similis. Hoc nutrimentum sidereum & cœleste, sive Mercurius aëris est alter ille Magnes seu chalybs (est enim unū & idem in epilogo) qui summè volatilis, aureus ac invisibilis est, & portatur in ventre venti, ejusdem tamen est naturæ & originis cum eo, qui continetur in ventre arietis, & Sendivogio dicitur Sal nitrum Philosophorum, quod modo mirabili ac magneticâ virtute attrahit ex Sole & Lunâ id, quod nostri operis est initium,) scilicet spiritum & ignem vivificantem) atque mediante aëre humido, rore ac etiam pluviâ, descendit in terram, & quærit Sal nitrum terræ, à quo etiam, ut fit in Sale Tartari, attrahitur, quia Sal nitrum terræ ante sui congelationem etiam fuit aër (seu Salaëreum & astrale) sicque Sal à Sale magneticè attrahitur, viscositati terræ admiscetur, omnisque fertilitatis causa habetur. Terra namque

que fertilis aliàs, semel aquâ calidâ elixiviata, suoque Sale nitroso spoliata, nullos profert fructus, donec longo tempore aëri, rori ac imbribus exposita novum Salis nitri Philosophici sibi attrahat copiam. Terra quoque nitrosa, etiamsi à nitri coctoribus sit omni Sale spoliata, tamen post certum tempus libero aëri exposita, invisibile ac volatile Sal nitrum ex aëre iterum attrahit, coagulat, sicque suis possessoribus thesaurum inexhaustum præbet, quod hâc vice erat demonstrandum.

3. In nitro esse summam caliditatem, id est, spiritum infernalem, quo non datur calidior in totâ rerum naturâ, ut testatur Basiliius, ipsumque ignis arcânum, quod Helmontius desiderat, ad leproforum venenum glaciale resolvendum, l. d. Lithiasi, omniaque mixta dissolvenda: summamque frigiditatem, ut etiam Saturni excedat, imò penitus glaciale, ut expressis fatetur verbis Basiliius de Mag. Lap. p. m. 164. 239. ita ut etiam aquam moderatè calidam, intra dimidium horæ spatium mediâ æstate congelare queat in glaciem, unde non immeritò Sal miraculosum nominatur. Idem quoque videre est Clav. 2. ubi jubet ex frigido dracone, id est, nitro expellere, spiritum volatilem igneum, atque sic duas has proprietates luculenter exprimit.

4. Albedinem nitri nemo unquam negavit. Depuratum enim splendet instar Alabastri, & in figuras varias formatum, non minus nitidas ac puras exhibet, ac si ex albissima cera forent. De rubedine testabuntur omnes Chymici, spiritus enim ejus dum destillatur, ad modum flammæ penetrat, in suppositum vas recipiens, facitque inibi reflexionem, qualem sol, quando vesperti ad occasum properat, rubicundissimo colore cælum tingit.

5. Regis ac leonis nomine Philosophi denotant omne illud, quod in suo regno est præ cæteris excellentissimum ac fortissimum. Quo sensu in Chymicorum officinis circumfertur aqua mineralis, & propter præminentiam ac fortitudinem insignem aqua Regis dicta, quod ad nutum suum omnia metalla regata domet, etiam metallorum Regem, i. e. Aurum, unde & aqua stygia & infernalis, propter igneam suam naturam appellatur. Sed longè aliud hoc nomine Philosophi occultârunt. Dicitur enim Aqua Regis, non propterea tantum, quod metallorum Regem, i. e. aurum corrodat & dissolvat, sed quod sit revera Aqua Regia, i. e. omnium aquarum excellentissima, atque ex ipso auro Philosophico composita. Assertionem hanc probat Basiliius Cl. 3. ubi ait: Aurum vulgare non destruitur, nisi Rex, i. e. Aurum, suæ aquæ solventi, aquæ Regis scilicet, fortem vim ac potentiam, sui que proprii caloris clavem addicarit. Quasi diceret: Aurum non posse solvi, nisi proprio dissolvente, hoc est, aureo, seu auro spirituali ac Philosophico, in quo consistit fortitudo, forsan & sanitas Regis, i. e. Auri, quam desiderat & requirit Basiliius,

Basilus, in sua aquâ dissolvente Regiâ. Hanc autem aquam componere docet ex duobus pugilibus seu materiis invicem contrariis, sale nitro scilicet, & sale armoniaco. Quia verò sal armoniacum superius ab hoc opere omninò tanquam artificiale exclusimus, etiam propter suam debilitatem, necessariò sequitur, sal nitri esse illud, quod aquæ Regis vulgari tribuit clavem proprii coloris Regii, fortemque vim ac potentiam, atque ideò sit fortitudo fortis, seu leo, solvens aureum, aurum spirituale & Philosophicum, & ipse Rex, unde Regis, i.e. auri vulgaris dependet fortitudo, fortuna & sanitas, ut philosophatur Basilus.

6. Etsi Philosophi suo subjecto infinita propemodum imposuerunt nomina, tamen Basilus non digniora & magis appropriata nomina invenire potuit, quibus nitri dignitatem, potentiam atque virtutem exprimeret, quam *Draconis & Aquilæ*. Quemadmodum enim *aqua Regis vulgaris* componitur ex *Dracone & Aquila*, i.e. ex nitro & sale armoniaco, tanquam sale fixo & volatili, ita & *aqua Regis Philosophica* in se continere debet naturam fixi, i.e. *Draconis* in terræ speluncis habitantis, & volatilis, i.e. *Aquilæ*, sed utramque Mercurialem, sitque reverà *Mercurius duplicatus & Hermaphrodita*. Quod vero Draco sit substantiæ Mercurialis, patet ex *Basil. in Repetit. p.m. 147*. Utraque verò hæc substantia Mercurialis datur & demonstratur in nitro, quidnî ergò ipsi jure imponendum est Nomen Draconis & Aquilæ. Idem dixisse digitoque demonstrasse videtur Basilus in Schemate, quod præfixit tractatui de magno Lapide p. 24. ubi mirabilitatem naturæ ob oculos ponens, nitrum associavit Mercurio, nullam certè aliam ob causam, quam ut doctrinæ filiis naturam nitri Mercurialem seriò inculcaret, immò quod Basilus per figuras docuit, id nitrum de se ipso loquens l.c. p.m. 105. expressis verbis fatetur, dum inquit: *Cum Mercurio in omnibus convenio: Rationibus si quis non est contentus, ad experientiam & fornacem is accedat, ibidemque discat, quomodo ex crudo nitro, sine additione post separatam aquosi spiritûs particulam, ex cucurbitâ terreâ sublimetur sal quoddam albissimum volatile, omnis corrosionis expers, & fusionis celerrima; Quæ operatio etsi Philosophica non sit, sufficiens tamen est ad id, quod hac vice erat demonstrandum, nempe in nitro contineri substantiam, seu Sal volatile, & Mercuriale seu armoniacum, quod dicitur Aquila. De figendi potentia, quæ est in nitro, nemo mihi, ut spero, movebit litern, cum omnibus jam sit cognita, quoniam ejus beneficio antimonium Mercurius, arsenicum &c. ita cicurantur, ut igni affuescant, & tandem maximam ignis procellam sustineant.*

7. Quoniam sufficienter demonstratum, totum *Nitrum esse Mercurium*, non potest non in ejus analysi se iterum manifestare liquor suæ naturæ, nempe *Draconis & Aquilæ*, i.e. *Mercurii*, de cujus proprietatibus nullatenus dubitandum; Juxta *Basil. enim in repet. p.m. 165*. nulla absque nitro datur solutio metal-

metallica, in eodem quoque omnibus nota est fixatio. Deinde & contra pestem ab eodem citato loco morbum alias perniciosissimum, commendatur, unde meritò concludere licet, *Nitrum esse verum subjectum catholicum, unde præparandus liquor & dissolvens universale Philosophicum & Mercurii spiritus.*

8. *Clav. 3. Basilus* agit de solutione sulphuris, solis jam præparati, quæ fit beneficio alicujus menstrui solventis, absque ulla violentia vel corrosione, quod se tacitè consignasse id eadem hâc Clave fatetur. *Item in Repetit. pag. m. 130.* in hâc Clave omnem totius picturæ ferè absolvit & occupat Draco quidam alatus, i. e. Nitrum volatile, cujus tamen in explicatione ne verbo fit mentio. Tacitè aliquid consignare nihil aliud est, quam depingere. Nitrum verò multis in locis ab ipso Autore dicitur Draco. Nitrum ergò est illud, quod totum facit in hoc artificio. Hanc explicationem Basilii menti esse conformem patet *extract. d. magn. Lap. sub finem pag. m. 122.* ubi de prima materia Lapidis tractans, velut in speculo ostendit, Draconem alatum quidem, & repentem, i. e. duplicem substantiam, Mercurialem duobus circulis denotatam, quorum superior cingit partem volatilem, inferior verò pedes, seu partem fixam; ex quo peracta duplici circulatione emergit Trigonus Philosophicus, omnis perfectionis character, i. e. tria principia inseparabiliter iterum unita, ac Paracelsi Sal circulatum, in formam liquidam seu aqueam reducibilia. Trigonus namque inversus aquæ est nota Hieroglyphica, uti & serpentes teste *Pierio*. Serpentes tamen non omnem, sed tantum Mercurialem aquam denotant, quod solus Mercurius suo caduceo circumvolutos habeat. In his autem, quæ jam dicta sunt, mihi non solum favet *Basilus*, sed & *Raimund. Lullius libro d. Intent. Alchymistar. c. 4.* ubi de aqua solvente agens, quem ex ☉lo & ☿tro componere docet, in hæc erumpit verba; uti vitriolum, ita & nitrum formatum & creatum est per naturam, ex propria specie Mercurii, i. e. quatuor elementis mineralibus, ita ut est Mercurius. Et ex his spiritus separatus & extractus, & in corporibus metallorum colligatus & conjunctus, dicitur propriè Mercurius. Et idè ex illis separemus spiritum, qui valde est tumidus, qui est de natura cœli & ignis, & spiritus quintæ essentiæ, qui omnia corpora dissolvit & corrumpit, & facit volare & ascendere in aërem, in materiam & substantiam fumi & aquæ, ob suam magnam vim & naturam, quam tenet à cœlo, unde creatus & genitus est, in natura & specie minerali, & ex forti Dracone calido, & toleranter compressus & illuminatus, per quem omne corpus metallicum & spiritus componuntur, dissolvuntur & digeruntur. *Hæc Lullius.* Quamvis verò eadem videatur affirmasse de ☉lo, quod etiam ingreditur suam aquam solventem, factum tamen est id pro more Philosophorum ad seducendum incautos ac indignos. Non enim in ☉lo reperitur natura Draconis & omnium corporum solutio,

sed

sed in solo nitro, ergò jure merito hoc encomium nitro unice esse tribuendum firmiter teneo.

Ad laborem.

9. Ex materia prima educendus est spiritus, visibilis quidem, ast impalpabilis, qui iterum materialis factus & per media certa ab infimo ad summum gradum redactus, est radix nostrorum corporum, & ☿ Philosophorum, unde paratur liquorosâ aquâ in nostra arte. *Basil. cl. 5.* & paulo aliter:

Materia prima in principio operis nostri optimè est purificanda, deinde absque ulla additione seu admixtione solvenda, destruenda, in cinerem & pulverem redigenda, unde postmodum expellendus est spiritus volatilis, rubeus instar sanguinis, qui duo tertium in se continent, & sunt tantum unus spiritus, qui largitur vires & vitam. Si sciveris hunc separare, habebis sal Philosophorum & oleum incombustibile verissimè, de quo ante me plura sunt scripta. *Clav. 4. 5. 8.*

Paucis hic quidem Basilus absolvit secretum, quod facit Philosophum, cujus sensus est, ut prima materia seu nitrum ante omnia à superfluitatibus mundetur, & ex eo substantia eliciatur, in qua non est superfluum invenire nec terrestrem combustibilem, hoc est, substantia unctiosa & aërea, seu sal volatile, in quo latet spiritus quintæ essentiæ, ut habet Clangor Buccinæ, idque fiat juxta præscriptum *Lullii* in experimentis, ubi, omnium, qui unquam scripserunt, sub velamine salis Tartari volatilis, plenissimè hunc laborem tradidit.

Postquam enim terra cum aqua erit inspissata & coagulata, sublimatione iterum poterit ascendere, ut habeamus terram, aquam & aërem, sive tres istos spiritus, de quibus Basilus, id est ☉ ☿ & ☿, aviculam & cinerem Hermetis, terram foliatam & verum sal circulatum Paracelsi, quod nuda resolutione, calore balnei solutum iterumque exaltatum, transeat in liquorem clarum, seu aquam nostram Philosophicam, quæ vocatur aqua sapientiæ, in qua requiescit spiritus quintæ essentiæ, qui facit totum, ex eo enim & de eo sunt omnia necessaria. Nam ipsa corpora solvit solutione vera Philosophica, ut convertantur in aquam, ex qua ab initio fuerunt, dicit Socrates.

Dn. ANDREÆ CNOEFFELII

Responsum ad Positiones

De

SPIRITU MUNDI,

Quod in se continet Reserationem Tumbæ

Semiramidis.

I.

AD Positionem I. de MAGNALI, quoad definitionem, stet eâ ad mentem Paracelsi. Helmontio Magnale est *theca in aëre, creatura inter corpus & non-corpus media*; plura qui vult adeat Helmontium ipsum Tract. Vacuum naturæ §. 21. & 28. Magn. Oport. §. 38. De Magn. Vuln. Cur. §. 151. Exacior descriptio posset esse sequens: quod sit *tenuissima pars omnium elementorum*, & cœli seu lucis solaris, & reliquorum astrorum, quæ in terræ visceribus simul unita transit & mutatur in semen mundi, è quo prodeunt omnia, quæ naturaliter in ea fiunt.

Istud vero Magnale est duplex:

Unum *Fixum* & permanens, quod terræ ita est confermentatum, ut etiam ejus toti corpori inhæreat & partibus omnibus.

Alterum *volatile*, spirituosè volitans per omnes mundi angulos, ut præstet alimentum eis rebus, quæ fotu, irrigatione & alimento indigent, verus *spiritus* *Jii Basilii* in aëre volitans. Hoc Magnale ita constitutum ex spiritu luminis, virtute cœli, astrorum & reliquorum elementorum, an rectè vocetur spiritus mundi vel non, nil refert. Posset tamen hoc Magnale aliqua ex parte comparari cum annulis Platonis, catena Homerica Sinæsi, divino latice & divinis illicibus. De quibus plura invenies apud Corn. Agrippam in libro de Occult. Philosoph. præprimis titulo de Elementis Terræ. Est etiam ignis secretus Philosophorum, ut patet ex Artesio & Pontano.

Quomodo autem illud sit divisum aut distributum in tot varias species, & ex variis subsecutis fermentationibus & conjunctionibus, item mixtionibus, species rerum exinde conserventur & producantur, paucissimis in sequentibus, quantum scopo meo inservit, attingam.

Spiritus hic Luminis est NATURA, à multis quæsitâ, originali nomine paucis cognita. Natura est, dico, vera Dei amanuensis, qua Deus in inferioribus & superioribus agit, quæ vult, & est verum motus & quietis principium,

pium, vera substantia corporalis, alit quia invisibilis & impalpabilis, ideo dicitur spiritus. De quibus plura invenies apud Fabrum in Panchymico.

Debet autem natura omnino corpus esse, utpote quæ ad fabricanda corpora naturaliter destinata est. Ut autem hic spiritus corporaliter perspicui aut cognosci possit, adjunxit ei Deus corpus, in quo, tanquam in clarissimo speculo percipi & videri queat. Hoc corpus est sal centrale rerum omnium, vel cujuslibet rei, & est incorruptibile, nec aqua nec ignis illud destruendi vim habent.

Propterea vero nihil impedit, etsi dicam, corpus naturæ esse incorruptibile, & per consequens ipsam naturam, etsi individua & mixta corpora sint alterabilia, hoc enim fit propter concreta accidentia, quæ mutantur, illæ so tamen sale centrali; quod probat acervus graminum putrefactorum, ubi factâ totali alteratione & subsecuta combustionem in fundo, cinerum manet sal fixum & immutabile. Neque ignis id destruit; quo enim magis comburitur sal, eò magis clarificatur, & spiritus ei inhaerens elucescit: Neque aqua; nam si in eâ dissolvatur & coaguletur, clarior fit, & subsidentes crystalli, sufficientissimè insiti in se luminis in-existentiam ob oculos ponunt.

Habet autem natura in se tria, quibus quidem distinguitur, sed absque manifesta differentia. In eâ enim est I. humiditas quædam, quam antiqui nomine γη indigunt, sicuti declarat Sendivogius Tract. 3. d. prima materia metallorum. II. Caliditas, quam nomine sulphuris insigniverunt, & III. Copula amborum, de quâ antiqui paucam aut fere nullam mentionem fecerunt, quæ est sal, de quo Paracelsus in Thesauro Tom. 1. pag. 934. omnia tamen in sale quasi concentrata conspiciuntur. In his tribus consistit generationis, nutritionis & conservationis principium. Hoc sal à Nuysement in Tr. de spiritu & sale mundi p. 99. & Fabro Panchym. p. 80. vocatur terra pura in centro terræ. Centrum autem terræ quæri potest in qualibet particula terræ.

Maximè autem hic notandum, ut mille objectionibus obviam eatur, etsi naturam ita definiverimus, propterea nos non excludere Principia activa spermato-poëtica, quæ neque calor & frigus sunt, aut contemperatio istarum qualitatum inter se pugnantium, aut influentiæ solis & lunæ, & cæterorum siderum, solum, nam alias quodlibet fieret ex quolibet, neque esset distinctio inter principium & principiatum, sed cum quodlibet compositum constet ex spiritu, sulphure, sale, aquâ & retrâ, sive ex materiâ, formâ & fermento, nec formæ rerum in se specie differant, sed numero, (quam differentiam ex fermentis constare Raylib. de Sympath. & Willis lib. d. Ferment. sufficienter probarunt,) itaque paucis pro majoritantum elucidatione actionis fermentorum, notanda sunt sequentia:

1. Fermentationis origo in materiâ elementari est humida & calida natura, influen-

influentiâ astrorum & cœli imprægnata. *Materia Fermentationis est sal*, pro diversitate matericrum dispositum & specificatum; *illud verò volatile & fixum*, sicut apparet in tartaro, hac de causa notantur quatuor qualitates unius elementi, & quod unum mutari possit in aliud, scilicet quod jam jam est specificatum in specie certâ; e. g. si spiritus terræ exanimetur, ex eo obtinebis forti igne *Aquam*, sed nebulosam chaoticam: hac separata *Aër*, sive subtilis spiritus; eô parum putrefacto, *ignis* prodit, sive sal quoddam igneum, veram ignis in se continens naturam; reliqua *terra*, est cinerum terra sicut tegularum.

Procede cum aëre, præparato secundum ductum Stairicii in thesauro Heroum, & Burggravii in lampade vitæ & mortis, instrumento. Sic cum aqua pluviali omnia ad unum scopum tendunt. Hoc attento constat, quid voluerit *Basilius Valentinus*, quando elementa sic dicta indivisibilia esse, unumquodque verò eorum alterius primum esse substantiam, asserere voluerit. Ubi obiter notandum, diversitatem eam substantiarum ex qualitatum alteratione exoriri. Quomodo verò chymicè intelligendum, quod quidam Philosophi quadraturam, trigonum & centrum, sive circulum in unitatis numero collocata esse affirmarunt, partim ex allatis, partim ex sequentibus patebit.

Unitatis numerus divisus in tria regna, triplicem compositionem exponit: ad eam autem compositionem requiruntur iterum tres gradus, *animalia, vegetabilia & mineralia*, quodlibet horum singularem gradum obtinet.

Hæ tres differentię in duobus finiuntur, nempe in resolutione & coagulatione, quæ iterum in tribus gradibus consistunt, *aliter nempe solvantur & coagulantur animalia, vegetabilia aliter, aliter mineralia*; generalis autem eorum solutio consistit in sicco & humido, *coagulatio verò in frigido, & calido*: quomodo autem deveniant ad unitatis numerum, consuli possunt Willis de Ferment. Beccherus de Metallurg. & in Oedip. & Faber. in Panchym.

Notanter etiam dixi, *Fermenti intrinsecam essentiam esse naturæ salina*, non tamen excludendo reliqua chymicorum principia, spiritum nempe, sive mercurium & sulphur, nam in sale continentur; sic neque aquam & terram materialia principia, exclusas volo, sed propter excellentiam agentis hoc facio, si quidem bene scio, quod pro diverso horum in mixtis motu & proportionem, rerum ortus & interitus, ac in primis fermentationis rationes & varietates exoriantur.

II. Actio Fermentorum: agunt ita quæres in se invicem, & I. *se mutuo adjuvant*; ut, si ros is allium applantetur, odor fit fragrantior.

2. *Se mutuo ligant & solvunt*: ut succus brassicæ vini potentiam inebriandi ligare dicitur.

3. *Se mutuo, per fermenta, destruunt*; uti in vite & brassica apparet.

4. *Se mutuò transmutant*; ubi notandum, transmutationem omnem fieri tripliciter:

1. *Qualitates tantum mutantur* manentibus figura & forma externa, ut, si napellus & mezereon in vineto implantantur, vinum suppressa qualitate vini fit particeps earum qualitatum, uvis primo communicatarum & venenatam inducit.

2. *Transmutatio fit mutando formam & figuram externam*, remanentibus quibusdam qualitatibus secundum magis & minus, ut, quando anseres fiunt ex abiete, confer. *Conr. Gesneri Hist. Anim.* l. 3. pag. 107. de Branta, & pag. 153. *Olaus Magnus in Histor. septentrional.* p. m. 481. l. 19. tit. de mirab. generatione anatum Scotia, forma & figura abietis perit, remanente sapore & odore.

3. *Transmutatio fit totalis*, tam quoad formam & omnes qualitates, tam quoad figuram externam, ut quando cibus & potus mutantur in stomacho.

Notandum autem est, quando dicitur *formas mutari*, non intelligendum formas in se mutari, ut una ab alia specie differat, sed diversificari actiones unius ejusdemque formæ, ratione diversorum fermentorum supervenientium. Dantur enim diversa loca fermentorum in oriente, occidente, austro & septentrione, in terrâ, in aqua, in vegetabilibus, animalibus & mineralibus.

Sic in particularibus locis dantur particularia fermenta; *Drepami in Sicilia fertur aer esse adeo corrosivus, ut ferrum corrodat*, Schott. in *Techn. Curios.* l. 4. c. 1. præl. 1. §. 44. *Sassafras in Florida, Radix China in China &c. crescit*: Sic in homine pediculi & lendes, in vallibus lilium convallium, in tectis & tegulis sedum, inter segetes frumentorum cyanus inveniuntur, neque omnia loca sunt disposita ad formanda metalla. *Ungaria aurum; Saxonia argentum; Silesia auri & argenti grana, septentrionales regiones ferrum & cuprum*, prout fermentum loci est dispositum, producunt. De his omnibus plenior informationem subministrant incomparabiles Præceptores *Rattray in l. c. & Beccherus in metallurgia*. Quibus omnibus præsuppositis, respondendum esse ad Positiones porrectas existimo, & quidem ad primam & secundam affirmativè: Conveniunt enim *Basilus & Paracelsus in descriptione Magnalis*. Ad tertium distinctè ac cautè respondendum existimo: negatur enim *spiritum Mercurii Basilii simpliciter esse primam radicem metallorum*, sed si quando ordinariis & competentibus fermentis spiritus iste imprægnatus & succis mineralibus insitus reperiatur, tum demum acquirit nomen primæ radices metallorum, uti patet ex *Basilio Valentino de reb. supernat. & natural.* c. 3. p. 40. in verbis: *Vapor subtilis à sideribus excitatus si conjungitur cum mercuriali substantia mineralium fit metallum, si autem spiritus Mercurii dispositus est ad animalia vel vegetabilia &c.* Ex quibus exacta

exacta & specifica fermentatio rerum elucescit, & quod prius debeat spiritus Mercurii confermentari aut conformari in metallicam naturam, antequam dici possit materia metallica.

Admodum autem circa hanc positionem à recta declinant via plerumque horum seculorum Philosophi, primam metallorum materiam quærentes, cum, nescio, quam non sibi persuadeant, non obstantibus tot genuinorum L. P. possessorum admonitionibus, qui uno ore clamant, eorum mentem, & si loquantur de prima metallorum materia, quæ tantum vapor est, non esse, ut chymix operator sit sollicitus de acquisitione primæ materiæ, sed secundæ vel potius tertiæ ex prima ortæ & speciali modo ad metalla dispositæ. Confer. Sendivog. Tract. 4. & 7. Comit. Trevisan. l. 2. Basil. Valent. quando dicit: *in elementis ne quare lapidem, eo usque eum natura non reposuit.* Plura infra.

Modo dicta his exemplis illustro; Ad hominem procreandum requiritur omnimodè semen humanum. *Cibus & ex eo chylus sunt prima materia hominis;* verum si aliquis vellet recipere chylum vel etiam chymum vel ipsum sanguinem, ex eo tamen nunquam procreabit hominem, quicquid artis naturalis operam ad id collocaret, sed requiritur, ut in vasis spermaticis sanguis dispositionem feminis recipiat, tunc ex semine ritè disposito potest generari homo. Sic ex nitro, aut etiam terra simplici, aut etiam spiritu universali, nemo, cujuscunque artificii magister sit, *producet triticum vel avenam,* sed requiritur speciale à natura fermentatum & dispositum semen, quod benè cultæ terræ in seminum suos fructus edit.

Ita etiam procedit cum metallis; Etsi quis habeat *mercurium & sulphur antiquorum, primam nempe humiditatem & caliditatem,* qui concitarunt vapores operatione naturali, ex quibus aquæ minerales, & ex illarum vapore, (qui est duplicis naturæ,) prima magnesiæ fundamenta GUR, ex GUR Matthesii primordium mineralium minorum, mediorum & majorum nempe metallorum, producuntur, neque tunc posset metallum construere, quoniam & hoc opus est opus solius naturæ, ut affabrè exhibet *Crellius in Cabala Chymica, & Becherus in perdocta sua metallurgia;* ratio est, nam artifex, dicente *Flamello & Chortolasæo* in libro *der grosse und kleine Bauer* / nesciret modum naturæ, num marcasitam, num Talkum, aut aliud metalli vel mineralis genus exinde efformari velit, an vero ita materia esset disposita, ut omnino metallum vel non minerale aliquod aliud exinde fiat; ad quod autem pertinet, ut ignis montanus vulgo *der Schimmer und Glimmer* materiam disponant ad id, quod natura requirit. Huc pertinet monitum generale Philosophorum omnium, quando satis vehementer monent, *ne semen in elementis, neque in vegetabilibus, neque in animalibus, sed in metallis querant.*

Non in vegetabilibus; nam quicquid seminaveris feminis, tale germen metieris, ex homine non fiet triticum, sic nec ex vegetabili, quatale, metallum.

Non in mineralibus; nam mineralia nondum sunt metalla, neque scies, inquit Flamellus, *quantum natura mineralibus succis opus habet ad formandum metallum*; neque, etsi eris supremus artifex, ita evades prudens, ut edocearis recipere sufficientes liquores mineralium, & ex iisdem facere semen metallicum. Itaque metalla tanquam ad opus à natura perfectum quærentes ablegant, *nam semen in metallis, non in particulari loco inquirendum est, sed per totam substantiam metalli est disseminatum*, ex quo poterit naturaliter produci catholicus rex, sive aurum, & non ex alio; si itaque ad aurum inclinas, *semine*, inquit Augurellus, *auri opus est*, vel tali corpore potentiali auri, quod mercurium & Δ metallum jamjam inclusum in se continet. Nec obstat quod ab aliquibus menstruum hoc vocetur vegetabilis aqua: *non enim propterea dicitur vegetabilis, quod ex regno vegetabili sit, sed quod habeat vim vegetandi, quæque aurum vegetare facit.*

Tale autem semen metallicum requirit matricem convenientem, in quâ germinare possit.

In animalibus est matrix animalis: in vegetabilibus, ad semen promovendum terra. Tu ad procreationem hominis nihil magis confers, quam ut semen in matricem conjicias, reliquum relinquis naturæ humeris bajulandum.

Sic agis cum vegetabilibus. Semen projicis in terram; terreus liquor sale volatili imprægnatus, solvit corpus seminis; natura autem in semine inclusa operatur, & mediante terræ succo & pluvia, quæ sibi naturali inexistente suapte fermentatione in succum & sanguinem convertens, suum sibi simile producit.

Sic matrix metallica est mercurius Philosophicus, in metallis quidem adhuc liber, in forma salis volatilis (*vid. lucerna salis Philos. Fil. Sendivog.*) progrediens, in quem infeminatur aurum commune vel naturale. De cætero nihil debes addere, sed videbis eundem in aurum agere, illud resolvere, & semen ejus nullo alio, nisi blando ignis calore opitulante frugiferum reddere. Ad inveniendam vero talem matricem *Basil. Valent. l. d. Prætern. & Natural. c. 3. p. m. 41.* exhibet medium; quanquam secretiores adhuc proximius sciunt. Flamellus ex omnibus metallis hoc posse obtineri, se autem illud ex auro elaborasse testatur. *Plura vide in Rosario Philosoph. Tom. 2. artis aurif. p. m. 181. 182. 183. tota ibi legitur operatio.*

Autor Tumbæ Semiramidis octavum ponit, & dicit, est adhuc unum in regno metallico mirabilis originis, in quo aurum nostrum proximius est, quam in communi auro & argento, si illud in hora nativitatis suæ (sive sphaeræ) naturali quæras c. 1. p. 5. Explicat hoc Beccherus in metallurg. p. m. 309. 310. & Arreph.

p. 11. & Paracelsus l. *Vexat. regula* 5. pag. 928. L. B. & libro de vita longa Latine conscripto p. 850. c. 6. L. B. 1. integer processus apud Batsdorf.

4. Ex his præmissis sponte sua cadit propositio quarta. Nam omnes citati isti Philosophi potuerunt obtinuisse ex pluvia, rore, spiritu terræ, medicinam universalem, sed non sequitur, eos ex iisdem confecisse L. P. nam ad corpus humanū ea nominata medicamenta, ut à fermento stomachico facile possint commutari, sunt disposita, sed commutare metalla, in eorum potentia non esse situm, superius demonstravi. Plenius hoc deducit Batsdorf. in filo Ariadn. p. 2. p. 143. & 160. isti Domini non observarunt, quod dicit Bernh. p. 2. p. m. 156. quod nulla res quæ non ex metallis composita s. orta, potens est, ipsa perficere, seu eorum transmutationem facere novam, & p. 59. rationem subjungit: quicumque enim ignorat radices minerarum & simplices & compositas ignorat principia naturæ, ergo & artis, & p. 94. & 89. Quia damno meo experimentum feceram, materiam Lapidis in metallis quærendam esse: quæ de seipso loquitur Bernhardus. Majoris momenti informationem invenies p. 2. ejusdem libri p. m. 94. in verbis: *Darumb folget aus dem/ wenn nun die Natur:* & p. 130. verba Magistri Johannis de Moenu probe observanda. Nullum enim, quod metalla non ingreditur, eisque commiscetur, & quod cum eis in igne & fluxu non permanet, illud non potest ea alterare vel corrigere, vel esse eorum naturæ. Obstat enim Geber, qui dicit; nihil vidimus in igne persistens nisi viscosam humiditatem metallorum (NB. quæ à natura usque ad formam metallicam est redacta) v. g. viscosa humiditas auri manet cum auro in fluxu & ei commiscetur; e contra requirit nitrum, pluvia, ros, varios gradus antequam ad metallicam naturam & auri formam transformentur vel fermententur.

Et si vero objiciatur, aurum mediante fale roris majalis instar glaciæ esse solutum (quod tamen non conceditur,) quæritur tamen 1. An solvens & solutum ita manserint unita, ut in ævum nulla separatio fieri potuerit, quam tamen requirit L. P.

2. Solvens & solutum debent esse homogeneæ naturæ. Qualis sit hic homogeneitas, judicent, qui sciunt, tria divisa regna. Ipse Nuysement tract. de spir. & fale mundi, medicinam universalem se acquisivisse ex terræ spiritu gloria- tur, sed ad projectionem pertingere non potuisse, satis aperte affirmat, ut taceam quid mihi obtigerit.

3. Porro si quærat, quæ sit forma L. P. respondetur, esse formam auri exaltatam magisque perfectam. Posse autem nitrum vel pluviam aut rorem aurum eousque in perfectionem redigere, cum nulla nota sulphuris aut mercurii metallici eis insit, valde dubito; quid, quod nitrum & spiritus terræ coagulatus in fluxu

fluxu etiam auro supernatet, non vero commisceatur, quod norunt illi, qui viderunt, sed de his postea.

4. His præsuppositis nego positionem quartam, nempe basin totius operis consistere in cognitione subjecti visibilis & corporalis. Nam allegati auctores quidem de universali corpore spiritus mundi vel naturæ, quod putant esse sal aëreum, locuti sunt, propterea vero ejus cognitio fundamentum artis nunquam fuit; quin potius à via regia in bivium collocati sunt, non attendentes rerum variam digestionem vel fermenta, unde universaliter progrediendo, amiserunt particulare, quod est *spiritus mundi in metallicam formam transmutatio*.

Matrix vero mineralis s. sal metallorum, vel vapor potentialis metalli Rip-læi, sunt basis & fundamentum. Basil. Valentini verò materia visibilis igniculo ætheris imprægnata videri potest l. 1. d. generat. metallor. c. 1. de liquore aethereo c. 2. de semine in elucidatione clavium part. 3. p. m. 179. item Lit. DD. in conclusionibus.

Sed quid juvat nosse subjectum visibile, cum præparatio ita sit difficilis, ut nulli, nisi ex parte Dei, reveletur, teste Avicenna. Bernhardus Comes allegat se novisse, qui materiam bene cognitam habuerunt, nec tamen propter defectum præparationis potuisse ad Elixir pervenire, citante Batsdorfio.

Nimis multum prædicti Auctores confidunt nitro, cum tamen expressè Paracelsi & aliorum textus eos refutent. *Intinct. Phys.* nominat leonem rubeum, den rothen Löwen vielen genandt und wenigen betandt pag. 922. in *Thefauro Thesaur.* minerale invenitur in visceribus terræ, in externa facie cum figura mundi insignitum, in prima coagulatione rubeum. *In secreto magico Tom. 2. p. 679.* vocat spiritum mercurii solis, *in tract. lumen Naturæ p. 683.* specialitatem dispositionis mercurialis describendo: Mercurium solis, pro fundamento transmutationis ponit p. 984. totum processum candidè describit & materiam mineras solis & lunæ specificat. *Baptista Groschedel* aliam facilè parabilem materiam describit, quæ in ejus tractatu videnda & legenda. Sed nunquam *Paracelsus* nitro illa tribuit, quanquam in *Apocalypsi Hermetis p. 668.* spiritum mundi generaliter nominet fundamentum artis, attamen p. 669. quinque specificationes ejus distinctè describit, prout l. c. pluribus patet, quomodo vero spiritus hic mercurii ex minera obtineri possit, reticet *Paracelsus*, *Groschedel* vero explicat, & rosarium Philosoph.

5. Ad quintam Positionem respondetur affirmando: si modo magnes intelligatur, sicut explicatur à *Basilio lit. DD. L. C.* in verbis; sal metallorum est corpus imperfectum, quod fit Mercurius Philosophorum, sive aqua permanens vel benedicta, Philosophorum Magnes. Is autem est Mercurius aurificatus,

in naturam vel formam auri à natura efformatus. Nolo tamen alium nisi omnium metallorum unicum Mercurium intelligere.

Discat hic quilibet fugere Mercurium vulgi ex monitu *Basilii c. 2. d. Metal-
lor. generat. & Paracelsi d. Jecr. Magic. pag. 684. Tom. 2. in fol. L. C.* quoniam,
cum is sit corpus perfectum per se certo respectu, non potest esse semen, quia ad
semen metallicum acquirendum, opus est electro minerali immaturo, scilicet
tali metalli, quod natura quidem in formam metallicam efformavit, sed adhuc
imperfectam vel non exactè excoctam reliquit.

Ad allegatam rationem in verbis; *cum corpora non agant in corpora*, re-
spondeo hic loci in L. P. operatione non requiri corpora agere in corpora, cum
tantum fiat correctio sulphurum in metallis.

Sal qua tale, etiam corpus est, sed non quodlibet sal habet prædictas virtu-
tes, nempe solvere, coagulare, & fixare metalla, v. g. sal commune, vitrioli, salia
fixa plantarum partim sunt præcipitantia, partim adstringentia &c.

Neque Mercurius Philosoph. propriè est sal minerale, sed propterea dicitur
sal, quod à formâ separatâ non raro in sua accidentali forma glaciei aut salis in-
star coagulatus appareat. Hoc sal vocatur sapo sapientum, quoniam dealbat
Latonem; neque sal circulatum Paracelsi est solvens illud universale, quoniam
prædictus Autor nullibi ei hanc spartam obulit, sed pro extrahendis tincturis
destinavit.

6. Ad sextum notandum; maxime interesse, ut Basilii cum iudicio & ob-
servantia legatur.

1. *Quatenus describit spiritum universalem sive spiritum Mundi Avicen-
ne, sub nomine spiritus Mercurii*, qua talem & absolutum, absque participante
materia aliqua è regno aliquo, vel animali vel vegetabili vel minerali, qualem
quidem moderni seculi Philosophi in rore, pluvia & centro terræ, sive puriori
terra residere existimant. *Vid. Nuyssement de spir. & sale Mundi Tract. 2. c. 2. p. m.
65. Drebbelium de Element. Natur. cap. de Terra. Basil. Tract. d. L. P. p. m. 16. & 17.*
in verbis: *Qui vult omnia in omnibus &c. item Clav. 5. p. m. 33. it. l. 2. d. Generat.
Metall. c. 13. de Essentia Auri, in verbis; ego ☉ sapientia Essentialis.*

2. *Quatenus spiritus mercurii sive universalis ex digestionibus obtentam
compositionem explicat, & vitriolum commendat in verbis: Visita Interiora Ter-
ra, Rectificando Invenies Occultum Lapidem Veram Medicinam. Item in Elucidat.
Clav. parte 3. p. 189. 200. 204. 205. 207. 208.*

3. *In quantum docuit magnum opus Philosophicum ex Auro communi præ-
parato conficere, ad quod pro Mercurio commodius suscipiendo aquam Re-
giam ex sale armon. & nitro conficere docet p. 3. Elucid. Clav. p. 166.*

4. *Quando universale opus ex Minera solari, sive ex electro preparari
docuit,*

docuit, ubi iterum notandum num. 3. ubi aurum commune præparat pro compositione fiendæ tincturæ, mentionem eum facere Aquilæ & Draconis.

Hic ne saltus fiat in processu attendendum, magnam esse differentiam inter *Aquilam & Draconem Basilii*, quæ sunt sal armon. & nitrum, testante ipso met. l. 3. in *Elucid. Clav. p. m.* 171. & *Paracelsi* reliquorumque Philosophorum, nam sal armoniac. & nitrum sunt tantum dispositiva ad subtilisandum aurum vulgare pro extractione tincturæ, uti superius innui, sive ad præparationem seminis in utero metallico perfectionandi.

Sed *Paracelsi aquila* est viscosa humiditas metallica, spiritus Mercurii verus sive aureus, volatilis, radix auri & ejus uterus, auri fermentum, ex qua & eum qua fit nova generatio filii regis, prout *L. C. d. Tinct. Physicor.* scribit: *Recipite gluten aquila, & sanguinem leonis, & conjungite.*

Reliqua puncta 1. 2. 3. 4. 5. 6. si de substrata materia loquuntur, sunt vera.

Stet Positio septima in verbis; resolubilis in liquorem suæ naturæ, hoc est, metallicæ.

Negatur, Basilium aliter scripsisse, quam quod aurum debeat putrefieri cum suo compari: vid. *clav. 8. p. m.* 49. in verbis: *ita intellige de metallis &c.*

Ad objectionem ergo ut respondeam, dico omnino dividenda, quæ debent dividi. Magnes enim Philosophicus quæ talis, non est album & rubeum, non draco & aquila; Rex vero & leo sunt synonyma, in eo etiam omnium morborum curatio, subintellige ante conjunctionem & fixationem, non est quærenda.

Subsumtio iterum dividenda, sicut prima positio, & quidem quod attinet locum Basilii: Etsi per Veneris statuam non intelligatur vitriolum, sed *Venus Poëtica*, non tamen ea est nitrum, sed linea viridis Cabalistarum cuncta gyrans, vel benedicta illa viriditas, omnes res germinare faciens: Vis vegetabilis mercurii sive spiritus mundi, quæ encomia nitro nunquam poterunt adscribi, prout inferius patebit; sed paulo exactius rationes allatas pensitabimus.

1. *Est res vilis*: sed terra longè vilior, ex qua verum sal terræ paratur. Quid autem sit res vilis, explicat *Clangor. Buec.* in verbis: *E. P. ex re vili consurgit pretiosissimus*: id est, ex spermate auri in matricem Mercurii projecto percoctum.

2. *Est magnes sive chalybs Sendivogii*: Magnes sive chalybs Sendivogii aureus idem est ac aqua Mercurialis metallica duplicata, internum suum sulphur in se inclusum gerens solare, vocatur magnes, ratione formæ, quod solare sulphur ad se trahat, illud agglutinet, & se ei adjungat, & æque ea est, quæ Fontina Bernhardi, probatur ex Sendivogii ænigmate, asserentis (1) ei duas fodinas unam auri, alteram chalybis, exhibitas esse *p. m.* 59. (2) quando dicit omnes aquas corrosivas esse inutiles, præter eas, quæ ex radiis solis (sc. Philosophici) quod est

est aurum, præpararentur. Nitrum autem non est tale, itaque non est magnes sive chalybs Sendivogii.

I. Hoc quidem nitro non negatur, quod ex aëre sibi simile attrahit, quando nimirum intra poros sui corporis, humiditatem aëris admittit, & deinde in ea dissolvitur, sed quam communionem eam ob causam habent metalla cum nitro?

II. Notandum *mercurium aëris & metallorum* differre specie.

III. Negatur nitrum esse magnetem, quia multi nitri naturam ignorant, & eos latet, *quid sit sal terræ & nitrum*.

Nitrum quidem commendatur à Paracelso, quod sit utile ad alchymiam, sed secreta, quæ in eo jacent, nondum ad bonum finem esse perducta. *Lib. 2. Chirurg. magn. tract. 2. c. 6. pag. m. 85. Paracelsus* nitrum speciosissimis verbis, excrementum salis terræ esse demonstrat. Repetit hoc *Tom. 1. oper. par. d. morb. tartar. cap. 21. p. m. 314. lit. c. & seqq.* Itaque sal terræ & nitrum differunt: (1) sal terræ est balsamus terræ, à quo omnia vegetabilia conservantur p. 1037. Nitrum autem est excrementum. (2) Sal terræ fundit spiritum album urinosum, qui digestus albicantissimum salem, fluidum super lamina, figuras arborum in alembico representantem, exhibet. Nitrum vero spiritum rubeum corrosivum, qui color fit *ex commixtione salis communis*. Nitrum fixum fluit in igne & urinosum est, metalla tamen parum opis ex eo sentiunt. (3) *Nitro summa caliditas non inest*, sed corrosio, quæ talem facit motum; neque spiritus infernalis; nam ad ignis arcanum Helmontii appositivè quidem concurrit, sed non est ipsum arcanum. *Neque in eo est summa frigiditas*, nam quam frigiditatem communicat, hanc habet ex sale communi, quod in ejus recessu sive centro est, uti hoc ex Paracelso de sale mirabili probat Glauberus.

IV. *Album & rubeum esse iterum male componitur*. Non loquuntur Philosophi de solo externo colore, sed de intrinseca essentia. Sal vitrioli est album, si calcinatur, fit rubeum; ergo esset nitrum, quod tamen non sequitur.

V. *Regem & Leonem*. Nitrum nemo præter *Glauberum*, (quod tamen ipse correxit) *l. ignis & Proserp. 1.* quantum ego scio, nominavit, nam omnes saniores Philosophi Regem dicunt esse aurum; sed nitrum iniquius esset Regis filius. Non unitur cum eo indivisibiliter, sed comburitur in igne potentiori: (suo tamen sensu hæc intelligenda,) aut cum aliis levioribus metallis & mineralibus junctum fit amasum vitrum, aut aliqua alia calx. Aqua stygia non est *menstruum naturale*, quod est aqua blande solvens, sed opponitur naturali solutioni. Itaque non est magnes, sed destructor. *Aqua Regis non potest vocari*, nam quod Regem; hoc est, solem corrodat & diminuat, hoc habet ex commixtione & gratia salis urinosi vel armoniaci. Nullus autem Philosophorum hanc auri corrosionem, solutionem naturalem vocavit; *neque dici potest aurum Phi-*

Isophicum, seu materia ex auro Philosophorum, quoniam non ex minera solari, ex qua verum menstruum elicitur, sed ex tertiæ classis minerali eruitur, *Basil. Clav. 3.* malè allegatur. Nitrum quidem aurum non destruere, sed tamen corrodere, quicquid autem agat, naturaliter resolvere non potest.

VI. *Draconis & aquila nomen* simul, soli nitro, Basilus nunquam nitro apposuit; quod tamen *Glauberus*, qui nunquam possessor veræ artis fuit *lib. 2. Teuschlands wolf.* Sed norunt illi, qui hujus Gryphi vires probarunt, quales fuerunt, de quibus tamen supra egimus.

Mercurium duplicatum ex eo querere, est miseriam ex speluncis extrahere. Non negatur, ad medicos usus multum conducere, quibus ego tot experimentis confirmatus, laudes reticere nolo, de quibus infra paucis agam. Sed miser hermaphroditus posset quidem habere Demogorgonem patrem initialem, sed in consanguinitatem Regis suscipi nimis rusticæ est naturæ.

Nitrum de se loquens, se quidem *apud Basilium* comparat mercurio, ratione qualitatum, non vero essentia. Interim se accidentaliter ad metallorum destructionem concurrere gestit. Quid de se dicat nitrum, legantur verba *Basil. in repetit. L. P. p. m. 93.* Fundamentaliter nihil possum perficere, nisi mihi læta mulier (quæ est venus) jungatur, hoc autem de se non dicit Mercurius Philosophicus, qui etiam per se potest fieri metallum sive aurum plusquam perfectum, uti differit *Raym. Lullius.*

Figendi potentiam soli nitro nemo potest adscribere. Abusive quidem dicitur mercurium figere suo spiritu acido, non vera autem est fixatio. Nam cum sal nitri se poris mercurii communis insinuaverit, in iisdem cum mercurio conjunctum permanet, donec fortiori igne totus mercurius elevatus evanescat, remanente sale fixo, quod in aqua dissolutum verum sal culinare exhibet, spiritum autem volatilem in sale fixo figi posse, plures experimentum, pauci finem fecerunt.

VII. Nullam absque nitro dari solutionem gravis est saltus. Nam sal metallorum non est sal commune, vel nitrum commune, sed specificatum in specie metallica, & tamen solvit Aurum sine corrosione & strepitu, unit se cum eo, & unum corpus glorificatum constituit. Quod cum nitro non procedere, quis non videt, nunquam enim nisi violenter nitrum corrodere potest, in fluxu autem supernatat.

VIII. *Malè iterum explicatur locus Basilii*; Draco enim alatus & repens significat mercurii substantiam in peripheria volatilem, ex corpore fixato à natura, arte extractam, quæ facile in centro figendam gerens naturam imagine duorum serpentum insignitur. *Trigonus Philosophus* est ☿ volatile metallicum, quod, si cum sulphure auri conjunctum est, *duplicatum Trevisani mercurium*

constituit, ex quo deinceps tertium nascitur perfectum, nempe monas Hermetis, verus Trigonus Philosophicus, uti asserit *Basil. in Conclus. LL. de Sulph. Mercurii c. 5.* in verbis; sed Mercurius Philosophorum & non vulgi, si in aquam est redactus, & sal Philosophicum cum pallio purpureo per putrefactionem & destillationem solvit, tunc est Mercurius duplicatus.

Hic autem notandum, per *aquam mercurialem* non intelligi aquam simplicem vel elementarem vel pluviam aut dissoluti nitri, sed talem, quæ corpori metallico convenit, quæ est Mercurialis, non madefaciens manus, in peripheria volatilis, in centro fixæ naturæ, quæ etiam per se posset figi in naturam metallicam, & cum metallis in igne & fluxu naturaliter & verè commisceri.

Tandem iterum negatur, verba Lullii, de \odot esse intelligenda. Nam loquitur de \odot lo astrali & minerali, quod homogeneas vires & proprietates cum metallis radicaliter se commiscendi possidet, qua ratione etiam sal metallorum centrale vocatur, à Basilio in *Concl. 1. 2. L. BB.* Malè præterea explicatur sententia Lullii, nam aqua præparans aurum eadem est, quæ Basilii, sed (NB.) non est ad solutionem composita, sed ad præparationem calcis solis, qua tamen opus non esse, demonstrat *Batsdorfus in filo Ariadnes, & Trevisanus in parabola de libello aureo & Fontina.*

IX. De materia prima suprâ (fusiùs locutus sum; hic paucis repetam, materiam primam à quibusdam vocari *informem. Basil. clav. 5.* scilicet talem, quæ à formâ separatâ aliquomodo retrocedit, non tamen totaliter eâ privatur: à quibusdam *uniformem*; scilicet accidentalem; tandem etiam ab aliis *omniformem*, quod successivè capax sit omnium formarum. Si modo cum distinctione intelligantur, nemini relinquetur dubium.

Materiam autem primam arte parari posse, non est impossibile, si modo intelligatur non prima Aristotelica, sed Chymicorum, quæ est tertia vel quarta; vide *Sendivogium c. 4. d. prim. mat.* non quæritur prima materia, sed secunda, & quidem talis, quæ, quando nata est, in aliam mutari non potest, ubi tamen obiter apponendum duco, ex informatione Excellentissimi Beccheri, materiam Chymicorum esse triplicem, sed cum distinctione.

Una enim est generalis, quæ omnibus inest corporibus; *Altera specifica*, eaque vel cum forma, & sic quodlibet corpus suam specialem materiam & formam habet, inde tot materias esse, quot corpora, constat: vel sine-forma sive causæ formantis vinculo. Et tunc triplex est: animalis, ut menstruum; vegetabilis, ut aqua pluvialis vel ros; mineralis, ut aqua mercurialis. Sicuti etiam semina sive formæ formantes, æquè in tales classes dividi possunt, verum cum hac cautione, quod tot indefinitis modis, quot corpora in quolibet regno sunt, differunt. Et subest ratio; cum enim quædam corpora *unione tantum*, ut animalia;

quædam *coagulatione*, ut vegetabilia; quædam *fixatione*, ut metalla consent, opus etiam est, tres tales dari materias, quæ unicuique appropriari possunt. Nam aqua pluvialis non convenit metallis, sicuti nec aqua metallica animalibus &c. nos itaque quando loquimur de materia, *hic tantum intelligimus metallicam*, hæcque est vel fixa vel volatilis, ita tamen inter se conveniunt, ut non-fixa figi, fixa autem volatilifari queat, hæcque iterum dividitur, alia est remota, alia media, alia propinqua, alia propinquissima.

1. Remota, vapor est, in lapidosæ terræ locis inclusus.

2. Media, sive *materia secunda* est mutatus vapor in viscosum novum vaporem, ex quo potest fieri alumen, sal petraë, cinnabaris, sulphur & vitriolum, de his notetur hic Rupecissa in verbis: Vitriolum est medium & proprium semen generandi metalla, tanquam eorum omnium principium remotissimum; in eo autem differt à quartâ, quod nullam coagulationem obtinere possit, & quod secundum qualitatem sulphuris & salis alteretur.

3. *Propinqua*, viscosa essentia mercurialis, sive Gur, & ex eo deinde

4. *Propinquissima*, ut plumbum rubeum, Saturnus Philosophorum, auri vel argenti electrum immaturum. Quæ quatuor dictæ materiæ tamen unicum spiritum mercurii conferunt.

Hæc ultima est vera chymicorum materia, ex qua subjectum catholicum in forma volatili extrahendum, quoniam ea non est penitus fixata. Nemo etiam in mineris omnem penitus materiam à metallicis formis actu esse fixatam & coagulatam probabit, obstat enim augmentatio & generatio metallorū, cum itaque talis detur materia, quæ in aliquibus metallis plus, in aliis minus, formæ est confermentatæ, sequitur etiam ex iisdem corporibus, ubi minus est fixata, facili negotio erui posse. *Et quidem ex auro*, quod habet formam omnimodè fixatam, per putrefactionem, ex reliquis autem, ubi tantum primis gradibus, forma quasi est impressa, velut Philosophi loquuntur, *granum fixi est inoculatum*, & natura quasi primum fundamentum posuit, frequenti sublimatione & purgatione obtinetur. Notentur verba *Basilii in repet Lass.* Hoc loco valete dico, quære materiam in substantia metallica p. m. 72. & p. 6. D. L. P. hoc in veritate omnis veritatis dico, si metallica anima, metallicus spiritus, & forma metallica, corporis adest, sequi debere, metallicum mercurium sulphur & sal.

Idem p. 166. part. 3. Elucid. Clav. Ex sale & sulphure auri purificati præparatur Lapis, beneficio spiritus mercurii, qui ex minerâ, ignem nondum experta aut fusâ expelli debet. *Filius Sendivogii c. 2. de sale, pag. 3.* omnem tuam intentionem dirige ad essentiam metallicam, quam natura quidem ad talem formam disposuit, sed imperfectam reliquit.

Sendivogius cap. 1. Si metallicam naturam vis exaltare, recipe metallicam naturam. *Idem Tract. 9.* Propterea datur unum metallum, quod vim habet reliqua consumendi, quoniam est quasi eorum aqua & mater. *c. 11. de praxi Lapid.* Ea aqua debet esse menstruum mundi, ex sphaera (NB.) Lunæ, quæ debet esse rectificata, eo usque ut Solem calcinet. Unde etiam ipsi Helmontio placuit dicere, Philosophos calcinare corpora aquâ, seu igne humido, cum vulgus ea igne communi calcinet, comburat & destruat: Suffultus autoritate *Aurora consurgens c. 13.* in verbis: Ignis noster est aqua.

Hic inquirendum. An nitrum fixum dissolutum habeat eandem vim ut humidum apud calidum, quæ est calcinatio Philosophica, conservetur, sive quod sulphur in centrum redactum, rursus in peripheriam educatur, ut capax fiat, humiditatem figere, ex qua nova oriatur generatio. *Calidum autem hoc nihil aliud est, quam ignis Philosophicus*, de quo Artephius; qui est ignis corporum sive sulphur naturæ, quod humectat & nutrit suum corpus naturale.

Paucula subijciam de aëre Philosophico, quando *Sendivogius* de aëre & ejus rarefacto spiritu loquitur, *item Basilus &c.* Notandum duco, aërem communem esse subjectum aëris Philosophici, & quando Philosophiloquuntur de aëre suo, esse hoc intelligendum de aqua corporum rarefacta, uti *Beccherus* docet in *Oedipo*.

Tandem concludendo oppono decantatissimo nitro

1. *Monitum Bernhardi*: Amen dico tibi, quod nulla aqua naturali reductione speciem metallicam dissolvit, nisi illa, quæ permanet eis in materia & forma, & quam metalla ipsa soluta possunt recongelare. An nitrum habeat formam metallicam, valde dubito.

2. *Richardi*: Si corpus non resolveris in mercurium cum nostro mercurio, occultam virtutem ex eo habere non potes, scilicet sulphur digestum & decoctum per opus naturæ in minera. An in nitro sit sulphur decoctum minerale, non audeo affirmare.

3. *Riplai*: hic Lapis, audeo tibi dicere, est vapor potentialis metalli, id est, in se gerens metallum, & extrahitur ex subtili nostro rubro plumbo. Nitrum nunquam fiet metallum, itaque non poterit de se vaporem potentialem metalli emittere.


4. *Clangoris Buccina*: *Tom. I. Art. aurif. pag. m. 305.* si quæris medicinam metalla generantem, de metallis erit ejus origo, cum species à suo genere tingatur, etiam in habentibus symbolum facilis est transitus.

5. *Scala Philosophorum*; mineralia mineralibus, vegetabilia vegetabilibus conveniunt, ut nulla contrarietas sit, imo maxima convenientia: quoniam spiritus

ritus iste est mineræ aureus, nec ab auro differt, nisi in hoc, quod ipsum est fixum, spiritus vero non fixus.

Fateor quidem, me parum esse injurium in excellentissimum alias minerale, nitrum, quod inter alia non minoris conditionis medicamenta facillè primum sibi locum vendicat, sicut est *verè aurea ejus Tinctura*. *OLEUM*, quod à quibusdam Practicis magnes vocatur, & in Lithiasi diureticum bonum audit, præprimis si cum silicibus fundatur; herbis etiam & earum radicibus cum *Tri* Ole appropriativum esse, magni nominis medici statuerunt, sed auri tincturam realem extrahendi facultatem habere, ego non possum satis concipere. Hoc quidem possibile, quod oleum nitri, salia calcibus solis & lunæ adhærentia possit imbibere, & deinde cum iisdem circulatum prævia digestionem in rubrum colorem mutari, sicuti etiam nitrum fixatum cuilibet spiritui vini facile obsecundat, & se cum eo colorat, an vero auro colorem naturalem eximat, ita ut cum antimonio reduci nequeat, nunquam mihi adhuc videre licuit. Hoc enim pacto, aurum fiet anonymum metallum, quod tamen pugnat cum veris Philosophis: Sic enim monet Alexander von Suchten in sua vera Medicina impressa Argentor. Anno 1608. p. m. 42. & 43. Spiritus auri vulgaris est sicuti compositi & sibi soli sufficiens, propter quod etsi cum aliquo alio metallorum permisceatur, non plus potest illa digerere vel plus de sua digestionem illis impertire, quam in seipso habet: est enim forma extensa non intensa, non exuberans, ideo ultra suam mensuram imperfectum corpus in perfectum mutare non potest. Cum enim omnis res composita sit ex materia & forma, & aurum vulgare tantum habeat de forma (spiritum opinor,) quantum de materia, ergo tantum etiam de virtute, tantum de entitate, tantum de operatione & non plus. *Hæc ille*. Hoc simul observavi, quod nitrum solum in morbis chronicis nimis segniter operetur, in malignis parum, vel nihil, nisi in quantum præcipitando acres humores & refrigerando agit: in febribus autem intermittentibus sit præsentaneum remedium, si lupi faucibus est ereptum.

Hæc sunt, quæ volanti & tenui adumbrare calamo volui, nullius auctoritati vel iudicio præjudicando, sed sicuti hæc mea est sententia, ita & cuilibet liberum & salvum relinquo arbitrium statuendi quid velit.



D. SALOMONIS REISELII MED.

Dis, ET PHYSICI WORMATIENSIS, S. R. Imp.

Academ. Nat. Cur. COLLEGÆ,

E P I S T O L A

Ad

ACADEMIÆ NATURÆ-CURIOSOS,

I.

PRÆMEDITATIONES

DE QUIBUSDAM

IN ARTE MEDICA EXPOLIENDA

REQUISITIS,

HACTENUS NON ADMODUM PENSITATIS CU-
RAVE HABITIS.

V I R I

NOBILISSIMI, CLARISSIMI, EXCELLENTIS-
SIMI, EXPERIENTISSIMI.

Promisi nuper Meditatiunculas quasdam de Arte nostrâ Medicâ facilius
discendâ, felicius faciendâ, Vobis ad deliberandum communicandas. Sed
post tot methodos, manuactiones, introductiones & consilia Doctissi-
morum, ipsaque Vestri Collegii ardua molimina & instituta, quid ego somnia-
bo? quid noctuas Athenas? Ad invitationem vero solemnem omnium, non
possum non aperire innocentissimum juvandi affectum. Effundo igitur cru-
dum meditationis semen in sinum Amicorum vestrum, câ lege, ut privato vel-
uti fotu, conceptum in stammina vitalia animetis, &, vel in prima herba, si indig-
nus luce, suffocetis, vel, si spem alicujus prolis inde possitis elicere, ad felicio-
rem maturitatem Amplissimo Vestro Præsidi & Collegio proponatis, ne ex-

temperaneo quodam impetu festinatus foetus, aut abortus verius, publicè multis prostituatur.

Quandoquidem salutare Ephemeridum vestrarum consilium eò tendit, ut per eas colligatis omnium Bonorum Observationes & Remedia ad Physicam & Medicinam spectantia, mediantibus quoque his ipsis, spero effectum iri, per communia & multiplicia vota, quod à singulis vel paucioribus expectari non potuit, si, ut hactenus, *materia singulares*, ita porro *scriptorum examen, errores, defectus* eorumque *remedia* colligantur, & ex his tandem artis instaurata forma, imperfecti medici habitum excrescat & adolescat.

Agite nunc: inceptit Ars medendi observatione, crevit exemplis, formata est ratione: Certum est iisdem absolvi posse.

Ergo ab incunabulis Ægyptiacis, adolescentia sub Hippocrate, ejusque commentatoribus, Græcorum, Arabum, Latinorum, aliorumque variae ætates perquirantur; Paracelsi dein, & Asseclarum novi morbi novaque remedia, in senio denique microscopiorum ope detecta Anatomicorum, Physicorum, Practicorum inventa, statusque adeo præsens excutiatur, ita quidem, ut quid quisque boni pro salute humana attulerit, expendatur, & trutina in primis & veritate experimentorum & experienti examinatum colligatur. Et quamvis ab Anglorum Gallorumque Ephemeridibus exactissima judicia de plurimis (quia amplissimum totius sapientiæ globum scrutantur) mutuari possimus, & post aliorum etiam dispersos labores quotidie à D. Schaefero *Historiam medicam* expectemus; tamen curiosissimum Vestrum Collegium angustioribus Physicæ & Medicinæ carceribus currens, & Naturalium solum satagens, ad salutis & hygieinæ sacra metam citius veniet.

Omnes igitur & singuli Medici invitandi sunt, per Ephemerides, ut sincere communicent, quid pulchri, quid utilis, quid certi ex hujus vel illius Autoris principiis, methodo, praxi, remediis, formulis sumserint senserintque per ætatis suæ & praxeos curriculum.

Rogandi insuper, ut *errores* suos aliorumque notent, & ambages indicent, per quas tandem ad eam, quam habent felicitatem & certitudinem artis pervenerint: *Desidera & defectus* aperiant, & quomodo, si denuo daretur redire, brevius & rectius vellent ire. Qualia quamvis hinc inde lateant etiam in publicis scriptis prudentissimè monstrata, non tamen negandum est, si ram edita quam adhuc in privato latentia *consilia* in unum colligantur, salubrius emerfurum esse & in publico utilius institutum, quam si quis hic illic singularia aliquot præcepta & remedia fortasse arripiat & suo usui servet, aut sepeliat invidus. Sed quotusquisque deliramenta juventutis suæ vel agnoscit, vel fatetur, vel retractat? quis non ab blanditur sibi? quam infelicibus Medicina invidiæ stimulis premi-

tur? Hæc tamen auxilii spes, si non ab aliis, saltem a *Collegis Curiosis* obtinebitur, quorum suprema lex est, *salus humana publica*. Neque negligendus erit orator, quia aliquando etiam bonus locutus est.

Denique si arriserit hoc inventum, ut ordine non tumultuario eatur, neque aliquid facile quærentium aciem prætereat, dividantur operæ & libri annuatim, menstruatim, vel ex præscripto Collegii, vel arbitrio & electione Collegæ, Amici & Fautoris unius vel plurium. Facta experimenta, data judicia, accepta responsa, consilia, præcepta, monita, cautiones, notæ, animadversiones & ejusmodi alia, ad maturius deliberandum reposita proponantur, ventilata & conclusa colligantur in unum, donec post annos reperta veritas emergat in utilitatem publicam & salutem per artis præcepta.

Atque ut ipse primum calculum ponam;

Doleo juventutem Physicis principiis, quæ *Verulamio* aliisque suspecta fuere, transactam, qui jam de mum incipio per manifesta & clariora naturam discere, qualia *Cartesius* in Dioptricis circa oculi fabricam & circulationem sanguinis mechanicè, *Dygby* circa pulverem sympatheticum, *Boyle* circa colores, vel demonstrant vel demonstrare tentant.

Tædet tot libris Lapidistarum vel Secretistarum (ut liceat sic loqui) fallacibus tempus trivisse.

Desidero ex farragine tot compositorum, tantorumque dispensatoriorum unum universale, vel Regio certius, verè Imperatorium.

Detestor elogia & nimias Chymicorum maximè remediorum, vel à præclaris viris publicatas, eventui non respondere.

Scapham scapham dicendam puto, neque Tincturas pro Menstruis coloratis sumendas, Magisteria pro Fæcibus, Extracta pro Tincturis &c.

Simplicia vel ad cœli intuitus, vel balsamico tempore per omnes officinas colligenda.


Nihil credendum nisi manibus oculis: nihil certum & publicè, sine experimento, laudandum; nihil sine examine, transcribendum.

Fabulosa à veris discernenda.

Libros inutiles notandos & præscribendos æstimo.

Quod exempli gratia & quantum tempus permisit, unica vice indicatum, censuræ vestræ submissi.

(*In literis Hanoviæ Vratislaviæ Mense Mart. Ann. 1673.*)



MARTINI BERNHARDI DEBERNITZS,
REG. MAJ. POLONIÆ ARCHIATRI
FASCICULUS I.
REMEDIORUM ANTI-ARTHRITICORUM
IN CURATIONE
VLADISLAI QUARTI
GL. M. REGIS POLONIÆ ET SUECIÆ ETC.
ADHIBITORUM.

NOtum est, non solum hic in Sarmatiâ nostrâ, verum ubique vicinorum locorum, Ser. Regem ULADISLAUM IV. gl. m. statim à juventute quasi, post annum nimirum ætatis suæ XXX. morbo Arthritico fuisse infestatum; qui affectus dein ita invaluit, & nonnunquam bis, ter vel pluries in anno tam severè, cumque tanto cruciatu recrudit, ut Rex sæpius vitam cum morte sibi commutari optarit.

Præmoneri autem B. L. oportet, quod sub hoc genere morbi S. Reg. Majestatem infestantis, *Arthritide* videlicet, varias includo ejusdem doloris species, pro diversitate partium affectarum inter se differentes, scilicet podagram, gonagram, chiragram, ischiadem cum cæteris; quippe Rex totus fuit Arthriticus; annumeratis insuper calculo renum & vesicæ, atque passione colica. Tam frequens tamque crudelis recensitorum dolorum sævitia, suo maximè in accessu, & patientiâ in Rege locum non habente, Dominorum Medicorum remedia cum spernere quandoque videretur, humores vero interim copiosè ex uno in alium articulum defluentes, acrimoniâ suâ nova identidem doloribus tormenta adderent, Regem, præ nimio dolore sic clamantem, ut in altero vel tertio cubiculo audiretur, eò redegerunt, quo Dnn. Medicorum docta consilia & curationes non rarò rejiceret, & levamina atque solatia ab aliis, Empiricis & plebejis hominibus conquireret; immo pro acceptis ab iis consiliis aut communicatis

secretis

secretis five arcanis, ingenti sæpè pecuniæ summâ, præter prædia, catenas, annulos, cimelia, aliasque res satis pretiosas, quæ à Reg. Majestate ex innatâ Clementiâ profusissimè dabantur, non parceret, sed, famâ prodente, spatio aliquot annorum, plusquam sexies centena millia, in spem liberandi se ab his infirmitatibus & recuperandæ sanitatis, exsolvi jussit.

Inde evenit, (ut supra ianui,) quod quasi ex omni terrarum angulo, sed maximè hujus regni, varia hominum genera cum multis secretis & arcanis ad debellandum & devinciendum hunc morbum, in Aulam confluxerint; taceo nonnullos Senatores & Principes, eidem huic malo obnoxios, quorum singuli, sua in proprio corpore experta remedia, per multos annos observata & quasi approbata, Reg. Majestati offerebant.

Hæc suscepta & adhibita, licet aliquando in prima applicatione (maximè in declinatione morbi) incantamenti instar dolores mitigando, effectum suum præstarent, nihilomnius tamen post medium annum infirmitas eadem iterum recrudit, & decantata caroque pretio emta Arcana, denuo adhibita, vix aliquid, multoque minus in iteratâ tertiâ adhibitione, effecerunt.

Ideò nova atque nova à sua Reg. Majestate quærebantur remedia atque levamina, quorum partem, tunc temporis à me collectam & observatam, hic causa tam curiositatis (ne notitia eorum pereat) quam utilitatis describere, communicare ac publici juris facere non gravabor. Dico partem, quia plurima ejusmodi secreta non annotata, & proinde oblivioni data fuerunt, major etiam illorum numerus ante, quam Rex me indignum in catalogum suorum Medicorum suscepisset, manus meas præverterat.

Norit etiam B. L. quod hæc nostras relationes circa curam morbi Arthritici in S. Reg. Maj. peractam, absque morbi definitione & prolixâ descriptione, prætermisiss quoque omnibus aliis symptomatibus & circumstantiis, (in scriptis & observationibus *Cnæffeliæis* alias fufius descriptis ac suo tempore, uti spero, lucem visuris,) annotare, & solummodo materiam, compositionem & usum imprimis secretiorum ac fere topicorum remediorum, ex quibus Reg. Majestas aliquando levamen habuit, quæque pro maximis arcanis pro largâ pecuniæ summâ emit, proponere nunc juvat.

Quanquam enim Arthritis solis medicamentis topicis curari nequit, & dolor symptoma est, quod multorum sententiâ, primum minimè attendi debet, cum curatio morbo tantum debeatur, & ablato morbo ejusque causâ subinde omnia quoque symptomata evanescant: Attamen quoniam hic morbus ablationem causæ, propter nimiam ferocitatem doloris, omnes vires dejicere, atque vigilias & majora symptomata inducere soliti, semper expectare non possit, utique sui symptomatis correctionem ac delinitionem per

anodyna indicat, & tunc, ex ipsius Galeni præscripto, non cunctandum, sed statim ad compescendos dolores animum esse adhibendum, relictis etiam tantis per aliis intentionibus, donec doloris carnificina esset. Inde ergo factum est, quod ad corrigendum tristem illum affectum, Arthritidis comitem, Medici Regii illa Empiricorum externa remedia S. R. Majestati applicari aliquando permitterent.

Ut vero podagræ non una tantum est differentia, neque unus & simplex modus, verum (præcipue ex mente Galenicorum) multiplex, pro ratione multiplici humorum aliquando ad ipsos articulos decumbentium, sic ejus etiam natura & mos varius est, variamque sæpè requirit medendi methodum, auxiliorum diversam rationem & varias remediorum formulas, quales sunt, quæ hic sine ulteriore ambage proponere constituimus.

II.

Balsamus Viridis Anti-Arthriticus

S. R. M. VLADISLAO IV.

ADHIBITUS.

ANno 1646. mense Septembri, vix medio elapso anno post initum matrimonium cum Regina, Mariâ Ludovicâ Gonzagâ, Ser. Reg. Majestas denuo à morbo suo podagrico corripiebatur & per sex integras septimanas lecto affixa jam in manu, jam pede, dies noctesque continuo gravissimeque cruciabatur. Multis variisque ex ordinatione Dnn. Medicorum adhibitis remediis, (licet aliæ ea conducere solerent,) nullum penitus Rex expertus est levamen, quin omnia incasum fiebant. Casu, in quodam alio privato negotio, Magister Capellæ, qui pariter sæpius arthriticis affectibus cruciabatur, vir alias vegetus, ætate aliquot supra quadraginta annos, apud S. R. Maj. audientiam habuit, ubi post alia, certum levamen doloris podagrici Ser. Regi obtulit Balsamum nempe sibi consuetum; insinuando simul, esse id magnum arcanum uxoris suæ, quæ nemini mortalium hucusque ejus descriptionem aut compositionem communicare voluerit, fieri tamen posse, ut, si quædam ex Munificentia Regia offerretur illi gratia, (in hoc nempe latebat maximum arcanum,) remedium hocce haut gravatè communicet.

Rex naturâ liberalis, & istius Musici amans, spe levaminis conceptâ, sufficientem statim remunerationem promisit, modo hoc Balsamum aliquid opis præstaret. Mulier itaque mox recens paravit Balsamum, ejus quæ essent ingredientia, insciis Medicis, externa talismodi alia (absque opio) facillè Regi concedere solitis. Confecto jam & exhibito Balsamo, at parum calefacto, Phar-

maco-

macopœus Regius, partes S. Majestatis dolentes, per mediæ horæ intervalla, leniter cum pennâ anserinâ illinivit, unde reverâ, mirum in modum dolores sedati sunt, ita ut Sereniss. Rex spatio aliquot dierum, somno ante per octiduum privatus, dormire ac quiescere cœperit, & brevi medicaminis hujus auxilio convaluerit. Mille itaque aurei, pro remuneratione à Serenissimo foeminæ huic dati sunt, eâ tamen conditione, ut secretum istius Balsami Regiis revelaret Medicis & suo Pharmacopœo: quod factum, estque ejus descriptio & compositio talis, quæ B. Lectori gratis communicatur.

Rx. calami aromat. ℥j. cort. citri & arant. a. ℥ss. herb. absinth. abrotan. gentian. a. ℥j. rad. enul. camp. consol. maj. fl. lavendul. serpill. a. ℥ij. vini opt. alb. ℥vj. olei veteris ℔ss. coqv. omnia ad consumptionem humiditatis, in fine adde resin. alb. ol. spic. a. ℥j. Misc. & f. Balsamum antipodagricum.

II.

Arcanum Rusticanum in Podagra.

PRO QUO VLADISLAUS IV. Rex Poloniæ &c.

sex millia florenorum solvit.

PRid. Calend. Martii Anni 1647. dum Regia Maj. dolore podagrîco summo afflicta, & à medicamentis antea consuetis, consilio prudentiaque Dnm. Medicorum præscriptis, vix quicquam levaminis haberet, ad Camerâ Regiam, commendatione Illustriss. Palatini Pomereliæ, Domini Caspari Dœhnhovii, quidam rusticus ex Prussia, introductus est. Is suum in curandâ podagrâ arcanum celebrabat, promittendo Regiæ Majestati certum levamen doloris, modo sese curationi suæ vellet subicere. Rex dolore pressus, relictis Medicis suis summè doctis, semet curationi istius rustici commisit. Hic ex tempore, in præsentia Pharmacopœi Regii & aliorum adstantium suum parabat arcanum rusticum in hunc modum. Extrahebat ex marsupio suo sequentia, quæ strophio involuta portabat, celando eadem coram Pharmacopœo: erant vero

angelica vera ℔ss. angelica silvestris ℥jv. herb. hyssop. mij. super has species crassiusculè incisas inque ollam novam immittas, affudit cerevisiæ nigræ fortisque (hæc enim omnia secum attulerat) mensuras quatuor Warsavienses, h. e. ℔. viij. Medicinales. Præterea adjecit pro aromatificatione, caryophyllorum parum, & applicatâ aliâ ollâ inversâ cum spiraculo, misturam ad consumptionem tertiæ partis penes ignem coquâ

coqui livit. Decoctum vero postea Regiæ Majestati exhibuit. Administratio talis erat. Unius dosi decocti quatuor olei olivarum cochlearia remisit, eâ proportionem, ut tribus cochlearibus (nam hæc rustici mensura erat) Decocti unum cochlear olei accederet. Epota hac medicina ad promovendum sudorem, in lecto Regem bene cooperiri iussit: quam molestiam S. R. Maj. perferre, sudando duabus horis, sustinuit.

Ecce, eo ipso die remisit dolor & Regia Maj. cum admiratione & applausu multorum, melius sese habere cœpit. Quis felicior tum rustico? Quilibet loquebatur de miraculosa ipsius curatione, hominem ipsa Regina & alii cognoscere desiderabant, hinc idem Rusticus sæpius in Antecameram vocabatur, qui arcanum suum (satis astute aut inflatè) ulli communicare vel proderè detestabatur, priusquam Rex ad tempus vitæ ipsi sustentationem certam promitteret. Et impetravit hoc; nam S. R. Majestas sex millia florenorum Polon. ex templò exsolvi iussit rustico, jam coram Rege & adstantibus juramento asseveranti, semet hoc secretum in simili morbo, fructum nunquam destituisse. Nemo rustico jam divite facto lætior erat, nec rege quisquam sanior; quippe qui à suo molestissimo & terribili morbo, impetrato tam salubri remedio, sese prorsus liberum fore credebatur; sed eventu aliud demonstrante.

Nam post medium annum, ubi Regia Maj. summis iterum doloribus in pede dextro, & postea etiam in sinistro corriperebatur, & decoctum illud Regi eodem modo adhiberetur, tardior arcani comparuit effectus. Nam prima vice vix aliquid ejus usus effecit, reiteratus tamen sudoribus paroxysmum abegit.

Anno nondum elapso, post finitam primam curationem (mense scilicet Septembri,) Rex iterum in manibus, postea etiam in utroque pede graviter excruciabatur, ubi denuò rustici illius rusticum arcanum (hoc enim in aulâ à Medicis decoctum istud contraxerat nomen) per læpissimam & continuatam iterationem fuit exhibitum; sed citra effectum. Eodem tempore Illustriss. Regni Subcamerarius Dn. BILSKI eodem morbo laborabat, idemque decoctum in præscriptâ formula parilique dosi, cum requisito sudore, at summo cum fastidio, per continuos quatuordecim dies bibebat; sed cum ipsemet quoque nullum inde fructum perciperet, medicamenti pertæsus, usum ejus una cum Rege continuare recusavit.

III.

Curatio Singularis Arthritidis,

SER. REG. VLADISLAV IV. P. M.

COMMUNICATA

à quodam Nobili Curlando.

Venerat ad Aulam nostram Nobilis quidam, vir alias humanus, in arte chymica bene versatus, aliisque dotibus instructus, nomine Nicolaus von Sicken / qui ab Illustriss. & Excell. Domino Generali Spar / omni meliori modo Regi commendatus, etiam ad Cameram regiam introductus est: & quidem hoc nomine, quia certum in arthritide ejusque speciebus possidebat secretum, quo parentes & multi alii antecessores suæ familiæ, tanquam à morbo hereditario integrè & fundamentaliter fuerant restituti, quin & alii plurimi Nobiles hac curatione usi, præcipuè illi, qui in tempore & tenella morbi ætate id adhibuissent, antequam materia tartarea & morbosa in magnos tophos concrevisset, alias, vel ipse assererat, valere illud Catonis & Ovidii,

Tollere nodosam nescit Medicina Podagram.

S. Regia Maj. nunquam talia, maximè à viris gravioribus laudata, rejiciens, instabat apud General. ut secretum à possessore pro certa aliqua summa, seu alio regio honorario habere posset. Impetravit id facile Illustr. Dn. Spar / dictumque Nobilem Curlandum, in Cameram regiam adduxit: qui habità audientiâ Sereniss. Regi non solum suum secretum explicavit, verum etiam in scriptis totum processum porrexit: vicissim Regia Maj. in testimonium gratitudinis & recompensationis ipsi mille florenos (alii mille imperiales volunt) exsolvi jussit.

Secreti descriptio & usus erat talis:

Peraetis universalibus & particularibus evacuationibus (quæ Medicis reli- & æ, præcedere omnino debebant,) Nobilis Curam suam instituit illo præcipuè tempore, quando patiens ab omni dolore, tumore ac alia molestiâ morbi est liber, per embrochas & lotiones tali processu:

Primo præparetur lixivium, quod

R. salis comm. m. j. nitri purif. ℥ j.

camphora (in s. q. spir. vin. dissoluta) ℥ ss. cinerum fagi m. ij.

quæ mixta in quartis tribus (℔ vj.) aquæ fluviatilis, vel liquoris Betulæ clarificati, coquenda ad remanentiam duarum partium, quod lixivium

PP

postea

postea clarificandum & filtrandum ut artis est. Porro parato lixivio sequenti modo utendum:

Patiens nudo corpore sedeat in humili quodam labro, super sellam altiorē tamen, & corpore elevato atque erecto propè focum seu in cubiculo calefacto; postmodum partes omnes & loca morbosa foveantur & laventur cum spongiis, lixivio calefacto prius imbutis, incipiendo à parte superiore, nempe ab axillis versus manus & extremitates digitorum, & pergendo sic ad inferiores seu pedes, per spatium mediæ horæ vel ulterius. Notandum hic, tam in primâ adhibitione, quam postea semper lotionem præcedere debere stillicidium liquoris dicti lixivialis, ex spongiâ super partes affectas, & in primis juncturas ab alto quasi pluat, ut namque sic spiracula cutis reserantur, partes relaxentur, humores & materia morbi attenuentur, & à centro ad peripheriam evocentur, unde via sequentibus remediis sit expeditior, & tartarus jam resolutus per insensibilem transpirationem uti & urinam promoveatur.

Patiens (uti superius dictum) in applicatione illa stillicidii & lotionis spatium mediæ vel diutius perduret, pro conditione scilicet constitutionis sui corporis, vel ipsius morbi ex dispositione Medici adstantis, quem Regi semper adesse Nobilis ille suadebat. Deinde se in lectum recipiat, corpus abstergi curet, &, ne ab aëre ambiente & frigido lædatur, bene sese tegat, si sudor supervenerit, non impediendus is est, quin immo promovendus.

Tempore curationis licebit aliquando unum alterumve diem intercalare, interim tamen medicamenta diuretica non omittere. Quod si contingat, ut durante curatione (quod sæpius solet accidere) dolores in parte aliqua supervenirent, & patiens ab illis vehementius corriperetur, stillicidio & lotionem non amplius fatigandus, sed quies ipsi imperanda; atque ne materia dolorifica ad partem affectam sua copia repentinè possit irruere, studiosè præcavendum. Interea tamen dolor mitigandus liquore sequenti antipodagrigo externo:

℞. *Phlegmatis vitrioli* (nondum rectificati) ℥vj.

Tartari ad albedinem usti ℥iiij.

Mista stent in loco calido, & post dissolutionem salis tartari liquor filtretur, & ad usum necessarium reponatur, tunc tepidè pennâ loco dolenti illinendus, & quidem sæpius in die, liquor in suppositam patinam (quæ vitrea aut terrea aut cuprea esse debet) defluens colligi, & simili modo denuò adhiberi poterit. Si vero dolor vehementior dictum liquorem sperneret, & atrocior fieret, applicandum est sequens cataplasma:

℞. *Medulla panis triticeæ pulv. omnium florum* (majali tempore è stercore vacæ præparati) a. ℥j.

Coqu.

Coqu. cum aqua hyoscyami s. q. ad spissitudinem pulmenti, cui addantur
 nitri pulv. ℥j. camphoræ ℥ij. croci ℥jv. & dolore nimis saviente opii
 q. pl. pro dispositione Medici. F. cataplasma.

Quod tepidè partibus dolentibus applicetur, & quater in die renovetur,
 continuando tamdiu, donec dolor cesset. Advertendum hic quod cataplas-
 mata non sunt relinquenda, donec nimis exsiccentur, alias, instar glutinis, cuti
 fortiter adhærescerent, & in remotione novi doloris causa existerent; evitari
 autem hoc incommodum poterit, si cataplasmatia aliquid olei papav. albi admi-
 sceatur.

Talis est tota curandi morbi Athritici methodus à supra dicto Domino
 Nicolao von Sicken / S. R. Maj. communicata, & ex Germanico idiomate in La-
 tinum translata: cui vero à S. R. Majestate propositæ, Medici regii omnes acri-
 ter restiterunt, timentes majorem affluxionem ex frictione seu lotionem cum li-
 quore illo lixiviali, ad partes seu articulos ex dolore infirmos: in memoriam
 enim revocabant similem eventum antehac Regem ab usu thermarum Baden-
 sium expertum fuisse. Reliqua denique topica Regiæ Majestati, si necessitas
 urgeat, posse concedi existimarunt.

In hac Medicorum suorum sententia, Reg. Majestas non planè acquievit;
 proinde cum brevi post gravissimè iterum doloribus podagricis divexaretur,
 curatio Dn. von Sicken / denuò Dn. D. Cnœffelio (qui novissimè tunc ex
 Prussia ad aulam redierat,) jussu Regis per confessionarium fuit proposita. Ille
 vero respondit, sibi remedia esse satis sufficientia, ut talismodi communicatis
 non indigeat; dummodo Regia Maj. jam expertis suis medicamentis velit con-
 fidere, & constanter eorum usum continuare, de restitutione sanitatis dubitan-
 dum non esse. Hisce Regia Maj. persuasa, medicamenta Cnœffeliana iterum
 ad usum revocavit, & paulo post convaleuit.

Cæterum curationis propositam methodum, à Rege caro pretio emtam,
 hic gratis annotatam esse, B. L. æqui bonique consulat.

IV.

 Sectio venæ ad Lipothymiam usque,

pro mitiganda & curanda Podagra,

in

VLADISLAO IV. REGE POLONIÆ P. M.

PERACTA.

O Bruto iterum Ser. Rege mense Septembri Anno 1647. atrocissimis dolo-
 ribus Podagricis longeque gravioribus, quam unquam antehac, remediis

etiam omnibus, quæ alias conducebant, nihil efficientibus, ad id tandem impatientiæ deventum est, ut Rex, furibundus quasi, (præ nimio cruciatu) omnes suæ Camera familiares, immo & ipsos medicos ex Camera regia repelleret. Ad tantâ miseriâ afflictum nihilominus accessit Regina, secum ducens, aut verius pertrahens Medicum & Consiliarium suum, Excell. Dn. Augustinum Corradum, Amicum meum maximum, à quo proposita fuit venæ sectio generosa, quam Sereniss. Regi suadebat, allegando autoritates multorum & enarrando, quæ ipse in in simili casu per praxin observaverat. Hoc consilium, quod reliqui quidem Medici in Regio subjecto experiri abhorrebant, ab ipsomet Rege fuit comprobatum, eundem stimulante & animante Regina, quæ sola à partibus sui stabat Medici. Secta igitur est vena basilica dextri brachii (ex illius enim lateris pede Rex magis laborabat) à chirurgo, & sanguis ad Lipothymiam usque extractus est; non sanè sine effectū: vix enim peractâ sanguinis missione, immo in ipsâ, dolor recessit, Serenissimus Rex factus quietior, sequenti nocte bene dormivit, alterâ die & sequentibus ab horrendo & intolerabili hoc paroxysmo liber fuit, sic, ut renatus sibi videretur. Cæterum pro roboranda & firmanda parte affectâ embrochæ & lotiones ex vino balsamico & myrrhisato consueto, cubitum ituro quotidie fuerunt administratæ.

V.

HERBA KNA SIVE GENA

Antipodagricum Turcicum.

ANnō MDCL. à Thesauri regni Notario Dn. *Schvvonkekovski p.m.* cum D. Cnoëffelio ad prandium, ipso S. Stephani festo invitati eramus; ibi cum discursus de podagrâ ejusque curatione propositus esset, idem dictus Dominus Notarius, eodem malo sæpius infestari solitus, sanctè asseveravit, sibi è dolore pedum infirmanti, notabiliter semper profuisse Topicum sequens Turcicum, à quodam Armeno, Constantinopoli allatum.

Est planta quædam seu frutex, Turcis vocata *Gna*, sive *Gena*, & vulgo nostro *Kna*, prout & Turcicæ vocis etymon sonat; cujus usus ut varius, sic apud Asiaticos familiaris & quotidianus est, uti infra dicetur. Eâdem plantâ Turcæ podagram curare solent, quod malum vernaculâ suâ linguâ *AfAKSISIS* dicitur, i. e. dolor pedum: nam *AfAK*, dolorem, *SISIS* vero pedes significat. Applicationem jam dicti remedii ex relatione laudati Dn. Notarii talem esse percepi-
mus.

Turcæ, nec non Persæ, plantæ illius in subtilissimam farinam redactæ, (sic vero præparata ubique in tabernis Constantinopolitanis, venalis invenitur.)

tur:) unialterive cochleari, parum fellis bubuli, & vini generosi tantum, quantum pro consistentiâ massæ mollioris sufficit, remiscet. Hanc super linteum extensam pro cataplasmate loco dolenti calidè applicant, renovando illud in die tribus vel quatuor vicibus, nonnunquam eousque donec omnes dolores recedant & æger sese in meliori statu animadvertat; quod secundâ, tertiâ vel quartâ plerumque, aliquando primâ die, ac sæpius statim post primam applicationem evenit, quod Dn. *Notarius* semetipsum frequentius expertum esse confirmabat.

Post hæc accidit Anno 1663. dum cum Sereniss. Rege, Johanne Casimiro, p. m. Domino meo Clementissimo ego Leopoli in Russiâ rubrâ morarer, ut tunc temporis Generosus Dominus Capitaneus Rossi, amicus meus singularis, cum uxore & liberis duobus ex captivitate Turcica rediret, atque farinæ illius plantæ bonam quantitatem secum deferret, quam cum aliis rebus curiosis mihi dono dedit, à me iterum in tres partes divisam distributamque: Unam namque partem Reg. Maj. Ludovicæ Mariæ p. m. quippe quoad res hujusmodi exoticas valdè curiosæ, dedi, alteram Magnifico Dn. *Jacobo Breynio* Dantiscum misi; tertiam mihi, in futuros usus, efficaciam ejus pulveris experturo reservavi. Nec defuit occasio tentandi, quod animo volvebam experimenti; Brevi enim post in amico quodam podagræ doloribus optimum & felicissimum deprehendi successum, cataplasmate nempe hoc Turcico, ex pulvere Kna sive Gna dicto modo parato & applicato, non solum prima nocte dolores sedati sunt, sed & tumor disparuit.

Jam ego semel experimentum successisse, haut eram contentus, quin in alio quoque podagrico (Priore quodam Patrum Bernhardinorum Monasterii Leopolitani,) ejusdem cataplasmatismis usum repeterem, & quidem tunc, cum æger iste summis afficeretur doloribus: & ecce! sequenti die cum Patrem istum iterum visitare, passus est, se non amplius ita excruciarî, seque quietam transigisse noctem; reiterato ergo remedio, mox omnis dolor penitus evanuit. Libentissimè pluribus exemplis virtutes & efficaciam pulveris illius experiri contendissem; modo defectus ejus id non prohibuisset. Quippe Armeni nostri, qui alias cum Turcis & Persis commercia habent, & terras illorum singulis ferè annis peragrant ac Constantinopolim adeunt, olim pulverem, sæpius nominatum, in præamplis faccis unâ cum aliis mercibus afferre solebant, jam propter crudele bellum à Turcis contra nos inceptum, ab istis itineribus & mercaturâ feriantur.

Quæritur nunc, quidnam tandem hoc Turcarum Genia sive Kna sit, an herba, arbor vel frutex? & utrum pulvis ex radicibus aut foliis paretur? Perlectis

scriptis multorum, invenio tandem, quod hoc *Kna* sive *Gena* & *Gna* nihil aliud est, quam Arabum *Alhenna* seu *Aleman*a & *Alhanna*, quodque apud eos, qui crassius vocabulum pronunciant & spiritum asperum addunt, *Alkannal* & *Alkana* exprimitur: atque hoc vocabulum *Alcana* & in antiquis codicibus invenitur, & in officinis Pharmaceuticis hodiernum servatur.

Mauritanis dicitur *Kenne Henne* & *Hanne*: Ægyptiis *Ethanne*. Dodonæus vult à Turcis vocari *Henne*. *Henne* vero & *Alcana* apud Serapionem nihil aliud sunt, quam *Cyprus* Dioscoridis. Prosper Alpinus etiam *Cyprum*, *Elhanne* vocat, & cum aliis autoribus, in Ægypto nasci scribit. Sunt etiam, qui ejus species duas proponant, scilicet aliam latifoliam, aliam angustifoliam. *Alcana* vel *Alcona* meminit etiam Guil. Johnsonius in Lexic. Chymico; *Alcana* vel *Alcona*, inquit, *sunt arbores subtiles, longæ, habentes nodos sicut canna, quibus hastarum loca utuntur Arabes*: quam descriptionem procul dubio Autor ex sono tantum vocis compilavit, quod adjecto articulo *Al*, Latinum *Canna* in promptu esset; sed perquam malè.

Bellonius *fruticem* esse vult, non arborem vel herbam, ut alii somniant, qui unam plantam cum altera in interpretatione confundunt; *Observavimus* (inquit l. 2. c. 74. in Ægypto) *Fruticem Alcanan incupatum, quem diligenter colunt, atque ex eo egregias ceduas silvas parant*.

De loco hujus fruticis natali omnes, quod sciam, Autores conveniunt, in Ægypti Tripolitano tractu, & Cairo ejus copiam inveniri, tradentes: Provenire tamen ipsum etiam in Judæa, Josephus autor est. Eundem Turcas & Mauritanos propter gratum & suavem odorem, Moschi similem, quemque flores exhalant, diligenter in vasis custodire, hieme etiam, ne frigore pereat, in cubiculis & locis subterraneis servare, apud Rauvvolffium videre est; annotantem insuper, quod quia is frutex tardius, Augusto videlicet demum mense, nova protrudere soleat folia, quibusdam usu venire, ut radices aquâ sapone infectâ irrigent, aut eis calcem admoveant, quò citius regerminet & floreat. Totâ quoque idem frutex hieme virescere dicitur, quod sub proprio climate, in alio non item, contingere credo; quemadmodum malus aurantia & citria in Italia toto anno virent: cum apud nos hieme folia sæpius amittant, æstate nova protrusuræ.

Differt *Alkana* frutex quâ odorem juxta regionum, ubi provenit, diversitatem. Nam in nostris qui colitur terris, odore valdè remisso est; in Italiâ, magis forti: in patriâ, Ægypto inquam, ad moschi fragrantiam accedit. In foliis quoque rursus diversitatem aliquam quidam deprehendi volunt; quippe in Ægypto sint strictiora, quam Alpinus, (lit. d. Pl. Ægypt c. 13.) in Syriâ latiora, quam Clusius apud Bellon. L. 2. ob. 74. & Rauvvolff. 4. itin. num. 60. de-

pinxe-

pinexerunt : & hanc differentiam solam agnoscit Bauhinus in Pinace pro legitima.

Usum denique sæpius nominati fruticis ut modo non prætermittam, operæ pretium me facturum puto, si curiositatis gratia recensuero, quam varius is, quamque notabilis & singularis sit apud Turcas Persasque, quoad ejus tum ex lectione librorum, tum ex relatione Armenorum apud nos divertentium & aliorum indagare potui.

Folia igitur Alcannæ in pulverem redigi, jam supra indicatum est; ipsum Arabes ex Ægypto Constantinopolim tantâ copiâ mittunt, ut onerarias eo naves gravent, & in foris ubique culeos eò plenos innumeros venum exponant. Frequentissimè vero Turcæ ac Persæ pulvere eo non solum irrufare capillos, sed & manus & pedes, quin & alias corporis partes, decoris & ornatus gratia infucare, pulcherrimè scilicet, consueverunt. Hujus rei in testimonium Bello-nii locum supra citatum, verbotenus liceat excerpere :

Alcanna (inquit) *in Punica mali excrescit altitudinem, sed caesa, virgulas duntaxat profert, saligneorum viminum instar. Magnum affert Ægypti incolis questum: nam ejus folia arida in pollinem terunt, flavo colore inficientem. Hujus pollinis census tam ingens est per eas regiones, quæ Turcarum Imperatoris subjacent imperio, ut plus quam 18000. Ducatorum reddat: invaluit enim ea consuetudo, ut omnes mulieres, manus, pedes, capillorum partem rubro aut flavo, viri autem ungues rubro colore, hoc pulvere inficiant, addito præterea alumine & urina puerorum: utriusque sexus capillos tingunt, equorum jubas, pedes: & caudas. Ejus regionis mulieres ad formæ decorum multum accedere putant, si ab umbilico, infra etiam, coxarum partem, flavo colore inficiant, quem ex hoc pulvere concinnare norunt, simulatque ex balneis egrediuntur, quoniam eo tempore color altius penetrat. Illius usus est adeò frequens, ut non modo apud Turcas invaluerit, sed etiam Vallachiam, Russiam & Bosniam deferatur. Cum itaque plebs hoc pulvere carere nequeat, necessario ejus distributio magnum censum præbet; sæpeque accidit, ut Alexandrinæ naves eo onerata Constantinopolim debeantur, qui illico venundatur & distribuitur.*

Ejusdem pulveris mentionem Olearius fecisse videtur, in descript. Itineris Persici (l. 5. c. 11. p. 484. & 485. edit. noviss.) ubi de nuptiis Persarum, earumque ceremoniis agit, sed sub Chinne nomine, cujus verba curiosa huc quoque transferre non gravabor: *Persianis, inquit, valde familiare est, prout plerumq; Turcis, (referente Geuffræo l. 2. de rel. & cerem. Turc. p. 63.) ut rubrè-luteo colore manus (quidam tantum digitos & ungues, quidam totas manus & pedes) imbuant. Pro sponsis ipsorum hoc necessario requiritur ornamentum; idemet color etiam in publicis nuptiis apponitur & hospitibus distribuitur. Dicunt etiam, quod qui-*
dam,

dam, suos mortuos, præcipuè virgines, ita pingere soleant, quo suis duobus Angelis Examinatoribus in sepulcro tanto ornatiores apparere possint. Is vero color præparatur ex planta, quam appellant Chinne, folia habente liquiritia vel potius myrtho similia: seminatur colligiturque in regione Erak. Quando eâ uti volunt, debet prius siccari & in farinam redigi, postea cum succo Granatorum acidorum vel citri vel aqua communi temperari ac manibus imponi. Nonnulli, quos color paulo obscurior delectat, terunt in super manus cum recentibus foliis juglandis. Et hic color aliquando ad 14. dies durare potest, licet singulis diebus manus lavent.

Præterea huc referri merentur, quæ Bontius in Hist. Nat. & Med. l. 6 c. 48. p. 143. annotavit; *Alcanna*, inquit, folia per totam Indiam in usu sunt tingendis dentibus, labris, & unguibus præsertim, rubro colore. Pulcrum inter Mauros existimatur, quod hoc modo faciunt. Folia in mortario lapideo pistillo confracta macerant in aquâ purâ, cum paucâ calce, & sic rubrum hoc nascitur pigmentum, quo & caudæ equorum suorum Turcæ & Persæ eleganter tingunt &c. Denique hi duo frutices (*ligustrum Indicum* & *Alcanna*) in tanto sunt honore apud mulieres Malaicas, ut sacrilegus habeatur, qui malum de iis protulerit verbum, & semper in lotionibus, quibus utuntur in puerperiis, omnibus denique vulva morbis, ditiores, hæc planta adesse debeant. Quin & senectutem arcere dicunt, & (si auderent) mortem ipsam. Certè virtutes ejus ego nunquam satis laudare desinam, cum solius hujus nobilissimi fruticis secundum Deum sanitatem meam restitutam debeam à molestissima Paralyseos specie, qua ego per quatuor integros menses vexatus sum, fotu &c. liberatus sum, & in Nosocomio plures eodem modo liberavi. Hæc ibi Bontius.

Modum applicandi & tingendi partes corporis ornatus gratiâ apud Asiaticos, monstravit mihi Dn. Capitanei, supra memorati, conjux, qui talis est:

Pulverem illum *Kna* cum succo citri & pauculo vini prius ad spissitudinem pulmenti liquidioris permiscebat, & mixturam eam cubitum itura, applicato prius linteo, digitis circumcirca imponebat, mane, remoto cataplasmate eo, color aureus desideratus in digitis & unguibus apparebat; aliquando, cum cutis non satis colore imbuta videtur, fœminæ Turcicæ etiam secunda vice hunc processum repetunt, donec voti sint compotes: mulierculæ elegantiores & magnatum virgines loco pulveris *Kna*, cocco utuntur, quoniam *Kna* sive *Alkanna* aureum quasi colorem producere solet; coccus vero rubrum & ad carmesinum tendentem, qui color apud Asiaticos est rarior & æstimator: De hoc ornamento & Moslandini Theatrum Polit. pag. 443.

Cruore amantium ungulas tinxit

Digitumque extrema sanguineo colore aspersit.

Nam ut Orientales olim pedes, præcipuè mancipiorum venalium, gypso, calce

calce vel cretâ albâ pingebant, quod pro turpitudine, ludibrio & servitutis indicio habebatur, unde Juvenal. Satyr. 1.

Nuper in hanc urbem pedibus qui venerat albis.

Sic moderni Asiatici hanc rubram picturam manuum atque pedum non solum pro ornamento, sed & pro libertatis & lætitiæ signo habent. Nonnullas fœminas hoc pigmentum mammis etiam aliisque corporis partibus adhibere, non solum supra citatus Bellonius aliique perhibent, sed modo dicta quoque Domina Capitanea pro certo asserit, se idem sæpissimè oculis suis usurpasse. Colore hocce & apud nos variæ res imbutæ videntur, lanæ, videlicet, setæ, linteamina, & præter alia præcipuè jubæ & caudæ equorum Turcicorum: eodem & capillos (lixivio ex hoc pulvere parato) tingi solere, superius jam annotatum est; quod arcanum si nostræ (inquit *Alpinus*) mulieres agnovissent, pro deaurandis suis capillis nihil haberent, quo securius uterentur, neque sub radiis solaribus se urerent, variisquæ modis caput læderent.

Flôres atque folia recentia hujus fruticis imponunt capiti, maximè in balneo, atque in hunc usum corollas sibi conficere solent. Græcos fortasse imitantes, quos florem Cyprici corollis intorquere *Plutarchus* Sympos. l. 3. Q. 1. refert, quod placidum suavemque somnum potoribus afferat, quippe qui levem auram & mitem expiret, quæ temulentorum salebrosas asperitudines sensim leviget, ita ut conciliatâ tranquillitate hebes crapula retundatur & caloris officio percoquatur.

Ex eodem olim etiam *Unguentum* parabatur, Cyprinum dictum, quod Abdelonymus Sicyonymus Alexandro Magno misit, ut scribit Jul. Pollux l. 6. c. 19. cujus usum apud Turcas adhuc hodiè vigere, sunt qui affirmant.

Ex hoc denique pulvere cum aquâ mulsâ emplastrum conficiunt, quod pedibus ob defluxiones humidis multumque sudantibus ac foetentibus apponunt & per horam retinent; propter vim nimirum exsiccandi & adstringendi; nec habent *Ægyptii*, multorum relatione, quod magis eum effectum præstet, quam dicta medicina. Eadem aliud quoque Turcarum pedibus commodum confert; notum est quam gens ista in subditos severitatem sanè barbaram exerceat, ut vel minima delicta fustigatione puniat, plantas nempe pedum tamdiu baculis percutiendo, donec sanguis prorumpat, immo aliquando caro ab ossibus separetur, unde sic castigati per multum temporis spatium pedibus uti non possunt. Pro demulcendis tantis doloribus & discutiendis tumoribus pedes primo per mediam horam in muria detinent, deinde sæpius dictum pulverem, aquâ vel vino temperatum, superimponunt, hinc brevi dolor & tumor recedunt, moxque fustigati pedibus incedere & ambulare possunt.

VI.

PODAGRICUS DOLOR

VLADISLAO IVto

POL. ET SUEC. REGE &c.

CURATUS

per

Clariss. & Excell. Dn. D. Matthæum Littavv, Sereniss. Maj. Medicum & Secretarium.

Hic Medicus, Vir insignis, doctus & Regi suo percharus, quia in negotiis & obsequiis erga Dominum suum nunquam ultimus, maximè verò illo tempore, cum Regia Maj. intolerabili rursus dolore sinistri pedis affligeretur, & licet tum plurima tentarentur remedia, nulli tamen eorum cessit malum. Consilio itaque cum aliis suis Collegis inito, ille singularem scripto proposuit curationem, quodammodo ad imitationem Dn. D. Cnœffeli, tunc absentis, compositam. Perlectis & examinatis remediis ibi propositis, Medici præsentēs omnes unanimes curationem comprobabant: Rex verò ipse doloribus pressus & vexatus, facilè in omnia consentiebat. Dictum factum, medicamenta tam interna, quam externa fuere adhibita, ubi ex Topicis quidem aliquod levamen Rex sensit, dolor tamen quidam punctorius per intervalla rediit, donec tertio die circa mediam noctem, somno profundissimo corriperetur: dormivit sic decem horis, tandem verò expergefactus à doloribus se planè apprehendit liberum; ac vires de die in diem resumens, melius habere cœpit, ita, ut paulo post pedibus suis absque scipione insistere & iterum ad senatum accedere posset.

Brevi post finitam curationem, cum Medicus, certus jam Regem sibi perbenè velle, relciret in Lithuania, apud amicū quendam quatuordecim millia florenorum Polon. (ea verò summa thesauro Regio debebatur,) parata esse, occasione eā arreptā, à Ser. Rege omnem illam pecuniam, pro se, nunc sene exoravit. Rex primo quidem petītum hoc ad mediam partem recusavit, sequenti tamen die ex singulari clementia, maximè ob factam feliciter curationem, Medico assignationem pro totā dictā summā subseripsit. Quis latior Medico tam feliciter curanti, tam munificè ac largiter compensato?

Sed vix annus erat elapsus, ubi Ser. Rex doloribus Podagricis & quidem gra-

gravissimis iterum fuit correptus, jam medicamenta Dn. D. Littavy eludentibus, immo Topico illo magis exasperatis, sic, ut spem, in ipsis hactenus positam, modo Rex omnem cum medicina rejiceret & ad inferos prorsus condemnaret. Revocata itaque est rursus in usum medicina Cnceffeliana, ab Autore in Prussia degente, mihi transmissa quæ desideratum etiam effectum eximiè præstitit.

Cæterum, ut appareat, quæ Dn. D. Matthæi Littavy medicamenta fuerint, eorum formulas hic annexere juvat.

I.

**Aqua Antipodagrica interna cum
requisito pulvere.**

Rx. Cornu cervi phil. calc.

Antimon. fixi diaphoretici a. ʒvj.

Spir. vitrioli veneris chalybeati ʒʒ.

Santal. rubr. subtil. pulveris. ʒiv.

Pulverisatis & patinæ impositis vitreæ affunde pedetentim spir. vitr. chalyb. & in cinerum lento calore humiditatem exhalare finito, post exime & super marmore in pulverem tenuissimum terendo redige Jam

xx. Prædicti pulveris gr. xij. aqu. arthet. rad. gramin. a. ʒij.

syr. cinnamom. & violar. a. q. s. pro edulcoratione.

Misce pro potiuncula, sic pro una vice & aliis. Hæc medicina per dies continuos quadraginta, horâ octavâ matutinâ exhibenda est, vespri verò horâ quartâ, frigide. Quod si Regiæ Maj. aliò proficiscendum sit, paretur aquæ istius ea quantitas, quæ pro itinere perficiendo sufficiat; vel detur aquæ dulcoratæ mensura seorsim, & pulveres, singulis haustibus deinceps permiscendi, pariter seorsim.

2.

Topicum.

Rx. Spir. salis ammon. ʒʒ. ex ossib. hum. dest. ʒj. Aqu. urtic. simp. ℥ʒ.

Cinabr. ʒʒ. misc. & sig. Wasser zum Schmierem.

Hasce aquas ingredientia sic parabantur:

Spiritus ʒi Chalybeatus.

Rx. Spir. ʒi veneris rectific. q. v. (c. g.) ʒj

Chalybis pulveris. ʒij. Misc. in vase vitreo & capaci, & postquam stete-

rint in loco calido per 24. horas spiritus per inclinationem decantatus & filtratus fervetur in usum præscriptum.

Spiritus Salis Ammoniaci.

℞. *Salis Ammon. pulv.* ℥iiij. *Ol. Tri per deliqu. parat.* ℥viii.
Misc. & destill. ut scis, in liquorem urinosum.

Spiritus ossium humanorum.

℞. Bonam quantitatem ossium humanorum minutissimè confractorum. e. gr. ℔ij. *Tartari pulveris:* ℔j. *Qi Rom.* ℔℔.

Misc. & dest. ad latus; foetidus prodiens spiritus cum oleo, fecibus relictis superaffundendus & ut ante destillandus: Hic de novo cum regulis pulverisatis destilletur, sic prodibit albus & subpinguis, omni quasi foetore liberatus.

Hæc sunt, quæ hac vice Ephemeridibus Curiosis adjicere volui. Tu interea, B. L. qualiacunque sunt, tam benevolâ, quam gratâ manu accipe, & Fasciculum secundum, Medicamentorum videlicet, Dn. D. Cnæffeli secretiorum, brevi, in Anno VI. earundem Ephemeridum, subsecuturum, expecta.

(*WVarsovia Vratislaviâ ad Collectores Ephemeridum.*)

EPILOGUS.

BENEVOLE, HONORAN-

DISSIME QUE LECTOR!

H Aut diffidimus, Collectores Miscellaneorum Curiosorum, duos hosce in Volumine Ephemeridum congestos annos, expectationi Tuæ, ultra terminum & metam præfixam, non nihil protractæ, si non ab omni, plurimâ tamen, aut certè non minimâ ex parte satisfacturos. Tantum de Te nobis promittimus, si quidem novimus varietate rerum homines tam sæpè delectari, quam vel earum pretio. Neque tamen uni delectationi varietas ista litare, immò potius utilitati inservire debet. Completa omnibus numeris supellex ea dici non potest, ubi solum vasa & instrumenta ex gemmis & auro radiant, immò verò instructa dici meretur, in quâ nullum desideratur utensile, quod necessarium est, licet ex ignobiliore materiâ confectum. Picturas admiramur non tantum, quas Appelles aliquis Ticianusve aut Albertus absolvit, sed & quas vel primis adumbravit lineis. Nulli proinde veremur, ut quispiam ringa-

ringatur, si istæ Ephemerides æquali nitore undique non radiare, aut ejusdem soliditatis examen sustinere, aut penitissimè per textæ videri queant. Opus, quod molimur, certè non unius aut paucorum annorum pensum est, sed quod plura ante hoc, sæcula non potuerunt absolvere: Sufficiat, si indies particulam de eo, quod Antecessores rude reliquerunt, expolire tentemus; nec vitio quis vertet nostro sæculo, si idem nepotibus suis materiam præbeat, quo illi etiam acumen ingenii exerceant. Verum quò minus Temoremur, B. L. verborum facto compendio, æquitati Tuæ confidimus, ut homo existens, humanitatis privilegium nemini hominum anceps facias aut deneges; quin & memineris, Collectores Miscellaneorum Curiosorum hætenus in se suscepisse spartam Observata & Meditationes Eruditorum Medicorum cogere, sibi censuræ rigidioris usque adeò neutiquam arrogare arbitrium, quippe quod Tuæ potius judicii *ἀρετὴ* modestè decenterque delatum relinquere malint. Quod Appendici tractatuli aliquot curiosi, antehac divulgari licet, denuo typis exscripti, inserti sunt, ægrius B. L. haut ferēs, ejus enim rei privatæ & prægnantes sunt causæ, hîc prolixitatem evitaturis, silentio transiliendæ. Quod si tamen adverteris, eodem tractatulos ab Academiæ Nostræ Collegis conscriptos, eidemque dedicatos, non incongruum existimabis, quod Academia honorem sibi facientibus, gratitudinis sic vicissim exstare constituit monumentum. Neque tamen in gratitudinis de illa præjudicium vergat, protestandum est, quod quædam ejusdem notæ & farinæ scripta huc non relata sunt, cum sic (ne aliæ allegentur causæ) moli suæ paulò ampliori Ephemeridum præfinita angustia capiendæ vix fuerat. Itaque ut iniquior forte de Collectoribus sensus opportunè præsecetur, Benevoli ejusmodi Scriptorum Autores humanissimè rogandi sunt, ut ea, quæ in Ephemeridibus exstare cupient, haut gravatim ante communiceant, quam alibi impressa divulgentur. Sic fiet, ut (de quo jam tum aures vellicantur) erga neminem illi injurii, neminique graves audiant, utriusque enim culpæ labem seriò detestantur, remotissimamque a se esse contendunt.

Præterea sunt quædam, quæ speciatim tum ad Clarissimos Dn. D. Communicatores, tum ad Collectores spectant, in gratiam & illorum & suam ipsius, quin etiam B. L. haut dissimulanda.

Imprimis verò *Autorem* ingeniosissimum *Tumbæ Semiramidis* scire juvet, tractatulo isti suo secundum recuso, perperam subscriptas esse literas H. V. D. errore nescio an præcipitantia Typographi, qui cum ex novello tractatulo lucrum, nec ideò iniquum, captaret, atque exemplar Viro cuidam celeberrimo, ab Amico (qui ipsemet idem exemplar ab alio mutuo

sumferat,) Vratislaviâ Lipsiam transmissum accepisset, frontique (at tantum pennâ) subscriptas literas H. V. D. conspicatus esset, non possessoris hinc nomen agnovit, immò verò protinus Autorem dictis literis designari, adeoque easdem jure exprimi debere, ratus est. Quo certius itaque apud Te, Autor celeberrime, suspicio deleatur, ullas hîc subesse insidias furtivè tuo nomini aut famæ structas, neve L. B. eum Autorem putet, qui nunquam per somnium de tam absurdâ stultitiâ, ut alienis plumis superbire cuperet, cogitavit, illam hic una cum indicatis expungere oportuit.

Theses de Spiritu Mundi ab Anonymo quodam, sed Viro doctissimo, fortasse magis pro suo, quam aliorum usu conceptas atque concinnatas, ab Amico vero rei chymicæ studiosissimo communicatas, Appendici Ephemeridum insertæ sunt, non alia intentione, quam labyrintho illi, in quâ non pauci pererrare conspiciuntur, filum tandem Ariadneum vel appendendi, vel inveniendo.

Quo minus ergo, quisquis es, Autor eruditissime, istas Tuas Theses subreptas Tibi, quia Te incio editas, conquerare (siquidem vitâ usque dum frueris, quâ Te diutissimè commodissimeque frui optamus,) veniam factæ editionis a Te publicis hisce literis exoratum venimus. Insuper, Vir Honorande, obliquioribus noli intueri oculis, Responsionem, quam laudatis Thesisibus annexam conspicias, quia nullâ acrimoniâ adpersam percipies; immò verò in mentem revocato, quod ex placido dissensu magis amicitiae integritas, quam ex adulantium assensu veritatis studium elucescat. Nec Te, Colendissime Cnœffeli, Celebratissimi Patruelis Tui non degener nepos, malè de Te actum putes, quod Responsio illa, in Amici gratiam conscriptam & privatæ ejus meditationi concessam, Te haut jubente, publici nunc juris facta est, non alio, quod sedulò & sanctè iterum contestamur, quam proximo inserviendi & veritatem allestandi, nequaquam lites ferendi animo.

Uterque verò, Viri Eruditissimi, pensitare velitis, perquam honestam esse contentionem pro veritate initam. In istâ enim arenâ, ut vincere omnino pulcrum est, sic vinci ne utiquam opprobrio: quippe agonem (intra placiditatis & modestiæ metam decertatum) utriusque suum manet præmium, victoriæ hinc gloria, isthinc usus.

Quod restat VOBIS, VIRI Eruditionis non minus, quam Artis excellentiâ admirandi atque celebrandi, qui Academiæ Naturæ Curiosorum Vestra hucus.

hucusque inscribere dedicare donareve opuscula dignati estis, justissimas atque maximè honorificas, Collectores Ephemeridum, laudatæ Academiæ jussu ac sensu persolvimus gratias, quoad nempe Vestra, Fautores optimi, beneficia ac merita, h. e. amor Academiæ, ejusque incrementa firmandi promovendique studium animo grato prosequi possunt, cum re ipsâ haut queant. At si virtus sibi met pulcherrimum præmium, vos virtutis manet certissimum amplissimumque redhostimentum. Nihilominus dum singula Academiæ membra, suam quodque pro virili debere Vobis profitentur observantiæ servitiorum, amorisque sedulitatem (quam & Collectores Ephem. speciatim & prolixè pollicentur,) dubio procul universæ experiemini gratitudinem Academiæ: quam ut perpetuo vestro favore prosequamini, quâ par est humanitate, vos obsecramus, etiam atque etiam rogamus.



[The page contains faint, illegible handwriting, likely bleed-through from the reverse side.]

